



BIBLIOTECA NAZ.
Vittorio Emanuele III


XXIV

D

33

NAPOLI





2

THEOLOGIA

NATURALIS, METHODO SCIENTIFICA PERTRACTATA.

PARS POSTERIOR,
QUA



EXISTENTIA ET ATTRIBUTA

DEI EX NOTIONE ENTIS

PERFECTISSIMI ET NATURA ANIMÆ
DEMONSTRANTUR,

ET

ATHEISMI, DEISMI, FATALISMI,

NATURALISMI, SPINOSISMI ALIORUMQUE

DE DEO ERRORUM FUNDAMENTA
SUBVERTUNTUR.

AUTORE

CHRISTIANO WOLFIO,

POTENTISS. BORUSS. REGIS, CONSILIARIO INTIMO, ACADEMIÆ
FRIDERICIANÆ PRO-CANCELLARIO, JURIS NATURÆ ET GENTIUM AC MATHEMATUM
PROFESSORE ORDINARIO, PROFESSORE PETROPOLITANO HONORARIO, ACADEMIÆ
REGIÆ SCIENTIARUM PARISIENSIS, SOCIETATUMQUE REGIARUM BRITANNICÆ
AC BORUSSICÆ MEMBRO.

EDITIO SECUNDA PRIORI EMENDATIORE,
CUM PRIVILEGIIS.

FRANCOFURTI & LIPSIAE, MDCCXXXI.
PROSTAT IN OFFICINA LIBRARIA RENGIERIANA.

EMINENTISSIMO CARDINALI
ANDREÆ HERCULI
DE FLEURY,
REGIS CHRISTIANISSIMI MINI-
STRO STATUS PRIMARIO,
REGINÆ ELEEMOSYNARIO
MAGNO,
ANTEHAC
REGIS PRÆCEPTORI,
ACADEMIÆ REGIÆ SCIENTIARUM
MEMBRO HONORARIO,
MECÆNATI ET SCIENTIARUM PROTECTORI
SUMMO.

EMINENTISSIME CARDINALIS



Non datur sublimior philosophia, quam quæ summas Numinis supremi perfectiones & quomodo in eo, ex eo & per ipsum sint omnia evidenter demonstrat & profanas hominum de DEO ac religione cogitationes ex eorum animis

DEDICATIO,

mis funditus extirpat. Utrumque mihi propositum fuit in hoc opere. Etenim quæ DEO tribuenda sint, ex notione entis perfectissimi & natura animæ nostræ deduco, ac fundamenta Atheismi, Deismi, Fatalismi, Naturalismi, Spinosismi aliorumque de suprema Numinis Majestate minus recte sentientium errorum subverto. Nemo est qui nesciat atque admiretur amplissimas, quibus EMINENTIA TUA eminet, virtutes, in quas dum totius Europæ oculos convertisti, dum negotia publica sapientia & prudentia summa in salutem Gentium perfecisti, in felicitatem generis humani pronissimus pacisque studiosissimus. Enimvero non minor animo TUO sedet cura sincerum

DEDICATIO.

DEI cultum contra religionis omnis hostes tuendi & scientiam generi humano utilem promovendi, ejusque cultores protegendi Non est quod in laudes EMINENTIÆ TUÆ excurram. Neque enim solum iis pro dignitate extollendis me longe imparem sentio; verum etiam tantam TUAM esse humilitatem probe novi, ut præclara agere ac de omnibus optime mereri, quam laudari malis. Heroibus enim virtutis hoc proprium est, ut applaudentibus summo merito in univ-
ersum omnibus sibi soli diffidant, tanto majores futuri, quanto sibimet ipsi videntur minores. Rara nimirum hæc virtus ceteras omnes extollit omnibusque magis conspicuas reddit ac in sui admirationem ani-

DEDICATIO.

animos acumine utentium rapit. TUÆ igitur EMINENTIÆ non displiciturum confido, quod opus hoc Theologiæ naturalis firmandæ ac tuendæ religioni naturali unice destinatum Tibi humillima ac venerabunda mente offeram, ut ex nomine Tuo suum mutuetur splendorem. Cartesius, fulgens istud Galliæ sidus, ex no-
tione entis perfectissimi existentiam Numinis supremi demonstrare aggressus est; sed foetum in partu destituit. In Germania igitur educatus in patriam redit & EMINENTIÆ TUÆ protectionem quaerit. Quod si eum gratioſo vultu exceperis, de quo sibi gratuletur habebit. DEUS autem T. O. M. senectutem Tuam per plurimos adhuc annos vegetam esse jubeat,

DEDICATIO.

beat, ut Europa universa consiliorum prudentissimorum, & scientiarum ac bonarum literarum cultores patrocinii gravissimi fructus longe uberrimos percipiant. Ego me tanto feliciorem existimo, quod tanto Mecænate mihi peregrino uti detur, qui ad cineres usque futurus

EMINENTIÆ TUÆ

Clientis humillimus

CHRISTIANUS WOLFILIS.



PRÆFATIO.



Quidem in Parte prima integrum systema Theologiæ naturalis exhibuimus, ut nihil addi posse videatur: hoc tamen non obstante partem alteram superaddere consultum duximus, in qua non modo in prima tradita aliter demonstrantur, verum etiam alia, quæ ibidem frustra quæfiveris, eaque scitu necessaria & ex parte sublimia, accedunt. Etenim in parte prima existentiam & attributa divina, quæque independent, demonstravimus ex contemplatione mundi hujus adspectabilis & hujus a DEO omnimodam dependen-

b

tiam

PRÆFATIO.

tiam clarissime evicimus. Enimvero in parte hac altera existentiam DEI demonstramus ex notione entis perfectissimi, & attributa ejus deducimus ex contemplatione animæ nostræ. Hæc demonstratio vulgo a priori fieri ducitur, propterea quod existentia DEI necessaria ex ipsa ejus definitione, nimirum quod sit ens perfectissimum, infertur. Enimvero cum constare nequeat, quale sit ens perfectissimum, nisi quatenus ex realitatibus, quæ insunt animæ, colligas attributa divina, DEO nimirum illimitatas tribuendo, quæ in ipsa limitatæ deprehenduntur, & per modum actus, quæ per modum facultatum insunt; rectius dici poterat, existentiam DEI hoc pacto ex contemplatione animæ demonstrari. Neque enim dici potest demonstratum, quod existat DEUS, qualem auctoritate sacrarum literarum permoti veneramus, nisi evincatur, competere ipsi attributa, quæ eidem in Scriptura Sacra tribuuntur. Exemplo suo hoc docere potest eos, qui hebetiores sunt, quam ut veritatem perspicere possint, *Spinoza*. Hic enim admittit DEUM esse ens perfectissimum & hinc necessariam ejus existentiam

PRÆFATIO.

sententiam concludit. Quoniam tamen ens perfectissimum non iis attributis vestitum concipit, qualia inculcat Scriptura Sacra, quin potius impia audacia contendere non erubescit, DEVM sese revelasse talem auctoribus sacris, qualem sibi eundem imaginabantur, ita ut ex sacris literis nihil præclari de DEO addisci possit; nemo non est Theologorum ac recte sentientium Philosophorum, qui non fateatur, hominem profanum existentiam DEI negasse, ipsumque atheismi reum postulet. Ex notione igitur entis perfectissimi existentiam veri Numinis demonstrare idem est ac eandem ex contemplatione animæ nostræ derivare, sicque demonstratio non minus a posteriori procedit, quam si ex contemplatione mundi hujus adspectabilis derivatur, quemadmodum parte prima fecimus. Vidit hoc pro acumine suo prorsus singulari, quod quo quis acutior, eo magis suspicere tenetur, D. Thomas: unde asseruit, existentiam DEI a priori demonstrari non posse. Ejusdem Doctoris summi luminibus usi non sumus entis perfectissimi existentiam necessariam demonstratam, nisi possibilitate

PRÆFATIO.

ejus evicta, atque adeo robur addidimus argumento, quo destituebatur. Dum vero notionem entis perfectissimi per arbitriam determinationem formavimus ex notione animæ nostræ & ejus possibilitate adstructa ex hujus contemplatione deduximus attributa divina, ut liquido constaret ens perfectissimum non dici, sed esse DEUM; fidem occultatam dedimus, quod aliud argumentum demonstrandi existentiam DEI alias postulet attributorum divinarum demonstrationes, ut prodeat systema Theologiæ naturalis veri nominis & existentia veri DEI demonstrata dici possit. Unde apparet, in eodem systemate argumenta pro existentia DEI nec cumulari posse, nec debere. Et si autem opus non sit unam eandemque veritatem pluribus modis demonstrari, cum una, si rite sese habeat, assensui extorquendo sufficiat; non tamen inconsultum est existentiam DEI cum attributis ipsius variis modis demonstrari, sicque diversa Theologiæ naturalis systemata adornari, propterea quod nonnulla uno modo facilius patent, quam altero. Ita ubi existentia DEI ex notione entis perfectis.

PRÆFATIO.

etisimi demonstratur, attributa divina multo facilius colliguntur, realitates, quæ animæ nostræ insunt, ab omni limitatione liberatas DEO per modum actus tribuendo, quam si ex contingentia universi inferretur: ut taceam alia, quæ attento lectori, ubi illa systemate parte prima contento versatus fuerit, per se patebunt. Ut vero etiam constet de accessionibus systemati in hac parte altera factis, unam vel alteram commemorari opus est. Originem idearum in intellectu divino prorsus a priori ex ipsa natura atque essentia divina deduximus, & per eam essentiarum necessitatem ac independentiam a voluntate divina in meridiana luce collocavimus, ut de ea dubitare non possit, nisi qui cœcutire velit. Per eandem evidentissimum est quomodo veritas omnis sequatur ex DEO vi principii contradictionis atque rationis sufficientis, ut in dubium revocari minime possit, in duobus hisce principiiis omnium rerum cognitionem terminari & ab iis omnem cognitionis certitudinem pendere, consequenter notiones ontologicas per ea sufficienter explicari. Ortum compositi ex simplici, seu eo, quod

PRÆFATIO.

compositum non est, prorsus a priori stabilivimus, & quomodo in DEO, ex Deo & per DEUM sint omnia clarissime docuimus. Atque hoc pacto ideæ systematicæ vere philosophici, in quo omnis rerum cognitio prorsus a priori ex ipsis attributis divinis, tanquam primis possibilibus, per rationes ultimas derivatur, possibilitatem demonstravimus, quale ad perfectam cognitionem, quæ ad divinam propius accedit, requirijam olim insinuavimus, cum Logicam Germanico idiomate conscriptam & nuperrime in Gallicam translatam ederemus. Hoc vero systema posterorum felicitati reservatum est, siquidem nostra methodo philosophari voluerint. Quamvis enim quoad Metaphysicam & Philosophiam practicam universam nobis in potestate sit; non tamen uni omnia agere vacat. Philosophia autem naturalis multis adhuc auxiliis indiget, antequam opus tam arduum non invita Minerva aggredi datur. Non deerit forsan occasio mentem nostram ea de re clarius exponendi: neque enim paucis hoc fieri potest. Ceterum in hac ipsa quoque parte altera abunde satis docuimus, quan-

PRÆFATIO.

quantum de Deo humano more loqui detur, ne in anthropomorphismum subtilem incidamus, sed notionum puritas integra conservetur. Equidem a refutandis aliis quam longissime abufum, & pro certo teneo, veritate evicta errores eidem contrarios sua sponte in fumum abire, ita ut sibi ab iisdem metuere non debeat, qui illam animo comprehendit; non tamen una fuit ratio, cur errores veritati Theologiæ naturalis oppositos in altera hac parte confutaverim. Neque enim, quantum fufficit, eos a se invicem distinguunt, quotquot in iis oppugnandis & aliis imputandis operam suam collocant. Unde contingit eos minus recte in hoc negotio verfari, fed multiplici confusione perplexos ea proferre, quæ vel non satisfaciunt, vel ad rem minime faciunt, & non uno modo aliis sefe præbere iniquos, immo in alios injurios fieri. Constat præterea famosissimum illum rixatorem, qui in calumniis & convitiis præsidium omne collocat, definenter vociferari, quasi systema nostrum ad atheismum, Deismum, Fata- lismum & Spinofismum, immo Epicurcismum & nescio

PRÆFATIO.

nescio quos non errores alios perniciosissimos ducat, quibus tamen omnibus e diametro oppositum nemo sanus in dubium vocare aufit. Nostrium igitur esse duximus atheismum, ignorantiam DEI simplicem, Scepticismum ad DEUM extensum, Fatalismum non minus universalem, quam particularem, Deismum, Naturalismum, Anthropomorphismum tam crassum, quam subtilem, Materialismum, Idealismum, Paganismum, Manichæismum, Spinosismum & Epicuræismum ad notiones determinatas revocare & ex systemate nostro confutare citra ullius injuriam, a qua aliis inferenda naturali quodam horrore abducimur. Atque sic tandem, quæ DEI gratia est, ad colophonem perduximus integrum Metaphysicæ opus, in sex volumina distributum, Ontologiam scilicet, Cosmologiam, Psychologiam empiricam, Psychologiam rationalem & duas Theologiæ naturalis partes, quarum nunc in publicum prodit altera. Enimvero unicum adhuc superest, quod silentio minime prætereundum, nisi in providentiam divinam injurius esse velim. Dum in hac altera Theologiæ natu-

PRÆFATIO.

naturalis parte causam DEI adversus atheos, Scepticos, Fatalistas, Deistas, Naturalistas, Spinosistas aliosque veritatis adversarios egi; DEUS quoque adversus eos, qui infesto in me sunt animo, causam meam fortiter egit. Providentiæ enim ipsius specialis, cujus multiplicia eaque prorsus singularia hucusque expertus sum documenta, unice tribuo, quod jurati illius, non dicam mei, sed veritatis & omnis cognitionis solidæ atque virtutis infucatæ hostis novamolimina irrita esse jusserit. Cum enim querelas tuas injustas coram ad Regem Borussiæ deferret ac omne virus in me atque philosophiam meam evomeret, in faciem ipsi contradicente viro & generis pro sapia, & dignitate, & doctrina eminente; Rex tandem eo adductus est, ut accusationes scripto committi easque mecum communicari juberet. Ego nullus dubitavi ad imputationes malè fanas reponere ea, quæ veritatis meique defensio imperabat. Attequam vero hoc fieret; Theologus quidam gravis, cui scriptum adversarii Rege permittente datum fuerat,

jama

PRÆFATIO.

jam prædixerat quid responsurus essem, prædictionis veritatem eventu comprobante. Jussit Rex, ut quatuor Theolgi doctrinæ ac virtutis laude conspicui dicerent sententiam: qui cum sæpius in ædibus viri cujusdam Perillustis, Ministri Status intimi, qui ipsis Præles datus fuerat, convenissent & acculationes adversarii cum meis responsionibus atque scriptis contulissent, concordiam tandem sententia me absolverunt, additis contestationibus, quemadmodum Rex jusserat, se coram facie Ecclesiæ omniumque hominum veritatis ac honestatis amantium aliter pronunciare non posse, nisi in Majestatem Regis ipsamque Numinis summi Majestatem supremam injurii esse velint ac conscientiæ suæ rationem habere nolint. Dum hæc aguntur, Theologus quidam alius eorum omnium ignarus, qui olim Halæ & meus, & adversariorum meorum fuerat auditor, sine omni partium studio odii plus quam Vatiniani adversus me concepti causas publice exposuit. Scripta huc spectantia non minus Germanico, quam Galli-

PRÆFATIO.

Gallico idiomate publicæ luci exposita sunt, memoriam tantæ rei apud posteros conservatura. Quemadmodum vero confidimus, cognitionem DEI naturalem ultra limites, quibus hætenus coerceretur, a nobis fuisse promotam ac plenissima luce perfusam; ita nil quicquam magis in votis habemus, quam ut tandem veritas in omnium animis triumphet, ut a dubitationibus & erroribus immunes veritatisque convicti verum Numen sincera mente colant! Absoluto jam opere metaphysico universæ philosophiæ practicæ tam theoriam, quam praxin eadem methodo trademus, si DEO ita visum fuerit: quarum illa Juris Naturæ & Gentium systema comprehendet, hæc prudentiæ moralis atque civilis præcepta suppeditabit, ut recti, justî, æqui atque honesti studium amplificetur. Patebit autem, quam sit necesse Metaphysicam omnem animo probe comprehendî ut hic in luce verferis ac virtuti honos decusque suum constet. Quotquot igitur scientia utilissima, juvat, in metaphysico opere interea temporis assidui

PRÆFATIO.

dui sint, nec suam defatigari patiantur patientiam:
ita nullus dubito fore, ut uberrimos ex philosophia
practica percipiant fructus. Dabam Mar-
burgi Cattorum d. 17. Aprilis.

A. O. R. 1737.





THEOLOGIAE NATURALIS

P A R S II.

SECTIO I.

QUA

EXISTENTIA ET ATTRIBUTA

DIVINA A PRIORI DEMONSTRANTUR.

CAPUT I.

De Notione Entis perfectissimi & ejus Existentia.

§. I.



Impossibilia dicuntur, quae una eidem *Compositum definitum* subiecto inesse possunt.

Ita intellectus & voluntas insunt *tio.*

simul animae nostrae, atque adeo eidem subiecto inesse posse intelliguntur (§. 170. *Ontol.*). Sunt igitur composita. Cor & ventriculus tanquam partes ingrediuntur structuram internam corporis animalis, atque

adeo denuo eidem subiecto inesse posse intelliguntur (§. cit.).
(Wolffii Theol. Nat. P. II.)

A

Sunt

Sunt igitur compossibilia. Quænam sint compossibilia, vel a posteriori, vel a priori cognoscitur. Ita modo agnovimus a posteriori, intellectum & voluntatem, cor item atque ventriculum esse in numero compossibilem. Sed cum in Geometria demonstratur triangulum æquilaterum esse æquiangulum (§. 186. *Geom.*); a priori patet, æqualitatem laterum & angulorum simul figuræ triangulari convenire, adeoque non repugnare ut figuræ latera & anguli simul æqualia sint, consequenter æqualitatem laterum & angulorum esse in numero compossibilem.

§. 2.

Compossibilitas essentialium,

Quoniam essentialia sibi mutuo non repugnant (§. 143. *Ontol.*), atque ideo possibile, ut simul enti insint (§. 85. 142. *Ontol.*); *essentialia entis compossibilia sunt.*

Cum essentia corporis organici in structura ejusdem consistat (§. 276. *Cosinol.*); cor & ventriculus, quæ partes structuram internam corporis humani ingrediuntur, sunt in numero essentialium ejusdem. Sunt vero etiam in numero compossibilem (*not. §. 1.*). Pater adeo essentialia corporis humani esse compossibilia.

§. 3.

Essentialium, attributorum & modorum compossibilitas.

Et quia essentialia entis ab eo nunquam abesse possunt (§. 300. *Ontol.*), attributa vero eidem similiter constanter insunt, modi vero istis simul inesse possunt (§. 150. *Ontol.*); *essentialia, attributa & modi cujuscunque entis in numero compossibilia sunt (§. 1.).*

Quia in philosophia id agimus, ut in essentialia entium inquiramus, & ex iis attributa eorum demonstremus, simulque ostendamus, sub qua conditione seu quibus positis modi quidam iisdem convenire queant; compossibilitatem ibidem cognoscere studemus, tam absolutam, quæ essentialium & attributorum est, quam conditionatam, quæ essentialium & modorum, itemque attributorum & modorum.

§. 4.

De Notione Entis perfecti. & ejus Exist. 3

§. 4.

Quoniam denique impossibilia existere seu actu esse *Possibilitas*, nequeunt (§. 132. *Ontol.*), compossibilia vero una eidem *absoluta* subjecto inesse possunt (§. 1.); *compossibilia in se spectata* *compossibi-* non sunt impossibilia, adeoque *possibilia* (§. 85. *Ontol.*). *lium.*

Antequam igitur quæiveris, num quæ compossibilia sint, necesse est ut constet, ea in se spectata possibilia esse. Possibilitatem absolutam & compossibilitatem possibilem in se spectatorum talium probe concipere maximi momenti est in philosophia. Sane per compossibilitatem possibilem, quæ in se spectata talia sunt, non modo constituuntur entia particularia, sed integræ rerum series, quæ mundorum nomine veniunt (§. 48. *Cosmol.*), & per compossibilitatem intelligitur, cur non quævis eidem subjecto inesse possint, nec ipsæ rerum series sint prorsus arbitrariæ, ne omnipotentia Dei ad impossibilia extendatur: quod nosse quanti momenti abunde paret per ea, quæ in systemate Theologiæ Naturalis, quod parte priore exhibuimus, demonstrantur.

§. 5.

Realitatis nomine hic nobis venit, quicquid enti *Realitas* alicui vere inesse intelligitur, non vero per perceptiones *quid dicatur.* nostras confusas inesse videtur.

E. gr. intellectum animæ nostræ vere inesse intelligimus: est igitur quædam realitas. Ast colores, quemadmodum primus in genere ostendit *Cartesius*, objectis tales non insunt, quales per imagines nobis exhibentur, sed tantummodo propter confusas, quas de iis habemus, perceptiones inesse videntur. Realitates igitur non sunt, etiam corporibus insunt realitates, quarum multiplici confusione a percipiente finito facta accidit, ut inesse videantur. Qui in Psychologia rationali non desiderari passus est diligentiam suam; bene intelliget, quæ dicuntur: ceteri in tenebris sua culpa versantur. Realitas hic opponitur phænomeno. Phænomenon enim dicimus, quicquid sensui obviū conspici-

ecipitur (§. 225. *Cosmol.*), adeoque tale, quale percipitur, ob-
jecto non inest, sed tantummodo inesse videtur, etsi insint
alia, quorum multiplici confusione nascitur in anima idea
sensibilis (§. 98. 97. *Psychol. rat.*), seu phaenomeni (§. 225.
Cosmol.). Phaenomena a realitatibus distingui plurimum in-
terest, ne circa notionem entis perfectissimi menti nebulae
offundantur. Non tamen adeo facile est, ubi acumen suffi-
ciens tibi nondum comparaveris. Exempli loco esse possunt,
quae de extensione (§. 226. *Cosmol.*) & vi inertiae (§. 298.
Cosmol.) atque motrice phaenomenis (§. 296. *Cosmol.*) & de
modo, quo horum phaenomenorum idea in anima nascitur,
demonstravimus (§. 103. 108. 109. *Psychol. rat.*): id quod ad
differentiam mundi sensibilis & intelligibilis inspiciendam fa-
cit (§. 202. & seqq. *Part. I. Theol. nat.*).

§. 6.

*Entis perfe-
ctissimi defi-
nitio.*

Ens perfectissimum dicitur, cui insunt omnes realitates
compossibiles in gradu absolute summo.

Circa hanc definitionem unum alterumque monendum
venit, ut recte intelligatur. Primum itaque notandum est,
non hic attendi modum, quo realitas aliqua enti perfectissi-
mo insit; sed sufficere ut insit, quomodocumque tandem
insit. Constat nimirum, alia enti inesse formaliter, veluti
intellectus animae nostrae (§. 266. 275. *Psych. empir.*); alia non
nisi per eminentiam (§. 845. *Ontol.*), veluti sensus (§. 1096.
part. I. Theol. nat.), imaginatio (§. 1098. *part. I. Theol. nat.*),
memoria (§. 1099. *part. I. Theol. nat.*) & affectus Deo (§. 1104.
part. I. Theol. nat.). Nobis itaque perinde est, siue realitas
aliqua enti perfectissimo insit formaliter, siue per eminen-
tiam. Ac ideo simpliciter dicimus enti perfectissimo inesse
omnes realitates compossibiles, non definito modo, quo
insunt. Notandum praeterea, dum dicimus, realitates
omnes compossibiles inesse enti perfectissimo, nos non ne-
gare, quod simpliciter insint omnes. Consulto tamen su-
mimus, realitates, quae insunt enti perfectissimo, com-
possibiles esse debere, ne possibilitatem entis perfectissimi de-
monstra-

De Notione Entis perfecti. & ejus Exist. 5

monstraturi, antequam id fieri possit, realitatum omnium compossibilitatem evincere teneamur, atque hoc pacto præter necessitatem ipsam demonstrationem possibilitatis entis perfectissimi difficultatibus tantum non insuperabilibus obnoxiam reddamus & lectoris attentionem defatigemus atque acumen quasi studio obundamus. Etenim realitates a phaenomenis distinguere difficile est & singulare ad hoc præstandum requiritur acumen (*not. §. 5.*). Nec minus difficile inire numerum omnium realitatum, ita ut demonstrare possis nullam a te fuisse prætermittam. Sufficit itaque ut constet, si quam realitatem agnoscis & eam aliis non minus cognitis compossibilem demonstrare vales, eam *enti* perfectissimo tribuendam esse sive formaliter, sive per eminentiam. Quodsi enim realitatum omnium compossibilitatem demonstrare possis, omnis quoque realitas simpliciter enti perfectissimo tribuetur. Quamdiu vero ignoras, utrum omnes omnino sint compossibiles, nec ne; in dubio saltem relinquitur extra præjudicium veritatis, num omnis simpliciter eidem tribui possit, an quædam separanda veniat. Atque hoc pacto non opus est ingredi discepcionem, utrum quid recte in numerum realitatum referatur, an inter phaenomena potius referri debeat. Denique cum *ens* perfectissimum contineat omnes realitates compossibiles in gradu absolute summo, ultra quem nihil amplius concipi, immo ne fingi quidem potest; nemo non videt *ens* perfectissimum a nobis dici absolute, non comparative, quemadmodum doctissimus omnium dici solet, qui ceteris comparatus doctior, etsi simpliciter non repugnet esse alium, cum quo non instituitur comparatio, doctiorem.

§. 7.

Ens perfectissimum prorsus illimitatum est. Quicquid *Ens perfectissimum illimitatum.*
enim enti perfectissimo inest, id gradum habet absolute summum (§. 6.), adeoque majus eodem concipi nequit. Quamobrem cum limitatum esse non possit, quo majus concipi nequit (§. 825. *Ontol.*); *ens* perfectissimum prorsus illimitatum est.

A 3

Idem

Idem etiam ostenditur per indirectum. Ponamus ens perfectissimum esse limitatum, seu, quod perinde est, ea quæ ipsi insunt esse limitata, neque enim ens limitatur nisi quoad ea, quæ ipsi insunt. Quoniam limitatum est id, quo majus concipi potest (§. 825. *Ontol.*); realitatibus, quæ enti perfectissimo insunt, majores concipere licet. Non igitur insunt in gradu absolute summo. Quod utique absurdum (§. 6.).

Hinc *Cartesius* in Responsionibus ad objectiones secundas in Meditationes metaphysicas rationes Dei existentiam probantes more geometrico dispositurus *def.* 8. p. 86. ens perfectissimum definit per substantiam, in qua nihil plane concipimus, quod aliquem defectum sive perfectionis limitationem involvat.

§. 8.

*Limitum
excluso ex
notione en-
tis perfe-
ctissimi.*

Quoniam *ens perfectissimum* prorsus illimitatum est (§. 7.); *omnis* quoque *limitis expertus est*, seu *nulli prorsus in ente perfectissimo dantur limites.*

Corollarium hoc per immediatam consequentiam fluit ex propositione præcedente, cum illimitatum dicatur, quod limitibus caret, sua in quo nulli prorsus limites dantur, aut cui non insunt determinationes limitibus circumscriptæ. Mox eodem utemur in demonstranda possibilitate ac immutabilitate entis perfectissimi. Atque ideo ipsam apponi consultum duximus, etsi sub propositione præcedente satis manifeste contineatur.

§. 9.

*Immutabili-
tas entis per-
fectissimi.*

Eus perfectissimum est prorsus immutabile. Etenim in ente perfectissimo nulli prorsus dantur limites (§. 8.). Quamobrem cum nonnisi limes sit, quod in ente mutari potest (§. 827. *Ontol.*); in ente perfectissimo nil quicquam datur, quod mutationi ulli sit obnoxium. Est igitur prorsus immutabile. Idem

Idem etiam sic ostenditur. Ens perfectissimum continet omnes realitates compossibiles in gradu absolute summo (§. 6.). Quamobrem cum realitates compossibiles sint, quæ una eidem subjecto inesse possunt (§. 1.); omnes realitates, quæ eidem inesse possunt, actu insunt, consequenter fieri nequit, ut alia, quæ non inerat, jam in-existentibus superaccedat, vel in locum alterius succedat, consequenter quia ens immutabile est, si in eo nihil insit, pro quo aliud substitui possit, iisdem manentibus ceteris, quæ eidem insunt, neque etiam iisdem non repugnantibus aliquid accedere queat (§. 291. *Ontol.*), ens perfectissimum quoad realitates, quæ ipsi insunt, immutabile est. Enimvero realitates insunt in gradu absolute summo (§. 6.) & quidem per essentiam *per hypothesin*, adeoque immutabiliter (§. 300. *Ontol.*), ut scilicet gradus absolute summus semper subsistat, nullo alio minore in ejus locum succedente (§. 291. *Ontol.*). Est igitur ens perfectissimum etiam immutabile quoad gradum realitatum inexistentium. Quamobrem cum mutatio alia præter eas, quæ vel quoad gradum realitatum, vel quoad ipsas realitates accidunt, ne fingi quidem possit; per ipsam essentiam suam ens perfectissimum prorsus immutabile est.

Demonstrationem posteriorem addimus in gratiam eorum, qui principiorum ontologicorum non sunt satis gnari: videtur enim clarior, etsi sit prolixior.

§. 10.

Ens perfectissimum est infinitum. Est enim prorsus *Infinitudo* immutabile (§. 9.). Quamobrem cum ens immutabile sit, *entis per-* in quo nihil inest, pro quo aliud substitui potest, iisdem *seclisunt.* manentibus ceteris, quæ eidem insunt, & si iisdem, quæ insunt, non repugnantibus nihil superaccedere potest (§. 291. *Ontol.*); quæcunque enti perfectissimo actu inesse possunt,

possunt, in eo omnia simul sunt. Enimvero ens illud infinitum est, in quo omnia simul sunt, quæ eidem actu inesse possunt (§. 838. *Ontol.*). Ens igitur perfectissimum infinitum est.

Idem etiam ex ipsa definitione entis perfectissimi offenditur hoc modo. Ens perfectissimum continet omnes realitates compossibiles (§. 6.), consequenter cum compossibiles sint, quæ una eidem inesse possunt (§. 1.); realitates omnes, quæ eidem inesse possunt, simul actu insunt. Insunt autem realitates omnes in gradu absolute summo (§. 6.), consequenter cum ultra gradum summum nihil istarum realitatum sit conceptibile, immo ne fingi quidem possit; quicquid earundem realitatum enti perfectissimo inesse potest, id omne simul actu inest. Quoniam itaque ens istud infinitum est, in quo omnia simul sunt, quæ eidem actu inesse possunt (§. 838. *Ontol.*); ens perfectissimum infinitum est.

Non mirum est ex ipsa definitione entis perfectissimi infinitudinem immediate deduci: etenim prior demonstratio in definitionem ita resolvitur, ut posteriorem quasi involvat. Nimirum in priore infinitudo inferitur ex immutabilitate, sed immutabilitas derivata est ex carentia limitum (§. 9.), limitum vero carentia ex summo realitatum inexistentium gradu (§. 7.), qui in definitione sumitur (§. 6.).

§. 11.

*Qualis sit
gradus ab-
solute sum-
mus reali-
tatis.*

Gradus absolute summus realitatis excludit omnem defectum. Si negas: includat aliquem realitatis defectum. Potest igitur eadem concipi major, nimirum in quo adest, quod deficere supponitur. Cum maximum non fit, quo majus concipi potest; non erit gradus absolute summus, qui sumebatur: quod quia absurdum est, gradus absolute summus realitatis omnem defectum excludit.

Quoniam hoc principio sæpe utemur, etsi per se evidens citra probationem assumi poterat; idem huc apponere visum est.

§. 12.

De Notione Entis perfecti. & ejus Exist. 9

§. 12.

Realitas in gradu absolute summo possibilis est. Quo- *Possibilitas*
 niam realitas est, quicquid enti alicui vere inest (§. 5.), *realitatis*
 ens autem omne possibile est (§. 135. 136. *Ontol.*); *in gradu*
 realitatem omnem in dato quodam gradu, aut, si mavis, præciso *absolute*
 gradu spectatam esse possibilem pater. Jam gradus sum- *summo.*
 mus realitatis omnem excludit defectum (§. 11.), adeoque
 nihil ad eandem quomodocunque pertiniens de ea negari
 potest. Impossibile igitur est, ut de realitate in gradu ab-
 solute summo idem & affirmari, & negari debeat. Quo-
 niam contradictio in simultanea ejusdem affirmatione &
 negatione consistit (§. 30. *Ontol.*); realitatem in gradu ab-
 solute summo spectatam nullam involvere posse contradi-
 ctionem evidens est. Quod nullam involvit contradictio-
 nem, possibile est (§. 85. *Ontol.*); realitas igitur in gradu
 absolute summo est possibilis.

In applicatione hujus principii caute versandum est, ne
 ad phenomena perperam applicetur, quod tantummodo de
 realitatibus valet. Qui in Cosmologia satis fuerit versatus,
 non facile aberrabit, utpote per cujus principia phenome-
 na a realitatibus distinguuntur: Sed eorum ignarus sua cul-
 pa aberrat. Ceterum cum hinc pendeat de monstratio exis-
 tentiæ Dei & attributorum ejus a priori; difficultas ejus de-
 monstrationis hinc elucet: quæ sine ratio est, cur in con-
 dendo systemate Theologiæ naturalis, quod parte priori ex-
 hibuimus, demonstrationem a posteriori prætulerimus, qua
 ex contemplatione hujus universi colligimus ea, quæ Deo
 insunt.

§. 13.

Ens perfectissimum possibile est. Demonstrantur eo- *Possibilitas*
 dem prorsus modo, quo propositio præcedens. Nimirum *entis per-*
 ens perfectissimum continet omnes realitates compossibiles *fectissimi.*
 (§. 6.). Quoniam itaque compossibiles sunt, quæ una
 (Wolffii Theol. Nat. P. II.) B eidem

eidem subjecto inesse possunt (§. 1.) ; nulla realitas de ente perfectissimo ideo neganda venit, quod altera inesse ponitur, consequenter cum in simultanea affirmatione & negatione ejusdem contradictio consistat (§. 30. *Ontol.*) ; notio entis perfectissimi quoad realitates inexistentes contradictionem nullam involvit. Insunt autem realitates enti perfectissimo in gradu absolute summo (§. 6.), consequenter omnem prorsus excludunt defectum (§. 11.). Quoniam itaque nihil ad easdem quomodocunque pertineus negari potest, contradictio vero nonnisi in simultanea ejusdem affirmatione & negatione consistit (§. 30. *Ontol.*) ; nec notio entis perfectissimi quoad gradum realitatum contradictionem quandam involvere potest. Quod si notio entis perfectissimi contradictionem quandam involveret, aut eam involveret quoad realitates, quæ eidem tribuuntur, aut quoad gradum, qui de istis sumitur, quemadmodum ex definitione claret (§. 6.). Quare cum neutro modo contradictionem involvat *per demonstrata* ; eam nullam prorsus involvere evidens est. Quod contradictionem nulla non involvit possibile est (§. 85. *Ontol.*) ; notio igitur entis perfectissimi possibilis, consequenter ens perfectissimum ipsum possibile est.

Possibilitatem entis perfectissimi, aut, quod perinde est, notionis ejusdem, ideo demonstramus, ut exinde firmiter existentia Dei concludatur, alias nonnisi hypothetice inferendi, ut scilicet affirmandum sit existere Deum, siquidem ens perfectissimum possibile sit. Ita *Euclides* demonstrat triangulum æquilaterum construi posse, ut figura tribus lineis rectis æqualibus terminata possibilis intelligatur, antequam ostendat, omnes in eadem angulos esse inter se æquales. Cum enim æqualitas angulorum inter se deducatur ex hypothese, quod omnia inter se latera æqualia sint; non certo constat, in figura aliqua trilatera omnes angulos inter se æqua-

De Notione Entis perfecti. & ejus Exist. II

æquales esse posse, antequam certum sit, eam tribus lineis rectis inter se æqualibus terminari posse. Unde & theorema ita enunciatur: Si trianguli tria latera fuerint inter se æqualia, tres quoque, qui in eodem sunt, anguli inter se æquales sunt (§. 226 Log). Quemadmodum itaque sumi nequit, latera trianguli inter se æqualia esse posse, ut inde concludatur, in figura aliqua trilatera tres inter se angulos æquales esse posse, sed demonstrandum, est, quod sumitur, antequam recte sumatur; ita quoque sumi nequit, ens aliquid esse perfectissimum, seu realitates omnes compossibiles in gradu absolute summo habere, ut inde colligatur, ens perfectissimum existere, sed demonstrandum utique non esse impossibile, ut realitates omnes compossibiles in gradu absolute summo enti cuidam insint, ut constet, idem recte sumi. Agitata jam olim inter Scholasticos fuit controversia, utrum ex notione entis perfectissimi, hoc est, ex eo, quod enti alicui insit perfectio summa, seu nostra phrasi quod insint realitates omnes compossibiles in gradu absolute summo, recte inferatur existentia entis perfectissimi, consequenter Dei, nec ne. Affirmavit *Anselmus*: negarunt alii. At *D. Thomas* pro eo, quod ipsi erat, acumine recte monuit, tum deum existentiam entis perfectissimi recte inferri ex ejus notione, ubi probatur enti alicui summam perfectionem, seu phrasi nostra omnes realitates in gradu absolute summo convenire posse. Nostro avo *Cartesius* in Meditationibus argumentum *Anselmi* in demonstranda existentia Dei ceteris prætulit & sic controversia illa resuscitata fuit. Probavit *Leibniti* acumen *D. Thomæ*, atque contendit, ex notione entis perfectissimi non posse concludi existentiam ejus firmiter, antequam constet ens perfectissimum esse possibile, ne notione deceptice nobis imponi metuendum. Ratio manifesta ex principiis Logicis, iis scilicet, quæ de formatione notionum per arbitriam determinationem & de demonstratione a nobis dicta sunt. Nemo igitur methodi demonstrativa gnarus sibi persuadebit, nondum in scirpo quærì, quod tantis ambagibus in adstruenda possibilitate incedamus.

§. 14.

Dei definitio.

Deus est ens perfectissimum, scilicet absolute tale.

Definitio hæc Dei nominalis est, quemadmodum ea, qua in systemate nostro usi sumus (§. 67. *part. I. Theol. nat.*). Ejusdem enim entis plures dari possunt definitiones nominales. Exemplo est Matheſis, in qua plures ab Autoribus dantur definitiones nominales ejusdem figuræ, veluti parabolæ aut ellipsis, prout unicuique commodum visum fuerit. Quod enim ab uno definitionis loco sumitur, id ab altero in numerum theorematum refertur: quemadmodum deinceps de Deo vi definitionis, quam hic sumimus, demonstraturi sumus, quæ in definitione nominali systematis sumuntur.

§. 15.

*Quoniam
Deo insunt.*

Quoniam Deus ens perfectissimum est (§. 14.), ens autem perfectissimum omnes realitates compossibiles in gradu absolute summo continet (§. 6.); *Deus realitates omnes compossibiles in gradu absolute summo continet, seu, omnes realitates in gradu absolute summo Deo insunt.*

Applicamus ad Deum, quæ de ente perfectissimo paulo ante vel assumpta, vel demonstrata fuere, ne in demonstrationibus subsequentibus prolixitate opus sit, quæ carere poteramus.

§. 16.

*Limitum
a Deo remo-
tio.*

Similiter quia ens perfectissimum prorsus illimitatum est (§. 7.), nec ulli prorsus in eodem dantur limites (§. 8.), Deus vero ens perfectissimum est (§. 14.); *Deus prorsus illimitatus est, nec ulli prorsus in eo dantur limites.*

Propositio hæc maximi momenti est, cum faciat ad Deum a rebus ceteris discernendum, quemadmodum paulo post constabit.

§. 17.

De Notione Entis perfecti. & ejus Exiſt. 13

§. 17.

Porro cum ens perfectiſſimum prorsus immutabile *Immuta-*
(§. 9.), Deus autem ens perfectiſſimum ſit (§. 14.); *Deus bilis* Dei.
utique *prorsus immutabilis eſt.*

Quod de propoſitione præcedente monuimus, idem
quoque de præſentia tenendum.

§. 18.

Quoniam Deus ens perfectiſſimum (§. 14.), ens au- *Infinite*
tem perfectiſſimum infinitum eſt (§. 10.); *Deus eſt infi-* Dei..
nitus.

Denuo ad infinitudinem trahendi ſunt, quæ de carentia li-
mitum annotavimus (not. §. 16.). Retinenda autem infinitu-
dinis definitio, quam in philoſophia prima dedimus (§ 8: 2.
Omne) & ſupra (§. 10.) ad ens perfectiſſimum applicavimus.
Sane ſi per infinitudinem Deum ab aliis entibus diſtinguere
vuleris; maxime cluſcet utilitas infinitum reale ab illimi-
tato diſtinguendi, ſit ita quod infinitudo limitum abſentiam
in ente aliquo ſupponat.

§. 19.

Denique cum ens perfectiſſimum poſſibile (§. 13.), *Poſſibilitas*
Deus autem ens perfectiſſimum ſit (§. 14.); *Deus* quoque Dei.
poſſibilis eſt.

Nimirum iſtiusmodi ens, quale Deum eſſe dicimus (§. 14.),
poſſibile eſt, nec niſi temere affirmatur, notionem Dei eſſe
fictam, Deumque inter chimæras reſerendum, quemadmo-
dum impie nugantur Athei, prout ſequenti ſectione do-
cebimus.

§. 20.

Exiſtentia neceſſaria & contingens realitas eſt, illaque *Exiſtentia*
gradus abſolute ſummi. Etenim ens neceſſarium exiſtit (§. *quod &*
24. part. 1. Theol. nat.). Quoniam itaque realitas eſt, *qualis ſit*
quicquid enti vere ineſt, non vero tantummodo per con- *realitar.*

fusas perceptiones inesse videtur (§. 5.); quin existentia necessaria realitas quædam sit dubitari nequit. *Quod erat primum.*

Successiva in mundo sunt contingentia (§. 80. *Cosmol.*). Quamobrem cum contingens sit, quod necessarium non est (§. 294. *Ontol.*), adeoque entis contingentis existentia non sit absolute necessaria (§. 309. *Ontol.*); existentia quoque non necessaria sive contingens realitas est (§. 5.). *Quod erat secundum.*

Enimvero quia ens omne vel necessarium est, vel contingens (§. 311. *Ontol.*), adeoque existentia omnis vel necessaria, vel non necessaria sive contingens (§. 309. 310. *Ontol.*); præter existentiam necessariam & contingentem alia concipi nequit. Et quoniam existentia contingens hypothetice necessaria est (§. 316. *Ontol.*), gradus vero est id, quo qualitates eadem, in quarum numero existentiam quoque esse constat (§. 452. *Ontol.*), differre possunt (§. 746. *Ontol.*); in existentia gradus concipi nequeunt, quam quoad necessitatem existendi. Jam existentia necessaria est, vi cuius impossibile ens non existere (§. 279. *Ontol.*); cum vi contingentis etiam non existere possit (§. 294. *Ontol.*). Major itaque existentiz gradus concipi nequit, quam qui existentiz necessariz convenit, consequenter ea gradus absolute summi est. Enimvero eadem quoque realitas est *per num. I.* Est igitur realitas gradus absolute summi. *Quod erat tertium.*

Sumimus hic, quod in parte prima demonstravimus, ens necessarium existere, propterea quod integra demonstratio huc apponi poterat &, si existentiam & attributa divina ex notione entis perfectissimi demonstraturi systema condere voluissimus, debebat. Neque enim hic utendum est principiis, quæ pendent a definitione nominali Dei in gratiam systematis assumti (§. 67. *part. I. Theol. nat.*), antequam demonstre-

De Notione Entis perfecti. & ejus Exist. 15

monstratur, eam enti perfectissimo vi definitionis ejus (§. 6.) competere, ne a vitioso circulo in demonstrando imminuat periculum: id quod & tenendum est in ceteris, ubi ad ea provocabimus tanquam ad principia, quæ in parte prima demonstrata sunt. Nostrium enim jam non est integrum systema Theologiæ naturalis condere, quod nitatur hypothesi entis perfectissimi; sed saltem præcipua demonstrare Theologiæ naturalis momenta, unda cetera deducenda ex parte prima suppleantur.

§. 21.

Deus necessario existit. Deus enim continet omnes *Existentia* realitates compossibiles in gradu absolute summo (§. 15.). *Dei.* Est vero idem possibilis (§. 19.). Quamobrem cum possibile existere possit (§. 133. *Ontol.*); existentia eidem inesse potest, consequenter cum sit realitas (§. 20.) & realitates compossibiles sint, quæ enti una inesse possunt (§. 1.), in realitatum compossibilium numero est. Jam porro existentia necessaria est gradus absolute summi (§. 20.). Deo igitur competit existentia necessaria, seu, quod perinde est, Deus necessario existit.

Vulgo terminum perfectionis & entis perfecti non explicant, adeoque sumunt Deum esse ens perfectissimum & existentiam esse perfectionem, atque inde inferunt, Deo competere existentiam seu Deum existere. Videatur *Burcheus de Volder* in Disputationibus contra Atheos Theol. 29. p. 25. 26. Enimvero cum nos omnem evidentiam venemur, in notionibus confusis minime acquiescentes, ubi in distinctas resolveri possunt; aliter nobis incedendum fuit. Quod si quis nimiam scrupulositatem accuset & notionum abstractarum evolutionem detesteretur; cum scire velim, me rationum evidentia assensum, non vero vi ac metu consensum extorquere: illud enim philosophi est, hoc vero eorum, quorum sit pro ratione autoritas philosopho nec concessa, nec considerata.

§. 22.

§. 22.

*Quale ens sit
Deus.*

Quoniam Deus necessario existit (§. 21.), ens vero, cujus existentia absolute necessaria, necessarium est (§. 309. *Ontol.*); *Deus ens necessarium est*, consequenter cum contingens sit, quod necessarium non est (§. 310. *Ontol.*). *Ens contingens Deus esse nequit.*

§. 23.

Cujus vi existat.

Deus vi propria existit, seu *sibi metipso ad existendum sufficit*. Est enim ens necessarium (§. 22.). Quare cum ens necessarium vi propria existat, seu sibi metipso ad existendum sufficiat (§. 26. *part. I. Theol. nat.*); Deus vi propria existit, seu sibi metipso ad existendum sufficit.

Relegenda hic sunt, quæ in parte prima de hoc modo existendi annotavimus. Recolenda etiam animo, quæ paulo ante (*not. §. 20.*) monuimus.

§. 24.

Aseitas Dei.

Deus ens a se. Est enim ens necessarium (§. 22.). Sed ens necessarium est ens a se (§. 33. *part. I. Theol. nat.*). Ergo Deus est ens a se.

§. 25.

*Independen-
tia Dei.*

Deus est ens independens. Est enim ens a se (§. 24.). Quare cum ens a se sit independens (§. 30. *part. I. Theol. nat.*); Deus ens independens est.

§. 26.

*Undenam sit
existentia
ipsius.*

Deus rationem existentiae in essentia sua habet. Est enim ens a se (§. 24.). Enimvero ens a se rationem existentiae suæ in essentia sua habet (§. 31. *part. I. Theol. nat.*). Ergo Deus rationem existentiae suæ in essentia sua habet.

Ostenditur etiam hoc modo. Deus est ens necessarium (§. 22.). Quamobrem cum ens necessarium rationem suffi-

sufficientem existentia suæ in essentia sua habeat (§. 309. *Ontol.*); Deus quoque rationem sufficientem existentia suæ in essentia sua habet.

Posteriori modo etiam in parte prima Theologiæ naturalis demonstrari poterat, ens a se rationem sufficientem existentia suæ in essentia sua habere. Ens enim a se vi propria existit, nec indiget vi entis alterius ut existat (§. 27. *part. I. Theol. nat.*). Est vero ens illud necessarium, quod vi propria existit, nec vi entis alterius ad existendum indiget (§. 25. 26. *part. I. Theol. nat.*). Quamobrem ens a se est ens necessarium, consequenter cum ens necessarium rationem sufficientem existentia suæ in essentia sua habeat (§. 309. *Ontol.*), ens a se rationem sufficientem existentia suæ in essentia sua habet.

§. 27.

Deus per essentiam existit, seu existentia ipsi essentia- *Essentialitas*
lis est. Etenim rationem sufficientem existentia suæ in es- *existentia*
sencia sua habet (§. 26.). Quare cum posita ratione suffi- *divina.*
ciente ponatur id, quod propter eam potius est, quam non
est (§. 118. *Ontol.*); posita essentia divina ponitur etiam ejus
existentia, consequenter Deus ideo existit, quia hanc habet
essentiam, seu, quod perinde est, per essentiam existit, aut
existentia ipsi essentialis.

Aliter sese res habet in omnibus iis, quæ in mundo corpo-
reo seu materiali continentur. Posita enim corporis ejus-
cunque essentia nondum ponitur existentia. Hinc corpora
existentia suæ causam extra se exigunt, nec sibi ipsis ad ex-
istendum sufficiunt: quæ satis manifesta sunt per ea, quæ de
actu contingentium in universo alibi demonstravimus (§. 83.
& seqq. *Cosmol.*).

§. 28.

Deus ideo existit, quia possibilis. Est enim ens a se *Cur Deus*
(§. 24.). Sed ens a se ideo existit, quia possibile (§. 34. *existat.*
part. I. Theol. nat.). Ergo Deus ideo existit, quia possibilis.
(*Wolffii Theol. Nat. P. II.*) C Pote-

Poterat etiam eodem prorsus modo demonstrari, quo in systemate *loc. cit.* demonstravimus propositionem, quæ tanquam principio utimur, de nexu possibilitatis cum existentia necessaria in ente a se. Etenim Deus ideo existit, quia hanc habet essentiam (§. 27.). Enimvero per essentiam ens possibile est (§. 153. *Ontol.*), ita ut essentia possibilitate ejus intrinseca absolvetur (*not. §. cit.*). Deus igitur existit ideo, quia possibilis.

Satis etiam superque claret veritas propositionis præsentis ex modo, quo existentiam Dei paulo ante evincimus. Etenim cum Deus sit ens perfectissimum (§. 14.); Deum existere demonstrari ostendimus ens perfectissimum existere, sive enti perfectissimo existentiam necessariam convenire per modum attributi (§. 21.). Demonstravimus vero ante (§. 13.), ens perfectissimum esse possibile, ac inde intulimus Deum esse possibilem (§. 19.), ut scilicet constaret, eas determinationes, quæ ingrediuntur definitionem nominalem entis perfectissimi (§. 6.), consequenter Dei (§. 14.), posse assumi tanquam essentielles alicujus entis. Supposita vero hac possibilitate firmiter colligere licuit ex iisdem Deum existere (§. 21.). Quamprimum enim constat, determinationes, quæ ingrediuntur definitionem nominalem entis perfectissimi, esse determinationes essentielles alicujus entis, seu essentialia ejusdem (§. 143. *Ontol.*); quod rationem sufficientem in iis habet, hoc est, per ea ipsi inesse debere intelligitur (§. 56. *Ontol.*), attributum ejusdem entis agnoscitur (§. 157. *Ontol.*), atque ideo firmiter inde colligitur (§. 118. *Ontol.*). Quamobrem quia existentia necessaria ex definitione entis perfectissimi inferitur; per modum attributi Deo convenire intelligitur, quamprimum constat possibile esse hoc ens. Nullum cognoscitur ens aliud præter Deum, ex cujus definitione nominali, per quam possibile intelligitur, existentia seu actualitas ejus concluditur.

§. 29.

Interminabilis

Deus nullum existendi initium, nullum finem habet.
Deus

De Notione Entis perfecti & ejus Exist. 19

Deus enim necessario existit (§. 21.). Quare cum necessa- *existentia*
rii oppositum impossibile sit (§. 279. *Ontol.*); impossibile *divine ab*
est Deum non existere. Nullum igitur ne fingi quidem *utraq;*
potest tempus, quo non extitit, aut non extiturus est, *part.*
consequenter nullum existendi initium, nullum finem ha-
bere potest.

Idem ostenditur per indirectum. Finge Deum ha-
bere initium ac finem existendi. Aliquando igitur non ex-
titit, & aliquando non extiturus est, consequenter impossi-
bile non est, ut Deus non existat. Quoniam itaque illud ne-
cessarium esse nequit, cujus oppositum impossibile non est
(§. 279. *Ontol.*); existentia Dei necessaria non est, seu Deus
necessario non existit: quod esse absurdum patet per supe-
rius demonstrata (§. 21.).

§. 30.

Quoniam æternum est, quod nec initium, nec fi- *Æternitas*
nem existendi habet (§. 39. *part. I. Theol. nat.*); Deus autem *Dei.*
nullum existendi initium, nullum finem habet (§. 29.);
Deus est æternus.

Æternitas hic de Deo tantummodo prædicatur respectu
existentiæ, nec denotat nisi ejusdem interminabilitatem a par-
te ante & a parte post, quemadmodum loquuntur Schola-
stici. Repetenda hic sunt, quæ de definitione æternitatis a
Scholasticis data annotavimus, cum definitionem nomina-
lem ejus traderemus, seu terminum æternitatis explicaremus
(*not. §. 39. part. I. Theol. nat.*).

§. 31.

Deus nec oriri, nec interire potest. Ponamus enim *Impossibilitas*
si fieri potest, Deum fuisse ortum. Quoniam quod oritur, *ortu. & inte-*
existere incipit, cum tamen non existeret (§. 541. *Ontol.*); *ritus Dei.*
Deus existere cepit, cum antea non existeret, consequenter

aliquando non extitit, adeoque existendi initium habet. Quod cum sit absurdum (§. 29.); Deus ortus non est, seu Deum ortum aliquando fuisse impossibile est.

Ponamus similiter Deum aliquando interiturum, aut saltem interire posse. Quoniam quod interit, existere definit, cum antea existeret (§. 541. *Ontol.*); Deus aliquando existere desiturus, cum jam existat, seu fieri saltem potest, ut, qui nunc existit, existere aliquando desinat. Habet igitur, aut habere saltem potest existendi finem. Quod cum denuo absurdum sit (§. 29.); Deus nunquam exitere desiturus, seu impossibile prorsus est, ut Dens aliquando non existat, consequenter ut intereat.

Nimirum quia Deus per essentiam suam existit (27.), seu ideo, quia possibilis (§. 28.), quamprimum possibile fuit, determinationes istas, quæ definitionem ejus nominalem ingrediantur, constituere essentialia entis alicujus (§. 142. 143. *Ontol.*), existentia quoque ipsi convenit, & quamdiu istud possibile erit, existentia quoque eidem conveniet. Quoniam itaque essentia rerum, adeoque etiam Dei, immutabiles sunt (§. 300. *Ontol.*); & semper possibile fuit istiusmodi ens, quod Dei nobis nomine venit, & semper possibile erit, consequenter Deus & semper extitit, & semper existet, adeoque nec ortus est, nec interiturus (§. 541. *Ontol.*). Videmus adeo ortum ac interitum ideo Deo repugnare, quod existentia ipsi sit essentialis, seu in essentia ejus per modum attributi involvatur (§. 27.), quemadmodum entia alia oriri ac interire videmus, propterea quod existentia iisdem essentialis non est, sed tantummodo instar modi in eadem involvitur (§. 160. *Ontol.*). Hæc probe consideranda sunt, ut differentia existentia divina tanquam necessaria ab existentia rerum contingentium penitus perspiciatur.

§. 32.

Deus annihilari nequit. Ponamus enim, si fieri potest, Deum annihilari. Quoniam annihilatur, quod ita existere definit,

Impossibilitas annihilationis Dei.

De Notione Entis perfecti. & ejus Exist. 21

definit, ut nihil ejus amplius supersit (§. 540. *Ontol.*); ejus existentia finem habet. Enimvero Deus existendi finem non habet (§. 29.). Ergo nec annihilari potest.

Annihilatio species interitus est, & quidem interitus maximus, qui concipi potest (§. 540. 541. *Ontol.*). Unde si interitus simpliciter Deo repugnat, quemadmodum modo evicimus (§. 31.); nec annihilatio in eum cadere potest.

§. 33.

Deus est ens omnium primum & ultimum. Quoniam enim nullum existendi initium, nullum finem habet (§. 29.), impossibile est, ut ante ipsum extiterit ens aliud, aut post ipsum existat. Quamobrem cum ens illud primum sit, ante quod non extitit aliud, & illud ultimum post quod non existet aliud (§. 44. *part. I. Theol. nat.*); Deus ens primum & ultimum est: *Primitas & ultimatio Dei.*

Quoniam idem de ente a se jam ostendimus in systemate independenter a definitione Dei nominali ibidem supposita, poterat etiam hoc modo demonstrari. Deus est ens a se (§. 24.). Sed ens a se primum ac ultimum est. (§. 45. *part. I. Theol. nat.*). Ergo Deus ens primum ac ultimum est.

Non repetimus, quæ de primitate & ultimatione entis a se, adeoque Dei jam annotavimus *loc. cit.* in systemate, etsi consultum judicemus ut probe perpendatur, ne prædicata Dei præter necessitatem multiplicari videantur, vel nullius judicetur momenti, quod maximi est, siquidem existentiam Dei, quantum datur, adæquate cognoscere volueris.

§. 34.

Deus sempiternus est. Etenim nullum existendi initium, nullum finem habet (§. 29.). Quodeunque igitur concipis, immo fingis, tempus; eodem Deus extitisse, vel existere, aut exiturus dicendus est. Enimvero sempiternum dicitur ens, quod omni tempore conceptibili existit, *Sempiternitas Dei.*

existit, seu de quo prædicari potest existentia omni tempore conceptibili (§. 75. *Part. I. Theol. nat.*). Deus igitur sempiternus est.

Quænam inter æternitatem, quatenus existentie interminabilitatem denotat, & sempiternitatem intercedat differentia, satis clare docuimus in systemate (*not. §. 75.*). Ceterum si ea perpendimus, quæ de existentia divina hæcenus demonstravimus, eam omnem omnino excludere limitationem, quæ ullo modo concipi poterat, adeoque talem esse realitatem, quales enti perfectissimo, hoc est, Deo inesse debere sumimus, ut a vero non aberraret, qui affirmaverit, existentiam esse inter determinationes Dei essentielles referendam. Sed hæc prolixius prosequi nostri jam non est instituti.

§. 35.

*Negatio
compositio-
nis de Deo
ejusque sim-
plicitat.*

Deus non est ens compositum, sed simplex. Cum enim Deus necessario existat (§. 21.) & quidem per essentiam suam (§. 27.), necessarii autem oppositum impossibile sit (§. 279. *Ontol.*); per essentiam Dei fieri nequit ut non existat, consequenter quia quod oritur, existere incipit, cum antea non existeret, & quod interit existere desinit, cum antea existeret (§. 541. *Ontol.*), Deus per essentiam suam oriri ac interire nequit. Enimvero composita entia ideo quod composita, adeoque per essentiam suam (§. 533. *Ontol.*), oriri ac interire possunt (§. 542. *Ontol.*). Deus igitur ens compositum esse nequit. *Quod erat unum.*

Quoniam ens omne vel simplex est, vel compositum (§. 685. *Ontol.*), Deus vero ens compositum esse nequit *per demonstrata*: necesse est eum esse ens simplex.

Poterat etiam ostendi hoc modo, præsuppositis principiis in systemate demonstratis. Deus est ens a se (§. 24.). Sed ens a se non est ens compositum (§. 47. *part. I. Theol. nat.*); verum simplex (§. 49. *part. I. Theol. nat.*). Deus igitur non est ens compositum, sed simplex.

Equi-

Equidem demonstratio posterior simplicior videtur; sed videtur, non est: præsupponit enim non modo demonstrationes, quod ens a se non sit compositum (§. 47. part. I. Theol. nat.), sed simplex (§. 49. part. I. Theol. nat.); verum enim quod ortus & interitus essentiae entis a se repugnet (§. 46. part. I. Theol. nat.). Ceterum demonstrationes istæ integræ systemati inseri poterant, si integrum systema Theologiae naturalis condere volueris, in quo omnia tandem in notionem Dei nominalem, quod sit ens perfectissimum, resolvuuntur.

§. 36.

Deo tribui nequeunt, quæ composito, quatenus compositum est, seu vi definitionis tribuuntur. Est enim ens simplex *Deo* tribui (§. 35.). Sed enti simplici tribui nequeunt, quæ composito conveniunt, quatenus compositum, seu vi definitionis (§. 674. Ontol.). Quamobrem nec Deo tribui possunt, quæ composito, quatenus compositum est, seu vi definitionis tribuuntur.

Principium hoc probe tenendum est, ut constet quænam de Deo neganda sint, seu ut attributa Dei negativa demonstrare valeamus, ne ipsi per errorem tribuantur, quæ eidem repugnant: qua in re & olim peccarunt Gentiles, & hodie peccatur, etsi subtilius, ut error magis lateat.

§. 37.

Deo tribui nequeunt, quæ ullo modo defectum aliquem involvunt. Est enim Deus ens perfectissimum (§. 14.), adeoque cum realitates, quæ enti perfectissimo insunt, sint gradus absolute summi (§. 6.), nulla Deo tribui potest realitas, quæ non sit gradus absolute summi. Jam vero per se patet, quod realitas gradus absolute summi nullo prorsus modo aliquem involvat defectum, alias enim major concipi poterat gradus, consequenter is, qui datur, seu supponitur, non esset absolute summus. Fieri adeo nequit,

quit, ut Deo tribuantur, quæ nullo modo defectum aliquem involvunt.

Principium hoc eundem habet usum cum anteriore, & cum eodem conjunctum sufficit ad omnia Dei attributa negativa demonstranda & ad præcavendos errores subtiliores, in valgo tolerandos, quatenus pietati non obstant, sed minime in philosophis, quorum est veritatem ab omni errore prorsus immunem præstare. Patebit usus inferius, quando de erroribus in Theologia naturali admissis ex instituto acturi sumus. Utrumque enim principium usui est, quando ea, quæ de Deo in Scriptura Sacra dicuntur humano more, eum decente ratione interpretari debemus.

§. 38.

Extensio cur

Deo repugnet

est (§. 35.). Deus extensus esse nequit. Etenim Deus ens simplex (§. 675. *Ontol.*). Ergo nec Deus extensus esse potest.

Poterat etiam ostendi hoc modo. Deus est ens a se (§. 24.). Sed ens a se extensum esse nequit (§. 48. *part. I. Theol. nat.*). Ergo & Deus extensus esse nequit.

Immo demonstratur etiam sequentem in modum. Deus est ens perfectissimum (§. 14.). Quoniam itaque enti perfectissimo non insunt nisi realitates (§. 6.); quicquid realitas non est, Deo tribui nequit. Eaimvero extensio phenomenon est (§. 225. *Cosmol.*), non realitas (*not.* §. 5.). Extensio itaque Deo tribui nequit, consequenter Deus extensus non est.

Qui Deo extensionem tribuerunt, phenomena a realitatibus non distinguunt, differentiam entis simplicis & compositi non non inspicunt defectuque acuminis ignorant, quomodo caveri debeat, ne usus facultatis cognoscitivæ inferioris in præjudicium superioris extendatur.

§. 39.

§. 39.

Deus corporeus seu materialis esse nequit. Etenim extensus esse nequit (§. 38.). Enimvero corpus omne extensum est (§. 122. *Cosmol.*), adeoque, quod extensum non est, corporeum esse haudquaquam potest, cumque ex materia constans seu materiale itidem extensum sit (§. 141. *Cosmol.*), quod extensum non est, materiale esse nequit, consequenter immateriale est. *Deus igitur corporeus, seu materialis esse nequit.* *Immaterialitas Dei.*

Paret adeo, qui Deum extensum imaginantur, revera eum corporeum seu materiale facere: sit ita quod non agnoscant, extensionem rerum materialium & immaterialium commune attributum perperam fingentes. Agnoscunt tamen Materialistæ, Deo tribuentes extensionem, quia eum corpus esse defendunt: sit ita quod corpori facultatem cogitandi perperam tribuant. Jubet nimirum æquitas, ne aliis tribuamus errores, quos non admittunt, etsi ex eorum hypothesebus necessario consequantur, siquidem eos inde sequi acuminis defectu minime perspiciunt. Sed de his inferius dicentur plura suo loco.

§. 40.

Quoniam Deus corporeus esse nequit (§. 39.); nec organa corporea eidem tribui possunt, consequenter cum organa sensoria sint corporea, *nec organa sensoria Deo tribui non tribuenda.*

Hinc Deo tribui nequeunt oculi & aures, nec tribui possunt manus arque pedes, sensu scilicet proprio, quo corporis humani organa denotant. Quo sensu tamen hoc non obstante eidem tribuantur in Scriptura Sacra, docuimus in systemate (§. 103. *part. I. Theol. nat.*).

§. 41.

Deus est indivisibilis. Est enim ens simplex (§. 35.). *Indivisibilis.* Quoniam itaque ens simplex indivisibile (§. 676. *Ontol.*); *litas Dei.* Deus indivisibilis.

(*Wolffii Theol. Nat. P. II.*)

D

§. 42.

§. 42.

*Figura car-
careat Deus.*

Deus nulla præditus est figura. Est enim ens simplex (§. 35.). Eas simplex nulla præditum est figura (§. 677. *Ontol.*). Ergo Deus nulla figura præditus est.

Gentiles idolis figuras tribuunt, quemadmodum docebimus inferius. Unde per propositionem præsentem redarguitur ipsorum error.

§. 43.

*Cur magni-
tudine.*

Deus caret magnitudine. Etenim ens simplex est (§. 35.). Quamobrem cum ens simplex magnitudine careat (§. 678. *Ontol.*); Deus magnitudine caret.

Intelligitur hic magnitudo proprie sic dicta, quæ molis dicitur quantitas. Quamobrem si magnus dicitur, virtutis quantitas intelligitur.

§. 44.

*Cur spatium
non impleat.*

Deus nullum spatium implere potest. Est enim ens simplex (§. 35.). Sed ens simplex spatium implere nequit (§. 679. *Ontol.*). Quamobrem nec Deus spatium implere potest.

Qui Deo tribuunt extensionem, aut extensionem tribuere debent terminatam, aut interminatam. Si interminatam tribuunt, Deus per infinitum spatium diffunditur ipsumque implet: id quod propositioni præsentī repugnat. Si vero tribuunt terminatam, cum limes extensi figura sit (§. 621. *Ontol.*), Deus figura præditus est, quod contrariatur paulo ante demonstratis (§. 42.).

§. 45.

*Differentia
Dei a cor-
poribus.*

Deus prorsus differt a corporibus. Etenim ens simplex est (§. 35.). Sed ens simplex a composito (§. 683. *Ontol.*), consequenter a corporibus, quæ entia composita sunt (§. 119. *Cosmol.*), prorsus differt. Deus itaque prorsus differt a corporibus.

Hinc

De Notione Entis perfecti & ejus Exist. 27

Hinc nihil in toto mundo materiali seu adfectu habili datur, cui Deus sit similis. Et quibus non sunt familiares notiones nisi rerum corporearum; illi difficileter concipient Deum tanquam ens perfectissimum, imaginari volentes, quod non nisi vi intellectus comprehenditur. Quæ hæcenus ex notione simplicitatis deduximus, non supervacanea videri debant: erit enim inferius eorum usus.

§. 46.

Deo nulli insunt modi, per eminentiam tamen modificabilis est. Etenim infinitus est (§. 38.). Enimvero enti infinito nulli insunt modi (§. 840. Ontol.), est tamen ens infinitum per eminentiam modificabile (§. 846. Ontol.). Deo igitur modi nulli insunt; per eminentiam tamen modificabilis est.

Recolenda animo sunt, quæ in philosophia prima annotavimus, cum ens infinitum per eminentiam modificabile demonstravimus (not. §. 846. Ontol.). Ceterum quatenus Deus per eminentiam modificabilis est, in eo concipiuntur, quæ non absoluta necessitate insunt; sed hypothetica saltem: id quod notasse magni momenti est.

§. 47.

Deus est substantia per eminentiam. Demonstratur Substantia eodem modo, quo in systemate jam demonstravimus *litas Dei*. (§. 1005. part. I. Theol. nat.).

Propositio hæc cum anteriore de modis Deo non nisi per eminentiam tribuendis (§. 46.) speciminis loco sunt, quod ex systemate parte prima exhibito integræ demonstrationes transferri sæpe possint in alterum systema, quod alii definitioni nominali superstruitur. Accidit id toties, quoties in systemate nostro occurrunt demonstrationes, quæ vel non pendent a definitione Dei nominali, vel constanter ex iisdem principiis, quæ ex diversis definitionibus nominalibus demonstrata fuerunt. Ita propositiones omnes, quæ ex notione entis a se & entis necessarij deducun-

ducuntur, demonstrantur independenter a definitione Dei nominali, quæ systemati fundamentalis est. Quamobrem omnibus hic etiam locus est & multis superius usi sumus tanquam principiis in attributis entis perfectissimi demonstrandis. Ex definitione Dei hic deduximus, Deum esse infinitum, & idem dependenter a definitione systematis evicimus (§. 1004. *part. I. Theol. nat.*). Quamobrem cum ex infinitudine & substantialitas Dei per eminentiū talis, & modificabilitas eminentiis demonstrata fuerit in systemate (§. 1005. 1006. *part. I. Theol. nat.*); demonstrationes ibidem traditæ hic etiam locum habere possunt. Ceterum demonstrationum præcedentium concatenationem perpendentibus apparet, cur Deum non cum *Cartesio* per substantiam perfectissimam, sed potius per ens perfectissimum definire maluerimus, cum peculiari quodam modo Deus sit substantia, recte supra prædicamenta, non vero in prædicamento substantiæ a scholasticis collocatus. Omittimus propositiones alias, quibus hic concedendus erat locus, si integrum systema condere visum esset. Etenim si iisdem tanquam principiis utendum erit in sequentibus. ex dictis facile iudicabitur, id methodo non invita fieri.

§. 28.

*Curr nulla
statuum suc-
cessio in Deo
locum habeat.*

In Deo nulla datur statuum successio. Cum enim infinitus sit (§. 18), in ente autem infinito omnia simul insunt, quæ eidem actu inesse possunt (§. 838. *Ontol.*), in Deo nihil concipere licet, quod alio inexistente non insit, eodem autem inexistere desinente inesse incipiat, consequenter nulla prorsus in Deo successio locum habet (§. 569. *Ontol.*). Quamobrem nec ulla in ipso statuum (internorum scilicet) successio datur.

Ostenditur etiam hoc modo. Deus prorsus immutabilis est (§. 17.), consequenter nulla actu mutabilia eidem insunt. Quamobrem cum mutabilium determinatione nascatur status rei (§. 705. *Ontol.*); nullam in Deo statuum successionem concipere licet.

In ani-

De Notione Entis perfecti & ejus Exist. 29

In anima nostra continua est statuum internorum successio, perceptionibus aliis presentibus, aliis evanescentibus, aliis in earum locum succedentibus. Unde successionis statuum ideam habemus, quæ hic a Deo removetur.

§. 49.

Deo solo existente nullum datur tempus. Etenim in *Cur Deo* Deo nulla datur statuum successio (§. 48.). Quamobrem *solo existente* cum tempus non detur nisi existentibus successivis in continua serie (§. 574. *Ontol.*); Deo solo existente tempus nullum datur. *tempus non de sur*

Inde est, quod Deus non sit in tempore, quemadmodum in systemate demonstravimus (§. 1014. *part. I. Theol. nat.*).

§. 50.

Æternitas Dei non est tempus infinitum. Etenim Deus *Æternitas* æternus est (§. 30.); ipso tamen solo existente tempus non *Dei num sit* datur (§. 49.). Æternitas igitur ejus tempus infinitum seu *tempus infinitum.* interminatum esse nequit.

Quodsi magis placeat, poterit demonstratio fieri indirecta. Ponamus æternitatem Dei esse tempus infinitum seu interminatum. Quoniam Deus sibi metipsum ad existendum sufficit (§. 23.), adeoque existere potest ente nullo alio præter ipsum existente; cum idem sit æternus (§. 30.), tempus dabitur Deo solo existente. Quod cum sit absurdum (§. 49.); æternitas Dei tempus infinitum esse nequit.

Hic *D. Thomas* negavit, mundum, etiamsi semper fuisset, ut scilicet nullum esset existendi initium, finis nullus, Deo parificari in æternitate, attributo nimirum divino eidem tributo, propterea quod esse Dei æternum sit sine successione. Differentiam vero æternitatis & temporis infiniti jam demonstravimus in systemate (§. 1016. *part. I. Theol. nat.*), ubi ostendimus, Dei æternitatem in actualitate immutabili eorum, quæ ipsi insunt, consistere, atque probavimus (§. 1017. *part. I. Theol. nat.*), eandem nulli enti finito communi-

cari posse. Tota vero demonstratio applicari etiam potest ad mundum. Luber tamen æternitatem Dei mundo incommunicabilem principiis anterioribus magis convenienter demonstrare.

§. 51.

*Num mundo
communicari
possit.*

Æternitas Dei mundo incommunicabilis. Cum enim Deus æternus (§. 30.) nullam admittat statuum internorum successionem (§. 48.); æternitas ejus expers est omnis successionis. Enimvero mundus nullus (§. 48. *Cosmol.*), etiam adspectabilis, adeoque hic qui existit (§. 49. *Cosmol.*), sine serie successivorum concipi potest (§. 52. *Cosmol.*). Quamobrem cum essentia mundi consistat in modo, quo res finitæ datæ, hoc est, coëxistentes & successivæ, non aliz inter se connectuntur (§. 59. *Cosmol.*), essentia vero rerum immutabiles sint (§. 300. *Ontol.*); æternitas successionis expers, consequenter Dei per demonstrata, eidem communicari nequit.

Ex eodem principio demonstrari potest, æternitatem Dei nulli enti finito communicari posse, quænamadmodum ex propositione sequente apparet.

§. 52.

*Num enti
nulli finito.*

Æternitas Dei enti nulli finito communicari potest. Etenim Deus, quem æternum esse constat (§. 30.), nullam admittit statuum internorum successionem (§. 48.), consequenter æternitas ejus expers est omnis successionis. Enimvero ens finitum successive alios aliosque status habere potest, non vero omnes simul (§. 834. *Ontol.*), adeoque successionis omnis expers esse nequit. *Æternitas igitur Dei enti ulli finito communicari nequit.*

Nimirum si successio removeretur ab ente finito, eidem omnia simul inesse deberent, quæ actu inesse possunt. Converteretur adeo in ens infinitum (§. 838. *Ontol.*). Istiusmodi autem

autem conversio propter essentialium immutabilitatem (§. 300. *Ontol.*) impossibilis. Dei sane aternitas consistit in immutabili actualitate eorum, quæ ipsi insunt & actu inesse possunt (*not.* §. 50.), cui tanquam enti infinito (§. 18.) nulla actu mutabilia insunt (§. 839. *Ontol.*). At in ente finito successio statuum locum habet. De Deo aternitas dicitur agente magis, quam negante sensu (*not.* §. 50.): est de ente finito atque mundi nonnisi negante sensu, quem definitio aternitatis nominalis fert (§. 39. *part. I. Theol. nat.*), etsi ad Deum applicata eum in agentem vertat: id quod ob ejus infinitudinem accidit, adeoque in ente finito fieri nequit, ubi sensus negans subsistit.

§. 53.

Aternitas Dei animæ humane incommunicabilis. Num animæ

Est enim anima humana substantia finita (§. 264. *Psychol. humana. rat.*). Enimvero omni enti finito aternitas Dei incommunicabilis (§. 52.). Ergo etiam animæ humanæ communicari nequit.

Poterat etiam demonstrari eodem modo, quo præcedens propositio demonstrata fuit, cum vel experientia constet continuam dari in anima perceptionum successionem & ex demonstratione finitudinis ejus (§. 264. *Psych. rat.*) intelligatur, quod per essentiam & naturam ejus ea in eadem locum habeat. Sed præstat ex supposita finitudine illam demonstrare, ne præter necessitatem prolixiores simus.

§. 54.

Quamvis anima a morte corporis superstes sit, semperque maneat (§. 744. *Psych. rat.*), adeoque nullum existendi finem habeat, consequenter a parte post æterna sit (§. 39. *part. I. Theol. nat.*); aternitas tamen animæ a parte post diversa est ab aternitate Dei (§. 50.).

Nimirum anima æterna a parte post, quia continuatur existentia sine fine; non autem sine statuum internorum successione, quemadmodum Dei (§. 48.), consequenter aternitas

ejus

ejus est tempus a parte post infinitum, qualis non est aternitas Dei (§. 50.).

§. 55.

*Localitas
Dei.*

Deus non est in loco. Ponamus enim, si fieri potest, Deum esse in loco. Quoniam in loco est, quod determinatam quandam spatii partem implet (§. 1032. *part. I. Theol. nat.*); Deus spatium implere potest. Quod cum sit absurdum (§. 44.); in loco esse nequit.

Deum sibi imaginantur instar rei corporeæ seu materialis, qui eum quasi in loco quodam contentum repræsentant: quod etsi ferendum in vulgo, cui nonnisi rerum materialium idæ exque maxime confusæ familiares sunt, non tamen excusatur in philosopho, qui notionum distinctarum subsidio res materiales ab immaterialibus accurate separare deber, ne ultra metuenda sit prædictorum confusio.

§. 56.

*Cur motus
Dei repugnet*

Quoniam Deus in loco non est (§. 55.), quod vero movetur, locum continuo mutat (§. 642. *Ontol.*); *Deus moveri nequit, nec successive alio alioque in loco esse potest.*

Quod si adeo Deo in Scriptura Sacra tribuitur motus localis, quasi scilicet ex loco uno in alterum sese conferentis; eodem modo eundem explicari convenit, quo organa corporea, veluti sensoria, explicanda esse docuimus (§. 103. *part. I. Theol. nat.*). Admittendus scilicet est significatus generalis, qui attributo cuidam divino & motui locali dato communis est: quo ipso imaginatio, quam missam facere nequit vulgus, ad concordiam cum intellectu reducit, quem ducem unice sequi teneretur philosophus; simul coercetur imaginatio, ne veritatem in errorem vertat.

§. 57.

*Localis præ-
sentia Deo re-
pugnans.*

Deus localiter præsens esse nequit. Etenim in loco esse nequit (§. 55.). Quamobrem cum localiter præsens esse nequeat,

nequeat, qui, dum præsens est rebus aliis, in loco non existit (§. 1037. part. I. Theol. nat.); Deus localiter præsens esse nequit.

Propositionem hanc, etsi eodem modo in systemate jam demonstratam (§. 1042. part. I. Theol. nat.), hic addere visum est, ne quis systematis ignarus existimet, negari omnipræsentiam divinam, dum existentia in loco ab eodem removeretur. Illocalitas enim Dei præsentiam tantummodo localem excludit.

§. 58.

Mundus adspectabilis non est Deus, nec quicquam quod in eodem observatur, Deus esse potest. Deus enim cum sit prorsus immutabilis (§. 17.); quicquid mutabile est, Deus esse nequit. Enimvero nemo non videt, mundum hunc adspectabilem continuis mutationibus obnoxium esse. Mundus igitur hic adspectabilis Deus esse nequit.

Ostenditur etiam hoc modo. Nulla datur in Deo statuum successio (§. 48.). Enimvero in mundo adspectabili dantur res successivæ (§. 52. Cosmol.), ita ut is sit non minus series rerum successivarum, quam simultanearum (§. 55. Cosmol.). Mundus igitur adspectabilis Deus esse nequit.

Probatur porro hoc modo. Deus non est ens compositum (§. 35.). Sed mundus ens compositum est (§. 62. Cosmol.). Ergo mundus Deus esse nequit.

Non absumili modo probatur pars posterior propositionis præsentis. Nimirum

Quicquid in mundo adspectabili observatur, seu sensu percipi potest (§. 67. Cosmol.), ens compositum est (§. 68. Cosmol.). Sed Deus simplex est, compositus esse nequit (§. 35.): Ergo nihil eorum, quæ in mundo adspectabili sensu percipimus, Deus esse potest.

(Wolffii Theol. Nat. P. II.)

E

Proba-

Probatur etiam hoc modo. Quoniam quæ sensu percipiuntur in mundo adspectabili, composita (§. 66. *Cosmol.*), adeoque corpora sunt (§. 119. *Cosmol.*), corpora autem omnia extensa sunt (§. 122. *Cosmol.*); quicquid in mundo adspectabili observatur, extensum est. Enimvero Deus extensus esse nequit (§. 38.). Quamobrem nihil eorum, quod in mundo adspectabili observamus, esse potest.

Ostendi quoque hoc modo potest. Quicquid in hoc mundo adspectabili observatur, compositum (§. 66. *Cosmol.*), adeoque corpus est (§. 119. *Cosmol.*); consequenter determinatum quoddam spatium implet (§. 124. *Cosmol.*). Sed Deus spatium implere nequit (§. 44.). Ergo nihil eorum esse potest, quæ in mundo adspectabili observantur.

Non inconsumum est propositionem hanc pluribus modis demonstrari, etsi una earum sufficiat ad veritatem ejus evincendam; propterea quod eadem opus habemus ad refellendos nocuos de Deo errores, quemadmodum inferius constabit. Non omnibus autem, qui erroribus istis tenentur, æque satisfacit eadem demonstratio, sed una altera videtur clarior & mentis aciem magis perstringit eorum, qui methodo demonstrativæ nondum satis adfuerit.

§. 59.

*Cur corpus
terminatum
Deus esse non
possit.*

Nullum corpus terminatum Deus esse potest. Etenim corpus omne terminatum prælitum est figura & determinatam habet magnitudinem (§. 123. *Cosmol.*). Sed Deus nulla præditus est figura (§. 42.), ac omni caret magnitudine (§. 43.). Nullum igitur corpus terminatum Deus esse potest.

Quicquid terminatum est, terminos sive limites habet, consequenter corpus terminatum limites habet. Enimvero

De Notione Entis perfecti. & ejus Exist. 35

verò in Deo nullis prorsus limitibus locus est (§. 16.). Quamobrem corpus terminatum nullum Deus esse potest.

Quodsi magis placeat demonstratio indirecta; ecce tibi eam. Ponamus, si fieri potest, corpus aliquod terminatum, seu, quod perinde est, limitatum esse Deum. Deus igitur limitatus erit. Enimvero prorsus illimitatus Deus est (§. 16.). Ergo nullum corpus terminatum seu limitatum Deus esse potest. ●

Redarguuntur erroris per propositionem præsentem Gentiles & Anthropomorphitæ, quemadmodum inferius elucescet.

§. 60.

Deus non potest esse anima, qualis est hominum. Ani- *Cur anima*
ma enim humana finita est substantia (§. 264. *Pfych. rat.*), aliqua hu-
per ipsam essentiam suam (§. 265. *Pfych. rat.*). Sed Deus *mana Deus*
infinite est (§. 18.). Deus igitur anima esse non potest, *esse nequeat.*
qualis est hominum.

Idem etiam sic ostenditur. Intellectus humanus admodum limitatus est (§. 654. *Pfych. rat.*), nec minus limitata est voluntas humana (§. 655. *Pfych. rat.*), consequenter in anima humana dantur limites. Enimvero in Deo nulli prorsus dantur limites (§. 16.). Deus igitur anima esse non potest, qualis est hominum.

Idem inferius ostenderetur adhuc aliter.

§. 61.

Deus homo aliquis esse non potest. Ponamus enim, si *Cur Deus*
fieri potest, Deum esse hominem aliquem. Habebit igitur *non possit*
corpus humanum, animam humanam habebit. Enimvero *esse homo.*
Deus nec corpus aliquod terminatum est, quale humanum (§. 59.), nec anima aliqua humana esse potest (§. 60.).

feu, quod perinde est, corpus humanum & animam humanam habere nequit. Homo igitur aliquis esse non potest.

Quamcumque igitur hominis perfectionem fingas, hoc ipse tamen nunquam obtinebis illud ens, quod Deum dicimus.

§. 62.

Cur elementa rerum materialium Deus non sit.

Elementa rerum materialium Deus esse non possunt. Status elementorum internus continuo mutatur (§. 197. *Cosmol.*). Sed Deus prorsus immutabilis est (§. 17.). Elementa igitur rerum materialium Deus esse nequeunt.

Ostenditur etiam hoc modo. Elementa rerum materialium sunt entia finita (§. 203. *Cosmol.*). Sed Deus infinitus est (§. 18.). Ergo elementa rerum materialium Deus esse nequeunt.

Demonstrari quoque potest hoc modo. Elementa rerum materialium finita sunt (§. 203. *Cosmol.*), consequenter cum ens omne finitum sit etiam limitatum (§. 173. *Part. I. Theol. nat.*), limitata. At Deus prorsus illimitatus est (§. 16.). Elementa igitur rerum materialium Deus esse nequeunt.

Sequuntur haecenus demonstrata, quibus Deum discrevimus a rebus ceteris, ex notione entis perfectissimi, quia utimur principiis ex ea deductis, ostendentes attributa entis perfectissimi iisdem minime convenire, quemadmodum in Geometria colligimus, figuram aliquam non esse parabolam, quia eidem repugnant parabolae proprietates ex definitione ejus deductae.

§. 63.

Quanam entia pertinent ad mundum.

Præter corpora eorumque elementa & animas non datur ens aliud, quod ad hunc mundum adspectabilem pertineat. Cum enim mundus hic adspectabilis ex corporibus (§. 119. *Cosmol.*) tanquam totum ex suis partibus componatur

aatur (§. 61. *Cosmol.*), corpora vero substantiarum simplicium, quæ sunt eorundem elementa (§. 182. *Cosmol.*), aggregata sunt (§. 176. *Cosmol.*); elementis rerum existentibus totus hic mundus adspectabilis, quæ materialis, existit. Jam quia ens omne aut simplex est, aut compositum (§. 685. *Ontol.*), si quod præter corpora datur ens ad mundum materialem spectans, illud simplex esse debet, quod tamen per aggregationem non ingreditur constitutionem corporum, utpote ab elementis diversum.

Quoniam ens simplex ab elementis diversum ad mundum pertinere debet *per hypoth.* necesse est, ut ideo existat, quia hic mundus existit, consequenter vel in mundo integro, vel corpore aliquo ejus parte (§. 119. *Cosmol.*) inesse debet quidpiam, per quod intelligitur, cur mundo existente ipsum etiam existat, adeoque vel in integro mundo, vel in aliqua ejus parte seu corpore aliquo continetur ratio, cur ipsum una cum elementis rerum, per quæ corpora aggregantur, existat (§. 56. *Ontol.*), & hinc vel cum mundo toto, vel cum aliquo corpore in eodem connecti debet (§. 10. *Cosmol.*). Entia duo, quatenus coexistunt, inter se connectuntur, si unum in se continet rationem sufficientem modificationum alterius, aut mutationum quarumcunque in altero consequentium (§. 38. *Cosmol.*). Quamobrem substantia aliqua simplex cum corpore, aut mundo integro connecti nequit, nisi quatenus per ea, quæ in corpore, aut mundo integro accidunt, reddi potest ratio sufficientis eorum, quæ in ipso contingunt. Enimvero ens istiusmodi, cujus mutationum ratio reddi potest per ea, quæ in corpore aliquo contingunt, anima a nobis dicitur (§. 539, 546. *Psych. rat.*). Quare quæ præter entia simplicia rerum materialium elementa (§. 182. *Cosmol.*) existunt substantiæ simplices ad mundum pertinentes, animæ esse

debent. Atque adeo patet præter corpora eorumque elementa atque animas non existere entia alia ad mundum adspectabilem pertinentia.

Dari animas humanas a corpore prorsus differentes (§. 51. *Pfych. rat.*) & animas quoque brutorum (§. 749 *Pfych. rat.*) certum est. An detur anima mundi, quemadmodum visum est nonnullis, & num dentur animæ corporum mundi totalium, veluti Solis, Lunæ ac Stellæ, quemadmodum tueretur *Keplerus* in Harmonica mundi, nostrum jam non est inquirere. Sufficit nos in systemate (§. 159. *part. I. Theol. nat.*) demonstrasse quod Deus anima mundi esse nequeat, & paulo ante evicisse (§. 60.), quod non esse possit anima, qualis est hominum, consequenter nulla alia corpori cuidam unita. Qui igitur demonstrationem propositionis præsentis probe perpendit, satis superque agnoscat, omnia entia ad mundum hunc adspectabilem pertinentia sufficienter a nobis fuisse recensita. An vero præter mundum existant adhuc entia alia finita, de eo hic quæstio non est. Neque enim nobis jam propositum recensere simpliciter omnia, quæ existunt, entia.

§. 64.

*Diversitas
Dei ab uni-
verso & om-
ni quicquid
in eo est.*

Deus diversus est a mundo adspectabili & omni, quod in eo datur. Neque enim mundus adspectabilis, nec quicquam quod in eodem observatur (§. 58.), nec ullum corpus terminatum (§. 59.), nec anima, qualis est hominum (§. 60.), immo nec elementa rerum materialium Deus esse possunt (§. 62.). Enimvero præter corpora eorumque elementa & animas non datur ens aliud, quod ad hunc mundum adspectabilem pertinet (§. 63.). Deus igitur nihil eorum esse potest, quæ in hoc mundo adspectabili dantur. Diversus adeo est tum a mundo adspectabili, tum ab eo omni, quod in eo datur.

frustra igitur Deus queritur inter ea, quæ in mundo adspectabili dantur: unde cum hoc facerent Gentiles, in erroribus de Deo opiniones utique delapsi.

§. 65.

§. 65.

Vix motrix, qualis in corporibus observatur, Deo *Negatio vis*
tribui nequit. Etenim vis motrix, qualis in corporibus *motricis de*
 datur, phenomenon est (§. 296. *Cosmol.*), non realitas *Deo.*
 (not. §. 5.). Deus vero est ens perfectissimum (§. 14.),
 cumque enti perfectissimo non insint nisi realitates (§. 6.),
 quicquid realitas non est, Deo tribui nequit. Vis igitur
 motrix, qualis in corporibus observatur, Deo tribui
 nequit.

Non est, quod excipias, præter realitates, quas in defini-
 tione nominali Deo inesse sumimus, inesse quoque posse
 phenomena. Cum enim phenomenon dicitur, quicquid
 sensui obvium confuse percipitur (§. 225. *Cosmol.*), proprie
 loquendo vis motrix, qualem in corporibus observamus, enti
 nulli inexistit, sed tantummodo inexistere videtur, ejus loco
 inexistentibus realitatibus aliis, quarum confusa perceptione
 nascitur idea phaenomeni, quemadmodum colores proprie
 loquendo non inexistunt objecto colorato, sed propter alia
 confuse percepta tantummodo in eodem apparent, uti ob-
 servatum est a *Cartesio*: id quod de vi motrice in specie cla-
 rissime ostendimus (§. 110. *Psych. rat.*). Cave tamen ne hinc
 inferas, Deum movere non posse corpus: neque eam ex
 propositione præsentem sequitur, nisi quod motum in corpore
 producere nequeat eo modo, quo corpus unum movet alie-
 rum, in quod impingit. Quousque autem sese extendat
 ipsius potentia, inferius demum demonstrabitur.

§. 66.

Deus non est natura rerum. Etenim natura rerum *Dei a natura*
 universa est vis motrix (§. 506. *Cosmol.*). Quamobrem cum *rerum divers*
 Deo vis motrix, qualis in corporibus observatur, inesse *fiat.*
 non possit (§. 65.); Deus quoque natura rerum esse
 nequit.

Vide.

Videmus adeo propositionem præcedentem esse magni momenti, cum naturam rerum ejus ope a Deo evidentissime distinguere detur, ne cum eodem confundatur.

§. 67.

*Cur natura
rerum Deus
esse nequaat.*

Natura rerum Deus esse nequit. Etenim natura rerum substantia non est, sed talis tantummodo apparet (§. 508. *Cosmol.*). Enimvero Deus est substantia per eminentiam (§. 47.), neque adeo talis tantummodo apparet. Natura igitur rerum Deus esse nequit.

Ostenditur etiam hoc modo. Natura universa est aggregatum omnium virium motricium, quæ corporibus in mundo coexistentibus simul sumtis inesse observantur (§. 507. *Cosmol.*). Enimvero Deo vis motrix, qualis in corporibus observatur, nequidem tribui potest (§. 65.), tantum abest, ut ex viribus motricibus corporum omnium in hoc mundo adspectabili existentium aggregetur. Natura igitur rerum Deus esse nequit.

Videmus adeo contradictoria affirmare, qui naturam rerum Deum appellant, nec quid natura sit, nec quid Deus, distincte concipientes.

§. 68.

*Natura re-
rum cur non
sit ens perfe-
ctissimum.*

Natura rerum non est ens perfectissimum. Neque enim fieri potest, ut natura rerum sit Deus (§. 67.). Quamobrem cum ens perfectissimum Deus sit (§. 14.); natura rerum ens perfectissimum esse nequit.

Pater adeo, quæ enti perfectissimo quo tali conveniunt, ea tribui non posse naturæ rerum. Præsens adeo propositio secundum est principium ad removenda a natura rerum quæ Deo propria sunt, ne ulla ex parte metuenda sit Dei atque naturæ confusio, nec præter intentionem natura in idolum vertatur.

§. 69.

§. 69.

Quæ animæ insunt realitates simplicitati composibiles *Realitates*
sunt. Anima enim substantia simplex est (§. 48. *Psych. simplicitati*
rat.). Quæ igitur ipsi insunt realitates, cum simplici- *composibiles.*
 tate una insunt eidem subjecto. Sed quæ una eidem
 subjecto inesse possunt, composibilia sunt (§. 1.). Quam-
 obrem quæ animæ insunt realitates simplicitati composi-
 biles sunt.

Certum adeo est istiusmodi realitates, quales in anima
 nostra deprehenduntur, enti simplici inesse posse; sit ita
 quod ex eo nondum constet, an non etiam realitates aliæ
 ab iisdem diversæ enti cuidam simplici inesse possint, cum
 elementa rerum materialium sint substantiæ simplices. (§.
 182. *Cosmol.*), nondum vero constet, qualis sit illa vis, quæ
 iisdem inest (§. 196. *Cosmol.*), & hæc diversa videatur a vi
 animæ inexistente (§. 63. *Psych. rat.*), propterea quod ex
 confusa illarum virium perceptione nascitur idea vis mot-
 tricis (§. 110. *Psych. rat.*), corporibus tribuenda (§. 135.
 137. *Cosmol.*).

§. 70.

Realitates, quæ insunt animæ nostræ, Deo tribuendæ *Quenam*
in gradu absolute summo. Etenim Deo tribuendæ sunt *realitates*
 omnes realitates composibiles in gradu absolute summo *Deo tribuen-*
 (§. 15.). Quare cum idem ens simplex sit (§. 35.), ipsi *de.*
 quoque tribuendæ sunt realitates omnes, quæ simplicitati
 composibiles sunt, sed in gradu absolute summo (§. 15.).
 Enimvero quæ animæ insunt realitates simplicitati composi-
 biles sunt (§. 69.). Deo igitur tribuendæ sunt realita-
 tes, quæ insunt animæ nostræ, in gradu absolute summo.

Non est quod excipias eodem modo sequi, quod Deo
 tribuendæ sint realitates inexistentes animabus brutorum,
 immo quæ insunt substantiis simplicibus, quæ sunt ele-
 menta corporum. Concedo enim totum, nec est quod

(*Wolffii Theol. Nat. P. II.*)

F

inde

inde metuas aliquid absurdum. Cum animabus brutorum competant facultates, quas in anima nostra inferiores dicimus (§. 754. & seqq. *Psych. rat.*), propterea quod a superioribus nonnisi gradu differunt, & majori defectui obnoxie sunt; & facultates animabus brutorum inexistentes ab omni limitatione liberentur, eadem prodeunt realitates illimitate, quæ emergunt, si idem circa facultates animæ nostræ superiores moliaris. Dabimus deinceps suo loco fidem oculatam. Quæsi monades Leibnitianæ, quibus convenit vis universi repræsentativa totaliter obscura, omnem ob obscuritatem apperceptionem excludens, sint illæ substantiæ simplices, quas elementa corporum esse demonstravimus (§. 182. *Cosmol.*); idem dicendum de elementis, quod de animabus brutorum monuimus. Ponamus vero eam a vi universi repræsentativa esse prorsus diversam, nondum tamen constet, an propterea huic repugnet, consequenter simul cum eadem eidem enti inesse nequeat. Et largiamur interea, donec de differentia specifica vis elementorum certius constet, eam vi universi repræsentativæ repugnare, ita ut proprie loquendo cum eadem eidem subiecto inesse non possit; nondum tamen hinc conficitur quod per eminentiam inesse nequeat, quemadmodum ipsa phænomena fundamentalia per eminentiam Deo tribui posse inferius ostendimus.

§. 71.

*Qualis vis
Deo compe-
tat.*

Deo competit vis repræsentativa omnium mundorum possibilium prorsus illimitata. Etenim animæ competit vis sibi repræsentandi hoc universum, seu hunc, qui existit, mundum, limitata (§. 63. *Psych. rat.*), cumque ea vere insit animæ, non vero per confusas tantummodo perceptiones inesse videatur, quemadmodum ex demonstrationibus psychologicis claret, quibus eam eidem vindicavimus, in realitatum numero est (§. 5.). Quoniam itaque realitates, quæ insunt animæ nostræ Deo tribuendæ in gradu absolute summo (§. 70.), adeoque absque omni defectu

De Notione Entis perfecti. & ejus Exiſt. 43

defectu (§. 11.), prorsus illimitata (§. 825. *Ontol.*); vis quoque mundi hujus repræſentativa illimitata Deo tribuenda. Enimvero præter hunc, qui exiſtit, mundum, poſſibiles ſunt alii (§. 101. *Cosmol.*). Vis igitur repræſentativa uni-
verſi, quæ ineſt animæ noſtræ, hoc ipſo limitata eſt, quod ad hunc tantummodo, qui exiſtit, mundum ſeſe extendat, non vero ſimul ad ceteros poſſibiles (§. 468. *Ontol.*). Quamobrem cum Deo tribuenda ſit vis uni-
verſi repræſentativa prorsus illimitata *per demonſtrata*, ultra quam adeo major concipi nequit (§. 826. *Ontol.*); ipſi utique compe-
tit vis repræſentativa omnium mundorum poſſibilium prorsus illimitata.

Vim hanc omnium mundorum poſſibilium repræſentati-
vam prorsus illimitatam Deo competere, nemo negare auſit. Qui vero hinc inferunt, propterea quod ea ipſi tribuitur, eidem denegandam eſſe potentiam creatricem nulla conſequentia hoc inferunt: neque enim demonſtratum eſt, eam Deo competere ſolum. Qui igitur hanc reſtrictionem addunt, ut habeant quod criminentur, ſuperam pro-
dunt negligentiam: ubi vero hoc faciunt multoties admoniti, malum produnt animum & aſſenſum ab appetitu ſenſitivo pendulum. Deo autem tribuendam quoque eſſe vim creatricem, quam in ſyſtemate ipſi jam vindicavimus propriam (§. 767. *Part. I. Theol. nat.*), inferius demonſtrabimus. Neque enim methodus demonſtrativa fert, ut omnia eidem propoſitioni inferantur, quæ ex diverſis principiis demonſtranda ſunt. Ejus qui ignari ſunt, ad animum ſibi re-
vocent canonem pervulgatum: unius poſitio non eſt alterius excluſio, ne judicium deproperent. Relegenda hic ſunt, quæ in ſyſtemate annotavimus, cum eſſentiam Dei in vi repræſentativa omnium mundorum poſſibilium prorsus diſtincta & ſimultanea conſiſtere demonſtraremus (*not. §. 1094. part. I. Theol. nat.*).

§. 72.

Vis repræſentativa in Deo eſt unicuſque immutabilis actus. Qualis ſit

vis ista.

Deo competit vis repræsentativa omnium mundorum possibilem (§ 71.). Quamobrem cum ex vi sequatur actio, seu illa posita hæc ponatur (§. 723. *Ontol.*); Deus sibi actu repræsentat omnes mundos posibles. Enimvero Deus infinitus est (§. 18.), consequenter enim in ente infinito simul sint, quæ eidem actu inesse possunt (§. 838. *Ontol.*), omnes quoque mundi posibles in eo simul repræsentantur, adeoque vis repræsentativa, quæ in Deo est, unicus est actus.

Quoniam vero Deus prorsus immutabilis est (§. 17.); actus quoque, quo sibi omnes mundos posibles repræsentat, immutabilis est.

Patet itaque vim repræsentativam omnium mundorum possibilem in Deo esse unicum cumque immutabilem actum *per demonstrata*.

Nimirum hæc differentia intercedit inter animam, ensque omne finitum ac inter Deum ens infinitum, quod posita vi in ente finito ponatur successive alia aliaque actio, in ente autem infinito posita vi illimitata ponatur unica immutabilis actio.

§. 73.

*Quomodo**Deo infir vis.*

Vis Deo inest per eminentiam. Vis enim continuo tendit ad mutationem status subiecti, cui inest (§. 725. *Ontol.*). At vis, quæ datur in Deo, unicus immutabilis actus est (§. 72.), adeoque non tendit ad status ipsius mutationem. Quamobrem id, quod vim appellamus, proprie loquendo ipsi non inest. Quoniam tamen unicus quidam in ipso datur actus repræsentationis omnium possibilem mundorum (§. cit.) & posita vi ponitur actio (§. 723. *Ontol.*); in Deo quid inest, quod vicem illius vis supplet, quæ proprie loquendo ipsi tribui nequit. Jam vero per eminentiam enti alicui inest, quod proprie loquendo non est, ubi

De Notione Entis perfecti. & ejus Exist. 45

ubi tamen quid in se habet, quod vicem ejus supplet quod proprie eidem tribui nequit (§. 845. *Ontol.*). Vis igitur Deo inest per eminentiam.

In ente finito vis continuo tendit ad status mutationem, veluti vis representativa mundi in anima continuo ad alias aliasque representationes, seu perceptiones: at in ente infinito vis continuo tendit ad unum eundemque actum, ut ideo sit in se immutabilis, veluti vis representativa mundi in Deo ad representationem eandem omnium mundorum possibilium simultaneam atque prorsus distinctam. Quemadmodum itaque entis finiti status continuo mutatur, veluti in anima aliis aliisque perceptionibus continuo sibi invicem succedentibus; ita ex adverso ens infinitum Deus continuo quasi ex eodem in eundem mutatur, hoc est, prorsus non mutatur, sed semper manet idem, eadem mundorum possibilium omnium representatione eodem modo semper subsistente. Quemadmodum itaque vis proprie loquendo, hoc est, eo sensu, quo de ente finito, corporibus eorumque elementis atque animabus accipitur, principium mutationum denotat, ideo admittendum, ut sufficiens deinde mutationum ratio; ita ex adverso in Deo denotat id, quod supplet locum istius principii, & rationem sufficientem continet, cur simul actuentur omnia, quæ in se spectata successive inesse poterant, quemadmodum requirit notio inexistentiæ per eminentiam (§. 845. *Ontol.*). Dici nimirum potest, Deum continere omnes mutationes possibiles simul & hujus ratio sufficiens est vis Deo tributa, qua immutabilitas ejus omni ex parte limitis nescia ab æterno in æternum subsistit. Hæc probe perpendenda sunt, ut differentiam entis finiti intimius perspiciamus, nec desideremus terminorum abstractiorum definitiones generales, quæ utrique entis ex æquo competunt falsaque specie aliis imponant.

§. 74.

Deo actiones tribuuntur per eminentiam. Etenim posita vi, ponitur actio (§. 723. *Ontol.*). Quamobrem cum in Deo vis ponatur per eminentiam (§. 73.) ; actiones

*Quomodo
Deo tribuan-
tur actiones.*

quoque in eodem per eminentiam ponuntur, consequenter ei per eminentiam tribuuntur.

Idem jam aliter ostendimus in systemate (§. 1008. part. I. *Theol. nat.*). Nimirum actiones in eorum numero sunt, quæ sine mutabilitate agentis finiti concipi ne possunt (§. 713. *Ontol.*). Quicquid vero sine mutabilitate entis, cui inest, concipi nequit, id Deo prorsus immutabili (§. 17.) proprie loquendo tribui nequit, sed tribuendum est per eminentiam, si quidem non prorsus eidem repugnat.

§. 75.

Impassibilitas Dei.

Deus prorsus impassibilis est. Ponamus, si fieri potest, Deum esse passibilem, seu passiones eidem tribui posse. Quoniam passio est mutatio status, cujus ratio continetur extra subjectum, quod statum suum mutat (§. 714. *Ontol.*), in subjecto vero datur ratio, cur passio in eo sit possibilis (§. 715. *Ontol.*); ideo Deo quædam inesse possunt, quæ actu non insunt, nisi dependenter ab ente alio coëxistente (§. 851. *Ontol.*). Deus igitur ens independens non est, nec omnes realitates compossibiles in se immutabiliter continet: quod cum sit absurdum (§. 25. 15. & 17.), Deus prorsus impassibilis est.

Poterat etiam ostendi hoc modo directe. Cum Deus sit ens perfectissimum (§. 14.), ens perfectissimum vero dicatur, cui omnes realitates compossibiles in gradu absolute summo insunt (§. 6.); nec impossibile sit eas in gradu absolute summo & simul subjecto inexistere (§. 13.); realitates omnes in gradu absolute summo Deo insunt per modum essentialium (§. 143. *Ontol.*) aut saltem per quasdam determinantur ceteræ (§. 115. *Ontol.*). Enimvero cur essentialia insint enti, ratio nulla datur intrinseca (§. 156. *Ontol.*), cumque primo loco ponenda sint, si ens quoddam concipiendum (§. 142. 143. *Ontol.*), adeoque ideo eidem inesse

inesse intelligantur, quia sibi mutuo non repugnant, nec extrinseca datur ratio, cur insint (§. 56. *Ontol.*). Et quia determinantia sunt ratio sufficiens determinati (§. 116. *Ontol.*), realitates, quæ per ceteras determinantur, rationem sufficientem in ipso Deo habent. Nulla igitur datur ratio in ente a Deo diverso, cur quædam ipsi insint realitates. Præterea cum ultra gradum absolute summum non detur alius ulterior, quod per se patet; nec realitati ulli, quæ Deo inest, quicquam accedere potest, cujus ratio extra Deum querenda in ente quodam alio. Nihil itaque concipi potest, quod Deo insit & cujus ratio querenda sit extra ipsum in ente quodam ab eo diverso. Quamobrem cum nulla detur passio, cujus ratio non contineatur in ente alio ab eo, quod patitur, diverso (§. 714. *Ontol.*); Deo nulla passio tribui potest, consequenter is impassibilis est.

Qui demonstrationem posteriorem perpendit, facile animadvertet, Deum per essentiam suam esse impassibilem, ideo nimirum quia per essentiam summe perfectus est. Sane si Deo perfectionem summam dependenter ab ente quodam alio competere singas, ut passibilis evadat; vi principii rationis sufficientis tandem deveniendum ad ens impassibile, cum alias passibilitatis non prodiret sufficiens ratio: id quod in re satis manifesta latius deduci opus non est. Qui enim objicit, Deo perfectionem absolute summam, aut saltem aliquam realitatem, vel gradum summum alicujus realitatis convenire dependenter ab ente alio, non magis sapit, quam qui objiceret, non recte sumi absque ratione extrinseca, triangulum æquilaterum tria latera æqualia habere, cum forsitan ratio extrinseca dari possit, cur vel latera sint numero tria, vel cur singula inter se æqualia sint. Prodit enim supinam omnis theoriæ entis in genere ignorantiam (§. 142. & seqq. *Ontol.*), immo dependentiæ veritatum omnium a principio contradictionis & rationis sufficientis simul a principio posteriori excluso prorsus priori deducere volens omnes,

omnes, ac chimærica sua subtilitate non facit, nisi ut omnem tandem cognitionis certitudinem convellat. Merito igitur contemnuntur, qui dum nimium sapere volunt, nugantur.

§. 76.

*Omnisuffici-
cientia Dei.*

Deus sibi meti ipsi sufficientissimus est. Etenim Deus vi propria existit (§. 23.), rationem sufficientem existentia in essentia sua habens (§. 26.), ut adeo posita essentia, ponatur etiam existentia (§. 118. *Ontol.*). Non igitur indiget ente alio ut existat. Porro realitates omnes composibiles in gradu absolute summo Deo immutabiliter insunt (§. 15. 17.), ut adeo nihil ipsi superaccedere possit, quod non jam habeat. Et quia prorsus impalsibilis (§. 75.), nihil in ipsum cadere potest, cuius ratio extra ipsum in ente quodam alio quaerenda (§. 714. *Ontol.*). Nullo igitur ente extra se indiget, ut quid ipsi insit, vel insit determinato modo. Quamobrem cum ens unum non indigeat ente alio, nisi quoad existentiam vel realitatum inexistentiam; Deus autem neque ad hoc ut existat, neque ad hoc ut insit quidpiam vel quoad modum inexistendi ente alio extra se indigeat *per demonstrara*, sibi meti ipsi autem sufficientissimum sit ens, quod nullo prorsus ente alio extra se quomodocunque indiget (§. 427. *part. I. Theol. nat.*); Deus sibi met ipsi sufficientissimus est.

Hinc per modum corollariorum deduci possunt propositiones, quibus tanquam principiis usi sumus in demonstranda omnisufficiencia Dei in *systemate* (§. 428. *part. I. Theol. nat.*). Etenim nec in Geometria omnique Mathefi reliqua insolitum est, ut alii utantur tanquam principiis demonstrandi, quæ alii ex propositione per ea demonstrata colligunt. Quamdiu enim idem non fit in eodem *systemate*, nullus committitur circulus vitiosus. Nimirum alia hic sumimus de Deo, quam in *systemate*, adeoque non mirum, si principia demonstrandi & propositiones per eadem demonstranda mutant locum.

§. 77.

Quoniam Deus sibi metipſi ſufficientiſſimus eſt (§. 76.), *Independen-*
adeoque re nulla alia extra ſe indiget (§. 427. part. I. *Theo-*
log. nat.); *nec ente quodam alio, nec re quodam alia extra ad conſerva-*
ſe indiget ad ſui conſervationem. *tionem.*

Poterant demonſtrationes ſystematis a neceſſaria Dei exi-
ſtentia & ſumma ejus perfectione petite etiam hic habere
locum: ſed non opus eſt in particulari demonſtrari, quæ ex
propositione in univerſali eviſta per modum corollariorum
colliguntur. Eodem modo colligi poterat, Deum non in-
digere aliena informatione, vel auxilio & opera (§. 425.
part. I. Theol. nat.), nec re ulla extra ſe voluptatis perci-
piendæ gratia opus habere (§. 426. *part. I. Theol. nat.*),
modo ex hæſtenus demonſtratis conſtaret, ea convenienter
de Deo removeri, non futiliter.

§. 78.

Quæ animæ inſunt per modum facultatum, ea Deo non *Quomodo fa-*
poſſunt tribui niſi per modum actus. Etenim facultates ani- *cultates ani-*
mæ ſunt potentia ejusdem activæ (§. 29. *Psych. emp.*), *ma Deo tri-*
ſequenter cum ſint nudæ agendi poſſibilitates (§. 716. *On-*
tol.), animæ diverſæ tribuuntur facultates, quatenus poſ- *buanter.*
ſibile eſt, ut diverſæ eidem inexiſtant actiones, conſequen-
ter mutationes intrinſeci ſtatus diverſæ in eodem actu con-
tingant (§. 713. *Ontol.*). Enimvero Deus inſinitus eſt (§.
18.), conſequenter quia enti infinito omnia ſimul inſunt,
quæ eidem actu ineſſe poſſunt (§. 838. *Ontol.*), nihil in eo
concipitur tanquam inexiſtibile, quod non actu inſit.
Quamobrem cum realitates, quæ inſunt animæ, Deo tribui
poſſint (§. 70.); quæ animæ inſunt per modum faculta-
tum, ea Deo non poſſunt tribui niſi per modum actus.

Idem etiam ſic oſtenditur. Facultates animæ non in-
ſunt, niſi quatenus vis univerſi repræſentativa diverſo mo-
(*Wolſi Theol. Nat. P. II.*)

G

do

do modificabilis (§. 81. *Psych. rat.*). Quamobrem cum modificabile sit, quod successive aliarum determinationum intrinsecarum capax est (§. 764. *Ontol.*) & in vi contineatur ratio sufficiens actualitatis, cur eadem actu insint (§. 722. *Ontol.*), facultates animæ non denotant nisi possibilitatem inexistentiæ successivæ diversorum actuum, qui ad idem aliquod genus vel speciem eandem referri possunt (§. 233. 234. *Ontol.*). Enimvero in Deo nulla datur statuum successio (§. 48.). Facultates igitur animæ ipsi tribui nequeunt per modum facultatum, sed nonnisi per modum actus.

Poterat etiam ita inferri. Facultates animæ non insunt, nisi quatenus diversi actus ejusdem generis vel speciei successive per vim repræsentativam universi ad actum perducipi possunt *per demonstrata num. 2.* Quoniam itaque vis repræsentativa omnium mundorum possibilitium, quam Deo vindicavimus (§. 71.), est unicus immutabilis actus (§. 72.), quæ animæ insunt per modum facultatum, ea eidem tribui nequeunt nisi per modum actus.

Propositio præsens & superior de realitatibus, quæ insunt animæ, in gradu absolute summo tribuendis, principia heuristica sunt, quibus in arte inveniendi speciali locus esse poterat. Eorum usus est, ut citra errorem deregantur attributa divina. Et iis non modo usi sunt philosophi, qui recte de Deo senserunt, verum etiam ipsi Theologi, quatenus verba Scripturæ, quibus attributa divina indignantur, Numini summo conveniente modo explicarunt. Et quamvis hic ex notione entis perfectissimi deducamus, quæ Deo tribui possunt; eorum tamen notiones per ea, quæ creaturis insunt, consequi & per principia ista rectificare debemus, ne quid ipsis inhæreat, quod Deo perfectissimo enti repugnet.

CAPUT II.

De Intellectu Dei.

§. 79.

DEUS omnes mundos possibiles sibi simul repræsentat. *Simultanea omnium mundorum possibilium repræsentatio in Deo.*
 Pone enim, si fieri potest, Deum omnes mundos possibiles sibi simul non repræsentare, sed successive. Vis igitur repræsentativa eorundem, quam ipsi competere constat (§. 71.), non est unicus immutabilis actus: quod cum sit absurdum (§. 72.), Deus omnes mundos possibiles sibi simul repræsentare debet.

Fluit hoc ex infinitudine Dei, per quam vis Deo non comperit nisi per eminentiam (§. 73.): non tamen opus est, per ambages ex eadem demonstrari, quod ex principiis propriis ad eam reducendis in demonstrationis analysi inferri potest.

§. 80.

Deus omnia sibi simul in eodem mundo repræsentat. *Simultanea omnium in eodem mundo repræsentatio.*
 Ostenditur, eodem prorsus modo, quo propositio præcedens, vel etiam hoc modo. Ponamus, si fieri potest, Deum non omnia sibi simul repræsentare, quæ ad eundem mundum pertinent: repræsentabit igitur successive, consequenter repræsentatio unius dabitur in Deo post repræsentationem alterius (§. 569. Ontol.), adeoque Deo mutabilia insunt (§. 290. Ontol.). Quamobrem cum mutabilium determinatione constituatur itatus entis (§. 705. Ontol.); dabitur in Deo statuum successio. Quod cum sit absurdum (§. 48.); Deus omnia in eodem mundo simul sibi repræsentare debet.

Propositionem hanc priori addere visum est, ne quis obijciat, non repugnare, ut Deus omnes mundos possibiles

sibi simul repræsentet, non tamen omnia simul, quæ de singulis sibi repræsentat. Ne igitur insufficienter demonstrasse videamur, quod in sequentibus demonstrandis usui erit; sigillatim enunciandum fuit, quod sub priori non continetur.

§. 81.

*Distincta
omnium
mundorum
possibilium
repræsentatio
in Deo.*

Deus omnes mundos possibles sibi prorsus distincte repræsentat. Ponamus, si fieri potest, Deum omnes mundos possibles non prorsus distincte sibi repræsentare. Erunt igitur quædam, quæ sibi repræsentat tantummodo confuse, vel prorsus obscure (§. 31. *Et seq.* ac §. 38. *Et seq. Ppsych. empir.*). Vi igitur repræsentativa omnium mundorum possibilium, quæ Deo competit (§. 71.), major concipi potest, nimirum qua iidem prorsus distincte repræsentantur, cum realitas omnis in gradu absolute summo possibilis sit (§. 22.). Enimvero quo majus concipi potest, id limitatum est (§. 825. *Ontol.*). Erit itaque vis mundorum omnium repræsentativa in Deo limitata: Quod cum sit absurdum (§. 71.), Deus omnes mundos possibles sibi prorsus distincte repræsentare debet.

Quoniam Deo tribui nequeunt, quæ ullo modo defectum aliquem involvunt (§. 37.); mundorum omnium possibilium repræsentatio in Deo ab omni defectu immunis esse debet. Necessæ igitur est, ut singula, quæ in mundo quocunque a se invicem differunt, tanquam diversa repræsententur, consequenter quæ distingui a se invicem possunt, in ipsa etiam repræsentatione actu distinguantur. Quamobrem cum perceptio, consequenter objecti repræsentatio (§. 24. *Ppsych. empir.*), distincta sit, si in eodem plura a se invicem distinguantur, quæ sigillatim enunciables sunt (§. 38. *Ppsych. empir.*); repræsentatio omnium mundorum possibilium in Deo esse debet prorsus distincta, seu,

seu, quod perinde est, Deus omnes mundos posibles prorsus distincte sibi repræsentat.

Qui ex Psychologia rationali didicit, quomodo nascentur perceptiones confusæ, adeoque intelligit, quod per eas plura a se invicem distincta repræsententur tanquam unum, quo ipso realitates in phænomena convertuntur; ei nullum supererit dubium, quin confusio arguat defectum in repræsentando, consequenter in Deo nullatenus admitti possit (§. 37.).

§. 82.

In Deo datur simultanea & prorsus distincta omnium *Qualis mundorum repræsentatio datur in Deo.* *possibilium mundorum repræsentatio.* Etenim Deus omnes mundos posibles & quæ in singulis sunt omnia simul (§. 79. 80.) atque prorsus distincte sibi repræsentat (§. 81.), & vis illorum repræsentativa, quæ ipsi competit (§. 71.), & in qua ratio sufficiens actualis repræsentationis continetur (§. 722. *Ontol.*), consequenter qua posita ponitur ipsa repræsentatio (§. 118. *Ontol.*), in Deo non est nisi unicus immutabilis actus (§. 72.). In Deo igitur datur simultanea & prorsus distincta omnium possibilium mundorum repræsentatio.

Deducitur hic repræsentatio ex summa Dei perfectione, quæ sumitur, cum in systemate illata fuerit ex eo, quod Deo tribuenda sint ea, sine quibus ratio sufficiens existentie hujus mundi adspectibilis dari nequit, propterea quod ibidem sumimus, in Deo rationem sufficientem existentie contingentis hujus universi contineri. Ratio diversitatis modi, quod unum ex alio inferretur, probe perpendenda, ut appareat, cur earundem veritatum diversa prodeant systemata: id quod methodi demonstrativæ expertes agnoscere noluunt.

§. 83.

Repræsentatio omnium mundorum possibilium in Deo absolute necessaria est. Pone enim, si fieri potest, eam non absolute esse absolutam necessariam. Quoniam oppositum ejus, quod *istius repræsentationis.*

absolute necessarium non est, in se sive absolute spectati non est impossibile (§. 302. *Ontol.*), consequenter possibile (§. 85. *Ontol.*) ; fieri omnino potest, ut representatio mundorum omnium possibilem non detur in Deo, consequenter vis eorundem representativa, quæ Deo competit (§. 71.), & qua posita illa ponitur (§. 723. *Ontol.*) in ipso non est immutabilis quidam actus (§. 325. *Ontol.*). Quod cum sit absurdum (§. 72.), representatio mundorum omnium possibilem in Deo absolute necessaria est.

Redarguuntur hinc erroris sui, qui cum *Poireto* sentientes fingunt. Deum pro arbitrio suo ideas rerum ab ipso diversarum in se admittere posse, quoniam visum fuerit: quod si vero videtur aliter, eas ab eodem abesse. Perperam nimirum voluntati liberæ subiciunt, quod ab eadem minime pender, & antecedenter ad voluntatem divinam in eodem ponendum. Pater etiam fons erroris, ignorantia principiorum ontologicorum & nexus veritatum. Unde porro intelligitur, quam facile sit in errores prolabi, nisi ope methodi demonstrativæ veritates in systema veri nominis redigantur: id quod unice intendimus, ut adeo philosophia nostra non censenda sit ex dogmatibus, sed ex methodo, qua proponuntur, atque adeo in hac quaerenda sit differentia ab omni reliqua.

§. 84.

*Cur ea sit
essentialis
Deo.*

Representatio omnium mundorum possibilem Deo essentialis est, seu, per essentiam in Deo ponitur. Est enim absolute necessaria (§. 83.). Quare cum absoluta necessitas ex essentia entis oriatur (§. 315. *Ontol.*) ; representationis quoque mundorum omnium possibilem in Deo absoluta necessitas ex essentia divina oritur, seu, quod perinde est per eandem determinatur, consequenter posita essentia divina in Deo ponitur (§. 115. *Ontol.*), seu eadem essentialis est.

Essen-

Essentiam adeo divinam tollere tenentur, qui absolutam necessitatem repræsentationis omnium mundorum possibilem in Deo negant, vel saltem in dubium revocant, eamque a decreto Dei arbitrario derivant. Equidem in nobis libertas voluntatis influit in determinationem actus repræsentationis mundi hujus adspicibilis, eumque a decreto dependentem facit (§ 151. & seqq. *Ppsych. rat.*). Sed inde non recte colligitur, actum repræsentationis totius mundi adspicibilis & ceterorum omnium possibilem iridem a libero Dei decreto dependere, consequenter Deum sibi hunc mundum adspicibilem, vel alium quemcunque, aut omnes simul sibi repræsentare posse, si velit, non autem repræsentare, si nolit. Ratio enim distincti in promptu est. Anima continuo (§ 190. *Ppsych. rat.*), etiam in somno (§ 191. *Ppsych. rat.*), producit ideam totius hujus universi per naturam suam (§ 67. *Ppsycholog. ration.*) & per essentiam (§ 66. *Ppsychol. rat.*), & hæcenus divinitatem imitatur (§ 71. 72.), estque idea seu repræsentatio totius mundi in eadem absolute necessaria (§ 315. *Ontol.*), quemadmodum in Deo (§ 83.). Enimvero ideam integram unam versi simul intueri (§ 194. *Ppsych. rat.*), consequenter non omnia, quæ eidem insunt, clare percipere potest (§ 193. *Ppsych. rat.*); quoad claras tamen perceptiones certas observare teneretur leges (§ 217. *Ppsych. rat.*), in quarum executione cum libertati locus sit (§ 151. & seqq. *Ppsych. rat.*), non ideæ productio, sed ejus intuitus a libertate penderet. Constat autem Deum simul omnia distincte sibi repræsentare (§ 79. 80. 81.), consequenter inquirum esse infinitum (§ 838. *Ontol.*) & pro fusum illimitatum (§ 825. *Ontol.*). Per naturam igitur & essentiam entis infiniti ac pro fusum illimitati fieri nequit, ut intuitus idem unam versi libertati ejus subijciatur, quemadmodum natura & essentialia entis finiti ac limitati admittit. Quod perceptiones clare a libertate in nobis dependant aliquando, ad defectu est, limitato nempe claritatis in percipiendo gradu, qualis Deo tribui nequit (§ 37.). Videmus adeo subsistere hic differentiam inter ens infinitum & finitum, salva similitudine, quam differentia ista admittit. Obiter autem observo, elucescere hinc usum insignem *Ppsychol.*

chologiae rationalis etiam quoad ea, quae paradoxa videntur hominibus fasto supercilio contemnentibus ac risui aliorum exponentibus, quae a Praeceptoribus suis non didicere.

§. 85.

*Differentia
possibilium
primitivo-
rum & deri-
vativorum.*

Possibilia derivativa sunt, quae aliorum combinatione resultant: *primitiva* vero, quae aliorum combinatione non resultant. *Primitiva* vel *prima* sunt, realitates scilicet, quae alias non supponunt: vel *secunda*, sive *a primis orta*, quae alias supponunt.

Differentia haec exemplis illustrari nequit, ut penitus intelligatur: pendet enim hoc a demonstrationibus sequentibus. Potest tamen exemplo aliquo modo declarari, ut intelligatur, quantum sufficit ad demonstrationes subsequentes intelligendas. In Geometria linearum rectarum utrinque terminatarum combinatione prodeunt figurae rectilineae: haec igitur spectari possunt tanquam *possibilia derivativa*, ipsae autem lineae rectae utrinque terminatae tanquam *possibilia primitiva*. Enimvero linea recta utrinque terminata, cum id infinitis modis fieri posse intelligatur, supponit lineam interminatam. Ac ideo linea utrinque interminata, quae sensu Mathematicorum infinita dicitur (§. 796. *Ontol.*), spectari potest tanquam possibile primitivum primum, rectae autem lineae innumeris modis utrinque terminatae spectari possunt tanquam *possibilia secunda*, sive *a primo orta*. Haec probe perpendi velim, ut aliqua istius differentiae, quam hic exponimus, nascatur in animo idea: neque enim ea inter steriles nugae referenda, sed usus forsan inexpectatus mox ex sequentibus elucescet; elucescent suo tempore alii hic non commemorandi.

§. 86.

*Quorum Deus
sibi sit con-
sciens.*

Deus omnium mundorum possibilium eorumque, quae in ipsis sunt, atque sui ipsius conscius est. Etenim Deus mundos posibles omnes & quae in eo sunt, distincte prorsus sibi repraesentat (§. 81.). Quamobrem cum nobis conscii simus eorum, quae distincte nobis repraesentamus

(§. 11.

(§. 11. *Pfych. rat.*) & anima nostra sui ipsius conscia est, quatenus sibi conscia suarum actionum (§. 12. *Pfych. rat.*); quin Deus sibi conscius sit omnium mundorum possibilitium, eorumque, quæ in ipsis sunt, atque sui ipsius nullo modo dubitari potest (§. 70.).

Idem etiam ostenditur hoc modo. Anima sibi conscia est sui rerumque extra se constitutarum (§. 11. *Pfych. emp.*), quas clare & distincte percipit (§. 11. *Pfych. rat.*) & §. 31. 38. *Pfychol. empir.*). Jam cum apperceptio, qua anima sui & rerum sibi repræsentatarum conscia est (§. 25. *Pfychol. empir.*), sit realitas aliqua (§. 5.), eaque utpote animæ vi universi repræsentativa præditæ (§. 63. *Pfych. rat.*) una cum hac vi inexistens eidem compossibilis (§. 1.): Deo autem, cui itidem vis universi repræsentativa inest (§. 71.), omnes realitates compossibiles insunt (§. 15.): actus quoque apperceptionis Deo convenit, consequenter is sui mundorumque omnium possibilitium & eorum, quæ in ipsis sunt, conscius est (§. 25. *Pfych. empir.*).

Poteramus quoque idem inferre hoc modo. Anima nostra sibi sui ipsius & rerum perceptarum conscia est (§. 11. *Pfychol. empir.*). Quoniam itaque Deo tribuendæ sunt realitates in gradu absolute summo, quæ animæ nostræ insunt (§. 70.); apperceptio vero, qua anima sibi sui & rerum perceptarum conscia (§. 25. *Pfychol. empir.*), realitas est (§. 5.); Deo quoque sibi sui ipsius rerumque repræsentatarum, consequenter omnium mundorum possibilitium & eorum, quæ in ipsis sunt (§. 79. 80.), conscius est.

Apperceptio Deo competit in gradu absolute summo (§. 70.): quod ut intelligatur, explicandum nobis est, quomodo apperceptioni gradus tribui possit. Vi apperceptionis nobis conscii sumus perceptionum nostrarum (§. 25. *Pfych. emp.*),

(*Wolffii Theol. Nat. P. II.*)

H

veluti

veluti sensationum (§. 65. *Pfych. empir.*) & actuum imaginationis (§. 92. *Pfych. empir.*). Nemo non novit, quoad apperceptionem eorum, quæ sensu percipimus & quæ imaginamur, magnam intercedere differentiam, ita ut nobis magis consciî simus eorum, quæ sensu, quam illorum, quæ imaginatione percipiuntur. Pendet illa differentia a claritate in percipiendo, quam majorem esse in sensationibus, quam in phantasmatis, hoc est, perceptionibus vi imaginationis productis (§. 93. *Pfych. empir.*) constat (§. 96. *Pfych. empir.*), ita ut sensationes actus imaginationis obscurent, ut hos ægre, immo subinde prorsus non appercipiamus (§. 99. *Pfych. empir.*). In Deo igitur nulla est claritatis diversitas quoad omnia, quæ sibi simul repræsentat, sed singula eadem sibi repræsentat claritate. Atque ideo omnium sibi æque conscius est, nec ulla hic fingi potest diversitas. Porro nemo non in se ipso experitur, actum apperceptionis eodem modo sese ad omnia simul clare non extendere. Unde manavit, quod vulgo dicitur: Pluribus attentus minor est ad singula sensus. Enimvero Deus simul quemadmodum eadem claritate sibi repræsentat omnia, ita etiam singulorum simul sibi eodem modo conscius est, consequenter opus non habet ut successive quemadmodum nos ad perceptiones partiales in totali contentes promoveat attentionem. Tantus igitur est in Deo apperceptionis actus, quo major concipi nequit.

§. 87.

Prima possibilia quænam sint.

Realitates, quæ Deo insunt, sunt prima possibilia. Et enim Deus ens est omnium primum (§. 33.), consequenter ante ipsum non exitit ens aliud (§. 44. *part. I. Theol. nat.*). Nullas igitur concipere licet realitates, quæ sint illis priores, quæ in Deo existunt, consequenter quæ Deo inexistunt, alias non supponunt. Quoniam itaque realitates prima sunt possibilia, quæ non supponunt alias (§. 85.); realitates, quæ Deo insunt, prima utique possibilia sunt.

Vulgo

Vulgo dicitur, attributa divina prima esse possibilia. Enimvero attributi nomine tum venit omnis realitas, quæ Deo inest: unde & eadem cum essentia divina dicuntur. Ne vero termini, cui determinatam in philosophia prima assignavimus notionem (§. 146. *Ontol.*), æquivocatio irrepat; consultius visum est, realitatis nomen retineri. Ceterum propositionem præsentem vel sine demonstratione largientur, qui Deum ens necessarium agnoscunt, a quo dependent cetera omnia, quæ non sunt a se. Quodsi tamen confusam notionem, quæ menti obversans eam per se claram reddit, evolvas, in demonstrationem, quam dedimus, incidet.

§. 88.

Prima possibilia sunt realitates illimitatæ. Prima enim possibilia sunt realitates, quæ Deo insunt (§. 87.). Enimvero nulli in Deo dantur limites (§. 16.), consequenter realitates, quæ eidem insunt, prorsus illimitatæ sunt. *Cur realitates illimitatæ prima possibilia.* Prima igitur possibilia sunt realitates illimitatæ.

Perinde adeo hic sese res habet ac in exemplo aut, si minus, simili, quo differentiam possibilium paulo ante illustravimus (not. §. 85.), ubi in Geometria primum possibile diximus lineam rectam interminatam: sit ita quod tantummodo ita spectetur, quoniam in Geometria imaginariis locus est.

§. 89.

Deus semetipsum cognoscit quam distinctissime & omnia, Cognitio sui quæ ipsi insunt, unico actu sive simul cognoscit. Anima humana semetipsam cognoscit, teste Psychologia tam empirica, quam rationali, cumque realitas sit, quicquid enti alicui vere inesse intelligitur, non vero per perceptiones nostras confusas inesse videtur (§. 5.), quin hæc sui ipsius cognitio realitas sit dubitari nequit. Enimvero Deo tribuendæ sunt realitates, quæ insunt animæ nostræ in gradu absolute summo (§. 70.). Ergo etiam cognitio sui ipsius

H 2

Deo

Deo tribuenda in gradu absolute summo, consequenter quia gradus absolute summus realitatis omnem excludit defectum (§. 11.), absque omni defectu. Nemo non agnoscit, cognitionem sui ipsius, quæ datur in anima nostra, in eo deficere, quod non omnia, quæ eidem insunt, quæque in eadem contingunt, agnoscere & a se invicem distinguere valeamus, consequenter quod anima nostra non distinctissime se ipsam cognoscat (§. 38. *Psychol. empir.*). Necessè igitur est, ut Deus quam distinctissime cognoscat seipsum & omnia, quæ ipsi insunt. Enimvero in Deo nulla datur statuum successio (§. 48.). Quamobrem is non successive cognoscit ea, quæ ipsi insunt, sed simul, quemadmodum ex successivi & simultanei differentia perspicitur (§. 569. *Ontol.*). Semetipsum igitur & omnia, quæ ipsi insunt, simul cognoscit. Patet itaque Deum cognoscere semetipsum & quæ ipsi insunt omnia quam distinctissime atque simul.

Quodsi quis Psychologium utramque attenta mente perolverit, ei abunde perspectum erit, quam multa insint animæ nostræ, quæ non cognoscimus, ita ut maxima pars eorum, quæ cognoscimus, non modo minima, sed prorsus infinite parva, si phrasi Mathematicorum uti volueris, pars eorum dicenda sit, quæ non cognoscimus. Recolenda tantummodo sunt animo, quæ de iis demonstravimus, quæ in ideis nostris sensualibus & phantasmatibus, seu ideis vimaginationis productis (§. 93. *Psych. empir.*) involvuntur (§. 182. & seqq. *Psych. rat.*), nec non de infinitis gradibus, quibus perceptiones mediate ab immediatis removentur (§. 198. *Psych. rat.*), quæ de causis infiniti dantur gradus obscuritatis perceptionum mediarum (§. 202. *Psych. rat.*). Perpendenda hic quoque sunt, quæ de serie perceptuum ac appetitionum atque aversionum unicuique animæ propria (§. 524. *Psych. rat.*), & continuam situm præteritorum, præsentium ac futurorum a se invicem dependentiam involvente (§. 404. & seqq. §. 421. 422. §. 593. 594. *Psych. empir.*)

evici.

evicimus. Hoc pacto abunde cognoscemus defectum, quo cognitio sui ipsius laborat, etsi multa adhuc alia supersint, quæ eandem confirmant. Hujus autem cognitio clarissime insinuat a cognitione sui ipsius, quæ Deo tribui debet, removenda, ut distinctissima evadat.

§. 90.

Deus prima possibilium quam distinctissime atque simul Primorum cognoscit. Etenim semetipsum cognoscit quam distinctissime *possibilium* sine & omnia, quæ ipsi insunt, unico actu live simul (§. 89.), consequenter quam distinctissime atque simul cognoscit omnes realitates, quæ eidem insunt (§. 15.). Enimvero realitates, quæ Deo insunt, prima possibilium sunt (§. 87.). Deus itaque prima possibilium quam distinctissime atque simul cognoscit.

Deus possibilium prima cognoscit, quatenus sui ipsius conscius est. Quamobrem cum ipsemet sit ens omnium primum, nec ipso quidpiam prius, nec sine ipso quidpiam aliud concipi possit; quoad ordinem cognoscendi primorum possibilium cognitione nihil prius. Probe autem notandum est, quo ordine rerum cognitio a nobis in Deo concipiatur, ut intelligamus, quomodo nos, quorum successiva est cognitio, recto tramite progredi debeamus, in intimam rerum notitiam penetraturi. Ordo enim, quem nobis cognitio divina offert, is ipse est, qui in progressu ab uno ad alterum a nobis observandus. Quæ enim successive fiunt in nobis, ea quidem in Deo sunt simul; hoc tamen non obstante subsistit ordo, vi cuius aliud concipitur tanquam prius, aliud tanquam posterius: id quod dudum agnovere Theologi, & recte inculcarunt Philosophi. Nec aliud insinuat similitudo Dei ac animæ humanæ, quæ tanta est, quanta differentia inter ens infinitum atque finitum permittit.

§. 91.

Possibilia primitiva secunda sive a primis ortantur. Quomodo
tur realitatum, quæ Deo insunt, diversa limitatione. Pos- *possibilia*
H 3 *sibi primitiva*

*secunda a
primis orian-
tur.*

sibilia primitiva non supponunt alias (§. 85.), adeoque per ipsa intelligi debet, quomodo inde primitiva secunda oriuntur. Possibilia prima sunt realitates illimitatæ (§. 88.). Quamobrem ex iis alia nasci non possunt nisi harum realitatum limitatione. Sunt vero eadem realitates, quæ Deo insunt (§. 87.). Ergo possibilia secunda, quæ a primis oriuntur, realitatum, quæ Deo insunt, diversâ limitatione nascuntur.

Hinc supra differentiam possibilitium illustraturi tanquam primum possibile supposuimus lineam rectam utrinque interminatam, & diversâ ex utraque parte terminatione facta resultantibus lineis utrinque terminatis sive finitis diximus possibilitia primitiva secunda, sive a primis orta. Neque vero est, quod verearis, ne insufficiens constituatur fundamentum possibilitium primitivorum secundorum, cum dentur realitates, quæ Deo non insunt, veluti sensus & imaginatio (§. 157. part. I. Theol. nat.), atque appetitus sensitivus (§. 110. part. I. Theol. nat.). Etenim illimitatarum realitatum limitatione prodire possunt, quæ Deo vel prorsus inesse nequeunt, veluti appetitus sensitivus, vel saltem insunt per eminentiam, veluti sensus & imaginatio. Quodsi ergo rerum omnium extra Deum existentium essentiam & naturam intime perspiceremus; nihil mihi superest dubium, quin omnia possibilitia primitiva secunda ex realitatibus, quæ Deo insunt, a priori derivare ac inde porro eo, quem mox expositori sumus modo, omnium entium ideas componere nobis liceret.

§. 92.

*Omnium
possibilium
secundorum
cognitio Deo
iudicata.*

Deus omnia possibilitia primitiva secunda sive a primis orta quam distinctissime cognoscit. Etenim Deus distinctissime ac simul cognoscit omnia possibilitia prima (§. 90.). Jam vero possibilitia primitiva secunda nascuntur limitatione realitatum, quæ Deo insunt (§. 91.), consequenter cum hæ sint ipsa possibilitia primitiva prima (§. 87.), possibilitium primi-

primitivorum primorum limitatione. Enimvero anima nostra interminatum seu illimitatum variis modis limitare valet, atque limitationes possibiles illimitati cognoscit. Quamobrem cum Deo tribuendæ sint realitates, quæ animæ nostræ insunt, qualem esse actum limitandi quod tanquam illimitatum nobis repræsentamus, nemo dubitare potest (§. 5.), in gradu absolute summo (§. 70.), & quidem per modum actus, quæ ei per modum facultatis insunt (§. 78.); Deus quoque possibilia primitiva prima omni possibili modo actu limitat & omnes eorundem possibiles limitationes quam distinctissime ac simul cognoscit. Patet adeo Deum omnia possibilia primitiva secunda sive a primis orta quam distinctissime cognoscere.

Clarissime adeo ostendimus, non modo quod, verum etiam quomodo omnium possibilium secundorum seu a primis ortorum cognitio in Deo habeat locum, quæ sunt prima entium finitorum principia effendi (§. 874. *Ontol.*). Ceterum hæc singula, quæ de possibilium cognitione divina demonstrantur, probe perpendenda sunt, ut quomodo Deo insint ideæ rerum finitarum rite intelligatur: id quod mox usui erit ad eorundem necessitatem, æternitatem & dependentiam a Deo Theologis & Philosophis unanimi consensu usque ad ea tempora, quibus philosophia *Cartesiana* invaluit, approbatam firmiter stabiliendam. Ita enim tandem quam luculentissime constabit, quanto intervallo a vero absit *Poirstus*, dum doctrinam Scholasticorum de essentiis rerum necessariis atque æternis independentiæ divinæ adversam judicat & fontem absolutæ necessitatis aculat. Hæc enim doctrina proba est, nec sine ea demonstrationes in Theologia naturali dari possunt, nec tolli difficultates circa existentiam mali in hoc universo, quemadmodum & ex systemate jam intelligitur, cui præsentæ demonstrationes uberiores adhuc locum affundunt, immo omnem, quæ a ratione humana expectari potest.

Omnia realitatum illimitatum existentia Deo vindicata.

Deo insunt omnes realitates in gradu absolute summo, seu præter eas, quæ Deo insunt, non dantur aliz quæ non insunt. Etenim possibilia prima sunt realitates illimitatæ (§. 88.), quæ Deo insunt (§. 87.), & primitiva secunda, seu ab istis orta nascuntur limitatione diversâ realitatum, quæ Deo insunt (§. 91.). Nullæ igitur dantur realitates limitatæ, quæ non nascuntur ex primis, quæ Deo insunt. Quamobrem necesse est, ut Deo realitates omnes illimitatæ, seu in gradu absolute summo insunt, seu præter realitates, quæ Deo in gradu absolute summo insunt (§. 15.), non dentur aliz, quæ non insunt.

Quamvis itaque in superioribus, cum Deum definiremus (§. 14.) quod sit ens perfectissimum, vi definitionis entis perfectissimi tacite sumserimus (§. 6.), quod & inde intulimus (§. 15.). Deo inesse omnes realitates compossibiles in gradu absolute summo, consequenter realitates in gradu absolute summo cum quadam restrictione eidem tribui videantur; ex præsentem tamen propositionem intelligitur, præter realitates illimitatas compossibiles, quæ Deo insunt, non esse alias absolute possibiles, sed realitates illimitatas in universum omnes compossibiles esse ac ideo Deo enti perfectissimo inexistere. Atque adeo patet, nullum inde enatum fuisse veritati præjudicium, quod initio quasi in dubio reliquerimus, utram præter realitates illimitatas, quæ Deo insunt, possibiles sint adhuc aliz, quæ non insunt, nec ne, antequam demonstrari posset, inesse omnes absque ulla restrictione. Ceterum ne quis circa propositionem præsentem difficultates inanes nectat, vel etiam per errorem Deo tribuat, quæ eidem convenire nequeunt, veluti infinitam extensionem; recolenda sunt animo, quæ paulo ante annotavimus (not. §. 91.).

§. 94

*Si omnia possibilia primitiva secunda seu a primis orta Essentia en-
juxta principium contradictionis combinentur; essentia entium limi-
tium limitatorum resultant.* Etenim possibilia primitiva se-
cunda seu a primis orta nascuntur limitatione realitatum,
quæ Deo insunt (§. 91.). Quamobrem cum Deo insunt
realitates omnes illimitatæ, nec præter eas, quæ eidem in-
sunt, dentur aliæ, quæ non insunt (§. 93.), præter pos-
sibilia secunda seu a primis orta, quæ dicimus (§. 85.),
non dantur alia, quæ enim limitato inesse possunt. Quodsi
jam possibilia primitiva secunda secundum principium con-
tradictionis combinentur, cum vi ejusdem impossibile sit,
idem simul esse & non esse (§. 28. Ontol.); hoc ipso evi-
dens est, ea simul eidem subjecto inesse posse, etsi ex uno
non intelligatur, cur alterum simul insit, quoniam vi ipsius
principii tantummodo attenditur, nam una esse possint.
Prodeunt adeo hac combinatione subjecta, quibus insunt,
quæ sibi mutuo non repugnant, & quorum uno posito
non ponendum quoque est alterum, quod una inest, con-
sequenter quæ per se invicem non determinantur (§. 113.
Ontol.). Enimvero quæ in aliquo subjecto sibi mutuo non
repugnant, nec tamen per se invicem determinantur, es-
sentiam entis constituunt (§. 143. Ontol.). Quodsi ergo
possibilia omnia primitiva secunda secundum principium
contradictionis combinentur, essentia entium prodeunt,
& quidem, cum possibilia ista sint realitates limitatæ per
hypothesein & demonstrata, entium limitatorum.

Quæ hic demonstrantur exemplo quodam geometrico il-
lustrari possunt. Lineæ rectæ utrinque terminatæ spectari
possunt tanquam possibilia primitiva secunda seu a primo
orta (not. §. 91.). Quodsi jam vi principii contradictionis
eadem ita combinentur, ne inde aliqua orisur contradictio,
(*Wolffii Theol. Nat. P. II.*) I veluti

veluti si tres combinentur lineæ , quarum duæ simul tertia majores sunt , aut si combinentur quatuor , vel quinque ; resultant inde essentia figurarum triangularium , quadrangularium , quinquangularium & ita porro.

§. 95.

Quomodo attributa & modi quoad potentiam resultant.

Si possibilia primitiva secunda seu a primis orta secundum principium contradictionis combinentur ; vi principii rationis sufficientis attributa entium limitatorum necessario resultant , una cum modis quoad potentiam & modorum ordine atque dependentia entis limitati unius quoad modificationem suam ab aliis. Etenim si possibilia primitiva secunda seu a primis orta secundum principium contradictionis combinentur , essentia entium limitatorum resultant (§. 94.). Enimvero cur attributa insint , ratio sufficiens in essentialibus continetur (§. 157. *Ontol.*). Quamobrem cum posita ratione sufficiente ponatur id , quod per eam potius est , quam non est (§. 118. *Ontol.*) ; si possibilia secunda seu a primis orta secundum principium contradictionis combinentur , attributa entibus limitatis singulis convenientia una resultant , quæ scilicet cum essentialibus eidem subjecto una inesse debent , & quidem necessario , cum attributa absolute necessaria sint (304. *Ontol.*). *Quod erat unum.*

Similiter cur modi inesse possint , ratio sufficiens in essentialibus continetur , cur vero actu insint vel in modis antecedentibus , vel ente alio ab eo , cui insunt , diverso , aut pluribus istiusmodi entibus , vel denique partim in modis antecedentibus , partim in ente alio ab eo , cui insunt , diverso , vel pluribus etiam entibus aliis querenda (§. 160. *Ontol.*). Quoniam itaque posita ratione sufficiente ponitur id , quod propter eam potius est , quam non est (§. 118. *Ontol.*) ; si possibilia primitiva secunda seu a primis orta secundum principium contradictionis combinentur ,

vi

vi principii rationis sufficientis resultat possibilis modorum inexistencia ea lege, ut vel in modo præcedente contineatur ratio sufficiens sequentis, vel eadem deprehendatur in ente alio ab eo, cui inest, diverso, aut pluribus istiusmodi entibus aliis, vel denique partim in modo præcedente, partim in ente alio ab eo, cui insunt, diverso, vel pluribus etiam istiusmodi entibus aliis. Modorum adeo successive eidem enti inexistere valentium inexistencia eodem modo determinabilis resultat (§. 215. *Ontol.*), consequenter cum ex identitate determinationis similitudo prodeat (§. 217. *Ontol.*), in successione modorum possibili in eodem subiecto ordo resultat (§. 472. *Ontol.*). Patet itaque si possibilia primitiva secunda seu a primis orta secundum principium contradictionis combinentur, vi principii rationis sufficientis resultare modos quoad potentiam (§. 176. *Ontol.*) & in successione modorum ordinem. *Quod erat secundum & tertium.*

Cum ratio, cur modi inesse possint, etiam contineatur in entibus aliis ab eo, cui insunt, diversis (§. 160. *Ontol.*), ens vero unum ab altero dependeat, quatenus ejus, quod ipsi inexistit, ratio in hoc altero continetur (§. 851. *Ontol.*); si possibilia primitiva secunda seu a primis orta secundum principium contradictionis combinentur, vi principii rationis sufficientis resultat dependentia entium limitatorum a se invicem in modorum successione. Quoniam itaque successio modi unius in locum alterius a se diversi modificatio est (§. 704. *Ontol.*), eaque, cum omnis modificatio in variatione limitum consistat (§. 830. *Ontol.*), entis limitati; si possibilia primitiva secunda secundum principium contradictionis combinentur, vi principii rationis sufficientis dependentia entis limitati unius quoad modificationem suam ab aliis resultat. *Quod erat quartum.*

Propositio præsens non adeo commode illustratur exemplo aliquo geometrico, quemadmodum anteriores, propterea quod figuræ non eodem modo modificabiles sunt & in modificationibus suis pendunt a figuris ceteris, quemadmodum entia realia, de quibus hic sermo nobis est. Quodsi tamen ad discendum, quam ad carpendum fueris pronior; entia quoque geometrica hic satisfaciunt. Si tres lineæ rectæ, quarum duæ simul sunt tertia majores, combinentur, ut spatium comprehendant, quod vi principii contradictionis fieri posse per demonstrationes patet (§. 189. 205. *Geom.*), oriuntur tres anguli & eorum determinata ad rectum ratio, nimirum dupla. Quodsi tres rectæ fuerint æquales, quas itidem vi principii contradictionis combinari posse demonstratur (§. 198. *Geom.*), trium quoque angulorum inde resultat æqualitas. Determinatur in utroque casu numerus ternarius angulorum per numerum ternarium laterum & per eundem quoque determinatur ratio trium ad rectum dupla; at in posteriore per laterum æqualitatem & numerum ternarium eorundem angulorum æqualitas (§. 240. 186. *Geom.*), consequenter numerus ternarius laterum est ratio sufficiens numeri ternarii angulorum & rationis duplæ eorundem ad rectum, & numerus laterum ternarius cum eorundem æqualitate est ratio sufficiens rationis æqualitatis angulorum inter se. Numerus adeo angulorum ternarius, eorum ratio dupla ad rectum & in altero æqualitas singulorum inter se, vi principii rationis sufficientis necessario resultant, si combinentur lineæ tres rectæ, quarum duæ simul sunt tertia majores, & in altero casu singulæ inter se æquales. Enimvero angulorum numerus ternarius & eorundem ad rectum ratio dupla, nec non in casu posteriore singulorum inter se æqualitas spectari possunt tanquam attributa triangulorum (§. 146. *Ontol.*), & lineæ, quæ combinantur, tanquam possibilia primitiva secunda. Patet adeo, si possibilia primitiva secunda vi principii contradictionis combinentur, vi principii rationis sufficientis attributa necessario resultare. Hactenus in illustratione propositionis præsentis nihil coacti est. Sed non adeo plana sunt omnia, ubi pars reliqua propositionis de

de modis illustranda. Succedit tamen illustratio aliqua ex parte, non prorsus invita Minerva. Triangulum inscriptibile est circulo, & hæc inscriptibilitas spectari potest instar possibilitatis alicujus modi, si nimirum ipsa in circulo inscriptio consideretur tanquam modus (§. 151. *Ontol.*). Constat triangulum ideo circulo inscribi posse, quia hic per data tria puncta non in directum sita describi potest (§. 294. *Geom.*). Ratio adeo sufficiens inscriptibilitatis istius continetur in circulo figura a triangulo diversa. Unde denuo liquet, si tres lineæ rectæ, quarum duæ simul sunt tertia majores, vi principii contradictionis tanquam possibilia primitiva secunda combinentur, vi principii rationis sufficientis resultare modum quoad potentiam & dependentiam trianguli a circulo, hoc est, entis limitati unius ab altero quoad hunc modum. Enimvero quæ de ordine modorum in propositione dicta sunt, commode per hoc exemplum declarari non possunt. Quamobrem ne tenebras loco lucis affundamus, invita Minerva nihil facere lubet.

§. 96.

Si possibilia primitiva secunda secundum principium contradictionis combinentur; idea omnium substantiarum simplicium in singulari resultant vi principii rationis sufficientis. Quomodo resultant idea substantiarum simplicium omnium in singulari. Etenim si possibilia primitiva secunda secundum principium contradictionis combinentur, vi principii rationis sufficientis resultant essentiz entium limitatorum (§. 94.) eorundemque attributa, nec non modi quoad potentiam una cum horum ordine ac dependentia mutua entium ipsorum quoad modificationes (§. 95.). Quoniam determinationes intrinsecæ constantes essentialia & attributa, variabiles autem modi sunt (§. 763. *Ontol.*), illud autem perdurabile est, quod determinationes intrinsecas constantes habet (§. 767. *Ontol.*), & modificabile, cujus modi variari possunt (§. 764. *Ontol.*); si possibilia primitiva secunda secundum principium contradictionis combinentur; resul-

tant entia perdurabilia & modificabilia, consequenter cum ens perdurabile & modificabile substantia sit (§. 768. *Ontol.*), substantiæ, aut potius substantiarum ideæ. Quicquid enti inest, id vel inter essentialia, vel attributa, vel modos locum habet (§. 149. *Ontol.*). Quamobrem cum omnium possibilium primitivorum secundorum secundum principium contradictionis facta combinatione resulent ideæ substantiarum, in quibus vi principii rationis sufficientis omnia attributa essentiis compossibilia modique successive inexistere valentes determinantur *per demonstrata* §. 225. *Ontol.*; ideæ, quæ resulant, sunt substantiarum omnimode determinatarum & propterea, quod ens omnimode determinatum singulare est (§. 227. *Ontol.*), substantiarum singularium. Enimvero possibilia primitiva secunda nascuntur limitatione realitatum Deo inexistentium (§. 91.), præter quas non dantur aliæ (§. 93.), consequenter cum Deus ens simplex sit (§. 35.), omnia simpliciter compossibilia sunt (§. 1.). Ideæ igitur substantiarum singularium, quæ vi principii rationis sufficientis ex combinatione possibilium primitivorum secundorum secundum principium rationis sufficientis facta resulant, sunt ideæ substantiarum simplicium singularium. Patet itaque si possibilia primitiva secunda omnia secundum principium contradictionis, adeoque omni possibili modo combinantur (§. 85. *Ontol.*); vi principii rationis sufficientis prodire omnes ideas substantiarum omnium simplicium singularium.

Exemplum, quo ante usi sumus ad illustrandum doctrinam præsentem, etiam hic eidem fini satisfacit. Pone enim lineam rectam infinitam seu utrinque terminatam omni possibili modo utrinque terminari: æquis non videri, hoc patet proditura omnes lineas rectas limitatas seu finitas, ita ut nulla ne quidem fingi possit, quæ in eodem numero

non

non sit. Quodsi jam ex omnibus istis tres combines, quarum duæ simul tertia sunt majores; omni trium possibili combinatione utique prodibunt figuræ trilateræ omnes in singulari, quotquot possibiles sunt, nec ulla fingi amplius potest figura trilatera rectilinea, quæ illarum numero nondum comprehendatur. Clarissime adeo patet, quod eo, quem explicavimus, modo ideæ omnium substantiarum simplicium in singulari prodire debeant, ut vel vi hujus exempli propositionis præsentis veritas agnoscat, quatenus modum ortus idearum representat.

§. 97.

Quoniam animæ (§. 48. 753. *Psych. ras.*) & elementa rerum materialium sunt substantiæ simplices (§. 182. *Cosmol.*); ideæ animarum omnium tam hominum, quam brutorum, & singulorum elementorum rerum materialium prodeunt, vi principii rationis sufficientis, si possibilia primitiva secunda secundum principium contradictionis combinantur (§. 96.).

Idea animarum & elementorum rerum materialium quomodo prodeant.

Quodsi ad originem idearum animarum advertimus, a priori reddi poterit ratio, seu omne compositum ex simplici ortum trahat. Multa adhuc alia ex eadem a priori prorsus deduci poterant: sed nostram jam non est ad ea digredi, quæ ad præsens argumentum proprie non spectant. Quæ enim hætenus proposuimus & porro trademus, ad cognitionem intellectus divini intimiorem faciunt.

§. 98.

Deus omnes essentias entium limitatorum & omnes substantias simplices in singulari quoad essentiam, attributa & sentiarum modificationes omnes possibiles quam distinctissime, atque simul cognoscit. Etenim Deus omnia possibilia primitiva secunda seu a primis orta quam distinctissime (§. 92.), cumque in eodem nulla detur statuum successio (§. 48.) simul cognoscit (§. 569. *Ontol.*). Enimvero si possibilia ista secundum qualis ea sit.

Cognitio essentiarum limitatorum & substantiarum simplicium Deo vindicata & secundum qualis ea sit.

cundum principium contradictionis combinentur, essentiarum limitatorum (§. 94.) & idez omnium substantiarum simplicium in singulari (§. 96.) quoad essentiam, attributa & omnes modificationes posibles resultant vi principii rationis sufficientis (§. 95.). Quamobrem cum vel exemplum, quo ad illustrationem horum principiorum usi sumus (not. §. 94. 95.) aperte loquatur, nobis inesse facultatem possibilea primitiva secunda secundum principium contradictionis combinandi, quam in realitatem animæ in-existentium numero esse nemo in dubium revocare potest (§. 5.); Deo autem tribuendæ sint realitates omnes, quæ animæ nostræ insunt, in gradu absolute summo (§. 70.) & quidem per modum actus, quæ animæ insunt per modum facultatum (§. 78.): quin Deus omnia possibilea primitiva secunda sive a primis orta actu combinet, dubitari nullo modo potest, consequenter dantur in Deo idez essentiarum omnium entium limitatorum & substantiarum omnium simplicium quoad essentiam, attributa & modificationes omnes posibles. Quoniam itaque Deus omnia, quæ ipsi insunt, quam distinctissime & simul cognoscit (§. 89.); omnes essentias entium limitatorum & substantias simplices omnes in singulari quoad essentiam, attributa & modificationes omnes posibles quam distinctissime & simul cognoscit.

Poterat etiam inferri ex eo, quod Deus sit sibi ipsi conscius sui ipsius (§. 86.), consequenter etiam illius actus, quo prodeunt ideæ essentiarum & substantiarum simplicium limitatarum. Ceterum jam patet, quomodo in Deo dentur ideæ rerum ab ipso diversarum & quod eadem ab essentia divina sint inseparabiles: Id quod tamen mox clarius exposituri sumus, ne quicquam in re haud exigui profecto momenti perperam hodie in controversiam adducta relinquatur obscuritatis & ut appareat dilucidius nostrorum prin-

principiorum cum dogmatis dudum receptis consensus, quibus per ea tantummodo major affunditur claritas, ut eorum veritas mentis aciem fortius perstringat.

§. 99.

Quoniam animæ tam hominum (§. 48. *Psych. rat.*), *Cognitio* quam brutorum (§. 753. *Psych. rat.*) & elementa rerum *omnium anti-* materialium sunt substantiæ simplices (§. 182. *Cosmol.*); *marum &* Deus autem substantias simplices omnes in singulari quoad *elementorum* essentiam, attributa & modificationes omnes possibiles *Deo asserta.* quam distinctissime atque simul cognoscit (§. 98.); omnes quoque animas, tam hominum, quam brutorum, & *elementa rerum materialium singula quoad essentiam, attributa &* modificationes omnes possibiles, quam distinctissime atque simul cognoscit.

Quodsi præter animas & elementa rerum materialium alie adhuc dentur substantiæ simplices, quemadmodum auctoritate Scripturæ Sacræ constat, dari alias, quæ angelorum nomine veniunt: eodem modo patet, Deum quoque ab æterno easdem quam distinctissime & cum ceteris simul cognoscere. Immo si præter angelos, quos Scriptura Sacra commemorat, possibiles sint adhuc alie substantiæ simplices; utut a Deo ad actualitatem minime perductæ; earum tamen ideas in Deo esse ab æterno similiter intelligitur. Nimirum nulla substantia simplex concipi potest possibilis, quæ non in singulari quam distinctissime cognita sit Deo ab æterno. Hoc probe notare velim, ne quis insufficientem existimet substantiarum simplicium Deo cognitarum enumerationem, dum in iis acquiescimus, quæ experientiæ ac rationis lumine solo collustrati videre nobis licet.

§. 100.

Si elementa omnia juxta principium rationis sufficientis combinentur, omnia non modo corpora possibilia, verum *Quomodo* etiam omnes mundi possibiles resultant. *ideæ corporum & immo-* Quodsi porro corporum possibilibus *poribus*

(Wolffii Theol. Nat. P. II.)

K

bilium ac in poribus in eadem serie existentibus jungantur animæ vi ejusdem principii, in una qualibet etiam serie prodeunt homines valentium ac bruta, quotquot in eadem naturaliter existere possunt, quoad scilicet ideas. Cum enim corpora sint substantiarum simplicium, quæ eorum elementa sunt (§. 182. *Cosmol.*), aggregata (§. 176. *Cosmol.*), & si corpora diversa sint, elementa etiam diversa sint (§. 194. *Cosmol.*) ; corpora omnia possible resultare aliter nequeunt, nisi omnium elementorum combinatione. Enimvero ratio coexistentiæ elementorum, tum quatenus simul existunt, tum quatenus hoc potius modo, quam alio coexistunt, in ipsis elementis continetur (§. 202. *Cosmol.*). Quamobrem corpora omnia possible prodeunt, si elementa omnia juxta principium rationis sufficientis combinentur (§. 70. *Ontol.*). Quod erat primum.

Mundus componitur ex corporibus tanquam partibus (§. 119. *Cosmol.*), sive simul existant, sive successiva sint (§. 61. *Cosmol.*), quæ inter se connexa sunt tum quatenus coexistunt, tum quatenus alia succedunt aliis (§. 55. *Cosmol.*). Enimvero nexus rerum materialium sive corporum a nexu elementorum pendet (§. 205. *Cosmol.*), consequenter in nexu elementorum continetur ratio, cur corpora inter se sint connexa (§. 851. *Ontol.*). Quamobrem si elementa vi principii rationis sufficientis combinentur ; omnes quoque mundi possible resultant. Quod erat secundum.

Animæ tam hominum (§. 63. *Pfych. rat.*), quam brutorum (§. 754. & seqq. *Pfych. rat.*), habent vim sibi representandi hoc universum pro situ corporis organici in universo convenienter mutationibus, quæ in organis sensorii contingunt (§. 62. 63. *Pfych. rat.*). Quamobrem si vi princi-

principii rationis sufficientis jungenda sunt corporibus, iis corporibus utique jungenda, quæ organis sensoriiis instructa sunt, ex quorum mutationibus reddi potest ratio perceptionum ipsarum. Quodsi igitur corporibus istiusmodi organis instructis jungantur vi principii rationis sufficientis, homines utique prodeunt ac bruta, quæ in mundo dato existere valent. *Quod erat tertium.*

Primum atque secundum ostendi etiam poterat hoc modo. Cum mundus intelligibilis, hoc est, qualis revera est (§. 202. *part. I. Theol. nat.*), sit aggregatum substantiarum simplicium certo ordine coexistentium & certa lege mutuas ad se invicem relationes mutantium (§. 203. *part. I. Theol. nat.*), rationes vero ultimæ eorum, quæ in rebus materialibus seu corporibus deprehenduntur, in elementis contineantur (§. 191. *Cosmol.*); si elementa omnia vi principii rationis sufficientis combinentur, omnes producant mundi possibiles, quales revera sunt. *Quod erat primum & secundum.*

Quæ hic de mundo intelligibili ex systemate sumuntur, independenter ab iis, quæ in eodem continentur, demonstrantur ex meris principiis cosmologicis & ontologicis, quæ etiam hic supponere licet, ut adeo notionem mundi intelligibilis integram huc transferre liceret, siquidem in præsentem integrum Theologiæ naturalis systema condere liberet. Ceterum ex propositione præsentem intelligitur, quomodo ideæ mundorum omnium possibilium nascentur una cum ideis omnium corporum, atque in specie etiam hominum ac brutorum, quibus in unoquoque mundo locus est. Ceterum non opus est, ut ostendatur, Deum cognoscere omnes mundos possibiles ex modo, quo ideæ eorundem oriuntur, cum jam idem ostenderimus superius non uno modo (§. 86.). Sufficit itaque ostendisse, quales sint mundorum omnium possibilium ideæ in Deo.

§. 101.

*Quales sint
mundorum
possibilibum
ideæ in Deo.*

•In Deo dantur ideæ omnium mundorum intelligibilium. Etenim Deus cognoscit omnia elementa & omnes animas tam humanas, quam brutorum quoad essentiam, attributa & omnem modificationem possibilem (§. 99.). Enimvero si elementa omnia juxta principium rationis sufficientis combinentur, omnes mundi possibiles resultant, & si porro corporibus in eodem mundo existentibus jungantur animæ vi ejusdem principii, in unoquoque prodeunt homines & bruta, quotquot in eodem naturaliter existerre possunt (§. 100.). Quamobrem cum aggregatum substantiarum simplicium certo ordine coëxistentium & certa lege mutuas ad se invicem relationes mutantium sit mundus intelligibilis (§. 203. part. I. Theol. nat.); in Deo dantur ideæ omnium mundorum intelligibilium.

Idea mundi tam adspectabilis, quam ceterorum, qui possibiles sunt, etsi ad actum non perducti, vel intelligibilem, vel sensibilem repræsentat. Mundum sensibilem appellamus, quatenus spectatur sub ea forma, qua in sensu incurrit (§. 202. part. I. Theol. nat.), consequenter quatenus sensu repræsentatur: intelligibilem vero dicimus, quatenus spectatur sub ea forma, qua vi intellectus repræsentatur (§. cit.). Sensu repræsentantur confuse substantiarum simplicium, quæ rerum materialium elementa sunt (§. 182. Cosmol.), mutationes intrinsecæ (§. 98. Psych. rat.); est intellectu distincte (§. 275. Psych. empir.). Ideæ confuse, quæ sensui conveniunt, a vi limitata repræsentandi mundum pendent (§. 63. Psych. rat.). Quodsi ergo omnis confusio tollitur, ut ideæ evadat distincta prorsus; ideæ, quæ prodit, mundi sensibilis ea est, quæ vi illimitatæ mundum repræsentandi Deo propriæ (§. 71.) convenit. Unde patet confusam mundi repræsentationem, seu ideam mundi sensibilis, etsi realitas quædam sit quoad actum repræsentationis in anima (§. 5.), non tamen esse realitatem in gradu absolute summo, consequenter naturæ Dei repugnare, cui non

non insunt nisi realitates in gradu absolute summo (§. 15), nec quæ insunt animæ nostræ Deo tribui aliter possunt, quam in gradu absolute summo (§. 70.). Prodit adeo per demonstrationes nostras a priori ex mundorum possibilitum idea, qualis vi naturæ ac essentiae divinæ in Deo locum habere potest. Atque hæc quoad Deum sufficit demonstrasse, neque opus est, ut porro demonstretur, quomodo ideæ corpusculorum primitivorum (§. 229. *Cosmot.*), ac inde porro miscibilium & mixtorum (§. 253. *Cosmot.*), tandemque corporum organicorum & inorganicorum nascentur (§. 274. *Cosmot.*): etenim hæc ideæ, quatenus distinctæ sunt, ab omni confusione ac obscuritate prorsus liberæ, adeoque nullum prorsus defectum involvunt, jam continentur in idea mundi intelligibilis enata ex combinatione elementorum vi principii rationis sufficientis (§. 100.). Ex facultatibus autem animæ, aut si majoris ejus essentia & natura explicari debet, quomodo sensibilis mundi idea in animabus nostris seu substantiis simplicibus finitis nascatur, quemadmodum generaliter ostendimus in Psychologia rationali (§. 98. 101. 103. 106. 108. 109. 110.). Ast specialiter idem ostendere, quoad ea, quæ sensu percipimus, corpora, idem est ac philosophiam naturalem ad ultimas reducere rationes, ac prorsus a priori phænomena demonstrare: quod num unquam sperare liceat, nostrum non est definire, qui posteris non præscribimus audacia proterva limites, quos transcendere nequeant. Sufficit jam constare, quo sit contendendum, ut tandem ad scopum, quo tenditur, perveniat, & agnosci, hanc idearum animabus humanis propriarum originem non esse scrutandam in Theologia naturali. Ceterum hinc denuo pater usus Psychologiæ rationalis, ac theoriæ quoque cosmologiæ de elementis in Theologia naturali, ne in derivandis ideis rerum ex Deo inane operam sumamus. Obiter monemus ex his etiam intelligi, cur in meras fictiones inciderint Physici, qui phænomena naturæ ex assumtis nonnullis principiis seu hypothesi quadam generali deducere ausi sunt, cum hoc agere idem sit ac monstrare, quomodo ideæ divinæ multiplici confusione degenerent in humanas, & sic perfecta mundi re-

præsentatio abeat in imperfectam, hoc est, mundus intelligibilis degeneret in sensibilem.

§. 102.

*Quomodo
Deus cognoscat omnia a se diversa.*

Deus omnia a se diversa cognoscit per seipsum, seu quatenus seipsum cognoscit. Etenim Deus semetipsum cognoscit quam distinctissime & omnia, quæ ipsi insunt, simul (§. 89.). Quamobrem cum ipsi insint realitates omnes in gradu absolute summo, nec præter eas, quæ ipsi insunt, dentur aliæ, quæ non insunt (§. 93.); omnes realitates absolute summas, quæcunque possibiles sunt, cognoscit, dum seipsum cognoscit. Enimvero possibilia primitiva secunda sive a primis orta nascuntur realitatum, quæ Deo insunt, diversa limitatione (§. 91.). Quamobrem cum Deus eadem cognoscat, quatenus cognoscit realitates illimitatas, quæ ipsi insunt, diversimode limitari posse (§. 92.); possibilia primitiva secunda cognoscit per se ipsum, seu quatenus seipsum cognoscit. Enimvero si omnia possibilia secunda seu a primis orta juxta principium contradictionis combinentur; essentiarum entium limitatorum resultant (§. 94.). Quamobrem Deus, qui eas cognoscit (§. 98.), eatenus eas cognoscit, quatenus sibi conscius est perfectiones, quæ ipsi insunt, diversimode limitatas diversimode combinari posse, immo quatenus eas actu combinat. Quoniam itaque possibilia ista primitiva secunda per seipsum cognoscit, *per demonstrata* & actum quoque combinationis cognoscere debet (§. 89.); omnes entium limitatorum essentias cognoscit, dum semetipsum cognoscit. Quod si eadem possibilia primitiva secunda seu a primis orta secundum principium contradictionis combinentur, vi principii rationis sufficientis idæ omnium substantiarum simplicium in singulari resultant (§. 96.). Quoniam itaque Deus possibilia primitiva secunda per se ipsum cognoscit *per demonstra-*

monstrata, & actum quoque istius combinationis cognoscere debet (§. 89.); omnes quoque substantias simplices in singulari per se ipsum cognoscit, seu quatenus se ipsum cognoscit. Denique cum substantiarum simplicium combinatione juxta principium rationis sufficientis facta resultant ideæ omnium mundorum possibilium, ac in unoquoque contentorum corporum, hominum etiam atque brutorum, quibus in quolibet locus est (§. 100.), Deus autem substantias simplices omnes per seipsum cognoscat *per demonstrata*, & actus istius combinationis sibi sit intime conscius (§. 89.); omnes omnino mundos posibles & in unoquoque contenta corpora, ac homines & bruta in quolibet locum habentia cognoscit, quatenus seipsum cognoscit. Quoniam ex anterioribus demonstrationibus abunde patet, nullas dari ideas rerum a Deo diversarum, quæ non eo ex limitatione realitatum Deo inexistentium modo nascantur, quem exposuimus; evidens omnino est, Deum omnia a se diversa cognoscere per seipsum, seu quatenus seipsum cognoscit.

Ex modo, quo Deum omnia a se diversa intelligere ostendimus, clarissime perspicitur, quod docet *D. Thomas*, Deum cognoscere alia a se non in ipsis, sed in seipso, videntem alia per essentiam suam & omnia in se continentem. Nimirum realitates divinæ prorsus illimitatæ sunt. Eas cum Deus, qui infinita intellectus vi comprehendit omnia, perpetuo intueatur, nunquam non earundem sibi optime conscius, omnes quoque limitationes posibles, & limitatorum combinationes omnes posibles videt in seipso & per seipsum, atque hoc pacto continet omnia præter ipsum possible in se & ea simul indefinenter non potest non intueri. Omnis igitur rerum omnium cognitio Deo est, etiamsi nihil extra ipsum existat. Atque ideo porro intelligitur, cur Deus nihil extra se intueri dicatur *D. Thomas*, quemadmodum nos ea, quæ a nobis diversa sunt, extra nos videmus, five

sive actu præsentia sint, sive non: neque enim nos ea, quæ videmus, vel imaginamur, in nobis continemus, quemadmodum illimitatum omne limitatum in se continet, mentis acie in eo discernendum, consequenter rerum ideæ non insunt nobis eodem modo, quo insunt Deo. Patet etiam Deum non cognoscere imperfectum, quia ipse imperfectus est, sicuti nos imperfectum cognoscimus, quatenus nostræ imperfectionis nobis sumus conscii, aut, si mavis, eandem in tuemur, sed potius imperfectum omne cognoscere, quia summam suam perfectionem penitus cognoscit. Atque adeo denuo observat *D. Thomas*, nos licet Deo simus similes secundum intellectum, non tamen similes esse quoad modum intelligendi. Multa hic dici poterant, sed quæ brevitatæ gratia omittimus, cum sola attentione dignoscantur.

§. 103.

*Necessaria
omnium a
Deo diversorum
cognitio
in Deo.*

Quicquid præter Deum possibile est, id omne Deus necessario cognoscit. Etenim quicquid præter Deum possibile est cum sit ab ipso diversum, ideo cognoscit, quia seipsum cognoscit (§. 102.). Enimvero cognitio sui ipsius est realitas quædam Deo inexistens (§. 89. 5.). Quamobrem cum prorsus immutabilis sit (§. 17.), cognitio sui ipsius ab eo nunquam abesse potest (§. 291. *Ontol.*), consequenter nec cognitio ejus, quod præter ipsum possibile, adeoque hoc omne necessario cognoscit (§. 279. *Ontol.*).

Sunt subinde nonnulli, qui cum rerum philosophicarum non satis fuerunt gnari, Deum dedecere existimant, ut continuo res finitas quasi speculetur, abjecte præsertim ubi sentiunt de rerum naturalium cognitione. Enimvero hi nec perpendunt, rerum omnium a Deo diversarum cognitionem ab ipso prorsus inseparabilem esse, quemadmodum in præsentē demonstravimus propositione; nec considerant, Deum res a se diversas per seipsum cognoscere, quatenus scilicet seipsum cognoscit, prouti in præcedente ostendimus. Si igitur Deum non dedecet continuo cognoscere semetipsum

ipsum, nec eum dedecet cognoscere, quicquid præter ipsum possibile, cum hæc posterior cognitio in priore contineatur, nec ab ea separari possit. Ceterum ex modo, quo ideæ rerum omnium possibilem insunt Deo, intelligitur denuo eorum absoluta necessitas, quam recentiores nonnulli falso suspectam habent, quasi sit fons fatalis rerum necessitatis. Paret inprimis etiam, quam absolum sit inferre, quod Deus ponatur dependens in creando a re, quæ sit ab ipso diversa, si essentia rerum seu earum ideæ quoad Deum sint necessariae. Ideæ enim rerum insunt Deo tanquam in ipsa essentia ejus contentæ, etsi diversæ ab essentia ejus, & ab eadem pendent, non vero Deus pendet ab his in cognoscendo, adeoque nec in creando dependens efficitur a re alia, quæ non sit Deus. Hæc omnia & quæcunque præterea huc spectant, ut clarissime perspicerentur, omnem idearum originem in Deo prolixè exponere visum est, ne quid lucis, quod a nobis expectari potest, in re tanti momenti desiderari patereur.

§. 104.

Deus omnia cognoscit intuitive. Deus enim semet-*Intuitiva*
ipsum quam distinctissime cognoscit (§. 89.). Quamob-*Dei cognitio*
rem cum intuitive cognoscatur, quod cognoscitur, quatenus ideæ ejus nobis conscii sumus (§. 286. *Psych. emp.*); Deus semetipsum intuitive cognoscit. Enimvero quicquid a se diversum est, cognoscit per seipsum, quatenus seipsum cognoscit (§. 102.), & quidem necessario (§. 103.), cognitione ceterorum in cognitione sui ipsius contenta, quemadmodum ex origine idearum in Deo & a Deo satis superque claret. Cognoscit igitur etiam cetera omnia a se diversa intuitive.

Per hanc Dei intuitivam cognitionem intelligitur, quod Deus omnia, quæ per ipsum possible sunt, intueatur in seipso, sed vi intellectus infinita ac illimitata, si animo recolatur, quæ de origine idearum in Deo & per Deum ac inde orta cognitione possibilem divina demonstrata fuere. Paret

(*Wolffii Theol. Nat. P. II.*)

L

autem

autem simul fieri non posse, ut creatura seu intelligens finitum eodem modo videat in Deo, quæ cognoscit, quem admodum visum est *Malebranchio*: modus enim videndi entia finita in ente infinito non quadrat nisi in Deum, utpote intellectum supponens infinitum & illimitatum *videmonstrationum anteriorum*. Nos potius illimitatum cognoscimus ex limitato, Deum nempe, qui prorsus illimitatus est (§. 16.), ex creaturis, veluti animabus nostris (§. 70.), non quatenus illimitatum continetur in limitato, ut omne limitatum in illo videri daretur actu mentis reflexo; sed quatenus limitatum habet limites, quos cum variari posse intelligimus, non necessarios esse cognoscimus (§. 284. *Ontol.*), ac inde porro colligimus, quod abesse possint.

§. 105.

*Singularium
omnium co-
gnitio Deo
vindicta.*

Deus omnia singularia in seipso videt, quæ in qualibet rerum serie, seu mundo quolibet locum habere possunt. Ex enim ideæ substantiarum simplicium, quæ dantur in Deo, consequenter & ceterorum omnium ab ipso diversorum, quæ inde resultant (§. 100. 101.), sunt ideæ rerum singularium (§. 96.), ac Deus ideo animas humanas atque brutorum & elementa singula quoad essentiam, attributa & modificationes omnes possibiles quam distinctissime & simul in singulari cognoscit (§. 99.). Quoniam itaque omnes mundi possibiles resultant, si elementa omnia juxta principium rationis sufficientis combinentur, ac omnes prodeunt homines, bruta omnia, quotquot in eodem mundo naturaliter existere possunt, si corporibus in una qualibet serie sive mundo vi ejusdem principii jungantur animæ ipsis convenientes (§. 100.), ac ideo in Deo dantur ideæ omnium mundorum intelligibilium (§. 101.); quin Deus omnia singularia in seipso videat, quæ in qualibet rerum serie, seu mundo quolibet locum habere possunt, dubitandum non est.

Pote-

Poteramus hic etiam uti principio, quod in systemate, independenter tamen ab eodem ex principiis cosmologicis & ontologicis demonstravimus, quod mundus quicunque possibilis sit congeries entium singularium (§. 248. part. I. Theol. nat.). Quoniam enim in Deo datur simultanea & prorsus distincta omnium mundorum possibilitum representatio (§. 82.) ; omnia singularia, qualiacunque tandem fuerint, in Deo simul & prorsus distincte representantur. Quamobrem cum Deus simul & quam distinctissime cognoscat omnia, quæ ipsi insunt (§. 81.) ; omnia omnino singularia in quolibet mundo possibili contenta simul & quam distinctissime cognoscit. Enimvero omnia a se diversa cognoscit per seipsum, seu quatenus seipsum cognoscit (§. 102.). Quamobrem omnia singularia, quæ in mundo quocunque possibili locum habere possunt, cognoscit, quatenus seipsum cognoscit, consequenter in seipso. Cognoscit autem omnia intuitive (§. 104.). Ergo singularia omnia, quæ in mundo quocunque possibili locum habere possunt, videt in seipso.

Hinc porro sequitur per modum corollarii, quod Deo tribuenda sit cognitio omnis historica, quemadmodum in systemate evicimus (§. 253. part. I. Theol. nat.), quodque ipsum non dedecet, sed ejus summæ perfectioni potius respondeat titulus *Historici summi*, quemadmodum ibidem ostendimus (§. 255. part. I. Theol. nat.). Ceterum hæc singularium Deo non deneganda cognitio immensitatem cognitionis docet, si ad numerum vel eorum animum advertimus, quæ in hoc mundo ad spectabili observamus.

§. 106.

Deus omnia universalia quam distinctissime atque simul omnium unicognoscit. Nos universalia cognoscere, nemo non novit *universalium cognitionis* & quovis momento in se experiri potest (§. 664. Log.): *gnitio Deo*

L 2

nec vindicata.

nec in dubium revocare licet, hanc cognitionem in realitatum numero esse (§. 5.). Atque! realitates, quæ insunt animæ nostræ, Deo tribuendæ in gradu absolute summo (§. 70.). Universalium igitur cognitio Deo tribuenda in gradu absolute summo. Quamobrem cum major gradus cognitionis universalium concipi nequeat, quam si omnia quam distinctissime cognoscantur, ita ut discernibilia penitus actu distinguantur (§. 38. *Pfych. empir.*), quemadmodum per se patet; Deus quoque universalia omnia quam distinctissime &, quia in ipso nulla datur statuum successio (§. 48.), simul cognoscit.

Demonstramus hic saltem Deo competere cognitionem universalium & qualis ea sit, ut pateat differentia inter divinam atque humanam: sed modus, quo Deus universalia cognoscit, nondum ex demonstratis liquet, ut constare possit, quomodo in Deo detur eorum cognitio. Philosophi cum sit rationem reddere eorum, quæ sunt, ex ipsa rerum essentia atque natura; nostrum quoque est, ut porro ostendamus, quomodo universalia cognoscat Deus vi summæ, quæ ei inest (§. 14.), perfectionis. Demonstrari potest modus cognitionis universalium non ab simili modo, quo ejus inexistentiæ & formalem rationem in præsentem evicimus propositione. Eo igitur fine addimus sequentem.

§. 107.

*Modus, quo
Deus universalia
cognoscit.*

Deus omnia universalia intuetur in omnibus singularibus vi principii rationis sufficientis omni possibili modo inter se combinatis. Cum entia universalia constituentur similitudine partiali individuorum, vel minus universalium, seu eo, quo unum individuum alteri individuo, vel ens unum minus universale alteri minus universali simile est (§. 232. *Ontol.*), similitudine autem entium singularium species (§. 233. *Ontol.*), similitudine specierum genera & similitudine generum inferiorum genera superiora absolvantur

vantur (§. 234. *Ontol.*); entia universalia non sunt nisi species & genera rerum. Nos notiones generum ac specierum non habemus, nisi quatenus singularia percipimus & eorum, quæ in nobis sunt, nobis conscii sumus (§. 427. *Pfych. rat.*), & cognitio universalis ideo possibilis, quia determinationes essentialis communes diversis entibus insunt (§. 444. *Pfych. rat.*). Nascuntur adeo in nobis universalium notiones, dum animura advertimus ad determinationes essentialis communes singularium & eorum nobis conscii sumus, consequenter in singularibus simul repræsentatis universalia intuemur (§. 286. *Pfych. empir.*). Intuitus universalium in singularibus simul repræsentatis animæ nostræ realitas est (§. 5.). Quoniam itaque realitates, quæ insunt animæ nostræ, Deo tribuendæ in gradu absolute summo (§. 70.); intuitus quoque universalium in singularibus simul repræsentatis Deo in gradu absolute summo tribuendus, consequenter Deus universalia in singularibus simul repræsentatis intuetur. Videt autem, aut, quod perinde est, intuetur omnia singularia in seipso, quæ in qualibet rerum serie, seu mundo quolibet possibili locum habere possunt (§. 105.), & quidem simul (§. 82.). Quamobrem etiam in iis omnia universalia, quæcunque possible sunt, intuetur. Veritates universales connectuntur vi similitudinis essentialis, dependentiæ rei a seipsa & mutue dependentiæ rerum a se invicem quoad modificationes (§. 445. *Pfych. rat.*). Dependet autem res a seipsa, quatenus ratio ejus, quod ipsi inest, continetur in aliis, quæ simul insunt, & ab alia dependet, quatenus ejus, quod ipsi inest, ratio continetur in alia, quæ cum ea simul existit vel exitit (§. 851. *Ontol.*). Quare veritates omnes universales seu ea, quæ de entibus universalibus omnibus in universum prædicari possunt, in singularibus intueri datur,

si hæc omni possibili modo vi principii rationis sufficientis combinentur. Deus adeo omnia universalia intuetur in omnibus singularibus vi principii rationis sufficientis omni possibili modo inter se combinatis.

Ex his clarissime constare puto, quomodo Deo omnium universalium cognitio insit. Non tamen inconsultum est una attenta mente recoli, quæ de modo, quo Deus universalia cognoscit, demonstravimus (§. 275. *part. I. Theol. nat.*) & uberius illustravimus (*not. §. cit.*). Ceterum si integrum systema conderetur, non præsupposito alio, hic loci inferi poterant & debebant, quæ de mundo rationali (§. 257. & *seqq. part. I. Theol. nat.*) demonstrantur, cum theoria ista, quæ cognitioni universalium in Deo plurimum lucis affundit & universalium in se spectatorum interiorem rationem revelat; sine principiis systematis aut saltem eidem propriis expediatur. Etsi autem in systemate amplissimam dederimus theoriæ, hæc tamen propositio non inutilis censi debet etiam iis, quibus ea satisfacit, cum dependentiam veritatum universalium tanquam radicem possibilitatis cognitionis universalium sistat. Ceterum huc etiam spectant, quæ de cognitione philosophica Deo in summo gradu competente ibidem demonstravimus (§. 265. & *seqq. part. I. Theol. nat.*): sit ita quod eandem una cum historica cognitione ex propriis principiis hic facillime utraque Deo vindicari possit quemadmodum habet propositio sequens.

§. 108.

Cognitio
omnis histo-
rica & philo-
sophica &
mathemati-
ca Deo vindi-
cata.

Deo competit omnis cognitio historica & philosophica, immo etiam mathematica. Cum cognitio eorum, quæ sunt atque fiunt sive in mundo materiali, sive in substantiis immaterialibus accidant, historica sit (§. 3. *Disc. prælimin.*), cognitio rationis eorum, quæ sunt vel fiunt, philosophica (§. 6. *Disc. prælim.*), cognitio denique quantitatis rerum mathematica (§. 14. *Disc. prælim.*); nemo non ad cognitionem eorum attentus, quæ in scriptis hominum

minum continentur, intelligit, homini aut proprie loquendo animæ humanæ convenire & historicam, & philosophicam, & mathematicam rerum cognitionem, utut valde quoad homines omnes, diversimode quoad singulos limitatam. Quod vero triplex ista cognitio in realitatum numero sit, dubitari minime potest (§. 5.). Sed realitates, quæ insunt animæ nostræ, Deo tribuendæ in gradu absolute summo (§. 70.). Deo igitur competit cognitio historica, philosophica & mathematica in gradu absolute summo. Enimvero major gradus triplieis istius cognitionis concipi nequit, quam si cognoscens omnem, quæ dari potest, animo comprehendat. Competit adeo Deo cognitio omnis & historica, & philosophica, & mathematica.

Poteramus idem etiam ostendere hoc modo. Si quis scripta omnis generis evolvit veluti ad historiam naturalem, ad Physicam seu scientiam naturalem & ad Mathematicam, naturæ inprimis cognitionem mathematicam spectantia, qualia sunt optica & astronomica, ac præclarum istud Principiorum philosophiæ naturalis mathematicorum summi *Newtoni* opus; is abunde perspiciet esse homini facultatem cognoscendi & ea, quæ sunt atque fiunt, & rationes eorum, quæ sunt atque fiunt, & rerum finitarum quantitatem, quæ ipsis inhæret. Enimvero quæ animabus nostris insunt per modum facultatum, ea Deo conveniunt per modum actus (§. 78.) atque in gradu absolute summo (§. 70.). Deo igitur tribuendus est actus cognitionis omnium eorum, quæ sunt atque fiunt, vel esse saltem atque fieri possunt, & rationis eorum omnium, quæ sunt atque fiunt, vel saltem esse atque fieri possunt, nec non quantitatis omnis ejus, quod finitum est, quoniam major hujus actus tanquam realitatis animæ convenientis (§. 5.) concipi nequit. Cognitio eorum, quæ sunt atque fiunt, five

sive in mundo materiali, sive in substantiis immaterialibus accident, historica est (§. 3. *Disc. prelim.*) ; cognitio rationis eorum, quæ sunt vel fiunt, philosophica (§. 6. *Disc. prelim.*) ; cognitio quantitatis rerum mathematica (§. 14. *Disc. prelim.*). Deo itaque convenit cognitio historica omnis, cognitio philosophica omnis, cognitio mathematica omnis.

Videmur ex principiis remotis demonstrare, quæ ex propioribus demonstrari poterant: id quod bonæ methodo non convenire videtur, cum demonstrationes ex principiis propioribus contextæ plus lucis habeant, quam quæ ex remotioribus conduntur. Enimvero non jam urgeo, quod principia, quibus hic utimur, sint systemati Theologiæ naturalis propria, in quo ex notione entis perfectissimi ea, quæ Deo conveniunt, vel convenire nequeunt, demonstrantur, quemadmodum nobis in præsentī propositum est: supersunt enim rationes hisce prægnantiores. Doctrina de Deo ardua est, ac plurimum interest, ut ex principiis quoque rationis convincantur homines veritatis. Demonstrationes ex principiis propioribus non cogunt assensum nisi eorum, qui demonstrationibus, quarum una in alteram resolvitur, assuetum habeat animum, consequenter paucissimis profunt. Consultum igitur est, facilioribus quoque demonstrationibus dare locum: sit ita quod ceteris magis arrideant, quæ ex propioribus principiis deducuntur. Præterea principia, quibus hic utimur, heuristica sunt, quæ ad veritates de Deo eruendas adhibere debent omnes, qui erutas aliter demonstratas capere possunt. Quamobrem cum nobis propositum sit ad veritatem propria mediatione investigandam etiam manu ducere lectorem; nemo jure reprehendet, quod mediæ huic fini convenientia adhibeamus. Accedit quod demonstrationes analyticae plurimum adjumenti afferant ad assensum confirmandum, qui per demonstrationes syntheticas extorquetur, præsertim si quis non omnia principia, in quæ tanquam remotiora resolvuntur propiora, familiaris experitur,

ritur, ut singulis sigillatim ad animum revocatis adhæreat evidentix sensus: id quod non brevi studio ac labore obtinetur. Neque hoc silentio prætereundum, quod demonstrationes ex principiis heuristice immediate contextæ multum condacant ad doctinam omnem facile memoriæ insigendum & in memoriam revocandum, ubi non statim ejus meminisse valemus.

§. 107.

Deo competit acumen summum in genere, tum etiam Acumen Deo acumen summum pervidendi abstracta in concretis in specie. tribuendum.

Etenim nobis acumen competit, idque diversos admittit gradus (§. 332. *Psych. empir.*), ac in specie etiam acumen pervidendi abstracta in concretis (§. 336. *Psych. empir.*), idque itidem pro diversis gradibus abstractorum diversos admittit gradus (§. 335. *Psych. empir.*). Quamobrem cum acumen sit facultas in uno multa distinguendi (§. 332. *Psych. empir.*) & acumen pervidendi abstracta in concretis facultas perspicendi universalia, præsertim in scala generum seu abstractorum altiora, in singularibus (§. 336. *Psych. empir.*); quia tum acumen in genere, tum acumen pervidendi abstracta in concretis in specie sit realitas quædam, dubitari nequit (§. 5.). Enimvero realitates, quæ animæ nostræ insunt, Deo tribuendæ sunt in gradu absolute summo (§. 70.). Acumen igitur cum in genere, tum acumen pervidendi abstracta in concretis Deo tribuendum in gradu absolute summo.

Patet adeo Deum solum esse acutissimum, absolute loquendo, nec ulli hominum convenire acumen summum. Quoniam hæc propositionem in systemate non demonstravimus, ideo eandem alio adhuc modo ex principiis propriis demonstrare lubet.

§. 110.

Acumen summum quodnam sit.

*Acumen absolute summum est, quo omnia, quæ diversa in uno sunt, a se invicem distinguuntur. Et in specie acumen summum pervidendi abstracta in concretis est, quo omnia universalialia, quæ singularibus insunt, perspicuntur. Et enim acumine distinguimus, quæ in uno aliquo objecto diversa insunt (§. 332. *Pfych. empir.*) & in specie acumine pervidendi abstracta in concretis perspicimus universalialia, quæ singularibus insunt (§. 336. *Pfych. empir.*). Major itaque gradus acuminis concipi nequit, quam si unoquoque omnia discernuntur, quæ diversa eidem insunt, nec major acuminis pervidendi abstracta in concretis concipi potest, quam si omnia universalialia, quæ singularibus insunt, perspicuntur. Quamobrem cum acumen summum sit, quo majus dari repugnat; acumen utique summum in genere est, quo omnia, quæ diversa in uno insunt, discernuntur, & summum acumen pervidendi abstracta in concretis est, quo omnia universalialia, quæ singularibus insunt, perspicuntur.*

Hinc jam apparet, quale sit illud acumen, quod Deo tribuitur, & a priori constat, cur nullus hominum absolute loquendo acutissimus dici possit, nisi homini tribuere velis, quæ sunt Dei. Ostendimus in Psychologia rationali (§. 99. 100. 101.), animam sensu ne quidem armato corpuscula derivativa, nedum corpuscula primitiva & elementa rerum materialium distinguere, ita ut nihil, quod rebus materialibus inest, prorsus distincte percipiarur (§. 102. *Pfych. rat.*) & perceptionibus infinita inesse (§. 186. *Pfych. rat.*). Ecquis igitur non inde colligit, multa esse in uno objecto, quæ a nobis distingui non possunt, immo eorum, quæ distinguimus, numerum contemtilis parvitas esse, si cum iis conferatur, quæ non distinguimus? Quamobrem si unicuique saltem cogitemus objectum, quanto intervallo acumen hominis

hominis acutissimi distet a gradu summo facile agnoscitur. Quodsi vero jam animum convertas ad omnia, quæ sunt, immo si ulterius ad omnia possibilia; haud agere concedes, acumen humanum, quantumcunque detur, infinito intervallo a summo abesse. Imperfectionem adeo acuminis humani in genere spectati nemo in dubium revocaverit, qui attentione uti didicit. Enimvero non minus patet, quam exiguum nobis sit acumen pervidendi abstracta in concretis. Species & genera infima facile percipimus in substantiis compositis sensibilibus: id quod testantur nomina appellativa. Sed si ad genera superiora ascenditur, nebula quasi observatur menti, ubi ejus aciem in ea intendere velimus. Immo idem accidit haud raro in speciebus inferioribus a se invicem distinguendis, quemadmodum experimur, qui insecta & marina ad regnum animale pertinentia in suas species accurate distribuere sibi sumunt. Maxime abstractæ sunt notiones ontologicae, quæ cum enti omni convenient, a nobis tamen in omni non percipiuntur, nisi ante fuerint perspectæ. Quam difficulter autem perspiciantur, abunde docent obscuræ terminorum explicationes ubivis obviæ, de quibus definiendis prorsus desperaverat *Carræsius* satis licet acutus. Multa hic dici poterant, quæ ad acuminis hujus in specie imperfectionem comprobendam facere poterant: quæ tamen cum agere capiantur, nisi quis in augendo acumine continuo profecerit, cujus defectus magis sentitur, quo magis ipsum augetur; prolixioribus esse non datur.

§. III.

Acumen Dei absolute summum est, tum in genere speciei, tum quoad pervidendum abstracta in concretis in speciem summam acrie. Etenim Deus omnia singularia cognoscit, quæ in priori de quolibet mundo possibili locum habere possunt (§. 105.): cognoscit autem omnia prorsus distincte (§. 81.). Distinctum igitur a se invicem omnia, quæ diversa in unoquoque sunt (§. 38. *Psych. empir.*): id quod etiam adhuc

clarius enumeratione eorum, quæ singulis rebus in quo-
cunque mundo possibili insunt, probari poterat (§. 91.
& seqq.). Quamobrem cum acumen summum sit, quo
omnia, quæ diversa in uno insunt, a se invicem distin-
guuntur (§. 110.); Deo esse acumen summum in genere
spectatum patet.

Ostenditur idem hoc modo: Deus omnes essentias
entium limitatorum & omnes substantias simplices in sin-
gulari quoad essentiam, attributa & modificationes omnes
possibiles quam distinctissime cognoscit (§. 98.), tum etiam
corpora omnia & homines in primis ac bruta (§. 100. 81.).
Enimvero præter essentialia, attributa & modos enti nihil
inest (§. 149. *Ontol.*), nec datur quicquam substantiale in
corporibus præter substantias simplices (§. 177. *Cosmol.*),
ita ut ideæ rerum materialium confusæ, quæ nobis sunt,
ex confusione eorum, quæ insunt elementis seu substantiis
simplicibus, ex quibus corpora aggregantur (§. 176. *Cos-
mol.*), nascentur (§. 98. *Psych. rat.*). Deus igitur omnia
distinguit, quæ diversa enti sive composito, sive simplici
insunt. Ejus adeo acumen summum est (§. 110.). *Quod
erat unum.*

Porro Deus omnia universalialia simul quam distinctif-
sime cognoscit (§. 106.) eaque in omnibus singularibus
vi principii rationis sufficientis omni possibili modo inter
se combinatis intæctur (§. 107.). Nihil adeo universa-
lium inest singularibus, quod in iisdem non perspiciat
Deus. Quoniam itaque acumen pervidendi abstracta in
concretis absolute summum est, si omnia universalialia in sin-
gularibus perspicuntur (§. 110.); Deo esse acumen pervi-
dendi abstracta in concretis absolute summum extra omnem
dubitationis aleam positum est.

Atque

Atque ita prorsus a priori ex ipsa summi acuminis notatione demonstravimus, Deo esse acumen absolute summum, cumque principia demonstrandi redeant ad intuitivam eamque simultaneam & distinctissimam omnium singularium & universalium cognitionem in systemate firmiter stabilitam (§. 247. 275. 207. 270. 156. 160. 273. part. I. Theol. nat.); propositio præsens cum sua demonstratione systemati facili inferri poterit. Ceterum non inutile est summum Dei acumen cognoscere: proderit enim nosse in Philosophia morali, ubi virtutes intellectuales explicabuntur, in quarum numero acumen etiam esse demonstrabitur.

§. 112.

Acumen divinum actus est, non facultas. In nobis *Acumen quod acumen facultas est* (§. 332. *Psych. empir.*). *Quamobrem modo infit* rem cum acumen Deo infit (§. 109.), quod vero animæ *Deo.* inest per modum facultatis, id Deo tribui nequeat nisi per modum actus (§. 78.); acumen divinum actus est, non facultas.

Nimirum non modo fieri potest, ut Deus acumine suo distinguat omnia, quæ diversa in uno insunt, & in omnibus singularibus videat omnia universaliter, quæ iisdem insunt; verum impossibile est, ut non actu utrumque faciat. Plurimum adeo refert, num acumen Deo tribuatur per modum facultatis, an vero per modum actus. Insuit etiam hæc propositio in praxin, quemadmodum suo loco abunde elucescet. Absit itaque ut quis eandem inter steriles nugæ referat, propterea quod terminis generalibus effertur.

§. 113.

Deo competit intellectus in gradu absolute summo. Et *Intellectus enim anima nostra intellectu prædita est, quemadmodum Deo vindicatus.* satis constat ex iis, quæ integro capite secundo Sect. 3 part. 1. *Psych. empir.* dicta sunt, & intellectus humanus in vi re-

præsentativa universi, quæ animæ competit, consequenter in essentia & natura ejusdem (§. 66. 67. *Ppsychol. rat.*), rationem sufficientem agnoscit (§. 387. *Ppsych. rat.*), atque adeo posita essentia & natura animæ ponitur (§. 118. *Ontol.*), cumque intellectus sit facultas res distincte repræsentandi (§. 275. *Ppsych. empir.*), eam esse realitatem nemo inficiabitur (§. 5.). Atqui realitates, quæ animæ insunt, Deo tribuendæ in gradu absolute summo (§. 70.). Deo igitur intellectus competit in gradu absolute summo.

Idem etiam sic ostenditur. In Deo datur distincta omnium mundorum possibilium repræsentatio (§. 82.). Quamobrem cum facultas res distincte repræsentandi sit intellectus (§. 275. *Ppsych. empir.*), quæ vero animæ insunt per modum facultatum, ea Deo conveniunt per modum actus (§. 78.); Deus omnino intellectu præditus est. Est vero repræsentatio mundorum possibilium realitas (§. 5.). Quoniam itaque realitates omnes Deo insunt in gradu absolute summo (§. 15.); Deo utique intellectus in gradu absolute summo competit.

Ostenditur porro hoc modo. Quoniam intellectus est facultas res distincte repræsentandi (§. 275. *Ppsych. empir.*); in realitatum numero est (§. 5.). Enimvero Deo insunt omnes realitates in gradu absolute summo (§. 93.). Ergo etiam inest intellectus in gradu absolute summo.

Negari haud quaquam potest, majore claritate Deo tribui intellectum vi perfectionis summæ, quæ de eo in definitione nominali sumitur (§. 14.), quam in systemate demonstratur (§. 121. 122. *part. I. Theol. nat.*). Unde liquet, inanem operam non sumi, si ex diversis definitionibus nominalibus existentia & attributa Dei demonstrantur, nec superfluum censeretur, quod systemati Theologiæ naturalis superaddamus præsentem tractationem.

§. 114.

Intellectus divinus actus est, non facultas. Quoniam *Quomodo Deo* enim intellectus, qui Deo summus est (§. 113.), facultas *infit intelle-* res distincte repræsentandi in homine (§. 275. *Pfych. empir.*) ; quod vero homini inest per modum facultatis, id Deo tribui nequit, nisi per modum actus (§. 78.) ; intellectus divinus actus est, non facultas.

Demonstratio in systemate data (§. 163. *part. I. Theol. nat.*) etiam hic locum habet.

§. 115.

Intellectus divinus est omnium possibilium singularium intellectus & universalium distincta ac simultanea repræsentatio. Et divinus quidem intellectus est facultas res distincte sibi repræsentandi (§. 275. *Pfych. empir.*) : & absolute summus est, qui omniaabilia distincte repræsentat (§. 278. *Pfych. empir.*). Quamobrem cum intellectus divinus sit absolute summus (§. 113.) & actus, non facultas (§. 114.), ac Deus omnia singularia (§. 105.) atque universalia distinctissime cognoscit (§. 106.) & quidem simul (§. 99. 106.) ; intellectus divinus utique est distincta omnium possibilium tam singularium, quam universalium atque simultanea repræsentatio.

Poterat idem ex definitione intellectus humani vi principii generalis heuristici (§. 70.) demonstrari.

§. 116.

Intellectus Dei est omnium perfectissimus. Etenim intellectus Dei est distincta & simultanea omnium possibilium tam singularium, quam universalium repræsentatio (§. 115.). Sed intellectus perfectissimus est, qui omnia *Summa intellectus distinctus divini perfecte.* possi-

possibilia sibi distincte representat (§. 647. *Psychol. rat.*). Intellectus adeo divinus perfectissimus est.

Poterat etiam ostendi hoc modo. Deo competit intellectus absolute summus (§. 113.). Sed intellectus absolute summus idem est, qui perfectissimus (§. 648. *Psych. rat.*). Ergo intellectus divinus est omnium perfectissimus.

Prior demonstratio coincidet cum ea, quam dedimus in systemate (§. 168. *part. I. Theol. nat.*). Sed cum hic vel maxime eidem locus sit, ubi ex notione entis perfectissimi attributa divina demonstrantur; eam permittit, et non debemus.

§. 117.

*Negatio limitum de intellectu divi-
no.*

Intellectus divinus prorsus illimitatus est. Ponamus; si fieri potest, intellectum divinum esse limitatum. Dantur ergo in Deo limites; quod cum sit absurdum (§. 16.), intellectus, qui ipsi competit (§. 113.), prorsus illimitatus esse debet.

§. 118.

Infinitudo intellectus divini.

Intellectus divinus infinitus est. Etenim prorsus illimitatus est (§. 117.). Enimvero quod limitatum est, etiam finitum est & contra (§. 173. *part. I. Theol. nat.*), consequenter quod illimitatum est, finitum esse nequit, adeoque necessario infinitum est (§. 53. *Ontol.*). Intellectus igitur divinus infinitus est.

Ostenditur etiam indirecte hoc modo. Ponamus, si fieri potest, intellectum divinum esse finitum. Quoniam quod finitum est etiam limitatum est (§. 173. *part. I. Theol. nat.*); intellectus divinus limitatus esse debet. Quod cum sit absurdum (§. 117.); necessario infinitus esse debet.

Quoniam demonstrari potest, Deo competere intellectum absolute summum, non supposita omnium simultanea representatione (§. 113.), ac inde porro, eum esse illimitatum

rum (§. 117.), & ideo infinitum (§. 118.); ex infinitudine inferri poterat omnium possibilium simultanea in Deo representatio, immo omnium, quæ Deus cognoscit, simultanea cognitio (§. 838. *Ontol.*). Ceterum demonstrationes, quibus in systemate evincitur, intellectum divinum esse incomprehensibilem (§. 174. *part. I. Theol. nat.*), immensum (§. 176. *part. I. Theol. nat.*) & purum (§. 178. *part. I. Theol. nat.*), totæ huc apponi possunt.

§. 119.

Intellectus divinus est omnium profundissimus. Intel- *Profunditas*
lectui humano competit profunditas, quatenus notiones *intellectus*
distinctas in alias simpliciores resolvere valet (§. 340. *Psych. divini*
chol. empir.), ut eadem fiant magis adæquatæ seu ad adæ-
quatas propius accedant (§. 341. *Psych. empir.*). Quo-
niam realitates, quæ animæ nostræ insunt, & ad quas etiam
intellectus profunditas referenda (§. 5.), Deo conveniunt
in gradu absolute summo (§. 70.); intellectus quoque pro-
funditas eidem in gradu absolute summo convenit, con-
sequenter intellectus divinus est omnium profundissimus.

Idem etiam ostenditur hoc modo. Deus vi intellectus,
sui omnia universalia & singularia distinctissime sibi repræ-
sentat (§. 113. 115.). Nihil adeo in objecto aliquo continetur,
quod non a ceteris actu distinguat (§. 33. *Psychol. empir.*).
Quamobrem cum tanto profundior sit intellectus,
quo longius in resolutione notionum distinctarum in alias
simpliciores quis progredi potest (§. 340. *Psych. empir.*),
consequenter profundissimus, qui quilibet in aliqua no-
tione contenta a se invicem distinguit, ita ut nihil insit,
quod non a ceteris distinguatur, intellectus divinus uti-
que profundissimus est.

Inter profunditatem intellectus divini, seu infiniti ac illi-
mitati, & profunditatem finiti ac limitati formalis quædam
differentia intercedit, quam hic exponi consuevit, ne
(*Wolffii Theol. Nat. P. II.*) N quid

quid obscuri superfit. Nimirum in nostra notionum resolutione pervenitur ad confuse percepta, unde ulterior resolutio consistit in evolutione notionis confusæ, quæ diversa ita confunduntur, ut tanquam unum quid repræsententur. Quamobrem cum multiplici confusione prodeant perceptiones nostræ confusæ, confuse nempe perceptis denuo confusis in unum (§. 97. *Pfych. rat.*), non vero tantummodo iis, quæ substantiis simplicibus insunt (§. 98. *Pfych. rat.*); nostro modo resolutio continuo fieri debet in alia a nobis nonnisi obscure percepta, donec tandem prodeant quæ simplicibus insunt & quorum confusione prima fit idearum involutio. Enimvero cum Deus omnia vi intellectus sui distincte & simul sibi repræsentet (§. 115.); resolutio notionum quoad ipsum aliter locum habere nequit, quam quatenus quæ elementis insunt spectantur tanquam unum quid & plura tanquam unum sigillatim spectanda denuo tanquam unum quid, donec tandem prodeant corpora mundum hunc sensibilem constituentia. Unde & notionum ac idearum analysis quoad Deum ab ipso fonte procedit, veluti ab unitate ad numerum, cum nostra a numero majore ad minores progrediantur in unitatibus tandem terminanda, siquidem perfecta in potestate foret. Nostro igitur concipiendi modo peculiaris intellectus divini actus est, quo in pluribus simul repræsentatis plura spectat tanquam unum multiplici gradu. Merentur hæc, quæ probe perpendantur, ut mundi intelligibilis idea rectius intelligatur, ne in eadem discreta minime videantur, quæ in sensibili mundo a se invicem diversa sunt. Proderit etiam hæc ponderari, ut clarius perspiciantur diversi gradus intellectus finiti possibiles, & hinc porro innoscat, quanto intervallo a summa perfectione absit humanus, quæ cadere potest in finitum. Unde conficiunt, spiritus anima nostra multo perfectiores esse possibiles, quibus intimior convenit naturæ ac rerum materialium cognitio, quam quæ in nos cadit, qualem Theologi angelis ascribere nemini ignotum est. Philosophiam sane eo etiam sine addiscimus; ut Theologiæ revelatæ dogmata defendamus, & adversus ejus hostes, ea ab impossibilitate, quæ obijcitur, aut sane ejus suspicione liberemus. §. 120.

§. 120.

*Intellectus illimitatus omnia simul repræsentat, quæ-
cunque ejus vi repræsentari possunt.* Cum enim limitibus
careat *per hypothes.* nihil autem in ente mutari possit, nisi
limes (§. 827. *Ontol.*) ; in intellectu illimitato nihil inesse
potest, quod mutari possit, consequenter immutabilis est.
Quoniam itaque vi intellectus res distincte repræsentantur
(§. 275. *Psyb. empir.*) ; intellectus illimitatus omnia
simul repræsentare debet, quæcunque ejus vi repræsentari
possunt.

*Simultanea
repræsentatio
cur intel-
lectui illimi-
tato conve-
niat.*

Hac propositione utemur tanquam principio in demon-
stranda subsequente, & alias non inutile est cognosci, quod
repræsentatio simultanea aut, si mavis, simultaneitas in
repræsentando ab intellectu illimitato sit inseparabilis, atque
adeo eidem necessario conveniat.

§. 121.

*Notio intellectus divini prodit, si intellectum humanum, Notio intelle-
vel ejus facultatem cognoscitivam inferiorem, aut facultatem ctus divini
cognoscitivam, quæ animantibus brutis competit, ab omni quomodo
prorsus limitatione liberes.* Intellectus humanus limitatus *prodeat.*
est, tum quoad objectum, tum quoad modum repræ-
sentandi objecta (§. 279. *Psyb. empir.*). Quoniam intel-
lectus noster est facultas res distincte repræsentandi (§. 275.
Psyb. empir.), adeoque in ejus notione distinguere non
licet nisi objectum, quod repræsentatur, & modus, quo
repræsentatur ; alia præterea limitatio in eo locum habere
nequit. Jam quia limes notat ulterioris realitatis defectum
(§. 468. *Ontol.*) ; si ab intellectu humano omnem limita-
tionem remove velis, ad omne objectum, seu possibili-
lia promiscue omnia, ne minimo quidem excepto, exten-
deandus est, & in modo repræsentationis nil admittendum,

N 2

quod

quod non repræsentetur distincte, confusione omni penitus sublata. Hoc autem pacto prodit distincta prorsus omnium possibilium tam universalium, quam singularium repræsentatio: & quia intellectus illimitatus omnia simul repræsentat, quæcunque ejus vi repræsentari possint (§. 120.), eadem repræsentatio simultanea quoque est. Enimvero intellectus divinus in repræsentatione distincta & simultanea omnium possibilium singularium & universalium consistit (§. 115.). Prodit itaque intellectus divini notio, si humanum ab omni limitatione liberes. *Quod erat primum.*

Facultas cognoscendi inferior est, qua ideas & notiones obscuras atque confusas nobis comparamus (§. 54. *Psych. empir.*), consequenter vi cujus obscuritati atque confusione in rerum repræsentatione locus est. Confusæ oriuntur repræsentationes, si plura, quæ rei insunt, a se invicem non distinguimus (§. 39. *Psych. empir.*), consequenter ea tanquam unum quid nobis repræsentamus, cumque obscure percepta non agnoscere, nec a ceteris perceptibilibus distinguere valeamus (§. 32. *Psych. empir.*), repræsentationi obscuræ inesse debent, quæ ob multiplicem confusionem eorum, quæ objecto insunt, appericipi nequeunt (§. 25. *Psych. empir.*). Confusio adeo & obscuritas in percipiendo seu repræsentando objecto est defectus quidam in modo repræsentandi objectum, consequenter cum defectus ulterioris realitatis limes sit (§. 468. *Ontol.*), a limitatione facultatis cognoscendi inferioris oritur. Quodsi ergo eam ab hac separes, denuo oritur distincta prorsus omnium possibilium tam universalium, quam singularium repræsentatio, eademque ob simultaneitatem in repræsentando ab intellectu illimitato inseparabilem (§. 120.) simultanea. Prodit itaque intellectus divini

vinī notio, si facultatem cognoscendi inferiorem ab omni prorsus limitatione liberes. *Quod erat secundum.*

Sensus a se invicem distiuncta in unum confundit (§. 94. 98. *Psych. rat.*), nec imaginationis vi nisi sensibilia repræsentantur (§. 92. *Psych. empir.*). Quamobrem cum facultas cognoscendi inferior sit, qua ideas & notiones obscuras atque confusas nobis comparamus (§. 54. *Psychol. empir.*); facultas sentiendi & imaginandi ea est, quam inferiorem dicimus communi nomine. Quoniam bruta sensu (§. 750. 754. *Psych. rat.*) & imaginatione gaudent (§. 755. *Psych. rat.*); facultate cognoscendi inferiore pollent. Enimvero si facultatem cognoscendi inferiorem ab omni prorsus limitatione liberes, notio prodit intellectus divini *vi num. 2.* Ergo eadem etiam prodit, si facultatem cognoscitivam, quæ in animantibus brutis datur, ab omni prorsus limitatione liberes. *Quod erat tertium.*

Tota etiam propositio quoad singulas ejus partes una demonstratur hoc modo. Prima possibilis sunt realitates illimitatæ (§. 83.), quæ Deo insunt (§. 87.), & possibilis primitiva secunda, quorum combinatione nascuntur determinationes intrinsecæ rerum finitarum (§. 94. 95.), ipsarum etiam animarum tam hominum, quam brutorum (§. 97.), diversâ illarum limitatione oriuntur. Quamobrem intellectus humanus & facultas cognoscendi inferior tam in animabus hominum, quam brutorum prodit intellectus divini seu facultatis cognoscendi, quæ in Deo datur, limitatione diversâ. Quodsi ergo tam intellectum humanum, quam facultatem cognoscendi inferiorem tam in animabus hominum, quam brutorum a limitatione liberes; notio intellectus divini utique prodire debet

Deus suiipsius conscius est (§ 86.), atque adeo idem ac notiones rerum finitarum in ipso nascuntur limitatione realitatum, quæ ipsi insunt. Anima humana suiipsius, adeoque realitatum limitatarum sibi conscia est, ac ideo notiones realitatum Deo inexistentium in nobis nascuntur limitum remotione, & quatenus cognoscimus realitates limitatas, quæ insunt entibus alijs limitatis, remotione quoque limitum ipsis inherentium. Quemadmodum itaque Deum ens summe perfectum non dedecet, quod illimitata sua perfectione contineat omnes rerum finitarum determinaciones intrinsecas; ita nec Deo quid indignum moliri cœnseri debet, qui removendo limites a realitatibus, enti cuicunque inexistentibus, realitatum Deo inexistentium notiones sibi comparat.

§. 122.

Ratio summa Deo vindicata.

Deo competit ratio in gradu absolute summo. Quoniam ratio in vi repræsentativa universi, quæ datur in anima, adeoque in essentia ejusdem (§ 66. *Pfychol. rat.*), rationem sufficientem habet (§ 453. *Pfych. rat.*), attributum animæ est (§ 157. *Ontol.*). Quamobrem cum attributa rerum absolute necessaria sint (§ 304. *Ontol.*); ratio homini absoluta necessitate convenit. Jam cum ratio sit facultas nexum veritatum percipiendi (§ 483. *Pfychol. empir.*); in realitatum animæ nostræ inexistentium numero est (§ 5.). Realitates, quæ insunt animæ nostræ, Deo tribuendæ in gradu absolute summo (§ 70.). Ratio igitur Deo competit in gradu absolute summo.

Qui rationem eriminentur, quid sit ratio non intelligunt: æquis enim pro malo venditare ausit, quod ipsi Deo inest? Quodsi ratio in se mala esset, tanta foret pejor, quo major, consequenter ratio summa foret pessima. In has absurditates se præcipitant, qui intempestive in rationem declamant.

§. 123.

§. 123.

Ratio divina actus est, non facultas. Ratio humana facultas est (§. 483. *Pfych. empir.*). Sed quod homini inest per modum facultatis, id Deo non potest tribui nisi per modum actus (§. 78.). Quamobrem cum Deo ratio competit (§. 122.); ea actus esse debet, non facultas.

In homine, cum nascitur, nullus prorsus rationis usus comparer, adeoque mere facultas est, quæ ut ad actum perducatur, exercitatione opus est (§. 458. *Pfych. rat.*). Quamobrem ad differentiam, quæ inter rationem divinam atque humanam intercedit, probe perspicendam, plurimum prod-est nosse, quod ratio divina sit merus actus.

§. 124.

Ratio divina est perspicientia nexus omnium veritatum universalium, aut intuitus totius mundi rationalis. Ratio enim divina est absolute summa (§. 122.). Quamobrem cum ens ratione summa præditum sit, quod omnium veritatum universalium nexum perspicit (§. 471. *Pfych. rat.*), consequenter ratio summa in perspicientia veritatum omnium universalium consistat; ratio divina est perspicientia nexus omnium veritatum universalium.

Mundus rationalis est entium universalium inter se connexorum series variabilis (§. 258. *part. I. Theol. nat.*) & omnes veritates universales continet (§. 263. *part. I. Theol. nat.*). Quamobrem cum ratio sit facultas intuendi nexum veritatum universalium (§. 483. *Pfych. empir.*); dum rationis actus eliciuntur, mundum rationalem intuemur. Enimvero Deo competit ratio in gradu absolute summo (§. 122.), eaque in ipso actus est (§. 123.). Quamobrem

rem ratio divina non est nisi intuitus totius mundi rationalis.

Quæ hic de mundo rationali sumuntur, absque principiis systematis demonstrantur, ex meris scilicet ontologicis & logicis, ut adeo citra ullam mutationem huc transferri possint.

§. 125.

Universalium dependentia a se invicem Deo perspecta.

Deus intuetur omnem dependentiam universalium a seipsis & a se invicem. Intuetur enim nexum omnium veritatum universalium (§. 124.). Sed veritates universales connectuntur vi similitudinis essentialis, dependentiæ rei a seipsa & mutux dependentiæ rerum a se invicem quoad modificationes (§. 445. *Psych. rat.*). Deus igitur intuetur dependentiam universalium a seipsis & a se invicem.

Propositio præsens utilis est ad rationem divinam clarius inspiciendam, præsertim si accedat demonstratio principii psychologici, ad quod hic provocamus.

§. 126.

Theoria omnes Deo perspecta.

Omnes rerum omnium theoria Deo perspecta sunt. Et enim Deus veritates omnes universales cognoscit (§. 106.), earundenque nexum perspicit (§. 124.). Quamobrem cum veritatum universalium ad rem aliquam spectantium complexus sit ejusdem theoria (§. 467. *Psych. rat.*); Deo omnes rerum omnium theoriae perspectæ sunt.

Propositio hæc sterilis videri non debet: cum enim theoriis utimur ad formanda de rebus obvis judicia & ad actiones liberas recte dirigendas, hinc non modo intelligitur judicia Dei in casu omni esse recta, sed ipsum quoque quid agendum sit in casu quovis dato perspicere. Unde propositio hæc in praxin influat, prouti suo loco suoque tempore constabit.

§. 127.

§. 127.

Deo competit ingenium in gradu absolute summo. *Ingenium*
 Ingenium in vi repræsentativa universi, quæ datur in ani- *Deo vindicatum.*
 ma, consequenter in essentia ipsius (§. 66. *Pfych. rat.*),
 rationem sufficientem habet (§. 473. *Pfych. rat.*), adeoque
 in attributorum numero est (§. 157. *Ontol.*), consequenter
 animæ humanæ necessario competit (§. 304. *Ontol.*). Et
 quia in facilitate observandi rerum similitudinem consistit
 (§. 476. *Pfych. empir.*); quin in realitatum numero sit du-
 bitari minime potest (§. 5.). Realitates, quæ insunt animæ
 nostræ, Deo tribuendæ in gradu absolute summo (§. 70.).
 Deo igitur ingenium in gradu absolute summo tribuen-
 dum.

Circa hanc propositionem & ejus demonstrationem quæ-
 dam sunt notanda, ne difficultatibus obnoxia reddatur.
 Quoad illam itaque observamus, advertendum esse animum
 ad definitionem ingenii, quam dedimus (§. 476. *Pfych. empir.*)
 & ad quam in demonstratione provocavimus, ne vago vo-
 cabuli significatu turbemur, quasi ingenium involvat defe-
 ctum aliquem, ob quem Deo tribui minime possit (§. 37.),
 quemadmodum nonnullis accidit circa vocabulum philoso-
 phiæ (*not. §. 268. part. I. Theol. nat.*). Quoad demonstra-
 tionem notamus, neminem offendi debere, quod sumen-
 tes ingenium rationem sufficientem in vi universi repræsen-
 tativa habere provocemus ad propositionem (§. 473. *Pfych. rat.*),
 qua ingenium vim universi repræsentativam non excedere
 dicitur. Erenim si vim istam non excedit, per eam intelligi
 potest, cur in anima detur, adeoque rationem, cur insit,
 sufficientem in eadem agnoscit (§. 56. *Ontol.*). Porro expe-
 rientia contrarium videtur, quod ingenium animæ humanæ
 necessario insit, cum ingenium omne multis denegetur.
 Enimvero inconstantia loquendi, qua absolute negari vide-
 tur, quod negatur certo respectu non distincte animadver-
 so, turbare nos non debet. Esse homini omni aliquid in-
 (*Wolffii Theol. Nat. P. II.*) O genii

genii ex universalium confusa saltem representatione, qualis ad usum nominum appellativorum sufficit, abunde probari potest. Fieri autem potest, ut gradus ingenii sit adeo exiguus, ut cerro respectu pro nullo habendus, quatenus nempe ejus usus non sufficit ad id, ad quod requiritur.

§. 128.

*Cur Deus sit
ingeniosissimus.*

Quoniam ingeniosus dicitur, qui ingenio pollet (§. 476. *Psych. empir.*), Deo autem ingenium in gradu absolute summo competit (§. 127.); *Deus ingeniosissimus est.*

Non nego insolutum esse, ut hoc attributum Deo tribuatur: sed nec me fugit ratio, cur factum non sit. Neque enim distincta fuit ingenii notio, sed confusa non satis determinata, quæ judicia peperit Deo parum convenientia, ut adeo de ingenio divino non cogitaverint ejus notione confusa contenti. Sed cum hic cognitio Dei ab anima nostra derivetur, quemadmodum eandem a mundo adspectabili deduximus in systemate; quæ de ingenio quoad Deum dici poterant, omittenda minime fuere.

§. 129.

*Ingenium
divinum
quale sit.*

Ingenium in Deo actus est, non facultas. Cum enim ingenium in nobis sit facilitas observandi rerum similitudinem (§. 476. *Psych. empir.*), in nobismetipsis vero experiamur, nos rerum similitudinem non semper actu observare; quin ingenium nobis insit per modum facultatis dubitari haud quaquam potest (§. 29. *Psych. empir.* & §. 716. *Ontol.*). Deo est ingenium (§. 127.). Quoniam itaque ipsi per modum actus tribuendum, quod animæ per modum facultatis inest (§. 78.); ingenium in eo actus est, non facultas.

Omnia, quæ Deo insunt per modum actus, infinitudinem ejus loquuntur, cum hic inexistenti modus ab infinitudine pendeat, quemadmodum ex demonstratione intelligitur (§. 78.).

§. 130.

Ingenium divinum consistit in intuitu continuo omnis similitudinis, quæ rebus omnibus possibilibus inest. Ingenium Deo competit in gradu absolute summo (§. 127.), ipsique inest per modum actus (§. 129.). Quamobrem cum actus ingenii sit observatio similitudinis rerum (§. 476. *Psych. empir.*); ingenium majus, quod inest per modum actus, concipi non potest, quam quo omnis rerum omnium possibilium similitudo observatur. Consistit adeo ingenium divinum in intuitu omnis similitudinis, quæ rebus omnibus possibilibus inest, eoque ob immutabilitatem Dei (§. 17.) continuo.

Qui Deo indignum judicant speculari similitudines rerum, ab infinitudine ejus animum avertunt, vi cujus omnia in eo sunt simul, quæ eidem actu inesse possunt (§. 838. *Ontol.*), Deumque sibi instar hominis imaginantur, qui pluribus simul attentus esse nequit: id quod ex frivolis intelligas objectionibus, quasi sint alia magis ardua, de quibus Deus cogitat, quam rerum finitarum similitudo. Qui vero in Dei infinitudinem, quemadmodum fieri debet, mentis aciem ubivis intendunt; iis imaginatio nihil difficultatis faceffit.

§. 131.

Deo prima & secunda mentis operatio competit in gradu absolute summo, tertia vero eidem tribui nequit, nisi per eminentiam. Deus omnia universalia intuetur in omnibus singularibus vi principii rationis sufficientis omni possibili modo inter se combinatis (§. 107.), consequenter cum universalia sint, quæ singularibus communia seu in iisdem eadem sunt (§. 230. 231. *Ontol.*), in omnibus singularibus intuetur, quæ eadem sunt, & quidem simul atque quam distinctissime (§. 106.). Enimvero cum in

cognitione intuitiva, qualis Dei est (§. 104.), prima intellectus seu mentis (§. 325. *Pfych. empir.*) operatio absolvatur, dum attentionem nostram ad ea successive dirigimus, quæ in ideis duorum vel plurium individuorum nobis simul occurrentibus eadem sunt (§. 326. *Pfychol. empir.*), consequenter efficimus, ut ea successive ceteris una perceptis majorem claritatem habeant (§. 237. *Pfych. empir.*); major gradus quoad primam mentis operationem concipi nequit, quam intuitus omnium universalium in omnibus singularibus omni possibili modo inter se combinatis, simultaneus & omni maxime distinctus. Deo igitur competit prima mentis operatio in gradu absolute summo. *Quod erat primum.*

Vi intellectus divini omnia singularia & universalia distincte ac simul repræsentantur (§. 115.), eorumque Deus sibi conscius est (§. 86.). Quamobrem cum distincte ab ente intelligente sibi repræsentetur id, in quo plura sigillatim enunciabilia, adeoque a se invicem diversa distinguit (§. 38. *Pfych. empir.*); Deus in omnibus singularibus & universalibus distinguit; quæ ipsis insunt, eorum mutuas relationes non modo a se invicem, sed & ab ipso subiecto, cui insunt, vel quod ad aliud refertur, & ea non modo tanquam diversa a subiecto, cui insunt una cum ceteris, sed & ut eidem inexistencia spectat. Et quatenus simul cognoscit omnia, quæ uni inexistunt, alteri non existere sibi optime conscius est. Enimvero secunda mentis operatio judicium est §. 325. *Pfych. empir.*), quod vel affirmativum, vel negativum esse constat (§. 204. *Log.*). Actus judicii affirmativi in cognitione intuitiva absolvitur, si ea, quæ tanquam diversa a re spectamus, etiam tanquam eidem inexistencia vel ad eam quocunque modo pertinentia consideremus (§. 343. *Pfych. empir.*); actus vero
judicii

iudicii negativi, quando prædicatum subiecto simpliciter repugnat, si subiectum nobis repræsentemus, cui idem repugnat, & subiectum aliud, cui idem inest, ac id quod alteri inest, consideremus tanquam eidem non inexistens seu tanquam id, quo differt subiectum istud ab altero (§. 345. *Pfych. empir.*); ast ubi prædicatum subiecto simpliciter non repugnat, si subiectum, cui idem non inest, in oppositis casibus nobis repræsentemus, in quorum uno prædicatum eidem inest, in altero non inest, ac id, quod uni inest, consideremus tanquam diversum ab eo, idemque referentes ad prius, spectemus tanquam eidem non inexistens, seu tanquam id, quo subiectum unum ab altero differt (§. 346. *Pfych. empir.*). Major itaque gradus secundæ mentis operationis concipi nequit, quam ubi ens intelligens in omnibus singularibus & universalibus distinguit, quæ ipsis insunt, eorumque mutuas relationes, quæ per modum in existentium considerari nil prohibet, ubi compendio loquendi studemus, non modo a se invicem, sed & ab ipso subiecto, cui insunt, & ea non modo tanquam diversa a subiecto, cui una cum ceteris insunt, sed & ut eidem in existentia spectat, ac uni in existentia, alteri non existere sibi conscius est. Patet igitur secundam mentis operationem Deo convenire in gradu absolute summo. *Quod erat secundum.*

Deus omnia cognoscit intuitive (§. 104.) & omnia universalia in omnibus singularibus omni possibili modo inter se combinatis intuetur (§. 107.), quæ in seipso videt (§. 105.), adeoque non opus habet, ut ex duobus iudiciis terminum communem habentibus formet tertium combinando notiones diversas communi ommissa, seu alio quocunque possibili modo iudicia de rebus formet ex aliis prævis; consequenter ut ratiocinetur (§. 366. *Pfych. empir.*).

Quamobrem cum ratiocinatio sit tertia mentis operatio (§. 325. *Pfych. empir.*); Deus tertia mentis operatione opus minime habet. *Quod erat tertium.*

Enimvero novit Deus, quomodo quæcunque veritas universalis ex aliis colligi possit (§. 274. *part. I. Theol. nat.*): id quod independenter a principiis systemati propriis demonstratur, ut adeo demonstratio tota cum demonstratione principi de nexu veritatum universalium (§. 271. *part. I. Theol. nat.*) hic inferri poterat. Aut si id ex systemate assumere nolis, poteris idem inferre hoc modo. Deus intuetur omnem dependentiam universalium a se invicem (§. 125.), consequenter novit rationem sufficientem eorum, quæ tanquam prædicata tribui possunt alicui subjecto (§. 851. *Ontol.*), adeoque ipsi perspectum est, ex quibus datis intelligatur, quænam ulterius rei cuidam tribui possint prædicata, seu, quod perinde est, quomodo veritas quæcunque universalis ex aliis colligi possit. Quamobrem cum per ratiocinia subjectis vindicetur prædicatum tam absolutum, quam hypotheticum (§. 370. *Pfychol. empir.*); acumen, quo Deus omnia subjecto cui-cunque inexistencia distinguit (§. 109.), vicem ratiocinationis sustinet. Quoniam itaque enti alicui per eminentiam competit, quod proprie loquendo non est, cujus tamen loco inest aliud quidpiam, quod vicem istius supplet (§. 845. *Ontol.*); tertia mentis operatio per eminentiam Deo tribui potest. *Quod erat quartum.*

Intellectum humanum cognoscimus, quatenus operationum ejus nobis sumas consci. Intellectum divinum cognoscimus, si humanum a suis limitationibus liberemus. Quamobrem si differentiam, quæ inter humanum atque divinum intercedit, rectius perspicere velimus; utile est expendere tres intellectus operationes, quomodo sese habeant quoad Deum. Apprime igitur hujus loci est disquisitionem instituire,

Attribuere, num & quatenus intellectus operationes Deo tri-
 bui possint, ubi ex iis, quæ animæ insunt, colligimus, quæ
 tribuenda sint Deo. Etenim ex notione entis perfectissimi
 nihil deducere licet, nisi ex notione animæ constet, quæ-
 nam enti perfectissimo tribuenda. Unde vi principii redu-
 ctionis, quod in Arte invenendi maximi momenti est, de-
 monstratio attributorum divinorum ex notione entis perfe-
 ctissimi reducitur ad demonstrationem ex contemplatione
 animæ. Prima & secunda mentis operatio non supponunt
 nisi intuitum ideæ præsentis. Quamobrem cum Deus intueat-
 ur & seipsum, & mundos omnes possibiles simul in se (§.
 104. & seqq.), prima & secunda mentis operatio nullum ne-
 cessario involvunt defectum, & ad omnem cognitionem suf-
 ficiunt, adeoque Deo tribuuntur ideæ in gradu absolute sum-
 mo. Quodsi nos successive omnia cognoscibilia cognitione
 intuitiva complecti possemus; nobis quoque prima & secun-
 da mentis operatio satisfacere poterat; ast quia ideæ rerum,
 quas successive intuemur, multa involvunt, quæ intuitui
 nostro sese subducunt, immo multorum idearum, nonnisi me-
 diantibus aliis in nobis excitare valemus, ideo tertia mentis
 operatione nobis opus est, qua ex intuitive cognitis colligi-
 mus, quorum intuitiva cognitio nobis vel prorsus negatur, vel
 saltem dato in casu. Involvit adeo tertia mentis operatio de-
 fectum primæ atque secundæ, atque ideo Deo tribui nequit (§.
 37.). Inest tamen aliquid tertiæ mentis operationi, quod ab
 omni defectu liberum Deo non repugnat, scilicet quod per eam
 nobis manifestetur dependentia veritatum universalium, aut si
 mavis ipsorum entium universalium a se invicem, quatenus
 mundum constituunt rationalem. Hanc dependentiam Deus
 intuitive cognoscit vi acuminis absolute summi pervidendi ab-
 stracta in concretis (§. 110. III.), atque adeo ipsum supplet vicem
 ratiocinationis omnium perfectissima, consequenter tertia
 mentis operatio Deo tribuitur per eminentiam (§. 845. Ontol.).
 Quodsi quis in psychologicis sitis fuerit versatus, ne ipsi desint
 ideæ, quibus lux affunditur intellectui ratiocinanti; ei longæ-
 rum meditationum campus hic sese aperiet, in quem exspatiari
 jam nobis non datur. Sufficit monstrasse viam.

§. 132.

Qualis sint

Dei judicia. est. *Dei judicia omnia intuitiva sunt, nullum discursivum.* Deo competit secunda mentis operatio (§. 131.). Quamobrem cum secunda mentis seu intellectus operatio iudicium sit (§. 53. Log.); Deo utique tribuendum est iudicium. Jam Deo competit acumen absolute summum, tum in genere spectatum, tum quoad pervidendum abstracta in concretis in specie (§. 111.). Quoniam vero acumen absolute summum in genere spectatum est illud, quo omnia, quæ diversa in uno sunt, a se invicem distinguuntur; in specie autem acumen summum pervidendi abstracta in concretis istud, quo omnia universalia, quæ singularibus insunt, perspiciuntur (§. 110.); quæ enti unicuique tribui, quæ non tribui possint, in ejus notione comprehensa intuetur Deus intuitive cognoscens omnia (§. 104.). Enimvero iudicium omne intuitivum est, quo enti cuidam tribuit judicans, quæ in ipsius notione comprehensa intuetur (§. 51. Log.). Omne adeo Dei iudicium intuitivum est, consequenter nullum discursivum.

Poterat etiam ostendi hoc modo. Deo competit secunda mentis operatio (§. 131.), adeoque iudicium (§. 53. Log.). Enimvero eidem tribui nequit tertia mentis operatio, nisi per eminentiam (§. 131.), consequenter cum proprie loquendo non insit, quod per eminentiam inest (§. 845. Ontol.); tertia mentis operatio, consequenter ratiocinatio (§. 53. Log.), proprie loquendo Deo tribui nequit. Nullum adeo iudicium ratiocinando demum elicitur. Quamobrem cum iudicium discursivum sit, quod ratiocinando elicitur (§. 51. Log.); nullum Dei de re quacunque iudicium discursivum est. Quoniam itaque iudicium omne vel intuitivum, vel discursivum est (§. 51. Log.); iudicium Dei omne de re quacunque intuitivum esse debet.

Utile

Utile est hoc nosse ad clarius intelligendam certitudinem judiciorum Dei: quam cognitionem in praxin influere patebit suo loco. Ceterum ex demonstratione priore presentia facile perspicitur, judicia discursiva, quibus nos habemus opus, tribuenda esse acuminis defectui, quo intuitiva cognitio in nobis intra arctos admodum limites coërcetur. Unde elucet ratio, cur judiciis discursivis in Deo non sit locus (§. 37.). Poteramus itaque etiam modo vere analytico ex eo arguere impossibilitatem judiciorum discursivorum in Deo, & hinc stabilire judiciorum omnium intuitivorum necessitatem.

§. 133.

Omnia Dei judicia eidem certa sunt. Etenim judicia Dei omnia intuitiva sunt (§. 132.). Quamobrem cum *Certitudo
judiciorum
divinorum.* judicio intuitivo ens intelligens tribuat enti, de quo judicat, five subjecto (§. 200. *Log.*), quod in ipsius notione comprehensum intuetur (§. 51. *Log.*), consequenter removet, quod in ea non continetur; Deus de ente quocunque judicans eidem non tribuit, nisi quod in notione subjecti comprehensum intuetur, nec ab eodem removet, nisi quod in eo non continetur. Quoniam itaque judicanti certum est judicium, si prædicatum subjecto convenire vel non convenire observat (§. 567. *Log.*); judicia divina omnia Deo certa sunt.

Poterat etiam ostendi hoc modo. Deus omnes essentias entium limitatorum & omnes substantias simplices in singulari quoad essentiam, attributa & modificationes omnes possibiles quam distinctissime atque simul cognoscit (§. 98.), consequenter novit, quænam enti cuique hanc essentiam habenti conveniant vel convenire possint prædicata. Et quoniam attributa cur insint rationem sufficientem in essentialibus (§. 157. *Ontol.*), modi autem cur inesse possint in essentialibus, cur actu insint, vel in modis antecedentibus, vel in ente
(*Wolffi Theol. Nat. P. II.*) P alio

*alio ab eo, cui insunt, diverso, aut pluribus istiusmodi entibus, vel denique partim in modis antecedentibus, partim in ente alio ab eo, cui insunt, diverso, vel pluribus etiam entibus aliis habent (§. 160. *Ontol.*), posita autem ratione sufficiente ponitur id, quod propter eam potius est, quam non est (§. 118. *Ontol.*); Deus quoque novit, cur ea prædicata enti cuicunque hanc essentiam habenti vel conveniant, vel convenire possint, aut non conveniant, nec convenire queant (§. 70. *Ontol.*). Agnoscit itaque iudicium suum esse verum (§. 505. *Log.*). Quamobrem iudicanti certum sit iudicium, si ipsum verum esse agnoscit (§. 564. *Log.*); iudicia sua Deo omnia certa sunt.

Nostra iudicia vel intuitiva sunt, vel discursiva (§. 51. *Log.*). Iudicia intuitiva nobis certa sunt, si prædicatum subiecto convenire observamus (§. 567. *Log.*), consequenter id, quod eidem tribuimus, in idea vel notione ejus intuemur, vel etiam ab eo exulare videmus, quod ab illo removemus (§. 200. *Log.*). Sed iudicium discursivum nobis certum est, si prædicatum subiecto convenire, aut eidem repugnare demonstrare valeamus (§. 568. 571. *Log.*). Enimvero si demonstrari potest subiecto sive absolute posito, sive sub adjecta conditione tribuendum esse aliquod prædicatum, in priori casu definitio, in altero adjecta conditio est ratio sufficiens, cur prædicatum subiecto conveniat (§. 130. *Ontol.*). Quamobrem ubi certitudo a demonstratione pendet, iudicium ideo nobis certum est, quod rationem ejus sufficientem perspicimus. Apparet itaque ex gemina, quam dedimus, demonstratione, Deo esse & certitudinem, quæ ab intuitu idearum pendet, & eam, quam parit demonstratio, etsi ipsi opus non habeat, ut iudicium demum vel per eandem eruat, vel veritatis ejus convincatur. Nos priorem certitudinem posteriori jungere solemus, quatenus quæ demonstrantur, experimentorum & observationum fide confirmamus, ut omnimodam obtineamus. Quamobrem patet Deo esse omnimodam iudiciorum

ciorum suorum certitudinem, qua majorem concipi repugnat.

§. 134.

In cognitionem Dei nulla cadit incertitudo, seu, Incertitudo ejus judicium nullum incertum est. Dei enim judicia omnia certa sunt (§. 133.). Quamobrem cum judicium omne vel certum sit, vel incertum (§. 564. Log.), fieri autem non possit, ut idem judicium sit simul certum atque incertum (§. 28. Ontol.); judicium Dei nullum incertum est; consequenter in ejus cognitionem incertitudo nulla cadit.

Idem etiam ostenditur hoc modo. Cum cognitio intuitiva ipso idearum intuitu absolvatur (§. 286. Ppsych. empir.); propositio vero incerta sit, quando non cognoscimus, utrum ea vera sit, an falsa (§. 564. Log.), consequenter utrum prædicatum sive affirmativum, sive negativum subjecto conveniat, nec ne (§. 505. Log.); in cognitione intuitiva judicium incertum est, si ea, quæ enti cuidam insunt, non omnia observamus, consequenter incertitudo cognitionis intuitivæ defectum arguit. Quoniam itaque Deo tribui nequeunt, quæ ullo modo defectum aliquem involvunt (§. 37.); incertitudo in cognitionem divinam, quam mere intuitivam esse constat (§. 104.), minime cadit, consequenter nullum ejus judicium incertum esse potest.

Demonstrari etiam potest indirecte hoc modo. Ponamus Deo judicium aliquod esse incertum. Quoniam certa est propositio, si prædicatum subjecto convenire observamus (§. 567. Log.), id est, quod perinde est, in idea ejus contentum, vel non contentum intuemur, prouti idem vel affirmativum acit, vel negativum, incerta esse

debent judicia, si non omnia, quæ in idea vel notione subiecti cuiusdam diversa insunt, a se invicem distinguuntur, nec omnia universalia, quæ singularibus insunt, perspiciuntur. Deus igitur non omnia, quæ in subiecto aliquo insunt, a se invicem distinguit, nec omnia universalia, quæ singularibus insunt, perspicit. Enimvero acumen absolute summum est, quo omnia, quæ diversa in uno sunt, a se invicem distinguuntur, & in specie acumen summum pervidendi abstracta in concretis, quo omnia universalia, quæ singularibus insunt, perspiciuntur (§. 110.). Deo itaque non est acumen summum in genere spectatum, nec in specie acumen summum pervidendi abstracta in concretis: Quod cum sit absurdum (§. 111.), iudicium Dei nullum incertum esse potest, consequenter nulla in ejus cognitionem incertitudo cadit.

Poterat idem adhuc aliis modis ostendi tam directe, quam indirecte; sed non opus est, ut in re satis manifesta simus prolixiores. Ceterum propositio præsens eo facit, ut rectius defectum cognitionis nostræ intelligamus. Nimirum quia cognitio nostra intuitiva ob arctos facultatis sentiendi ac inde pendentis facultatis imaginandi, aut, si mavis, intuitus ideæ universi limites (§. 194. *Psych. rat.*) arctissimis & ipsa limitibus constringitur; peream plurima nobis relinquuntur incerta, ita ut exiguus certorum respectu incertorum numerus sit. Quæ intuitive nobis cognoscere non datur, ratiocinando eruere tenemur, consequenter per demonstrationem certitudinem acquirere tenemur (§. 568. *Log.*) Enimvero qui ad assensum propositioni demonstratæ præbendum compelli debet, is & singularum præmissarum veritatem perspicere & formam demonstrationis non modo animo comprehensam habere, sed particularem quoque, quæ ipsi occurrit, generali convenientem agnoscere tenetur (§. 569. *Log.*). Quam hoc sit arduum, nemo intelligit, nisi qui in demonstrando fuerit versatissimus. Facile autem hinc colli-

colligitur, certitudinem cognitionis præter eam, quæ cognitionis intuitivæ est, vix cadere in eum, qui demonstrationis ideam nullam animo comprehensam tenet, multo minus in demonstrando fuerit exercitatus. Difficultates istæ, quæ certitudini cognitionis penes nos obstant, ex parte Dei nullæ sunt, qui summo acumine discerneret omnia, ut nihil cognitioni intuitivæ subducatur, nec adeo opus habet via demonstrationis ad certitudinem contendere, quamvis quod reale est in cognitione demonstrativa, quatenus scilicet rationes determinantes & nexum veritatum a se invicem revelat, cognitioni ejus intuitivæ simul insit, quemadmodum ex altera demonstratione propositionis præcedentis cluetscit (§. 133.). Defectus adeo nostros a Deo removemus, ut elarior evadat perfectionis divinæ summitas, nec eam tantummodo ob ignorantiam admiremur, sed ejus etiam aliquid intelligamus: id quod apprime utile est, ubi summitatis istius cognitio in praxin influere debet, ad quam nos omnem theoriam aptamus. Absit igitur ut quis in removendo a Deo defectu, qui nostræ cognitioni adhareret, inane operam sumi existimet.

§. 135.

Novit Deus, quenam enti cuicumque intellectus limitati cognitio incerta esse debeat. Nos non modo in genere cognoscimus, judicium intuitivum entis intellectu limitato aut, si mavis, facultate cognoscendi limitata prædicti incertum esse, si prædicatum subiecto convenire observare nequit (§. 567. Log.), & judicium etiam discursivum incertitudini-obnoxium esse debere, si præmissæ vel unius syllogismos in demonstratione concatenatos ingredientis veritatem ignorat, vel nullam demonstrationis genuinæ formam animo comprehensam habet, vel non perspicit, num forma demonstrationis præsentis sit genuina (§. 570. Log.); verum etiam principiorum horum applicatione cognoscere nobis datur, utrum nobis atque alteri certum

Incertitudinis circa cognitionem entium limitatorum obvia cognitio Deo vindicata.

esse debeat iudicium aliquod, nec ne (§. 348. Log.). Actum vero cognitionis hujus esse realitatem quandam, in dubium revocari nequit (§. 5.). Enimvero Deo tribuenda omnis realitas, quæ animæ nostræ inest, in gradu absolute summo (§. 78.). Quamobrem cum actus istius cognitionis absolute summus evadat, si de ente quocunque intellectus limitati constet, quænam ipsi cognitio incerta esse debeat, quod sine ulteriore probatione nemo non admittit, nisi rerum omnium fuerit ignarus, adeoque sine probatione sumi potest; Deus norit necesse est, quænam enti cuicunque intellectus limitati cognitio incerta esse debeat.

Propositio hæc usum non contemnendum habet in interpretandis oraculis divinis, ut intelligatur, cur hisce potius verbis, quam aliis uti voluerit Deus, ut alia taceamus. Exemplo esse potest, quod in Horis Subsecivis A. 1629. Trim. Vern. n. V. de officio hominis circa injurias juxta mandatum Christi diximus: id quod silentio prætereundum minime erat, ne videsmur inutilem sumere operam in coacervandis propositionibus nullam utilitatem spondentibus. Poteramus propositionem præsentem ex ipsa rerum Deo cognitarum notione deducere, principiis anterioribus abunde sufficientibus. Sed sufficit subinde exemplis ostendere, quod demonstrationibus analyticis, quibus apprime hic locus est, jungi etiam possint aliæ, lectori relinquentes, ut in ceteris simili modo iisdem concinnandis ipsemet operam navet vires suas periclitaturus,

§. 136.

*Immunitas
Dei, ab erro-
re.*

Deus ab omni errore prorsus immunis est, seu Deus errare nequit. Etenim judicia Dei omnia ipsi certa sunt (§. 133.). Quamobrem cum judicanti certum sit iudicium, si ipsum verum esse, vel etiam falsum agnoscit (§. 564. Log.); impos-

impossibile est ut falsum habeat pro vero. Quoniam igitur errare nequit, qui iudicium falsum pro vero habere nequit (§. 623. *Log.*); Deus errare nunquam potest, consequenter ab omni prorsus errore immunis est.

Idem etiam sic ostenditur. Dei iudicia omnia intuitiva sunt, nullum discursivum est (§. 132.). Quoniam eidem competit acumen absolute summum in genere & acumen pervidendi abstracta in concretis itidem absolute summum in specie (§. 111.); illo autem omnia, quæ diversa in uno insunt, a se invicem discernuntur, hoc omnia universalialia in singularibus perspiciuntur (§. 110.); haudquam fieri potest, ut diversa, quæ sunt, habeat pro iisdem. Enimvero error circa iudicium intuitivum committitur, cum diversa pro iisdem habentur (§. 631. *Log.*). Deus igitur errorem nullum committere potest.

● Poterat etiam ostendi hoc modo. Error circa iudicium intuitivum committitur, si confuse percepta eadem apparent, cum tamen sint diversa, ac ideo pro iisdem habentur (§. 631. *Log.*), consequenter cum distincte percepta, si diversa sunt, pro iisdem haberi nequeant, nec error circa iudicium intuitivum admittere potest, qui nil confuse, sed distincte cognoscit omnia. Enimvero Deus non modo omnes essentias entium limitatorum omnesque substantias simplices in singulari quoad essentiam, attributa & modificationes omnes possibiles (§. 98.), verum etiam omnia universalialia quam distinctissime, atque simul cognoscit (§. 106.). Fieri adeo nequit, ut circa iudicium intuitivum aliquem committat errorem. Quare cum iudicia ipsius omnia sint intuitiva, nullum vero discursivum (§. 132.); nullum prorsus errorem committere potest, consequenter ab omni immunis est.

Pote-

Poteramus idem adstruere hoc modo. Quoniam circa iudicium intuitivum error committitur, si pro iisdem a nobis habentur, quæ cum sint diversa, confuse tamen percepta eadem apparent (§. 631. *Log.*) ; error circa iudicium intuitivum oritur defectu cognitionis distinctæ (§. 38. 39. *Psych. empir.*). Quamobrem cum Deo tribui nequeant, quæ ullo modo defectum aliquem involvunt (§. 37.) ; nullus quoque ipsi error circa iudicia intuitiva tribui potest. Quare cum iudicia ipsius omnia sint intuitiva, discursivum nullum sit (§. 132.) ; nullus prorsus eidem error tribui potest, consequenter ab omni immunis est.

Nos multiplici modo in errorem incidimus ratiocinando (§. 633. & seqq. *Log.*). Sed cum ratiocinatio, tertia mentis operatio (§. 53. *Log.*), Deo tribui nequeat (§. 131.), nec opus est ut ab eodem removeamus errores, qui a tertia mentis operatione ortum trahunt. Non est quod excipias, Deo tribui posse tertiam intellectus operationem per eminentiam (§. 131.), adeoque ab eo removendum esse errorem, quatenus a ratiocinatione per eminentiam tali proficisci poterat. Etenim vicem ratiocinationis in Deo supplet acumen absolute summum (*not.* §. 131.). Quamobrem si quis fingeretur error a ratiocinatione per eminentiam Deo tributa profectus, idem foret error circa iudicia intuitiva commissus, consequenter cum errore omnem a cognitione intuitiva removerimus, eo ipso quoque removimus errores, quos a ratiocinatione per eminentiam tali proficisci posse fingis. Nec est quod verearis, ne circa iudicia intuitiva aliis adhuc modis aberrari possit, quam diversa pro iisdem habendo : facile enim ostenditur id fieri haud quaquam posse. Ne quid supersit, quod dubium videri possit, id demonstrare visum est in propositione sequente.

§. 137.

*Quomodo
in cogni-
tione intuitiva*

In cognitione intuitiva admitti nequit error nisi diversa pro iisdem habendo. Cognitio intuitiva est, quæ ipso idea-

idearum intuitu absolvitur (§. 286. *Psych. empir.*), & iudicium ideo intuitivum dicimus, quo enti cuidam tribuimus, *admitti* quæ in ipsius notione comprehensa intuemur (§. 51. *Log.*). *possit.*

Quando plura in ideis vel notionibus rerum comprehensa intuemur, aut eadem habemus pro iisdem, aut diversa pro diversis, aut eadem pro diversis, aut denique diversa pro iisdem. Quamdiu eadem pro iisdem, aut diversa pro diversis, vel etiam eadem pro diversis habemus, fieri haud quaquam potest, ut subjecto alicui tribuamus, quod ipsi non convenit, vel ab eodem removemus, quod convenit, cum eadem pro diversis habentes subjecto tamen unicuique tribuatur, quod ipsi convenit: consequenter fieri nequit, ut falsum pro vero habeamus (§. 505. *Log.*). Relinquitur itaque, ut id tantummodo fieri possit, quando diversa pro iisdem habemus. Quamobrem cum non erremus, nisi quando falsum pro vero habemus (§. 623. *Log.*), affirmantes scilicet, quod erat negandum, & negantes, quod erat affirmandum (§. 624. *Log.*); in cognitione intuitiva error admitti nequit, nisi dum diversa pro iisdem habemus.

Etsi eadem non agnoscantur eadem, nullus tamen ideo committitur error, modo non tribuantur ipsis, nisi quæ iisdem inesse observamus. Obitrinet idem in cognitione discursiva, quemadmodum exemplis ex Mathesi doceri potest. Ita *Serlius* tradit descriptionem curvæ, quam fornicibus construendis aptam commendat, eandem tamen cum ellipsi *Apolloniana* cum eo non agnoscunt Geometriæ sublimioris non satis periri. Quod si ex ista genesi deducas proprietates istius curvæ, easque per demonstrationes eidem vindices; nullus ideo committitur error, cum non tribuantur curvæ possibili, nisi quæ conveniunt: sit ita, quod demonstrari possit, eam esse cum ellipsi *Apolloniana* eandem (§. 597. *Anal. finit.*). Non nego ignorantie tribuendum esse, quod eadem non agnoscantur,

(*Wolffii Theol. Nat. P. II.*) Q quæ

quæ sunt ; sed simplex rei ignorantia defectum quidem cognitionis arguit, at pro erronenondum haberi potest. Quodsi quis contenderet, quæ eadem non agnoscit, eadem non esse posse, veluti curvam fornicum *Serlianam* non posse esse eandem cum ellipsi *Apolloniana*, sedesse curvam ab ea diversam, tum demum errorem committeret ratiocinandi tribuendum. Sed error hic in cognitione intuitiva locum minime habet : quod ut clarius intelligatur, exemplo alio idem declarare lubet. Qui non agnoscit Venerem esse corpus mundi totale Lunæ simillimum, cum ipsa ad idem genus referendum ; is nondum errat, sed in simplici veritatis alicujus ignorantia versatur, quam intuitiva non offert cognitio. Quodsi judicer, Venerem esse corpus mundi totale a Luna prorsus diversum, nec cum ea ad idem genus aut, si mavis, ad eandem speciem referri posse ; judicium hoc intuitivum non est, consequenter qui committitur error, non circa intuitivam, sed discursivam committitur cognitionem. Patet itaque circa cognitionem intuitivam non committi errorem, quatenus eadem non agnoscuntur eadem, sed pro diversis habentur.

§. 138.

*Probabilis
cognitio Dei
non compe-
scens.*

In cognitionem Dei nulla cadit probabilitas, seu Deus nihil probabiliter cognoscit. Quia omnia requisita ad veritatem adesse cognoscit, is veritatem certo cognoscit (§. 574. *Log.*), in probabili autem cognitione prædicatum subiecto tribuitur ob quædam saltem requisita ad veritatem (§. 578. *Log.*), consequenter cognitio probabilis certa non est. Enimvero judicia Dei omnia ipsi certa sunt (§. 133.), consequenter incertum nullum est. Ergo nec ullum tantummodo probabile est, adeoque Deus nihil probabiliter cognoscit, consequenter in ejus cognitionem nulla cadit probabilitas.

Ostenditur etiam hoc modo. In cognitione probabilis prædicatum subiecto tribuitur ob quædam requisita ad veritatem

ritatem (§. 578. Log.), adeoque quædam non cognoscuntur, consequenter ignorantur. Quoniam itaque cognitio probabilis defectum cognitionis involvit, Deo autem tribui nequeunt, quæ ullo modo defectum aliquem involvunt (§. 37.); nec probabilis cognitio eidem tribui potest, consequenter Deus nihil probabiliter cognoscit.

Demonstratur quoque hoc modo. Acumen Dei summum est tum in genere spectatum, tum quoad pervidendum abstracta in concretis in specie (§. 111.). Quare cum acumen absolute summum sit, quo omnia, quæ diverso in uno sunt, a se invicem distinguuntur, & in specie acumen pervidendi abstracta in concretis summum sit, quo omnia universalialia, quæ singularibus insunt, perspiciuntur (§. 110.); requisita autem ad veritatem sint rationes partiales, cur prædicatum subjecto conveniat, & omnia simul sumta constituent rationem sufficientem (§. 575. Log.); ut Deus quædam ad veritatem requisita non cognoscat, fieri haud quaquam potest, consequenter etiam impossibile est, ut subjecto alicui tribuat prædicatum ob quædam requisita ad veritatem. Quoniam itaque in probabili cognitione prædicatum subjecto tribuitur ob quædam requisita ad veritatem (§. 578. Log.); probabilis cognitio in Deum minime cadit.

Cognitionem probabilem esse imperfectam, seu aliquo laborare defectu, nemo non agnoscit, consequenter eam Deo, enti perfectissimo (§. 14.), non convenire facile concedet. Enimvero nos probationes propositionum non componimus ad captum lectoris, qui in infinitum variari potest; sed ad leges methodi, per quas obtinetur evidentia ad convictionem plenariam seu veri nominis sufficiens. Quamobrem a rigore demonstrandi nos minime deterrent illorum judicia, qui nimium in demonstrando studium acculant, propterea quod ob rationes non satis evolutas se assentiri experiuntur.

*Probabilita-
tis circa cog-
nitionem en-
tium limita-
torum obvia
cognitio Deo
vindicta.*

*Novit Deus, quænam enti cuique intellectus limitati co-
gnitio probabilis esse debeat.* Nos non modo cognoscimus
tam in genere, iudicium esse probabile, si prædicatum
subiecto tribuitur ob quædam requisita ad veritatem (§.
578. *Log.*), quam in specie, quænam sint requisita ad ve-
ritatem, & quandonam ob quædam tantummodo prædi-
catum subiecto tribuatur (§. 580. *Et seqq. Log.*); verum
etiam principiorum horum applicatione cognoscere nobis
datur, utrum nobis atque alteri probabile esse debeat iu-
dicium aliquod, nec ne (§. 348. *Log.*). Actum vero hu-
jus cognitionis esse realitatem quandam extra omnem con-
troversiam aleam positum est (§. 5.). Quoniam itaque Deo
tribuenda omnis realitas, quæ animæ nostræ inest, in gra-
du absolute summo (§. 70.); eidem quoque convenire de-
bet cognitio probabilitatis circa cognitionem entium in-
tellectu limitatorum obviæ in gradu absolute summo. Enim-
vero actus istius cognitionis major concipi nequit, quam
si de ente quocunque intellectus limitati constet, quænam
cognitio probabilis eidem esse debeat. Novit igitur Deus,
quænam cognitio enti cuicunque intellectus limitati proba-
bilis esse debeat.

Demonstrari idem potest etiam hoc modo. Deo com-
petit omnis cognitio philosophica (§. 108.). Quoniam co-
gnitio philosophica est cognitio rationis eorum, quæ sunt
vel fiunt (§. 6. *Disc. prælim.*); ad cognitionem utique phi-
losophicam pertinet nosse rationem, cur enti cuidam in-
tellectus limitati cognitio aliqua probabilis esse debeat.
Deus igitur novit, quænam enti cuicunque intellectus li-
mitati cognitio probabilis esse debeat.

Poterat

Poterat idem ex ipsa notione rerum Deo cogitarum vi principiorum anteriorum deduci, sed demonstrationem posteriorem præferre maluimus, quod per ambages incedere non conveniat, ubi via breviori ad scopum tendere datur. Ceterum præsens propositio præcedenti addenda fuit, ne quis a Deo removeri existimet, quod tamen ipsi tribuendum. Etsi enim ipse non opus habeat theoria probabilium, cum certa sit omnium cognitu possibilem theoria; illa tamen eidem tribuenda, ne ullus in cognitione ipsius admittatur defectus. Perfectio enim intellectus est cognoscere omnem cognitionem imperfectam possibilem, & summæ perfectionis est eandem penitus perfectam habere.

§. 140.

Deo ratio *sufficiens omnium penitus perspecta est*. Si vel demonstratione vel experientia patet, subjecto absoluteposito, vel sub adjecta conditione convenire prædicatum; in priori casu ratio *sufficiens*, cur prædicatum subjecto tribui debeat, est definitio, in posteriori conditio adjecta (§. 130. *Ontol.*). Quoniam itaque tum ex definitione, tum ex posita conditione subjecti demonstrare valemus, prædicatum subjecto convenire debere, quemadmodum disciplinæ mathematicæ, & philosophicæ nostro more pertractatæ satis loquuntur; nos rationem eorum, quæ demonstrare valemus, sufficientem cognoscere patet. Hanc cognitionem esse realitatem quandam, nemo negare ausit (§. 5.). Quamobrem cum realitates, quæ animæ nostræ insunt, Deo tribuendæ in gradu absolute summo (§. 70.); cognitio quoque rationis sufficientis rerum Deo in gradu absolute summo convenit. Enimvero cognitio rationis sufficientis rerum major concipi nequit, quam si ad res omnes ita extendatur, ut quam distinctissime quoad singulas tam in universali, quam in singulari spectatas cognoscatur, consequenter penitus perspicatur. Deo igitur ratio *sufficiens omnium penitus perspecta est*.

*Sufficiens
omnium ra-
tio Deo per-
specta.*

Ostenditur etiam hoc modo. Deo competit cognitio omnis philosophica (§. 108.). Sed cognitio philosophica est cognitio rationis eorum, quæ sunt, vel fiunt (§. 6. *Disc. præl.*), quam esse sufficientem constat (§. 70. *Ontol.*). Deus igitur penitus cognoscit rationem sufficientem omnium.

In ideis divinis possibilia repræsentantur modo, quo actu existunt, si quidem ad actum perducantur. Etsi itaque per rationem sufficientem intelligatur, cur quid actu sit, cum possibile concipiatur per principium contradictionis; hoc tamen minime obstat, quo minus ratio sufficiens eorum, quæ actu sunt, in statu rerum ideali jam perspicatur, cumque ea in ipsis rerum ideis contineatur, a Deo intuitive cognoscatur. Quodsi accuratiori mentis trutina expendas, quæ superius (§. 87. *U. seqq.*) de origine idearum divinarum ex ipso Deo dicta sunt; non amplius latebit, cur omnium ratio sufficiens Deo penitus perspecta esse debeat. Ceterum hæc propositio maximæ utilitatis est: etenim per eam intelligimus, qualis sit Deo cognitio, & cum cognitio philosophica ea sit, qua per rationem sufficientem intelligimus, quæ sunt vel fiunt (§. 6. *Disc. præl.*), cognitionem nostram ad divinam propius accedere intelligimus, si philosophicæ studemus, qua per rationes intrinsecas subiectis sua vindicantur prædicata, quantum scilicet permittit intellectus infiniti ac finiti differentia. Non igitur abjecte sentiens de cognitione philosophica verioris nominis, qualem in operibus nostris offerimus, suo præiudicio in se atque alios injurius erit. Deinde præsens propositio in praxin plurimum influir: id quod suo tempore suoque loco elucescet,

§. 141.

- *Modus, quo Deus ratio- nem* *Deus rationem sufficientem omnium in ideis rerum intuetur.* Deus rationem sufficientem omnium cognoscit (§. 140.). Quare cum intuitive cognoscat omnia (§. 104.);

104.) ; rationem quoque sufficientem omnium intuitive *sufficientem* cognoscit. Quoniam itaque intuitiva cognitio ipso idea- *omnium co-* rum intuitu abolvitur (§. 286. *Psych. empir.*) ; Deus ratio- *gnoscit.* nem sufficientem omnium in ideis rerum intuetur.

Poterat idem ostendi ex ipsa notione rationis sufficientis, quam in ideis rerum contineri abunde patet ex iis, quæ de eadem demonstrata sunt in philosophia prima (§. 136. *et seqq. Ontol.*).

§. 142.

Deus omnia requisita ad veritatem in casu quocunque dato cognoscit. Quoniam omnia requisita ad veritatem si- *Cur omnia* mul sumta rationem sufficientem constituunt (§. 575. *Log.*) ; *requisita ad* veritatem qui rationem sufficientem omnium cognoscit, in omni *Deus cogno-* etiam casu requisita ad veritatem omnia cognoscere debet. *scat.* Quamobrem cum Deus rationem sufficientem omnium cognoscat (§. 140.) ; omnia quoque requisita ad veritatem in quocunque casu dato cognoscere debet.

Poterat etiam ex principiis systematis demonstrari hoc modo. Deus cognoscit omnia, quæcunque cognoscibilia sunt (§. 154. *part. I. Theol. nat.*). Inter cognitu possibilia referri etiam debere requisita ad veritatem omnis, in dubium revocari nequit. Ergo Deus omnia ad veritatem requisita cognoscit.

Quoniam cognitionem rationis sufficientis omnium Deo vindicavimus independentem a remotione probabilitatis a cognitione divina (§. 140.) ; ex propositione præsentem demonstrari potest, Deum nihil probabiliter cognoscere. Etenim omnia requisita ad veritatem cognoscit *et* *prop. præf.* non tantum aliqua. Quamobrem cum in iudicio probabiliter prædicatum subiecto tribuatur ob quedam requisita ad veritatem (§. 578. *Log.*) ; in Deum non cadere *cognit.*

cognitionem ullius probabilem, seu cum nihil probabiliter tantum cognoscere liquet. Atque adeo pater, quomodo propositio, qua omnis probabilitas a cognitione divina remouetur, systemati inferri possit. Consulto hoc monemus, ut, si cui volupe fuerit, etiam propositiones ceteras, quæ in systemate non extant, eidem inferre, exemplo præsentis doceatur, quomodo id fieri possit: neque enim difficile est ex principiis systematis demonstrari; quæ hic aliunde demonstrantur, modo qui id tentat principia systematis familiaria experitur ac methodi demonstrandi fuerit gnarus.

§. 143.

*Veritatis
omnis cogni-
tio certa Deo
vindicata.*

Deus veritatem omnem certo cognoscit. Etenim omnia requisita ad veritatem cognoscit in casu quocunque dato (§. 142.). Quoniam itaque is veritatem certo cognoscit, qui omnia requisita ad veritatem cognoscit (§. 574. Log.). Deus veritatem omnem certo cognoscit.

Ostendimus jam in superioribus omnia Dei iudicia ipsi esse certa (§. 133.); præsens adeo propositio videtur nonnisi repetitio superioris. Videtur utique iis, quibus distincta veritatis notio non est: non tamen cum superiore eadem est. Aliud enim est nosse certo, quod propositio aliqua sit vera; aliud vero ipsam propositionis alicujus veritatem certo cognoscere (§. 516. 517. Log.).

§. 144.

*Determina-
bilitas præ-
dicati per
notionem
subiecti cur
Deo perspe-
cta.*

Quoniam Deus veritatem omnem certo cognoscit (§. 143.), veritas autem in determinabilitate prædicati per notionem subiecti consistit (§. 513. Log.); *Deus in omni casu debili determinabilitatem prædicati per notionem subiecti certo cognoscit.*

Poterat hoc quoque demonstrari ex eo, quod Deus omnium rationem sufficientem cognoscit (§. 140.); prædicatum enim in propositione vera per notionem subiecti determinatur (§. 509. Log.).

§. 145.

§. 145.

Criterion veritatis, quod in Logica exhibuimus, idem Criterion est cum divina, seu Deo non est criterium veritatis aliud, veritatis quam quod in Logica dedimus. Etenim Deus in omni ca divinum, su dabili determinabilitatem prædicati per notionem sub-
jecti certo cognoscit (§. 144.), consequenter certo novit
prædicatum tribuendum esse subjecto, propterea quod
eidem conveniunt, quæ in notione subjecti continentur
(§. 113. Ontol. & §. 204. Log.). Quoniam itaque crite-
rium veritatis est propositioni intrinsecum, unde agnoscitur,
eam esse veram (§. 523. Log.); criterium veritatis,
quod Deo est, in determinabilitate prædicati per notionem
subjecti consistit. Enimvero non aliud in Logica dedi-
mus criterium veritatis, quam determinabilitatem prædi-
cati per notionem subjecti (§. 524. Log.). Criterium adeo
veritatis, quod in Logica exhibuimus, idem est cum
criterio veritatis divino, seu cum criterio veritatis quod
Deo est.

Vi propositionis præsentis convincimur non modo quod criterium veritatis sufficiens dederimus, cum sufficiat Deo veritatem omnem certo cognoscenti (§. 143.), atque maxime genuinum, cum Deus, cui perfectissima competit cognitio (§. 116.), eodem utatur; verum etiam quod certius ac melius non detur aliud, ut adeo inanem operam sumere debeat, qui ad melius inveniendum animum appellit. Ecce igitur tibi utilitatem præsentis propositionis! Sed ecce etiam tibi necessitatem atque præstantiam nostro more philosophandi! Etenim hanc philosophia nostra agnoscit legem, ut prædicatum per notionem subjecti determinetur, & quod per eam determinetur invictis ratiociniis evincatur: quod nisi fiat, criterio veritatis divino locus non est. Nostro igitur more philosophari idem est ac divino more philosophari, seu Deum in philosophando imitari.

§. 146.

*Cognitio re-
pugnantia
prædicati
cum subiecto
Deo univo-
saliter as-
serta.*

Deus in dato quocunque casu certo cognoscit repugnantiam prædicati cum subiecto. Deus in omni casu dabili certo cognoscit, prædicatum determinari per notionem subiecti (§. 144.), consequenter subiecto ideo tribuendum esse prædicatum, quia eidem conveniunt in notione subiecti contenta (§. 113. *Ontol.* & §. 204. *Log.*). Quoniam igitur impossibile est, ut subiecto conveniat prædicatum, quod per notionem ejus non determinatur (§. 115. *Ontol.*); eidem quoque perspecta esse prædicata debent, quæ subiecto convenire nequeunt, consequenter quæ eidem repugnant sive absolute, sive sub data conditione, nempe vi notionis subiecti (§. 310. *Log.*). Patet itaque Deum in omni casu dabili certo cognoscere prædicati cum subiecto repugnantiam.

Nimirum prædicatum aliquod subiecto simpliciter repugnat, quod est diversum ab eo, quod per essentiam rei determinatur. Repugnat autem secundum quid, sive sub conditione data, quod diversum est ab eo, quod per conditionem subiecti determinatur. Hæc distinctio probe notanda est, ne circa demonstrationem propositionis præsentis oriatur dubium, quasi prædicatum aliquod non statim ideo repugnet, quia non actu convenit. Etsi enim non repugnet simpliciter, repugnat tamen in eo, qui supponitur, statu.

§. 147.

*Criterion
falsitatis
divinum.*

Criterion falsitatis Deo idem est, quod in Logica exhibuimus. Deus in omni casu certo cognoscit repugnantiam prædicati cum subiecto (§. 146.). Quamobrem cum judicium affirmativum falsum sit, si prædicatum notioni subiecti repugnet (§. 514. *Log.*); eo ipso agnoscit, quænam iudicia falsa sint, ita ut nullum cognitioni ejus subducatur. Quoniam itaque criterium falsitatis est propo-
sitioni

fitioni intrinsicum, unde agnoscitur eam esse falsam (§. 525. Log.); criterium falsitatis, quod Deo est, consistit in eo, quod prædicatum notioni subiecti repugnet. Enimvero criterium falsitatis, quod in Logica exhibuimus, consistit itidem in eo, quod prædicatum notioni subiecti repugnet (§. 526. Log.). Criterium adeo falsitatis, quod Deo est, idem prorsus in Logica exhibuimus.

Quæ paulo ante (not. §. 145.), de criterio veritatis divino annotavimus, eadem de criterio etiam falsitatis annotanda sunt, ibidem relegenda, ne eorum repetitione sit opus.

§. 148.

Criterium veritatis propositionis negativæ divinum itidem est, quod in Logica exhibuimus. Quoniam propositio affirmativa falsa constituit negativam veram (§. 515. Log.), qui affirmativam falsam esse agnoscit, negativam quoque veram esse eo ipso intelligit. Enimvero propositio affirmativa falsa est, si prædicatum notioni subiecti repugnat (§. 514. Log.); negativam adeo veram esse ex eo intelligitur, quod prædicati cum subiecto repugnantia cognoscitur. Quia Deus in omni casu certo cognoscit repugnantiam prædicati cum subiecto (§. 146.); eo ipso quoque agnoscit veritatem propositionis omnis negativæ. Veritatis criterium est propositioni intrinsicum, unde cognoscitur eam esse veram (§. 523. Log.). Criterium itaque veritatis propositionis negativæ, aut, si mavis, iudicii negativæ, quod Deo est, consistit in eo, quod prædicatum notioni subiecti repugnet. Enimvero criterium veritatis propositionis negativæ, seu iudicii negativæ (§. 41. Log.), quod in Logica exhibuimus, itidem in eo consistit, quod prædicatum notioni subiecti repugnet (§. 527. Log.). Criterium adeo veritatis propositionis negativæ seu negativæ iudicii Deo idem est, quod in Logica exhibuimus.

Repetenda hic quoque sunt, quæ de criterio veritatis propositionum scilicet affirmatarum supra (not. §. 145.) annotavimus. Nulla est exceptio, etsi hoc criterium Deo sufficiat ad veritatem agnoscendam, non tamen ideo sequi, non dari adhuc criterium aliud eodem præstantius. Criterium enim hoc, non aliud cognitioni Dei intuitivæ convenit & originis idearum omnium adæquatarum ex Deo supra demonstratis (§. 87. & seqq.) consentit.

§. 149.

*Impossibilium cognitio
Deo vindicata.*

Deus cognoscit omnia impossibilia. Cum impossibile sit, ex quo colligitur, quod vel eidem, vel propositioni alicui veræ contradicit (§. 81. *Ontol.*), demonstratione autem apogogica seu indirecta, posito contrario ejus, quod probari debet, tanquam vero, colligatur quod propositioni veræ, vel notioni subjecti contradicit (§. 550. *Log.*); vi demonstrationis apogogicæ nos cognoscere impossibilitatem assumpti evidens est. Hanc ipsam impossibilium cognitionem esse realitatem quandam patet (§. 5.). Quare cum realitates, quæ insunt animæ nostræ, Deo tribuendæ sint in gradu absolute summo (§. 70.), in cognitione autem impossibilium major gradus concipi nequeat, quam si ea ad omnia extendatur; Deum omnia impossibilia cognoscere debere liquet.

Idem etiam ostenditur hoc modo. Deus in omni casu certo cognoscit repugnantiam prædicati cum subjecto (§. 146.). Quamobrem cum impossibilis sit notio, in qua conjunguntur, quæ sibi mutuo repugnant (§. 519. *Log.*); in omni casu dabili certo cognoscit, quidnam sit impossibile, adeoque omnia impossibilia cognoscit.

Dei impossibilitate quando sermo est, duplex incidit questio, nimirum 1. utrum determinationes quædam essentialis conjungi possint, nec ne, seu, quod perinde est, num
posse

possibilia quædam primitiva secunda seu a primis orta combinari possint, quarum combinatione essentia: entium limitatorum resulant (§. 94.): 2. num enti hanc essentiam habenti hoc conveniat attributum, & hic convenire possit modus, &, si convenire potest, num sub data conditione convenire possit, atque ens hanc essentiam, hæcque attributa habens & hisce modis vestitum ad aliud illam essentiam, illaque attributa habens, & illis modis vestitum dato quodam modo referri possit. Quamobrem impossibilitas semper agnoscitur per judicium aliquod, quod in Deo intuitivum est (§. 104.). Scilicet in casu primo impossibilitatem cognoscens judicat, determinationes quasdam essentielles sibi mutuo repugnare, adeoque ad ens quoddam constituendum conjungi minime posse; in secundo autem, enti hanc essentiam habenti repugnare hoc attributum, vel hunc repugnare modum, sive simpliciter, sive sub data conditione, & datam quandam relationem ad ens aliud datum repugnare. Qui igitur in secunda mentis operatione omnem repugnantiam cognoscit, omnem utique impossibilitatem cognoscit. Hæc probe perpendenda sunt, ne altera propositionis præsentis demonstratio insufficiens videatur, quasi particulariter tantummodo probetur, quod universaliter probari debebat. Hinc autem simul intelligitur impossibilitatis cognitionem in Deo deberi summo ejusdem acumini (§. 110. III.), consequenter ad summam ejus perfectionem pertinere, ut omnia non minus impossibilia, quem possibilia cognoscat (§. 6.). Ceterum præsens propositio in praxi etiam apprime influit, eaque in philosophia morali utimur.

§. 150.

Cognitio divina ab omni opinione libera. Opinio propositio est insufficienter probata (§. 602. Log.). Quamobrem cum insufficientis sit probatio, quæ nititur principiis incertis (§. 599. Log.); opinio omnis incertitudini obnoxia est. Enimvero in cognitionem Dei incertitudo nulla cadit (§. 134.). Ab omni igitur opinione libera esse debet.

*Opinio a Dei
cognitione
removenda.*

R 3

Pro-

Probatur etiam hoc modo. Opinio propositio est insufficienter probata (§. 602. *Log.*), adeoque cognitionis defectum quendam involvit. Quoniam itaque Deo tribui nequeunt, quæ ullo modo defectum aliquem involvunt (§. 37.); nulla eidem tribui potest opinio, consequenter ejus cognitio ab omni opinione libera.

Nos intuitive omnia cognoscere non possumus, quemadmodum Deus (§. 104.), & hinc ratiocinando colligere tenemur, quod intuit. idearum subducitur. Ratiocinatio supponit principia, certasque leges observare tenemur in ratiocinando, ut forma sit legitima, quemadmodum ex demonstrationum notione constat (§. 551. & *seqq. Log.*). Quoniam certa omnium cognitio nobis negatur, quemadmodum unusquisque ex seipso facile experitur, ex principis probabilibus sæpe ratiocinamur & minus ex reitari precaria cum probabilibus confundunt. Atque ea de causa opinionibus locus est in cognitione humana. Cessant penes Deum rationes omnes, quæ opinioni faciunt locum, consequenter mihi non est, quod ejus cognitio ab omni opinione procul sit remota (§. 118. *Ontol.*).

§. 151.

*Opiniones
entium intel-
lectu limita-
to prædito-
rum Deo
notæ.*

Novit Deus, de quibusnam enti cuicumque intellectus limitati tantummodo opinio esse debeat, seu, quod perinde est, omnium entium intellectu limitato prædicatorum opiniones. Quoniam enim opinio est propositio insufficienter probata (§. 602. *Log.*), probatio autem insufficiens principis nondum certis nititur (§. 599. *Log.*); opinio admittitur ob principia nondum certa. Enimvero veritatis propositionis probatæ certus non est, qui præmissæ vel unius syllogismos concatenatos ingredientis veritatem ignorat (§. 579. *Log.*). Quamobrem & opinio incerta est cognitio. Quoniam itaque Deus novit, quænam enti cuicumque intellectus limitati cognitio incerta esse debeat (§. 135.); omnium

omnium quoque entium intellectu limitato præditorum opiniones nosse debet.

Opinio imperfecta est cognitio, utpote defectu quodam laborans, quatenus principiorum, quibus nitimur, veritatem certo non cognoscimus (§. 599. 602. *Log.*), atque adeo in eo intellectus imperfectionem arguit, qui rem cogniturus in opinione acquiescere tenetur. Enimvero certo cognoscere, quod alteri non sit, nisi opinio, nullam in cognoscente imperfectionem arguit, sed quod hoc videat, intellectus potius perfectioni tribuendum. Quamobrem etsi de Dei cognitione removenda sit omnis opinio, quod intellectus ejus summe perfectus est; ob hunc ipsum tamen tribuenda ipsi est certa omnium, quæ aliis sunt, opinionum cognitio. Nemo non intellectum ejus perfectiorem censer, qui novit sibi tantummodo opinionem esse, non vero certam rei cognitionem, quam alterius, qui opinionem cum certa rei cognitione confundit. Sane quotidie videas omnem sese certitudinem assecutos sibi videri, quibus intellectus rudis adhuc est & impolitus, etsi nec satis intelligant, quod tanquam verum amplectuntur, nec sufficienter probare norint; qui vero culturæ intellectus plus operæ impenderunt, & ceteris sunt acutiores inextricabilibus sepe dubiis involvi in iis, quæ illi si missimis rationibus evicta contendunt. Perfecti onis adeo intellectus est defectum cognitionis alterius cognoscere.

§. 152.

Novit etiam Deus, cur entis intellectu limitatio præ- Deo perspe-
diti cognitio in dato casu intra opinionum limites coarctetur. Etum, cur in
Etenim cum nihil sit sine ratione sufficiente, cur potius sit, *dato casu illis*
quam non sit (§. 70. *Ontol.*); talis quoque detur necesse *fit opinio.*
est, cur enti cuidam intellectu limitato prædito in dato
casu non sit nisi opinio, hoc est, cum opinio sit propositio
insufficienter probata (§. 602. *Log.*), cur principia ei-
dem sint nondum certa (§. 599. *Log.*). Quamobrem cum
Deo

Deo ratio sufficiens omnium penitus perspecta sit (§. 140.); perspecta quoque ipsi esse debet ratio sufficiens, cur enti intellectu limitato prædico in dato casu principia, quibus utitur in stabilienda opinione sua, nondum sint certa. Quamobrem cum per rationem sufficientem intelligatur, cur quid potius sit, quam non sit (§. 56. *Ontol.*); Deus quoque penitus intelligit, cur enti cuidam intellectu limitato prædico principia, ob quæ assentitur, tantummodo sint incerta, consequenter probatio insufficientis (§. 599. *Log.*), adeoque cognitio intra limites opinionum coarctetur (§. 602. *Log.*).

Ex demonstratione propositionis præsentis perspicitur, quod perfectionem intellectus arguat cognitio opinionis alterius, consequenter Deo tribuenda veniat ob summam, qua utitur, intellectus perfectionem.

§. 153.

*Scientia
summa per
eminentiam
Deo compe-
tens.*

Deo competit scientia in gradu absolute summo per eminentiam. Ea scimus, quæ demonstrare valemus (§. 598. *Log.*). Quare cum per demonstrationem nobis innotescat notionem subjecti rationem sufficientem esse, cur ipsi prædicatum tribui debeat (§. 126. *Ontol.*); ea scimus, quorum rationem sufficientem certo cognoscimus, ita ut non modo ea nobis sit perspecta, sed ut etiam cognoscamus, hanc esse rationem sufficientem prædicati subjecto tribuendi. Quoniam Deo penitus perspecta est omnis ratio sufficiens (§. 140.), adeoque in omni dabili casu nosse debet non modo, quænam sit notio subjecti, cui prædicatum aliquod tribuendum, verum etiam quod hæc ipsa notio sit prædicati tribuendi ratio sufficiens; quæ ei omnium tribuenda sit scientia dubitari nequit. Enimvero demonstratio, per quam nobis innotescit, notionem subjecti esse ratio-

rationem sufficientem prædicati eidem tribuendi, syllogismo seu ratiocinii inter se concatenatis absolvitur (§. 496. 498. Log.), consequenter nulla nobis scientia est, sine tertia mentis operatione (§. 53. Log.). Quamobrem cum Deo tertia mentis operatio nonnisi per eminentiam tribui possit (§. 131.) ; scientia quoque summa, quæ ipsi competit *per demonstrata*, nonnisi per eminentiam tribui potest.

Non licet excipere, etsi in nobis non detur scientia sine tertia mentis operatione, non tamen sequi, quod non alio adhuc modo, istiusmodi rerum cognitio possibilis sit, quam nos nonnisi demonstrando acquirimus. Exceptio enim nulla foret, cum tertia mentis operatio per eminentiam Deo tributa in summum ejus acumen recidat, per demonstrationem superiorem (§. 131.), sicque cognitio discursiva ad intuitivam reducatur: quo ipso alius iste modus, quo scientia possibilis absque tertia mentis operatione proprie sic dicta, prodit. Nimirum quod notio subiecti sit ratio sufficiens, cur prædicatum eidem tribuendum, nondum per hoc patet, quod una cum iis, quæ in notione subiecti continentur, eidem insint, vel insit huic, aliis alii subiecto coexistentibus; sed requiritur ut necessitas inexistentiæ prædicati intelligatur per ea, quæ in notione subiecti continentur: id quod in nobis vi demonstrationis obtinetur, quæ supplet acuminis defectum, in Deo autem per attentionem ad ea, quæ in notione subiecti continentur, distinctissime atque simul perceptæ. Quodsi enim demonstrationis formam accurate perpendamus, facile constabit, per eam ad notionem distinctam reduci, quæ in notione subiecti confuse representantur, quantum ad illam necessitatem percipiendam sufficit. Velim ad modo dicta animum advertant, quibus volupe est intelligere, quomodo acumen vicem præstet facultatis ratiocinandi, & demonstratio per eminentiam insit cognitioni veritatis intuitivæ Dei.

§. 154.

*Scientia divina ob-
jectum.*

Deo competit scientia omnium singularium & universalium per eminentiam. Ipsi enim competit scientia in gradu absolute summo per eminentiam (§ 153.). Enimvero scientia major concipi nequit, quam quæ ad entia omnia tam singularia, quam universalia extenditur. Quamobrem Deo tribuenda est scientia omnium tam singularium, quam universalium per eminentiam.

Equidem vulgo dicitur experientiam esse singularium, scientiam universalium; hoc tamen non ita intelligendum est, quasi singularia sciri non possint. Etenim cum ea sciamus, quæ demonstrare valemus (§ 598. *Log.*), arte autem demonstrandi pollens experiri possit, demonstrari etiam posse, quæ experientia nobis non innotuere, de ente singulari, quod eidem inesse debeant, immo communis experientia istiusmodi exempla subministrat, dum de rebus absentibus bene ratiocinamur; sciri quoque singularia in dubium revocari nequit. Nos in scientia singularium non multum progredi valemus, non modo quod distinctis differentiarum numericarum notionibus destituamur, verum etiam quod nexum rerum, sine quo sufficienter non intelligitur, quomodo actus singularium determinetur (§ 87. *Cosmol.*), parum perspectum habeamus. Sed cognitionis iste defectus, unde in nobis pendet defectus scientiæ, in Deo cessat, qui omnia, prouti inter se connexa sunt, simul representata intuetur. Singularium adeo scientia in intuitiva ejus cognitione continetur eminentior, non minus quam universalium.

§. 155.

Conditionata omnium cognitio Deo vindicata.

Novit Deus, quid sub data conditione futurum & non futurum esset. Etenim in omni casu dabili cognoscit determinabilitatem prædicati per notionem subjecti (§ 144.) & repugnantiam prædicati cum subjecto (§ 146.), consequen-

sequenter quodnam prædicatum per eandem determinetur & quænam sub ista conditione eidem repugnent. Enimvero per se patet, sciri sub conditione data futurum vel non futurum, si constet, quodnam prædicatum per conditionem datam determinetur, adeoque eadem posita ponatur (§. 115. *Ontol.*), & quodnam eidem repugnet, consequenter sub ista conditione subiecto convenire nequeat (§. 310. *Log.*). Novit igitur Deus, quid sub data conditione futurum & non futurum esset.

Ostenditur etiam analyticè hoc modo. Nemo non in seipso experitur, se nosse multa, quæ sub conditione posita futura vel non futura essent, veluti quod discus stanneus liqueceret, si carbonibus candentibus imponeretur, quod herus irasceretur famulo, si videret eum noctu ex adibus exeuntem, non causis foribus, quod avulsis geminis gravidis arbor florum ornatu destitueretur tempore verno &c. Conditionatam hanc cognitionem esse realitatem aliquam animæ inexistentem, nemo non admittit (5.). Quamobrem cum realitates omnes, quæ insunt animæ nostræ, Deo tribuendæ sint in gradu absolute summo (§. 70.). Omnis quoque sub conditione data futuri vel non futuri cognitio eidem tribuenda, eaque per modum actus (78.). Novit itaque Deus, quid sub data conditione futurum vel non futurum esset.

Conditionata hæc cognitio in nobis discursiva est, in Deo, quemadmodum reliqua, intuitiva (§. 104.). Unde summi acuminis effectus est (§. 110.), quo Deum præditum esse constat (§. 111.), & sine ea cognitio Dei historica & philosophica, immo etiam mathematica aliqua ex parte deficeret: id quod tamen repugnat (§. 108.). Ceterum ex hac propositione probari poterat, nosse Deum, quænam enim cuicunque intellectus imitari cognitio incerta, quænam probabilis, quænam intra opinionum limites coarctari, quænam erronea esse

debeat, eum propositio præsens independenter ab hisce demonstratur, etsi ea in anterioribus jam aliter fuerint demonstrata.

§. 156.

*Præscibilitas
ac præscien-
tia omnium
Deo vindica-
ta.*

Deo omnia sunt præscibilia, non modo quæ contingunt in mundo materiali, verum etiam quæ in animabus accidunt, ipsa earundem libera decreta, præscitque omnia. Nos statum futurum in mundo materiali certo præscimus, si dependentiam futuri a præsentem certo scimus: præscimus autem probabiliter, si de hac nonnisi probabiliter constet. Ita Astronomus certo præscit eclipsin futuram: ex multitudine gemmarum gravidarum colligimus probabiliter pomorum nascendorum multitudinem. Quod ibi præscientia certa sit; hi nonnisi probabilis prævisio, non ex parte rei, sed ex parte cognoscentis est. In casu nimirum priori certo constat, nullum objectum id impediturum, quo minus causæ effectum consequantur: ast in posteriori non constat, an flores aut gemmæ ipsæ frigoris furore consumendæ, an insecta iisdem vel nascentibus adhuc pomis sint insidiatura, an causæ alix accidentales sint effecturæ, ne ad maturitatem pervenire queant poma. Quid horum contingere debeat, non minus determinatum est (§. 107. *Cosmolog.*) & certum (§. 108. *Cosmolog.*) ac futura eclipsis ejusque quantitas: defectui autem cognitionis debetur certæ præscientiæ defectus. Similiter si principia, quæ sunt alteri, nobis fuerint perspecta; quid in dato casu judicaturus sit prævidere licet, modo nulla causa accidentaliter superveniat, quæ vel impediat, quo minus mentem subeant principia, vel efficiat, ut ob rationes quasdam mutetur judicium: quod si enim prævideri nequit, utrum causa istiusmodi sit superventura, nec ne, prævisio judicii nonnisi probabilis est (§. 578. *Log.*). Quoniam id appetimus, quod nobis

tanquam

tanquam bonum quoad nos representamus (§. 904. *Psych. empir.*), & quam primum id nobis distincte representamus, idem volumus (§. 891. *Psych. empir.*); ex iudicio prævisio prævidere quoque licet volitionis actum. Quod certa non sit prævisio, sed probabilis tantummodo ac conjecturalis; non rei, sed defectui cognoscendi tribuendum: id quod ex iis, quæ de legibus facultatis cognoscitivæ ac appetitivæ dicta sunt in Psychologia aliisque in rationali expositis haud difficulter demonstrari poterat, nisi in systemate præcibilitatem omnium in se (§. 232. & *seqq. part. I. Theol. nat.*) demonstrassemus. Quod actus præscientiæ tam eorum, quæ in mundo materiali, quam illorum, quæ in animabus hominum contingunt, sit realitas quædam, extra controversiam positum est (§. 5.). Quoniam itaque realitates, quæ insunt animæ nostræ, Deo tribuendæ in gradu absolute summo (§. 70.); ei quoque præscientiæ eorum, quæ in mundo materiali contingunt, & quæ in animabus accidunt, in gradu absolute summo tribuenda venit. Enimvero major præscientia concipi nequit, quam ubi ea extenditur ad omnia, quæ in mundo contingunt, quæque in animabus nostris accidunt, ipsa etiam libera earum decreta. Quamobrem Deus præcire debet omnia, quæ in mundo materiali contingunt & quæ in animabus nostris accidunt, ipsa etiam libera earundem decreta, consequenter possibile est, ut a Deo præscientur, etiam si adhuc in statu meræ possibilitatis considerentur, ac ideo eisdem præcibilia sunt (§. 231. *part. I. Theol. nat.*).

Ostenditur etiam hoc modo. Omnia, quæ in mundo materiali contingunt (§. 232. *part. I. Theol. nat.*), & in animabus accidunt (§. 234. *part. I. Theol. nat.*), ipsa etiam libera animæ decreta in se præcibilia sunt (§. 233. *part. I. Theol. nat.*): id quod independentem a principiis

systematis ibidem demonstratum hic sumi potest, consequenter talia sunt, ut ea præcisci non repugnet (§. 231. *part. I. Theol. nat.*). Quoniam itaque Deo scientia omnium singularium & universalium per eminentiam competit (§. 154.); omnia, quæ in mundo materiali contingunt, & in animabus nostris accidunt, ipsa etiam earum libera decreta Deo præcibilia sunt, consequenter ubi mundus & animæ existunt, ac quamprimum ea exitura certum est, actu a Deo præciuntur.

Poterat quoque probari hoc modo. Cum nihil sit sine ratione sufficiente, cur potius sit quam non sit (§. 70. *Ontol.*), omnia, quæ in mundo materiali contingunt & in animabus, ipsa etiam libera earundem decreta, rationem sufficientem habent, cur potius contingant, vel accidunt, quam non contingant, vel accidunt. Quamobrem quia Deo ratio sufficiens omnis penitus perspecta est (§. 140.), per eandem vero intelligitur, cur quid potius sit, quam non sit (§. 56. *Ontol.*); Deo penitus perspectum esse debet, si hic mundus materialis existat & in eodem hæc existant animæ, hæc in illo contingere atque in hisce accidere debere, & hæc ab hisce decretum iri. Deo igitur omnia, quæ in mundo materiali contingunt & in animabus accidunt, ipsaque earum libera decreta præcibilia sunt (§. 231. *part. I. Theol. nat.*), consequenter præsupposita actualitate mundi & animarum in eodem existentium vel exiturarum tanquam certa actu præciuntur.

Cognitio omnis, quæ nobis probabilis, Deo certa est, utpote qui nihil probabiliter (§. 138.), omnia certo cognoscit (§. 143.). Quod nobis derur probabilis præscientia eorum, quæ in mundo materiali contingunt, in vulgus notum est: quod nec denegetur probabilis præscientia eorum, quæ in anima accidunt, immo ipsorum liberorum decre-

decretorum animæ, modo principiorum psychologiceorum fuerimus gnari, tum ex semiotica morali, tum ex arte conjectandi aliorum mores suo loco patebit. Quamobrem Deo recte tribuitur horum omnium certa præscientia (§. 70.) & ipsi omnia præscibilia esse debent, quamdiu in statu meræ possibilitatis considerantur. Nihil adeo circa demonstrationem analyticam desiderari potest. In scientiis versatus methodique peritus non ignorat, demonstrationibus analyticis deesse subinde eam evidentiam, quæ in syntheticis deprehenditur, etsi claritate sua assensum eliciant eorum, qui in illis sunt multum versati. Exemplo esse potest ipsa Mathematica, ubi plurima occurrunt, quæ per analysin eruta in dubium revocari nequeunt, utut intra probabilis cancellos coarctari videantur. Demonstrationi autem analyticae uberissimam lucem affundet quoad animam, ejus præsertim libera decreta, tam semiotica morali, quam ars conjectandi aliorum mores, ad quam utramque modo provocavimus.

§. 157.

Deus omnia præsentia tanquam præsentia cognoscit. Præsentium
 Nos sentu cognoscimus ea, quæ præsentia sunt in mundo *qua talium*
 materiali, tanquam præsentia, & cogitationum nostrarum *cognitio Deo*
 tanquam præsentium nobis intime consensum, nec actum *indicata.*
 hujus cognitionis in numero realitatum esse, quæ animæ insunt, dubitari ullo modo potest (§. 5.). Quamobrem cum realitates omnes, quæ animæ nostræ insunt, Deo tribuenda sint in gradu absolute summo (§. 70.); cognitio quoque præsentium tanquam præsentium Deo tribuenda venit in gradu absolute summo. Enimvero major hæc cognitio concipi nequit, quam si simpliciter ad omnia præsentia extendatur, tam in mundo materiali, quam in animabus in eodem existentibus. Patet igitur, Deum cognoscere omnia præsentia tanquam præsentia.

Cur a priorii ex iis, quæ Deo insunt, hic demonstrari nondum possit, quod præsentia tanquam præsentia cognoscat;

ex

ex modo intelligitur, quo presentia a præteritis atque futuris distinguit (§. 939. *part. I. Theol. nat.*). Quamobrem demonstrationi analyticæ aliam hic jungere non licet, quemadmodum fecimus in aliis anterioribus.

§. 158.

Sensus quatenus Deo tribui possint.

Sensus Deo non competunt nisi per eminentiam. Sensus percipimus objecta externa, quæ mutationem inducunt organis sensoriiis quæ talibus, convenienter huic mutationi (§. 67. *Psyche. empir.*). Enimvero si a diversis sensibilibus partibus diversis fibrillis nerveis motus imprimitur, idea sensualis distincta est (§. 127. *Psyche. rat.*); si a diversis sensibilibus partibus iisdem fibrillis nerveis motus simul imprimitur, idea sensualis confusa est (§. 128. *Psyche. rat.*); si denique quid fibrillis nerveis motum imprimere non possit, plane non percipitur, si vero motus impressus sit nimis lentus, vix ac ne vix quidem obscure percipitur (§. 129. *Psyche. rat.*). Enimvero Deus omnia, quæ sunt in mundo materiali, prorsus distincte sibi repræsentant (§. 81.), adeoque nihil confuse ac multo minus obscure. Ipsi igitur sensus propriè sic dicti convenire nequeunt.

Jam sensu præsentia cognoscimus, quæ sunt in hoc mundo materiali: id quod per se patet. Quamobrem cum Deus omnia in eodem præsentia tanquam præsentia cognoscat (§. 156.); actus ille cognitionis sensuum vicem supplet. Quoniam itaque per eminentiam inest, quod propriè loquendo inesse nequit, cuius tamen loco inest aliud quidpiam, quod vicem ipsius supplet (§. 845. *Ontol.*); sensus Deo per eminentiam tribuendos esse patet.

Cur sensus Deo tribui nequeant propriè loquendo, patet etiam ex eo, quod sensu res confuse, atque obscure percipiuntur, immo multa prorsus percipi nequeant. Quem-

Quemadmodum patet per *demonstrata*; idem sensuales defectu laborant. Quare cum ipsi tribui non possint, quæ ullo modo defectum aliquem involvunt (37.); sensus quoque proprie loquendo eidem convenire nequeunt. Qui sensum summe perfectum fingunt, aut contradictoria loquantur, aut sensum per eminentiam talem cum sensu proprie sic dicto confundunt. Quodsi quis sensum per eminentiam talem summe perfectum dicere velit, per nos id faciat: idem autem aliis effert verbis, quod in propositione præsentis terminis receptis enunciat.

§. 159.

Sensus per eminentiam Deo tributi denotant actum intellectus divini, quo omnia præsentia tanquam præsentia cognoscit. Patet hoc ex demonstratione præcedentis, ut adeo peculiari non sit opus.

Sensus per eminentiam Deo tributi quid denotant.

Poterat propositio præsens cum priori conjungi, quia per eandem demonstrationem utriusque veritas manifesta.

§. 160.

Quoniam visus & auditus in sensuum numero sunt (§. 68. *Psych. empir.*); visus etiam & auditus Deo per eminentiam tribui possunt (§. 158.).

Visus & auditus per eminentiam Deo tribuendi.

Quia visus & auditus inter sensus omnes præcipuus usus est; eorum peculiarem mentionem injicere voluimus, ut appareat, quomodo de Deo humano more loqui liceat citra præjudicium veritatis, ne, cum hoc faciat S. S., ut ab hominibus quoque parum philosophis intelligatur, in errorem nocivum *Spinoza* incidatur, quasi a Prophetis nihil singulare de Deo & ejus attributis doceatur, sed quod vulgares tantummodo de ipso habuerint opiniones, ad quas eorum revelationes accommodatæ sint. Sæpius enim in S. S. Deo tribuitur visus & auditus, & præsens propositio cum sequente magni momenti est in praxi morali.

(*Wolffii Theol. Nat. P. II.*)

T

§. 161.

§. 161.

Visus & auditus per eminentiam Deo tribuitur quid significet.

Visus in Deo denotat actum intellectus divini, quo res actu existentes quoad determinationes intrinsecas & mutuas ad se invicem relationes præsentibus dato quovis momento cognoscit: Auditus vero denotat actum intellectus, quo dato quovis momento in mundo sensibili auditu perceptibilia cognoscit. Sensus enim per eminentiam Deo tribuitur actum intellectus divini denotant, quo præsentia omnia tanquam præsentia cognoscit (§. 159.). Quare cum & visus, & auditus in sensuum numero sint (§. 68. Psych. empir.) & si uterque per eminentiam Deo tribuitur (§. 160.), nonnisi actum intellectus denotare potest, quo præsentia, adeoque actu existentia (§. 228. part. I. Theol. nat.), tanquam momento dato extra se actu existentia cognoscit. Enimvero nemo non novit, se visu cognoscere res extra se actu existentes quoad determinationes non minus intrinsecas, quæ dato momento insunt, quam mutuas relationes, quas ad se invicem habent; auditu vero percipere sonos, & quæ in eorum numero sunt, voces animantium ac voces hominum diversimode modificatas, seu loquentium sermones. Quamobrem si visus & auditus per eminentiam Deo tribuuntur, ille denotare debet actum intellectus divini, quo dato quovis momento res extra se actu existentes quoad determinationes intrinsecas præsentibus mutuasque, quas tunc habent, relationes, easque in universum omnes (§. 70.), certo cognoscit; hic autem denotare debet actum intellectus divini, quo dato quovis momento, quicquid auditu perceptibile in mundo sensibili, cognoscit.

Patet hinc visum per eminentiam Deo tributum extendi etiam ad ea, quæ in se invisibilia sunt. E. gr. omnis substantia simplex, veluti anima nostra, invisibilis est per essentiam.

essentiam & naturam suam. Unde nemo hominum visu percipit cogitationes alterius, sed eas demum ex actionibus externis visu perceptis ratiocinando conjectat. At Deus etiam videt omnes nostras cogitationes. Etenim inter res actu existentes sunt etiam animæ nostræ, quarum ideæ dantur in intellectu divino (§. 97.) & quas Deus quoad essentiam, attributa & modificationes omnes possibiles quam distinctissime atque simul cognoscit (§. 99.). Quamobrem cum is præsentia omnia tanquam præsentia cognoscat (§. 157.) ; animarum quoque cogitationes præsentis tanquam præsentis cognoscere debet. Unde cum nos præsentia a nobis diversi, quatenus entia existenti actu insunt, non aliter quam visu percipere valeamus, Deo autem sensus per eminentiam tribuatur, quatenus actu intellectus præsentia tanquam præsentia cognoscit (§. 159.), quin visus per eminentiam ipsi tributus ad nostras quoque cogitationes præsentis extendendus sit dubitari nequit. Acutiores facile perspicient, ex principiis a nobis stabilitis multa particularia ut de sensu omni in genere ; ita quoque de visu in specie per eminentiam Deo tribuendo deduci posse : sed nostrum jam non est theoriam sensuum per eminentiam Deo tribuendorum consummare. Sufficit proposuisse principia fecunda, unde cetera facili negotio derivantur. Omnis sensus in se spectatus necessario defectum cognitionis involvit ; ab eodem vero liberatus degenerat in actum intellectus sensu nobiliorem, qui ejus vicem in eo etiam casu supplet, quo in nobis deficit.

§. 162.

Organa sensoria ne per eminentiam quidem Deo tribui possunt. Sensus Deo per eminentiam tribuuntur, quatenus actu intellectus præsentia tanquam præsentia cognoscit (§. 159.) : qui cum rationem sufficientem habeat in iis, quæ Deo insunt (§. 70. *Ontol.*), per hanc vero intelligitur, cur eidem conveniat (§. 56. *Ontol.*) ; aliud quid præterea in Deo non requiritur, per quod intelligibili

T 2

modo

modo explicetur, cur actus ille inest, & cur talis potius sit, quam alius. Quoniam itaque in nobis actus sensuum præter rationes, quas in anima agnoscunt (§. 63. *Pfych. rat.*), vi ipsius essentiae ejusdem explicabiles sunt per mutationes in organo sensorio contingentes, cur scilicet jam animæ inest & cur tales præcise sint (§. 66. 85. *Pfych. empir.* & §. 78. *Pfych. rat.*); nihil in Deo supponi necesse est, quod vicem organi sensorii, propriè loquendo eidem minime tribuendi (§. 40.), supplet. Quamobrem cum per eminentiam enti cuidam tribui nequeat, quod propriè loquendo non existens sui tamen loco aliud quidpiam in eodem non agnoscit vicem ejus supplens (§. 845. *Ontol.*); nec organum sensorium per eminentiam tribui Deo potest.

In systemate influxus physici vis ex corpore in animam transiens eam determinat, ut legem sensationum observet (§. 569. *Pfych. rat.*), atque adeo anima opus habet organo sensorio, ut eo sentiat modo, non alio. Enimvero Deus cum sit impassibilis (§. 75.), nullo opus habet organo sensorio, quemadmodum anima nostra: id quod etiam ex eo intelligitur, quod nullum possibile sit corpus, cui Deus tanquam anima uniri possit (§. 158. *part. I. Theol. nat.*). In systemate harmoniae præstabilitæ, in qua anima propius accedit ad naturam divinam, quam in quocunque alio, eadem vi sibi propria producit omnes sensationes (§. 613. *Pfych. rat.*), eodem, quo nunc, modo consecuturas, etiamsi corpus non existeret (§. 614. *Pfych. rat.*). Quamobrem nec ipsa opus habet organo sensorio, ut sentiat. Unde tanto clarius præter, sensum per eminentiam non supponere aliquid, quod vicem organi sensorii suppleat, consequenter nec per eminentiam organum sensorium tribui posse Deo.

§. 163.

Quo sensu organa sensoria tribuantur Deo.

Deo organa sensoria tribui nequeunt nisi metaphorice, quatenus scilicet actus intellectus divini præsentia tanquam præsen-

præsentia cognoscendi possibilis. Etenim organa sensoria nec in sensu proprio (§. 40.), nec per eminentiam Deo tribui possunt (§. 162.). Quodsi ergo eidem tribuenda, id fieri nequit nisi in sensu alieno ob quandam similitudinem ejus, quod Deo inest, atque organorum sensoriorum. Quamobrem cum metaphora sit, qua vocabula a propria significatione ob similitudinem transferuntur in alienam; organa sensoria Deo tribui nequeunt nisi metaphorice. *Quod erat unum.*

Enimvero in nobis sensatio non videtur possibilis sine organo sensorio (§. 85. *Psych. empir.*), non modo in systemate influxus physici (§. 369. *Psych. rat.*), verum in omni etiam systemate alio de commercio inter mentem atque corpus intercedente (§. 537. *Psych. rat.*). Quamobrem cum per ea, quæ Deo inlunt, sensus per eminentiam in Deo possibilis sit (§. 158.); eatenus ob similitudinem quaudam, sive metaphorice Deo tribui potest organon aliquod sensorium; quatenus sensus per eminentiam in Deo possibilis. Consistit autem sensus per eminentiam in actu intellectus, quo præsentia tanquam præsentia cognoscit (§. 159.). Ergo organa sensoria Deo metaphorice tribui possunt, quatenus actus intellectus divini possibilis, quo præsentia tanquam præsentia cognoscit.

Quodsi existimes, id, per quod sensus per eminentiam in Deo concipitur possibilis, supplere vicem organi, adeoque representare organum sensorium per eminentiam; multum falleris. Etenim mutatio in organo, per quam mechanice explicari potest actus quilibet sensationis, non est ratio sufficiens ejusdem in ipsa anima, utpote quæ in omni systemate explicandi commercium inter animam atque corpus prædita esse intelligitur, quo rerum materialium ideas, adeoque & sensationes producit; sed mutatio in organo tantummodo fundamentum limitationis continet (§. 547. *Psych. rat.*)

& in ipso systemate influxus physici nonnisi in limitationem influit (§. 569. *Psych. rat.*). In Deo ente prorsus illimitato (§. 16.) nulla re opus est, per quam limitatio determinetur, consequenter nihil quoque in eodem datur, quod organo sensorio respondet.

§. 164.

*Oculus quo
sensu Deo
tribuitur.*

Oculus Deo tribui nequit, nisi metaphorice, ad denotandam possibilitatem actus illius intellectus divini, quo res actu existentes quoad determinationes intrinsecas & mutuas ad se invicem relationes presentes dato quovis momento cognoscit. Etenim oculus, tanquam organum visus (§. 69. *Psych. empir.*) organum sensorium est (§. 66. *Psych. emp.*). Quamobrem cum organa sensoria Deo tribui nequeant nisi metaphorice (§. 163.); nec oculus eidem nisi metaphorice tribui potest.

Enimvero organum sensorium Deo metaphorice tribuitur, quatenus actus intellectus divini presentia tanquam presentia cognoscendi possibilis (§. 163.), in quo sensus per eminentiam Deo competens consistit (§. 159.). Quamobrem cum visus per eminentiam Deo tributus denotet actum intellectus divini, quo res actu existentes quoad determinationes intrinsecas & mutuas ad se invicem relationes presentes dato quovis momento cognoscuntur (§. 161.); oculus metaphorice Deo tribuendus per demonstrata non tribui potest nisi ad denotandam actus illius intellectus divini possibilitatem.

Conveniunt hæc cum iis, quæ de hieroglyphica visus per eminentiam Deo tributi tanquam attributi divini representatione docuimus (not §. 91. part. I. *Theol. nat.*) & de significato, quo membra corporis humani Deo metaphorice in S. S. tribuuntur, demonstravimus (§. 103. part. I. *Theol. nat.*).

§. 165.

§. 165.

Auris Deo tribui nequit nisi metaphorice, ad denotandam Auris quo possibilitatem actus intellectus divini, quo dato quovis momento sensu Deo to auditu perceptibilia cognoscit. Auris nimirum, auditus tribuatur. organum (§. 70. *Psych. empir.*), in numero organorum sensoriorum est (§. 66. *Psych. empir.*). Ast organa sensoria Deo tribui nequeunt nisi metaphorice (§. 163.). Quare nec auris eidem nisi metaphorice tribui potest.

Organum sensorium Deo metaphorice tribuitur, quatenus actus intellectus divini presentia tanquam presentia cognoscendi possibilis (§. 163.), in quo sensus per eminentiam eidem tribuendus consistit (§. 159.). Quoniam itaque auditus per eminentiam Deo tributus (§. 160.) denotat actum intellectus, quo dato quovis momento in mundo sensibili auditu perceptibilia cognoscit (§. 161.); auris metaphorice eidem tribuenda per demonstrata non tribui potest nisi ad denotandam actus hujus possibilitatem.

Equidem metaphorarum explicatio ad artem oratoriam specialem pertinet; & in philosophia reali, cujus utique pars est Theologia naturalis, rerum demonstrantur predicata propria, non metaphorica. Enimvero singularis ratio est, cur in Theologia naturali liceat, quod censuram meretur in disciplinis ceteris. Etenim in S. S. Deo tribuntur quemadmodum alia organa corporis humani, ita etiam sensoria, imprimis oculus atque auris. Quamobrem cum philosophi, qui Christiani nomen profiterentur, sit defendere autem ita ut ipsius contra hostes, ne in noxium *Spinoza* incidat errorem, quasi Deus sese accommodaverit ad erroneas eorum opinioniones, quibus f. & est relevatio, & manuducere ad revelationem monstrando consensum ejus cum ratione quo d articulos mixtos; fieri non potest, quin metaphorice quoque predicata explicet, & ad consensum cum ratione reducat.

§. 166.

*Præterito-
rum recorda-
tio Deo vin-
dicata.*

Deus omnia præterita tanquam præterita cognoscit, seu omnium præteritorum recordatur. Nos præterita cognoscimus, quæ sensu præsentia percepimus, & cogitationes nostras præteritas tanquam præteritas cognoscimus, quarum tanquam præsentium nobis fuimus consci: id quod nemo non in seipso experitur (§. 91. *Psych. empir.*). Nec est, qui dubitet actum hunc facultatis cognoscitivæ in realitatum numerum referre, quæ animæ nostræ insunt (§. 5.). Quoniam itaque Deo tribuendæ sunt realitates omnes, quæ animæ nostræ insunt in gradu absolute summo (§. 70.); cognitio quoque præteritorum tanquam præteritorum, quæ tanquam præsentia cognovit, eidem in gradu absolute summo tribuenda. Enimvero major hujus cognitionis gradus concipi nequit, quam si ens intelligens omnia præterita tanquam præterita cognoscit, quæ unquam tanquam præsentia cognovit. Quamobrem Deus præterita cognoscere debet, quæ tanquam præsentia cognovit. Cum itaque simpliciter præsentia omnia tanquam præsentia cognoscat (§. 157.); præterita quoque omnia tanquam præterita sine ulla restrictione cognoscere debet, consequenter cum recordatio de Deo dicta denotet præteritorum cognitionem (§. 238. *part. I. Theol. nat.*); præteritorum omnium recordatur.

Ostendi etiam potest hoc modo. Vis repræsentativa universi animæ tendit non modo ad repræsentandum universum quoad statum præsentem, verum etiam ad idem repræsentandum quoad status præteritos (§. 183. *Psych. nat.*). Quamobrem cum Deo competat vis repræsentativa mundi prorsus illimitata (§. 71.); eadem etiam in Deo totum universum non modo quoad statum præsentem, verum

verum etiam quoad omnem præteritum repræsentari debet (§. 78.). Enimvero Deus eorum, quæ sibi repræsentat conscius (§. 86.), statum præsentem tanquam præsentem cognoscit (§. 157.). Omnes igitur status præteritos tanquam præteritos, seu, cum quilibet status involvat omnia, quæ coëxistere, sive aliquando simul præsentia fuisse, præterita omnia tanquam præterita cognoscit.

Demonstratur etiam hoc modo. Deus omnia in hoc universo sibi simul repræsentat (§. 80.) eorundemque sibi conscius est (§. 86.). Quamobrem cum præsens sit, quicquid existit; præteritum, quod aliquando extitit, nunc vero amplius non existit (§. 228. *part. I. Theol. nat.*); omnia & præsentia, & præterita sibi simul repræsentat, eorundemque sibi conscius est. Quoniam itaque præsentia omnia tanquam præsentia cognoscit (§. 157.); quin omnia quoque præterita utpote in eadem serie rerum anteriora tanquam præterita cognoscat dubitari nequit.

Modum, quo Deus præterita tanquam præterita cognoscit, jam definivimus in systemate (§. 940. *part. I. Theol. nat.*). Tertia autem demonstratione etiam evincitur, Deum omnia adhuc futura tanquam adhuc futura cognoscere. Ceterum notandum est ad universum non modo pertinere mundum materialem, sed ipsas etiam animas corporibus ad eundem pertinentibus unitas.

§. 167.

Deo non competit imaginatio nisi per eminentiam. Et- *Imaginatio*
enim actus imaginationis æquipollent ideis sensualibus de- *Deo non nisi*
bilibioribus (§. 98. *Psyche. empir.*), consequenter cum idea *per eminentiam tri-*
sensualis debiliior sit, quæ minorem claritatis gradum ha- *bucunda.*
bet (§. 75. *Psyche. empir.*), idea autem sensualis clariior sit,
(*Wolffii Theol. Nat. P. II.*) U fi

si motus nervis sensorii impressus celerior est (§. 125. *Pfychol. empir.*); ubi vi imaginationis idea rei sensibilis producitur (§. 92. *Pfych. empir.*), perinde est ac si ea præsens in organon sensorium agens in nervis sensorii motum minus celerem produceret. Enimvero si sensibilia præsencia in organon sensorium agunt, ideæ sensuales parum distinctæ sunt, maxima ex parte confusæ atque obscuræ (§. 127. & seqq. *Pfych. rat.*). Quamobrem vi imaginationis absentiæ non prorsus distincte, sed maxima ex parte confuse atque obscure repræsentantur. Quare cum Deus distincte prorsus sibi repræsentet omnia (§. 81.), adeoque nihil confuse, multo minus prorsus obscure; Deo imaginatio proprie sic dicta convenire nequit.

Vi imaginationis producuntur perceptiones rerum absensentium (§. 92. *Pfych. empir.*), adeoque præteritarum & futurarum, quatenus eas prævidere nobis datum (§. 228. *part. I. Theol. nat.*). Quoniam itaque Deus vi intellectus sui omnia possibilia singularia distincte ac simul sibi repræsentat (§. 115.); intellectus ejus imaginationis, quæ in sensu proprio eidem competere nequit, vicem supplet. Quamobrem cum per eminentiam insit, quod proprie loquendo inesse nequit, cujus tamen loco inest aliud quidpiam, quod vicem ipsius supplet (§. 845. *Ontol.*); imaginatio Deo per eminentiam tribui potest.

Propositio hæc in earum numerum referenda, quæ desent, quomodo de Deo loqui liceat humano more, salva tamen veritate, ita ut consensus non erretur inter philosophum & eum, qui veritatem philosophicam capere nequit, ne reclusio actionum, in quam ardua de Deo doctrina insuit, aliquem patiaturs defectum.

§. 168.

Deo facultas cognoscitiva inferior nonnisi per eminentiam tribui potest. Etenim facultas cognoscitiva inferior ab omni prorsus limitatione liberata abit in intellectum divinum (§. 121.). Quamobrem ea Deo proprie loquendo tribui nequit, sed ejus vicem supplet ipse intellectus divinus. Cum itaque eidem per eminentiam tribui possit, quod proprie loquendo non inest, cujus tamen loco inest aliud quidpiam, quod ejus vicem supplet (§. 845. *Ontol.*) facultas cognoscitiva inferior Deo tribui potest nonnisi per eminentiam.

Facultas cognoscitiva inferior per eminentiam Deo vindicata.

Constat vel ex demonstratione superiori (§. 121.), facultatem cognoscendi inferiorem sensum atque imaginationem comprehendere: unde pater hoc modo facillime demonstrari, quod sensus & imaginatio Deo nonnisi per eminentiam competat.

§. 169.

Deo memoria nonnisi per eminentiam tribui potest. Memoria per Nos memoriam habemus, quatenus ideas reproductas recognoscere valemus (§. 175. *Psych. empir.*), consequenter quatenus nobis consciū sumus, nos jam antea eas habuisse (§. 173. *Psych. empir.*). Quoniam Deus omnia sibi simul in eodem mundo repræsentat (§. 80.), per ipsam essentiam suam (§. 84.), eorumque omnium sibi conscius est (§. 86.); nec reproductione, nec recognitione idearum reproductarum, quemadmodum nos opus habet. Memoria igitur proprie loquendo eidem tribui nequit.

Memoria per eminentiam Deo vindicata.

Cognoscit tamen præterita omnia tanquam præterita (§. 166.) & præsentia omnia tanquam præsentia (§. 157.). Quamobrem cum præsentia sint, quæ existunt, præterita

U 2

vero,

vero, quæ aliquando extitere, nunc vero amplius non existunt (§. 228. *part. I. Theol. nat.*); Deus utique cognoscit, quæ in hoc universo nunc existunt, quænam vero antea extitere, nunc amplius non existunt. Et quoniam sui ipsius sibi conscius (§. 86.); ignorare nequit, quod quæ nunc amplius non existunt, tanquam existentia cognoverit, consequenter actus hujus cognitionis memoriz vicem supplet. Unde porro colligitur, Deo memoriam per eminentiam tribui posse (§. 845. *Ontol.*).

Ideæ rerum omnium, quæ pertinent ad hoc universum, vi simultaneæ atque absolute necessariae mundorum omnium possibilitium repræsentationis (§. 82. 83.), semper sunt in Deo, qui omnia singularia, quæ in qualibet rerum serie, adeoque etiam in ea, quæ existit, locum habent, in seipso videt (§. 105.), earumque sibi conscius est (§. 86.). Atque adeo ipsi omnia semper præsentia sunt, sive existant, sive extiterint, sive adhuc extitura sint, præsentia tamen a præteritis atque futura continuo distinguit, quatenus præsentia tanquam præsentia (§. 157.), præterita tanquam præterita (§. 166.) & futura tanquam adhuc futura semper cognoscit (§. 156.). Non igitur opus habet memoria, & hoc tamen non obstante ipsi tribui debent, quæ de memoria omnium perfectissima prædicari poterant. Cum enim memoriz sit ideæ reproduktas recognoscere (§. 175. *Psycho. empir.*), adeoque conscius esse, quod, quæ nunc reproducentur, eas jam antea habuerimus (§. 173. *Psycho. empir.*); memoria foret ei absolute summa, qui omnium præteritorum ideæ reproducere valeret, ac præterea cognosceret, quod ea omnia, quæ repræsentant, ab initio rerum tanquam præsentia cognovisset. Non nego memoriam absolute summam, si distincte concipiatur, supponere quæ finguntur, & ubi a fictionibus recesseris, recidere in memoriam per eminentiam talem, quæ Deo in propositione præsentis vindicatur: sed hoc ipsum veritatem propositionis præsentis confirmat. Si enim notio memoriz absolute summæ esset realis, nec quicquam fictitii involveret; Deo.

Deo sensu proprio memoria tribui posset (§. 70.). Hinc simul intelligitur, per indirectum demonstrari, quod Deo non competat memoria nisi per eminentiam, si sumatur ipsi competere memoriam in gradu absolute summo, supposita ejus notione tanquam reali. Inferentur enim, quæ Deo competere nequeunt, siquæ latens contradictio in apicem produceretur.

§. 170.

Oblivio in Deum minime cadit, seu Deus rei nullius ob- *Oblivio cur*
livisci potest. Etenim cum oblivio sit impotentia ideas *in Deum non*
 reproductas, consequenter res per eas repræsentatas, reco- *cadat.*
 gnoscendi (§. 215. *Pfych. empir.*), sine defectu aliquo facultatis cognoscitivæ concipi nequit. Enimvero Deo tribui nequeunt, quæ ullo modo defectum aliquem involvunt (§. 37.). Ergo nec ipsi tribui potest oblivio, consequenter impossibile ut rei ullius obliviscatur.

Ostenditur etiam hoc modo per indirectum. Ponamus, si fieri potest, Deum rei cujusdam oblivisci. Quoniam rei obliti sumus, cujus ideam recognoscere non valemus (§. 215. *Pfych. empir.*), consequenter si conscii non sumus, quod eam jam antea habuerimus (§. 173. *Pfychol. empir.*), atque adeo rem eadem repræsentatam aliquando tanquam præsentem perceperimus; fieri potest, ut Deus præterita aliqua tanquam præterita cognoscere nequeat. Enimvero Deus præterita omnia tanquam præterita semper cognoscit (§. 166.). Ergo rei nullius oblivio in ipsum cadit.

Nimirum quemadmodum in nobis oblivio infert defectum memoriæ propriæ sic dicitur, quippe quæ in recognitione idearum reproductarum consistit (§. 175. *Pfych. empir.*); ita in Deo ponit defectum memoriæ per eminentiam talis, quippe quæ propter cognitionem præteritorum omnium tanquam præteritorum eidem tribuenda venit (§. 169.). Quo-

niam itaque memoriae per eminentiam tali repugnant; eisdem nec simpliciter, nec per eminentiam tribui potest (§. 28. *Ontol.*).

§. 171.

Reminiscentia cur Deo repugnet.

Reminiscentia Deo nullo modo tribui potest. Reminiscentia est perceptionum praeatarum mediata reproductio & cognitio (§. 230. *Psych. empir.*), quando scilicet ideam rei cum re praesente percepta reproducere non possumus, vel etiam ideam rei antea percepta reproductam recognoscere non valeamus; sed ejus ope reproductam ideam rerum aliarum simul perceptarum & harum demum subsidio ideam illam, quam reproducere non poteramus, reproducimus, vel quam recognoscere non poteramus recognoscimus (§. 229. *Psych. empir.*). Involvit adeo necessario successionem, nec sine ea intelligi potest, cumque facultas reproductendi ideas imaginatio (§. 92. *Psych. empir.*), facultas vero reproductas recognoscendi memoria sit (§. 175. *Psych. empir.*), defectum quandam imaginationis atque memoriae supponit. Quoniam itaque in Deo nulla datur statuum successio (§. 48.), nec ei tribui possunt, quae ullo modo defectum aliquem involvunt (§. 37.); remisscentia quoque sensu proprio eidem convenire nequit.

Et quia Deo competit imaginatio per eminentiam (§. 167.) eique tribui potest memoria per eminentiam (§. 169.), quarum illa reproductiois idearum omnium praeteritarum, haec recognitionis eorundem vicem supplet (§. 845. *Ontol.*), nihil in Deo ne fingi quidem potest, quod vicem remisscentiae suppleat. Quamobrem nec remisscentia per eminentiam eidem tribui potest (§. cit.).

Unde cum nec sensu proprio, nec per eminentiam eidem

eidem convenire possit *per demonstrata*; quin nullo modo tribui queat dubitari nequit.

Nimirum si quis fingere velit reminiscenciam per eminentiam talem, ea recidit in imaginationem & memoriam eminentialem. Etenim imaginationis per eminentiam talis supplet vicem omnis reproductionis idearum & memoria per eminentiam talis vicem sustinet omnis recognitionis idearum, consequenter quicquid reminiscencię per eminentiam tali tribui poterat, in imaginatione ac memoria eminentialis jam continetur. Repugnat reminiscencia simpliciter intellectui divino, propterea quod sine defectu concipi nequit ejus, quod in nobis limitatum est. Monui alias (§. 230. *Psychol. empir.*), reminiscenciam subinde etiam dici recordationem. Quamobrem cum Deo tribuimus recordationem omnium pręteritorum (§. 166.) ; eidem quoque reminiscencia denegari non posse videtur. Enimvero facilis est responsio. Nos in systemate (§. 238. *part. I. Theol. nat.*) vocabulo recordationis quoad Deum proprium tribuimus significatum, qui a significato reminiscencię prorsus diversus est (§. 230. *Psych. empir.*). Et in isto proprio significato, non vero quatenus recordatio spectari potest tanquam synonymon reminiscencię (§. 330. *Log.*), demonstravimus Deum omnium pręteritorum recordari: nil igitur obstat, quo minus reminiscenciam ei prorsus repugnare hic demonstreremus. Nullam enim hic adesse contradictionem nemo non videt, qui novit, quid sit contradictio (§. 30. *Ontol.*). Ceterum cum reminiscencia Deo nullo tribui possit modo, de eadem nihil diximus in systemate. Quoniam vero pręsens institutum postulat, ut differentia omnis inter Deum atque animam nostram intercedens exponatur; de ea hic loci silentium non erat.

§. 172.

Si actus intellectus divini quoad representationem singularium limitatur; facultas cognoscitiva inferior prodit.

Intellectu divino omnia singularia distincte atque simul representantur.

Quomodo notio facultatis cognoscitivę inferioris refutetur.

præsentantur (§. 115.). Quodsi ergo actus hic intellectus divini limitari debet, limitandum est cum objectum, tum modus repræsentandi objectum (§. 826. *Ontol.*). Si objectum limitetur, repræsentatio restringenda ad quædam tantummodo singularia: si vero modus repræsentandi objectum, repræsentatio distincta abire debet partim in confusam, partim in obscuram (§. 31. 32. 38. 39. *Ppsycholog. empir.*) & simultanea in successivam (§. 569. *Ontol.*). Quare si singularia quædam præsentia ex parte distincte, maxima ex parte confuse ac obscure repræsentari ponantur; sensus prodeunt (§. 67. *Ppsych. empir.* & §. 125. *ac seqq. Ppsych. rat.*), utpote vi limitationis pauca admodum objecta simul ac distincte repræsentare valentes (§. 257. *Ppsych. rat.*). Si eodem modo singularia absentia repræsentari sumamus, & repræsentata præterita recognosci supponamus; imaginatio (§. 92. *Ppsych. empir.*) ac memoria resultat (§. 175. *Ppsych. empir.*). Enimvero cum facultas cognoscendi inferior ea dicatur, qua ideas & notiones obscuras atque confusas nobis comparamus (§. 54. *Ppsych. empir.*), ad eam sensus, imaginatio & memoria referri solent. Patet itaque facultatem cognoscitivam inferiorem prodire, si actus intellectus divini quoad repræsentationem singularium limitetur.

Hinc mirum non est, quod notio intellectus divini contraria ratione prodeat, si facultatem cognoscitivam inferiorem, cum qualis in animabus hominum, tum qualis in animabus brutorum deprehenditur, ab omni prorsus limitatione liberes (§. 121.). Cumque realitates, quæ rebus finitæ insunt, non nascantur nisi realitatem, quæ Deo insunt, diversa limitatione (§. 91. 94. & *seqq.*); nec porro mirari debemus, quod actus intellectus divini quoad repræsentationem singularium limitatione nascantur sensus, imaginatio atque memoria animabus hominum & brutorum convenientes.

Quodsi

quod si originem idearum sensuum, imaginationis atque memoriz in Deo & ex Deo probe perpendas; plurimum lucis affundetur antea demonstratis de sensu, imaginatione ac memoria Deo non nisi per eminentiam tribuendis, & clarius intelligitur, cur intellectus in ipso suppleat vicem sensuum, imaginationis ac memoriz. Si quando eruditi missa vanitate, cui nimium litant, in veritate detecta intelligenda & nondum detecta investiganda industriam suam magis exercituri, quam in censendis iis, quæ non satis intelligunt, aut reprehendendis aliis haud raro se melioribus, mundum intelligibilem propius intuebuntur, & sensibilis ex eo ortum clarius ac distinctius percipient, quam nunc datur; spes superest fore, ut tandem creaturarum ideæ ex Dei attributis tanquam primis possibilibus a priori deducantur & philosophia scientiæ perfectæ formam induat. Non tamen profus impossibile est, ut ea, quam in Psychologia rationali & altera hac Theologiæ naturalis parte, orbi affudimus, luce usi scientiæ hujus specimen aliquod in Psychologia edant, ad ulteriora omnino profuturum. Sed sublimior hæc philosophia venturis seculis reseruetur.

§. 173.

Per principium contradictionis & rationis sufficientis Principia ideæ rerum omnium in intellectu divino determinantur. Et idearum in enim siabilia primitiva secunda sive a primis orta juxta principium contradictionis combinentur; essentiz entium limitatorum (§. 94.) & vi principii rationis sufficientis eorundem attributa una cum modis quoad potentiam & modorum ordine atque dependentia illorum a se invicem quoad modificationem (§. 95.), seu ideæ animarum omnium tam hominum, quam brutorum & singulorum elementorum rerum materialium resultant (§. 97.). Quod si porro elementa omnia juxta principium rationis sufficientis combinentur, omnia non modo corpora possibilia, verum etiam omnes mundi possibiles resultant, ac ubi

(Wolffii Theol. Nat. P. II.)

X

porro

porro vi ejusdem principii in eadem serie existentibus iungantur animæ, in unaquolibet prodeunt homines ac bruta, quotquot in eadem existere possunt, quoad scilicet ideas (§. 100.). Quoniam itaque realitates, quæ Deo insunt, sunt prima possibilia (§. 87.) & primitiva secunda seu a primis orta nascuntur realitatum, quæ Deo insunt, diversa limitatione (§. 91.), Deis vero semetipsum & omnia, quæ ipsi insunt, quam distinctissime unico actu cognoscit (§. 89.); per hanc ipsam sui cognitionem vi principii contradictionis & rationis sufficientis ponuntur in intellectu divino ideæ rerum omnium, seu, quod perinde est, per utrumque istud principium ideæ rerum omnium in intellectu divino determinantur.

Unde patet per principium contradictionis & rationis sufficientis explicari omnes ideas, cumque in ideis divinis contineatur, quicquid cogniri possibile, rerum omnium cognitionem a duobus istis principiis pendere. Et hæc quidem de causa in philosophia prima duo hæc principia prima cognitionis posuimus tanquam fundamentum, cui notiones transcendentales superstructæ. Patet etiam, cur intellectus naturæ utrumque conveniat, quemadmodum ibidem jam observavimus (§. 27. 74. *Ontol.*), cum ipse intellectus divinus in producendis rerum omnium ideis non aliis utatur principiis, quam contradictionis ac rationis sufficientis. Quod si quis ex superioribus ad animum revocet, quomodo ope horum principiorum prodeant ideæ rerum in intellectu divino; is genuinum eorum usum facile perspiciet. Constat vero simul, quantum a vero absint, qui sibi persuadent, principium contradictionis unicum esse principium generale, & principium rationis sufficientis rejiciunt. Nobis hic potissimum propositum est ostendere, præter hæc principia generalia non requiri alia, sed ex omni cognitioni sufficere: neque enim hoc evidentius patere potest, quam ubi intelligitur, ea ideis omnibus, quæ in intellectu divino insunt, sufficere. Multa hic specialia

annotari poterant, sed quæ facile animadvertet, qui non modo in ceteris Metaphysicæ paribus, verum etiam in Theologia naturali a nobis demonstrata animo comprehenderit. Sufficit igitur excitalle attentionem, qua opus est, ut animadvertantur.

§. 174.

Per Deum omnia possibilia sunt, nec eo sublato quicquam possibile. Etenim possibilia primitiva prima, quæ Possibilitas
verum omni-
um a Deo. nec aliarum combinatione resultant, nec alia se priora supponunt (§. 85.), sunt realitates, quæ Deo insunt (§. 87.); & possibilia primitiva secunda, quæ aliorum quidem combinatione non resultant, alia tamen se priora supponunt (§. 85.), nascuntur realitatum, quæ Deo insunt, diversa limitatione (§. 91.). Non igitur dantur possibilia primitiva prima atque secunda, quam quia Deo hæ insunt realitates, atque hæ ipsæ realitates in se illimitatæ (§. 88.), diverso modo limitari possunt. Jam possibilia primitiva secunda seu a primis orta combinari possunt, quatenus non repugnat plura simul eidem subjecto inesse (§. 28. Ontol.), consequenter vi principii contradictionis (§. 29. Ontol.). Quamobrem cum possibilium primitivorum secundorum juxta principium contradictionis facta combinatione essentia entium limitatorum resultent (§. 94.), & per essentiam ens possibile sit (§. 153. Ontol.); non alia entia limitata possibilia sunt, quam quæ per limitationem realitatum Deo inexistentium resultant, consequenter nullum ens possibile intelligitur, nisi quia Deo hæ insunt realitates. Et quia juxta principium contradictionis facta possibilium primitivorum secundorum combinatione vi principii rationis sufficientis attributa entium limitatorum una cum modis quoad potentiam & modorum ordine atque dependentia entis limitati unius quoad

modificationem suam ab aliis resultant (§. 95.) ; attributa quoque rerum & modificationes , earundemque mutuz dependentiæ a se invicem possibilia non forent , nisi hæc Deo inessent realitates . Denique cum possibilitium primitivorum secundorum combinatione juxta principium contradictionis facta nascantur idæ animarum omnium tam hominum , quam brutorum , & singulorum elementorum rerum materialium vi principii rationis sufficientis , & facta ulterius vi hujus posterioris principii combinatione omnium elementorum , omnia non modo corpora possibilia , vetum etiam omnes mundi possibiles resultent , immo junctis corporibus in eadem serie existentibus animabus vi ejusdem principii in unaqualibet etiam serie prodeant homines atque bruta , quotquot in eadem naturaliter existere possunt , quoad idæ eorundem (§. 100.) ; possibilia autem primitiva secunda non sint possibilia , nisi quia Deo hæc insunt realitates *per demonstrata* : evidens est , nihil omnino intelligi possibile , nisi quia Deo insunt hæc realitates consequenter per Deum possibilia sunt omnia . *Quod erat unum.*

Enimvero præter realitates , quæ Deo insunt , non dantur aliæ , quæ non insunt (§. 93.) , consequenter cum realitates Deo inexistentes sint illimitatæ (§. 16.) , sublato Deo tolluntur omnes realitates illimitatæ , adeoque omnia possibilia prima (§. 88.) . Quamobrem cum possibilia primitiva secunda prima supponant , & secundorum combinatione nascantur derivativa & derivativorum combinatione tandem ulteriora (§. 85.) ; sublato Deo omnia tandem tolluntur possibilia , consequenter nihil amplius possibile . *Quod erat secundum.*

Forſan non deerunt , qui mirabuntur , sublato Deo nihil intelligi possibile , cum tamen in disciplinis ea , quæ de rebus finitis

finitis demonstrantur, non suppositis divinis attributis demonstrantur. Sed hi erunt, qui prima demonstrandi principia non satis perpendunt. Quodsi enim hoc facerent, utique constaret, inesse iis, quæ a posteriori sumuntur, ac ideo tanquam possibilia admittuntur, quia eadem actu dari observamus (170. *Ontol.*). Sane de corpore humano ratiocinaturus sumit, quæ de ejus structura per anatomiam innoscunt. Visionem explicaturus sumit structuram oculi. Et ipse Geometra extensum sumit tanquam possibile, quod corporibus extensionem comperere observat. Nunquam igitur analysin notionum perfectam instituimus, sed semper æquiescimus in nonnullis, quæ confuse percepta vi experientie tanquam possibilia admittimus. Quodsi vero perfectam analysin instituere daretur, ea semper in attributis divinis tanquam primis possibilibus terminaretur, quorum distincte intellectuum possibilitas pateret per principium contradictionis, quatenus scilicet nullam contradictionem in iis involvi videremus: quemadmodum intelligitur per ea, quæ de possibilitate realitatum in gradu absolute summo supra diximus (§. 12.). Forsan nec deerunt alii, qui existimaturi sunt, haud rectius Atheos erroris sui redargui posse quam per propositionem præsentem. Verum enim vero hi erunt, qui non perpendunt perfectam notionum analysin nondum esse in potestate nostra. Etsi enim semper ostendi possit, sumi quædam tanquam possibilia, quæ nonnisi experientiæ fide admittuntur, adeoque ideo, quod ea esse observamus: cum tamen certum sit, quædam possibilia tanquam prima admittenda esse, nec dari posse progressum in infinitum, quænam sint illa possibilia prima, Atheo difficulter persuaseris, antequam de existentia Dei convictus certam ejus habuerit cognitionem. Immo si vel maxime ipsum conviceris, quæ tanquam prima sumit, non esse prima, sed analysin ulterius continuandam, antequam ad prima perveniat; quamdiu analysin perfecta in potestate non est, haud facile ipsi persuaseris, prima possibilia, in quibus terminanda analysin, esse attributa divina. Sufficit adeo cognoscere, quod Atheismus in-

ferat ignorantiam prorsus invincibilem primorum possibilium, nec ullam insinuet rationem, cur ea invincibilis esse debeat, tenebræ autem protinus evanescant, quamprimum cognoveris dari Deum & idearum omnium in intellectu divino originem in anterioribus explicatam perspexeris. Atheus itaque sese implicat difficultatibus inexplicabilibus, quibus locus non est, ubi impie hypothesei valedicit. Deus quæcunqueabilia sunt cognoscit prorsus a priori, quatenus semetipsum cognoscit; videns omnia singularia in seipso (§. 105.) & in his intuens omnia universalia (§. 107.). Quamvis adeo perfecta analysi notionum foret in potestate, ea quidem propius ad omniscientiam divinam accederet, multum tamen adhuc ab ea abesset, ut vanus sit eorum metus, qui verentur, ne, cum in scientia continuo ulterius progredi conemur, ambitione vana turgidi non sine pietatis dispendio, immo nescio quo majore periculo, omniscientiam divinam affectemus.

§. 175.

Idearum divinarum amplitudo

In ideis divinis omniaabilia continentur. Etenim in ideis divinis realitates, quæ ipsi insunt, tanquam primaabilia (§. 87.) continentur (§. 92.), cumabilia primitiva secunda nascantur realitatum, quæ Deo insunt, diversa limitatione (§. 91.) & horum atqueabilium derivativorum combinatione juxta principium contradictionis & rationis sufficientis ideæabilium ceterorum resistent (§. 94. 95. 96. 97. 100.), in ideis divinis continentur, quicquid per Deumabile. Enimvero cum præter realitates, quæ Deo insunt, non dentur aliæ (§. 93.), consequenter nec alia primaabilia (§. 87.),abilia vero primitiva secunda prima & derivativa secunda, vel alia derivativa simpliciora supponant (§. 85.): nihilabile intelligitur præterquam quod a realitatibus Deo inexistentibus oriatur. Nihil adeoabile est, quod non in ideis divinis continetur, consequenter in iis omniaabilia continentur.

Pate

Patet adeo intellectum divinum esse vastum idearum oceanum, quibus omnia possibilia repræsentantur. Et quia actu intellectus divini limitantur realitates, quæ Deo insunt, & hinc orta possibilia primitiva secunda combinantur, ac hac combinatione resultantia possibilia derivativa combinantur ulterius, donec tandem prodeant omnes rerum series, seu mundi omnes possibiles, quemadmodum ex superioribus liquet; clarissime jam intelligitur, quo sensu intellectus divinus dicatur fons omnium possibilitium, & cur rerum possibilitas ab eodem dependere dicatur, ut per naturam intellectus divini tanquam per rationem ultimam intelligatur, cur quid possibile sit.

§. 176.

In ideis divinis veritates omnes singulares & universales continentur. Etenim ideæ divinæ repræsentant entium omnium limitatorum essentias & attributa una cum modis quoad potentiam & modorum ordine atque dependentia entis limitati unius quoad modificationem suam ab aliis (§. 95.), omnesque mundos possibiles cum hominibus atque brutis in unoquoque mundo existere valentibus (§. 100.). Per ideas adeo divinas patet, quot entia singularia sint possibilia, quænam singulis competant essentia, quænam per essentias eorundem determinentur attributa, quænam modorum possibilitates, & quomodo ipsa entia inter se conjungi debeant, ut quoad modificationem actu a se invicem dependeant, consequenter per eas constat, quænam entibus omnibus in singulari tributi possint prædicata tam absoluta, quam hypothetica, & quomodo per notionem subjecti eadem determinentur. Quoniam itaque veritas in determinabilitate prædicati per notionem subjecti consistit (§. 524. Log.); in ideis divinis veritates omnes singulares continentur.

Enim-

Enimvero universalia constituuntur similitudine partiali individuorum seu singularium, vel minus universalium, seu eo, quo unum individuum alteri individuo & unum minus universale alteri minus universali simile (§. 232. *Ontol.*), ut adeo entibus omnibus singularibus simul suntis etiam insint omnes veritates universales. Quamobrem cum ideæ divinæ contineant entia omnia singularia, & veritates omnes singulares, quæ ipsis insunt *per demonstrata*; eadem quoque veritates omnes universales continere debent.

In superioribus jam ostendimus, Deum videre omnia singularia in seipso, quæ in mundo quolibet locum habere possunt (§. 105.), idque deduximus ex ideis, quæ dantur in intellectu ipsius. Demonstravimus etiam ipsum omnia universalia intueri in omnibus singularibus vi principii rationis sufficientis omni possibili modo inter se combinatis (§. 107.). Vindicavimus quoque ipsi secundæ mentis operationem in gradu absolute summo (§. 131.). Jam veritas inest secundæ mentis operationi, sive judicii (§. 313. *Log.*) ac propositiones ideo dicuntur veritates, quatenus ipsis inest veritas, singulares nimirum, si subiectum fuerit ens singulare seu individuum; universales autem, si subiectum fuerit ens universale. Quamobrem per superiora jam patere videbatur, Deum veritates omnes singulares & universales cognoscere. Enimvero cum subinde usus sit hujus propositionis, quod in ideis divinis veritates omnes tam universales, quam singulares contineantur; eam discretis verbis enunciari opus erat. Quoniam tamen non minus in systemate, quam in superioribus abunde ea demonstravimus, quæ aperte loquuntur veritatum omnium universalium in singularibus inexistentiâ, in hoc adstruenda prolixiores esse nolimus. Revocentur in animum, quæ de mundo rationali docuimus in systemate (§. 283. & *seqq. part. I. Theol. nat.*), imprimis demonstratio, qua evincitur cum omnes veritates universales continere (§. 263. *part. I. Theol. nat.*). Repetantur etiam, quæ de cognitione veritatis

tatis Deo asserenda demonstravimus in superioribus (§. 141. & seqq.). Ita plurimum lucis effunderetur veritati propositionis presentia.

§. 177.

Veritas omnis a Deo est. Etenim in ideis divinis veritates omnes singulares & universales continentur (§. 176.) *Veritas omnis quæ habeat autorem,* Enimvero idæ divinz sunt actus intellectus ipsius, quo omnia possibile singularia & universalia distincte atque simul repræsentantur (§. 115.). Veritates igitur omnes tam universales, quam singulares a Deo sunt, consequenter cum præter eas non fingi possit alia, omnis a Deo veritas est.

Nimirum perfectioni intellectus divini tribuendum non modo, quod judiciis de singularibus & universalibus insit veritas, cum is sit ab omni errore prorsus immunis (§. 136.), nec ejus judicia nisi certa sint (§. 133.), nulla incertitudine in cognitionem divinam cadente (§. 134.); verum etiam quod in ideis divinis omnia possibile conunescantur (§. 175.) ita ut præter ea, quæ ipsis insunt, nihil possibile intelligatur, atque adeo judicia divina ad omnia singularia & universalia extendantur, nec fingi quidem aliquod possit, quod intellectui divino non insit. Omnis adeo veritas, qualiscunque tandem ea sit, originem suam ad Deum refert, & vi ortus divina dici meretur. Ostendimus in systemate (§. 263. part. I. Theol. nat.), mundum rationalem omnes veritates universales continere, quemadmodum intelligibilis omnes singulares continet (§. 202. 247. part. I. Theol. nat.), quarum aliquas limitare quodam modo nos cognoscimus in sensibili (§. 202. 206. part. I. Theol. nat.). Quemadmodum itaque mundus intelligibilis, quoad nos sensibilis, est opus Dei; ita non minus rationalis opus divinum existimari debet. Sive igitur veritates singulares, sive universales mediteris, opus divinum contemplaris & ejus particulam aliquam inspicere tibi datur, quatenus veritatem agnoscis.

§. 178.

ars inveniendi Deo afferta.

Deo competit ars inveniendi in gradu absolute summo.
 Vi intellectus divini producuntur ideæ rerum, quibus veritates omnes universales & singulares continentur (§. 176.), supposita realitatum, quæ ipsi insunt, distinctissima ac simultanea cognitione (§. 87. & seqq.), adeoque Deus ex iis, quæ ipsi insunt, deducit veritates omnes. Quamobrem cum arte inveniendi ex veritatibus cognitis deriventur aliæ incognitæ, seu quæ ab assumtis seu primo cognitis diversæ sunt (§. 454. *Psych. emp.*); Deo tribui debet ars inveniendi. Eumvero cum ars inveniendi major concipi nequeat, quam qua ex veritatibus omnium primis derivantur ceteræ omnes; veritates autem de Deo, utpote omnium entium primo (§. 33.), omnium primæ sint; Deo utique ars inveniendi in gradu absolute summo competit.

Liberanda est notio artis inveniendi ab omni defectu; quem in nobis involvit, ne quid Deo vel tacite tribuatur, quod repugnat (§. 37.). Dum nos ex veritatibus cognitis alias derivamus a priori, ex definitionibus ac propositionibus jam cognitis ratiocinando colligimus eas (§. 461. *Psych. emp.*), adeoque successivo intellectus actu. Enimvero in Deo nulla datur statuum successio (§. 48.), sed intellectus ejus actus unicus est (§. 114. 120.), nec tertia mentis operatio ipsi tribui potest nisi per eminentiam (§. 131.). Hoc tamen non obstante unicus ille actus nostro concipiendi modo resolvi potest in plures certo ordine a se invicem dependentes, ita ut alius ordine prior sit altero, etsi non tempore, nec sine hoc ordine distincte a nobis intelligi potest, quemadmodum ex iis abunde patet, quæ de intellectu divino hactenus demonstrata sunt. Absit itaque, ut tibi persuadeas, quasi Deo tribuatur cognitio successiva, dum ipsum unum dependenter ab altero cognoscentem nobis representamus. Deinde nos a priori veritatem inventuri, eam, quam quærimus, nondum cognitam ac perspectam habemus, dum eam,

eam, quam sumimus, cognoscimus. Enimvero in Deo, in quem nulla cadit statutum successio (§. 48.), ne fingi quidem potest aliquod tempus, quo veritas quædam nondum fuerit cognita. Quoniam tamen veritatem unam ab alia dependenter cognoscit, aut, si mavis veritatem unam tanquam ab alia dependentem intuetur, quemadmodum modo observavimus; veritatem unam tanquam nondum cognitam spectare licet, dum ea cognoscitur, a qua dependet alia. Intuitus adeo dependentiæ veritatum a se invicem responderet successioni actuum intellectus in cognoscente finito, quibus a cognitione unius devenitur in cognitionem alterius. Unde actus istos successivos per eminentiam continet (§. 845. *Ontol.*), nec a nobis distincte intelligitur, nisi in eos resolvatur (§. 678. *Log.*). Quodsi hæc probe perpendantur, notionem artis inveniendi Deo tribuendæ quia habeamus genuinam haud quaquam dubitari potest.

§. 179.

Ars inveniendi combinatoria est, qua veritates aliarum combinatione eruuntur.

Specimen hujus artis est methodus, qua data notione speciei unius formantur notiones specierum aliarum (§. 714. *Log.*), per arbitrariam determinationem (§. 716. *Log.*). In primis vero huc spectat ars combinatoria characteristica (§. 297. *Psych. empir.*).

§. 180.

Ars inveniendi divina est ars combinatoria. Etenim veritates omnes continentur in ideis divinis, siue singulares fuerint, siue universales (§. 176.). Enimvero ideæ divinæ producuntur combinatione possibilium primitivorum secundorum & derivativorum (§. 94. & *seqq.*), consequenter veritates a Deo aliarum combinatione quasi eruuntur. Quoniam itaque ars inveniendi combinatoria est, qua veritates aliarum combinatione eruuntur (§. 179.); ars inveniendi divinæ combinatoria est.

Nemo arrogantiae temerariae aut proflus impiae tribuat, quod artem inveniendi divinam definire audeamus, quasi abyssum Divinitatis exploraturi. Perpendat enim, quae a nobis demonstrantur, utrum scilicet sufficienter a nobis fuerit probatum, quod ea Deo convenient, nec ne, & num ea, quae de origine idearum divinarum tradimus, Deum deceant, an vero perfectioni summæ intellectus consentiant. Quodsi enim non docemus, nisi quæ perfectioni summæ congrua sunt, & Deo convenire certum est; nemo habet, quod iure reprehendat. Equis enim jubet cognitioni Numinis præscribi limites, quam nobis omnium maxime commendatam habere debemus? Ceterum præsens investigatio non curiositatis gratia fit, sed utilitatem certissimam spondet. Etenim cum intellectui animæ limitato modo insint, quæ Deo insunt illimitato; eundem in usu quoque intellectus imitari debet.

§. 181.

*Quenam ars
inveniendi
ad divinam
proptus ac-
cedat.*

Quoniam ars characteristica combinatoria signa ad inveniendum utilia combinare, eorundemque combinationem certa lege variare docet, ut sic eruatur veritas (§. 297. *Psych. empir.*), consequenter ars inveniendi combinatoria est (§. 197.); *Ars characteristica combinatoria proxime ad artem inveniendi divinam accedit.*

Non est quod objicias, Deum non combinando signa eruere veritatem, sed ideas rerum in intellectu divino resultare, ac veritates omnes in iis, possibilem ipsorum intuitive cognitorum combinatione (§. 94. *U. seqq.*). Etenim eum in nobis cognitio intuitiva artibus comprehendatur limitibus, symbolica opus habemus: unde intuitive, quæ Deo est, substituenda a nobis symbolica, ubi eum imitari voluerimus. Ceterum hic intelligitur, si sublimior illa philosophia in potestate foret, qua ideæ rerum etiam a nobis ex ipsis attributis divinis tanquam primis possibilibus deducerentur, tum etiam artis characteristicae combinatoria fore usum maxime præclarum, eamque ipsam magis, quam

quam nunc, in potestate fore. Quodsi quis ea, quæ de arte characteristica & characteristica combinatoria (§. 294. & seqq. *Psych. empir.*) diximus, cum iis conferre voluerit, quæ de origine idearum in intellectu divino demonstravimus (§. 94. & seqq.), mutuam sibi lucem utraque doctrina affundet.

§. 182.

Principia heuristica divina sunt principium contradictionis & principium rationis sufficientis. Etenim idæ heuristica omnium rerum in Deo ac in iis veritates omnes tam univ^{ers}ales, quam singulares (§. 176.) producuntur combinatione possibilium primitivorum & derivativorum per principium contradictionis & principium rationis sufficientis (§. 94. & seqq.). Enimvero artificia heuristica sunt regulæ, quibus inventor aptus efficitur ut per principia ipsi perspecta veritatem incognitam erant. (§. 469. *Psych. empir.*). Patet adeo Deum aliis principiis heuristicis præter principium contradictionis & principium rationis sufficientis non habere opus, consequenter ea esse principia heuristica divina.

Dubitari adeo nequit, quin etiam nobis artificiorum heuristicorum loco esse possint principium contradictionis & principium rationis sufficientis: id quod etiam reipsa experiri licet, suoque loco disertius exponetur. Enimvero cur principia ista nobis non sufficiant, haud difficulter intelligitur, ubi superiora ad accuratorem mentis trutinam appendendo inquirimus in rationem, cur sufficiant Deo. Patet enim id tribuendum esse summo Dei acumen, quo omnia, quæ diversa in uno insunt, a se invicem distinguit, & omnia universalia, quæ singularibus insunt, perspicit (§. 110. 111.) se summæ intellectus perfectioni, quo omnia distincte ac simul sibi repræsentat (§. 115.), citra tertiam mentis operationem nonnisi per eminentiam ipsi tribuendam (§. 131.). Acumine isto & perfectione ista intellectus

cum nos careamus ; ex limitatæ facultatis cognoscitivæ usu in veritate nobis latente eruenda artificia alia particularia resulant, quemadmodum suo tempore ex arte inveniendi elucescet. Exempli loco interea esse potest principium reductionis (§. 472. *Psyche. empir.*).

§: 183.

Cur Deus totum universum videat in qualibet entis parte.

Deus in unoquoque, quod est in hoc universo, videt totum universum. Idæ nostræ sensuales involvunt integrum statum universi, ad quam referuntur (§. 182. *Psyche. rat.*), omnes status mundi anteriores (§. 184. *Psyche. rat.*) atque futuros (§. 185. *Psyche. rat.*). Quodsi ergo distincte videremus omnia, quæ in uno sunt, in unoquoque, quod est in hoc universo & a nobis sensu percipitur, videremus totum universum. Enimvero Deo competit acumen absolute summum (§. 109.), quo omnia, quæ in uno sunt, a se invicem distinguit (§. 110.), & quod animæ competit, eidem tribuendum in gradu absolute summo (§. 70.). In unoquoque igitur, quod in hoc universo continetur, totum videt universum.

Quodsi quaesiveris, quomodo idæ sensualis unius involvat omnia, quæ pertinent ad hoc universum ; animo recollenda est demonstratio, quam dedimus in systemate (§. 161. *part. I. Theol. nat.*). Patebit nimirum in idæ sensuali involvi dependentiam sensibilis a ceteris omnibus tam præsentibus, quam præteritis & futurorum a præsentibus, quæ distincte agnita totum universum exhibet. Inest igitur animæ nostræ limitato modo, quod Deo tribuitur absque omni limitatione: id quod origini idearum in intellectu divino ex Deo superius (§. 94. & *seqq.*) explicatæ ad amissum convenit. Hic igitur propositioni præsentī in primis locus est, ubi differentiam animæ atque Dei intimius inspicendam sistimus, & Psychologiæ adeo rationali pleniorē lucem affundimus.

CAPUT

CAPUT III.

De Voluntate Dei.

§. 184.

DE O competit voluntas in gradu absolute summo. Cum voluntas Deo voluntate appetamus bonum distincte cognitum vindicata. (§. 880. 904. *Psych. empir.*); voluntas quædam realitas est animæ inexistentis (§. 5.). Quamobrem cum omnis realitas, quæ animæ inexistit, Deo tribuenda sit in gradu absolute summo (§. 70.); quin ipsi etiam voluntas in gradu absolute summo tribuenda sit dubitari nequit.

Nondum explicamus, quid proprie loquendo sit voluntas Dei; id enim demum fiet in sequentibus. Sufficit tantummodo cognoscere actum voluntatis Deo tribuendum esse, qualis prodit, si ab omni defectu liberemus actum voluntatis nostræ.

§. 185.

Voluntas Dei semper fertur in optimum. Deo competit voluntas in gradu absolute summo (§. 184.), seu, *Eiusdem ob-jectum.* quod idem est, omnium perfectissima est. Quamobrem cum voluntas perfectissima non appetat nisi optimum (§. 650. *Psych. rat.*), voluntas Dei non appetit nisi optimum, seu semper fertur in optimum.

Qui negat, Deum semper velle, quod est optimum, eundem committit errorem, quem committeret negans, eum omnia distincte ac simul cognoscere. Quemadmodum enim defectum intellectus arguit aliqua non cognoscere, vel cognoscere tantummodo confuse, & successive quædam cognoscere; ita defectus voluntatis est velle quod optimum non est: id quod intelligitur ex iis, quæ ad definitionem voluntatis perfectissimæ alias annotavimus (§. 650. *Psychol. rat.*).

rat.). Sane quod nos non semper velimus, quod optimum est, non aliunde provenit, quam quod quid sit optimum non intelligamus, adeoque defectus intellectus in voluntatem redundat, ut & ipsa deficiat. Quoniam itaque defectus omnis a voluntate divina arcendus (§. 37.); dicendum omnino est, quod Deus nunquam velit nisi quod optimum. Vulgo in dubium non vocatur, voluntatem divinam esse optimam, adeoque conceditur, Deum velle, quod optimum est, cum phrasis ista sensum alium habere nequeat; est ubi ad particularia descenditur, quæ Deus vult, negatur subinde, ea optima esse: sed id sine manifesta contradictione fieri nequit. Alias dubitandi rationes, quas nonnulli afferunt, nunc seponimus, utpote suo loco refellendas. Probe autem notandum est, velle Deum quod est optimum, non quod nobis videtur optimum: fieri enim potest, ut, quod nobis optimum est, non videatur, & quod videtur non sit. Quodsi urgeas falsum esse, quod summus, fore, ut nos semper velimus, quod optimum, si, quid sit optimum, semper certo cognosceremus; in casu particulari, ubi speciem aliquam habet objectio, facile respondetur; quod ut appareat, unicum proposuisse juvat exemplum. Sint duo nummi surei, qui non differant nisi pondere. Optimus ergo est, qui pondere superat alterum. Quodsi unum eligere, alterum alteri relinqui jubearis; fieri potest ut nummus minoris ponderis tibi habeas, alterum majoris ponderis relinquant alteri. Tendit adeo voluntas in id, quod optimum non est, etsi noris te optimum non velle, consequenter nullus intellectus defectus in voluntatem hic redundare videtur. Enimvero ratio aliqua adesse debet, cur malis nummus majoris ponderis relinquere alteri, quam tibi habere (§. 70. Ontol.). Et ob eam melius tibi videtur eligere nummus minoris ponderis, consequenter hoc exemplo minime probatur, te probe conscium velle quod optimum non est. Sane non diffiteberis, te nummus majoris ponderis electurum, nisi ratio ista obstaret. Mirifice autem in praxin insinuat propositio præsens, quemadmodum in philosophia morali constabit.

§. 186.

Deus est spiritus perfectissimus. Deus intellectu perfectissimo (§. 116.) & voluntate perfectissima gaudet (§. 184.) *Spiritualitas Dei.* sed spiritus perfectissimus est, qui intellectu & voluntate gaudet perfectissima (§. 646. *Psych. rat.*). Deus igitur spiritus perfectissimus est.

Ostenditur etiam hoc modo. Anima nostra spiritus est (§. 645. *Psych. rat.*), nec negare quis aulit spiritualitatem esse quandam animæ realitatem (§. 5.). Quamobrem cum realitas omnis, quæ animæ inest, in gradu absolute summo Deo tribuenda sit (§. 70.); etiam spiritualitas in gradu absolute summo eidem tribuenda, consequenter Deus spiritus perfectissimus est.

Quodsi spiritualitatem Dei superius posteriori modo probare voluissimus, vi definitionis spiritus perfectissimi inde inferre licuisset Deo competere & intellectum perfectissimum, & voluntatem perfectissimam. Istiusmodi demonstratio tyronibus conveniret, in quorum gratiam Theologiæ naturalis compendium concinnari poterat intellectu facillimum, si principia analytica, de quibus in superioribus diximus, rite adhiberentur, & propositiones ceteræ suæ quæque loci inde deductis adjungerentur, omissis iis, quæ majus acumen postulant.

§. 187.

Noluntas Deo competit in gradu absolute summo; seu Noluntas Deo Deus nihil prorsus mali vult. Etenim nos malum distincte vindicata. cognitum nolumus (§. 881. 907. *Psych. empir.*), cumque nolitio non sit nuda volitionis omissio (§. 884. *Psych. empir.*), sed peculiaris quidam actus animæ, perinde ac volitio (§. 882. *Psych. empir.*), quin sit realitas quædam animæ dubitari haud quaquam potest (§. 5.). Quoniam itaque
(*Wolffii Theol. Nat. P. II.*) Z omnis

omnis realitas, quæ inest animæ, Deo tribui debet in gradu absolute summo (§. 70.), noluntatis vero perfectionis gradus major concipi nequit, quam ubi malum omne nolumus, seu nihil prorsus mali voluimus; Deo quoque tribui debet noluntas in gradu absolute summo, nec is quicquam mali velle potest.

Ostenditur etiam posterius hoc modo. Voluntas Dei semper tendit in optimum (§. 185.). Quamobrem cum bonum non sit, quod est malum (§. 554. 565. *Pfych. empir.*), adeoque multo minus optimum quod malum est; voluntas quoque Dei nunquam in malum fertur, consequenter fieri non potest, ut Deus unquam malum velit, seu quod perinde est, nihil prorsus mali vult, adeoque ipsi voluntas in gradu absolute summo competit.

Communiter noluntas a voluntate non distinguitur, sed ætus nolitionis ac volitionis simul ad eam refertur: sed alibi jam dedimus rationem, cur aversionem ab appetitione distingui consultum dicimus tanquam diversos ætus in anima ad diversas facultates referendos (§. 386. *Pfych. empir.*).

§. 188.

Limitum a voluntate divina remoto.

Voluntas divina prorsus illimitata est. Deus enim spiritus perfectissimus est (§. 186.). Sed voluntas spiritus perfectissimi prorsus illimitata est (§. 653. *Pfych. rat.*). Voluntas igitur divina prorsus illimitata.

Ostenditur etiam hoc modo. Deo competit voluntas (§. 184.). Enimvero cum nulli prorsus in Deo dentur limites (§. 16.); nec voluntas ejus limites recipere potest ullos, consequenter prorsus illimitata est.

Quodsi magis ardeat demonstratio indirecta, ita eam efficere poteris. Ponamus, si fieri potest, voluntatem divi-

divinam esse limitatam. Deus igitur limitatus est quoad voluntatem, consequenter non prorsus illimitatus est: quod cum sit absurdum (§. 16.), voluntas ejus illimitata sit necesse est.

Quodsi in Psychologia rationali nondum ex eo demonstratum esset, voluntatem spiritus perfectissimi esse illimitatam, quod non feratur nisi in optimum; demonstrationem ibi datam huc apponere licuisset.

§. 189.

Fieri non potest, ut Deus bonum apparens praeferat bono vero, vel bonum minus majori. Ponamus enim, si fieri potest, Deum praeferre bonum apparens vero, vel minus bonum majori. Quoniam bonum apparens tale non est, sed saltem videtur, adeoque multo minus optimum est (§. 557. *Psychol. empir.*), & bonum minus, quod se majus admittit, optimum non est, cum optimum sit, quo majus dari repugnat; voluntas Dei non feretur in optimum; quod cum sit absurdum (§. 185.), fieri non potest, ut Deus bonum apparens praeferat vero, nec ut minus praeferat majori.

Deum bonum apparens non praeferre vero, nec minus majori.

Ponamus voluntatem divinam generaliter quidem determinatam esse ad optimum, quemadmodum humana ad bonum (§. 521. *Psych. rat.*); hoc tamen non obstante bonum apparens praeferre vero & minus majori. Quoniam ratio aliqua adesse debet, cur id fiat (§. 70. *Ontol.*); aliam esse non posse per se patet, quam ut apparens videatur bonum, idque in casu dato maximum, adeoque optimum, & bonum minus itidem videatur optimum: quod cum concipi non possit sine aliquo cognitionis defectu, admitenda erit in Deo volitio defectum quandam involvens. Enimvero Deo tribui nequit, quod ullo modo defectum

aliquem involvit (§. 37.). Ergo nec tribui potest electio apparentis boni præ vero & minoris boni præ optimo, consequenter fieri non potest, ut Deus bonum apparens præferat vero vel minus bonum optimo.

Qui, ubi in genere de voluntate Dei loquuntur, eam optimam vocant, & optimam Numinis voluntatem tanquam motivum fiduciæ erga Deum & acquiescentiæ in voluntate ipsius commendant, in casibus tamen particularibus negant optimum esse, quod a Deo electum concedunt; voluntatem divinam tanquam per essentiam suam ad optimum determinatam supponunt, sed hoc non obstante ob libertatem, qua gaudet; præferre bonum minus majori. Ut igitur intelligeretur, hanc opinionem cum summa Dei perfectione consistere minime posse; demonstrationem posteriorem priori jungendam esse duximus. Deum non præferre bonum apparens vero, facile admittunt omnes, quod manifestum hoc redarguat defectum sive in intellectu, siquidem naturam voluntatis satis perspectam habent, sive in voluntate, quam hoc pacto per essentiam ad malum determinatam esse debere saltem particulariter perspiciunt. Enimvero non minus eandem rationem adesse debere vident acutiores, ubi admitteris, Deum præferre bonum minus majori. Aut enim in intellectu ponendus erit aliquis defectus, ut scilicet Deus bonum minus habeat præ eo, quo majus non detur, aut in voluntate, quæ tanquam ab intellectu independens spectatur, defectus aliquis adminendus. Quodsi hunc defectum voluntatis distincte resolvere vellemus in sua principia, in defectum intellectus tandem & ipse recideret. Sed tantis ambagibus in re satis manifesta, si notionibus confusis valedixeris, opus non est. Nemo non perfectiorem censeret voluntatem hominis, si semper eligeret, quod optimum est, nec adeo faceret, nisi quod optimum. Immo cui virtus infusata curæ cordique est, is nil magis in votis habet, quam ut ipsi daretur semper facere quod optimum. Quamobrem cum Deo perfectionem absolute summam denegare minime possumus (§. 15.), nec eam ipsi quisquam denegare audeat,

aute, qui verum Deum se agnoscere profiteretur; mirum profecto videri poterat, cur voluntatis divinæ tendentiæ in id, quod optimum est, in dubium revocare quidam audeant, nisi abunde constaret, quanta sit præjudiciorum vis in illorum animis, qui veritatum nexum distincte expendere minime norunt.

§. 190.

Deus omnia vult simul, unico voluntatis actu. Etenim *Quod Deus omnia velit simul.* in Deo nulla datur statuum successio (§. 48.). Quamobrem nec fieri potest, ut successio quædam locum habeat in volitionibus ipsius. Vult igitur omnia simul, seu unico voluntatis actu.

Idem etiam ostenditur hoc modo. Quoniam quæ animæ insunt per modum facultatis, ea Deo tribui non possunt nisi per modum actus (§. 78.), voluntas quoque, quæ homini inest, per modum facultatis (§. 882. *Psychol. empir.*), nonnisi per modum actus tribui potest. Quamobrem quæ ut Deus velit fieri potest, actu vult, consequenter simul omnia vult, seu unico voluntatis actu.

In systemate jam ostendimus (§. 355. & not. ej.), unicitem actus voluntatis pendere ab unicitate actus intellectus: alias eidem demonstrationi hic etiam esset locus. Addimus tantummodo, quod, quoniam nos non omnia simul volumus, quæ per omnem vitam successive nos velle contingit, propterea quod non omnia prævidemus, de quibus nobis statuendum est per omnem vitam, successio actuum volendi seu volitionum (§. 882. *Psychol. empir.*) involvat defectum intellectus. Quamobrem cum per principia Theologiæ naturalis heuristica Deo tribui nequeant, quæ ullo modo defectum aliquem involvunt (§. 37.); nec successiva volitio eidem tribui potest. Tribuendus igitur nonnisi unicis voluntatis actus.

§. 191.

*Voluntas Dei
aeterna.*

Deus omnia vult ab aeterno, non demum quid in tempore. Ponamus enim Deum non omnia velle ab aeterno, sed quædam demum in tempore. Non igitur omnia vult simul: quod cum sit absurdum (§. 190.), necesse est ipsum omnia, quæ vult, velle ab aeterno, nil demum in tempore.

Aliter idem ostendimus in systemate ex eo, quod Deus omnia cognoscat ab aeterno (§. 319. part. I. Theol. nat.).

§. 192.

*Qualis spiritus
sit Deus.*

Deus est spiritus necessarius. Deus enim spiritus est (§. 186.) atque necessario existit (§. 21.). Enimvero spiritus necessarius est, qui necessario existit (§. 662. Psych. rat.). Ergo Deus spiritus necessarius est.

Atque adeo patet, notionem spiritus necessarii esse realem.

§. 193.

*Motivum voluntatis
divinae.*

Motivum voluntatis divinae est representatio optimi. Et enim voluntas Dei fertur in optimum (§. 185.). Quamobrem ex eo, quod quid sit optimum, intelligitur, cur Deus id velit, consequenter cum ratio sufficiens sit id, per quod intelligitur, cur quid potius sit, quam non sit (§. 56. Ontol.), representatio optimi est ratio sufficiens, cur Deus quid velit. Enimvero ratio sufficiens actuum volitionis est motivum (§. 887. Psych. empir.). Motivum adeo voluntatis divinae est representatio optimi.

Qui negant, Deum velle quod est optimum, motivum voluntatis divinae non agnoscunt nisi representationem boni. Quamobrem cum in nobis representatio boni distincta sit motivum volitionis (§. 890. Psych. empir.), gradu perfectionis voluntas divina quoad voluntatem non differet a voluntate

tate nostra, nisi quatenus tanquam spiritus infinitus omnia vult simul. Requirit tamen summa Dei perfectio, ut etiam voluntati inest aliqua perfectio, quæ in humanam minime cadit. Voluntates diversorum subiectorum differre nequeunt nisi per motiva, per quæ actus volitionis determinatur. Atque adeo motiva Dei differre debent a motivis humanis vel aliorum spirituum finitorum. Alia vero differentia tum locum non habet, nisi quod motivum sit optimi representatio, quod in nobis & aliis spiritibus finitis est representatio boni, propterea quod ob intellectus imperfectionem quid sit optimum non agnoscitur.

§. 194.

Motivum voluntatis divinæ est representatio mali. Et enim Deus malum omne non vult (§. 187.). Quamobrem ex eo, quod quid sit malum, intelligitur, cur Deus id nolit. Quoniam itaque ratio sufficiens voluntatis est, per quod intelligitur, cur Deus quid nolit (§. 36. *Ontol.*); representatio mali ratio sufficiens est voluntatis divinæ, aut si mavis volitionis divinæ. Et quia ratio sufficiens volitionis est motivum huius actus (§. 887. *Psych. empir.*), representatio mali est motivum voluntatis divinæ.

Representatio mali est etiam in nobis motivum volitionis (§. 890. *Psych. empir.*), atque adeo quoad g. adum perfectionis nulla differentia intercedere videtur inter voluntatem humanam atque divinam. Enimvero notandum est, voluntatem divinam extendi ad omne malum, ita ut repugnet Deum unquam velle quid mali, cum ex adverso hæc raro contingat nos velle malum sub ratione boni, consequenter id non nolle: Aliter sese res habet in voluntate, quæ non ad omne bonum extenditur, cum alias, quicquid bonum est existere etiam deberet. Quemadmodum autem perfectio voluntatis est velle optimum seu bonum maximum; ita ex adverso perfectio voluntatis est nolle malum vel minimum. Actus volitionis repugnare nequit actui volitionis.

Ceterum

Ceterum patet etiam in Deo, quod de homine demonstravimus (§. 884. *Psych. empir.*), nolitionem non esse nudam volitionis omissionem. Etenim Deus actu positivo non vult malum, cuiuscunque tandem fuerit gradus; vult quod est optimum; omittit actum volitionis boni, quod sub optimo tanquam minus sub majori continetur. Differentiam hanc notasse proderit in sequentibus.

§. 195.

*Cur Deus
omnia nolit
simul.*

Deus non vult seu averfatur omnia simul, quæ averfatur. Etenim si Deus non omnia simul averfaretur, quæ averfatur, sed successive demum id fieret; daretur utique in eodem statuum successio (§. 705. *Ontol.*). Enimvero in ipso nulla statuum successio locum habet (§. 48.). Necessè igitur est, ut omnia nolit seu averfetur simul, quæ non vult, seu averfatur.

Ostenditur etiam hoc modo. Quoniam repræsentatio mali est motivum noluntatis divinæ (§. 194.), adeoque nolitionis ratio sufficiens (§. 887. *Psychol. empir.*), posita vero ratione sufficiente nolitionis, ipsa etiam ponatur nolitio (§. 118. *Ontol.*); necesse est Deum nolle malum, quam primum id sibi repræsentat. Enimvero intellectus divinus omnia possibile singularia & universalia, adeoque etiam malum omne, sibi simul repræsentat (§. 115.). Necessè igitur est, ut etiam omne malum simul seu unico noluntatis actu nolit sive averfetur.

Nimirum successiva mali nolitio supponit defectum cognitionis mali, scilicet quod non simul cognoscatur, atque adeo intellectus defectus in noluntatem redundat. Quamobrem cum Deo tribui nequeant, quæ ullo modo defectum aliquem involvunt (§. 37.); nec successiva mali cognitio in eadem locum habere potest.

§. 196.

§. 196.

Deus malum omne non vult seu averfatur ab æterno, ni- *Cur Deus*
hil demum in tempore. Etenim fi fieri poteft, ponamus *omne malum*
Deum aliquid mali non averfari ab æterno, fed demum in *nolit ab æter-*
tempore. Una ergo nolitio præcedit alteram, altera alte- *no.*
ram fequitur, confequenter Deus non averfatur omnia fi-
mul. Quod cum fit abfurdum (§. 195.), fieri haud qua-
quam poteft, ut Deus demum in tempore quid averfetur,
quod non averfatus fuerit ab æterno, adeoque necesse eft
ipfum malum omne ab æterno averfari.

Propofitio hæc influit in praxin, quemadmodum fuo loco
fuoque tempore conftabit. Quamobrem ejus difertam hic
feri mentionem confultum duximus.

§. 197.

Deo non convenit appetitus fenfitivus, ne quidem per *Appetitus*
eminentiam. Etenim appetitus fenfitivus ex confufa boni *fenfitivus*
idea oritur (§. 580. *Pfych. empir.*), atque adeo cognitio- *cur Deo non*
nis quendam defectum involvit (§. 39. *Pfychol. empir.*). *conveniat.*
Quamobrem cum Deo tribui nequeat, quod ullo modo
defectum aliquem involvit (§. 37.); appetitus fenfitivus
Deo convenire nequit. *Quod erat unum.*

Enimvero quamprimum repræfentatio boni confufa
in diftinctam abit, appetitus fenfitivus degenerat in ratio-
nalem five voluntatem, etiam in nobis (§. 880. *Pfychol.*
empir.). Quamobrem in Deo, cui competit voluntas per-
fectiffima (§. 184.), nil præterea requiritur, quod vicem
appetitus fenfitivi fuppleat. Cum itaque rei per eminent-
tiam tribui nequeat, quod cum proprie loquendo non inftit,
tui tamen loco non fupponit aliud vicem ejus fupplens
(§. 845. *Ontol.*); appetitus fenfitivus ne per eminentiam
quidem Deo tribui poteft. *Quod erat alterum.*

(Wolffii Theol. Nat. P. II.)

Aa

Qui

Qui sufficiente ad singula attentione non utuntur, forsan mirabuntur, cur Deo per eminentiam tribuantur sensus (§. 158) atque imaginatio (§. 157), non vero per eminentiam tribuatur appetitus sensitivus, cum sensus & imaginatio a confusione in percipiendo liberati reducantur ad intellectum (§. 121.), perinde ac appetitus sensitivus in rationalem seu voluntatem degenerat, si representatio boni ex confusa redditur distincta. Utrobique autem longe dispar ratio est. Etenim appetitus sensitivus & voluntas nullam supponunt differentiam intrinsecam in objecto, qualem supponunt sensus & imaginatio, cum constet sensum supponere rei representandæ præsentiam, imaginationem vero ejus absentiā, ac inprimis vel præteritionem, vel futuritionem. Jam solus intellectus divinus non sufficit ad discernenda præsentia, quod distincte repræsentet, quæ vi sensus atque imaginationis repræsentantur confuse; sed præterea aliquid in eo supponendum, quod ad ea a se invicem separanda sufficit. Atque adeo in Deo quid inexistit, quod sensuum & imaginationis vicem supplet, consequenter & sensus, & imaginatio eidem per eminentiam tribui debent. Intellectus nimirum divinus ubi distincte repræsentat omnia, ea tantummodo exhibet tanquam possibile: quæ cum Deus appercepit, eorum sibi tanquam nude possibile tantummodo conscius est. Sensu autem per eminentiam tali præsentia tanquam præsentia & imaginatione per eminentiam tali præterita tanquam præterita & adhuc futura tanquam adhuc futura cognoscit. Probe hæc perpendi velim, ut acumen perficiatur ad distinguendum ea, quæ Deo per eminentiam tribui possunt, a ceteris, quæ nullo modo eidem conveniunt.

§. 198.

*Deo cur convenire nequeat aver-
satio sensitiva.*

Aversatio sensitiva Deo non convenit, ne per eminentiam quidem. Etenim aversatio sensitiva ex confusa mali idea oritur (§. 582. Psychol. empir.), atque adeo cognitionis quendam defectum involvit (§. 39. Psychol. empir.).

Tribui

Tribui autem Deo nequit, quod ullo modo defectum aliquem involvit (§. 37.). Quare averſatio ſenſitiva eidem minime convenit. *Quod erat unum,*

Enimvero quamprimum mali repræſentatio confuſa in diſtinctam abit, averſatio ſenſitiva degenerat in rationalem, ſive noluntatem etiam in nobis (§. 882.) *Pſychol. empir.*). Quamobrem in Deo, cui noluntas in gradu abſolute ſummo competit (§. 187.), nil præterea requiritur, quod vicem averſationis ſenſitivæ ſuppleat. Averſatio igitur ſenſitiva eidem ne quidem per eminentiam tribui poſteſt (§. 845. *Ontol.*). *Quod erat alterum,*

Equidem demonſtratio propoſitionis præſentis parum differt a præcedente, ut adeo utraque in eandem compingi haud difficulter potuiſſet: quoniam tamen facilius vis utriusque percipitur, præſertim ubi attentioni acumen jungere nondum didiceris, a ſe invicem ſeparanda eſſe duximus, quæ conjuncta non uni difficultatem facieſſerent.

§. 199.

Deus omnem perfectionem poſſibilem continuo intuetur. *Intuitiva*
Deus enim ens perfectiſſimum eſt (§. 14.), ſummæque ſui perfectionis ſibi conſcius (§. 86.). Videt etiam in ſeipſo *perfectio-
omnis cogni-*
omnia ſingularia, quæ in qualibet rerum ſerie locum habere poſſunt (§. 105.) & omnia univerſalia in ſingularibus intuetur (§. 107.), nec præter ea, quæ per ipſum poſſibilia ſunt, datur quicquam aliud, quod ſit poſſibile (§. 174.), ita ut in ideis ipſius omnia poſſibilia (§. 175.) ac veritates omnes tam ſingulares, quam univerſales contineantur (§. 176.). Quoniam itaque omnia ſingularia (§. 81.) & univerſalia diſtinctiſſime ſibi repræſentat (§. 106.) atque ſimul (§. 79. 106.), immutabili intellectus actu (§. 17); nihil enti vel ſingulari, vel univerſali ineſſe poteſt, quod

non constanter intueatur Deus, dum semetipsum intuetur. Necessesse igitur est, ut non minus omnem perfectionem, quæ entibus limitatis inest, quam propriam continuo intueatur, consequenter perfectionem omnem possibilem continuo intuetur.

Quicquid adeo perfectionis possibile est, cum Deus continuo intueatur; major intuitus perfectionis concipi nequit, quam qui in Deo datur: id, quod etiam vi principii heuristici inferri poterat (§. 70.).

§. 200.

Summa voluptas Deo vindicata.

Deo competit voluptas in gradu absolute summo, eaque prorsus immutabilis. Nobis competere voluptatem in nobismetipsis experimur (§. 512. *Pfych. empir.*), non apparentem tantummodo, sed veram etiam (§. 514. *Pfych. empir.*), nec dubitaverit quisquam, eam in realitatem numero esse, quæ animæ nostræ insunt (§. 5.). Quoniam itaque realitas omnis, quæ animæ nostræ inest, in gradu absolute summo Deo tribuenda venit (§. 70.); voluptas etiam in gradu absolute summo eidem tribui debet. Quod erat primum.

Est vero Deus prorsus immutabilis (§. 17.). Quamobrem ipsius etiam voluptas immutabilis esse debet. Quod erat secundum.

Primum etiam ostenditur hoc modo. Deus omnem perfectionem possibilem intuetur (§. 199.). Quamobrem cum intuitus perfectionis sit voluptas (§. 511. *Pfych. empir.*), adeoque major concipi nequeat, nisi ubi intuitus ad omnem perfectionem possibilem extenditur (§. 516. *Pfych. empir.*); quin Deo in gradu absoluto summo competat voluptas dubitandum non est.

Secun-

Secundum probari etiam potest hoc modo. Quoniam perfectionis intuitus voluptas est (§. 511. *Psych. empir.*), tamdiu ea durat, quamdiu perfectionis durat intuitus. Enimvero Deus perfectionem omnem possibilem continuo intuetur (§. 199.). Voluptas igitur, quæ ipsi summa est *per demonstrata*, continuo eidem competere debet. Est igitur ea prorsus immutabilis (§. 291. *Ontol.*).

Quæ de summa Dei voluptate annotavimus in systemate (§. 1084. *part. I. Theol. nat.*), ea hic repetenda sunt, ne Deo quid tribuamus, quod defectum quandam involvit, adeoque ipsi tribui nequit (§. 37.).

§. 201.

Voluptas Dei vera est, non apparens. Deum omnem *Qualis sit voluptas Dei.* perfectionem possibilem intuetur (§. 199.) & iudicium ejus de perfectione sui ipsius ac rerum ceterarum perfectione ab omni errore immune est (§. 136.). Voluptas igitur, quæ ipsi competit, ex vera perfectione oritur (§. 51. *Psych. empir.*). Quoniam itaque voluptas vera est, quæ ex vera oritur perfectione; apparens, quæ oritur ex apparente (§. 514. *Psych. empir.*): voluptatem Dei veram esse, non apparentem constat.

Homines vulgo voluptatibus apparentibus inhiant, veram negligunt, vel prorsus contemnunt. Quamobrem nosse juvat, quænam sit voluptas divina, ut de vero pretio tanto rectius statuamus.

§. 202.

Voluptas Dei constans est cum in se spectata, tum respectu Constantia Dei. Voluptas enim divina vera est (§. 201.). Enimvero *voluptatis, divina.* vera voluptas constans est cum in se spectata, tum respectu subjecti, a quo percipitur (§. 515. *Psych. emp.*). Dei igitur voluptas constans est cum in se spectata, tum respectu Dei.

Superius jam ostendimus, voluptatem divinam esse immutabilem ex parte Dei, ita ut fieri nullo modo possit, ut Deo non insit (§. §. 200.). Enimvero ex constantia voluntatis divinæ in se spectatæ etiam patet, eam in se esse immutabilem.

§. 203.

*Quod Deus
sibi metipsi
placeat.*

Deus sibi metipsi maxime placet, nec aliud quid placere magis potest. Etenim Deus absolute perfectissimus est, ita ut quid ipso perfectius possibile non sit (§. 14.). Quamobrem cum summæ suæ perfectionis sit sibi metipsæ conscius (§. 86.), intuitus autem perfectionis voluptas sit (§. 511. *Psych. empir.*), tanto quidem major, quanto major perfectio est (§. 516. *Psych. empir.*); quin Deus suam ex seipso percipiat voluptatem, nec quicquam detur, ex quo majorem percipere queat, dubitari nequit. Enimvero id nobis placet, ex quo voluptatem percipimus (§. 542. *Psych. empir.*). Deus igitur sibi metipsi maxime placet, nec aliud quid placere magis potest.

Abstineat ut quis sibi persuadeat, hoc arguere imperfectionem in Deo, quod sibi omnium maxime placeat. Fallit enim in ipso homine, quod placere sibi vitium sit, si veræ perfectionis sibi conscius fuerit: sed quod placere sibi vitio vertatur, aliunde est, si quid nempe vitii adjunctum habet, quemadmodum suo loco in philosophia morali ostensurum.

§. 204.

*Cur non de-
tur ens aliud,
quod nobis
magis place-
re possit quam
Deus.*

Non datur ens aliud, quod magis placere possit, quam Deus. Etenim Deus absolute perfectissimus est, ita ut possibile non sit ens aliud ipso perfectius (§. 14.). Quoniam itaque intuitus perfectionis voluptas est (§. 511. *Psych. empir.*), eaque tanto major, quo major fuerit perfectio (§. 516. *Psychol. empir.*); præter Deum non datur

ens

ens aliud, ex quo major percipi possit voluptas, quam ex Deo. Quare cum id placeat, ex quo voluptas percipitur (§. 542. *Psychol. empir.*); non datur ens aliud, quod magis placere possit quam Deus.

Loquimur de eo, quod possibile, non quod fieri solet. Quod enim hominibus magis placeant alia, quam Deus, non inde est, quod alia sint talia, quæ placere magis possint; sed quod summam Dei perfectionem non cognoscant, nec de ea fuerint convicti.

§. 205.

In Deum nulla cadit molestia sive tedium nullum. Et- Cur Deus ta- enim Deus summe perfectus est (§. 14.), nec quicquam ^{diu seu mole-} ipsi inest, quod illo modo defectum aliquem involvit (§. ^{stia expet,} 37.). Quoniam igitur Deus semetipsum & omnia, quæ ipsi insunt, quam distinctissime (§. 89.) & intuitive cognoscit (§. 104.); seipsum intuens nullam prorsus intuetur imperfectionem. Quamobrem cum intuitus imperfectionis tedium sit sive molestia (§. 518. *Psychol. empir.*); Deus nullam prorsus molestiam seu tedium nullum percipit, dum seipsum intuetur.

Equidem cum porro Deus omnia singularia, quæ in quacunque serie rerum locum habere possunt, in seipso videat (§. 105.) & omnia universalia quam distinctissime atque simul (§. 106.) ac intuitive cognoscat (§. 104.); quin omnem imperfectionem, quæ rebus a se diversis inesse potest, intueatur in dubium revocari nequit. Etsi vero ex intuitu imperfectionis tedium sive molestia sit (§. 518. *Psych. empir.*), quoniam tamen Deo voluptas absolute summa immutabiliter (§. 200.) ac constanter inest (§. 202.), voluptas summa obstat, quo minus imperfectionem rerum aliarum ad summam suam perfectionem referenti tedium inesse queat (§. 28. *Ontol.*). Deus itaque tedium

dium seu molestiam ex imperfectione, quam in rebus a se diversis intuetur, percipere non potest.

Quoniam itaque nec seipsum, nec res ceteras a se diversas intuens tædio quodam, seu molestia afficitur; in ipsum nullam prorsus molestiam, seu tædium nullum cadere liquet.

Et si posito intuitu imperfectionis etiam alienæ ponatur tædium aliquod sive molestia (§. 519. *Psych. empir.*), id tamen fieri non debere intelligitur, ubi aliquid obstat in contrarium, quo minus id fiat. In genere nimirum verum est posita ratione sufficiente poni id, quod propter eam potius est, quam non est (§. 118. *Ontol.*), nisi ponatur ratio sufficiens in contrarium, cur hoc non ponatur. Hinc & in mundo materiali causa non producit effectum, si qua alia ponatur in contrarium, quæ obstat, quo minus effectus sequatur. Jam in Deo obstat summa voluptas, quam ex seipso percipit, quo minus tædium aliquod percipiat, seu molestiam quandam sentiat ex imperfectione aliena. Non igitur ullum percipit. Simile quid deprehendimus in nobismetipsis: experimur enim nos voluptate perfundi, nullo autem tædio angî, ubi imperfectionem contrariam ei, quæ nobis inest, perfectioni intuemur, quatenus nec ab hac avertimus animum. Et si enim minus acuti non semper distinguunt, quæ in ideis confusis insunt, in evolutione confusorum tamen versari facile ostendunt, quidnam subsit in casu particulari rationis, cur imperfectionem alienam intuentes nunc tædio, nunc voluptate afficiamur, etsi indifferente alias erga eum sumus animo, cujus intuemur imperfectionem. Ceterum hæc propositio probe notanda venit, ne Deo per eminentiam affectus tribuentes quicquam tribuamus, quod defectum aliquem involvit, adeoque ipsi repugnat.

§. 206.

*Quo sensu Deo
tædium tri-
buatur.*

Deo tædium sive molestia (animi scilicet) tribui nequit, nisi quatenus absentia voluntatis connotat actum nolitionis sive aversionis. Etenim proprie loquendo nullum in Deum cadit

cadit tædium (205.). Et quoniam voluptas ex intuitu perfectionis (§. 511. *Pfychol. empir.*), tædium ex intuitu imperfectionis est (§. 518. *Pfych. empir.*), Dei autem de perfectione ac imperfectione rerum judicia errori nulli obnoxia (§. 136.), atque certa sunt (§. 133.); dum imperfectionem rerum intuetur, omnis abest voluptas, & quoniam malum omne actu positivo non vult, seu averfatur (§. 187.), motivo voluntatis existente mali representatione (§. 194.), malum vero in se est aliquod, quatenus quædam ipsi imperfectio inhæret (§. 371. *part. I. Theol. nat.*); cum intuitu mali, adeoque absentia voluntatis *per demonstrata*, connectitur actus nolitionis seu averfionis. Quamobrem si absentiam voluntatis, quatenus connotat nolitionis seu averfionis actum, quoad Deum tædium appellare volueris; hoc sensu eidem tribui tædium poterit. Patet igitur, Deo tribui non posse tædium sive molestiam, quæ animi dicitur, nisi quatenus voluntatis absentia actum nolitionis vel averfionis connotat.

S. S. subinde Deo tribuit, quæ in nobis sine animi molestia concipi nequeunt, quemadmodum ex doctrina affectuum Deo per eminentiam tribuendorum mox dilucidius constabit. Enimvero cum id fiat eo in casu, quo homines ex eo voluptatem percipiunt, ex quo tædium percipere debebant, Deusque idem averfetur; tædium eidem tribuit, ut nos convincat, abesse in Deo voluptatem, quam nos percipimus, ipsumque idem averfari, consequenter eidem non tribuitur, nisi quatenus voluntatis absentia connotat actum nolitionis seu averfionis.

§. 207.

Nihil Deo placere potest, nisi quatenus perfectum est, Quatenus quatenus vero imperfectum est, placere nequit. Cum enim *Ne quid voluptas sit ex intuitu perfectionis* (§. 511. *Pfych. empir.*), *et ab ipso* (Wolffii *Theol. Nat. P. II.*) B b ac *diversum.*

ac Dei de rerum perfectione judicia certa sunt (§. 133.); quatenus quid perfectum est, ex eo Deus voluptatem percipit. Quamobrem cum id placeat, ex quo voluptas percipitur (§. 542. *Psych. empir.*); Deo nil placere potest, nisi quatenus perfectum est. *Quod erat unum.*

Enimvero cum ex intuitu imperfectionis sit tædium (§. 518. *Psychol. empir.*), tædium vero Deo tribui nequeat, nisi quatenus ab'entia voluptatis actum averfionis connotat (§. 206.); si Deus, cujus judicia de rerum imperfectione certa sunt (§. 133.), intuetur, quod imperfectum est, nullam inde voluptatem percipere valet. Quoniam itaque placere nequit id, ex quo voluptas nulla percipitur (§. 542. *Psychol. empir.*); nec fieri potest, ut Deo quid placeat, quatenus imperfectum est. *Quod erat alterum.*

Propositio præsens etiam de nobis valeret, siquidem nostra de rerum perfectione & imperfectione judicia quemadmodum Dei semper forent certa, sicuti ex ipsa notione ejus, quod placet, facile perspicitur. Enimvero cum haud raro contingat, homines sibi tanquam perfectum repræsentare, quod imperfectum est; quod imperfectum est, placet, non qua tale, sed quatenus perfectum apparet. Imperfectum id est, quod placere per naturam rerum minime potest, nisi per errorem.

§. 208.

Quid Deo displiceat.

Deo displicet id, quod non modo tale est, ut ex eo voluptatem percipere non possit, sed quod etiam actu positivo non vult, seu averfatur. Displicet nimirum nobis id, ex quo tædium percipitur (§. 542. *Psych. empir.*). Enimvero Deo tædium tribui nequit, nisi quatenus absentia voluptatis connotat actum nolitionis seu averfionis (§. 206.). Deo igitur displicet, quod non modo tale est, ut ex eo volupta-

voluptatem percipere non possit, sed quod etiam actu positivo non vult, sed quod averſatur.

§. 209.

Si voluntas humana, vel appetitus sensitivus tam hominum, quam brutorum ab omni limitatione liberetur; voluntatis divine notio prodit. Quoniam appetitus sensitivus est inclinatio animæ ad objectum pro ratione boni sive veri, sive apparentis in eodem confuse percepti (§. 580. *Psych. empir.*), & appetitus rationalis ejusdem inclinatio ad objectum pro ratione boni, quod in eo inesse distincte cognoscimus, vel nobis cognoscere videmur (§. 880. *Psych. empir.*); appetitus tam sensitivus, quam rationalis, sive voluntas aliter limitari nequit, quam quatenus ob limitationes facultatis cognoscitivæ, tam inferioris, quam superioris contingit, bonum a nobis non rite representari, adeoque appetitum ferri in bonum apparens, vel in bonum minus. Quamobrem si appetitus tam sensitivus, quam rationalis a limitatione omni liberetur; nunquam feretur in apparens, vel minus bonum, sed semper in id, quod verum ac optimum est. Quoniam itaque voluntas Dei semper fertur in optimum (§. 185.); notio ejus utique prodit, si appetitus sensitivum tam hominum, quam brutorum, atque rationalem, vel voluntatem hominum ab omni prorsus limitatione liberes.

Notio voluntatis divine quomodo prodit.

Ex iis, quæ in superioribus de origine idearum in Deo demonstravimus (§. 91.), patet, realitates, quæ animabus nostris atque animabus brutorum insunt, nasci limitatione earum, quæ insunt Deo. Unde facile intelligitur, in intellectu divino ab æterno enatam fuisse ideam voluntatis humanæ, atque appetitus sensitivi tam animabus hominum, quam brutorum inexistentis limitatione voluntatis divine. Non igitur mirum videri debet, quod via retrograda nos ad notionem

tionem voluntatis divinæ perveniamus, si voluntatem nostram vel etiam appetitum sensitivum tam nostrum, quam brutorum ab omni limitatione liberemus.

§. 210.

Notio voluntatis divinæ quomodo prodeat.

Notio voluntatis divinæ prodit, si voluntas humana, vel averlatio sensitiva, tam hominum, quam brutorum, ab omni limitatione liberetur. Quoniam averlatio sensitiva est reclinatio animæ ab objecto, pro ratione mali sive veri, sive apparentis in eodem confuse percepti (§. 582. *Psychol. empir.*), averlatio autem rationalis ejusdem reclinatio ab objecto pro ratione mali, quod in eo distincte cognoscere nobis videtur (§. 881. *Psychol. empir.*); averlatio tam sensitiva, quam rationalis aliter limitari nequit, quam quatenus ob limitationem facultatis cognoscitivæ tam inferioris, quam superioris contingit bonum apparere malum, ut malum non agnoscatur tale, consequenter nos averlati bonum, vel malum non averlati. Quamobrem si averlatio tam sensitiva, quam rationalis a limitatione omni liberetur, ens eadem instructum omne averlabitur malum, quantumcunque ipsum tandem sit. Quoniam itaque Deus malum omne averlatur (§. 196.); notio voluntatis divinæ prodit, si voluntas humana, vel averlatio sensitiva sive hominum, sive brutorum ab omni limitatione liberetur.

Quæ ad propositionem præcedentem annotavimus, de præsentē etiam intelligenda.

§. 211.

Limitatio appetitus unde pendat, quando voluntas illimitata.

Limitatio appetitus a limitatione facultatis cognoscitivæ pender, & si intellectus illimitatus fuerit, voluntas etiam illimitata. Patet ex demonstratione propositionis, qua notionem voluntatis divinæ investigare docuimus (§. 209.), appetitum non limitari, quam quatenus fieri potest,

potest, ut feratur in bonum apparens vel bonum minus. Enimvero cum bonum apparens videatur, quod non est (§. 557. *Psychol. empir.*), & bonum minus tale non cognoscatur, vel quod majus videatur, quam revera est, vel majus prorsus ignoretur; nemo non videt, id tribuendum esse defectui facultatis cognoscitivæ, quod appetitus feratur vel in bonum apparens, vel in minus (§. 589. *Psych. empir.*). Quoniam adeo ratio, cur appetitus feratur in bonum apparens vel in bonum minus, in limitatione cognoscitivæ facultatis continetur (§. 56. *Ontol.*), nec fieri potest, ut id fiat, si intellectus fuerit illimitatus (§. 520. *Psychol. rat.*); evidens est, & limitationem appetitus a limitatione facultatis cognoscitivæ pendere, & voluntatem esse illimitatam, siquidem intellectus illimitatus fuerit.

Appetitus pendet a facultate cognoscitiva, quemadmodum ipsa lex appetitus insinuat (§. 904. *Psych. empir.*). Quamobrem nec mirum, quod ideo limitatus sit, quia facultas cognoscitiva limitata, & ex adverso illimitata sit voluntas, si intellectus illimitatus fuerit.

§. 212.

Limitatio aversionis a limitatione facultatis cognoscitivæ pendet, & si intellectus fuerit illimitatus, voluntas etiam illimitata. Ex demonstratione propositionis, quæ modum perveniendi ad notionem voluntatis divinæ exposuimus (§. 210.), liquet, aversionem aliter limitari non posse, quam quatenus fieri potest, ut aversemur malum apparens, vel etiam verum non aversemur. Enimvero cum malum apparens videatur, quod non est (§. 568. *Psych. empir.*), & malum non agnoscatur tale ob ignorantiam; nemo non videt, id tribuendum esse defectui

Limitatio aversionis unde pendet & quando voluntas illimitata.

facultatis cognoscitivæ, quod malum apparens aversemur; vel malum verum prorsus non aversemur, sed indifferente erga ipsum animo sumus (§. 590. *Psychol. empir.*). Quoniam adeo ratio, cur malum apparens aversemur, vel malum verum prorsus non aversemur, in limitatione facultatis cognoscitivæ continetur (§. 56. *Ontol.*), nec id fieri potest, ubi intellectus fuerit illimitatus (§. 520. *Psychol. rat.*); evidens est & limitationem averlationis a limitatione facultatis cognoscitivæ pendere, & si intellectus fuerit illimitatus, nolumtatem etiam illimitatam esse debere.

Quæ ad propositionem præcedentem annotavimus, ad præsentem quoque mutatis mutandis applicanda veniunt.

§. 213.

Affectus quo sensu Deo tribuantur.

Affectus Deo tribui nequeunt, nisi quatenus distincta boni ac mali representatio est ratio volitionis ac nolitionis, qualis confusa in nobis excitat affectus. Quoniam enim affectus sunt actus vehementiores appetitus sensitivi & averlationis sensitivæ (§. 603. *Psychol. empir.*); Deo autem appetitus sensitivus (§. 197.) & averlatio sensitiva ne per eminentiam quidem competit (§. 198.); affectus eidem sensui proprio tribui non possunt. Enimvero affectus ex consula boni & mali representatione oriuntur (§. 605. *Psych. empir.*), quæ actuum appetitus sensitivi & averlationis sensitivæ ratio sufficiens est (§. 586. *Psych. empir.*). Quamobrem quatenus in Deo representatio similis boni & mali distincta est ratio volitionis ac nolitionis, eatenus datur aliquid in Deo, quod aliquam similitudinem cum affectibus habet, etsi nonnisi generalem (§. 195. *Ontol.*). Volitiones ac nolitiones igitur istæ affectuum nomine indigari possunt. Atque adeo patet, non posse Deo tribui affectus, nisi quatenus distincta boni ac mali representatio
ratio

ratio est volitionis ac nolitionis, qualis confusa in nobis affectus excitat.

Notitia eorum, quæ Deus vult & actu positivo non vult, plurimum influit in praxin, quemadmodum in philosophia morali ostenderetur. Consultum igitur est, actus volitionis ac nolitionis, in quos nostro concipiendi modo resolvimus unicum istum voluntatis ac noluntatis divinæ actum, ut eum distincta notione comprehendamus, diversis nominibus insigniamus. Quamobrem cum a corpore ad animam transferamus nomina ad denotandum ea, quæ huic insunt, ob similitudinem quandam, exemplo distinctionis notionum in claras & obscuras, & clararum in distinctas & confusas, ut alia a rebus etiam aliis desumpta nomina jam taceamus; nec reprehendi potest, quod ab anima ex eadem ratione ad Deum transferantur nomina. Unde est, quod ipsa Scriptura sacra affectuum nomina ad Deum tran fert. Enimvero quemadmodum nomina a corpore vel rebus aliis ad animam translata per ea, quæ animæ insunt, explicantur, ut proprium nanciscantur significatum animæ convenientem; ita quoque vocabula ab anima ad Deum translata per ea, quæ Deo insunt, explicanda veniunt, ut proprium habeant significatum, qui Deo convenit. Nostrum adeo esse existimamus hic docere, quo sensu singula affectuum nomina ad Deum transferri possint. Id enim jam agimus, ut omnem inter Deum atque animam nostram differentiam clarissime exponamus. Explicanda igitur etiam differentia, quæ quoad affectus inter Deum atque animam intercedit. Doctrinæ hujus singularis quidam usus in praxi morali elucescet. in ea enim doceri debet, quomodo affectus ex ratione in ordinem redigantur, ne exorbitantes noceant, sed ad consensum eum appetitu rationali revocati salutarem sui præbeant usum. Id ipsum vero obtinetur, si eodem, quo Deo sensu, etiam nobis conveniant, dum sensu nobis proprio excitantur.

§. 214.

*Voluntas ap-
probans quæ-
nam dicatur.*

Voluntas dicitur approbans, qua volens id, quod esse vel fieri cognoscit, esse vel fieri vult.

E. gr. Quand cælum serenum est eo tempore, quo serenum esse nobis conducit, voluntate approbante serenum esse volumus. Quando nobis quid donatur præter omnem expectationem, quod in pretio habemus; donationem voluntate approbante volumus, ut donetur. Nimirum si quis nos antea quævisset, num id nobis donari velimus; donationem fieri voluissimus. Quamobrem dam donatur, ut donetur nos velle ipsa acceptatione significamus, & quæsitum velimus, nos velle respondemus, acceptatione jam facta. Voluntas adeo approbans subsistit, quamdiu donum ab altero acceptum nobis gratum.

§. 215.

*Bonitas Dei
essentialis.*

Deus in se summe bonus est. Etenim Deus est ens absolute perfectissimum, quo perfectius concipi repugnat (§. 14.). Quoniam itaque quid bonum in se est, quatenus ipsi inest perfectio (§. 370. part. I. Theol. nat.); ens in se summe bonum erit, cui inest omnis perfectio in gradu absolute summo, seu quod absolute perfectissimum. Patet adeo Deum in se summe bonum esse.

Atque hæc est illa *bonitas essentialis*, ob quam Scholastici Deum essentialiter summe bonum dicunt, non confundenda cum bonitate erga alios, quæ est propensa voluntas in perfectionem alterius (§. 695. part. I. Theol. nat.). Et de eadem bonitate loquuntur iidem, quando ens omnibonum dicunt, & Diabolum ipsum essentialiter bonum appellant, quippe qui malus est, quatenus privatus bonitate accidentali, quæ perfectionem accidentalem constituit. Ceterum eodem sensu accipiendum in S. S. quando solus Deus dicitur esse bonus, quo hic summe bonum esse demonstravimus.

§. 216.

§. 216.

Bonitas essentialis, entium finitorum bonitati essentiali divina incomparabilis, atque hæc immensa est. Deus enim est absolute perfectissimus (§. 14.), ac ideo realitates omnes ipsi insunt prorsus illimitatæ (§. 16. 93.). Essentiales autem determinationes rerum ceterarum omnium sunt realitates limitatæ (§. 91. 94.). Patet itaque perfectionem Dei essentialem esse prorsus illimitatam; rerum vero ceterarum perfectionem essentialem nonnisi limitatam esse posse (§. 528. *Ontol.*). Quantitas adeo bonitatis essentialis divinæ infinita est (§. 796. *Ontol.*), quantitas vero bonitatis essentialis rerum ceterarum finita (§. 798. *Ontol.*). Quoniam itaque illa ad hæc rationem nullam assignabilem habet (§. 806. *Ontol.*); bonitas essentialis entium limitatorum, consequenter finitorum (§. 173. *part. I. Theol. nat.*), bonitati essentiali divinæ prorsus incomparabilis. *Quod erat unum.*

Et quia quantitas limitata seu finita non potest fieri illimitata seu infinita, quotiescunque sumatur (§. 175. *part. I. Theol. nat.*); bonitas essentialis rerum finitarum, quotiescunque sumatur, degenerare nequit in bonitatem essentialem divinam, adeoque divinæ heterogenea est (§. 364. *Ontol.*). Quoniam itaque rei nullius bonitas essentialis pro mensura bonitatis essentialis divinæ assumi potest (§. 441. *Ontol.*); bonitas essentialis divinæ mensuram omnem respuit, adeoque cum immensum sit, quod mensuram omnem respuit (§. 41. *part. I. Theol. nat.*), immensa est. *Quod erat alterum.*

Quæ ex systemate in demonstratione sumuntur principia vel definitiones nominales sunt, vel propositiones ontologicæ, quæ per modum lemmatum eidem inferuntur, ac independentem ab ejus principiis demonstrantur. Ceterum
(*Wolffii Theol. Nat. P. II.*) C c hinc

hinc intelligitur, cur in S. S. Deus solus dicatur bonus, quia scilicet bonitas essentialis divina bonitati essentiali rerum ceterarum omnium heterogenea, nec hæc cum ista comparari potest, adeoque ea bonitas, quæ Deo inest, enti alii inesse nequit.

§. 217.

*Quomodo
Deus velit
seipsum.*

Deus vult se esse in se summum bonum voluntate approbante. Deus in se summe bonus est (§. 215.). Quamobrem cum seipsum quam distinctissime cognoscat (§. 89.); se quoque in se summe bonum, adeoque omnium entium optimum esse cognoscit. Quoniam itaque voluntas ejus in optimum fertur (§. 185.); se esse summe bonum in se vult. Enimvero approbans voluntas est, qua volens id, quod esse cognoscit, esse vult (§. 214.). Deus igitur vult se esse summe bonum in se voluntate approbante.

Dici vulgo solet, quod Deus velit seipsum; sed non omnes capiunt, quid sit velle seipsum. Nostrium igitur esse duximus phrasin receptam ad notionem determinatam revocare, eamque naturæ voluntatis consentaneam esse demonstrare, ne quid de Deo dicatur, quod non satis intelligatur. Præterea notandum, propositionem præsentem non esse mere speculativam, sed in praxin quoque influere, cum & homo seipsum velle possit simili modo, immo velle debeat, quatenus se perfectam agnoscit.

§. 218.

*Gaudium
qualem ap-
petitum in-
volvat.*

Gaudium involvit appetitum approbantem. Etenim oritur, si bonum nobis præsens repræsentamus (§. 616. *Psych. empir.*). Cum vero idem in numero affectuum sit, affectus vero appetitus vehementior (§. 603. *Psych. emp.*); gaudium involvit appetitum ejus, quod nobis jam præsens est. Enimvero voluntas approbans est, adeoque & appetitus approbans (§. 830. *Psych. empir.*), quando esse vel fieri aut factum esse volumus, quod jam esse vel fieri aut factum esse

esse cognoscimus (§. 214.). Gaudium itaque appetitum approbantem involvit.

Qui gaudio super re aliqua efferuntur, appetitum approbativum satis produnt agentes, se hoc esse velle, propter quod gaudent.

§. 219.

Gaudium Deo tribuitur, quatenus ex bono præfente voluptatem percipit, & hæc cum voluntate approbante conjungitur, seu denotat voluptatem ex bono præfente perceptam cum voluntate approbante conjunctam. (Cum Deus omnia præfentia tanquam præfentia cognoscat (§. 157.) ; bonum quoque præfens tanquam præfens cognoscit. Et quoniam ex bono, quod cognoscitur, voluptas percipitur (§. 558. *Psych. empir.*) ; Deus quoque ex bono, quod tanquam præfens cognoscit, voluptatem percipere debet. Quia præfens esse ac bonum esse agnoscit, esse vult, voluntate nimirum approbante (§. 214.). Quamobrem cum gaudium & voluptatem ex bono præfente perceptam (§. 614. 616. *Psychol. empir.*), & appetitum approbantem involvat (§. 218.), appetitus vero sensitivus in Deum non cadat (§. 197.); gaudium Deo tribui nequit, nisi quatenus ex bono præfente voluptatem percipit, & idem voluntate approbante vult, consequenter ipsi tributum denotat voluptatem ex bono præfente perceptam cum voluntate approbante conjunctam.

E. gr. Deus dicitur gaudere in S. S. de homine resipiscen-
te seu ad meliorem frugem revertente. Ad meliorem frugem reverti bonum est. Unde Deus ex resipiscencia hominum voluptatem percipit (§. 558. *Psych. empir.*). Constat vero ex fieris & principiis quoque rationis, quæ in systemate stabilimus, cum de jure Dei in creaturas ageremus, Deum velle, ut homo malus resipiscat, consequenter id fieri

voluntati ejus conformiter. Voluptati adeo jungitur voluntas approbans (§. 214.). Gaudere adeo dicitur de homine ad meliorem frugem revertente, quatenus ex respicientia voluptatem percipit, & eam voluntate approbante vult. Patet itaque notionem gaudii divini esse Scripturæ Særæ consentaneam, quam cum ratione consentire evicimus. Notio gaudii cum resolvatur in notionem voluptatis ac voluntatis; distincta utriusque notio uberiorem lucem eidem affundit, ne quid tacite Deo tribuatur, quod defectum quandam involvit. Supponere nimirum debemus notions voluptatis & voluntatis ab omni defectu, qui utrique in nobis adhereret, liberatas, consequenter non subsistendum in iis, quas de anima nostra habemus. Atque hinc patet, quam necessarium sit Theologiam naturalem nostra philosophandi methodo in systema veri nominis compingi, ut de Deo recte cogitemus satisficientes canonis isti veterum: Quæ de Deo dicuntur *ἀνθεωτοραδῶς*, ea interpretanda esse *θεοπεραδῶς*. Huc imprimis facit, ut omnem differentiam inter Deum atque animam nostram intimius perspiciamus: id quod in præsentem nobis sumimus.

§. 220.

*Letitia Dei
de seipso.*

Deus summe gaudet aut, si maxis, letatur de seipso. Deus summe bonus in se est (§. 215.) & bonitatem hanc essentialem quam distinctissime cognoscit (§. 89.) Quamobrem cum ex bono, siquidem cognoscitur, percipiatur voluptas (§. 558. *Psychol. empir.*); Deus quoque ex bonitate sua essentiali, seu ex eo, quod summe bonus sit, voluptatem summam percipere debet. Vult vero etiam Deus se esse summe bonum in se voluntate approbante (§. 217.). Quamobrem dum bonitatem suam essentialem intuetur, voluptati summæ jungitur voluntas approbans. Quoniam itaque gaudium Deo tribuitur, quatenus voluptas ex bono præsentem percepta cum voluntate approbante conjungitur (§. 219.); quin Deus summe de seipso

ipso gaudeat , aut lateatur , dubitari haudquaquam potest.

Constat apud Romanos latitiam denotasse gaudium in excellentiore gradu : in philosophia tamen , cum gradus non variet-speciem , nomen rei ob eundem non mutatur. Gaudii adeo nomen a latitia distingui in eadem non est opus. Quodsi tamen quis in verbis fuerit scrupulosior , quod lingue puritatem commaculare religioni sibi ducat; is per nos dicit, Deum de seipso latari, non, gaudere. Nobis rerum, non verborum habenda ratio. Immeasus labor est vocabula Latina ex usu , quem faciunt probata Latinitatis auctores , ad notiones determinatas revocare , quemadmodum simile quid præstiterimus de nonnullis vocabulis Hebraicis atque Græcis in S. S. de Deo usurpatis in systemate : cui nobis non sufficit orium. Erit tempus , quo philosophiæ ac methodi peritus in hanc arenam descendere dabitur.

§. 221.

Noluntas dicitur *reprobans*, qua nolens id , quod esse vel fieri , aut factum esse cognoscit , esse, fieri aut factum esse non vult , seu idem averfatur. Facile patet, *aversationem* quoque in genere , & *sensitivam* in specie eodem sensu dici posse reprobantem.

E. gr. Ponamus Mævium in uxorem duxisse Sybillam. Quodsi hoc factum nolumus , vel averfamur ; noluntas seu averfusio dicitur reprobans , sive nos hoc nolumus ncluntate reprobante , aut averfamur averfatione reprobante.

§. 222.

Noluntas reprobans involvit voluntatem contrarii. Qui enim positive quid non vult voluntate reprobante , is esse aut fieri , vel factum esse non vult , quod esse , vel fieri , vel factum esse cognoscit (§. 221). Qui vero positive non vult , quid esse, aut fieri , vel factum esse, is aut velle debet,

quod ut ejus loco sit, fiat vel factum sit aliud, aut ut nihil potius fiat, vel factum sit, consequenter velle debet non esse, quod est, adeoque contrarium vult (§ 297. *Leg.*). Noluntas igitur reprobans involvit voluntatem contrarii.

E. gr. Si noluntate reprobante nolumus, Marium in uxorem duxisse Sybillam; aut volumus, id sem duxisse aliam, aut duxisse nullam, consequenter non duxisse Sybillam. Noluntas igitur reprobans involvit voluntatem contrarii. Nimirum qui dicit nolo hoc fieri, is etiam dicit, volo hec non fieri, sive velit ejus loco fieri aliud, sive non.

§. 223.

*Tristitia
qualem aver-
sationem in-
volvat.*

Tristitia involvit aversionem reprobantem. Oritur enim ex representatione mali præsentis (§. 621. *Psych. empir.*). Quamobrem cum avertemur, quod tanquam malum nobis representamus (§. 590. *Psych. empir.*), quin malum, ex quo tristitia oritur, avertemur, seu id præsens esse nolimus, dubitari nequit. Enimvero si malum, quod præsens est, avertemur, ita ut ipsum præsens esse nolimus; aversio reprobans est (§. 221.). Tristitia igitur involvit aversionem reprobantem.

E. gr. Si quis tristitia perfunditur de morte amici charissimi certior factus, eam aversione reprobante aversitur, quatenus non vult mortuum esse amicum. Hanc aversionem prodimus dicentes, nos nolle audire, quod amicus ille, qui charissimus fuerat, mortuus sit, vel ubi cadaver defuncti præsens fuerit, nos nolle ipsum videre. Nimirum si voluntate nostra standum foret, noluissemus mori amicum, dum moriebatur, & noluntas perdurat, etiam si factum infectum fieri non possit. In ideis res manifestior est, quam vocabulis non satis commodis exprimere difficile licet.

§. 224.

*Tristitia quo
sensu Deo tri-
bui possit.*

*Tristitia Deo tribui nequit, nisi quatenus absentia vo-
luptatis connotat noluntatem reprobantem mali præsentis cum
volun-*

voluntate contrarii. Tristitia enim tedium (§. 620. *Psychol. empir.*), & voluntatem reprobantem involvit (§. 223). Quamobrem cum tedium nullum in Deum cadere possit (§. 205.), nec ipsi tribui queat, nisi quatenus absentia voluptatis actum nolitionis connotat (§. 206.), mali scilicet præsentis, cuius repræsentatione in nobis tristitia oritur (§. 621. *Psych. empir.*); tristitia quoque eidem tribui nequit, nisi quatenus absentia voluptatis connotat actum nolitionis mali præsentis. Quoniam itaque voluntas reprobans est, quando malum præsens nolumus seu averfamur (§. 221.), & eadem voluntatem contrarii involvit (§. 222.); tristitia non potest tribui Deo nisi quatenus absentia voluptatis connotat voluntatem reprobantem mali præsentis cum voluntate contrarii.

E. gr. Deus in Sacris dicitur tristitia affici ob hominum peccata seu male facta, quæ tanquam præsentia cognoscit. Quodsi ergo eam ita explicare volueris, ne quid ipsi tribuatur, quod repugnat; dicendum est, Deum ex malefactis hominum nullam percipere voluptatem, neque adeo eadem ipsi placere (§. 542. *Psych. empir.*). Nolle eundem, quod ab hominibus perpetretur aut perpetratum fuerit malum, sed male, ut non faciant vel fecerint. Hæc omnia etiam insunt animæ, quando tristitia afficitur, nisi quod adfit molestus quidam sensus voluptatem omnem arcens aliunde orundam (§. 620. *Psych. empir.*), qui in Deo locum habere nequit.

§. 225.

Tristitia in Deo non arcet gaudium. Si nos tristes *Tristitia in* sumus, tanto tædio afficitur animus, ut voluptatem, si *Deo cur non* qua adfit, non appercepiamus aut, si qua adesset, non *arcet gau-* apperceperemus (§. 620. *Psychol. empir.*). consequenter *dium.* prorsus impossibile est, ut ea stante tanta sit voluptas, quæ tædii apperceptionem tollat, consequenter ut gaudii locus

locus sit (§. 615. *Psych. empir.*), atque adeo tristitia gaudium arcet. Enimvero quando Deo tristitia tribuitur, nullam saltem voluptatem percipit ex eo, ob quod contristari dicitur, & id esse vel factum esse non vult, sed vult potius esse vel factum esse contrarium (§. 224.). Id igitur minime obstat, quo ex bono præsentis simul voluptatem percipiat, & id esse vel fieri velit, voluntate scilicet approbante (§. 214.). Quamobrem cum gaudium Deo tributum non denotet nisi voluptatem ex bono præsentis perceptam cum voluntate approbante conjunctam (§. 219.); nil obstat, quo minus eidem & gaudium, & tristitia diverso respectu una tribui possit. Tristitia igitur in Deo gaudium minime arcet.

Patet adeo, gaudium & tristitiam ita a nobis explicari, ut immutabili Dei naturæ & summæ ejusdem perfectioni nil derogetur. Qui doctrinam de malo, quatenus Deum respicit, ex systemate profundius haustam perpendunt; veritatem quoque propositionis præsentis profundius inspiciunt. Sed nostrum jam non est ad tantas ambages descendere. Sufficit excitasse attentionem acutiorum, quorum meditationi relinquenda sunt, quæ limites nostros transcendunt.

§. 226.

*Felicitas
summa Deo
vindicta.*

Deo competit felicitas absolute summa. Felicitas est status, quo voluptas vera perdurat (§. 636. *Psych. empir.*). Summa igitur est, si voluptas fuerit summa, cumque status mutabilium determinatione constituatur (§. 705. *Ont.*), si eadem voluptas summa eaque vera, immutabilis & constans. Enimvero voluptas Dei absolute summa & immutabilis (§. 200.): vera (§. 201.) & constans cum in se spectata, tum respectu Dei est (§. 202.). Competit itaque ipsi felicitas absolute summa.

In

In nobis qui continuis mutationibus sumus obnoxii, felicitas statum respicit, qui per mutabilia determinatur. (§. 705. *Ontol.*). Ast cum Deus prorsus immutabilis sit (§. 17), nec ulla in ipso detur statuum successio (§. 48.), ipsa voluptatis constantia & immutabilitas supplet vicem statuum, seu omnes status eminenter continet (§. 845. *Ontol.*). Quod si adeo felicitatem liberes ab omni defectu inherente ei, quæ entibus finitis convenit, quemadmodum quoad Deum fieri necesse est (§. 37.); status degenerat in constantiam & immutabilitatem.

§. 227.

Quoniam felicitas Dei absolute summa est (§. 226.); *Independem* ei aliunde nil accedere valet, consequenter *ens nullum ad via felicitatis* felicitatem Dei conferre quicquam valet, consequenter ratio *tis divina* felicitatis extra Deum non continetur in ente alio (§. 56. *Ontol.*), atque adeo *ejus felicitas ab omni ente alio independens* (851. *Ontol.*).

Hæc divinæ felicitatis independentia probe noranda est, non modo ut præcaveatur erronea opinio, quasi Deus a nobis vel creaturis aliis felicior reddi possit, praxi officiorum erga Deum multum nocens; verum etiam ut differentiam felicitatis nostræ a divina intimius perspiciamus: id quod notasse in praxi denuo juvabit.

§. 229.

Deus felicitatem suam vult voluntate approbante. Et *Quomodo* enim Deo competit felicitas absolute summa (§. 226.), *Deus velit* cumque semetipsum distinctissime cognoscat (§. 89.), eam *felicitatem suam* dem quoque distinctissime cognoscit. Enimvero felicitas illa summa consistit in fruitione voluptatis summæ (§. 636. *Psycho. empir.*), quæ percipitur ex summa perfectione (§. 511. *Psycho. empir.* & §. 199. *part. II. Theol. nat.*), adeoque ex eo, quod in se summe bonus sit (§. 370. *part. I. Theol. nat.*). Quoniam itaque Deus se esse in se summum bonum vult voluntate approbante (§. 217.); se esse quoque
(*Wolffii Theol. Nat. P. II.*) D d feli-

felicissimum seu, quod perinde est, felicitatem suam vult voluntate approbante.

Nimiram Deus felicissimus est, quia summe bonus in se. Etenim quia summe bonus in se, summa gaudet perfectione (§. 370. *Part. I. Theol. nat.*), adeoque summam ex seipso percipit voluptatem (§. 516. *Psych. empir.*), cumque vera sit perfectio, eadem constans aut in se immutabilis est (§. 513. *Psych. empir.*). Quamobrem dum vult se esse summum bonum in se voluntate approbante (§. 217.); necesse utique est, ut eadem voluntate velit se esse felicissimum. Poterat etiam propositio præsens vi principii heuristici (§. 70.) ex appetitu felicitatis nobis inexistente deduci.

§. 229.

*Amor sui-
ipsum in Deo.*

Deus maxime amat seipsum, seu summo amore complectitur semetipsum; nec quicquam aliud tanto, quanto se, amore complecti potest. Etenim Deus semetipsum maxime placet, nec aliud quid placere magis potest (§. 203.). Quamobrem cum amor oriatur ex eo, quod quid in altero observamus, quod nobis placet (§. 649. *Psych. empir.*), consequenter major sit, quo magis nobis quid placet; & Deus seipsum amat; & amor suiipsum maximus seu summus est, nec datur aliud, quod tanto, quanto se amore complecti potest.

In definitione tam nominali (§. 633. *Psych. empir.*), quam reali (§. 649. *Psychol. empir.*), videmur supponere amorem semper tendere ad alium. Enimvero notandum est, quod dum nosmetipsos amamus, nos spectemus tanquam a nobis diversos: id quod levi attentione agnoscitur. Quamobrem definitionibus amoris non contrariatur, amorem etiam prædicari de seipso. Ceterum exemplo ipsius Dei docetur, amorem suiipsum non posse reprehendi, modo sit rectus, nec abusu vitia contrahantur. Etenim in nobis amor suiipsum plerumque defectu laborat, & ex accidente est, ut vel ex recto nascantur vitia. Suo loco ostendetur, quomodo præca-

præcaveatur, ne a rectitudine deficiat, nec extra limites evagetur, & qua cura rite ordinetur, ne vitiorum fomes sit. Nimis rigidi morum censores attentionem suam haud raro desiderari patiuntur, ut inter id, quod necessario & quod ex accidente saltem est, adeoque evitari potest, non distinguant. Quod in Deo censura vacat, id nec in nobis eandem incurrit, nisi quatenus accedit, quod, sicuti abesse debet, ita etiam potest.

§. 230.

Deus summe amabilis est, ita ut non detur aliud, quod Summa Dei æque amabile sit. Etenim non datur ens aliud, quod *amabilitas.* placere magis possit quam Deus (§. 204.). Quamobrem cum amor oriatur ex eo, quod quid in altero nobis placeat (§. 649. *Psych. empir.*); non datur ens aliud, quod magis amabile sit quam Deus, consequenter Deus summe amabilis.

Quod alia ab hominibus magis amentur, quam Deus, id non ex eo est, quod alia magis amabilia sint quam Deus, quam quod vel Deum non agnoscamus, ut magis placeat, quam cetera omnia, vel quod animum ab eo avertamus, dum eundem ad alia convertimus: sed de his plura dicemus suo loco, quando praxin officiorum erga Deum explicaturi de eodem supra omnia amando agemus. Dum amor Dei supra omnia præcipitur, nequaquam præcipitur, quod in se impossibile, vel quoad hominem impossibile sit. Etenim & Deus in se spectatus is est, qui magis quam cetera amari potest, nec per naturam hominis impossibile, ut Deum super omnia amet: sit ita quod praxis hujus officii longe difficillima, ut, si solas naturæ vires spectes, in plerisque hominibus pro moraliter impossibili habeatur.

§. 231.

Deo tribuenda bonitas in alia entia in gradu absolute Bonitas summo. Voluntas Dei fertur in optimum (§. 185.), *ma Deo tri-* frequenter velle is etiam debet, quod enti cuicunque *tribuenda.*

mun. Quamobrem cum ens aliquod in se bonum sit, quatenus iuam habet perfectionem tant essentiali, quam accidentalem (§. 370. *part. I. Theol. nat.*); Deus tantam uniuscuiusque entis perfectionem essentiali atque accidentalem vult, quanta in ipsum cadere potest. Voluntas igitur divina prona est, aut, si mavis, propendet ad entium aliorum perfectionem promovendam. Enimvero pronitas ad aliorum perfectionem promovendam bonitas est (§. 695. *part. I. Theol. nat.*), nec ea major concipi potest, quam ubi voluntas in tantam alterius perfectionem propendet, quanta in ipsum cadere potest. Deo igitur tribuenda est bonitas erga entia alia in gradu absolute summo.

Bonitas voluntatis quædam affectio est, atque adeo hic tantummodo de ipsa bonitate in se spectata nobis sermo est, quatenus tanquam voluntatis propensio quædam spectatur; non vero de ejusdem exercitio, quatenus considerantur effectus a propensione istius voluntatis pendent. Sane bonus in alios animus nobis tribuitur, etiamsi in potestate nostra positum non sit quidpiam ad perfectionem alterius conferre. Ubi enim de bonitate sermo est, non quaritur de eo, quod actu conferri potest ad alterius perfectionem, sed quod quis conferre velit, sive plurimum possit, sive nihil: sit ita quod ex effectu bonitatis ipsa colligatur ejus inexistetia, quemadmodum a nobis factum est in systemate (§. 698. 699. *part. I. Theol. nat.*).

§. 232.

*Amor entium
aliorum cur
Deo tribua-
tur.*

Deus entia cetera a se diversa amat. Etenim Deus summe bonus est erga entia cetera a se diversa (§. 231.). Enimvero qui bonus est in alia entia, eadem amat (§. 700. *part. I. Theol. nat.*). Ergo Deus entia cetera a se diversa amat.

A bonitate non posse separari amorem ostendimus in systemate independenti a principiis systematis: id quod demonstrationem perpendenti facile constabit. Neque enim in

in ea supponuntur nisi principia psychologica & studium conferendi bona aliis ei, qui bonus in alios, conveniens: sed hoc ipsum studium ex definitione boni in genere deduximus (§. 696. *part. I. Theol. nat.*). Principio igitur isto hic uti datur, etiamsi tractationem præsentem a systemate prorsus independentem esse velimus. Nec est quod sibi quis metuat, ne, dum alio prorsus modo in præsentem tractatione veritates a se invicem dependent, quam in systemate, ita ut principiorum & conclusionum loca haud raro permutantur, circulus vitiosus committatur. Equidem amor iste vel ex affectu illo deduci poterat, quem *ἔρως* Græci appellant; sed nisi in methodum peccare velis, & assensum vacillare nolis, id demum facere datur, ubi creatio fuerit demonstrata.

§. 233.

Quoniam Deus entia cetera a se diversa amat (§. 232.); *Dei amor erga homines.*
 quin etiam amet homines dubitari nequit. •

Etsi Deus facta hominum mala improbet, id tamen eorundem amoris minime obstat. Immo nec obstat, quod hominem puniat ob male facta. Idem sane & nobis incumbit, ut amemus homines etiam malos, etsi eorum scelera ac vitia odio prosequamur. Unde proverbium Germanorum: *Der Person Freund, der Sache Feind*, quo dicimur amare personam, sed odisse factum. Ac inde est, quod Deus etiam qua hominibus benefaciat iis, qui mali sunt, ita ut quoad bonos & malos nullum videatur discrimen. Sed de hac veritate magno momenti dicemus apertius, ubi officia erga inimicos sumus explicaturi. Proderit tunc nosse exemplum Dei, sive theoriam, sive praxin spectes.

§. 234.

Deus dispositus est ad voluptatem ex felicitate hominum *Voluptas Dei percipiendam.* Etenim Deus amat homines (§. 223.). Sed *ex felicitate hominum.* amor consistit in dispositione animi ad voluptatem ex alterius felicitate percipiendam (§. 633. *Psychol. empir.*). Deus

igitur dispositus est ad voluptatem ex felicitate hominum percipiendam.

Nimirum ea est Dei natura, ut ex felicitate hominum percipiat voluptatem. In ea nimirum continetur ratio sufficiens, cur voluptatem inde percipiat. Unde si homo fuerit felix, quin actu ex eo percipiat voluptatem, dubitari haudquaquam potest (§. 634. *Psych. empir.*).

§. 235.

Felicitas hominum obiectum voluntatis divine.

Deus felicitatem hominum vult. Deus enim homines amat (§. 233.). Quamobrem cum voluptatem alterius appetat, qui alterum amat (§. 650. *Psychol. empir.*); quin Deus velit voluptatem hominum extra omnem dubitationis aleam positum. Enimvero status, quo voluptas vera perdurat, felicitas est (§. 636. *Psychol. empir.*). Vult igitur Deus felicitatem hominum.

§. 236.

Infelicitas hominum obiectum voluntatis divine.

Deus infelicitatem hominum velle nequit. Etenim homines amat (§. 233.). Quamobrem cum tedium alterius aversetur, qui alterum amat (§. 651. *Psych. empir.*); quin Deus aversetur seu nolit infelicitatem hominum dubitatione omni caret. Est vero status, quo tedia perdurant, infelicitas (§. 637. *Psych. empir.*). Fieri adeo nequit, ut Deus infelicitatem hominum velit.

Quæ de homine demonstrata sunt, ad creaturas etiam quæcunque alias, quæ felicitatis ac infelicitatis sunt capaces, transferri posse, nemo non videt, quemadmodum quoque idem in systemate, sed alio modo ostendimus in ista amplitudine.

§. 237.

Infelicitas hominum cur Deo tribui nequeat.

Deo tribui nequit, quod homo sit infelix. Etenim Deus vult felicitatem hominum (§. 235.), fieri autem nequit, ut

ut velit eorum infelicitatem (§. 236.), Quamobrem per ea, quæ Deo insunt, non intelligitur, cur sint infelices, adeoque infelicitatis ratio sufficiens non in Deo, sed extra ipsum quaerenda (§. 56. *Ontol.*). Deus igitur dici nequit causa infelicitatis hominum (§. 881. *Ontol.*), consequenter ipsi tribui nequit, quod homo sit infelix.

Tribui nequit iudici pœnas justas decernenti & exequenti, quod maleficus sit infelix, sed infelicitatis suæ causa ipsemet agnoscendus. Absit itaque ut a pœnis, quibus Deus afficit malos, adversus ipsum concludatur.

§. 238.

Amor Deo qua affectus tribuitur, quatenus voluptas ex Amore quo felicitate entium a se diversorum percipienda connotat voluntatem hujus felicitatis. Etenim amor in nobis ducit dispositionem animi ad voluptatem percipiendam ex alterius felicitate (§. 633 *Psych. empir.*) & ejus, quem amamus, voluptatem appetimus (§. 650. *Psychol. empir.*). Quamobrem cum Deus dispositus sit ad voluptatem ex felicitate hominum percipiendam (§. 234.), & felicitatem eorundem velit (§. 235.), infelicitatem velle nequeat (§. 236.), idemque verum sit de ente quocunque alio felicitatis ac infelicitatis capace (*not.* §. 236.); amor Deo qua affectus tribuitur, quatenus voluptas ex felicitate entium a se diversorum percipienda connotat voluntatem hujus felicitatis.

In phisologia morali amorem tanquam officium distinguemus ab amore tanquam affectu spectato. Affectus degenerat in officium aut, si mavis, virtutem, si quod in appetitu sensitivo est, reducitur ad voluntatem, quo ipso prodit volitio felicitatis alterius, unde porro pendent actus felicitatem alterius promovendi, infelicitatem avertendi. Cum in Deo non sit appetitus sensitivus (§. 197.), nec id, quod affectui responderet, proprie loquendo in Deo datur, quemadmodum affectus omnis in sensu proprio ab eodem removendus, nec tribui potest, nisi quatenus distincta boni ac mali

malī representatio est ratio voluntatis ac nolitionis, qualis confusa in nobis excitat affectus (§. 213.) Unde conficitur, Deo proprie loquendo non convenire, nisi quod virtuti ab omni defectu purgatæ respondet. Enimvero cum voluptatem Deo tribui non repugnet (§. 200.), in affectu autem potissimum spectetur voluptas ex felicitate alterius percipienda, ac certum sit, vel ex demonstratione propositionis, qua Deo voluptatem in gradu absolute summo vindicavimus (§. cit.), quod etiam voluptatem ex perfectione rerum aliarum percipiat, non tantummodo ex propria; si amor Deo per modum affectus tribuendus, quatenus non involvit, quod Deum dedecet vel summæ ejus perfectioni repugnet, quin voluptatis quoque ex felicitate entium ejus capacium habenda sit ratio nemo in dubium revocaverit. Et quemadmodum in nobis virtus ab affectu non sejungitur, facultatibus animæ inferioribus cum superioribus concurrentibus; ita nec in Deo ab amore tanquam virtute spectato separari potest voluptas, quæ ipsum efficit affectui similem. Quo intimius natura animæ nostræ perspicitur; eo clarius innotesceat, quomodo de Deo humano more loquentes cogitare debeamus, quod ipsum deceat.

§. 239.

*Odiū quo
sensu Deo tri-
bui possit.*

Odiū Deo tribui nequit, nisi quatenus denotat nolentiam reprobantem ejus, quod sibi displicet in ente alio. Odiū in nobis est dispositio animæ ad voluptatem percipiendam ex alterius infelicitate (§. 661. *Psychol. empir.*). Deus dispositus ad voluptatem ex felicitate hominum percipiendam (§. 234.), immo entium quoque aliorum felicitatis capacium (not. §. 236.), consequenter fieri nequit, ut sit dispositus ad voluptatem percipiendam ex aliorum infelicitate (§. 28. *Ontol.*). Odiū igitur Deo prorsus repugnat, nec fingi potest quid analogum, quod eidem tribui possit. Enimvero oritur odiū ex eo, quod quid in altero observamus, quod nobis displicet (§. 677. *Ontol.*). Quam-

Quamobrem cum Deo displiceat id, quod non modo tale est, ut ex eo voluptatem percipere non possit, sed quod etiam actu positivo non vult, seu averfatur (§. 208.); nil obstat quo minus Deo tribuatur odium erga ens aliud, quatenus actu positivo non vult seu averfatur id, quod sibi in isto displicet. Quoniam itaque voluntas reprobans est, quia nolens id, quod est, esse non vult, seu averfatur (§. 221.); patet Deo non posse tribui odium, nisi quatenus denotat voluntatem reprobantem ejus, quod sibi displicet in ente alio.

Deo odium tribuitur in S. S. E. gr. David *Psal. V. 7.* Deum odisse dicit omnes, qui operantur iniquitatem. Actio- num humanarum iniquitas non modo ea est, ex qua Deus voluptatem percipere nequit; sed eam quoque actu positivo non vult, seu averfatur, adeoque ea ipsi displicet (§. 208.). Quoniam igitur ipsi tribuitur odium erga homines, quatenus non vult, homines operari iniquitatem, dum operantur; evidens est odium erga male facientes eidem non tribui nisi quatenus ipsi tribuenda voluntas reprobans ejus, quod in illis ipsi displicet (§. 221.). Atque adeo odium ibidem denotat voluntatem reprobantem ejus, quod displicet. Unde simul patet, cur Deus dicatur odisse omne malum morale, seu malas hominum actiones, ac clarissime perspicitur, odium non tendere in personam, sed in factum, consequenter amor personæ minime obstare: sit ita, quod hominem odisse dicatur, quatenus odium respicit id, quod eidem inest, consequenter dum homo spectatur tanquam subiectum mali moralis, præcis ceteris, quæ insunt. Absit, ut quis sibi persuadeat, vel aliis persuadere conetur, inanes fingi subtilitates quavis distinctione Scholastica subtiliores! Er- enim absque hisce subtilitatibus nec præcaveri potest, ut sine contraditione de Deo humano more loquamur, nec efficere licet, ut amor universalis erga homines nulla ex parte deficiat: id quod suo loco abunde constabit. Quamobrem si cui tantum non sit acumen, quantum subtilitatibus istis discernendis & earum utilitati pervidenda sufficit; is per nos

(*Wolffii Theol. Nat. P. II.*)

E c

con-

contemnat, immo etiam damnet, quæ non sunt ad ipsius parlatum, modo sibi temperet a malitis. Notet vero summæ Dei acumine nil esse indignum, quod non sine acumine distinguitur.

§. 240.

*Commiseratio
quo sensu
tribuitur
Deo.*

Commiseratio Deo tribuitur, quatenus infelicitatem aliorum non vult voluntate reprobante, vult autem felicitatem infelicitum, seu, denotat voluntatem reprobantem infelicitatis alienæ conjunctam cum voluntate felicitatis. Commiseratio enim tristitia est ex alterius infelicitate percepta (§. 687. Psych. empir.). Quamobrem cum tristitia Deo tribui nequeat, nisi quatenus absentia voluptatis connotat voluntatem reprobantem mali præsentis cum voluntate contrarii (§. 224.); si ipsi tribui debet tristitia, non alio sensu id fieri potest, quam quo denotatur voluntas reprobus infelicitatis alienæ conjuncta cum voluntate felicitatis. Quoniam Deus velle nequit, ut homo vel ens aliud felicitatis ac infelicitatis capax sit infelix (§. 236.), sed vult potius, ut sit felix (§. 335.); quin eidem hoc sensu recte tribuatur, in dubium revocari nequit.

Quandonam in casu particulari Deo tribuatur commiseratio, hic non definimus. Explicamus enim terminorum nonnisi significatum generalem, quem, qui animo probe comprehenderit, facile inde perspiciet, quomodo formanda sint judicia particularia, ne qua in iis, quæ Deo tribuuntur, oriatur contradictio. Notandum quoque est voluntatem consequentem, quam vocant Theologi, seu decretoriam, non esse confundendam cum antecedente, quæ spectatur sine relatione ad integram rerum decretarum seriem, quemadmodum ex iis abunde liquet, quæ in systemate de voluntate Dei, quatenus decretoria est, prolixè satis docuimus. Ceterum me tacente constare poterat, si Deo commiseratio tribuenda, non modo voluntatem reprobantem infelicitatis, verum etiam voluntatem felicitatis spectandam esse

esse (§. 349. Log.). Quamobrem si obster justitia, quatenus sapientia legem quasi præscribit bonitati, quo minus voluntati felicitatis efficaci locus sit; commiserationi quoque locus esse nequit, etsi salva sit voluntas reprobans infelicitatis. Talia tempestive moneri consultum ducimus, ut ampliore faciant notionum hic explicaturum usum Scripturæ præsertim sacræ interpretes, & quorum est de Deo loqui humano more ut intelligantur.

§. 241.

Quoniam qui alterum amat, ejusdem quoque com- *Commiseratio unde fit.*
miseratur (§. 688. *Psych. empir.*), Deus autem amat entia cetera a se diversa (§. 232.); Deo quoque *tribuenda commiseratio*, quatenus eos amat, qui sunt infelices.

Fons quasi commiserationis amor est: quamobrem cum ad distinctam veritatis notionem etiam requiratur rerum a se invicem dependentiam perspicere, ideo ad commiserationem quoque divinam plenius percipiendam animum advertere tenemur ad amorem, unde manat. Difficulus inprimis in doctrina affectuum Deo tribuendorum evitabitur contradictio, nisi probe perspicias, quomodo unum pendeat ab altero.

§. 242.

Invidia Deo prorsus repugnat. Invidia in nobis tristitia est ex alterius felicitate percepta (§. 705. *Psych. empir.*). *Invidia cur Deo prorsus repugnet.*
Quoniam tristitia Deo tribui nequit, nisi quatenus absentia voluptatis connotat voluntatem reprobantem mali presentis cum voluntate contrarii (§. 224.); si eidem invidia tribueretur, necesse esset, ut felicitatem entis alterius nollet voluntate reprobante, & ex adverso vellet ipsum esse infelicem. Enimvero Deus infelicitatem hominum aut entis cujuscunque alterius velle nequit (§. 236.), vult autem ex adverso felicitatem (§. 235.). Quamobrem invidia eidem prorsus repugnat.

Idem etiam per indirectum ostenditur ex definitione invidiæ reali hoc modo. Ponamus si fieri potest, Deo tribui posse invidiam. Quoniam invidia oritur, si alterum indignum judicamus bono, quo potitur, vel fruitur (§. 714. *Pssych. empir.*); Deus ens istud, cujus respectu ipsi invidia tribuitur, indignum judicare debet bono, quo fruitur, vel potitur, consequenter aliis bona, quantum datur, conferendi voluntas eidem non est. Quamobrem cum in alios bonus non sit, qui iisdem bona pro virili conferre minime studet (§. 696. 697. *part. I. Theol. nat.*); Deus non erit summe bonus in entia alia. Quod cum sit absurdum (§. 231.), Deo invidia prorsus repugnat.

Ex demonstratione posteriore liquet, invidiam repugnare summæ Dei bonitati erga entia alia, consequenter eidem tribui minime posse nisi in hanc injurius esse velis. Deus autor omnis boni est, nec quicquam creaturæ boni vel inest, vel obstringere potest, quod non ad eundem referre tenetur. Contrarias adeo in Deo admittet voluntates, qui eidem invidiam tribueret: id quod cum summa ejus perfectione pugnat.

§. 243.

*Irrisio quo
sensu Deo tri-
buitur.*

Irrisio Deo tribuitur, quatenus ex nexu mali moralis & physici voluptatem percipit & hæc ipsa mala physica voluntate approbante vult. Etenim in nobis irrissio gaudium est ex eo perceptum, quod opinione nostra alteri vitio verti potest, vel famam ejus quomodocunque lædit (§. 730. *Pssychol. empir.*), consequenter cum nemini vitio verti ex veritate possit nisi malum morale, quatenus malis actionibus famæ suæ obest. Quoniam ex malis moralibus physica necessario consequuntur (§. 723. *part. I. Theol. nat.*), nexus vero rerum a Deo est (§. 100.), quin Deus eadem esse velit voluntate approbante dubitari nequit (§. 214.).

Et

Et quoniam mala physica fiunt secundum naturæ ordinem (§. 559. *part. I. Theol. nat.*), ordo autem placet, quod nemo non in seipso experitur, adeoque voluptas ex eodem percipitur (§. 542. *Psychol. empir.*); quin Deus ex modo, quo mala physica ex moralibus consequuntur, adeoque ex nexu eorundem cum moralibus voluptatem percipiat, non minus dubitatione omni exemptum est. Patet itaque tribui Deo posse irrisiōnem, quatenus ex nexu mali moralis & physici voluptatem percipit & hæc ipsa mala physica voluntate approbante vult.

Nimirum hoc ipso stultitiæ ac imprudentiæ redarguuntur homines, quod per mala moralia in physica sese præcipites dent, quæ prævidere facile poterant. Non est quod excipias, Deum non posse velle malum (§. 196.), adeoque irrisiōnem non posse denotare voluntatem approbantem mali physici. Etenim mala physica in relatione ad mundum integrum non sunt mala (§. 563. *part. I. Theol. nat.*). Quamobrem cum Deus non velit nisi quod sit optimum (§. 185.), quid vero sit in se optimum, iudicet in relatione ad totum universum (§. 393. *part. I. Theol. nat.*), nec mala physica vult nisi in relatione ad totum universum. Et licet mala physica censeantur talia respectu atque in relatione partium, immo particularum universi ad se invicem (§. 565. *part. I. Theol. nat.*), veluti hominum, quibus obtingunt: Deus tamen voluntate sua approbante dum eadem vult, ob convenientiam nexus metaphysici atque moralis eadem velle dicendus est, adeoque non quatenus mala sunt, sed quatenus bona. Nimirum & pœnæ bonæ sunt in relatione ad civitatem, ejus tranquillitati prospicitur, etsi malæ sint iis, qui iisdem afficiuntur. Unde iudex pœnas vult, non quatenus sunt mala physica, sed quatenus censentur bonæ intuitu civitatis. Acumine & attentione opus est in iis, quæ voluntatem tangunt, siquidem omnia bene concipere, nec a veri tramite aberrare volueris. Ceterum in S. S. Deus dicitur irridere improbos: disertam autem Scriptura mentionem fa-

cit malorum physicorum, in quæ sese præcipientes dant, & ob hæc irrisiorem fieri docet. Nec obstat commiserationi irrisiorem, qualis Deo tribuitur, facile vident scutiores. Sane & nos citra vitium commiserantes eorum, qui poenâ atrocibus afficiuntur, approbamus tamen easdem, quatenus in eos decretæ, qui eas promeriti sunt.

§. 244.

*Qualis sit
summa actio-
num rectitu-
do.*

Rectitudo actionum summa est, si nullus prorsus in voluntate ac voluntate, atque in intellectu notatur defectus. Actio enim recta est, quæ rationem sufficientem in essentia & attributis agentis habet (§. 950. *part. I. Theol. nat.*). Actiones internæ sunt volitiones ac nolitiones (§. 567. *part. I. Theol. nat.*) & volitionum ac nolitionum ratio sufficientis sunt motiva (§. 887. *Psychol. empir.*), adeoque representationes boni ac mali distinctæ (§. 890. *Psychol. empir.*). Quamobrem recta est actio, si motiva seu boni ac mali representationes rite sese habeant, consequenter, cum voluntas perfectissima feratur in optimum (§. 650. *Psychol. rat.*), adeoque aversetur omne malum, si, quod agens vult, fuerit revera optimum, & quod non vult, fuerit revera malum, adeoque iudicium de eo, quod optimum est in casu dato, vel quod malum est, fuerit certum. Iudicium adeo cum rectum sit, nullus in intellectu notatur defectus, quando actio recta est, & quis voluntas & noluntas sequitur iudicium rectum, ejus autem rectitudo pendet a rectitudine iudicii (§. 887. *Psychol. empir.* & §. 851. *Ontol.*), nec in voluntate ac noluntate defectus aliquis notatur.

Propositio præsens maximi momenti est. Est enim principium mire fecundum in philosophia practica, sive theoriam, sive praxin spectes. Immo ex eodem perspicitur, cur summa rectitudo non exeat in hominem, & exinde manat omnis actionum defectus; sive dolo tribuatur, sive culpæ. Clario-

Clariora hæc fient suo loco; ubi theoriam rectitudinis actionum ex instituto sumus tradituri.

§. 245.

Rectitudo actionum divinarum summa est. Etenim Dei, *Rectitudo actionum divinarum.* cui competit secunda mentis operatio in gradu absolute summo (§. 131.), judicis erroris omnis expertia (§. 136.), ipsique Deo certa sunt (§. 133.). Quod igitur Deus optimum judicat; vel malum; id non modo optimum est, vel malum (§. 624. 506. Log.), sed novit etiam Deus, judicium suum esse verum (§. 564. Log.), seu esse optimum, vel malum, quod optimum, vel malum judicat. Quoniam itaque voluntas Dei semper fertur in optimum (§. 185.), nec fieri potest, ut quidpiam velit Deus, quod malum est (§. 187.); voluntas quoque atque noluntas ejus semper sequitur judicium certum. Quamobrem nec quoad intellectum, nec quoad voluntatem ac noluntatem in actionibus divinis ullus notatur defectus. Enimvero summa actionum rectitudo est, si nullus prorsus in voluntate & noluntate atque intellectu notatur defectus (§. 244.). Actionum adeo divinarum rectitudo summa est.

Quoniam volitiones ac nolitiones ab intellectu pendent, nullus videtur esse defectus in voluntate & noluntate, qui non sit ab intellectu, consequenter superfluum videtur defectuum in voluntate ac noluntate sigillatim fieri mentionem. Enimvero constat in nobis appetitum sensitivum sæpius repugnare rationali eumque vincere, ita ut bonum verum distincte agnitum nolimus, eique apparens præferamus, veluti si bonum jucundum ac vile præferatur honesto. Atque in eo casu defectus non modo in intellectu, verum etiam in appetitu residet, prouti suo loco clarius docebitur. Unde etiam JCr defectum actionum dividunt in dolum atque in culpam, prouti vel scilicet appetitivam simul, vel cognoscitivam solam respicit. Deus cum careat appetitu sensitivo

sitivo (§. 197.), voluntati ejus repugnat omnis defectus, qui in nobis ab appetitu sensitivo provenit. Et quia intellectus ejus perfectissimus (§. 116.), eidem quoque repugnat defectus omnis, qui a facultate cognoscitiva in nobis proficiscitur. Unde quoque rectitudo actionum divinarum deduci poterat liberando nostras ab omni defectu, qui eidem adhereret, vi principii heuristici (§. 37.). Velim hæc probe perpendant, quorum est dijudicare quod rectum est: etsi enim nomen recti sit satis pervulgatum, distincta tamen ejus notio inter paucos distributa viderur. Ac inde est, quod in omni Jure doctrina de culpa admodum intricata & obscura habeatur, etsi indispensabilis prorsus reperitur utilitas.

§. 246.

Universalitas rectitudinis actionum divinarum.

Actiones Dei omnes rectæ sunt. Etenim Deo competit summa actionum rectitudo (§. 245.), consequenter fieri haud quaquam potest, ut ulla ejus actio sive quoad intellectum, sive quoad voluntatem ac noluntatem ulla ex parte deficiat (§. 244.), consequenter necesse est actiones omnes esse rectas.

§. 247.

Summa Dei sanctitas.

Deus est sanctissimus. Etenim actiones Dei omnes rectæ sunt (§. 246.). Quamobrem cum sanctus sit, qui semper vult facitque, quod rectum est (§. 1064. part. I. Theol. nat.) ; major sanctitas concipi nequit, quam si actiones omnes fuerint rectæ. Deus igitur sanctissimus est.

Quia sanctitas omnem excludit quoad rectitudinem defectum, in philosophia practica facile ostendetur, homini non convenire sanctitatem, etsi ad eam contendere debeat. Unde porro conficitur, vires naturales ad eandem minime sufficere. Hinc in Theologia revelata evincitur, homines demum sanctos effici applicatione meriti Christi, qua tollitur omnis actionum nostrarum defectus: unde & sanctificatio tribuitur Spiritui S. Sed nostrum non est ea docere disertius,

ne

ne rebus alienis nos immisceamus. Sufficit observasse, principia nostra philosophica favere religioni Christianæ, & indiguisse, quomodo iisdem ad ea confirmanda & veritatem revelatam defendendam sit utendum, ut viri Theologi percipiant utilitatem philosophiæ nostræ, ejusque in incrementum rei Christianæ faciant usum.

§. 248.

Acquiescentia in seipso Deo tributa denotat voluptatem ex sanctitate perceptam conjunctam cum voluntate approbantem sanctitatis. Acquiescentia in seipso, quæ nobis convenit, est gaudium ob bonum, quod patravimus (§. 749. *Psychol. empir.*). Dei actiones omnes rectæ sunt (§. 246.), & rectitudo illa summa est (§. 245.). Quamobrem cum Deus gaudeat de seipso (§. 220.); acquiescentia in seipso ei tribui potest, quatenus denotat gaudium de omnimoda actionum rectitudine, seu, quod novit se non velle, nec facere nisi quod rectum est. Enirvero constans illa & perpetua voluntas Dei non faciendi, nisi quod rectum est, sanctitas divina est (§. 1063. *part. I. Theol. nat.*). Acquiescentia igitur in seipso, quæ Deo tribuitur, est gaudium de sanctitate sua. Enimvero gaudium Deo tributum denotat voluptatem ex bono præsentem perceptam cum voluntate approbante ejusdem conjunctam (§. 219.). Quamobrem acquiescentia in seipso, quæ Deo tribuitur, denotat voluptatem ex sanctitate perceptam & voluntatem approbantem ejusdem sanctitatis.

Acquiescentiam in seipso esse affectum jucundissimum, alias ostendimus (§. 753. *Psychol. empir.*), cumque non sit, nisi gaudium de rectitudine actionum (§. 749. 751. *Psych. empir.*), haud postremam felicitatis nostræ partem constituit (§. 636. *Psych. empir.*), siquidem judicium de actionum nostrarum rectitudine si veritati consentaneum (§. 514. *Psychol. empir.*). Rectitudo actionum non modo loquitur facultatum

(*Wolfs Theol. Nat. P. II.*)

F f

anime

animæ perfectionem (§. 244.), cujus intuitu ponitur voluntas (§. 511. *Psych. empir.*); verum etiam cum actiones libere sint, habitus recte faciendi perfectionem loquitur a nobis pendentem. Atque ex eo potissimum nascitur illa suavitas, quæ acquiescentiæ in se ipso propria est, & gaudium de actionum propriarum rectitudine ab omni reliquo distinguit. Quomodo autem præcaveri debeat, ne sit fomes vitiorum, ut ex felicitate nascatur infelicitas, quemadmodum haud raro in homine accidit; id docere non est hujus loci, sed loco tradetur suo.

§. 249.

*Pœnitentia
quo sensu Deo
tribuitur.*

Deo tribuitur pœnitentia, quatenus ex malo morali actionibus hominum, vel entis alterius, inherente nullam percipit voluptatem, idemque non vult noluntate reprobante, vult autem actiones esse bonas. Etenim pœnitentia in nobis tristitia est ex eo orta, quod a nobis male, vel minus recte factum existimamus (§. 755. *Psych. empir.*). Quoniam actiones Dei omnes rectæ sunt (§. 246.) & ejus de ipsis judicia ab errore omni exempta (§. 136.) eidemque certa sunt (§. 133.); fieri haud quaquam potest, ut quid minus recte a se factum existimet, consequenter nec pœnitentiæ in eodem locus est. Quoniam tamen ipsi tristitia tribuitur, quatenus absentia voluptatis connotat noluntatem reprobantem mali præsentis cum voluntate contrarii (§. 224.); quin pœnitentia eidem tribui queat, quatenus ex malo morali actionibus hominum, vel entis alterius, inherente nullum percipit voluptatem, sed idem non vult noluntate reprobante, vult autem actiones hominum esse bonas, dubitari nequit.

Hoc sensu Deo tribuitur in Sacris pœnitentia. Dicitur enim cum pœnituisse, quod fecerit homines, cum eos in quavis scelera ac flagitia ruere videret. Vult Deus homines esse sanctos, quia ipse sanctus est, consequenter actiones eorundem

rundem esse rectas (§. 1063. part. I. Theol. nat.), adeoque nullo malo infectas. Quamobrem ex malis eorum actionibus voluptatem percipere nequit, sed malum, quod ipsis inhaeret, potius non vult, noluntate scilicet reprobante (§. 221.). Pœnitentiæ adeo notio convenit cum ceteris S. S. principiis. Quamobrem cum Scriptura sacra per Scripturam sit explicanda, hoc est, ita ut veritates in eadem inter se consentiant; quin pœnitentia eo, quem diximus, modo explicanda veniat omni dubitatione caret.

§. 250.

Quoniam in Deum nulla cadit molestia, sive tædium *Qualis sit pœnitentia Deo tributa.* nullum (§. 205.), & pœnitentia nonnisi absentiam voluntatis quoad malum morale denotat (§. 249.); *pœnitentia Deo tributa libera est ab omni molestia, que huic affectui in nobis adheret* (758.) *Psychol. empir.*).

Pœnitentia quoad nos affectus omnium molestissimus (§. 758. *Psychol. empir.*), ita ut non detur alius, qui animum hominis magis perturbare & sublata tranquillitate inquitum reddere possit (§. 762. *Psychol. empir.*). Absit itaque, ut quis sibi imagineatur, quasi eadem inquietudo cadat in Deum, cui competit felicitas absolute summa (§. 226.), independenter ab omni ente alio (§. 227.)! Quem pœnitet, is factum infectum reddi mallet (§. 761. *Psychol. empir.*): quod cum fieri non posse agnoscit, inquietudo animi oritur, quemadmodum alias ostendimus (§. 762. *Psych. empir.*). Dei actiones omnes cum summa emineant rectitudine (§. 245.), in rectitudine autem summa nullus prorsus notetur in voluntate & noluntate atque intellectu defectus (§. 244.); ea, quæ fecit, facta approbat, nec unquam infecta reddi vult. Cessat igitur inquietudinis ratio efficiens, adeoque in eodem nullus huic locus est (§. 118. *Ontol.*). Ad differentiam inter Deum atque animam nostram intimius perspicendam opus est, ut inquiramus in rationem, cur quid in anima ponatur: hæc enim ubi defectum involvit, in Deo locum non habet (§. 37.), consequenter & ab eodem removendum, quod per eam fieri debere intelligitur.

§. 251.

*Gloria quo
sensu Deo tri-
buatur.*

Gloria Deo tribuitur, quatenus voluptatem percipit ex eo, quod novit vero judicio entium intelligentium sibi non posse tribui nisi perfectionem & sanctitatem absolute summam, & judicium hoc voluntate approbante vult. In nobis gloria gaudium est, quod percipitur ex aliorum de nobis nostrisque benigno judicio, quo scilicet, quæ fecimus, bene ac recte a nobis facta, & quæ nobis sunt, bona esse affirmatur (§. 765. *Psychol. empir.*). Deo competit summa perfectio (§. 14.) & quoad actiones sanctitas summa (§. 247.). Quamobrem si ens intelligens verum de eo fert judicium, summam eidem quoad realitates inexistentes perfectionem & quoad actiones sanctitatem summam tribuit. Quoniam itaque gaudium Deo tribuitur, quatenus ex bono præsentate voluptatem percipit, judicium vero verum de summa Dei perfectione & sanctitate perfectionem intellectus judicantis loquitur, quemadmodum nemo non largitur; adeoque Deus omnem perfectionem possibilem continuo intuens (§. 199.), ex isto judicio, etiam quatenus possibile spectatur, voluptatem percipit (§. 511. *Psychol. empir.*); gloria eidem tribui potest, quatenus voluptatem percipit ex eo, quod novit vero judicio entium intelligentium sibi non posse tribui nisi perfectionem & sanctitatem absolute summam. Et quia porro gaudium Deo tributum connotat voluntatem approbantem boni præsentis (§. 219.), Deus vero aliter velle nequit, nisi ut ens intelligens verum de summa ejus perfectione & sanctitate judicium ferat, quod per se patet; quin voluntate approbante judicium istud vellet dubitari nequit (§. 214.). Quare gloria Deo tributa involvit quoque voluntatem approbantem judicii entium intelligentium, quod ipsi conveniat summa perfectio & quoad actiones sanctitas summa.

Deus

Deus non modo semetipsum cognoscit, quam distinctissime (§. 89.), sed necessario quoque omnia, quæ præter ipsum possibilia (§. 103.), quatenus seipsum cognoscit (§. 102.), & novit quid sub data conditione futurum esset (§. 155.). Quamobrem cum ipsemet sit ens perfectissimum (§. 14.) & actiones ipsius omnes rectæ sint (§. 246.); novit utique, si præter ipsum daretur adhuc aliud ens intellectus perfectissimi, ejus judicio summam sibi perfectionem & summam actionum rectitudinem, adeoque sanctitatem summam tributum iri (§. 247.), immo nec aliter ens ullum finitum judicare possit, siquidem judicium verum sit. Ex notione itaque gloriæ intelligitur, quatenus eam ab omni imperfectione liberatam Deo tribuimus (§. 70. 37.), Deum ita agere, ut nec quoad intellectum, nec quoad voluntatem judicio entis intellectus prorsus illimitati seu perfectissimi aliquis notari possit defectus, consequenter ut quod fecit, probetur ipso judicio Dei: cui simile quid est in artifice, quem gloria impellit ad faciendum opus a se approbandum, si vel maxime non intelligerent defectus ceteri, ubi quos admitteret. Gloriæ adeo Deo tribuendæ notionem animo distincte comprehensam non tenent, quotquot mundi optimi electionem reprobant.

§. 252.

Pudor Deo prorsus repugnat, nec ullo modo tribui potest. Etenim pudor in nobis oritur, si mala, quæ fecimus, vel nobis sunt, aliis innotescere, ac ab iis agnoscì nobis representamus, vel ex opinione censuræ aliorum, quam ob malum a nobis perpetratum, vel quod nobis est, incurremus (§. 773. *Psychol. empir.*). Deus est ens perfectissimum (§. 14.), adeoque nihil prorsus mali ibi est (§. 371. *part. I. Theol. nat.*). Omnes præterea actiones ejus rectæ sunt (§. 246.); & quidem in gradu absolute summo (§. 245.), consequenter nullus in iisdem, sive voluntatem & noluntatem, sive intellectum spectes (§. 244.), notatur defectus.

defectus. Cumque ejus felicitas ab omni ente alio sit in-
dependens (§. 227.), ipseque prorsus impassibilis sit (§. 75.),
consequenter quia passio rationem extra subjectum in ente
alio agnoscit (§. 714. *Ontol.*), nihil in Deo inesse possit,
cujus ratio detur extra ipsum in ente quodam alio ab ipso
diverso; ex iniquis aliorum de Deo judiciis nullum eidem
emergere potest malum, quemadmodum nobis accidit.
Impossibile adeo est, ut ratio pudoris in Deo ponatur.
Quamobrem nec fieri potest, ut eidem ullo modo pudor
tribuatur (§. 118. *Ontol.*), sed idem potius eidem prorsus
repugnat (§. 79. *Ontol.*).

Pudor, qua effectus, tristitiæ quædam species est (§. 774.
Psychol. empir.). Quamobrem cum tristitiam Deo tribui
non prorsus repugnet (§. 224.); nec repugnare videbitur
pudor, sed aliquis potius sensus concipi posse censetur, quo
Deo tribuatur. Enimvero si quis demonstrationem propo-
sitionis præsentis rite perpendit, dubium hoc protinus eva-
nescit. Etenim ratio pudoris sufficiens Deo prorsus repu-
pugnat, quemadmodum ex eadem intelligitur. Quamobrem
cum affectus eidem tribui nequeant, nisi quatenus distincta
boni ac mali repræsentatio est ratio volitionis ac nolitionis,
qualis confusa in nobis excitat affectus (§. 213.); facile in-
telligitur, Deo nec per eminentiam affectum tribui posse, ubi
mali repræsentatio, quemadmodum in casu præsentem obtinet,
nulla in eodem dari potest.

§. 253.

*Gratitudo
cur Deo re-
pugnet.*

Gratitudo Deo nullo modo tribui potest. Etenim hic
affectus amor benefactoris ob beneficia (§. 784. *Psychol.*
empir.). Enimvero ens nullum ad felicitatem Dei con-
ferre quicquam valet (§. 227.), adeoque ipse benefacto-
rem nullum agnoscit, sibi metipso sufficientissimus (§. 76.).
Quamobrem impossibile est, ut in Deo concipiatur amor bene-

benefactoris, consequenter gratitudo nullo modo ipsi tribui potest.

Cum Deus sit summe bonus erga entia alia (§. 231.), benefactor summus ipse est, sed benefactorem non habet, nec habet eodem opus. Ipsi igitur debetur gratitudo, sed gratitudinem ipse nemini debet. Quamobrem nec ullibi S. S. Deo licet tribuens affectus, gratitudinem tribuit, quin potius eam ab eodem removet, veluti cum Paulus *Rom XI. 14.* Quis, inquit, prior dedit Deo, & retribuetur ei? Unde patet, eum nullibi de Deo loqui humano more, nisi ubi verba admittunt sensum Deo minime repugnantem: id quod notasse non exigui momenti est.

§. 254.

Favor Deo tribuitur quatenus placet recte agendi studio, & quatenus recte agentium felicitatem magis curae habet, quam aliorum. Favor enim in nobis amor est altior, quod ob bonum, quod ipsi tanquam singulare consideramus, inprimis ob mores ac habitus animæ nobis acceptos (§. 791. *Pfych. empir.*). Quoniam Deus ex sanctitate sua, adeoque ex actionum propriarum rectitudine (§. 1063. *part. I. Theol. nat.*), voluptatem percipit (§. 248.); quin ex studio recte agendi percipiat voluptatem dubitari nequit. Enimvero placet id, ex quo voluptas percipitur (§. 542. *Pfych. empir.*). Deo igitur placet recte agendi studium. Quoniam itaque amor ex eo oritur, quod quid in altero observemus, quod nobis placet (§. 649. *Pfych. empir.*), Deo autem amor hominum aliorumque entium intelligentium tribui potest (§. 232. 233.); quin etiam amet recte agentes ob recte agendi studium extra omnem dubitationis aleam positum est. Enimvero amor qua effectus Deo tribuitur, quatenus voluptatem ex felicitate entium aliorum percipit hancque ipsam vult (§. 238.). Quamobrem ipsi tribui potest

potest amor, favor, quatenus placet recte agendi studium & ob hoc ipsum recte agentium felicitatem magis curare habet, quam aliorum.

Facile probari poterat, quæ hic de favore Deo tribuendo dicuntur, etiam quoad principia demonstrandi conformia esse S. S. Etenim in ea docemur, Deum singularem quandam curam habere hominum recte agentium, quæ providentiæ specialis nomine venit. Unde etsi promiscue benefaciat omnibus hominibus, quatenus providentia providet omnibus generali, recte tamen agentes ceteris præfert, quemadmodum nos eum aliis, quos amamus, in promovenda felicitate præferimus, cui favemus (§. 793. *Psycheol. empir.*). Et recte id fieri ostendemus suo loco in philosophia practica, quando rectus fuerit favor. Etsi enim vulgo improbetur, quod favori dentur omnia; id tamen non nisi inde est, quod favor minus recte sese habet. Aliter vero sese res habet quoad Deum, cui summa tribuenda actionum reſtitutio (§. 245.), ab omni defectu qua intellectum, qua voluntatem ac noluntatem libera (§. 244.). Notio favoris divini plurimum influit in praxin, præsertim Christianorum qua talium.

§. 255.

Spes quo sensu Deo tribuatur.

Spes Deo tribui nequit, nisi quatenus bonum, quod futurum novit, vult. Enim in nobis spes oritur, si bonum nobis representamus tanquam obtentu possibile (§. 799. *Psyche. empir.*) & consistit in voluptate ex bono obtinendo, consequenter quod habere volumus, percepta (§. 796 *Psycheol. empir.*). Quoniam itaque affectus Deo tribui nequit, nisi quatenus distincta boni representatio est ratio volitionis, qualis in nobis affectum excitat (§. 213.), Deus autem futura omnia præscit (§. 156.); spes ei alio sensu tribui nequit, nisi quatenus bonum, quod futurum novit, vult.

Hinc

Hinc Deus sperare dicitur resipiscentiam hominum male agentium, quando novit eos ad meliorem frugem reversuros atque hoc fieri vult. Unde patet, spem divinam minime fallacem esse, qualis sæpe est spes hominum tanquam obtentu possibile existimantium, quod non est.

§. 256.

Deus dici nequit ea sperare, quæ nunquam eventura sunt. Quenam a
 Quod nos dum speramus, nobis tanquam obtentu possibili spe Deo tribuenda remanere debent.
 le repræsentamus (§. 799. *Psychol. empir.*), id in spe Deo tribuenda spectatur tanquam futurum (§. 255.). Quamobrem cum ea non speremus, quæ impossibilia obtentu a nobis spectantur (§. 798. *Psychol. empir.*); nec Deus dici potest sperare, quæ nunquam eventura sunt.

Quodsi Deo tribueremus spem eorum, quæ nunquam eventura sunt, etsi humano more de ipso loquentes, eidem tribueremus judicium incertum de eo, quod futurum = id, quod repugnat certitudini universali judiciorum divinorum (§. 133.) & pugnat cum principio heuristico, quod Deo tribuenda non sint, quæ ullo modo defectum aliquem involvunt (§. 37.).

§. 257.

Metus Deo nullo prorsus modo tribui potest. Etenim Metus cur
 metus in nobis oritur, si quod malum nobis repræsentamus tanquam eventu possibile (§. 822. *Psychol. empir.*), de tribui pos-
 Malum in relatione ad nos spectatum cum ad imperfectio-
 nem nostram quid conferat (§. 731. *part. I. Theol. nat.*),
 Deus autem ens absolute perfectissimus (§. 14.), quoad summam perfectionem suam prorsus immutabilis sit (§. 9.); impossibile est ut mali quicquam ipsi eveniat. Metus igitur eidem nullo modo tribui potest.

Non urgemus, metum esse ex opinione mali adventuri (§. 820. *Psychol. empir.*), adeoque defectum quandam cognitionis
Wolfs Theol. Nat. P. II. G g

tionis futuri involvere (§. 602. *Log.*), consequenter nec hoc nomine tribui Deo posse (§. 37.).

§. 258.

*Timor cur
Deo nullo mo-
do tribui pos-
sit.*

Timor Deo nullo modo tribui potest. Timor in nobis oritur, si malum aliquod nobis tanquam appropinquans repræsentamus (§. 823. *Psychol. empir.*). Unde porro eodem, quo ante (§. 257.), modo ostenditur, timorem Deo nullo modo tribui posse.

Timor merus quædam species est (§. 820. *Psychol. empir.*). Quamobrem cum merus Deo nullo modo tribui possit (§. 257.); nec timor eidem tribui potest.

§. 259.

*Desperatio
cur Deo prorsus
repugnet.*

Desperatio Deo nullo modo tribui potest. In nobis desperatio oritur, si nobis malum repræsentamus tanquam inevitabile, inprimis ubi simul idem nobis repræsentamus tanquam intolerabile (§. 825. *Psychol. empir.*). Unde porro eodem prorsus, quo ante (§. 257.), modo ostenditur, desperationem Deo nullo modo tribui posse.

Equidem inutile videbatur a Deo remove, quæ eidem non facile quisquam tribuerit, propterea quod eidem repugnare levi ad notiones confusas attentioneprehenduntur. Enimvero non solum præsens instituti ratio postulat, ne omitantur, quæ intellectu facilia sunt, modo sint vera; verum etiam ratio, cur ea Deo repugnent, distincte exponenda, ut, quorum est de Deo loqui humano more, linguam temperare norint, ne recte de Deo sentientes aliis insilliant, quæ defectum quandam involvunt, & cum perfectione ejus summa pugnant. Facillimum enim est, ut, cum de Deo humano more loquimur, dictio aliquid vitii contrahat, & ad auctoritatem S. S. confirmandam & aliis persuadendam facit, si ostendi possit S. S. de Deo humano more loquentem uti distictione, quæ nihil prorsus vitii habet, si vel summo rigore examinetur (§. 456. *part. I. Theol. nat.*).

§. 260.

§. 260.

Terror Deo prorsus repugnat, seu nullo modo tribui potest. Terror in nobis oritur ex adventu mali improvise (*§. 827. Psychol. empir.*). Quamobrem cum eodem modo, quo ante (*§. 257.*), pateat, in Deum non cadere posse malum ullum, adeoque multo minus evenire ex improvise, adventu improvise præscientiæ futurorum repugnante (*§. 156.*); terror Deo prorsus repugnat, neque ullo modo eidem tribui potest. *Terror cur Deo tribui nequeat.*

Terror in nobis major est, si præter spem omnem ac opinionem malum ingruat (*§. 829. Psychol. empir.*). Unde de novo pater, pugnare errorem cum omniscientia Dei, ac in primis cum præscientia, quæ ejus aliqua pars est.

§. 261.

Deo nihil dici potest bonum, nisi quod facit ad perfectionem gloriæ ipsius. Bonum quoad ens aliquod est, quod in perfectionem ipsius influit, vel ejusdem signum est (*§. 370. part. I. Theol. nat.*). Jam Deus ens summe perfectum est (*§. 14.*), ac quoad eandem prorsus immutabilis (*§. 17.*), consequenter nihil perfectioni ejus accedere, vel etiam decedere potest, quod restaurari habeat opus. Est vero etiam libimetipsi sufficientissimus (*§. 76.*), adeoque re nulla alia extra se indiget ad sui perfectionem (*§. 427. part. I. Theol. nat.*), ac præterea impassibilis (*§. 75.*), ut nihil quicquam a se diversum in perfectionem ipsius influere possit (*§. 714. Ontol.*). Quamobrem Deo nihil dici potest bonum, quia ad perfectionem ipsius quicquam confert, aut quomodocunque in eandem influit. *Quid bonum Deo dicatur.*

Signum perfectionis entis alterius est; si ex eo, quod facit, colligere datur, quamnam ipsi insit perfectio (*§. 952. Ontol.*). Quamobrem cum actiones Dei omnes sint rectæ

(§. 246.), adeoque rationem sufficientem in essentia & attributis ejus habeant (§. 950. *part. I. Theol. nat.*); ex ejus actionibus, adeoque iis, quæ facit, colligere datur, quænam ipsi insit perfectio, consequenter alia ab eo diversa signum esse possunt perfectionis ejus summæ (§. 952. *Ontol.*). Bonum igitur quid Deo dici potest, quatenus est signum perfectionis ejus summæ (§. 370. *part. I. Theol. nat.*). Enimvero gloria divina est complexus attributorum divinorum, quatenus a creatura rationali agnoscitur (§. 610. *part. I. Theol. nat.*), adeoque per ea, quæ sunt illorum signa, patet. Quamobrem Deo bonum dici potest, quod facit ad patefactionem gloriæ ipsius.

Probe norandum est, quo sensu quidpiam dici possit Deo bonum, etsi re nulla extra se indigeat, sibi metipsum sufficientissimus. Notio enim boni facit ad intimiorem ac faciliorem voluntatis divinæ cognitionem.

§. 262.

*Quid Deo
optimum di-
ci possit.*

Quoniam bonum est in relatione ad Deum, quod ad gloriam ipsius patefaciendam facit (§. 261.); in relatione ad ipsum optimum est, quod ad gloriam ejus patefaciendam omnium maxime facit.

§. 263.

*Cupiditas
quo sensu Deo
tribuatur.*

Cupiditas Deo tribui potest, quatenus futurum esse vult, quod tendit ad perfectionem gloriæ suæ. Quod nos cupimus, id nobis repræsentamus tanquam nobis valde bonum (§. 808. *Psychol. empir.*), consequenter cum appetamus, quod nobis tanquam bonum repræsentamus (§. 589. *Psych. empir.*), idem appetimus. Enimvero Deo nihil dici potest bonum, nisi quod facit ad manifestationem gloriæ ipsius (§. 261.), nec affectus tribui possunt, nisi quatenus distincta

fincta boni ac mali repræsentatio est ratio volitionis ac nō-
litionis, qualis confusa in nobis excitat affectus (§. 213.).
Cupiditas adeo eidem tribuī nequit, nisi quatenus vult fu-
turum, quod tendit ad patefactionem gloriæ suæ.

Oritur nimirum cupiditas ex repræsentatione boni absen-
tis, quatenus scilicet tanquam nobis bonum spectatur (§. 810.
805. *Psychol. empir.*). Quamobrem respectu Dei, quod ten-
dit ad patefactionem gloriæ suæ, spectari debet tanquam fu-
turum, ubi cupiditatem eidem tribuere volueris. Quem-
admodum autem in nobis cupiditas, utpote affectus, vehe-
mentem arguit appetitum (§. 603. *Psych. empir.*); ita Deo cu-
piditatem tribuimus, ut indigitemus, eum vehementer ali-
quid velle, seu ad significandam seriam ejus voluntatem, in
gratiam eorum, qui non satis intelligunt, quid dicatur, nisi
de Deo humano more loquamur.

§. 264.

Malum quoad Deum dici nequit, nisi quod foret signum imperfectionis ipsius, seu quod, si in eum caderet, imperfectionem quandam in eodem argueret. Etenim Deo seu, quod perinde est, in relatione ad ipsum nihil dici potest bonum, nisi quod facit ad patefactionem gloriæ ipsius (§. 261.), consequenter signum est summæ ipsius perfectionis (§. 952. *Ontol.*). Quamobrem cum malum in relatione ad aliud dicatur, non modo quod ad imperfectionem alterius quid confert, verum etiam quod ejusdem signum est (§. 371. *part. I. Theol. nat.*); quoad Deum malum quid dici nequit, nisi quod foret signum imperfectionis ipsius, seu quod, si in eum caderet, imperfectionem quandam in eodem argueret.

Non queritur hic, quid sit malum Deo, neque enim tale quid datur; sed tantummodo quid in relatione ad Deum malum dici possit, quoniam id suo non destituitur usu. Nimirum vi notionis hujus intelligitur, quomodo præcaveri de-

best, ne Deo tribuatur, quod a summa ejus perfectione abhorret. Etenim si quid de eodem affirmes, quod eidem convenire non posse intelligitur, nisi neges summam eidem convenire perfectionem; id erit quoad Deum malum, adeoque malo eum obnoxium facies. In genere hoc facile concedunt omnes: enimvero ubi venit idem affirmandum, applicando principium generale ad casum particularem, haud raroitant plurimi. Quamobrem probe perpendi velim, quid quoad Deum malum dici possit.

§. 265.

Cur Deo displicet quod malum quoad ipsum.

Deo displicet, quod malum quoad ipsum dici potest. Etenim Deo nil placere potest, quatenus imperfectum est (§. 207.), adeoque quatenus imperfectum est displicet (§. 542. Pfy hol. empir.). Quamobrem cum malum quoad Deum dicatur, quod foret signum imperfectionis, seu in ipso imperfectionem argueret (§. 264.); quod quoad ipsum malum dici potest, id displicet.

§. 266.

Quod Deus idem velle nequeat.

Quoniam Deo displicet id, quod non modo tale est, ut ex eo voluptatem percipere non possit, sed quod etiam actu positivo non vult, seu averfatur (§. 208.), quod vero malum quoad ipsum dici potest, id ipsi displicet (§. 265.); Quod quoad Deum malum dici potest, ex eo non modo nullam voluptatem percipit, sed idem quoque actu positivo non vult, seu averfatur.

Poteramus hoc ipsum adhuc aliter ex ipsa natura averfationis demonstrare; sed non opus est ut sumus prolixiores in iis, quæ in systemate jam satis evicta sunt. Sequitur etiam ex eo, quod voluntas divina feratur in optimum (§. 185.).

§. 267.

Fuga quo sensu Deo tribuatur.

Fuga mali Deo tribui nequit, nisi quatenus actu positivo non vult, quod foret signum imperfectionis, seu imperfectionis.

fectionem quandam in ipso argueret, nec ex eo voluptatem percipere potest. Fuga mali in nobis est tristitia ex malo absente percipiendæ, si præsens nobis fieret, prægressus (§. 813. *Psychol. empir.*), oriturque ex repræsentatione mali absientis quoad nos (§. 818. *Psychol. empir.*). Enimvero nil dici potest malum quoad Deum, nisi quod foret signum imperfectionis aut, si in ipsum caderet, imperfectionem quandam in eo argueret (§. 264.), & tristitia Deo tribui nequit, nisi quatenus absientia voluptatis denotat voluntatem reprobantem mali præsentis cum voluntate contrarii (§. 224.). Quoniam itaque quod malum dici potest quoad Deum, id Deus actu positivo non vult, nec ullam ex eo voluptatem percipit (§. 266.); fuga mali Deo tribui nequit, nisi quatenus actu positivo non vult, quod foret signum imperfectionis, seu imperfectionem quandam in ipso argueret, nec ex eo voluptatem percipere potest.

In nobis fuga mali potissimum malum respicit physicum, & morale, quatenus cum physico connectitur. Enimvero cum ob summam Dei perfectionem (§. 14.), eamque prorsus immutabilem (§. 17.) ac independentem (§. 25.), in Deum malum physicum cadere nequeat, nec fuga eidem tribui potest respectu mali physici. Probe hoc notandum est, ne notio fugæ, quæ nobis est, admisceat quædam notioni fugæ Deo tribuendæ, quæ summæ ipsius perfectioni adversantur. Velim autem, ut notionem fugæ Deo tribuendæ probe perpendunt, qui sibi aliisque persuadere conantur, quasi Deus velle possit, quæ forent signum imperfectionis ipsius, quatenus non perpendunt, quæ non sunt signum summæ perfectionis, ea redarguere quandam imperfectionem.

§. 268.

Vacillatio seu fluctuatio animi Deo nullo modo tribui potest. gnet.

Cur vacillatio Deo repus-

potest. Quia in nobis animus fluctuat, vel vacillat, si bonum abiens cupimus, sed media, quibus idem obtineamus, vel ignoramus, vel quznam ex pluribus eligere debeamus, minime videmus (§. 832. *Psychol. empir.*); vacillatio seu fluctuatio animi a defectu cognitionis est, adeoque imperfectionem intellectus arguit. Quoniam itaque Deo nullo modo tribui possunt, quæ quomodo-cunque defectum aliquem involvunt (§. 37.); ideo nec vacillatio seu fluctuatio animi ullo eodem modo tribui potest.

Non licet excipere, liberandum esse hunc affectum a defectu, qui eidem adhæret, ut tribui possit Deo. Etenim si hoc fiat, prorsus tollitur, nec quicquam ejus amplius relinquitur, cum sine isto cognitionis defectu concipi non possit.

§. 269.

*Cur horror
nullo sensu
Deo tribui
possit.*

Horror Deo tribui nullo modo potest. Horror in nobis oritur ex representatione mali tanquam ingentis (§. 837. *Psychol. empir.*). Eodem igitur modo ostenditur, Deo repugnare prorsus horrorem, quo supra evicimus; nullo sensu in eum convenire metum (§. 257.).

§. 270.

*Puſſillanimitas
cur Deo
tribui nullo
sensu possit.*

Puſſillanimitas Deo nullo sensu tribui potest. Puſſillanimitas in nobis oritur, si impedimenta in protequendo bono, quod cupimus, obvia tanquam insuperabilia nobis representamus (§. 844. *Psychol. empir.*). Insuperabilia nobis representamus impedimenta, vel quod pro insuperabilibus videntur, quæ non sunt, vel quod cupimus, quæ cupere non debebamus, tanquam extra potestatem nostram constituta. Nemo non videt in priori casu puſſillanimitatem non habere locum, nisi admissio intellectus defectu,

defectu, in posteriori autem non obtinere, nisi ex defectu facultatis appetitivæ. Quoniam itaque Deo tribui nullo modo possunt, quæ necessario defectum quandam involvunt (§. 37.); evidens est, nec pusillanimitatem ullo modo eidem tribui posse.

Forſan iis, qui systema Theologiæ naturalis, quod paræ prima dedimus, legerunt, subnaſci poterit aliquod dubium circa malum morale, cui in hoc universo locus est. Etenim ostendimus fieri non posse, ut Deus velit malum morale (§. 581. part. I. Theol. nat.) & ipsum elegisse mundum hunc, qui existit, ob majorem, quæ ipsi quam ceteris inest, perfectionem (§. 325. part. I. Theol. nat.). Unde inferent, non dubitandum esse, quin Deus voluerit malum morale ex hac serie rerum eximere. Demonstravimus vero in systemate malum morale perinde ac physicum seriei huic ita implicari, ut eadem silva separari ab ea minime possit (§. 552. part. I. Theol. nat.), immo nequidem in casu aliquo dato tolli posse, ut sequens seriei pars maneat eadem (§. 555. part. I. Theol. nat.). Unde porro colligent, Deum sibi exemptionem mali moralis ex hac rerum serie, quam cupiebat, repræsentasse tanquam difficultatis prorsus insuperabilis. Cum adeo adsit causa pusillanimitatis (§. 844. Psychol. empir.), non repugnare eam Deo. Qui sic sentiunt, non satis perpendunt, quæ de necessitate essentiarum in systemate (§. 194. part. I. Theol. nat.), & paulo superius de origine idearum in intellectu divino demonstrata sunt (§. 91. & seqq.), quodque velle nequeat, quæ impossibilia sunt (§. 313. part. I. Theol. nat.).

§. 271.

Animositas Deo tribuitur, quatenus ab omni metu liber voluntate apprehendit vult futurum, quod ad patefactionem quo sensu Deo gloriæ suæ facit. In nobis animositas est prædominium cupiditatis ac spei vincentis metum ex difficultate boni obtinendi orti (§. 847. Psychol. empir.). Quoniam in Deum
tribuitur.
 (Wolſi Theol. Nat. P. II.) Hh metus.

metus nullus cadit, nec ullo sensu eidem tribui potest (§. 257.); quomodocunque spectetur bonum futurum, ab omni metu prorsus liber est. Cupiditas eidem tribui potest, quatenus fieri vult, quod ad patefactionem gloriæ suæ tendit (§. 263.); spes vero tribui nequit, nisi quatenus bonum, quod futurum novit, vult (§. 255.). Quamobrem si cupiditas & spes una tribuenda, id fieri nequit alio sensu, quam quatenus voluntate approbante fieri vult, quod futurum ad patefactionem gloriæ suæ tendere novit. Pater itaque animositatem eidem tribui posse, quatenus ab omni metu liber voluntate approbante vult futurum, quod ad patefactionem gloriæ suæ tendere novit.

Nimirum Deo nihil difficile esse ex omnipotentia ejus liquet. Qui vero difficultates insuperabiles fingunt, veluti quod malum physicum & morale ex hac rerum serie eadem salva separari ab ea minime potest (§. 552. part. I. Theol. nat.). hi omnipotentiam perperam ad impossibilia extendunt (§. 344. part. I. Theol. nat.). Unde porro absurde fingunt, quasi voluntas Dei etiam ad impossibilia extenderetur (§. 313. part. I. Theol. nat.). Difficultates adeo, quæ animo nonnullorum observantur, non aliunde sunt, quam quod nec summum intellectus ac voluntatis perfectionem, nec rerum possibilitatem vi idearum in intellectu divino satis distincte perspectam habent.

§. 272.

Cur Deo animositas tribui possit. Deus animosus est, dum quod cupit ad omnipotentiam suam refert. Etenim in nobis oritur animositas, si difficultates boni obtinendi, quod cupimus, perpenderit videantur superabiles, aut superatu non prorsus impossibiles (§. 850. Psychol. empir.). Deus cupit, quod fieri posse, atque ad gloriæ suæ patefactionem tendere novit (§. 263.). Quamobrem cum facere possit, quod est possibile

fibile (§. 343. *part. I. Theol. nat.*) vi omnipotentiz suæ (§. 347. *part. I. Theol. nat.*), & omnipotentiz hujus sibi sit concilius (§. 86.); animosus esse debet eo, quem stabilivimus (§. 271.), sensu, dum quod cupit, ad omnipotentiam suam refert.

Equidem nondum evicimus, Deo competere omnipotentiam: nemo tamen ægre ferat, quod interea eandem ex systemate supponamus, cum inferius independenter ab hac propositione eam Deo vindicaturi simus. Poteramus itaque salvis methodi legibus ad inferius demonstranda provocare. Notandum præterea omnem hanc de affectibus Deo tribuendis doctrinam potuisse quoque systemati inseri, atque ex principiis ejusdem demonstrari.

§. 273.

Deo tribuitur desiderium, quatenus vult homines, quos Desiderium actiones suas ad manifestationem gloriæ suæ directuros novit, quo sensu Deo id facere & ex mora, quam nesciunt, voluptatem nullam percipit, eamque non vult voluntate reprobante. In nobis desiderium est tædium ex mora boni venturi, quod speramus, perceptum (§. 852. *Psychol. empir.*). Spes Deo tribui nequit, nisi quatenus bonum; quod futurum novit, vult (§. 255.). Quamobrem cum in relatione ad Deum nihil dici possit bonum, nisi quod facit ad patefactionem gloriæ ipsius (§. 261.); actiones hominum ad manifestationem gloriæ suæ dirigendas sperat, quatenus futuras præsciens vult. Enimvero tædium ipsi tribui nequit, nisi quatenus absentia voluptatis connotat actum nolitionis (§. 206.). Ex mora igitur, quam homo nescit in dirigendis actionibus ad patefactionem gloriæ suæ, tædium percipere nequit, nisi quatenus ex eadem nullam percipit voluptatem eamque non vult (§. 918. *part. I. Theol. nat.*), noluntate quidem reprobante (§. 221.). Patet itaque Deo tribui posse desi-

H h 2

deri-

derium, quatenus vult homines, quos actiones suas ad manifestationem gloriæ suæ directuros novit, id facere & ex mora, quam nectunt, voluptatem nullam percipit, camque noluntate reprobante non vult.

Quod desiderium divinum restringamus ad solas hominum actiones, quæ ad manifestationem gloriæ divinæ diriguntur, nemo miretur. Neque enim in relatione ad Deum bonum est, nisi quod ad manifestationem gloriæ ipsius facit (§. 261.), bonum vero venturum non patitur moram quoad Deum, nisi quatenus actiones hominum ad eam tendunt, quod facile patet.

§. 274

*Hilaritas
cur Deo tri-
bui nullo sen-
su possit.*

Hilaritas Deo nullo sensu tribui potest. Hilaritas in nobis gaudium est ortum ex eo, quod malum sit præteritum, vel metus mali evanuerit (§. 855. *Psychol. empir.*). Quoniam metus Deo nullo modo tribui potest (§. 257.); nec ullo sensu dicere licet, metum Dei evanuisse, consequenter nec gaudium ipsi tribui potest, quod evanuerit. Et quia ex demonstratione illius propositionis, qua omnem a Deo metum removimus, patet, ei nil quicquam mali obtingere posse; nec hoc nomine tribui ipsi potest gaudium, quod a malo fuerit liberatus. Patet itaque hilaritatem Deo nullo sensu tribui posse.

Quod si Deo gaudium tribuas ex eo, quod se ab omni malo prorsus immunem agnoscit: nulla adest ratio, cur ipsum a reliquo gaudio, quatenus ipsi tribuitur, distinguatur. Et enim gaudium tribuitur Deo ob bonum præsens, quo fruitur (§. 219). Ecquis vero est, qui nesciat, ad bonum præsens referri immunitatem ab omni malo. Sane si nobis narrantur mala, quibus premuntur alii; bonum dicere solemus, quod nos ab iisdem simus immunes, immo gaudeamus, dum hanc immunitatem cogitamus, tanto quidem magis, quo majora nobis videntur ista mala.

§. 275.

§. 275.

Fastidium Deo nullo modo tribui potest. Etenim fastidium oritur, si, quod nobis tanquam bonum representabamus, idem deinceps tanquam malum representamus (§. 859. *Psychol. empir.*), adeoque locum habere nequit, nisi intellectus quodam defectu. Quoniam itaque Deo tribui non possunt, quæ ullo modo defectum aliquem involvunt (§. 37.); nec fastidium ullo modo tribui potest.

*Fastidium
non Deo tri-
bui non possit.*

Pagnat nimirum fastidium cum summa intellectus divini perfectione.

§. 276.

Deo ira tribuitur, quatenus nullam ex actionibus voluntati ejus contrariis percipit voluptatem, sed eas non vult. Ira quo sensu
vult autem ob easdem punire hominem. Ira enim rædium in
nobis insigne est ex injuria nobis vel aliis illata ortum,
conjunctum cum odio ejus, qui eam intulit (§. 862. *Psychol. empir.*), atque cum cupidine vindictæ (§. 872. *Psychol. empir.*). Deo competit jus obligandi hominem ad
actiones non suo arbitrato, sed juxta voluntatem divinam
determinandas (§. 986. *part. I. Theol. nat.*). Quamobrem
cum jure suo usus eundem ad hanc actionum determina-
tionem obliget (§. 987. *part. I. Theol. nat.*); juri divino in
se contrariatur, adeoque Deo injuriam facit, qui volunta-
ti divinæ contrarias edit actiones. Quoniam itaque Deo
tribuitur rædium, quatenus absentia voluptatis connotat
actum volitionis (§. 206.), & odium divinum non deno-
tat, nisi voluntatem reprobantem ejus, quod ipsi displicet in ente alio (§. 239.), consequenter quod non modo
tale est, ut ex eo voluptatem percipere non possit, sed
quod etiam actu positivo non vult, sed aversatur (§. 208.);
Deo ira tribui debet, quatenus nullam ex actionibus volun-

tur.

luntati ejus contrariis voluptatem percipit, easque non vult. Et quoniam hominem ob malefacta punit (§. 1078. *part. I. Theol. nat.*), quatenus vult punire hominem ob actiones voluntati divinæ contrarias.

Quæ in Theologiæ naturalis systemate de Jure Dei in homines atque justitia vindicativa demonstrantur, nituntur principiis, quibus misso systemate etiam hic locus esse poterat. Quamobrem nil obstat, quo minus ad eadem hic provocemus. Immo quæ independenter ab iis propositionibus, quæ hic demonstrandæ, in systemate stabilita fuere; iis quoque hic tanquam principiis uti licet. Odium & vindictæ cupiditas in nobis plerumque aliquid vitii habet: quamobrem multa circumspectione opus est, ne Deo iram tribuentes quod ipsum dedecet tribuamus. Hoc vero memendum non est, quamdiu iram divinam non extendimus ultra ea, quæ in propositione definiuntur. Irascimur etiam ei, qui alteri, quem amamus, injuriam infert (§. 74. *Psych. empir.*). Quamobrem cum Deus amet entia cetera a se diversa (§. 232.), ac inprimis recte agentes (§. 254.): ira quoque ipsi tribuenda videtur respectu entium aliorum, ac præsertim recte agentium, consequenter notio iræ divinæ insufficienter explicata videtur. Qui sic sentiunt non perpendunt, quod suo loco clarius constabit, etsi ex obligatione quoad alios jam intelligatur (§. 975. *part. I. Theol. nat.*), actionem omnem, qua alteri injuria infertur, esse voluntati divinæ contrariam.

§. 277.

*Libertas
summa vo-
luntatis di-
vine.*

Voluntas Dei liberrima est, seu Deo competit libertas summa in volendo & nolendo. Anima nostra in volendo ac nolendo libera est (§. 942. *Psychol. empir.*), cumque libertas ejus sit facultas ex pluribus possibilibus eligendi, quod ipsi placet (§. 941. *Psychol. empir.*), quin ea sit realitas dubitari nequit (§. 5.). Quoniam itaque realitas omnis, quæ animæ nostræ inest, Deo competit in gradu absolute sum-

mo

mo (§. 70.); libertas quoque in nolendo summa eident competere debet, consequenter voluntas ejus liberrima est.

Non nego clarius constare per demonstrationem in systemate datam (§. 431. *part. I. Theol. nat.*) libertatem voluntatis divinæ, quam per præsentem, propterea quod ibidem usi sumus ipsa libertatis definitione tanquam principio, ut adeo evidentia immediate a dicto de omni & nullo pendeat (§. 349. *Log.*). Non tamen præsens negligenda, non modo quod hic ab anima, quemadmodum in systemate a mundo materiali ad Deum argumentamur; sed quod eadem analytica est, quippe principio heuristico tota innixa: quod qui intimius perspicere, ut periculum ejus evidentia teneant animum, assensum eadem facilitate extorqueri pariantur, quam demonstratione quacunque alia, modo libertatem animæ probe perceperint, ne circa eandem hæreant. In animum incidit, Theologum quendam doctum ac vere piū in privatis ad me literis scripsisse, se Deo tribuere volendi ac nolendi necessitatem, cum nulla appareat ratio, cur Deus perfectior censeatur, quod etiam in se non repugnet, ut velit malum vel quod imperfectius est. Et novi aliis quoque ingentem visam fuisse difficultatem, quomodo libertas divina consistere possit, si velit quod optimum est, nec moraliter fieri possit, ut velit quod sit optimum: quæ difficultas illorum quoque animis observatur, qui principium rationis sufficientis ad animam extensum libertati ejus adversari opinantur. Enimvero hi non perpendunt, libertatem potissimum consistere in determinando actu nolitionis ac volitionis, ut ideo *du Hamel* eandem definiri posse monuerit per vim suiipsius determinatricem (§. 943. *Psych. emp.*). Quamobrem etsi Deus non velit, nisi quod optimum (§. 185.), nec fieri possit ut in eligendo optimo aberret (§. 136. 133.), citra omnem tamen coactionem externam atque internam actum electionis determinat, quemadmodum & in systemate demonstravimus (§. 321. 351. 430. *part. I. Theol. nat.*). Ipsa autem hæc determinatio citra omnem coactionem externam atque internam suiipsius ad volendum & nolendum

tendum anima libertatis est, & non modo cum electione optimi, verum etiam cum principio rationis sufficientis consistit, immo ubi acumine sufficiente fueris instructus ad pervidendum ea, quæ animæ nostræ insunt, eandem in seipso unusquisque experitur, sit ita quod sibi conscius sit, determinationem istam non fieri sine motivis, quemadmodum decet ens non cæco impetu, sed ex ratione agens.

§. 278.

*Libera opti-
mi electio.*

Deus libere eligit quod est optimum. Deo enim summa competit libertas (§. 277.). Quamobrem cum libertas sit facultas ex pluribus possibilibus sponte eligendi, quod ipsi placet (§. 941. *Psychol. empir.*); Deus quoque ex pluribus possibilibus liberrime eligit, quod ipsi placet. Quoniam itaque voluntas ipsius semper fertur in optimum (§. 185.); quod optimum est libere eligit,

Nimirum pater, Deum eligere optimum, quod optimum ipsi maxime placet, eligere autem optimum, quod est, non quod tantummodo videtur, quia ob summam intellectus perfectionem (§. 116.) errare nequit (§. 136.) atque judicia omnia ipsi certa sunt (§. 133.). Id adeo fieri liberrime, haud difficulter intelligitur. Enimvero ne quid difficultatis supersit, exemplo aliquo idem illustrare luber. Ponamus artificem construere velle horologium ac construere posse quale ipsi visum fuerit. Ponamus tantam ejus esse artem, ut inter varia genera non modo agnoscat, quod optimum sit, verum etiam optimum non minus, quam quodvis aliud construere possit. Ponamus ipsum velle, ut horologium a se constructum sit signum artis suæ infallibile. Ecquis non asseverabit, eum electurum optimam horologii construendi formam, quod horologium optimæ fabricæ non modo maxime placeat, verum etiam quod finem, quem intendit, omnium maxime sese prober? Quis vero tam erit ab omni ratione alienus, ut inde inferat, eum structuram optimam non libere eligere? Nulla adest necessitas,

um

cum nemo sit, qui ipsum vi externa adigat ad istam electionem, nec interna quædam adsit coactio, etsi fini a se intento convenienter agat, quoniam ipsius erat hunc finem intendere, & in ipsius non minus arbitrio positum, quantum eidem satisfacere velit. Hypotheticam adesse necessitatem in electione, facile largior, quatenus finem exasse assequi non licet, nisi electione hoc modo facta, non alio, & sapienti magis probantur media optima ceteris. Ast illa necessitas libertati minime repugnat, cum non tollat facultatem actum volitionis determinandi, prout visum fuerit, nec aliquam inferat dependentiam ab alio. Quoniam ab anima ad Deum argumentari datur, si observetur differentia inter realitates limitatas atque illimitatas (§. 70.); ab hoc ipso exemplo artificis optimam horologii structuram eligentis ad Deum recte argumentamur; ita ut simile in casu præsentem non modo illustret, sed etiam probet. Velim igitur, id probe perpendant, qui vel electionem optimi negant, ut libertatem Dei tueantur; vel libertatem Dei tollunt, ut electio optimi subsistat. Nullos enim dubito fore, quin plenissime intelligant, electionem optimi cum libertate voluntaris subsistere. Unde & suo loco in philosophia practica ostendimus, hominem obligari ad eligendum optimum, etsi ob imperfectionem naturæ suæ huic obligationi exasse satisfacere non possit, satisfaceret autem quam lubentissime, si vires sufficerent.

§. 279.

Possibilitas rerum non dependet a voluntate Dei, nec ab Independentia ejus libertate, seu nihil ideo possibile, quia Deus libere vult id esse possibile. Quoniam enim voluntas non fertur in incognitum (§. 929. *Psychol. empir.*), & vi libertatis ex pluribus possibilibus eligitur quod placet (§. 941. *Psych. emp.*); tam natura, quam libertas voluntatis possibile quid esse supponit. Nihil adeo ideo possibile, quia Deus libere vult id esse possibile.

(Wolffii Theol. Nat. P. II.)

I i

Quoniam

Quoniam itaque voluntati divinæ non insunt, per quæ quid possibile esse intelligitur; in eadem ratio possibilitatis rerum minime continetur (§. 56. *Ontol.*). Quamobrem cum possibilitas rerum a voluntate dependere nequeat, nisi quatenus ejus ratio in eadem continetur (§. 851. *Ontol.*); evidens est, possibilitatem rerum a voluntate Dei minime dependere, consequenter nec a libertate ejus.

Ex demonstratione liquet, propositionem præsentem intelligendam esse non minus de possibilitate rerum extrinseca, quam intrinseca, & quidem universaliter, ita ut etiam ad ipsum Deum extendenda.

§. 280.

*Independen-
tia essentia-
rum a volun-
tate Dei.*

Quoniam essentia rerum in earundem possibilitate intrinseca consistunt (§. 153. *Ontol.*), possibilitas vero earum a voluntate Dei minime dependet, nec ideo quid possibile, quia Deus id possibile esse vult (§. 279.); *essentie rerum a voluntate Dei minime dependent, nec ideo tales sunt, quia Deus libere tales esse voluit.*

Dependentiam essentiarum a voluntate Dei *Cartesius* ideo defendit, ne præter Deum aliquid æternum & immutabile statuatur, quemadmodum jam annotavimus in systemate (*not.* §. 191. *part. I. Theol. nat.*). Unde facile intelligitur, philosophum alias acutissimum incidisse in hunc errorem, quod Philosophiam primam seu Ontologiam prorsus neglexerit, nec Psychologiam & Theologiam naturalem methodo demonstrativa pertractaverit, ut veritatum huc spectantium dependentiam a se invicem perspiceret. Cur vero dubium ipsius nullum sit, loco citato jam ostendimus. *Cartesii* exemplo docemur, quam sit difficile verum a falso distingui, nisi disciplinæ omnes nostra methodo pertractentur, qua consona & repugnantia in apicem producuntur.

§. 281.

§. 281.

Libertas voluntatis divina non influit in ideas rerum, nec in veritates universales. Etenim realitates illimitatæ, quarum Deo insunt, prima possible sunt (§. 87. 88.). Quoniam realitates prorsus illimitatæ Deo tanquam ontî perfectissimo tribuuntur (§. 14. 15.), quia & in se possible sunt (§. 12.) & ens perfectissimum, cui tanquam subjecto simul insunt, possibile (§. 13.) rerum vero omnium, immo possibilitas ipsius Dei & earum, quæ ipsi insunt, perfectionum a voluntate divina & ejus libertate minime dependent, nec Deus ideo possible, quia se possibilem esse libere vult, neque ipsi ideo insunt realitates illimitatæ, quia eas sibi inesse libere vult (§. 279.); prima possible a voluntate Dei ac libertate ejus minime dependent, nec ideo possible prima sunt, quia Deus ea esse libere vult, consequenter libertas in prima possible nullo modo influit.

Possible primitiva secunda seu a primis orta nascuntur realitatum, quarum Deo insunt, diversa limitatione (§. 91.). Enimvero realitates illimitatæ in idea hæc limitationes admittunt, quod istiusmodi limites realitatibus istis non repugnant (§. 28. *Ontolog.*), adeoque in se possible sunt (§. 85. *Ontolog.*). Quamobrem cum possibilitas rerum non dependeat a voluntate Dei, nec ab ejus libertate, nihilque ideo possible sit, quia Deus libere vult id esse possible (§. 279.); possibilitas quoque primitivorum secundorum a voluntate Dei libera minime pendet, nec ideo possible sunt, quia Deus voluit realitates illimitatas hæc recipere debere limitationes. Patet itaque nec libertatem voluntatis in possible primitiva secunda seu a primis orta influere.

Quodsi omnia possible primitiva secunda seu a primis orta juxta principium contradictionis combinentur;

essentia rerum limitatarum resultant (§. 94.), secundum scilicet principium contradictionis (§. 28. 29. *Ontol.*), quemadmodum & ex demonstratione liquet (§. 94.), & vi principii rationis sufficientis simul necessario resultant attributa entium limitatorum una cum modis quoad potentiam & modorum omnium ordine atque dependentia entis limitati unius quoad modificationem suam ab aliis (§. 95.), atque ideæ omnium substantiarum simplicium in singulari vi principii rationis sufficientis prodeunt, possibilibus primitivis secundis secundum principium contradictionis combinatis (§. 96.), ideæ nimirum omnium animarum tam hominum, quam brutorum & singulorum elementorum (§. 97.). Quoniam adeo ideæ omnium substantiarum simplicium, veluti animarum omnium & omnium elementorum rerum materialium, tales intellectui divino insunt vi principii contradictionis atque rationis sufficientis, adeoque per naturam intellectus; evidens est per naturam intellectus intelligi, cur tales sint substantiarum simplicium, veluti animarum & elementorum ideæ, non vero per naturam voluntatis, seu per ea, quæ voluntati insunt, consequenter nihil in voluntate dari rationis, cur eadem tales sint (§. 56. *Ontol.*), adeoque eas a libertate voluntatis esse prorsus independentes (§. 851. *Ontol.*), consequenter libertatem in easdem nullo modo influere.

Quodli jam porro elementa rerum materialium juxta principium rationis sufficientis combinentur, omnes non modo corporum possibilium, verum etiam omnium mundorum possibilium ideæ resultant, & si porro corporibus in eadem serie existentibus jungantur animæ vi ejusdem principii, in unaqualibet serie prodeunt quoque ideæ hominum ac brutorum, quotquot naturaliter in eadem existere possunt (§. 100.). Unde porro, quemadmodum

modum idem de ideis substantiarum simplicium modo ostendimus, conficitur, libertatem voluntatis in ideas corporum, hominum atque brutorum, immo integrorum mundorum non influere.

Porro in ideis divinis veritates omnes universales continentur (§. 176.). Quamobrem cum in illas libertas voluntatis nullo modo influat *per demonstrata*; nec ea in veritates universales influat.

Prius etiam brevius demonstrari poterat hoc modo. Per principium contradictionis & rationis sufficientis ideæ rerum omnium in intellectu divino determinantur (§. 173.). Quoniam itaque ea, quæ per principium contradictionis & rationis sufficientis determinantur, per naturam intellectus eidem insunt (§. 27. 74. *Ontol.*); cur tales insint intellectui divino ideæ, consequenter etiam cur tales sint, per solam intellectus divini naturam intelligitur. Patet adeo libertatem voluntatis nullo prorsus modo in ideas rerum influere.

Atque adeo jam prorsus a priori ex ipsa idearum origine in intellectu divino per ipsam ejus naturam intelligitur, in ideis rerum ac veritatibus universalibus nihil admittendum arbitrarii, quemadmodum visum fuit *Cartesio*, & doctrinam Scholasticorum de necessitate idearum ac in iis contentarum veritatum universalium esse veritati consentaneam. Unde veritates cujuscunque generis demonstrabiles sunt, nec systemata demonstrativa omnium disciplinarum condi repugnat, modo eo ordine pertractentur singula, quo veritas una a veritatibus aliis dependet, neque per solum demonstrare volueris, quæ demonstrari non possunt nisi ante demonstratis aliis. Qui verentur, ne necessitate idearum & in iis contentarum veritatum universalium absoluta rerum omnium necessitas introducatur, ipsique Deus omnis in creando & gubernando mundo libertas auferatur; vim principii

rationis sufficientis non perspiciunt & possibilem numerum eorum, quæ ad actum perducuntur, numero metiuntur.

§. 282.

Mali metaphysici origo. *Malum metaphysicum ideis rerum in intellectu divino inhaeret independentem a voluntate divina.* Etenim malum metaphysicum in limitatione determinationum essentialium consistit (§. 372. part. I. Theol. nat.). Quoniam essentiarum limitatorum resultant, si possible primitiva secunda seu a primis orta, quæ diversa limitatione realitatum Deo existentium nascuntur (§. 91.), secundum principium contradictionis combinantur (§. 94.); limitationes determinationum essentialium ipsis rerum ideis insunt. Quamobrem cum voluntas divina non influat in ideas rerum (§. 281.); malum metaphysicum ideis rerum in intellectu divino independentem a voluntate divina inhaeret.

Qui ideas rerum arbitrarias fingunt, eas per modum receptaculi inanis imaginantur, quibus Deus pro arbitrio suo determinationes essentielles indit, atque adeo limitationes earundem, consequenter malum metaphysicum perperam a libertate voluntatis divinæ deducunt, sicque inextricabilibus prorsus difficultatibus implicantur circa mala præsertim physica atque moralia. Quodsi *Cartesius* originem idearum in intellectu divino profundius mediatum fuisset, quemadmodum ante a nobis factum, errorem suum ipsemet agnovisset & correxisset. Absit enim ut defectui acuminis, quod summum in viro summo veneramus, tribuamus, quod neglectui discussionis sufficientis tribuendum.

§. 283.

Mali metaphysici necessitas. *Malum metaphysicum est absolute necessarium, nec a rebus auferri potest.* Malum metaphysicum ideis rerum in intellectu divino independentem a voluntate divina inhaeret

ret (§. 282.), adeoque impossibile est ut iisdem non inhzreat. Quamobrem cum necessarium sit, cuius oppositum impossibile (§. 279. *Ontol.*) ; malum metaphysicum necessarium est. Et quia hoc ipsum malum in limitatione determinationum essentialium consistit (§. 372. *part. I. Theol. nat.*), absoluta vero est necessitas, quæ ex essentia entis oritur (§. 315. *Ontol.*) ; malum metaphysicum absolute necessarium est.

Quod necessarium est, illud immutabile est (§. 292. *Ontol.*), adeoque ceteris manentibus iisdem, pro eodem nihil aliud substitui (§. 291. *Ontol.*), consequenter ab ente, cui inest, auferri nequit. Quamobrem cum malum metaphysicum sit necessarium *per demonstrata*; nec idem a rebus auferri potest.

Exemplo res manifesta. Malum metaphysicum sunt limitationes facultatis cognoscitivæ in anima humana. Eadem adeo necessariæ sunt, ut iis ablatis non amplius maneat anima humana, & aliis in ejus locum substitutis prodeat ens aliud ab anima diversum, perinde ac triangulum subsistere nequit, si numerus laterum ternario non limitetur, sed ei substituatür numerus quicunque alius, veluti senarius, quo facto loco trianguli habebis hexagonum.

§. 284.

Nullus mundus malo metaphysico carere, nec ab eo, qui Mali metaphysici, malum metaphysicum auferri potest. Etenim idea physici in mundi nascitur, si elementa rerum materialium juxta principium rationis sufficientis combinentur & resultantibus ex hac combinatione corporibus vi ejusdem principii jungantur animæ (§. 100.). Ideæ animarum & elementorum prodeunt, si possibilia primitiva secunda, adeoque realitates, quales Deo insunt, limitatæ (§. 91.), vi principii

pri contradictionis combinantur (§. 97.). Quamobrem cum malum metaphysicum in limitationibus determinationum essentialiam consistat (§. 372. part. I. Theol. nat.); ipsiū ideis animarum & elementorum in ære.

Quoniam itaque malum metaphysicum auferri nequit a rebus, sed absolute necessarium est (§. 283.); malum quoque metaphysicum, quod animabus & elementis inhaeret, absolute necessarium est, nec ab iis auferri potest. Patet itaque mundum nullum malo metaphysico carere, nec ab eo, qui existit, auferri posse.

Ex ipsa idearum origine in intellectu divino hic demonstramus, quod jam aliter ostendimus in systemate (§. 376. part. I. Theol. nat.).

§. 285.

*Malaphysica
unde ori-
tur.*

Mala physica ex limitationibus determinationum rebus intrinsicarum oriuntur. Sunt enim effectus naturales (§. 373. part. I. Theol. nat.), adeoque non ponuntur in universo, nisi posita actione causæ efficientis (§. 898. Ontol.), consequenter non minus ipsi, quam actiones causæ efficientis (§. 713. Ontol.), in mutationum numero sunt (§. 290. Ontol.). Quoniam itaque mutationes omnes in variatione modorum (§. 703. Ontol.), seu modificatione rerum (§. 704. Ontol.), consequenter in variatione limitum consistunt (§. 830. Ontol.); quin mala physica ex limitationibus determinationum rebus intrinsicarum oriuntur dubitari nequit.

Nimirum talia in mundo contingunt mala physica, quia determinationes rebus in eodem existentibus intrinsicæ hoc limitantur modo & limitationes tam in subiecto agente, quam patiente hoc, non alio variantur modo: id quod de omni effectu naturali eodem modo intelligi debere, me non moneante ex ipsa demonstratione patet.

§. 286.

§. 286.

Mala physica contingentia sunt. Quoniam enim effectus naturales sunt (373. part. I. Theol. nat.), adeoque non ponuntur in universo, nisi posita actione causæ efficientis (§. 898. Ontol.); existere utique incipiunt, cum antea non existerent, adeoque in successivorum numero sunt (§. 569. Ontol.). Sunt vero successiva in mundo contingentia (§. 80. Cosmol.). Ergo & mala physica contingentia sunt.

*Contingentia
malorum
physicorum*

E. gr. Si quis fulmine tactus necatur, malum physicum est jactura vitæ. Quod fulmine tangatur sique vitam finiat homo miser, contingens est.

§. 287.

Mala physica hypothetice necessaria sunt, nec ideo contingentia esse desinunt. Etenim effectus naturales sunt (§. 373. part. I. Theol. nat.), qui cum posita actione causæ efficientis ponantur (§. 898. Ontol.), in hoc mundo contingunt. Enimvero quæ in mundo contingunt, hypothetice necessaria sunt (§. 102. Cosmol.). Mala igitur physica hypothetice necessaria sunt. Et quia quæ in mundo contingunt non desinunt esse contingentia, eo quod necessario contingunt (§. 103. Cosmol.); nec mala physica ideo contingentia esse desinunt, quod sint hypothetice necessaria.

*Hypothetica
malorum
physicorum
necessitas*

E. gr. Si quis fulmine percussus necatur, necessario moritur, nempe quia ex hoc fulminis ictu necessario naturaliter sequitur mors. Quoniam tamen contingens est, quod fulmine percutiatur, & mors inde loquitur, quod effectus naturaliter secuturus non impediatur, (id quod per potentiam Dei miraculosam fieri posse intelligitur); necessitas necis nonnisi hypothetica est, nec ideo ipsa contingens esse desinit. Non jam ratio habetur possibilitatis evitandi fulminis percussorem, quatenus a libertate hominis pendet, ut fit

Wolfsi Theol. Nat. P. II.

K k

co

eo in loco, quo fulmen vibratur: id quod exemplo facile docetur. Nuper non procul ab urbe nostra ex ictu fulminis periit homo, qui metu tempestatis horridæ adductus gradu celeriore incedebat. Nemo non videt, a libertate ejus pependisse, quod jam esset eo in loco, quem fulmen peribat, vitæ ejus infectum.

§. 288.

*Malorum
physicorum
inexistentia
in idea mun-
di.*

Mala physica ideæ mundi insunt in intellectu divino independentè a voluntate libera Dei. Si enim possibilia primitiva secunda secundum principium contradictionis combinentur, non modo essentia entium limitatorum (§. 94.) tam animarum, quam elementorum rerum materialium (§. 97.); verum etiam vi principii rationis sufficientis attributa eorundem una cum modis quoad potentiam & modorum ordine, atque dependentia entis limitati unius quoad modificationem suam ab aliis (§. 95.), & si porro elementa juxta principium rationis sufficientis combinentur omnia corpora mundique possibiles omnes resultant (§. 100.), immo si vi ejusdem principii corporibus in eadem serie rerum sive mundo eodem existentibus jungantur animæ, in unoquoque mundo omnes prodeunt homines brutaque omnia, quotquot in eodem naturaliter existere possunt (§. cit.). Idea igitur mundi in intellectu divino continet omnia, quæ in eodem contingere possunt. Quoniam itaque mala physica tanquam effectus naturales (§. 373. *part. I. Theol. nat.*), causas efficientes in hac ipsa rerum serie, quæ mundum constituit (§. 55. *Cosmol.*), habent (§. 898. *Ontel.*), earumque actione posita ponentur (§. 886. *Ontel.*), mala physica insunt ideæ mundi in intellectu divino. I. nimirum voluntatis divinæ libertas non influit in ideas rerum (§. 281.). Patet igitur mala physica ideæ mundi in intellectu divino inesse independentè a voluntate libera Dei.

Probe

Probe notandus est modus, quo mala physica insunt ideæ mundi, ne circa eorum inexistentiā oriuntur difficultates inextricabiles. Qui enim nodos istiusmodi nectunt, perperam sumunt, quod probare nesciunt, immo quod probatu impossibile utpote origini idearum in intellectu divino ad-
versum, quasi Deus libere in hunc mundum introduxerit mala physica, non perspicientes, quomodo libertas Dei in actualitatem eorundem influat: id quod demum ex capite sequente de creatione mundi patebit, siquidem adhuc ignorare se supponis, quæ in systemate demonstrata fuere. Absit itaque, ut quis sibi metuat ab absoluta malorum physicorum necessitate, siquidem ea ideæ mundi extra liberam Dei voluntatem inexistere ponatur. Demonstravimus modo, ea esse contingentia (§. 286.) & necessitatem eorum hypotheticam contingentiae non officere (§. 287.). Subsistit autem & hypothetica eorundem necessitas, & contingentia stante inexistentiā in idea mundi independentem a libera Dei voluntate. Qui originem idearum non modo rerum omnium in se spectatarum, verum etiam mundorum omnium possibilem in intellectu divino ex ipso Deo satis meditatus fuerit, quam in superioribus clarissime ac distinctissime explicatam dedimus, is satis superque perspiciet, quomodo mala physica prodeunt ex possibilem combinatione seu eorum in systemata relatione. Quæ vero manifesta sunt per ipsarum notiones; ea per rationes extrinsecas obscurari minime debent: nec ob ea, quæ nondum intelligimus, tanquam erronea rejicienda, quæ apertæ sunt veritatis, quemadmodum revera faciunt, qui libero Dei decreto mala physica in ideam mundi introduci sibi imaginantur.

§. 289.

Malum morale possibile ob intellectus humani limitationem. Malum enim morale inhæret actionibus hominum liberis (§. 374. part. I. Theol. nat.). Quoniam itaque quod malum est, homo appetit vel vult, si ipsi bonum videtur, & ex adverso quod bonum est, averfatur, vel non vult, si

Possibilitas
malimoralis.

cidem videtur malum (§. 894. *Pfych. empir.*), nec malum, quod tale agnoscit, appetit nisi sub ratione boni, neque bonum, quod tale agnoscit, averfatur nisi sub ratione mali (§. 896. *Pfychol. empir.*), quatenus scilicet illud certo respectu bonum, hoc certo respectu malum reputatur; evidens est fieri posse, ut homo velit, quod malum est, & nolit, quod bonum est, quia quod bonum est, malum judicat, quod vero malum est, judicat bonum, aut quod bonum esse agnoscit, sub datis tamen circumstantiis judicat esse malum, & quod malum esse agnoscit, sub datis tamen circumstantiis judicat esse bonum, consequenter quia verum pro falso habet (§. 505. *Log.*), adeoque errat (§. 623. *Log.*). Quoniam error circa judicia intuitiva committitur, si confuse percepta eadem apparent, cum tamen diversa sint, atque a nobis ideo pro iisdem habentur (§. 631. *Log.*), ac praterea in errorem incidimus, quod notionibus deceptricibus, hoc est sine mente sonis (§. 38. *Log.*), utamur tanquam veris notionibus (§. 629. *Log.*), aut in ratiocinio legitimo præmissam falsam sumamus tanquam veram (§. 626. *Log.*), aut ratiocinantes non uno modo in formam peccemus (§. 638. & *seqq. Log.*); quin errare quomodocunque hominem contingat, quod intellectus ipsius limitatus sit; nemo non vi ipsius definitionis limitis agnoscit (§. 468. *Ontol.*). Quare cum malum morale actionibus liberis non inhæreat, nisi quatenus erronea præsupponit judicia *per demonstrata*; evidens omnino est malum morale esse possibile ob intellectus humani limitationem.

Lex appetitus hæc est: Quicquid nobis representamus tanquam bonum quoad nos, id appetimus (§. 904. *Pfychol. empir.*); lex autem averfationis: Quicquid nobis representamus tanquam malum quoad nos, id averfamur (§. 907. *Pfychol. empir.*); & anima per essentiam & naturam suam vult bonum, & non vult actu positivo malum (§. 521.

Pfych.

Psychol. rat.), ita ut voluntas humana generaliter determinata sit ad bonum, quemadmodum divina ad optimum (§. 185.). Sicuti itaque Deus semper actu vult, quod optimum est, nec ideo bonum apparens verò vel minus majori præfert (§. 189.), quemadmodum à nobis quotidie fieri experimur, quia errare nequit (§. 136.), & judicia omnia certa experitur (§. 133.), incertitudine nulla in cognitionem ipsius cadente (§. 134.), intellectu prorsus illimitato præditus (§. 117.); ita hominis voluntas deficit in eligendo verò bono, quod multiplici modo a vero aberrare valet intellectu valde limitato instructus. Quemadmodum itaque impossibile ob intellectum divinum illimitatum, ut velit quod optimum non est, salva summa ejus libertate (§. 278.); ita etiam fieri potest, ut malo morali inficiantur actiones hominum liberæ ob intellectus limitationem. Mali morales hic tantummodo evincimus possibilitatem; quomodo autem abusu libertatis irrepant in actiones hominum liberæ, jam demonstravimus in systemate (§. 580. part. I. *Theol. nat.*) eo quidem modo, ut cum quibusdam principiis tota demonstratio absque ulla immutatione hic inferi possit. Plurimum vero lucis huic ipsi doctrinæ affundet philosophia practica, ubi omnem vitiorum originem profundius scrutabimur.

§. 290.

Malum morale contingens est, non absolute necessarium. Malimoralis
 Inhæret enim actionibus hominum liberis (§. 374. part. I. *contingentia. Theol. nat.*), adeoque, cum anima in volendo & nolendo libera sit (§. 942. *Psychol. empir.*), volitionibus ac nolitionibus ejusdem. Quare cum volitiones ac nolitiones animæ contingentes sint (§. 935. *Psych. empir.*); malum quoque morale contingens esse debet.

Ponamus jam, si fieri potest, malum morale esse absolute necessarium. Quoniam quod absolute necessarium contingens esse nequit (§. 317. *Ontol.*); malum morale contingens esse non potest: quod cum sit absurdum per de-

monstrata ; evidens est malum morale non esse absolute necessarium.

Diversa igitur ratio est mali metaphysici atque physici & moralis. Etenim metaphysicum absolute necessarium (§. 283.), physicum vero & morale contingens (§. 286. 290.). Contingentia tamen mali physici & moralis non est prorsus eadem, quatenus in contingentiam hujus libertas influit.

§. 291.

*Hypothetica
mali moralis
necessitas.*

Malum morale hypothetice necessarium. Malum enim morale inhaeret liberis hominum actionibus (§. 374. *part. I. Theol. nat.*), adeoque, cum anima in volendo & nolendo libera sit (§. 942. *Psycho. empir.*), volitionibus ac nolitionibus eorundem. Quamobrem cum quid appetamus, quamprimum quid nobis representamus tanquam bonum (§. 589. *Psycho. empir.*) & ex adverso aversemur, quamprimum id nobis representamus tanquam malum (§. 590. *Psycho. empir.*); representationes autem boni & mali sint motiva, & quidem nolitionis ac volitionis, si fuerint distincta (§. 890. *Psycho. empir.*); positis motivis ponitur nolitio ac volitio, consequenter fieri nequit ut non ponatur (§. 28. *Ontol.*), nisi adsit ratio sufficiens, cur non ponatur (§. 118. *Ontol.*). Quoniam adeo necessarium hypothetice, quod sub data quadam conditione impossibile (§. 302. *Ontol.*); volitiones ac nolitiones animæ hypothetice necessariae sunt. Patet igitur malum morale hypothetice necessarium esse.

Quemadmodum Scholastici hypotheticam volitionum & nolitionum necessitatem *necessitatem moralem* appellarunt; ita quoque mali moralis necessitatem si quis moralem appellare voluerit, per nos licet. Ceterum qui malum morale necessarium absolute pronunciant, nec alias adducunt rationes, quam quod anima appetat vel aversetur, quamprimum sibi

sibi quid tanquam bonum vel malum repræsentant, necessitatem hypotheticam sive moralem cum absoluta confundunt.

§. 292.

Malum morale idea mundi inest in intellectu Dei independentem a voluntate ejus libera. In idea mundi, quæ est in intellectu divino, continentur etiam idæ animarum singulorum hominum, quotquot in eadem existere possunt (§. 100.), quoad essentiam, attributa & omnes modificationes (§. 99.). Quamobrem cum in unaquaque anima peculiaris quædam detur appetitionum & aversionum series (§. 524. *Psychol. rat.*) & quæcunque in eadem continentur in se præscibilia sint (§. 234. *part. I. Theol. nat.*), adeoque talia præsciri posse non repugnet (§. 231. *part. I. Theol. nat.*); in idea quoque mundi omnes appetitiones & aversiones, adeoque volitiones & nolitiones (§. 880. 881. 882. *Psychol. empir.*) ita exhibentur, ut præsciri possint. Quoniam itaque malum morale liberis hominum actionibus (374. *part. I. Theol. nat.*), adeoque volitionibus ac nolitionibus animarum inhæret (§. 942. *Psychol. empir.*); malum morale omne, quod in mundo datur, idæ mundi in intellectu divino jam inest.

Malum morale quomodo inest mundo.

Enimvero in ideam mundi, quæ est in intellectu divino, libertas voluntatis divinæ non insit (§. 281.), seu quicquid eidem inest, independentem a libera Dei voluntate inest. Quamobrem cum malum morale omne inest idæ mundi in intellectu divino *per demonstrata*; idem eidem inest independentem a libera voluntate Dei.

Quod de præscibilitate appetitionum & aversionum animæ ex systemate citatur, independentem ab ejus principis demonstratur, ut tota demonstratio huc transferri possit. Poteramus quoque provocare ad præscibilitatem liberorum animæ.

animæ decretorum superius stabilitam (§. 156.); sed ibidem in demonstratione supponimus, quæ in systemate demonstratione præsentem inprimis spectandæ sunt liberæ actiones animæ ut præscibiles, quod constet eas ideæ mundi, quæ datur in intellectu divino, inesse tanquam determinatas: secus enim malum morale, prout datur in mundo, non jara ideæ ejusdem in intellectu divino inesset. Maximi momenti est propositio præsens, qua constat, malum morale in mundum non fuisse inductum libero Dei decreto (id quod summæ perfectioni voluntatis divinæ e diametro repugnat); sed omne jam inexistisse ideæ mundi, antequam aliquod condendi mundi decretum cogitetur. Qui essentias rerum arbitrarias fingunt & ipsam mundi ipsius ideam arbitriam faciunt, in errorem hunc facile prolabuntur, quod libero Dei decreto malum in hunc mundum fuerit inductum, a quo abesse poterat. Hinc vero jam magno numero propullulant difficultates, quæ ab existentia ejus in mundo adversus bonitatem & sanctitatem Dei, immo etiam adversus summam mundi ipsius perfectionem urgentur.

§. 293.

*Sapientia
Dei summa.*

Deo competit sapientia in gradu absolute summo, seu perfectissima. Cum sapientia sit scientia actionibus liberis fines naturæ suæ convenientes præscribendi & media ad eos ducentia eligendi, finesque particulares ita sibi invicem subordinandi, ut propiores fiant media remotiorum (§. 678. *Psychol. rat.*), & spiritus sapientiæ capax sit (§. 693. *Psych. rat.*); quin ea sit realitas, quæ in spiritum cadit, dubitari nequit (§. 5.). Enimvero Deus spiritus perfectissimus est (§. 186.) & realitates compossibiles ipsi insunt in gradu absolute summo (§. 15.). Sapientia igitur eidem competit in gradu absolute summo, seu perfectissima.

Quoniam realitates omnes in gradu absolute summo Deo competunt, ita ut præter eas, quæ ipsi insunt, non dentur alie

aliæ (§. 93.); non opus erat ostendere, sapientiam esse realitatem, quæ spiritui convenit. Consultius tamen nobis visum id addere, ut demonstratio evadat evidentior & in pauciora resolvatur principia, aut saltem ab origine idearum in intellecta divino independens efficiatur: etenim ex hac deduximus (§. 93.), præter realitates, quæ Deo insunt, non dari alias. Licebat etiam Deo tribuere sapientiam vi principii heuristici (§. 70.), quo sæpius usi sumus in antecedentibus. Nemo enim est qui nesciat, sapientiam cadere in animam nostram, etsi valde limitatam, propterea quod spiritus limitatus perfectissimus non est, adeoque nec sapientia perfectissimæ capax, quippe quæ intellectum perfectissimum supponit, quemadmodum ex ipsis sapientiæ perfectissimæ atque intellectus perfectissimi notionibus demonstrari facile poterat (§. 647. 689. *Psych. rat.*).

§. 294.

Deus 1. finem optimum sibi constituit, 2. media eligit, In quo consistit quæ certo & via brevissima ad eundem ducunt & quibus finem ex asse consequitur, 3. fines omnes particulares ita sibi invicem subordinat, ut remotiorum media sint propiores, tandemque omnes simul medium finis ultimi.

Etenim Deo competit sapientia summa atque perfectissima (§. 293). Est vero sapientia summa atque perfectissima scientia fines optimos sibi constituendi, media eligendi, quæ certo & via brevissima ad eundem ducunt, & quibus finem ex asse consequi datur, finesque particulares sibi invicem ita subordinandi, ut remotiorum media sint propiores, tandemque omnes simul medium finis ultimi (§. 689. *Psych. rat.*).

Quamobrem 1. Deus finem optimum sibi constituit, 2. media eligit, quæ certo & via brevissima ad eundem ducunt & quibus finem ex asse consequitur, 3. fines omnes particulares ita sibi invicem subordinat, ut remotiorum media sint propiores, tandemque omnes simul medium finis ultimi.

(*Wolff's Theol. Nat. P. II.*)

L 1

Tres

Tres propositiones, scilicet de finis constitutione, de medi-
diorum electione, de finium subordinatione, quarum binæ
posteriores in plures denuo secari poterant, in unam com-
pingere libuit, quia unica demonstratio satisfacit omnibus.
In systemate singulas propositiones sigillatim demonstravi-
mus, quia ibidem ex iisdem sapientiam Dei summam colle-
gimus a definitione ad definitum, quemadmodum hic a de-
finito ad definitionem argumentantes (§. 349. Log.).

§. 295.

*Cur Deus
agat propter
finem.*

Deus nihil vult facitque absque fine. Etenim Deus sa-
pientissimus est (§. 293.). Sed sapientis est agere propter
finem, nec velle quidpiam absque fine (§. 678. Psych. rat.).
Ergo etiam Deus nil vult facitque absque fine.

Spinoza Deum nullo fine agere defendit, propterea quod
brutæ cuidam necessitati alligavit omnes rerum eventus. Et-
enim juxta ipsum nonnisi possibilia sunt, quæ ad æctum per-
ducuntur, cetera figmentis imaginationis accenset. Nulla
Deus juxta eundem in producendo mundo libertate gaudet,
sed hic ad ipsum ita pertinet, ut sine ipso concipi non pos-
sit. Ubi tanta est omnium necessitas, ibi finibus locus non
est. Et si enim etiam corpora agere possint propter finem;
non tamen agunt propter finem, quem ipsam intendunt,
sed propter finem ab eo, qui fecit, intentum. Ita horolo-
gium dici potest indicem circumagere propter finem, nimirum
ut temporis partes indicet; sed finem hunc intendit ar-
tífex, qui ipsum construxit, ipsum autem horologium eun-
dem minime intendit. Agit igitur propter finem ab artífice
intentum, aut, si accuratius loqui malueris, fini ab artífice
invento convenienter.

§. 296.

*Quales sint
fines a Deo
pœnti.*

*Finis, quem Deus intendit, ipsum maxime decet, seu
Deus sibi finem non constituit, nisi qui ipsum maxime decet.*
Etenim finis, quem Deus sibi constituit, optimus est (§.
294.). Quamobrem cum optimus sit finis, qui ceteris
præse-

præferendus agnoscitur, ubi ad omnes determinationes, quæ agenti insunt, vel extrinsecus superaccedunt, respexeris (§. 681. *Psych. rar.*); ex attributis divinis simul sumtis intelligitur, cur aliquem sibi finem constituat, adeoque in attributis divinis simul sumtis continetur ratio finis constituti (§. 56. *Ontol.*). Quoniam itaque id Deum maxime decet, quod cur potius velle debeat, quam aliud, ratio in iis omnibus, quæ ipsi insunt, continetur (§. 332. *part. I. Theol. nat.*); Deus sinequ sibi non constituit, nisi qui ipsum maxime decet.

Sunt qui Dei libertatem propterea negant, quod rationem eorum, quæ vult, sufficientem in attributis ipsius contentam agnoscant, ac eadem de causa ipsa finis constitutio necessaria videtur: quod dubium alibi tantum videtur, ut molint Deo tribuere electionem ejus, quod optimum non est, consequenter & finis minime optimi constitutionem. Sed hi omnes non perpendunt sapientiæ tribuendum, quod ipsi necessitati tribuunt. Sapientia vero libertatem non tollit, etsi ferat, ut ita loquamur, legem. Superior in civitate subditis præscribit legem, sed hoc ipso non desinunt esse liberi. Restrigit is libertatem subditorum coactionis externæ quidam specie, sed sapiens sibi ipsi legem ferens plena fruitur libertate, immo hac usus sibi tert legem. Sequis adeo temerarius erit, ut sibi persuadeat, insipientem esse debere, qui liber esse velit?

§. 297.

Deus malum tanquam finem intendere nequit. Pona- *Cur malum non sit finis a Deo intentus.*
mus enim, si fieri potest, Deum malum intendere tanquam finem. Quoniam causa efficiens agit propter finem, adeoque ideo, ut id ipsum, quod tanquam finem intendit, sit vel fiat (§. 932. *Ontol.*); Deus malum esse vel fieri vult: Quod cum sit absurdum (§. 187.), Deus malum tanquam finem intendere nequit.

Propositio intelligenda de omni malo, tam metaphyfico, quam physico & morali. De malo metaphyfico veritas ejus etiam ex eo patet, quod sit absolute necessarium, nec a rebus auferri possit (§. 283.).

§. 298.

Cur nihil frustra faciat Deus.

Deus nihil facit frustra. Mihil enim facit absque fine (§. 295.) & mediis utitur, quibus finem certo consequitur (§. 294.). Quoniam itaque frustra quid facit, qui nullo fine facit, vel quod fini, quem intendit, consequendo minime sufficit (§. 662. part. I. Theol. nat.); Deus nihil facit frustra.

§. 299.

Qualia sint media divina.

Deus vi mediorum ad actum perducit ea omnia, quibus finis constituitur. Etenim finem, quem sibi constituit, ex asse consequitur (§. 294.). Sed qui finem ex asse consequitur, iis utitur mediis, quorum vi ad actum perducuntur ea omnia, quibus is constituitur (§. 684. Psychol. rat.). Deus igitur vi mediorum ad actum perducit ea omnia, quibus finis, quem intendit, constituitur.

Certitudo mediorum facit, ut fine, quem intendit, non excidat: sed quod nulla excidat ex parte, inde est, quod iis utatur mediis, quibus eum ex asse consequitur. Aliter sese res haberet in humanis. Nos sæpius fine, quem intendimus, prorsus excidimus; subinde fine quidem quæsito potimur, sed tantummodo ex parte, quatenus non consequimur omnia, quæ fini intento inerant. In rebus obviis exemplis opus non est.

§. 300.

Idem porro expenditur.

Deus finis consequendi gratia non facit, quod omitti poterat, seu non nisi ea facit, quibus positis ponitur finis. Utitur Deus mediis, quæ via brevissima ad finem, quem inten-

intendit, ducunt (§. 294.). Quoniam itaque media via brevissima ad finem ducunt, si ejus consequendi gratia non fit, quod omitti poterat, seu nonnisi ea fiant, quibus positus finis ponitur (§. 685. *Psychol. rat.*); Deus finis consequendi gratia non facit, quod omitti poterat, seu nonnisi ea facit, quibus positus ponitur finis.

Nemo non videt, tribuendum hoc omniscientiæ divinæ, quod norit, quænam præcise sint ea, quæ finis consequendi gratia fieri debeant, & quænam ad eum consequendum minime faciant: quemadmodum ex adverso ignorantiam seu scientiæ defectum in nobis arguit, quod idem minime intelligamus, adeoque finis consequendi gratia facimus, quæ omitti poterant, consequenter per ambages incedamus (§. 685. *Psychol. rat.*), per eas non incesuri, si intelligeremus.

§. 301.

Sapientia divina homini imperscrutabilis. Pone enim, *Sapientia divina* si fieri potest, eam esse homini perscrutabilem. Quoniam *im-* sapientia imperscrutabilis est, si fines ab agente *im-* intentos, vel media, quæ ad eosdem consequendos eligit, *scrutabil-* vel finium quoque subordinationem penitus perspicere, *tas.* nec certo cognoscere valemus (§. 690. *part. I. Theol. nat.*); homo fines a Deo intentos & media, quæ ad eosdem consequendos eligit, finiumque subordinationem omnem penitus perspicere atque certo cognoscere valet. Quamobrem cum Deus sibi constituat fines optimos, media eligat, quæ certo & via brevissima ad eosdem ducunt, & quibus finem ex asse consequitur, fines particulares omnes ita sibi invicem subordinet, ut remotiorum media sint propiores & omnes tandem simul medium finis ultimi (§. 294.); evidens est fieri posse, ut homo sciat, quos Deus sibi constituerit fines, & quod iidem respectu ipsius sint optimi,

quod media eligat, quæ certo & via brevissima ad eadem ducunt, & quibus finem ex asse consequitur, quodque fines particulares omnes ita sibi invicem subordinet, ut remotiorum media sint propiores & omnia tandem simul medium finis ultimi. Sed hæc ipsa scientia sapientia summa atque perfectissima est (§. 689. *Pfych. rat.*). Homini igitur competere potest sapientia summa atque perfectissima. Enimvero sapientia humana quoad singulas ejus partes, finium scilicet constitutionem, mediolorum electionem finiumque particularium subordinationem admodum limitata (§. 691. *Pfychol. rat.*), adeoque summa non est (§. 468. *Ontol.*). Patet itaque sapientiam divinam homini imperferutabilem esse debere.

Nimirum qui sapientiam divinam perferutari debet, ei omnia perfecta esse debent non in universali, sed in singulari, quæ ad eandem requiruntur. Singularia enim ista sunt veluti factum, de quo ferendum est judicium, & quæ ratiocinatio præbet minorem in suo syllogismo: ratio autem, quæ non nisi universalis complectitur & quam exposuimus alibi (§. 689. *Pfychol. rat.*) ac theoremati includere libuit superius (§. 294.), majoris vicem sustinet in syllogismo, cujus conclusio est, quod Dei sapientia summa sit & perfectissima. Unde facile patet, Dei sapientiam summam nemini penitus perfectam esse posse, nisi cui ipsamet sapientia summa est. Ceterum nemo miretur, cur in systemate imperferutabilitatem sapientie divinæ admodum proflixè adduxerimus, quam hic paucis evictam dedimus. Ibidem enim ex contemplatione universi demonstravimus imperferutabilitatem sapientie divinæ: unde principia nobis petenda erant ab iis, quæ in universo eandem loquuntur. Hic autem eandem inferimus ex ipsa notione sapientie summæ, quæ Deo est, & quidem per indirectum, quia demonstrationes apogegicæ sunt evidentiores ostensivis, ubi in veritate propositionum negativarum evincenda versamur. Neque

Neque omnibus eodem modo satisfaciunt demonstrationes eadem, sed prolixiores, quales sunt systemati insertæ, pluribus sunt lucidiores ac eorum captui respondent.

§. 302.

Deus velle nequit quod simpliciter impossibile. Pona-
mus enim, si fieri potest, Deum velle quod simpliciter im-
possibile. Quoniam voluntas ejus semper fertur in opti-
mum (§. 135.); id quod simpliciter impossibile sibi tan-
quam optimum repræsentare debet, consequenter judica-
re debet, quod nihil est, omnium possibilium optimum
(§. 138. *Ontol.*). Affirmat itaque, quod negandum, con-
sequenter errat (§. 624. *Log.*). Enimvero Deus errare
nescit (§. 136.). Ergo & velle nequit, quod simpliciter
impossibile.

*Cur Deus non
velit simpli-
citer impossi-
bilia.*

Hominibus contingit velle quæ simpliciter impossibilia
sunt, propterea quod notionibus deceptoribus deluduntur
impossibilia pro possibilibus amplectentes.

§. 303.

Quoniam quod simpliciter impossibile, contradictio-
nem involvit (§. 79. *Ontol.*); ut Deus velit contradictoria,
consequenter quæ simul esse nequeunt, fieri non potest (§. 28.
Ontol.).

*Contradictio-
ria cur Deus
velle ne-
queat.*

Ita e. gr. velle nequit, ut in mundo existat homo, & es-
sentia ipsius insint limitationes alia; quam in idea ejus con-
tinentur. Velle nequit, ut homo sit simul liber in volen-
do atque nolendo, & ut in volendo atque nolendo non sit
liber. Quodsi dicas Deum præscribere homini legem, jux-
ta quam actiones liberas determinare debet, immo ipsum
obligare ad hanc actionum determinationem, cum tamen
liberum creaverit: facilis est responsio. Lege non tollitur
libertas; sed rectus tantummodo usus libertatis injungitur,
abusus vero prohibetur. Subsistit enim libertas voluntatis
cum summa actionum rectitudine, immo tanto major est,
quanto

quanto major actionum rectitudo: id quod sanctitas divina aperte loquitur, & suo loco ex philosophia morali elucescit.

§. 304.

Fini contraria cur Deus velle nequeat.

Deus velle nequit, quæ fini a se intento contrariantur. Ponamus enim, si fieri potest, Deum velle, quæ fini a se intento contrariantur. Quoniam fini contrariatur, quod posito fine poni nequit, necesse est, ut Deus velit, quæ vel obstant, quo minus finem consequatur, vel impediunt, quo minus eundem ex asse consequatur. Non igitur eligit media, quæ certo ad finem ducunt & quorum vi finem ex asse consequi datur (§. 937. *Ontol.*): Quod cum sit absurdum (§. 294.); fieri haud quaquam potest, ut Deus velit, quæ fini a se intento contrariantur.

Quod nos haud raro velimus fini, quem intendimus, contraria, vel ignorantia tribuendum, quod scilicet ignoremus ea fini contrariari; vel mutabilitati voluntatis, quod malimus finem non consequi, quam alio quodam carere, quod eidem obstat. Ipsa autem voluntatis mutatio inde est, quod non prævideamus omnia, adeoque de futuris haud raro, immo tantum non semper decernamus, nondum perspectis circumstantiis omnibus. Quando vero agimus, quæ fini a nobis intento contraria sunt, ratio subinde quoque latet in contrarietate finium, quæ ex neglectu subordinationis eorundem oritur, adeoque denovo ex sapientia defectu. Quomocunque igitur volitionem ejus, quod fini contrariatur, consideres, semper in nobis arguet imperfectionem intellectus, a Deo removendam.

§. 305.

Fines contrarii quinam dicantur.

Finis unus alteri contrarius dicitur, si obstat, quo minus alterum consequi, vel saltem quo minus eundem ex asse consequi detur.

Contra-

Contraria non possunt esse simul (§. 297. Log.), consequenter nec fieri potest, ut fines contrarii simul intendantur. Quo minus adeo id fiat, necesse est, ut quid obster. Requiritur itaque, vel ut finis unus impediatur, quo minus alterum consequi possis, vel ut saltem obstaculo sit, quo minus eodem potiarius. Quod si enim fine utroque ex asse potiri valeas; nulla locum habet contrarietas.

§. 306.

Deus fines contrarios velle nequit. Ponamus, si fieri potest, velle Deum fines contrarios. Quoniam contrarii sunt fines, si vel unus impedit, quo minus alterum consequi detur, vel unus obster, quo minus altero ex asse potiri liceat (§. 305.); Deus fines quosdam, quos sibi constituit, vel non consequitur, vel saltem non consequitur ex asse: quod cum sit absurdum (§. 294.), ut fines contrarios velit fieri nequit.

Cur Deus fines contrarios velle nequeat.

Facile apparet, repugnare hoc sapientiæ, quæ Deo est (§. 293.), summæ atque perfectissimæ (§. 689. Psychol. rat.). Unde id absolute loquendo impossibile non est, sed saltem salva summa sapientia Dei fieri nequit. Hinc vero porro conficitur, non ob stare libertati voluntatis divinæ, quod fines contrarios velle nequeat. Vult enim libere, quæ sapientiæ summæ conveniunt. Quod moraliter impossibile libertati non adversatur, sed si omnia rite pensites, potius eandem confirmat.

§. 307.

Deus velle nequit fini ultimo contraria. Ponamus, si fieri potest, Deum velle fini ultimo contraria. Vult igitur, quæ impediunt, quo minus finem ultimum ex asse consequatur, vel quo minus eodem petiatur (§. 305.). Quamobrem non iis utitur mediis, quibus finem certo & (Wolffii Theol. Nat. P. II.)

Cur Deus velle nequeat fini ultimo contraria.

M m

ex

ex asse consequi datur, nec fines particulares ita sibi invicem subordinat, ut tandem omnes sint media finem ultimum consequendi. Quod cum sit absurdum (§. 294.), fieri haud quaquam potest, ut quid Deus velit, quod fini ultimo contrarium.

Quæ ad propositionem præcedentem annotavimus, ad præsentem quoque trahenda.

§. 308.

Immutabilitas voluntatis divinae.

Voluntas Dei prorsus immutabilis. Ponamus si fieri potest, voluntatem divinam esse mutabilem. Deus igitur mutabilis est quoad voluntatem. Enimvero idem prorsus immutabilis est (§. 17.). Ergo & voluntas ipsius immutabilis esse debet.

Poterat idem directe ex eodem principio inferri. Deus est prorsus immutabilis (§. 17.), adeoque nihil in eodem concipere licet, quod immutabile non sit. Quoniam itaque voluntas ipsi inest (§. 184.) & quidem per modum actus (§. 78.); ideo nec fieri potest, ut mutabilis sit voluntas ejus, seu eadem prorsus immutabilis est.

Poteramus propositionem præsentem demonstrare etiam ex eo, quod nulla in Deo locum habeat statuum successio (§. 48.), qualis utique admittenda foret, siquidem diversi voluntatis actus in eodem ponerentur. Immo ex mutabilitate voluntatis etiam sequeretur, voluntatem Deo competere per modum facultatis, quemadmodum animæ nostræ: id quod tamen repugnat (§. 78.).



CAPUT

CAPUT IV.

De Creatione & Potentia Dei.

§ 309.

S*I* *possibilia primitiva secunda secundum principium con-* *Quales sub-*
traditionis combinentur, oriri nequeunt nisi ideae sub- *stantia pro-*
stantiarum simplicium. Oriri per hanc combinatio- *deant possibi-*
nem ideas substantiarum simplicium, jam ostendimus in *lium secun-*
superioribus (§. 96.). Quod vero oriri nequeant nisi ideae *dorum com-*
substantiarum simplicium, probatur porro hoc modo. Pos- *binatione.*
sibilia primitiva secunda sive a primis orta nascuntur reali-
tatum, quæ Deo insunt, diversa limitatione (§. 91.).
Quamobrem cum Deus sit ens omnium primum (§. 33.),
adeoque ante ipsum non extiterit ens aliud (§. 44. part. I.
Theol. nat.), possibilia autem primitiva prima sint ipsæ rea-
litates illimitatæ, quæ Deo insunt (§. 87. 88.), & secun-
da has supponunt (§. 85.); præter realitates limitatas, qua-
les Deo insunt illimitatæ, non dantur possibilia alia primi-
tiva secunda. Sed Deus ens simplex est, non composi-
tum (§. 35.), adeoque possibilia primitiva secunda non
sunt, nisi quæ enti simplici conveniunt. Patet itaque pos-
sibilibus primitivorum secundorum combinatione non pos-
se oriri nisi ideas substantiarum simplicium.

Lubet hic prorsus a priori ostendere, quod elementa re-
rum materialium esse nequeant, nisi substantiæ simplices,
cum ortus rerum omnium ex Deo non alia ferat.

§. 310.

*Substantia
primaria &
secundaria
definitio,
item prima
ac secunda.*

Substantiam primariam appello finitam, quæ concipitur possibilis absque alia substantia limitata sive finita: *secundariam* vero dico, quæ non concipitur possibilis nisi per alias substantias limitatas sive finitas. Ast *prima* est substantia, quæ per se possibilis: *secunda* vero substantia est, quæ possibilis non est nisi per primam.

Divisio substantiæ in primam atque secundam dudum in philosophia recepta est. Scholastici enim primam substantiam vocant Deum; quia is per se possibilis concipitur, tanquam ens omnium primum (§. 33.) & ab alio omni prorsus independens (§. 25.). Ast creaturas, hoc est, entia omnia, quæ præter Deum existunt & ab ipso producta sunt, substantias secundas appellant, propterea quod sine substantia prima, nempe Deo, nulla eorum concipitur possibilis. Significatum itaque terminorum in philosophia dudum receptorum immutare nefas duximus (§. 174. *Disc. prælim.*). Enimvero cum inter substantias quoque creatas, seu in genere loquendo, finitas, quæ secundarum vulgo ferunt nomen, aliquid adhuc discriminis intercedat, quod hic necessario attendendum venit, quemadmodum mox patebit: ut a se invicem distingueremus, quæ distinguenda hic sunt, novis opus erat terminis. Quamobrem substantias quoque divisimus in primarias & secundarias. Ita in hypothese Atomistarum atomi sunt substantiæ primariæ, corpora eorum combinatione orta vero substantiæ secundariæ. Quodsi hanc divisionem pro subdivisione substantiæ secundæ accipere malis, nos non repugnantes habebis, & tunc primaria erit, quæ sine aliis secundis concipitur possibilis; secundaria vero, quæ possibilis non est nisi per secundas alias.

§. 311.

*Substantia
prima quæ
nam,*

Deus est substantia prima. Etenim Deus est substantia per eminentiam (§. 47.), idemque possibilis (§. 19.).

Et

Et quoniam ens omnium primum (§. 33.), ante quod non extitit aliud (§. 44. part. 1. Theol. nat.) ; per se possibilis est. Quare cum substantia prima sit, quæ per se possibilis (§. 310.) ; Deus substantia prima est.

Nil refert, quod Deus sit substantia per eminentiam ; adeoque non eo præcise sensu, quo entia alia ab ipso diversa substantiæ sunt. Neque enim substantia prima alia est quam per eminentiam talis.

§. 312.

Substantiæ limitatæ omnes non sunt nisi substantiæ secundæ. Etenim essentia entium limitatorum resultat ex combinatione possibilium primitivorum secundorum (§. 94.).

Quoniam itaque ens per essentiam possibile est (§. 153. Ontol.) ; substantiæ limitatæ possibiles esse intelliguntur, quia possibilia primitiva secunda nascuntur diversa limitatione realitatum, quæ Deo insunt (§. 91.), consequenter ideo possibilia, quia Deus possibilis. Quamobrem cum substantia secunda sit, quæ possibilis non est nisi per primam (§. 310.) ; substantiæ limitatæ omnes non sunt nisi substantiæ secundæ.

Recte adeo dictum a Scholasticis ; Deum esse substantiam primam, & quæ præterea possibiles sunt, esse substantias secundas, & distinctio ista fundamentum in re habet. Agnovere autem etiam iidem Deum esse substantiam per eminentiam ac propterea eundem in prædicamento substantiæ, proprie scilicet dictæ, esse negarunt.

§. 313.

Substantiæ primariæ nullæ possibiles sunt nisi simplices. Substantiæ primariæ sunt substantiæ limitatæ, quæ possibiles concipiuntur absque alia substantia limitata sive finita (§. 310.), consequenter per solam infinitam, adeoque

Deum (§. 18. 47.) possibiles sunt. Quoniam igitur essentiz omnium entium limitatorum resultant, si possibilia primitiva secunda juxta principium contradictionis combinantur (§. 94.); possibilia autem primitiva secunda nascuntur diversis limitatione realitatum, quæ Deo insunt (§. 91.); substantiæ primariæ prodeunt possibilibus nonnisi primitivorum secundorum combinatione. Jam vero possibilibus primitivorum combinatione prodire nequeunt nisi ideæ substantiarum simplicium (§. 309.). Nullæ adeo substantiæ primariæ possibiles sunt, nisi simplices.

Atque ita prorsus a priori ex ipso idearum in intellectu divino origine deduximus substantiarum finitarum primariarum omnium simplicitatem, ut adeo liquido constet, primarias compositas fingi, nec earum realitatem demonstrari posse. Qui atomos materiales tanquam substantias primarias in mundo materiali defendit, tenet, quæso, demonstrationem originis idearum earundem in intellectu divino, neque ullus dubito fore, ut perspiciat per ea, quæ Deo insunt, nullam reddi posse rationem, cur insit in intellectu ejusdem idea atomi cujusdam materialis. Unde earum possibilitas sumi quidem, sed non ostendi potest. Enimvero si originem idearum in intellectu divino legitime expendas, ita ut in intellectu non admittatur, nisi quod per ea, quæ ipsi inesse sumenda sunt, demonstrari potest; omnia plana sunt, & primis rationis principiis intellectui nostro in cognitione veritatis inviolabilibus consentanea. Luberem arduam & hætenus non expensam, etsi sufficienter ac clare satis in anterioribus demonstratam, populari adhuc sermone proferre. Deus suiipsius conscius est, ita ut nihil sit in ipso realitatis, cujus sibi metipsi conscius non sit: id quod vi principii heuristici, quo sæpissime usi sumus, recte sumitur (§. 70.). Intellectui adeo divino necessario tribendus actus cognitionis suiipsius, & in hoc primario consistit vi alterius principii heuristici (§. 78.). Dum Deus semetipsum intrinetur (§. 104.), omnes videt realitates in gradu absolute

solute summo (§. 15.), adeoque prorsus illimitatas (§. 16.). Experimur in nobis ipsis, intellectus nostri peculiarem quandam actum esse, quo illimitatum, quod sibi repræsentat, omni possibili modo limitari potest. Quamobrem cum hæc realitas tribuenda Deo sit in gradu absolute summo (§. 70.); necesse est ut Deus, qui intuitive cognoscit omnia (§. 104.), in realitatibus suis illimitatis omnes intrueatur realitates limitatas. Harum adeo combinatione juxta principium contradictionis, quod in eodem subiecto non admittit, nisi quæ simul inesse possunt (§. 28. *Ont.*), prodeunt essentia rerum (§. 142. 143. *Ont.*), per quas alia præter Deum, sed per Deum concipiuntur possibilia (§. 153. *Ont.*). Inde vero juxta principium rationis sufficientis resultant in iisdem subiectis, hoc est, entibus tales essentias habentibus attributa (§. 157. *Ontol.*) & modi quoad potentiam (§. 160. *Ontol.*). Et sic entia ista quoad essentias & attributa sunt perdurabilia (§. 766. *Ontol.*), quoad modos modificabilia (§. 764. *Ontol.*), consequenter substantiæ (§. 768. *Ontol.*). Hæc substantiæ per Deum, primam substantiam (§. 311.), possibilia sunt, nec supponunt substantias limitatas, quæ in earundem possibilitatem influant, consequenter sunt illæ ipsæ substantiæ, quas primarias diximus (§. 310.), & quæ in genere limitatarum seu finitarum (§. 173. *part. I. Theol. nat.*), sunt omnium primæ. Deus ens simplex est (§. 35.), atque adeo realitates, quæ ipsi insunt, non sunt aliæ nisi quæ enti simplici conveniunt. Quod si ergo realitates istæ limitentur, aliæ prodire nequeunt, nisi quæ entibus simplicibus conveniunt. Unde patet per Deum non esse possibles substantias primarias alias nisi simplices. Enimvero præter realitates, quæ Deo insunt, non dantur aliæ, cum ipsemet sit ens primum atque ultimum (§. 33.). Impossibile igitur est, ut præter eas substantias primarias, quæ per Deum possibles, dentur adhuc aliæ, quæ aliunde possibles intelligantur. Immo si quis fingendi facultatem restringi nolit, largiri tamen debet, illarum, quas præterea fingit, substantiarum primariarum utilitatem fore nullam in constituto hoc universo, seu mundo adspectabili. Acutiore facile perspiciunt, quod ideas rerum finitarum omnium in intellectu

lectu divino eo, quem exposuimus, modo deducendo ex Deo omnes notiones ontologicas, quales in Ontologia dedimus, prorsus a priori derivare liceret, ita ut omnis tandem rerum cognitio ex ipso deducatur Deo entium omnium primo, ex quo & per quem omnia sunt possibilia: quemadmodum fieri debere, siquidem philosophia prorsus a priori tradenda, dudum monuimus (§. 11. *Prelim. Log. Gerni.*), (pretis sciolorum puerilibus censuris.

§. 314.

*Cur elementa
corporum
sint substantiæ
simplices.*

Elementa corporum non possunt esse nisi substantiæ simplices. Elementa corporum sunt principium internum eorum (§. 181. *Cosmol.*). Quamobrem cum principium internum in principiato existat (§. 880. *Ontol.*), in corporibus existunt. Et quia per principium essendi, quale est internum, hoc principium intelligitur, cur quid sit possibile (§. 874. 56. *Ontol.*); per elementa intelligitur, cur corpora sint possibilia. Denique cum sit principium primum in alias irresolubile (§. 181. *Cosmol.*); non datur in corporibus aliud prius elementis, per quod ea possibilia intelliguntur. Jam corpora composita sunt (§. 119. *Cosmol.*), consequenter cum substantiæ primariæ nullæ possibiles sint nisi simplices (§. 313.), substantiæ primariæ non sunt, adeoque secundariæ (§. 310.). Substantiæ secundariæ non concipiuntur possibiles nisi per alias substantias finitas (§. *cit.*). Elementa igitur sunt substantiæ primariæ (§. *cit.*), utpote primum, quod in corporibus existit *per demonstrata*. Quoniam itaque substantiæ primariæ, quarum combinatione resultare debent secundariæ (§. 310.), nullæ sunt possibiles nisi simplices (§. 313.); elementa corporum non possunt esse nisi substantiæ simplices.

Atque adeo per ipsam originem idearum in intellectu divino prorsus a priori patet, & elementa corporum esse substantias

stantias simplices, consequenter corpora earundem aggregata, quemadmodum alias ostendimus (§. 176. *Cosmol.*). Hinc sane omnem elementorum & corporum ex iisdem ortus theoriam alio modo deducere liceret, quam quo eandem stabilivimus in *Cosmologia* Sect. 2. c. 2. & 3. Sed nostrum jam non est in has descendere ambages.

§. 315.

In mundo omnia tam coëxistentia, seu simultanea, quam Nexus coëxistentia inter se connexa sunt. Etenim ideæ corporum ^{stentium & successivorum} omnium & mundorum omnium possibilium in intellectu ^{in mundo.} divino resultant combinatione omnium elementorum juxta principium rationis sufficientis facta, & singuli in unoquoque mundo prodeunt homines, bruta singula, si corporibus suæ jungantur animæ juxta principium idem rationis sufficientis (§. 100.). Quoniam itaque per rationem sufficientem intelligitur, cur, quid potius sit, quam non sit (§. 56. *Ontol.*); per determinationes elementis intrinsecas intelligi debet, cur horum coëxistentia prodeant corpora, quæ simul sunt, & cur ea sit rerum in mundo successio, atque adeo unum in mundo continet rationem sufficientem coëxistentiæ vel successioni alterius (§. cit.). Cum itaque ea inter se connexa sint, quorum unum continet rationem sufficientem alterius (§. 10. *Cosmol.*); in mundo quolibet omnia tam coëxistentia, quam simultanea inter se connexa esse debent.

Patet itaque rationem nexus in universo hanc esse, quod elementa corporum juxta principium rationis sufficientis ita combinentur, ut non modo appareat, cur ea coëxistant, verum etiam ut in modificationibus suis constanter a se invicem depeant. Nexus itaque rerum omnium in universo per ipsam idearum in intellectu divino originem a priori manifestus est. Sed ne quid defuit evidentia, propositionem sequentem addere lubet.

(*Wolffii Theol. Nat. P. II.*)

N n

§. 316.

§. 316.

*Combinatio
elementorum
ad mundum
constituen-
dum necessa-
ria.*

Elementa aliter combinari nequeunt, ut prodeat idea mundi, nisi per principium rationis sufficientis. Ponamus elementa non combinari juxta principium rationis sufficientis. Quoniam vi principii hujus nihil est sine ratione sufficiente, cur potius sit, quam non sit (§. 70. *Ontol.*); in ipsis elementis nulla amplius continetur ratio sufficiens, cur potius coëxistant, quam non coëxistant, & cur hoc potius coëxistant modo, quam alio, consequenter nil amplius obstat, quo minus ex aggregato aliquo elementorum alia auferas & alia ab iis diversis in eorundem locum substituas, cum perinde sit, qualiâcunque sint elementa coëxistentia. Quamobrem quia aggregatum aliquod elementorum unum sit, quatenus determinatur per elementa a se invicem inseparabilia (§. 328. *Ontol.*); elementa non amplius uniuntur (§. 563. *Ontol.*), ut eorundem combinatione oriatur ens unum. Quoniam itaque porro extensio oritur multorum diversorum, adeoque extra se invicem existentium (§. 544. *Ontol.*), unione (§. 548. *Ontol.*); elementorum combinatione non prodibit quod extensum est consequenter corpus nullum (§. 122. *Cosmol.*), adeoque nec mundus aliquis (§. 119. *Cosmol.*); quocunque tandem aggregentur. Patet itaque ideam mundi prodire non posse, si elementa aliter, quam juxta principium rationis sufficientis combinentur, consequenter ea aliter combinari non posse, ut prodeat mundus, nisi per principium rationis sufficientis.

Clarissime adeo elucet principii rationis sufficientis necessitas in constituendo universo, cumque per hoc ipsum universalis rerum omnium in universo nexus resulet (§. 315.), hoc ipso simul patet, absque isto nexu nullum posse concipi universum, seu mundum nullum. Ex iis igitur, quæ demonstr-

monstravimus, sufficienter liquet, quænam & quanta sit vis principii rationis sufficientis, & cur nonnisi eodem distincte cognito interior mundi ratio pateat, ad quam inspiciendam nemo admittitur nisi hoc perspicillo adjutus.

§. 317.

Mundus est series rerum finitarum, tam simultanearum Notio mundi
sive coëxistentium; quam successivarum inter se connexarum. demonstratur.
Etenim idea animarum omnium tam hominum, quam brutorum & singulorum elementorum rerum materialium prodeunt, si possibilia primitiva secunda secundum principium contradictionis combinentur (§. 97.). Quamobrem cum possibilia primitiva secunda nascantur, diversa limitatione realitatum, quæ Deo insunt (§. 91.); animæ in universum omnes tam hominum, quam brutorum, & singula rerum materialium elementa sunt entia limitata, adeoque finita (§. 173. part. I. Theol. nat.). Jam elementorum combinatione juxta principium rationis sufficientis, & quidem hac sola (§. 315.), nascitur idea mundi cujuscunque possibilis & si juxta idem principium singulis hominum atque animarum corporibus jungantur animæ, omnes in unoquoque mundo prodeunt homines, brutaque omnia, quotquot in eodem mundo existere possunt (§. 100.), simulque omnia tam coëxistentia, quam successiva inter se connexa sunt (§. 315.). Mundus igitur series est rerum finitarum tam simultanearum, quam successivarum inter se connexarum.

Definitionem adeo mundi, quam in Cosmologia dedimus (§. 48.) *Cosmol.*, & cujus realitatem a posteriori evicimus (§. 51. & seqq. *Cosmol.*), hic prorsus a priori ex ipsa origine idearum in intellectu divino, adeoque ex ipso Deo, deduximus. Ejus itaque realitas nunc & a priori demonstrata, & a posteriori confirmata. Quibus adeo probationes a posteriori non ex asse satisfaciunt; iis satisfaciunt demon-

stratio a priori. Agnoscent vero ex hac ipsa demonstratione a priori, nec iis demonstrationibus denegandum esse plenum assensum, quæ ex factis naturæ petuntur, utut singula ad idem genus vel eandem speciem referenda nobis non innotuerint. Simile quid occurrit in Analyti recentiorum, ubi similitudinem dependentiæ terminorum a se invicem per omnem seriem admittimus, quam in quibusdam observamus, etsi progressus in infinitum non demonstratur. Neque enim nudam hic adesse inductionem, acutioribus datum perspectum est. Non tamen nego præstare demonstrationes a priori ac utiliter de iis cogitari: quæ de causa & nobis hic definitionem mundi a priori demonstrare visum est, præsertim cum non defuerint, qui eandem admittere noluerunt. Si vero hebetiores fuerint, quam ut originem idearum in intellectu divino perspiciant; ii sibi imputent, quod veritatem liquidam capere non possint.

§. 318.

*Alterius
mundi cur
alia sint ele-
menta.*

Quilibet mundus possibilis propria sibi habet elementa.
Etenim idea mundi cujuscunque in intellectu divino prodit, elementorum combinatione juxta principium rationis sufficientis facta (§ 100.), nec ea aliter quam per hoc principium combinari possunt, ut prodeat idea mundi (§. 316.). Patet itaque, si elementa, quibus constituitur mundus A, juxta principium rationis sufficientis combinentur, prodire ideam mundi A; sin elementa, quibus constituitur mundus B, juxta idem principium combinentur, prodire ideam mundi B, & ita porro. Mundus adeo quilibet propria habet elementa.

Si cui dubium ex eo oriatur, quod vi principii rationis sufficientis eadem elementa diversis modis combinari possint, quemadmodum eadem literæ alphabeti diversis modis combinantur, sique ex iisdem elementis resultare diversas mundi ideas, quemadmodum ex earundem literarum combinatione diversa prodeunt vocabula; is vim principii rationis suffi-

sufficientis non percipit, quod omnium elementorum combinandorum dissimilitudinem requirit (§. 195. *Cosmol.*). Simile à literis alphabeti petitum huc minime quadrat. In literis tantummodo respicitur ordo numericus, qui nullam in ipsis rationem sufficientem agnoscit, unde æque fieri potest, ut *a* ponatur secundo, *b* vero primo loco, quo oriatur syllaba *ba*, quam ut *a* primo, *b* vero secundo ponatur, ut prodeat syllaba *ab*: ast in elementis per determinaciones intrinsecas intelligitur, cur multa eo coëxistere possint modo ut fiant unum, nec fert hoc principium, ut salva unitate fiat aliqua elementorum permutatio, alio in locum alterius surrogato. Non tamen nego, eadem elementa posse ingredi ideam plurium mundorum, quatenus non repugnat plures mundos diversos quædam communia habere, sicuti omnes partes horologii automati non aliter quameo, quo combinantur, modo jungi possunt, ut machina quædam prodeat, etsi pars una vel altera etiam adhiberi possit in structura machinæ alterius ab horologio isto diversæ. Perpendendam hic quoque erat, elementa omnia quædam communia habere, utpote quæ eidem generi substantiæ, per quæ phænomena generalia, præsertim ea, quæ substantiata diximus (§. 299. 300. *Cosmol.*), in mundo sensibili determinantur, sed ea persequi nostri jam non est instituti. Diximus quædam huc spectantia in systemate (*not.* §. 825. *part. I. Theol. nat.*). Relegenda hic quoque sunt, quæ alias monuimus de impossibilitate coëxistentiæ eorundem elementorum diversæ (*not.* §. 571. *Cosmol.*).

§. 319.

Quoniam mundus quilibet propria sibi habet elementa (§. 318.); si alius existeret deberet mundus, quam qui existit, elementa quoque alia existere deberent.

Mundi ab
elementis de-
pendentiæ.

Demonstravimus idem jam aliter (§. 570. *Cosmol.*). Facile autem apparet, id intelligi de toto elementorum aggregato, non vero de uno vel altero elemento.

§. 320.

*Ordo mundi
quoniam di-
citur.*

Ordo mundi dicitur is, quo corpora, ex quibus com-
ponitur, in serie coëxistentium & successivorum collo-
cantur.

Definitio hæc consentanea est iis, quæ de ordine mundi
demonstravimus alibi (§. 556. *Cosmol.*). Unde ejus quoque
patet realitas.

§. 321.

*Ordo mundi
& naturæ
unde fit.*

*Ordo mundi & naturæ ex elementorum combinatione
juxta principium rationis sufficientis facta per se resultat.*
Etenim si elementa juxta principium rationis sufficientis
combinantur, integra prodit idea mundi (§. 100.), tan-
quam seriei rerum finitarum quoad coëxistentiam & suc-
cessionem inter se connexarum (§. 317.), ultimæque ra-
tiones eorum, quæ in rebus materialibus deprehendun-
tur, in elementis continentur (§. 191. *Cosmol.*). Quam-
obrem per ea, quæ elementis insunt, intelligitur, cur cor-
pus unumquodque in serie tam coëxistentium, quam suc-
cessivorum, hunc potius teneat locum, quam alium, &
cur natura has potius, quam alias in agendo observet le-
ges (§. 56. *Ontol.*). Quoniam itaque ordo mundi is est,
quo corpora, ex quibus componitur, in serie coëxisten-
tium & successivorum collocantur (§. 320.); naturæ au-
tem ordo, quem natura in agendo observat (§. 557. *Cos-
mol.*) quique regulis, adeoque & legibus motus (§. 303.
Cosmol.) continetur (§. 559. *Cosmol.*); per ea, quæ ele-
mentis insunt intelligitur, cur hic sit ordo mundi; hic na-
turæ ordo, non alius. Patet itaque ut detur ordo mun-
di, detur naturæ ordo, non alia re opus esse, quam ut ele-
menta hæc hoc, non alio modo combinentur. Quam-
obrem cum ea combinentur secundum principium ra-
tionis

tionis sufficientis *per demonstrata*, nec combinari aliter possint, siquidem idea mundi prodire debeat (§. 316.); tam mundi, quam naturæ ordo ex elementorum combinatione per principium rationis sufficientis facta per se resultat.

Patet adeo a priori, undenam sit ordo mundi atque naturæ. Liquet etiam mundo huic adspectabili hunc convenire ordinem, non alium, & in hoc mundo non alium esse posse naturæ ordinem, consequenter nec istum, nec hunc esse arbitrium; sed hypothetice necessarium, ita ut, si Deus hunc mundum adspectabilem producere voluerit, non alium; nec alius esse poterit mundi atque naturæ ordo. Quod vero ideo ordo tam naturæ, quam mundi non desinat esse contingens, ex sequentibus constabit.

§. 322.

Si alius esse debet mundi atque naturæ ordo, alia quoque esse debent elementa. Etenim ordo mundi atque naturæ ex combinatione elementorum juxta principium rationis sufficientis facta resultat (§. 321.). Quamobrem cum eadem elementa juxta principium rationis sufficientis aliter combinari nequeant, cum modus combinationis determinetur per intrinsecas eorundem determinaciones (§. 56. 112. *Ontol.*); nec horum elementorum combinatione non nisi hic ordo mundi atque naturæ resultare potest. Quamobrem si mundi atque naturæ ordo alius esse debet, alia quoque esse debent elementa.

*Ordinis
mundi atque
naturæ ab
elementis de-
pendentia.*

Dubium, quod circa demonstrationem inæutis suboriri poterat, jam ante removimus (*not.* §. 318.). Si alius existeret deberet mundus, quam qui existit, elementa alia existerere deberent (§. 319.). Quamobrem cum mundo unicuique suis conveniat ordo & in unoquoque proprius quidam sit naturæ ordo (*not.* §. 321.); non minus videri potest, quod alius mundi atque naturæ ordo alia quoque requirat elementa.

§. 323.

§. 323.

*Nexus neces-
sarius inter
ordinem
mundi atque
naturæ.*

Ordo naturæ alius esse nequit, manente eodem mundi ordine, nec ordo mundi potest esse alius eodem naturæ ordine manente. Etenim non minus naturæ, quam mundi ordo ex elementorum combinatione secundum principium rationis sufficientis facta resultat (§. 321.), adeoque uterque eadem elementorum eorundem combinatione ponitur simul. Fieri adeo nequit, ut alius sit ordo naturæ, manente eodem ordine mundi, vel alius ordo mundi, eodem naturæ ordine manente.

Idem etiam ostenditur hoc modo. Ponamus, si fieri potest, ordinem naturæ mutari in alium, eodem ordine mundi subsistente. Quoniam si alius esse debet naturæ ordo, alia quoque esse debent elementa (§. 319.); necessa est, ut in locum elementorum, quorum combinatione juxta principium rationis sufficientis facta ordo iste naturæ resultabat (§. 321.), surrogentur alia. Sed ita quoque resultabit alius mundus (§. 318.), alius quoque mundi ordo (§. 322.). Alius itaque naturæ ordo esse nequit, si idem manere debet mundi ordo. Ex eodem modo ostenditur, non alium esse posse mundi ordinem, si idem manet naturæ ordo.

Ordo nimirum naturæ atque mundi se mutuo ponunt atque tollunt, quia eandem habent rationem sufficientem (§. 118. Ontol.).

§. 324.

*Quomodo
possibilia in
se spectata
insunt intelle-
ctui divino.*

Possibilia tanquam absolute spectata insunt intellectui divino, quatenus primitiva secunda juxta principium contradictionis combinantur ac una advertitur, quenam ex hac combinatione vi principii rationis sufficientis vel necessario eidem subiecto simul insunt, vel saltem simul inesse possunt.
Etenim

Etenim si possibilia primitiva secunda secundum principium contradictionis combinantur, idem omnium substantiarum simplicium (§. 96.), adeoque primariarum resultant (§. 310.), quæ vi principii contradictionis exhibent earundem essentialias (§. 94.), vi principii autem rationis sufficientis attributa tanquam necessario inexistencia una cum essentialibus, atque omnera modificationem possibilem ac dependentiam quoad eandem ab aliis possibilem (§. 95.). Quoniam substantiæ primariæ concipiuntur possibiles absque omni substantia alia finita; secundariæ vero non nisi per alias (§. 310.); possibilia in se, sine relatione ad alia spectantur, quatenus primitiva secunda secundum principium contradictionis combinantur, & simul advertitur, quænam ex hac combinatione vi principii rationis sufficientis vel necessario eidem subiecto simul insunt, vel saltem simul inesse possunt. Quamobrem cum possibilia absolute spectentur, quatenus unumquodque spectatur in se, sine relatione ad alia (§. 142. part. I. Theol. nat.) ; possibilia absolute spectata insunt, in intellectu divino, quatenus possibilia primitiva secunda juxta principium contradictionis combinantur, simulque advertitur, quænam ex hac combinatione vi principii rationis sufficientis vel necessario eidem subiecto simul insunt, vel saltem inesse possunt.

Quoniam in systemate, possibilia, quatenus representantur in intellectu divino, vel ut absolute spectata, vel ut in systemata redacta (§. 142. part. I. Theol. nat.), ac hujus distinctionis multiplicem fecimus usum; nostrum quoque erat ostendere, vi ipsius originis idearum in intellectu divino possibilia in eodem tum absolute, tum tanquam in systemata relata spectari posse; immo spectanda esse. Ceterum ex ipsa demonstratione jam liquet, quænam possibilibus absolute spectatis cognoscantur, consentanea iis, quæ in systemate demonstravimus (§. 143. part. I. Theol. nat.). Non est, (Wolffii Theol. Nat. P. II.) O o quod

quod excipias, in propositione præsentē tantummodo substantias simplices considerari tanquam absolute spectatas; sed posse etiam compositas absolute spectari. Etenim si distincta supponitur cognitio, eaque adæquata, nulla substantia composita absolute spectari potest, cum in nexu elementorum, unde tandem oriuntur corpora sive composita (§. 223. *Cormol.*), ratio habenda sit relationis status uniuscujusque ad integrum mundum (§. 213. 202. *Cormol.*). Aliter vero se res habet quoad nos, quibus perfecta analysis impossibilis, quique adeo acquiescimus in confuse perceptis, quæ a primo fonte phenomenorum quam longissime absunt (§. 99. & seqq. *Psych. rat.*). Qui vel propositionem cosmologicam de entis compositi in mundo existentia & modis per integrum mundum determinatis (§. 87. *Cormol.*), vel originem idearum corporum ac totius mundi, ex quibus constat, perpendit (§. 100.); ei nihil prorsus supererit difficultatis. Imperfecta nostra cognitione perfectissimam Dei imitamur, sed ob maxima unius ab altera distantia nostræ insunt, quæ divinæ repugnant: id quod & in aliis accidit.

§. 325.

*Possibilia in
systemata
reducta.*

Possibilia tanquam in systemata reducta insunt in intellectu divino, quatenus elementa omnia juxta principium rationis sufficientis combinantur, & corporibus inde resultantibus junguntur animæ ipsis convenientes. Etenim si elementa omnia juxta principium rationis sufficientis combinantur, omnia corpora possibilia omnesque mundi possibiles resultant, & si porro corporibus in eadem serie existentibus juxta idem principium junguntur animæ, in unaquolibet etiam serie prodeunt homines ac bruta, quotquot in eadem naturaliter existere possunt, quoad scilicet ideas (§. 100.). Quamobrem cum in mundo quolibet omnia inter se connexa sint tum quoad coexistentiam, tum quoad successionem (§. 315.); possibilia omnia inter se connexa,
tum

tum quoad coëxistentiam, tum quoad successionem, adeoque tanquam in systemata relata insunt in intellectu divino (§. 142. *part. I. Theol. nat.*), quatenus elementa omnia juxta principium rationis sufficientis combinantur & corporibus inde resultantibus junguntur animæ ipsis convenientes.

Naturali lumine nobis non innotescit nisi mundus hic adspiciabilis, in quo homines atque bruta existere a posteriori cognoscimus. Scriptura Sacra præter mundum cæli quoque mentionem facit, in quo sunt Deus atque angeli boni, nec non inferni, in quo sunt angeli mali. Cælum istud beatorum, quod dicitur, tanquam diversum quid a mundo adspiciabili spectatur, quemadmodum & infernus, ac ideo non minus cælum istud, quam infernus tanquam extra mundum nobis exhibetur (§. 44. *Ontol.*). Etsi autem nullam in hac vita utriusque habeamus ideam, ut ideo S. S. non nisi per similia nobis utrumque adumbret; nullum tamen dubium est, cum substantiæ primariæ, per quas secundariæ concipiuntur possibiles (§. 310.), non sint nisi simplices (§. 313.), quin substantiarum quoque simplicium combinatione juxta principium rationis sufficientis facta in intellectu divino prodeat idea cæli atque inferni, quemadmodum supra ideam mundi resultare demonstravimus (§. 100.): demonstravimus enim, possibilitium primitivorum secundorum combinatione secundum principium contradictionis facta, vi principii rationis sufficientis resultare ideam omnium substantiarum simplicium in singulari (§. 96.), quibus præter essentias (§. 94.) insunt etiam attributa & omnes modificationes possibiles cum omni dependentia possibili quoad modificationem (§. 95.). Absit itaque, ut quis sibi persuadeat, traditam S. S. quæ origini idearum in intellectu divino a nobis demonstratæ repugnant! Acutiores potius perspicient principis istis multam affundi lucem iis, quæ de cælo atque inferno, tanquam a mundo adspiciabili distinctis, adocentur in S. S. Nostrum enim non est hæc ostendere, tum ne falsam in alienam messem immittamus, tum quia hic de iisdem dicen-

dicendi locus non est. Id tantummodo monere lubet, per hæc principia quæstiones inutiles atque absurdas ab utilibus & veris distingui. Ita qui notionem spatii veram perspectam habet (§. 589. *Ontol.*), statim animadvertet, frustra queri locum cæli atque inferni in mundo adspectabili, cum utrumque ens sit extramundanum, etsi per ea, quæ S.S. tradit, utrumque quos modo connexum sit cum mundo adspectabili, atque ita pertineat ad universum rerum omnium creaturarum.

§. 326.

*Idea mundi
in intellectu
divino qua-
sit sit.*

Idea mundi in intellectu divino est idea mundi intelligibilis. Idea enim mundi in intellectu divino resultat, si elementa omnia juxta principium rationis sufficientis combinantur, & si porro corporibus singulis hominum atque brutorum, data hac combinatione prodeuntibus, junguntur animæ juxta idem principium, idem quoque singulorum hominum atque brutorum emergunt, quotquot in eodem naturaliter existere possunt (§. 100.); immo eadem combinatione ponitur quoque tam mundi, quam naturæ ordo (§. 321.). Representat igitur idea mundi in intellectu divino aggregatum elementorum certo ordine coexistentium & certa lege mutuas ad se invicem relationes mutantium (§. 176. 557. *Cosmol.*). Quamobrem cum idea mundi intelligibilis sit aggregatum substantiarum simplicium certo ordine coexistentium & certa lege mutuas ad se invicem relationes mutantium (§. 203. *part. I. Theol. nat.*); idea mundi in intellectu divino est idea mundi intelligibilis.

Ostendi etiam poterat hoc modo. Positis iis, quæ ante adduximus ex §. 100. & 321., idea mundi in Deo talem representat, qualis revera est. Enimvero idea mundi, quæ eundem exhibet, qualis revera est, idea mundi intelligi-

ligibilis est (§. 202. *part. I. Theol. nat.*). Idea igitur mundi in intellectu divino est idea mundi intelligibilis.

Qualis sit mundus intelligibilis, in systemate (§. 203. *part. I. Theol. nat.*) ex principiis mere cosmologicis demonstravimus, quæ consentanea sunt origini idearum in intellectu divino (§. 100. 321.), ut adeo pateat, cosmologiam rotam a priori deduci posse, si existentiam Dei ex notione entis perfectissimi demonstrare volueris, quemadmodum a nobis factum est. Immo facile vident acutiores, Psychologiam quoque rationalem, qualem tradidimus, ex ipsa origine idearum in intellectu divino a priori deduci posse. Sed hoc aliorum industria relinquimus. Sufficit monstrasse viam, qua sit eundem & uno alteroque specimine fidem dedisse oculatam, ne de successu sit desperandum rerum omnium cognitionem ex Deo, adeoque prorsus a priori deducturo, si Physicam exceperis. Per ea enim, quæ tradidimus, nondum in potestate est ideam integram mundi sensibilis quoad particularia ex idea mundi intelligibilis deducere, propterea quod nonnisi generalem hujus ideam habemus: ducunt tamen ad ulteriora. Ceterum hinc porro deduci poterat, quemadmodum in systemate factum (§. 205. *part. I. Theol. nat.*), diversitas ideæ mundi in intellectu divino ab idea ejus, quæ est in animabus nostris (§. 192. *Psychol. rat.*). Poteramus hic quoque ostendere, quod idea mundi rationalis, quem diximus (§. 258. *part. I. Theol. nat.*), in idea intelligibili, quæ datur in intellectu divino, includatur, quemadmodum fecimus in systemate (§. 261. *part. I. Theol. nat.*); sed velum esse prolixiores in iis, quæ unusquisque anteriorum gnarus & methodi nostræ philosophandi compos proprio acumen advertet, modo non patiatur desiderari attentionem.

§. 327.

Id omne possibile est, cujus idea datur in intellectu divino. Ideæ enim omnes, quæ dantur in intellectu divino, oriuntur combinatione possibilium primitivorum secundorum juxta principium contradictionis (§. 94. &

*Quanam sint
possibilia.*

seqq.), & inde resultantium ulteriori combinatione juxta principium rationis sufficientis (§. 100.), ut adeo omnes per principium contradictionis & rationis sufficientis determinentur (§. 173.). Quoniam per principium contradictionis impossibile, ut idem simul sit, vel non sit (§. 28. 29. *Ontol.*) ; quæ ex combinatione possibilium juxta principium contradictionis resultant, ab omni contradictione libera (§. 30. *Ontol.*), adeoque possible sunt (§. 85. *Ontol.*). Et quia per principium rationis sufficientis patet ratio sufficiens, cur quid potius sit, quam non sit (§. 70. *Ontol.*) ; quæ per hanc combinationem resultant eorum unum habet rationem sufficientem in altero, consequenter unum ideo est, quia alterum est (§. 118. *Ontol.*). In eo igitur, quod per hanc combinationem resultat, non insunt, nisi quæ simul inesse possunt, consequenter & hoc ipsum a contradictione liberum (§. 31. *Ontol.*), atque adeo possibile est (§. 85. *Ontol.*). Quamobrem patet, id omne possibile esse, cujus idea in intellectu divino datur.

Principium contradictionis, quod omnem contradictionem arcet (§. 28. 29. *Ontol.*), possibile efficit, quod aliorum possibile combinatione prodit. Principium autem rationis sufficientis, per quod intelligitur, cur quædam cum aliis simul sint (§. 118. *Ontol.*), in ipsam possibilitatem non insuit, nisi quatenus principium contradictionis supponit. Hinc & (§. 95.) supponitur, possible primitiva secunda combinari per principium contradictionis, antequam per principium rationis sufficientis intelligitur, quænam eidem subjecto cum aliis quæ abesse nunquam possunt, una necessario insunt, & quænam cum iisdem inesse simul non repugnat, hoc est, ut attributa a modis, modi cum attributis ab essentialibus distinguantur, & subjectum determinationum constantium tanquam successive varias determinationes mutabiles recipere actum spectatur. Vis igitur utriusque principii probe perpendenda, ut idearum in intellectu di-

vino

vinò ratio penitus inspiciatur. *Cartesius* omne possibile pronuntiavit, cujus idea in anima nostra datur: neque in eo a vero aberravit. Quoniam vero in cognitione symbolica locus est notionibus deceptoribus; ideo nobis videmur habere ideam ejus, cujus nulla est, sicque incauti impossibile pro possibili amplectimur. Patet autem evitari errorem, si ostendatur, quæ a nobis combinantur, juxta principium contradictionis combinari posse.

§. 328.

Nihil possibile, cuius idea non datur in intellectu divino. Pone enim aliquid esse possibile, cujus non datur idea in intellectu divino. In ideis igitur divinis non continentur possibilia omnia, eritque aliquid possibile, quod per Deum possibile non est, sed eo per impossibile sublato adhuc possibile intelligitur. Sed utrumque absurdum est (§. 174. 175.). Nihil igitur possibile, cujus idea non datur in intellectu divino.

Cur nihil possibile, cujus non datur idea in Deo.

Poteramus idem directe deducere ex ipsis ideis divinis, nisi amplitudinem idearum divinarum & possibilitatis omnium dependentiam a Deo ex illarum origine jam demonstrassemus.

§. 329.

Elementa rerum materialium & animæ tam hominum, quam brutorum, ac in genere substantiæ omnes simplices finitæ, immo omnia præter Deum possibilia sunt entia contingentia. Etenim essentia elementorum & animarum (§. 97.), ac in genere substantiarum simplicium omnium in singulari essentia determinantur combinatione possibilium primitivorum secundorum secundum principium contradictionis (§. 96. 94.). Quamobrem in entium ipsorum essentia nil continetur præter realitates limitatas (§. 91.), quæ simul eadem subjecto inesse possunt (§. 27. 28. *Ontol.*). Enimvero per id, quod realitates limitatæ simul inesse possint eidem subjecto

Contingentia elementorum & animarum, immo omnium præter Deum possibile.

subiecto nondum intelligitur, cur actu sint, five existant, consequenter ratio sufficiens existentiz in essentia eorundem nondum continetur (§. 56. *Ontol.*). Quamobrem cum ens contingens sit, quod rationem sufficientem existentiz suz in essentia sua non habet (§. 310. *Ontol.*); substantiz simplices finitiz omnes, elementa omnia rerum materialium & animaz tam hominum, quam brutorum entia contingentia sunt.

Aliter.

Quoniam per Deum omnia possibilia sunt; nec eo sublato quicquam possibile (§. 174.); omnes substantiz simplices quoque finitiz, & in specie elementa omnia rerum materialium & animaz omnes, non intelliguntur possibiles nisi per ea, quz Deo insunt, nempe per actum intellectus sui, quo realitates illimitatas, quz ipsi insunt (§. 16.), cognoscit (§. 88. 90.), eas limitat (§. 91.) & iuxta principium contradictionis combinat (§. 94. *seqq.*). Enimvero quia quid possibile est, ideo non existit (§. 171. *Ontol.*). Per actum igitur intellectus divini, per quem elementa omnia rerum materialium & animaz omnes tam hominum, quam brutorum, ac in genere substantiz omnes limitatz five finitiz, possibilia intelliguntur, nondum intelligitur, cur existere possint, nedum quod actu existant, consequenter in jis, quz per istum intellectus divini actum resultant, nondum continetur ratio sufficiens existentiz eorundem (§. 56. *Ontol.*). Quamobrem cum inde resultent essentiz entium limitatorum (§. 94.), seu substantiarum simplicium in singulari (§. 96.), in specie elementorum rerum materialium & animarum tam hominum, quam brutorum (§. 97.); in entium istorum essentiis ratio sufficiens existentiz non continetur. Sunt igitur entia contingentia (§. 310. *Ontol.*).

Osten-

Ostenditur etiam hoc modo: Per Deum omnia possible sunt, nec eo sublato quicquam possibile (§. 174). Quoniam itaque existere nequit, nisi quod possibile (§. 132. *Ontol.*); nihil præter Deum concipi potest ut existens, antequam per eum ponatur possibile. Unde cum posita ratione sufficiente ponatur id, quod propter eam potius est, quam non est (§. 118. *Ontol.*), & ens per essentiam intelligatur possibile (§. 153. *Ontol.*); in essentia ipsius contineri nequit ratio sufficiens existentiae, consequenter omnia, quæ præter Deum possible sunt, contingentia sunt, adeoque & elementa rerum materialium & animarum tam hominum, quam brutorum in numero entium contingentium sunt (§. 310. *Ontol.*).

Demonstravimus hic contingentiam rerum omnium præter Deum possibilem, præsertim elementorum & animarum, prorsus a priori; ut appareat, cur contingentia sint. Eam nimirum loquitur ipse eorundem ex Deo ortus & modus, quo per eum possible concipiuntur. Equidem si contingentia elementorum ac animarum hoc modo demonstratur, eadem uti non possumus tanquam principio demonstrandi existentiam Dei, quemadmodum factum est in systemate; sed nec eo fine eadem hic demonstratur, quoniam existentiam Dei necessariam jam superius adstruximus ex ipsa ejus notione (§. 21.). Non tamen ideo inutilis censeri debet hæc demonstratio: facit enim ad dependentiam rerum finitarum a Deo ente infinito rite agnoscendam & creationem intimius inspicendam. Equidem elementorum contingentiam jam demonstravimus in systemate independentem a Deo (§. 36. 756. *part. I. Theol. nat.*); immo etiam animarum nostrarum (§. 61. *part. I. Theol. nat.*); lubet tamen adhuc aliter eandem hic evincere, ne quid in re tanti momenti desiderari possit.

§. 330.

Ens omne finitum contingens est. Quoniam ens omne finitum finitum con-

(Wolffii Theol. Nat. P. II.)

P p

finitum con-

*singentia in-
dependent
a Deo demon-
strata.*

finitum etiam limitatum est (§. 173. *part. I. Theol. nat.*); ejus intrinsecæ determinationes limitatæ sunt. Jam essentia entis constituitur per determinationes intrinsecas, quæ sibi mutuo non repugnant, nec tamen per se invicem determinantur (§. 143. *Ontol.*), consequenter quæ non modo simul eidem subjecto inesse possunt; verum etiam quorum una, si inest, non necessario simul inest altera (§. 115. *Ont.*). Per essentiam adeo entis infiniti nondum intelligitur, cur existere debeat, adeoque essentia ejus existentia rationem sufficientem in se minime continet (§. 56. *Ontol.*). Quoniam itaque ens contingens est, quod existentia rationem sufficientem in essentia sua non habet (§. 310. *Ontol.*); ens omne finitum contingens est.

Quod Deus, ens prorsus illimitatum (§. 16.), necessario existat (§. 21.) & ideo existentia suæ rationem in seipso sive essentia sua habeat sufficientem (§. 309. *Ontol.*); id quidem inde est, quemadmodum ex demonstratione existentia ejus necessaria intelligitur, quod ipsi insint realitates in gradu absolute summo (§. 21.), quarum in numero existentia quoque necessaria est (§. 20.). At ex adverso realitates, quæ enti finito insunt, limitatæ sunt (§. 173. *part. I. Theol. nat.*): nulla vero ne fingi quidem potest ratio, cur determinationibus limitatis superaccedere debeat illimitata una, existentia nempe necessaria (§. 20.). Quibus fingendi licentia ratione potior est; illi per nos suo abundant sensu. Nostrum enim est docere, quæ rationi consentanea sunt; non vero pugnare cum larvis. perpendendum tamen hic est, Deum per essentiam existere (§. 27.), ac ideo concipi ut existentem, quia concipitur ut possibilis (§. 28.). At entia reliqua, quæ finita sunt seu illimitata, non ideo existunt, quod intelligantur possibilis (§. 171. *Ontol.*), consequenter eum per essentiam possibilis sint (§. 153. *Ontol.*), ea per essentiam non existunt. Experientia quoque idem quotidie confirmat, neq. ulla potest dari ratio, cur enti uni finito privilegium existen-

tia

ut essentialis tribuendum sit, quod aliis negatur. Deo autem hoc privilegium competit ex singulari ratione, quæ in ens finitum minime cadit, nimirum quod realitates, quæ ipsi insunt, in gradu absolute summo insint, & insint omnes, quæ sibi mutuo non repugnant (§. 15.), immo absolute omnes (§. 93.).

§. 331.

Elementa rerum materialium & animæ tam brutorum, quam hominum sunt entia contingentia. Elementa enim rerum materialium entia finitissima sunt (§. 203. Cosmol.). Animæ quoque humanæ substantiæ finitæ sunt (§. 264. Psych. rat.), & eodem modo demonstratur finitudo de animabus brutorum, quo eandem de humanis demonstravimus. Quamobrem cum ens finitum omne contingentis sit (§. 330.); elementa quoque rerum materialium & animæ tam brutorum, quam hominum entia contingentia sunt.

Quoniam in propositione præcedente contingentiam entis finiti omnis a priori independenter ab existentia Dei demonstravimus; nemo non videt, in præsentem contingentiam quoque elementorum & animarum independenter ab eadem demonstratam esse. Et qui propositionis præcedentis demonstrationem perpendit; facile animadvertet potuisse quoque eodem modo contingentiam elementorum & animarum in specie absque isto principio generali demonstrari.

§. 332.

Mundus est ens contingens. Etenim mundus prodit ex elementorum combinatione juxta principium rationis sufficientis facta & junctis corporibus hominum atque brutorum ex eadem combinatione resultantibus juxta idem principium (§. 100.). Quoniam itaque mundus concipi nequit, nisi suppositis elementis atque animabus tam hominum, quam brutorum; elementa vero & animæ sunt

entia contingentia (§. 329.), mundus quoque ens aliud esse nequit nisi ens contingens.

Ostenditur etiam ita. Quoniam mundus ex corporibus componitur (§. 119. *Cosmol.*), corpora vero sunt substantiarum simplicium, nempe elementorum (§. 182. *Cosmol.*), aggregata (§. 176. *Cosmol.*); mundus non concipitur possibilis absque elementis. Et quoniam hominibus atque brutis animæ sunt a corporibus distinctæ (§. 47. 753. *Psychol. rat.*); in mundo concipi nequeunt homines atque bruta absque animabus. Quamobrem cum elementa rerum materialium & animæ tam brutorum, quam hominum sint entia contingentia (§. 331.); quin mundus totus contingens sit dubitari nequit.

Demonstratio prior contingentiam mundi deducit ex ipso Deo, ut pateat, cur nonnisi ens contingens esse possit; posterior vero eandem evincit independentem a Deo, ita ut ea uti liceat tanquam principio in demonstranda existentia Dei, locumque habeat in systemate, sit ita quod eandem ibidem jam aliter demonstraverimus. In Geometria unica demonstratio satisfacit omnibus, propterea quod nulla sunt præjudicia, quæ principiorum evidentiam obnubilant: est extra Mathesin, ubi non unum regnat præjudicium, demonstratio una non æque satisfacit omnibus. Mira præjudiciorum vis est, ut haud raro malint iis imbuti in luce meridiana caligare, quam iisdem valedicere & veritati manifestæ victas dare manus. Non igitur vulgi præjudicio locum concedimus, quasi demonstrationes plures infirmæ ex conjunctione majus acquirant robur; sed quod uni non obstat præjudicium, quod obfuscat alteram. In re adeo ardua succurrendum infirmitati aliorum.

§. 333.

Compositum omne contingens est. Etenim compositum
corporum *contingentia. existere nequit sine entibus simplicibus (§. 686. Ontol.).*

Quam-

Quamobrem cum substantiæ simplices omnes, quæ præter Deum possibiles, sint contingentes (§. 329.); ens compositum omne contingens est.

Si quis compositi in genere contingentiam independentem a Deo demonstrare voluerit, is tantummodo evincere teneatur, composita non posse oriri nisi ex simplicibus finitis: id quod probata haud difficile. Sed cum isto principio non utendum in demonstranda existentia Dei, ubi a mundo ad Deum argumentamur, nec opus est, ut principium hoc generale independentem a Deo demonstretur.

§. 334.

Elementa rerum materialium, animæ tam brutorum, quam hominum, immo totus mundus nonnisi contingenter existit & dum existere incipiunt, existentia eorum nonnisi hypothetice necessaria. Et enim elementa rerum materialium & animæ tam brutorum, quam hominum entia contingentia sunt (§. 329. 331.), immo totus mundus ens contingens est (§. 332.). Enimvero ens contingens omne nonnisi contingenter existit & dum existere incipit, existentia ejus nonnisi hypothetice necessaria est (§. 316. Ontol.). Quamobrem elementa rerum materialium, animæ tam brutorum, quam hominum; immo totus mundus nonnisi contingenter existit & dum existere incipiunt, existentia eorum nonnisi hypothetice necessaria.

Quoniam contingentiam elementorum & animarum tam dependentem (§. 329.), quam independentem a Deo demonstravimus (§. 331.) & mundi totius contingentiam, etiam quatenus in eo sunt homines atque bruta, & dependentem, & independentem a Deo stabilivimus (§. 332.) propositionis præsentis veritas patet, & supposita, & non supposita existentia Dei. Quamvis autem contingentia elementorum,

Pp 3

anima-

animarum atque mundi totius demonstrari possit, nondum supposita existentia Dei; inde tamen non sequitur, ipsam eorumdem contingentiam a priori intelligi posse absque iis, quæ Deo insunt, consequenter contingentiam rerum omnium, quæ præter Deum existunt, non dependentem a Deo (§. 851. *Ontol.*). Etenim si demonstrationem, qua eadem independentem a Deo evincitur, nimirum nondum supposita existentia & naturæ Dei tanquam cognita, in sua principia resolvas; utique constabit, sumi quædam a posteriori, quorum rationem ignoras, nimirum possibilitatem entis finiti, cum tamen ex origine idearum in intellectu divino pateat, non esse ens finitum possibile nisi per Deum ens infinitum, ita ut si per impossibile ponas non dari Deum, ens perfectissimum, nec demonstrare possis, quomodo possibile sit ens finitum sive limitatum. Hac probe perpendi velint, ut intelligatur veritatum consensus, nec fingatur discordia in summa concordia. Quod si præcipitantia in iudicando evitatu adeo facilis esset, quemadmodum multis videtur; istiusmodi monitis superfedere poteramus: enimvero cum vel acutissimi in uno veritatum genere eidem obnoxii fiant, ubi in aliud irruunt, iisdem opportunum hic maxime fieri locura in dubium nemo sanus revocaverit.

§. 335.

Elementorum & animarum ex nihilo productio.

Si elementa & animæ existere debent, ex nihilo producenda sunt. Elementa enim rerum materialium & animæ tam hominum, quam brutorum sunt entia contingentia (§. 331.). Enimvero sunt elementa corporum (§. 314.) atque animæ tam hominum (§. 48. *Psychol. rat.*), quam brutorum substantiæ simplices (§. 753. *Psychol. rat.*). Quamobrem cum simplicia contingentia ex nihilo produci debeant, si existere debent (§. 691. *Ontol.*); evidens est, si elementa atque animæ existere debent, ea ex nihilo producenda esse.

Elementa-

Elementorum adeo atque animarum productio ex nihilo per hoc principium adeo manifesta est, ut non detur propositio geometrica, cui evidentia major sit: id quod probe notandum, quo deinceps pateat, Deo potentiam creatricem firma demonstratione tribui, nec eam gratis sumi tanquam potentie summum gradum.

§. 336.

Si quis mundus existere debet, ex nihilo producendus. *Mundi ex nihilo productio.*
Etenim cum mundus aliter prodire nequeat, nisi elementorum juxta principium rationis sufficientis facta combinatione (§. 316.), & mundus quilibet propria sibi habeat elementa (§. 318.); si quis mundus existere debet, elementa juxta principium rationis sufficientis combinabilia existere debent. Quamobrem cum elementa in universum omnia existere non possint, nisi ex nihilo producantur (§. 335.); si quis mundus existere debet, ex nihilo producendus est.

Quoniam tanta est productionis elementorum & animarum ex nihilo evidentia (not. §. 335.); nec minor esse potest productionis mundi ex nihilo, quippe ab ea tota pendens, quæ est productionis elementorum. Relegenda hic sunt, quæ ad simplicium contingentium productionem apnotavimus (not. §. 691. Ontol.).

§. 337.

Mundus oriri nequit nisi per creationem. Etenim si Mundi mundus existere debet, ex nihilo producendus (§. 336.). *tur.*
Quamobrem cum creetur, quod ex nihilo producitur (§. 697. Psych. rat.); mundus oriri nequit nisi per creationem.

Mundum oriri non posse, nisi per creationem, nemo unquam in dubium vocavit; an vero ortus sit per creationem, de eo disceptatum fuit, cum non desuerint, qui vel mundum fecere æternum, vel ex materia æterna cum factum esse contenderunt. Quamobrem sequentes addemus propositiones.

§. 338.

§. 338.

*Potentia
creatrix Deo
vindicta,
creatio ani-
marum de-
monstrata.*

Anime nostræ a Deo creatæ sunt, Deoque competit potentia creatrix. Etenim animæ hominum existunt (§. 21. *Psychol. empir.*). Quoniam itaque existere nequeunt, nisi ex nihilo producantur (§. 335.): quin ex nihilo productæ sint dubitari nequit. Enimvero præter Deum non datur ens necessarium (§. 329. 22.), ipseque ens omnium primum est (§. 33.). Animæ igitur nostræ a Deo ex nihilo productæ, consequenter creatæ sunt (§. 697. *Psych. rat.*). Atque adeo patet, Deo competere potentiam creatricem.

Placuit Deo vindicare potentiam creatricem, seu potentiam aliquid ex nihilo producendi per existentiam animarum nostrarum, propterea quod eandem admittunt omnes (*not.* §. 15. 20. 21. *Psychol. empir.*), existentiam vero realem corporum negant Idealistæ (§. 36. *Psych. rat.*). Est enim Materialistæ animam pro ente materiali habent (§. 35. *Psych. rat.*); ejus tamen existentiam in dubium minime vocant.

§. 339.

*Quantitas
potentia
creatrix
divina.*

Potentia creatrix Deo competit in gradu absolute summo. Quoniam potentiam creatricem Deo vere inesse demonstratum fuit (§. 338.); ea realitas quædam est (§. 5.). Quamobrem cum realitates omnes Deo insint in gradu absolute summo (§. 15.); potentia etiam creatrix eidem in gradu absolute summo competit.

Vides cur ante evicerimus per animarum creationem in dubium minime vocandam, si nonnisi ex notionibus rerum ratiocinari didiceris, Deo competere potentiam creatricem, quam eam ipsi inesse in gradu absolute summo demonstraretur. Nimirum ut constaret, eam esse realitatem, nec notionem ejus esse deceptricem, quemadmodum contendunt, qui mundi æterni independentem a Deo existentiam defendunt: neque enim hic, quemadmodum in

ante-

anterioribus, quæ animæ nostræ insunt limitato modo, Deo illimitato tribuere licet, propterea quod non modo potentia animæ qualis sit multis discepcionibus obnoxia, verum in confesso quoque penes omnes, nobis nihil potentia creatricis convenire. Ejus adeo realitatem non aliter cognoscere datur nisi ex indubitato quodam effectu divino, qualis est animarum nostrarum ex nihilo productio.

§. 340.

Potentia creatrix divina omnibus substantiis simplicibus prater Deum possibilibus producendis sufficit. Etenim potentia creatrice ad actum perducuntur, quæ ex nihilo producenda sunt (§. 697. *Psychol. rat.*). Quamobrem cum omnes substantiæ simplices prater Deum possibiles sint contingentes (§. 330.), substantiæ autem simplices contingentes existere nequeant, nisi ex nihilo producantur (§. 691. *Ontol.*) ; potentia creatrice illimitata omnes substantiæ simplices prater Deum possibiles sunt producibiles. Quoniam itaque Deo competit potentia creatrix in gradu absolute summo (§. 339.), adeoque prorsus illimitata (§. 11.) ; eadem quoque omnibus substantiis simplicibus prater Deum possibilibus producendis sufficit.

Pater adeo potentia creatrice produci quod substantiale est in rebus finitis. Atque hinc intelligitur diversitas potentia creatricis a potentia, quam nos habere experimur. Quando enim artifex construit horologium, compositam equidem producit substantiam, quæ ante non erat, sed nonnisi substantiarum compositarum jam existentium diversa modificatio: minime autem producit ipsum substantiale. Unde etiam est, quod potentia creatricis nullam in nobis habeamus ideam, quam a defectu omni liberatam Deo tribuere possemus.

§. 341.

Potentia Dei creatrix omni mundo possibili producendo Idem ulterius sufficit. Cum enim Deo in gradu absolute summo com-

(Wolffii Theol. Nat. P. II.)

Q q

petat

petat (§. 339.); nihil per creationem oriri potest, cui producendo ea non sufficiat. Quamobrem quia mundus omnis oriri nequit nisi per creationem (§. 337.); eadem omni mundo possibili producendo sufficit.

Quemadmodum itaque per ideas omnium mundorum, quæ dantur in intellectu divino (§. 100.), eorum possibilitas intrinseca manifesta est (§. 327.); ita per potentiam ejus creatricem patet eorundem possibilitas extrinseca, *vi prop. pref.* Et idem eodem modo intelligitur de eo omni, quod præter mundos possibile esse ponitur. Diversa igitur sunt possibilitatis intrinsece atque extrinsece principia, etsi intrinsece possibile non sit, quod non etiam extrinsece tale pronuntiandum. Præcipitans judicium, qui cum *Spinosu* possibilitatem intrinsecam in figmentorum numerum referunt, originem idearum in intellectu divino ignorantes & rerum finitarum dependentiam a Deo non distincte concipientes.

§. 342.

Actus creationis in quo consistat.

Mundus a Deo creatur, dum elementa rerum materialium juxta principium rationis sufficientis combinata & animas tam brutorum, quam hominum producit juxta idem principium singulis hominum atque brutorum corporibus jungendas. Etenim si Deus, cujus potentia creatrix omni mundo possibili producendo sufficit (§. 341.), singula elementa rerum materialium juxta principium rationis sufficientis combinata & animas tam brutorum, quam hominum juxta idem principium singulis eorum corporibus jungendas producit; mundus totus existit (§. 100.). Quoniam itaque aliter existere nequit nisi per creationem (§. 337.); si Deus elementa rerum materialium juxta principium rationis sufficientis combinata & vi ejusdem principii singulis hominum atque brutorum corporibus jungendas animas producit; mundus ab eodem creatur.

Actus

Actus adeo creationis distincte jam intelligitur, quantum a nobis intelligi potest. Atque hic ipse est, quem *creationis prima* nomine insigniunt Theologi, quique in productione ex nihilo consistit.

§. 343.

Eodem actu, quo Deus mundum creat, fit quoque mundi *Ordo mundi*
di atque nature ordo. Mundus enim materialis a Deo creatur, si elementa rerum materialium juxta principium rationis sufficientis combinata producantur (§. 342.). Quoniam itaque ordo mundi atque nature ex elementorum juxta principium rationis sufficientis facta combinatione resultat per se (§. 321.); quamprimum elementa rerum materialium juxta principium rationis sufficientis combinata existunt, ordo quoque mundi atque nature adest. Quamobrem eodem actu, quo Deus mundum creat, fit quoque mundi atque nature ordo. *U nature quomodo factus.*

Patet itaque Deum mundum creasse & ejus ordinem constituisse atque nature præscripsisse suum ordinem uno eodemque actu. Qui hypothesein chaoticam amplectuntur, creationem primam seu proprie sic dictam ultra chaos a Deo productum non extendunt. Dum ex rudi & indigesta mole fecit corpora, ex quibus hunc mundum adspectabilem composuit, & corpora in ordinem redegit, ea inter se combinando, mundi fecit ordinem. Et dum nature præscripsit leges in agendo inviolabiles; nature constituit ordinem. Unde diversi prodeunt actus, quibus mundus creatus, ordo ejus factus & nature ordo constitutus. Sed talia notionibus rerum adversa fingi ab iis, qui humano more de Deo cogitant perperam ad eum transferentes in hominibus observata, ex antecedentibus abunde intelligitur. Sumunt nempe possibilitatem rudis illius atque indigestæ molis, quam veteres chaos dixerunt: sumunt ex qualibet materia qualibet fieri & facta inde corpora quovis ordine collocari posse: sumunt corporibus quibuscunque vires quaslibet agendi

communicari posse. Sed hæc omnia sumunt, quomodo autem probentur, de eo ne quidem cogitant.

§. 344.

Creatio mundi a Deo competens.

Mundus hic adspēctabilis a Deo creatus est. Mundus oriri aliter nequit nisi per creationem (§. 337.). Quamobrem cum Deus, per quem is possibilis est, & sine quo possibilis esse nequit (§. 174.), sit ens omnium primum (§. 33.), ante quod adeo non extitit aliud (§. 44. *part. I. Theol. nat.*), ipsiusque potentia illi producendo iufficiat (§. 341.); quin a Deo creatus sit dubitari nequit.

Quodsi Idealista neget realem mundi hujus adspēctabilis existentiam, eique extra animas hominum locum concedere non vult, Deum tamen mundi autorem agnoscere tenetur, quatenus creavit animas nostras, in quibus idea mundi adspēctabilis existit easdem prorsus mutationes subiens, quas mundus adspēctabilis subit (§. 192. *Psychol. rat.*). Nostrum jam non est realem existentiam adversus eos demonstrare, cum nonnisi ob rationes eandem in dubium vocent, quibus ejus impossibilitas nondum evincitur: id quod disertius hic doceri opus non est. Sufficit hic agnosci Deum esse autorem mundi atque ordines tam mundi, quam naturæ, & quidem per verum creationis actum.

§. 345.

Aliter creationis explicatur.

Dum Deus aliquid creat, actualitatem superaddit nudi de possibilitati. Dum enim aliquid creat, ex nihilo id producit (§. 697. *Psych. rat.*), consequenter existentiam impertitur ei, quod ex nihilo oriri debebat (§. 690. *Ontol.*). Quamobrem cum ex nihilo oriri dicatur, quod existere incipit, cum nihil antea ejus actu esset (§. 540. *Ontol.*); existentiam seu actualitatem impertitur ei, cujus nihil antea actu erat. Enimvero cum quod existere debet, possibile esse debeat (§. 132. 170. *Ontol.*); Deus ad actum perducere

ducere nequit, nisi quod possibile. Quamobrem dum aliquid creat, existentiam seu actualitatem impertitur ei, cujus præter nudam possibilitatem nihil datur, consequenter nudæ possibilitati actualitatem superaddit.

Ostenditur etiam hoc modo. Per Deum omnia possible sunt (§. 174.), quatenus idea eorum datur in intellectu ejus (§. 327. 328.). Enimvero quod quid possibile sit, ideo nondum existit (§. 171. *Ontol.*), sed præter possibilitatem aliud quid adhuc requiritur, ut existat (§. 173. *Ont.*). Quamobrem nihil adhuc actu existit, quia Deus ideam ejus vi intellectus sui producit. Dum vero aliquid creat, ex non præexistente id producit (§. 697. *Psych. rat.*). Quoniam itaque in productione existentiam impertitur ei, quod producitur (§. 690. *Ontol.*); evidens est, quod, dum quid creat, actualitatem superaddat nudæ possibilitati.

Ponamus Architectum animo concipere ideam alicujus ædificii, & tantam ejus esse perspicaciam, ut uno obtutu distincte discernat singulas illius partes. Quodsi igitur nudo animæ actu ædificio existentiam impertiretur, ut ideatum extra eam existeret, cum nulla materies, unde extrueretur, actu esset; ædificium crearet. Eodem modo concipiendus est actus creationis in Deo. Deus nimirum vi intellectus produxit ideam mundi (§. 100.), qui cum sit possibilis (§. 327.), existere quidem potest (§. 133. *Ontol.*), non tamen ideo existit (§. 171. *Ontol.*). Præter ipsum, tanquam ens omnium primum (§. 33.), ante quod non extitit aliud (§. 44. *part. I. Theol. nat.*), non existit aliud, antequam per ipsum quidpiam existit. Ergo existentiam seu actualitatem impertitus est mundo, nudo potentie suæ actu, quæ eidem producendo sufficit (§. 341.). Atque ita existere cœpit mundus tanquam ens a Deo diversum, tale præcise, quale refert idea in intellectu ipsius. Actus iste, quo ideatum actu esse effecit, adeoque nudæ possibilitati actualitatem superaddidit, est is, quem creationem dicere solemus.

§. 346.

*Potentia Dei
illimitata.*

Deo competit potentia prorsus illimitata. Dum enim aliquid creat, actualitatem superaddit nudæ possibilitati (§. 345.). adeoque possibile est, ut ad actualitatem perducatur, quod in se seu absolute spectatum possibile, seu quod intrinsece possibile. Quoniam itaque possibilitas ad actualitatem producendi, quod in se seu absolute spectatum possibile, seu quod intrinsece, per ea nempe, quæ ipsi insunt, tale est, simpliciter potentia dicitur (§. 222. *part. I. Theol. nat.*); Deo simpliciter loquendo competit potentia. Enimvero in Deo nulli prorsus dantur limites (§. 16.). Quamobrem nec potentia ejus limites ullos admittit, consequenter ipsi competit potentia prorsus illimitata.

Ostendimus jam ante (§. 339.), potentiam Dei creatricem esse absolute loquendo summam, consequenter eorum, quæ nonnisi per creationem oriri possunt, nihil esse, quod eidem non subsit. Enimvero cum rebus creatis existentibus alia adhuc possibilia intelligantur, quæ per creationem non oriuntur; dubitari poterat, utrum potentia divina ad ea quoque extendenda sit, nec ne. Quamobrem necesse erat demonstrari, quod Deo competat simpliciter loquendo potentia prorsus illimitata.

§. 347.

*Objectum po-
tentia divi-
na.*

Deus ad actum producere potest, quicquid intrinsece possibile. Competit enim ipsi potentia prorsus illimitata (§. 346.). Quamobrem cum potentia sit possibilitas ad actum perducendi, quod intrinsece possibile (§. 222. *part. I. Theol. nat.*), nec ea illimitata concipiatur, nisi quatenus ad omnia intrinsece possibilia extenditur, ut nihil eorum eidem subducatur (§. 825. *Ontol.*); Deus ad actum perducere potest, quicquid intrinsece possibile.

Non

Non respicimus hic modum, quo possibile ad actum perducitur: alia enim questio est, quomodo quid a Deo ad actum perducatur, alia vero, quod ab eodem ad actum perducatur possit. Si vero ad actum perducere potest, quicquid intrinsece possibile; hoc ipsum ad actum perducere potest, quomodocunque tandem ad actum perducatur. E. gr. si quid ad actum perducere nequit nisi per creationem, quemadmodum mundus adspectabilis (§. 337.); id quoque ad actum perducit creando. Quod si quid ad actum perducere potest opera causarum secundarum; causas secundas creat, ut per potentiam earum actum consequatur, quod existere vult.

§. 348.

Deo competit potentia miraculosa, seu Deus miracula *Potentia miraculosa Deo* patrare potest. Miraculum tale, quale contingit, in ea *vindicata.* anima vel corpore, in quo contingit, possibile (§. 72. *Psy-physiol. rat. & §. 517. Cosmol.*). Quamobrem cum Deus ad actum perducere possit, quicquid intrinsece possibile (§. 347.); miraculum quoque tam in corpore, quam in anima patrare potest. Competit igitur ipsi potentia miraculosa.

Equidem ipsa quoque creatio miraculum est (§. 768. *part. I. Theol. nat.*), & sic potentia creatrix miraculosa est. Enimvero creatio miraculum primigenitum est (§. 773. *part. I. Theol. nat.*), quod a ceteris distingui utile (*not. §. cit.*). Quamobrem etsi ostenderimus, Deo competere potentiam creatricem (§. 338.), necesse tamen erat adhuc demonstrari, ipsi quoque competere potentiam miraculosam, ut intelligatur, eum non modo miracula primigenia, verum etiam cetera, quæ simpliciter miracula appellantur, patrare posse, hoc est, quod non modo efficere possit, ut existant substantiæ, quæ propria sibi vi existere nequeunt; verum etiam ut substantiæ creatæ subeant mutationes, quæ propria ipsorum vi consequi nequeant. Esse enim hæc diversa, nemo non videt. Atque adeo perspicuum est, uno probato nondum probatum

batum esse alterum, consequenter utrumque demonstrari debere, siquidem admittere nolis, quemadmodum in philosophia fieri debet (§. 118. *Disc. pralim.*), nisi sufficienter probata. Obiter moneo, potentiam miraculosam perinde ac creationem ex potentia illimitata per saltum inferri, nulla certitudine. Neque enim ante patet, potentiam illimitatam ad creationem & miracula extendi posse, quam utriusque possibilitas fuerit evicta: unde eam supposuimus, Deo potentiam creatricem (§. 338.) atque miraculosam vindicantes (§. *præf.*). Non potest inferri Deum quid facere posse, nisi ostenderis effectum istiusmodi, qui a potentia divina derivari debet, esse possibilem.

§. 349.

Quod intellectus & potentia divina nondum sit ratio sufficiens, cur quid sit.

Intellectus & potentia divina non sunt ratio sufficiens, cur ens quoddam finitum existat, nec in specie creationis mundi. In ideis divinis omnia possibilia continentur (§. 175.), continetur etiam idea mundi, qui existit (§. 100.), & per hasce ipsas ideas intelligitur, cur quid, tum in specie hic, qui existit, mundus possibilis (§. 327.). Quoniam potentia divina est possibilitas ad actum perducendi, quod possibile in se spectatum (§. 222. *pars. I. Theol. nat.*) & potentia ejus creatrix omni mundo possibili producendo sufficit (§. 341.); per intellectum & potentiam divinam tantummodo intelligitur, quod ens aliquod finitum existere, quod mundus ab eo creari possit, nondum vero, quod actu existat ens finitum, quod actu creatus fuerit mundus. Quamobrem cum per rationem sufficientem intelligatur, cur quid potius sit, quam non sit (§. 56. *Ontol.*); intellectus & potentia divina non sunt ratio sufficiens, cur quoddam ens finitum existat, nec etiam creationis mundi.

Positis ideis in intellectu divino & potentia divina ponitur mundus & ens quodcumque finitum tantummodo potentia

zentia, quemadmodum loquuntur Scholaſtici, non vero actu, hoc eſt, poſſibile eſt, ut mundus creetur, vel quodcunque ens finitum exiſtat, nondum vero ideo creatur mundus, vel ens finitum exiſtit. Idem experimur in nobismetiſis. Ponamus nos callere artem conſtruendi horologium. Dum ideam ejus animo concipimus, hoc ipſo intelligimus, quod ſit poſſibile. Et quia artem ejus conſtruendi callemus, potentia nobis eſt ipſum conſtruendi, ac ideo novimus poſſe id a nobis conſtrui. Ecquis vero non videt, propterea horologium nondum actu conſtrui? Idea igitur ejusdem & potentia conſtruendi nondum ratio ſufficiens, cur conſtruantur, conſequenter nec ſufficiens ratio, cur actu ſit.

§. 350.

Intellectus, potentia & voluntas Dei ſimul ſunt ratio ſufficiens creationis & exiſtentie entis finiti cujuſcunque. Ex de-
monſtratione propoſitionis præcedentis patet, per intellectum divinum intelligi, quod mundus & ens quodcunque que finitum ſit poſſibile, & per potentiam Dei, quod ad actum perducipossit. Quamobrem ſi ponamus, Deum velle creare mundum, vel ad actum perducere ens quodcunque finitum; mundum creabit, vel exiſtentiam imperietur enti cuicunque finito. Patet adeo per intellectum, potentiam atque voluntatem divinam intelligi, cur mundus a Deo fuerit creatus; aut ens quodcunque finitum ad actum perducatur. Quoniam itaque ratio ſufficiens eſt, per quod intelligitur, cur quid potius ſit, quam non ſit (§. 56. Ontol.); intellectus, potentia atque voluntas Dei ſimul ſunt ratio ſufficiens creationis & exiſtentie entis finiti cujuſcunque.

Hæc propoſitio probe notanda eſt, ut mundi ac entis finiti cujuſcunque dependentia a Deo rite intelligatur. In omni ente, quod actu eſt, diſtinguitur poſſibilitas intrinſeca & extrinſeca atque actualitas ſive exiſtentia. Actualitas ſupponit

(Wolſi Theol. Nat. Pars II.) R r

nit possibilitatem extrinsecam; hæc vero intrinsecam. Quoad possibilitatem intrinsecam mundus & ens quodcunque finitum dependet ab intellectu divino, quoad possibilitatem extrinsecam a potentia divina, quoad actualitatem vero a voluntate Dei: sed ita pendet possibilitas extrinseca a potentia, ut intrinsecam adeoque dependentiam entis ab intellectu divino supponat, & actualitas ita pender a voluntate Numinis, ut possibilitatem tam extrinsecam, quam intrinsecam, adeoque dependentiam entis ab intellectu & a potentia prærequirat. Si itaque quid ponitur per intellectum divinum possibile, & per potentiam ejus producibile, posita voluntate divina ponitur ens in actu. Atque hinc porro intelligitur, cur Moses actum creationis descripturus hisce usus fuerit verbis: dixit Deus, fiat hoc, & factum est hoc. Nemo aderat, cui Deus loquebatur, consequenter his ipsis verbis Moses Deo tribuit actum eidem convenientem, quem nos exprimere solemus, quando dicimus: Fiat hoc. Nemo non novit, nos verbo *fiat* indicare actum voluntatis nostræ, quod scilicet quid fieri velimus. Quamobrem nec Moses aliud indigitavit, quam quod Deus voluit, ut hoc vel istud existat. Dum vero addit: & factum est; hoc ipso significat, posita voluntate divina ens, quod existere voluit, in actu positum fuisse. Posita voluntate in actu quid ponitur per potentiam (§. 222. part. I. Theol. nat.), nec per potentiam in actu ponitur nisi quod possibile intrinsece (§. cit.). Patet itaque Mosen rationem sufficientem creationis infinuatorem allegare actum voluntatis, omnipotentis ac intellectus Dei. Dum vero præmittit, creationem factam esse in principio, hoc est, antequam extra ipsum existeret aliud, eam declarat tanquam productionem ex nihilo, seu non præexistente alio, atque adeo docet, creationem non pendere nisi ab intellectu, potentia & voluntate divina, quemadmodum a nobis demonstratum est.

§. 351.

*Decretum
Dei æterni
de*

Deus ab æterno mundum creare decrevit, Deus enim,
qui per ideam mundi vi intellectus ipsius productam
(§. 100.)

(§. 100.) possibilem eum esse cognoscebat (§. 327.) & *mundo creando* potentiam suam eidem producendo sufficere certus erat (§. 89.), mundum producere voluit (§. 349. 350.). Vult autem omnia ab æterno (§. 191.). Quamobrem & ab æterno voluit creare mundum. Sed determinatio voluntatis ad aliquid agendum vel non agendum decretum est (§. 497. *part. I. Theol. nat.*). Deus igitur ab æterno decrevit creare mundum.

Æternitas decreti divini manifesta est, ut eam in dubium vocare non possit, nisi qui naturam Dei perspectam minime habet, ac ideo manifesta contradictione in natura divina immutabili statuum successionem admittit (§. 48.). Quamobrem ne quis ex eo, quod intellectus, potentia & voluntas Dei sint ratio sufficiens creationis (§. 350.), æternitatem creationis inferat (§. 118. *Ontol.*); quæ sequuntur perpendenda veniunt.

§. 352.

Posito decreto creationis non necesse est cum eodem poni i. An mundus ipsam creationem, hoc est, necesse non est mundum capisse, cum esse caperet Deus eum creare decrevit. Nemo non ex seipso experi-cum decreto tur, differre decretum ab ejus executione, atque adeo *creationis*. decretum duos continere diversos voluntatis actus, nimirum unum, quo decretum ipsum continetur, seu quo voluntas fertur in agendum (§. 497. *part. I. Theol. nat.*) & alterum, quo executio decreti continetur, seu quo voluntas fertur in ipsam actionem, huncque referri ad ea, quæ agenti extrinseca sunt, veluti quod certo tempore quid agere velit. Quamobrem cum Deus ab æterno mundum creare decrevit (§. 351.), necesse non est ut voluerit cum ipso decreto per potentiam suam mundum existere. Non igitur necesse est, posito decreto creationis cum eodem poni ipsam creationem, sed tantummodo eam tunc

R r 2

poni,

poni, quando Deo decernenti visum fuerit, per potentiam suam existere mundum, voluntati immutabili (§. 17.) convenienter effectu consequente, prouti in decreto continetur. Non adeo necesse est mundum coepisse, cum Deus eum creare decrevit.

Equidem in nobis cum continua detur perceptionum & appetitionum successio, actus voluntatis, qui tendit in executionem decreti, renovatur, quando exequendum: sed in Deo, in quo nulla admititur staruum successio (§. 18.), idem actus voluntatis, quo & decretum, & ejus executio continetur, immutabiliter subsistit. Neque adeo necesse est in Deo admittere mutationem ullam, si per potentiam ejus mundus existere incipit, quanto eundem existere ipsi visum ab æterno. Qui creationem ab æterno possibilem defenderunt Theologi atque Philosophi, hæc, quæ a nobis demonstrata sunt, suo modo, hoc est, non satis distincte perpendentes, ex parte Dei nullam sibi videre visi sunt repugnantiam: enimvero cum potentiam Dei non esse extendendam ad impossibilia, ipsimet agnoverint, ulterius inquirendum erat, num æternam mundi creationem rerum finitarum natura ferat, antequam tuto affirmativam amplecti daretur. Sed difficillimum hanc discussionem ut jam nostram faciamus, questio magis curiosa, quam utilis necessitatem nullam imponit.

§. 353.

Omnipotentia Dei.

Deus est omnipotens. Etenim ad actum perducere potest, quicquid intrinsece possibile (§. 347.). Quamobrem cum omnipotens sit, qui omnia possibilia facere, seu quod perinde est, quicquid intrinsece possibile ad actum perducere potest (§. 347. *part. I. Theol. nat.*): Deus est omnipotens.

Equidem hæc demonstratio eadem videtur, quæ in systemate data (§. 349. *part. I. Theol. nat.*); cum tamen principium, quo utitur, hic aliter fuerit demonstratum, quam

in

in systemate, & facta resolutione in sua principia remota, tandem in notionem entis perfectissimi redeat; prorsus eadem non est. Ne igitur, qui verba a rebus distinguere nondum didicere, iis omnipotentiam divinam ex notionem entis perfectissimi non demonstrasse videamur; nostrum esse existimavimus propositionem præsentem apponere.

§. 354.

Deus libere creavit mundum. Creavit enim, quia creare *Libertas Dei* voluit (§. 350.). Voluntas vero Dei liberrima est (§. 277.), in creando adeoque libere vult, quicquid vult, & libere facit, quod vult. Mundum igitur libere creavit.

Liberam mundi creationem etiam stabilivimus in systemate, quatenus ostendimus, electionem hujus, qui existit, mundi liberam esse ab omni coactione interna (§. 351. 430. *part. I. Theol. nat.*) atque externa (§. 321. *part. I. Theol. nat.*). Sed ibi demonstratio resolvitur in possibilitatem plurium mundorum. Præsens autem demonstratio subsistit, etiamsi supponas, nonnisi unicum, qui existit, mundum esse possibilem. Tunc vero libertas voluntatis divinæ in creando tota huc redit, quod potuerit mundum creare & non creare, aut non potuerit creare alium. Qui regerunt, Deum quidem non potuisse creare mundum alium, hunc tamen mundum potuisse creare aliter; sine mente dant sonos: mundus enim aliter si fuisset creatus, non foret hic, qui nunc existit, sed alius mundus, quemadmodum ex notionibus identitatis & diversitatis manifestum (§. 181. 183. *Ontol.*). Tacite igitur supponunt plurium mundorum possibilitatem, dum aperte nonnisi unius possibilitatem descendunt contradictorii ingenii homines. Sane si artifex horologium alio construere debet modo, quam quo construit, plures horologiorum structurae, adeoque plures eorundem species esse possibiles necesse est. Quodsi enim unica tantummodo possibilis est structura, ab artifice perito horologium aliter construui nequit, quam quo construitur, & horologium bene ac male constructum non est in sensu philosophico idem

(§. 181. *Ontol.*), etsi unum in plerisque sit alteri simile (§. 195. *Ontol.*). Notioni communi debetur, quæ vago termini identitatis usu nititur, quod eadem dicamus, quæ ex numero eadem materia constructa sunt, & sub eadem specie continentur, etsi non eodem prorsus modo facta, veluti quod vestimentum idem adhuc dicamus, etsi varia in eodem mutata fuerint, ut differentia statim in oculos incurrat & ab aliis pro diverso habeatur. Non sine ratione prægnante hoc hic annotamus: qui enim notionem hanc deinde ad mundum transferunt, sibi persuadent mundum futurum fuisse eundem, etsi varia in eodem fuerint immutata. Unde multa propullulant in doctrinis maxime arduis, veluti de summa mundi hujus adspectabilis perfectione & de mali in eadem inexistencia, de creatione ac providentia divina. Et qui notioni hujus confusæ inhærent, eique convenienter judicant, ex difficultatibus, in quas incidunt, sese extricare nesciunt, & veritatem liquidam perspicere nequeunt, sed suspectam habent. Neque video, quomodo inde quis emergere possit, nisi qui ordine philosophetur, non accedens ac Theologiam naturalem, antequam notiones ontologicas, cosmologicas & psychologicas rite intellectas familiares experiatur, & notionibus confusis ac vagis valedicat, nec nisi ex distinctis ac determinatis ratiocinari sueverit, ne destituatur acumine, quod nullis præjudicorum nebulis amplius obfuscatur.

§. 355.

Cur Deus mundum Quoniam *Deus mundum* libere creavit (§. 354.), ad-
nullum pro- eoque nec ad eundem creandum, nec ad non creandum per
ducere potu- essentiam suam determinatus fuit (§. 941. *Psych. empir.*);
erit. eundem quoque *non creare potuit*, seu simpliciter impossibile
non fuit, ut non crearet, consequenter *liber fuit in creando*
ab omni coactione interna.

Qui absolutam rerum omnium necessitatem ex ipso deducunt Deo, quemadmodum *Spinosus*, ii sumunt per essentiam suam determinari Deum ad creandum, notionem libertatis animo

animo distincte non comprehendentes. Unde mundum concipiunt tanquam Deo necessario coëxistentem, eundemque ipsi coæternum faciunt, nec Deum sine mundo concipi posse arbitrantur. Ex quo porro consequitur, mundum esse aliquod Dei attributum, quemadmodum ratio æqualitatis trium in triangulo angulorum atque duorum rectorum (§. 146. *Ontol.*), & mundi ortum ex Deo esse necessariam quandam ex essentia ipsius emanationem. Dato enim uno absurdo sequuntur plura, & plura absurda pro vero amplectitur, qui vel maximo rigore alia ex aliis deducit, non vitio methodi, sed materiæ, vi nimirum primi absurdi admissi: id quod notari velim ab iis, qui methodum mathematicam seu demonstrativam tanquam periculosam traducunt, propterea quod vident *Spinosam* eadem usum noxios defendere errores.

§. 356.

Deus hunc mundum adspectabilem ex pluribus possibilibus Electio hujus elegit. Etenim Deus libere creavit hunc mundum (§. mundi ex 354.). Quamobrem cum plures mundi possibiles sint, in *pluribus* pos- quorum uno ad actum perducuntur possibilia, quæ in alio *sibilibus*, eundem minime consequuntur (§. 101. *Cosmol.*); qui vero libere quid facit, ex pluribus possibilibus sponte eligit, quod ipsi maxime placet (§. 941. *Psychol. empir.*); Deus ex pluribus mundis possibilibus hunc mundum adspectabilem elegit.

Qui nonnisi unius mundi adspectabilis possibilitatem admittunt, possibilitatem vero plurium impugnant: Deo liberam electionem adimunt, & libertatem divinam ad hoc unum restringunt, quod eundem potuerit creare & non creare quemadmodum in propositione præcedente ostendimus (§. 355.). Quodsi excipiant, sese ampliorem facere libertatem divinam, quatenus defendunt, Deum potuisse aliter facere hunc mundum, quam fecit, eos dare sine mente sonos non modo ex iis intelligitur, quæ in anterioribus passim demonstrata sunt:

sunt; verum etiam per ea patet, quæ ad propositionem præcedentem annotavimus. Qui admittit Deum aliter potuisse facere hunc mundum, quam fecit; is præter hunc mundum possibles esse alios affirmat: mundus enim aliter factus non est idem cum eo, qui existit (§. 181. *Ontol.*), etsi in multis similis sit huic, qui existit (§. 195. *Ontol.*). Sane mundus, qui existit, omnimode determinatus (§. 226. *Ontol.*), adeoque ens singulare est (§. 227. *Ontol.*). Duo vero individua simul existentia, in quibus manifesta deprehenditur differentia, non habentur pro ente eodem. Jam ponamus hunc mundum, qualis existit, & ponamus quoque eundem aliter factum. Quoniam Deus mundum facere nequit nisi creando (§. 337.), adeoque ex nihilo eundem producendo (§. 697. *Psychol. rat.*), ad actum vero perducere potest quicquid possibile (§. 347.): potentia divinæ non repugnat, ut mundus, qualis nunc est, & mundus quoque aliter factus simul existat. Existere adeo possunt per potentiam divinam mundi duo, quorum unus manifesto differt ab altero. Equis nisi male sanus & pertinax in defendendo errore suo affirmare aufit, duos hosce mundos esse eosdem, non diversos? Cessat hic ratio, ob quam ex eadem materia factum aliter adhuc pro eodem ente habemus, scilicet quod novimus, idem sic factum & aliter factum simul existere non posse. Atque adeo patet illam de identitate entis singularis seu individui notionem, quam paulo ante notavimus (*not.* §. 355.), non sine oscitantia ad mundum transferri, ac contradictionibus manifestis implicatum affirmare, quod mundus sic & aliter factus sit unusdem idem, adeoque unum nonnisi ens. Nemo non fateri cogitur, nisi injurius esse velit in omniscientiam Dei, mundi sic & aliter facti ideas esse in intellectu divino, & quatenus Deus potentia suæ sibi conscius, tanquam existere valentes sic & aliter factum iisdem exhiberi. Representatur adeo mundus sic & aliter factus non tanquam ens unum ac idem in intellectu divino, sed per modum entium duorum; id quod ex modo dictis haud obscure patet.

§. 357.

Deus creavit mundum optimum. Etenim Deus hunc *Mundus* mundum adspectabilem ex pluribus possibilibus elegit (§. optimus a 356.) & mundum creavit, quia creare voluit (§. 350.). *Deo creatus.* Quamobrem cum voluntas ejus semper feratur in optimum (§. 185.); quin mundum optimum creaverit dubitari nequit.

Deducitur hic creatio mundi optimi ex ipsa natura voluntatis divinæ. Sunt qui negant, mundum hunc esse optimum, & tamen hoc non obstante defendunt, alium præter eum non esse possibilem, atque contendunt, mundum potuisse creari meliorem: quod utique contradictorium est. Si enim datur mundus eo, qui existit, melior; is qui existit non est unicus, sed præter eum alius adhuc possibilis. Quod tamen contradictionem manifestam non advertant, id quidem inde est, quod sibi persuadeant, mundum potuisse creari meliorem, & hoc non obstante eundem. Sed quam turpiter a vero aberrant qui sic sentiunt, abunde satis ostendimus (not. §. 356.). Dixi subinde in systemate existentiam mundi optimi hypothesin, veluti cum not. §. 808. part. I. *Theol. nat.* affirmatur: hypothesin mundi optimi cum attributis divinis consentire, & eum in iis agnoscendis præbere usum, quem opposita habere nequit. Sunt qui verentur, ne qui ex hac dictione inferant, me in numerum hypothesium philosophicarum referre, quod mundus hic sit optimus, consequenter cum hypothesi philosophica sumatur absque demonstratione (§. 126. *Disc. prelim.*), inde porro colligant, me ultro fateri, quod sufficienter demonstratum non sit, mundum, qui existit, esse omnium possibilium optimum, cum tamen id non modo demonstraverim (§. 382. part. I. *Theol. nat.*), verum etiam S. S. consentaneum evicerim (§. 406. part. I. *Theol. nat.*), ac interit ejus veritatem agnosci, propterea quod inde pendeat certitudo multarum veritarum maxime arduarum. Atat! in salvo res est. Hypothesis simpliciter dicitur id, quod sumitur: unde in propositione 2. pud Mathematicos hypothesi dicitur, quod de subjecto su-

(*Wolffs Theol. Nat. Pars II.*) S s mirur,

mitur, & propter quod eidem tribuitur prædicatum. Si vero propositio debet esse vera, id, quod sumitur de subiecto, non potest esse impossibile, nec incertum, sed evidenter verum est. Et quis adeo hospes est in Geometria, ut ignoret, in ea hypothesein continere, quæ antea demonstrata sunt? Eodem quoque sensu mundum optimum dicimus hypothesein, quatenus sumitur in ordine ad alia prædicata eidem tribuenda, veluti in casu dato, quod cum attributis divinis consentiat. Minime igitur hinc argui potest, quasi existentiam mundi optimi pro hypothesei saltem philosophica habeamus, quæ reddendæ rationi aliorum interserviat. Sane in Mathesi dicimus, in hypothesei directionem convergentium hanc esse curvam celerrimi descensus, utrum certum sit lineas directionis gravium ad centrum Telluris convergere. Et in his ipsis operibus subinde in demonstrationibus exemplo Mathematicorum aliquid constare per hypothesein vel etiam hypothesei repugnare pronunciamus, utrum hypotheseis seu id, quod in propositione assumitur, in anterioribus fuerit demonstratum, immo a nemine in dubium vocetur.

§. 358.

Dari finem creationis & omnium optimus, quem per creationem intendere poterat, Deus qualis sit. Deus mundum creavit propter aliquem finem: hique enim nihil facit absque fine (§. 295.). Quamobrem cum hunc mundum adspectabilem creaverit (§. 344.); necesse est, ut eum creaverit propter aliquem finem. *Quod erat primum.*

Enimvero Deus sibi non constituit finem alium nisi optimum, quem intendere potest (§. 294.). Quamobrem quoque finis, per quem creationem mundi intendit, est omnium eorum, qui per eam intendi poterant, optimus. *Quod erat alterum.*

Equidem jam in systemate hanc propositionem demonstravimus (§. 603. & seqq. part. I. Theol. nat.); sed a posteriori,

riori, ut esset principium demonstrandi sapientiam Dei. Enimvero hic ex sapientia, quam Deo summam esse jam evicimus (§. 293.), creationis finem colligimus, ut, cur hunc præcise mundum, non alium elegerit & ad actum perduxerit, plenius intelligatur.

§. 359.

Mundus est fini a Deo per ejus creationem intento conveni- *Mundus*
entissimus; hoc est, talis est mundus, ut finem, quem intendit, qualis per
per eum ex asse consequatur. Quoniam Deus mundum crea-*sapientiam*
vit propter aliquem finem (§. 358.) & per hoc ipsum, quod *Dei.*
hic mundus creatus fuit, eundem consequitur; ipsa mundi
interior ratio est medium, quo utitur ad finem creationis
consequendum (§. 937. *Ontol.*). Sed Deus eligit media,
quibus finem certo & ex asse consequitur (§. 294.). Mun-
dus igitur, quem Deus creavit, talis est, ut finem, quem in-
tendit, certo & ex asse consequatur.

Qui in electione mundi nonnisi in summam voluntatis
divinæ libertatem, quam supra evicimus (§. 277.), mentis
aciem intendunt, electionem mundi cujusvis indifferentem
faciunt, ita ut nulla dari possit ratio, cur hic potius fuerit
electus quam alius, puro revera casui eandem tribuentes. Et
eodem modo sese res habet, ubi quæritur, cur Deus mun-
dum aliquem producere voluerit. Ac inde est, quod de-
fendant, mundum hunc potuisse fieri meliorem, non esse
optimum, propterea quod Deus vi libertatis summæ face-
re possit, quod velit. Enimvero quamprimum animum
ad sapientiam divinam advertimus; non perinde esse intelli-
gimus, quicumque mundus ex pluribus possibilibus eligatur,
ut ad existentiam perducatur, nec perinde esse convincimur,
utrum mundus aliquis a Deo creetur, an nullus. Cum enim
sapientia ejus summa non permittat, ut faciat, quæ eidem
contraria sunt, alias enim se minus sapientem probaret; li-
bertas in eligendo mundo, qui creetur, & in decernendo
num quis creari debeat, sapientiæ legibus regitur, propterea
§. 2 quod

quod sapiens non vult libertate uti nisi eidem convenienter. Libertas igitur in eligendo & decernendo fit dependens a sapientia: quod nihil absurdi habet. Quod enim aliquid in Deo dependeat ab aliis, quæ eidem insunt, non tollit independentiam a rebus aliis, quæ ab ipso diversæ sunt, nec libertati officit, cum non absoluta adsit necessitas hoc agendi potius, quam aliud, sed tantummodo hypothetica. Atque hæc ipsa hypothetica *necessitas*, quæ in eligendo & decernendo a sapientia pendet, est ea, quæ *moralis* dicitur Scholasticis. Unde ab iis, qui rite pensitant omnia, abunde perspicitur, cur moralis ista necessitas libertatem non tollat. Sane nisi adesset libertas, nec sapientiæ in agendo satisfieri posset.

§, 360.

*Mundus
optimus
quinam,*

Mundus optimus fini creationis convenientissimus, seu Deus per mundum optimum finem creationis certo & ex asse consequitur. Etenim mundus hic, qui existit, est fini creationis convenientissimus, seu talis, ut Deus per eum finem suum certo & ex asse consequatur (§. 359.). Est vero idem optimus (§. 357.). Ergo mundus optimus fini creationis convenientissimus, seu talis, ut Deus per eum finem creationis certo & ex asse consequatur.

Qui negant mundum esse optimum, negare etiam tenentur eum fini creationis convenientissimum, cum per hoc finem creationis consequatur Deus, quod mundus talis sit, consequenter quod non elegerit medium fini, quem intendit, convenientissimum. Si igitur mundus optimus non est, detur necesse est alius, qui melius futurus erat medium, siquidem creatus fuisset, consequendi finem creationis. Insulsum est, ne quid gravius dicam, talia cogitare de Deo, ente sapientissimo omnium (§. 293.). Sapientiæ divinæ debetur, quod voluntas divina feretur in optimum, utpote qua usus libertatis regitur. Unde quinam mundus sit optimus, judicandum ex eo, quomodo sese habeat ad finem creationis: quale enim sit medium, judicatur ex fine, cujus
gratia

gratia est (§. 937. *Ontol.*). Et si quis unicum tantummodo admittit mundum possibilem, nisi Deo auferat in creando libertatem, fateri tenetur, mundum esse fini creationis convenientissimum: secus enim Deus mundum non creasset, cum sapiens non facere porius velit, quam facere male. Sane eruditus, qui sapit, latere mavult, quam publice comparere, si cum laude seu applausu intelligentium comparare nequit: ast qui insipiunt, in publicum prodeunt, cum bene laruisse.

§. 361.

Finis creationis Deum maxime decet. Etenim Deus si *Qualis sit* nem sibi non constituit, nisi qui ipsum maxime decet (§. *finis creationis* 296.). Quamobrem cum per creationem mundi finem *tionis in re-* aliquem intenderit (§. 358.): is quoque Deum maxime *latione ad* decere debet. *Deum,*

Nemo, qui sapit, facit quod se dedecet, cum malit non facere, si non possit, quod se deceat: id quod experientia confirmatur. In summam adeo sapientiam Dei injurius foret, qui sibi persuaderet, fieri posse, ut Deus velit, quod ipsum non maxime deceat. Si qua de Deo affirmanda, vel neganda, non ita animum advertere debemus ad attributum unum, ut ceterorum obliviscamur: id quod facere solent, per precipitantiam de iis judicantes, quæ Deus velit.

§. 362.

Quoniam Deum decet, cujus ratio in attributis ejus *Qualis finis* vel essentia continetur (§. 332. *part. I. Theol. nat.*), *finis crea-* *tionis*, quem ipsum decere constat (§. 361.), *rationem habet Deum de-* *in essentia vel attributis ejus.* Quamobrem cum per rationem *ceat,* intelligatur, cur quid sit (§. 56. *Ontol.*); *per essentiam, vel* *attributa Dei intelligitur, cur hunc intendat finem creationis.*

Principium hoc inservit fini creationis investigando a priori, convenienter iis, quæ de voluntate Dei a priori deregenda demonstrata sunt in systemate (§. 645. *part. I. Theol. nat.*).

§. 363.

Mundus optimus qui sit in se. *Mundus in se optimus est omnium possibilium perfectissimus.* In se enim bonum quid est, quatenus habet perfectionem suam essentiali & accidentali (§. 370. part. I. Theol. nat.), consequenter optimum in suo genere est, quod maximam habet, adeoque perfectissimum est. Quamobrem mundus optimus in se spectatus est omnium possibilium perfectissimus. •

Equidem summam mundi hujus, qui existit, perfectionem aliunde demonstravimus in systemate (§. 326. part. I. Theol. nat.); sed hic ex ipsa notione boni ostenditur in genere, quinam mundus sit optimus, & inde summa ejus perfectio inferitur per modum corollarii in propositione sequente.

§. 364.

Summa mundi ad spectabilis perfectio.

Mundus ad spectabilis, seu is, qui existit, est omnium possibilium perfectissimus. Etenim Deus mundum creavit optimum (§. 357.), consequenter qui existit mundus optimus est (§. 344.). Enimvero mundus optimus est omnium possibilium perfectissimus (§. 363.). Mundus igitur qui existit est omnium possibilium perfectissimus.

Quodsi intellectum divinum comprehendere possemus, ex ipsa origine idearum in Deo comparando inter se ideas omnium mundorum possibilium, quales prodeunt in intellectu divino (§. 100.), vinotionis perfectionis (§. 503. Ont.) demonstrare daretur summam hujus, qui existit, mundi perfectionem. Sed demonstratio vires humanas transcendit, adeoque frustra expetitur. Necesse igitur est, ut ex natura voluntatis divinæ demonstretur, quod a priori ex ejus intellectu a nobis demonstrari nequit. Non nego auferri sic lucem, qua vulget altera demonstratio: sed lux ista divina nobis penitus inaccessa.

§. 365.

§. 365.

Mundus optimus in relatione ad Deum est, ex quo sum- *Mundus*
nam Dei perfectionem magis quam ex quocunque alio cognoscitur. *optimus in*
cere datur. Etenim in relatione ad aliud bonum quid *relatione ad*
 est, quod ad perfectionem alterius quid confert, vel eius *Deum qui*
 aliquod signum est (§. 370. *part. I. Theol. nat.*). *Quo-* *nam sit.*
 nam Deus est ens perfectissimum absolute tale (§. 14.);
 mundus ad ejus perfectionem nihil conferre potest. Quam-
 obrem mundus optimus in relatione ad Deum est signum
 summæ perfectionis divinæ. Quoniam itaque ex signo
 colligitur præsentia alterius (§. 952. *Ontol.*); ex mundo
 optimo in relatione ad Deum tali colligere licet summam
 Dei perfectionem magis, quam ex quocunque alio eam co-
 gnoscere datur.

Hoc tantummodo evincitur in hypothesi mundi optimi
 in relatione ad Deum talis, quod ex eo summam Dei per-
 fectionem magis, quam ex quocunque alio cognoscere de-
 tur, sed hypothesein ipsam esse possibilem nondum evici-
 mus. Demonstrandum igitur adhuc est, ex iis, quæ insunt
 mundo, colligi posse, qualis sit Deus, seu quænam eidem
 insint.

§. 366.

Ex iis, quæ insunt mundo, colligere licet, quænam in- *Cur Deus*
sint Deo. Etenim idea mundi cujuscunque in intellectu *ex mundo*
 divino oritur, si elementa omnia juxta principium ratio- *cognosci*
 nis sufficientis combinentur, singulisque ex hac combina- *possit.*
 tione resultantibus corporibus hominum atque brutorum
 juxta idem principium suæ jungantur animæ (§. 100.);
 idea autem omnium elementorum atque animalium na-
 scuntur possibilium primitivorum secundorum juxta prin-
 cipium contradictionis facta combinatione (§. 97.), con-
 sequenter cum possibilia primitiva secunda nascantur rea-
 litatum,

litem, quæ Deo insunt, diversa limitatione (§. 91.), ideis animarum & elementorum non insunt nisi istiusmodi realitates limitatæ, quales illimitatæ insunt Deo. Quod si ergo mundus distincte cognoscatur, dubium non est, quin ex iis, quæ insunt mundo, colligere liceat ea, quæ insunt Deo.

Veritatem propositionis præsentis abunde demonstratam dedimus in integro systemate: etenim in eadem ex iis, quæ insunt mundo, quatenus a nobis distincte cognoscuntur, demonstravimus ea, quæ hic ex ipsa notione Dei, entis nimirum omnium perfectissimi absolute talis, a priori deduximus. Nullum adeo est dubium, quod tum demum ex iis, quæ mundo insunt, colligere daretur, quæ insunt Deo, si distinctas elementorum ideas haberemus. Eri enim tunc multo luculentior foret cognitio, qualis Deo omniscio convenit; non tamen, quod omnibus numeris absolute negetur, negatur omnis; sed conceditur ea, quæ modulo intellectus nostri responderet. In propositione præsentis cognitionis huius possibilitatem demonstramus, qualis est per naturam rerum, non habito respectu ad capacitatem cognoscentis, a qua pendet cognitionis istius gradus.

§. 367.

Mundus cur sit signum perfectionis divinæ.

Quoniam signum alterius est id, ex quo ejus colligitur præsentia (§. 952. *Ontel.*); ex iis vero, quæ insunt mundo, colligere licet, quæ Deo insunt (§. 366.); *Mundus quilibet est signum eorum, quæ Deo insunt.*

In systemate demonstravimus, quale signum sit mundus omnium possibilium perfectissimus (§. 328. 400. *Esseqq part. I. Theol. nat.*), ut ejus pateat prærogativa præ ceteris: enimvero hic in genere evincitur, omnem mundum esse posse signum eorum, quæ Deo insunt, nec per hoc negatur, quod mundus unus sit signum præstantius altero.

§. 368.

§. 368.

Quoniam ex demonstratione superiori (§. 365.) li-
quet, mundum; in relatione ad Deum non posse dici bo-
num, nisi quatenus signum est eorum, quæ Deo insunt; *Mundum in relatione ad Deum esse bonum patet.*

Quodsi excipias, hoc non obstante duos mundos esse posse æque bonos, si ad Deum referantur, consequenter aliquem esse omnium possibilem optimum nondum sufficienter demonstratum esse; exceptio quidem tamdiu pro nulla haberi poterat, quamdiu mundos plures existere probare nequis. Quamobrem cum in systemate ex principiis mere cosmologicis & ontologicis ostenderimus (§. 117. part. 1. Theol. nat.), mundum tantummodo unum existere, ita ut demonstratio totæ hic inferri posset; exceptionem istam nullam esse patet per naturam voluntatis divinæ, quæ semper in optimum fertur (§. 185.).

§. 369.

Non datur alius mundus præter eum, qui existit, ex quo Prærogativa perfectionem Dei absolute summam eodem, quo ex ipso, modo mundi agnoscere daretur. Qui enim existit mundus omnium optima-
mus est (§. 357.), etiam in relatione ad Deum (§. 368.) præ ceteris. Enimvero ex mundo in relatione ad Deum tali perfectionem Dei, quæ absolute summa est (§. 14.), magis, quam ex alio quocunque cognoscere datur (§. 365.). Quamobrem patet præter eum, qui existit, mundum non dari alium, ex quo perfectionem Dei absolute summam eodem, quo ex ipso, modo cognoscere daretur.

In systemate jam specialius hoc evicimus, nempe quod intellectum divinum (§. 328. part. 1. Theol. nat.), voluntatem ac omnipotentiam Dei (§. 400. 403. part. 1. Theol. nat.), adeoque perfectionem Dei loquatur tanquam absolute summam, etiamsi infinita intellectus vi eandem perscruteris,
(Wolffii Theol. Nat. Pars II.)

T t

cum

cum ex adverso mundus alius quicunque possibilis eandem non exhibeat tanquam absolute summam (§. 329. 401. 404. *part. I. Theol. nat.*), sit ita quod enti finito eandem probet imperferibilem. Sed cum jam brevitati studeamus, in systemate clarissime proposita hic repetere non licet, praesertim cum non magna difficultate inserantur praesenti tractationi, si cui visum fuerit systema integrum Theologiae naturalis ex notione entis perfectissimi ac contemplatione animae nostrae deducere.

§. 370.

Quomodo Mundus, qui existit, est medium optimum manifestandae
Deus glori- gloriam Dei, seu non datur mundus alius, per quem Deus co-
am suam per den modo gloriam suam manifestare possit, quo eandem per pra-
sentem patefacit. Etenim non datur mundus alius praeter
hunc mun- eum, qui existit, ex quo perfectionem Dei absolute sum-
dum mani- mam eodem, quo ex praesente, modo cognoscere licet
festet. (§. 369.), consequenter cum gloria manifestetur divina,
quatenus perfectio absolute summa revelatur (§. 610. *part. I. Theol. nat.*), praeter hunc, qui existit, mundum non datur alius, per quem Deus eodem modo gloriam suam manifestare possit, quo eandem per praesentem patefacit.

Quodsi ergo ponamus, Deum hunc mundum creasse manifestandae gloriae suae gratia, adeoque hanc ipsam manifestationem gloriae suae intendisse tanquam finem (§. 932. *Ontol.*), cum medium contineat rationem, adeoque per ipsum intelligatur (§. 56. *Ontol.*), cur finis actum consequatur (§. 937. *Ontol.*): non datur mundus alius, qui melius esse possit medium manifestandi gloriam divinam, consequenter mundus hic, qui existit, medium optimum est gloriam divinam manifestandi.

Propositio praesens eo tendit, ut intelligatur, si Deus per opera sua gloriam suam manifestare voluerit, ipsum non potuisse uti medio meliori, quam ut crearet mundum hunc adipectabilem, non alium. Etenim non repugnat, aliquid agnoscere

agnosci medium, quo finem aliquem consequi datur, etiam si nullum sit agens, quod finem istum intendat, & ad eum consequendum medio illo utatur. Sane in philosophia practica loquimur de finibus, qui ab homine intendi possunt, & demonstramus, quanam sint media ad eos ducentia, parum solliciti, utrum quis illos intendat, hisce utatur, nec ne.

§. 371.

Finis creationis est manifestatio gloriæ divinæ, seu Deus Finis creatum ideo creavit, ut gloriam suam manifestaret. Deus sionis quicquid enim propter aliquem finem creavit mundum (§. 358.) nam sit. & eum per mundum optimum certo atque ex asse consequitur (§. 360.). Quamobrem etiam Deus per creationem mundi intendere non potuit finem, quam quem per eum, quem creavit, certo & ex asse consequi datur. Enimvero mundus, qui existit, adeoque is ipse, quem liberime creavit (§. 354.), est medium optimum manifestandi gloriam divinam, seu non datur alius, per quem Deus eodem modo gloriam suam manifestare possit, quam per præsentem patefacit (§. 370.). Finis ergo, quem Deus per creationem intendere potuit, est manifestatio gloriæ ipsius, seu Deus ideo mundum hunc creavit, ut gloriam suam manifestaret. Et quoniam hic ipse finis, propter quem mundum creavit, optimus est (§. 358.), in relatione autem ad Deum optimum non est, nisi quod signum præstantissimum summæ ipsius perfectionis (§. 370. Part. I. & §. 14. Part. II, Theol. nat.), consequenter nisi istud, ex quo summam Dei perfectionem omnium optime cognoscere datur (§. 952. Ontol.); Deum alium per creationem mundi intendere non potuisse finem, quam ut per eum summam ipsius perfectionem cognoscere daretur, adeoque non alium, quam manifestationem gloriæ ipsius (§. 610. Part. I. Theol. nat.) liquet. Extra omnem adeo dubita-

tionis aleam positum est, quod Deus non alio fine mundum creaverit quam manifestandæ gloriæ suæ causâ, atque adeo gloriæ divinæ manifestatio finis creationis mundi est.

Resolvitur finis constitutio in sapientiam divinam, quem admodum fieri debet (§. 673. *Psylbol rat.*), atque adeo ex attributis divinis deducitur, quinam sit, quemadmodum de- nuo fieri debet (§. 362.). Et quoniam fini huic convenientissimus est mundus optimus (§. 363.); sapientiæ divinæ tribuendum, quod optimus existat. Unde in sapientiam divinam injurii sunt, qui optimum esse negant, quasi sapientia divina non æque Deo conveniret, ac libertas summa, & attributa divina sibi invicem contrariarentur. Homo sapiens, dum sapienter agit pro modulo sapientiæ suæ, non ideo definit esse liber: alias enim libertas imposeret necessitatem, si non stulte, saltem minus sapienter agendi, consequenter libertas quandam agendi necessitatem involvens secum ipsa pugnaret: quo quid absurdius cogitari possit non video.

§. 372.

Mundi in se *Mundus in se optimus est etiam optimus in relatione ad Deum.*
Et in relatione Etenim hic, qui existit, mundus est omnium possibilium
ne ad Deum perfectissimus (§. 364.), adcoque optimus in se (§. 363.).
optimi identitatis. Sed nec datur alius præter eum, qui existit, ex quo perfectionem Dei absolute summam eodem modo, quo ex ipso cognoscere liceret (§. 369.), consequenter is, qui existit est etiam in relatione ad Deum optimus (§. 365.). Mundus igitur optimus in se spectatus est etiam optimus in relatione ad Deum.

Non continet propositio præsens, quod insolitum existimari debeat: etenim eodem prorsus modo sese res habet in arte factis. Exempli loco est horologium. Hoc in se spectatum optimum censetur omnium judicio, quatenus vi structuræ suæ tempus accuratissime metitur. Atque adeo in se spectatum optimum est, quatenus in suo genere perfectissimum

finum (not. §. 503. Ontol.). Ast idem in relatione ad artificem optimum est, quatenus est signum artis, qua pollet, summe, ita ut, si alio modo construxisset, artis non adeo peritum sese probasset. Quoniam adeo artem summam loquitur horologium, si accuratissime tempus metitur: quod in se spectatum optimum est, tale etiam deprehenditur in relatione ad artificem. Paret itaque identitatem mundi optimi in se & in relatione ad Deum spectari nihil habere, quod a notionibus communibus recedat.

§. 373.

Ea, quæ in mundo ex nexu rerum consequuntur, a Deo intendi possunt tanquam fines. Mundus enim series est rerum *fines in unum* finitarum tam coexistentium, quam successivarum inter se *verso*. connexarum (§. 317.). Quamobrem cum res finitæ inter se connectantur, vel tanquam causæ & effectus, vel ut una appareat causa mutationum in altera (§. 46. Cosmol.); res quoque in mundo inter se connexæ esse debent tanquam causæ & effectus, vel ut unum saltem appareat causa mutationum in altero. Enimvero si agens intelligens entia finita ideo producit, ut sibi mutuo vel sint, vel saltem appareant suarum mutationum causæ, per fines connectuntur (§. 47. Cosmol.). Ea igitur, quæ in mundo ex nexu rerum consequuntur, a Deo intendi possunt tanquam fines.

E. gr. Sol & terra in mundo hoc adspectabili ita connectuntur quoad coexistentiam, ut sol sit causa mutationum in terra. Quatenus igitur Deus voluit solem & terram simul producere, ut ille esset mutationum in hac contingentium causa; hæ ipsæ mutationes & quæ porro inde resultant, veluti quod terra ab hominibus ac animantibus brutis habitari possit, sunt fines a Deo intenti & per hos fines corpora hæc mundi totalia inter se connectuntur. Non igitur obstat, quod citra finium considerationem elementa rerum materialium juxta principium rationis sufficientis combinantur,

tur, ut prodeat idea mundi (§. 100.). Dum enim Deus hanc ipsam, quam vi intellectus sui producit, ideam mundi contemplantur, agnoscit, quæ vi nexus a principio rationis sufficientis prorsus pendentis consequuntur, tanquam fines intendi posse. Quamobrem ubi mundum producere decernit, ut ea, quæ per structuram ejus possibilia, actu consequantur; quin hæc tanquam fines intendat dubitari haudquaquam potest. Non aliter sese res habet in arte factis. Exemplo denuo sit horologium. Horologium tanquam possibile representatur in intellectu artificis per ideam. Ex nexu partium intelligitur, partes ita sibi invicem jungi, ut una moveat alteram consequenter una sit causa motus alterius. Quodsi jam artifex horologium construit, motus istos intendit tanquam fines, & per hosce reddit rationem, cur eo partes singulæ connectantur modo, non alio. Etsi itaque structura horologii, si possibilitatem spectes, absolute necessaria sit, ita ut in idea ejus nihil immutari possit; id tamen minime obstat, quo eidem insint fines. Et quamvis Mechanicus peritus ex finibus in cognitionem partium singularum devenire possit; in se tamen non implicat, ut ex adverso ad cognitionem finium perveniatur ex cognitione structuræ. Probe nimirum notandum est, finem non esse possibilem, nisi quatenus datur medium, per quod eum consequi datur. Hoc autem medio finem obtineri possibile est, antequam agens finem intendit & medium ad eum consequendum eligit, consequenter citra mutuum medii ac finis respectum. Modus cognoscendi nullam inducit mutationem. Sive enim, quemadmodum nobis plerumque accidit, id quod finis respectum habere potest ad agentem primo loco innotescat, & deinde ex ejus consideratione eliciatur cognitio alterius, quod medii loco est; sive primum cognoscas hoc facto illud consequi ac inde perspicias, si illud intendatur tanquam finis, hoc medio eundem obtineri: quicquid idæ rerum una representatarum inest, consequenter hæc ipsæ, quæ representantur, res ullum patiuntur mutationem, & eadem earundem subsistit relatio in statu ideali, quæ erat antea, nec per hoc, quod agens actu intellectus

super-

superaddit, immutatur. Multa ex eo oritur non modo in argumento præfente, verum etiam in aliis confusio, si, quæ cognitioni nostræ vi limitationum intellectus insunt, non sufficienter inspiciamus. Inde nimirum tacite in animum irreput præjudicia, quæ non animadversa cum occæcant, ac videat alias satis manifesta.

§. 374.

Quæcunque ex nexu rerum in mundo consequuntur, manifestantur gloria divina per modum medii a Deo subordinati nexu resultantur. Etenim finis creationis est manifestatio gloriæ divini tantum ad finem creationis (§. 371.) & quæ in mundo ex nexu rerum consequuntur; a Deo intendi possunt, tanquam fines (§. 373.) cumque mundus sit medium manifestandi gloriæ divinam (§. 370.); ea, quæ consequuntur ex nexu rerum, per modum medii sese habent ad finem creationis. Enimvero Deus fines omnes particulares ita sibi invicem subordinat, ut remotiorum media sint propiores, tandemque omnes simul medium finis ultimi (§. 294.). Patet itaque, Deum manifestationi gloriæ suæ per modum medii subordinare, quæcunque ex nexu rerum in mundo consequuntur.

Exemplum horologii, quo ante usi sumus, etiam propositioni præfenti illustrandæ inservit. Artifex id construit eo fine, ut tempus exacte metiatur. Structuræ horologii quotquot insunt partes, iis singulis sui conveniunt fines, qui ex nexu illarum consequuntur. Hos fines ideo intendit artifex, ut finem totius horologii consequatur, atque adeo idem fines istos particulares per modum medii subordinat fini totius horologii. Quæ circa mala seriei rerum præfenti implicata tenenda sunt, ne Deo tribuantur, quod summæ ipsius perfectioni repugnat, abunde satis in systemate docuimus.

§. 375.

§. 375.

Idearum immutabilitas *Idea rerum omnium tam substantiarum simplicium, quam compositarum, mundorumque omnium possibilium necessariae sunt & necessitas & immutabiles.* Etenim ideae omnium substantiarum simplicium producuntur vi intellectus divini facta combinatione possibilium primitivorum secundorum juxta principium contradictionis (§. 94. & seqq.); ideae autem omnium substantiarum compositarum, ipsorumque mundorum integrorum combinatione substantiarum simplicium (§. 100.). Nascuntur vero possibilia primitiva secunda realitatum, quæ Deo insunt, diversa limitatione (§. 91.). Quamobrem cum realitates Deo inexistentes sint prorsus immutabiles (§. 17.), nec earum limitatione prodeunt aliter quam juxta principium contradictionis combinari possint, ne oriantur ideae contradictionem involventes (§. 28. & seq. *Ontol.*), consequenter impossibile (§. 79. *Ontol.*); cumque substantiæ simplices aliter combinari nequeant, quam per principium rationis sufficientis, ut inter se connectantur (§. 70. *Ontol.* & §. 10. *Cosmol.*), nec elementa aliter combinari possint, ut prodeat idea mundi (§. 316.); evidens, ideas rerum omnium tam substantiarum simplicium, quam compositarum mundorumque omnium possibilem aliter determinari non posse, quam quales vi intellectus divini producuntur. Quamobrem cum, necessarium sit, quod alio modo determinabile non est (§. 285. *Ontol.*); ideae omnes in intellectu divino inexistentes necessariae sunt, adeoque & immutabiles (§. 292. *Ontol.*).

Idea rerum combinatione possibilem ab intellectu divino productæ sunt rerum singularium, unde vi demonstrationis præsentis nullum datur individuum, cujus idea non sit immutabilis. Ita idea Petri, qualis in intellectu divino
 extr.

exitit ab æterno, immutabilis, & idea hujus mundi, qualis fuit ab æterno in Deo, perinde immutabilis est.

§. 376.

Deus mundum hunc non potuit facere aliter quam fecit, nec Cur Deus voluit facere aliter quam fecit. Deus mundum creavit, dum mundum actualitatem superaddidit nudæ possibilitati (§. 345.). Quamobrem cum quid non sit possibile, nisi cujus idea datur in intellectu divino (§. 327. 328.); Deus mundum aliter creare non potuit, quam qualis per ideam in intellectu divino inexistentem possibilis. Est vero idea mundi hujus adspectabilis immutabilis (§. 375.). Patet adeo Deum mundum hunc non potuisse facere aliter, quam fecit. *Quod erat unum.*

Deus mundum creavit optimum (§. 357.) & cum, qui medium optimum est manifestandi gloriam ejus (§. 370.), per quem adeo finem creationis ex asse consequitur (§. 371.). Quamobrem cum voluntas Dei semper feratur in optimum (§. 185.), nec Deus velit, quod sapientiæ ipsius contrariatur (§. 294.); nec mundum hunc aliter facere voluit. *Quod erat alterum.*

Eodem modo artifex peritus constructurus horologium, non aliter idem construere potest, quam possibile per ideam in intellectu. Et dum construit optimum, quod nempe tempus omnium exactissime metitur; nec aliter ipsum construere vult. Quemadmodum nihil hinc inferitur in præjudicium artificis, quod aliter horologium construere non potuerit; ita nec quicquam, quod Deo indignum sit, inde colligitur, quod mundum hunc aliter facere non potuerit, quia optimum ob sapientiam, qua gaudet, summam creavit. Necessitas hic adest nonnisi hypothetica, quatenus scilicet mundus, quem Deus libere ac sapientissime producere decrevit, non potuit fieri aliter: si enim aliter eum fecisset, non produxisset eum, quem fini suo convenientissimum producere volebat.

(Wolffii Theol. Nat. Pars II.)

Uu

§. 377.

§. 377.

*Dependen-
tia actuali-
tatis a vo-
luntate Dei.*

Actualitas rerum omnium a voluntate Dei dependet. Etenim intellectus & potentia divina non sunt ratio sufficiens, cur ens quoddam finitum existat (§. 349.): ast intellectus, potentia & voluntas simul ratio sunt existentie entis cujuscunque finiti sufficiens (§. 350.). Quomam adeo actualitas rerum omnium rationem aliquam in voluntate divina agnoscit, id autem ab altero dependet, cujus aliqua ratio in altero continetur (§. 851. *Ontol.*); actualitas rerum omnium a voluntate Dei dependet.

Quomadmodum itaque nihil intelligitur possibile intrinsece, nisi per intellectum divinum, quatenus est regio idearum (§. 328.); nec possibile extrinsece nisi per potentiam Dei, quatenus ea eidem producendo sufficit (§. 347.); ita nec quicquam actu esse intelligitur, nisi quatenus Deus vult, ut quod per intellectum ipsius possibile, per potentiam suam existat (§. 350.). Atque hoc est fundamentum omnis dependentie rerum a Deo. Quæ enim de Deo cognoscimus, ea ad intellectum, voluntatem & potentiam reducuntur. Quamobrem quod ab intellectu, voluntate & potentia divina dependet; illud ab attributis quoque ceteris, quæ per naturam intellectus & voluntatis ac omnipotentiam eidem tribuenda veniunt, dependere debet. Sed dependentiam hanc satis distincte exposuimus in systemate, ut adeo ibi dicta hic repeti non sit opus.

§. 378.

Cur contingencia in mundo habere nequeant rationem sufficientem

Contingencia in mundo habere nequeunt rationem sufficientem actualitatis sue in serie successivorum. Pone enim, si fieri potest, non repugnare, ut contingencia in mundo habeant rationem sufficientem actualitatis suæ in serie successivorum, consequenter in ipso mundo (§. 317.). Per ea igitur, quæ insunt mundo, sufficienter intelligitur, cur contin-

contingentia actu sint (§. 36. *Ontol.*). Quamobrem cum absque voluntate divina sufficienter intelligatur, cur ea actu sint; in eadem nihil continetur rationis actualitatis eorundem (§. cit.); consequenter actualitas contingentium in mundo non dependet a voluntate Dei (§. 851. *Ontol.*). Quod cum sit absurdum (§. 377.); fieri non potest, ut contingentia in mundo actualitatis suæ rationem sufficientem habeant in ipso mundo.

Pater hinc ratio a priori, cur per ea, quæ insunt mundo, nullius rei contingentis actualitas sufficienter explicari possit, quod jam aliter demonstravimus alibi (§. 90. *Cosmol.*): nimirum quia obstat omnimoda rerum finitatum a Deo dependentia ac in specie dependentia quoad actualitatem a voluntate divina. Rationes enim ultimæ eorum, quæ insunt mundo, peruntur ab attributis divinis, tanquam primis possibilibus. Et monui jam superius omnem cosmologiam generalem a priori ex ipsa natura Dei deduci posse.

§. 379.

Quicquid præter Deum existit, id omne a Deo creatum
est. Quicquid enim possibile est, id per Deum possibile
 (§. 174.). Cum Deus ad actum perducere possit, quicquid possibile (§. 347.), sitque ens omnium primum (§. 33.), ante quod non exitit aliud (§. 44. *part. I. Theol. nat.*); nec quicquam nonnisi intrinsece possibile actum consequi potest nisi per Deum. Quoniam itaque per potentiam Dei existit, quod possibile est, si Deus id existere velit (§. 350. *part. I. Theol. nat.* & §. 118. *Ontol.*); quicquid existit præter Deum, per potentiam ejus existit. Jam ens omne aut simplex est, aut compositum (§. 685. *Ontol.*) & entia composita, hoc est, corpora (§. 119. *Cosmol.*), non sunt nisi substantiarum simplicium aggregata (§. 793. *Ontol.*), neque elementa corporum, hoc est, substantiæ istæ simplices,

plices, ex quibus corpora aggregantur (§. 182. *Cosmol.*), substantiæ aliæ esse possunt, quam simplices (§. 314.). Quamobrem cum entia simplicia contingentia, qualia sunt omnia præter Deum possibilia (§. 329.), existere nequeant, nisi ex nihilo producantur (§. 691. *Ontol.*), consequenter creantur (§. 697. *Psychol. rat.*); quicquid præter Deum existit, ab ipso creatum est.

Per hanc propositionem patet, Deum esse creatorem omnium, & entia actualia recte distingui in Deum atque creaturas. Non obstat, quod hodiernum vi naturæ producantur corpora, quæ antea nondum existerant, hæc autem, utpote composita (§. 119. *Cosmol.*), oriuntur citra rei cuiusdam ex nihilo ortum (§. 542. *Ontol.*), consequenter absque creatione (§. 697. *Psychol. rat.*), Etenim elementa ex nihilo producta (§. 335.), adeoque creata sunt (§. 697. *Psych. rat.*). Corpora igitur, quæ naturæ vi producantur, eatenus a Deo creata sunt, quatenus ex elementis ab ipso creatis aggregantur. Et hinc in numerum creaturarum recte etiam referuntur corpora, quæ naturæ vi hodiernum producantur in mundo. Consequitur nimirum ortus eorum vi creationis: nisi enim elementa rerum materialium a Deo fuissent creata, nec eorundem successiva modificatione corpora alia orirentur, alia interirent. Subsistunt hæc etiam in hypothese illorum, qui primum rerum materialium fontem acumine suo non attingentes elementa nonnisi materialia admittunt.

§. 380.

Ratio sufficiens exi- In Deo continetur ratio *sufficiens existentia hujus universi.*
stentia uni- Etenim intellectus, potentia & voluntas Dei est ratio sufficiens creationis (§. 350.). Quamobrem cum mundus
versi in quo- oriri nequeat nisi per creationem (§. 337.), & quicquid
nam entere- præter Deum existit, ab ipso creatum est (§. 379.); in
periat. Deo contineri rationem sufficientem hujus universi palam est.

In

In systemate Deum definivimus per ens a se, in quo continetur ratio sufficiens mundi hujus adspectabilis & animarum nostrarum (§. 67. Part. 1. Theol. nat.), seu, quod perinde est, hujus universi (§. 100.). Nihil hic de Deo sumitur, quod non eidem conveniat, *vi propos. pref.* & ex anterioribus demonstrationibus abunde intelligitur, soli Deo, enti perfectissimo, hoc convenire, cum ex summa perfectionis notione id fuerit deductum. Est igitur nota sufficiens ad Deum ab omni ente alio distinguendum. Nihil adeo habet Logicæ peritus, quod in definitione ista repræsentat (§. 153. Log.). Quamobrem contemptui philosophiæ Matæologus quidam, quem præposterum pietatis studium ipsi persuasit, pœnas dedit, dum atheismum ex hac definitione exsculpere voluit. Sed risum teneatis, quotquot primas methodi demonstrativæ leges perpexistis!

§. 381.

Deus creator mundi est, quia rationem sufficientem actualitatis ejus continet. Cur Deus sit creator mundi. Etenim posita ratione sufficiente actualitatis mundi, ponitur mundus in actu (§. 118. Ontol.). Etenim vero mundus aliter in actu poni nequit per creationem (§. 337.). Quamobrem cum per rationem sufficientem intelligatur, cur mundus aliquis potius existat, quam nullus, & cur hic potius existat quam alius (§. 56. Ontol.), & in Deo ratio sufficiens actualitatis hujus, qui existit, mundi continetur (§. 380.); ea Deo inesse debent, per quæ intelligitur, quod ab ipso creari potuerit, consequenter creator mundi est, quia rationem sufficientem actualitatis ejus continet.

Hoc capere non poterat Matæologus, de quo dixi (*not. §. præc.*). Etenim per definitionem Dei, quod sit ens a se rationem sufficientem existentiae mundi hujus adspectabilis in se continens, negari de Deo creationem in vero sensu contendebar, qualem Deum, qui non sit creator universi, etiam

atheus admittere possit. Enimvero non intelligebat, nec sapius monitus intelligere volebat, quid sibi velit ratio sufficiens, nec animum advertebat ad seriem demonstrationum, qua ex hac ipsa definitione veram creationem Deo vindicavimus. Ponamus atheum, quemadmodum apud *Lucretium* legitur, atomos sumere pro entibus a se ac mundi ortum ex earum per motum resultante combinatione deducere. Non aliter absurditatem sumtionis ostendere licebit, quam quod sumat, in quo ratio sufficiens creationis non continetur, prouti ex sequentibus magis elucescet: cum ex adverso nos in systemate ideo, quod sumimus, in Deo rationem sufficientem existentiae hujus universi contineri debere, eidem vindicavimus vera attributa divina, unde creatio mundi tanquam productio ex nihilo deducitur. Ceterum cum hic a priori demonstretur, quomodo per ea, quae Deo tanquam enti perfectissimo conveniunt, sequatur, eum esse creatorem omnium, quae praeter ipsum existunt (§. 379.), ita ut impossibile sit existere quicquam, quod ab ipso non dependeat per verum creationis actum; revera Deo tribuimus creationem in sensu recepto acceptam, quia rationem sufficientem ejus in eodemprehendimus, hoc est, quia per ea, quae ipsi inesse demonstravimus, intelligitur, quod mundus ab eo creatus fuerit. Ne tamen quid praetermisisse videamur, quod e re esse nonnullis videri poterat; propositionem praesentem addere libuit, cujus veritas multo clarior erit iis, qui demonstrationum anteriorum vim omnem animo penitus percipere. Sane qui vim principii rationis sufficientis perspexit, is non ignorabit non aliter demonstrari posse, cur quid sit, nisi per rationem sufficientem. Quamobrem si sumitur Deum esse creatorem hujus universi, seu ipsum produxisse ex nihilo, hoc est, non praexistente ullo alio, quod in actualitatem quomodocunque influere poterat; cur sit creator demonstrari nequit, nisi quatenus ostenditur creationis rationem sufficientem in eodem contineri.

§. 382.

*Quale esse
debeat ens,*

Ratio sufficiens creationis contineri nequit nisi in ente,
ens

cui competit intellectus, voluntas & potentia omnem prorsus ut creationis limitationem. Etenim per rationem sufficientem creationis intelligitur, cur mundus hic potius fuerit creatus quam non creatus (§. 56. *Ontol.*). Quamobrem cum existere non possit, nisi quod possibile (§. 132. 133. *Ont.*); per ea, quæ insunt enti rationem sufficientem creationis in se continenti, intelligi debet, tum cur mundus possibilis sit, tum cur actu existat. Quoniam ex ipsa origine idearum, per quas unice patet rerum finitarum possibilitas (§. 327. 328.); liquet, mundum non concipi posse possibilem nisi per intellectum prorsus illimitatum (§. 85. & *sqq.*), & creatio productio ex nihilo est, nullo præexistente, quod quomocunque in actualitatem possibilis influere poterat (§. 697. *Psych. rat.*), consequenter potentiam prorsus illimitatam supponit (§. 347. *Part. I. Theol. nat.*); ens continere nequit rationem sufficientem creationis, nisi eidem tribuatur & intellectus, & potentia limitationem omnem respuens. Enimvero intellectus & potentia limitum expers nondum est ratio sufficiens creationis mundi (§. 349.), sed adhuc accedat necesse est voluntas, qualis est Deo (§. 350.), consequenter prorsus illimitata (§. 188.). Quamobrem ens, quod rationem sufficientem creationis in se continet, etiam voluntate prorsus illimitata instructum esse debet. Atque adeo patet rationem sufficientem creationis contineri non posse nisi in ente, cui competit intellectus, voluntas & potentia omnem prorsus limitationem respuens.

Propositionem hanc non tam addimus ad retundendam inscitiam Matæologi, de quo dixi, & eorum, qui sibi ab ipso imponi patiuntur (eam enim contemnere licebat); quam quod eadem utemur in sequentibus tanquam principio monstranda alia.

§. 383.

*Quod ratio
creationis
sufficiens
contineri ne-
queat nisi in
vero Deo.*

Quoniam nemo non fateri cogitur ens istud esse verum Deum, hoc est, in significato inter nos recepto, cui competit intellectus, voluntas & potentia limitum omnium expers, sufficiens autem creationis ratio contineri nequit nisi in ente, cujus intellectus, voluntas & potentia limites omnes respuit (§. 382.); *rationem sufficientem creationis non posse contineri nisi in vero Deo*, hoc est, vocabulo Dei insignem inter nos recepto accepto, *nemo non videt.*

Quamprimum adeo quis admittit, mundum oriri aliter non posse nisi per creationem, quemadmodum supra demonstravimus (§. 337.), nec in dubium vocat, nihil posse esse sine ratione sufficiente, cur potius sit, quam non sit, quemadmodum alias stabilivimus (§. 70. & seqq. Ontol.), & per modum, quo index rerum omnium in intellectu divino determinantur, confirmatur (§. 173.); extemplo etiam admittere tenetur, rationem sufficientem creationis in eo, qui inter nos receptus est, significato, quatenus nimirum productionem ex nihilo denotat, nonnisi in vero Deo contineri posse. Atque hæc ipsa ratio est, cur in systemate ex eo, quod sumserimus, in Deo rationem sufficientem existentia hujus universi contineri debere, demonstrare licuerit, & hoc ens esse verum Deum, hoc est, tale, quale vocabulo in significato inter nos recepto denotat, & ipsum hunc mundum creasse in significato itidem inter nos recepto. Vides adeo, quam pulchre omnia inter se cohercant.

§. 384.

*An Deus
hunc mun-
dum sine
malis facere
potuerit.*

Si Deus hunc mundum facere voluit, malis etiam physicis & moralibus in eodem locum facere debuit. Etenim Deus hunc mundum non potuit facere aliter, quam fecit (§. 373.). Enimvero a posteriori patet, mundo huic existere mala physica & moralia. Quamobrem si hunc facere

facere voluit mundum, malis etiam physicis & moralibus in eodem locum facere voluit.

Qui contendunt, Deum potuisse hunc mundum facere absque malis physicis & moralibus, duo sumunt, scilicet 1. quod mundus hic aliter factus, adhuc idem sit, non vero diversus mundus 2. quod mundus aliquis possibilis sit, in quo nullus est malis physicis atque moralibus locus. Prius manifesto falsum esse, supra jam ostendimus (not. §. 354.): posterius vero probare nesciunt. Quodsi enim provocent ad omnipotentiam Dei, probatio nulla est, cum omnipotentia Dei ad actum non perducatur, nisi quod possibile (§. 222. Part. I. Theol. nat.). Per eam igitur probari nequit, aliquid esse possibile. Quodsi hic argumentandi modus valeret, quidvis sumi poterat ac probari, quod sit possibile per omnipotentiam Dei. Qui originem idearum in intellectu divino perpendit, verum possibilitatis intrinsecæ fundamentum (§. 328.); ei absurditatis manifestæ videbitur possibilitatis intrinsecæ per omnipotentiam Dei probatio, cum ea in originem idearum nullo modo insuat. Ceterum ex ipsa propositione præsentem intelligitur, etsi mala physica & moralia necessario insint ideæ hujus universi; eorum tamen actualitatem nonnisi hypothetice esse necessariam, nequaquam vero necessariam absolute.

§. 385.

Deus malis physicis & moralibus sapienter fecit locum Malorum in hoc mundo, seu sapientiæ divinæ conveniens producere physicorum mundum, in quo malis physicis & moralibus locus. Et moralium Deum per creationem mundi manifestare voluit gloriæ suam (§. 371.). Quamobrem cum sapientiæ ipsius in mundo conveniat, ut medio utatur optimo ad finem sibi propositum sapientitum consequendum (§. 293. Part. II. Theol. nat. & §. 689. Psychol. rat.), medium vero optimum manifestandi gloriam ejusdem sit hic ipse, qui existit, mundus (§. 370.); sapientiæ divinæ conveniens erat hunc ipsum, quem condidit,

(Wolffii Theol. Nat. Pars II.)

X x

didit, creare mundum, non alium. Enimvero patet a posteriori mundo huic inexistere mala physica & moralia, ac præterea constat, quod Deus, si hunc mundum facere voluit, malis etiam physicis ac moralibus in eodem locum facere debuerit (§. 384.). Sapientiæ igitur divinæ conveniens producere mundum, in quo malis physicis & moralibus locus est, seu iis sapienter in hoc mundo fecit locum.

Qui igitur contendunt, Deum debuisse mundum facere absque malis physicis & moralibus, volunt ipsum aliter quam secundum sapientiam suam agere, etiam si fieri posse concedatur, ut mundus aliquis liber sit ab omni malo physico atque morali. Atque adeo patet ratio, cur Deus malia fecerit locum in mundo, quem creavit, et si mundus aliquis absque malo omni existere posset.

§. 386.

An mundus, in quo sunt mala, bonitati divinæ repugnat.

Bonitati divinæ non repugnat creatio mundi, in quibus malis physicis & moralibus locus est. Cum enim bonus erga alios sit, qui ad aliorum perfectionem promovendam pronus est (§. 695. part. I. Theol. nat.); Dei bonitas summa est, si creaturis tantundem confert boni, quantum fieri potest. Enimvero mundum hunc, in quo malis physicis & moralibus locus est, sapienter creavit (§. 385.), nec eum aliter facere potuit, quam fecit (§. 376.). Quamobrem cum constet, quod eundem non alio fine creaverit, quam ut gloriam suam manifestaret (§. 371.), consequenter perfectionem suam (§. 610. part. I. Theol. nat.), adeoque etiam bonitatem suam absolute summam patefaceret (§. 231.); dubium superest nullum, quin unicuique creaturæ tantundem conferat boni, quantum fieri potest. Patet itaque bonitati ipsius non repugnare creationem mundi, in quibus malis physicis & moralibus locus est.

Quæ

Quæ hic de convenientia creationis hujus mundi cum sapientia ac bonitate divina, non obstantibus malis physicis atque moralibus, quæ eidem implicantur, succinctè demonstrantur; in systemate luculentius proposuimus, ut nullus relinquantur scrupulus, qui animum turbare poterat. Non igitur opus est, ut repetantur, quæ ibidem sufficienter evolvimus. Præjudicia, quæ scrupulos animo injiciunt, sufficienter ibidem sustulimus; quàmvis & sua veluti sponte evanescant, si quis ad anteriora animum advertit, ne per errorem statuat de possibilitate rerum tam intrinseca, quam extrinseca, intellectus divini atque omnipotentis non satis guarus, nec libertatem Numinis male concipiat.

§. 387.

Decretum creationis est numero unicum. Etenim mundus *Unitas decreti divini.* ens unum (§. 60. *Cosmol.*), ita ut, si contingens unum, quod in mundo contingere debet, mutari ponatur in contrarium, vel in seriem rerum aliquid intrudi supponatur, cujus actus per præcedentia non determinatur, sequens mundi pars non amplius foret eadem, quæ alias futura erat (§. 116. *Cosmol.*), & talis representatur per ideam in intellectu divino (§. 100.). Quamobrem cum Deus mundum hunc ab æterno creare decreverit (§. 351.), unico voluntatis actu (§. 190.); decretum hoc esse non potuit nisi unicum.

Probe notandum est, in decreto divino totam rerum finitarum seriem spectandam esse tanquam ens unum, ne quis fingat unum decerni potuisse absque altero. Qui enim hoc faciunt, non modo Deum instar hominis fingunt, in summam naturæ divinæ perfectionem injurii; verum etiam quædam ad hunc mundum pertinentia non decerni potuisse somniant. Atque hinc ortum traxit error admodum perniciosus, etsi plerumque periculum non advertant, qui eodem imbutum possident animum, quasi Deus multa aliter in hoc mundo facere potuisset, veluti ut terram condidisset non habitatam ab hominibus, vel ei alios, quam hosce homines, dedisset incolas, mundo tamen permanente eodem.

C A P V T V.

De Providentia & aliis nonnullis attributis divinis.

§. 388.

*Creatura
seipsum cur
conservare
nequeat.*

Creatura nulla seipsam conservare potest. Etenim cum creatio dicatur actio, qua rebus creatis datur, ut in esse suo perseverent, seu existere pergant (§. 842. *part. I. Theol. nat.*); si creatura seipsam conservare posset, quamprimum a Deo producta esset, sibimetipsi daret, ut existere pergeret, adeoque sibimetipsi sufficeret ad existendum. Sed sibimetipsi sufficere ad existendum est attributum divinum (§. 23.). Quamobrem cum attributa sint incommunicabilia (§. 45. *Psychol. rat.*), consequenter nec divina rebus creatis communicari possint; nec fieri potest, ut creatura, postquam a Deo producta est, sibimetipsi sufficiat ad existendum. Patet itaque, creaturam nullam seipsam conservare posse.

Hinc mirum non est, quod, etsi anima sit sibimetipsi sui conscia, nihil tamen in eadem observemus, unde intelligere datur, cur in actu, ad quem perducta est, perseveret. Quemadmodum nullam in eadem rationem deprehendimus, cur potius existat, quam non existat; ita nihil quoque rationis in eadem reperire licet, cur existere pergat. Nec ex eo, quod ponimus, eam existere hoc momento, demonstrari potest, quod etiam existere debeat altero. Nisi igitur sumere velis, quod tamen sumi repugnat (§. 329.), animam esse ens necessarium; fatendum omnino erit, eidem non inesse, per quod intelligatur, cur existentiam continuet, hoc est, cur altero momento existat, quia hoc existit. Facile

cile apparet, ab anima argumentationem fieri debere ad alias substantias simplices, cum quoad actualitatem non differant ab eadem; etenim quemadmodum anima nonnisi contingenter existit, & a Deo actualitatem sortita; ita etiam substantia simplices ceteræ, quæ in creaturarum numero sunt, nonnisi contingenter existunt, & a Deo ad actum ex statu nudæ possibilitatis suæ deductæ. Utrisque adeo actualitas non inest per essentiam, adeoque non in ideis earundem, quemadmodum in idea Dei includitur; sed superaddita intelligitur per omnipotentiam Dei, sine quâ, cur ipsis inest, intelligi nequit. Superaddidit Deus actualitatem actu creationis, quo quæ in ideisabilia erant ad actualitatem perducta (§. 345.). Enimvero cum actus istius nullam habeamus ideam; nec satis capimus, quomodo ex ente nude possibili fiat actuale. Quodsi ea talis esset, ut posthac independentem a Deo perennaret; tum eam habere deberemus ejus notionem, per quam intelligi poterat, cur independentem a Deo existere debeat ens momento altero, quod primo existere non poterat nisi per potentiam Dei, consequenter & quod ideo quid secundo momento existat, quia primo existit, & quod tamen actualitatem necessario aliunde habeat. Sed eam quis ex iis, quæ de anima sua observat, frustra eruire conabitur.

§. 389.

Deus creaturas omnes conservat. Etenim creatura nulla seipsam conservare (§. 388.), consequenter nec sibi met- *Conservatio mundi*
 ipsi dare potest, ut, dum a Deo ad actualitatem perducta, *Deo vindicata.*
 in eadem perseveret (§. 842. *part. I. Theol. nat.*). Quamobrem cum a posteriori pateat, eas in actu perseverare; necesse est Deum ipsis dare, ut in esse suo perseverent. Deus itaque creaturas omnes conservat (§. *cir.*).

Facile apparet, quando de conservatione sermo est, rationem sufficientem quæri actualitatis continuæ in ente, quod per essentiam suam necessario non existit, aut, si mavis continuationis actualitatis per se eidem non competentis.

num ab altero dependet, quatenus ejus, quod ipsi inexistit, ratio in altero continetur (§. 851. *Ontol.*), creaturæ quoad actualitatem suam continuo dependent a potentia & voluntate Dei, seu, quod perinde est, actualitas creaturarum continuo dependet a potentia & voluntate Dei.

Qui defendunt, creaturas a Deo productas existentiam vi sibi propria, etsi a Deo accepta, continuare posse; tollunt continuam creaturarum a Deo quoad actualitatem dependentiam, easque entia independentia faciunt, cum tamen independentia sit attributum divinum (§. 25.), enti non Deo incommunicabile (§. 45. *Psychol. rat.*).

§. 391.

Mundus conservatur, dum elementa juxta principium rationis sufficientis combinata & anima corporibus humanis & brutis conservantur junctæ conservantur. Mundus enim tamdiu existit, quam-
tuo in quo
diu existunt elementa juxta principium rationis sufficientis combinata, & ex hac combinatione resultantibus corporibus junctæ hominum atque brutorum animæ (§. 100.). Quamobrem cum Deus elementa & animas conservans iisdem det, ut existere pergant (§. 842. *part. I. Theol. nat.*); mundus existere pergit, dum elementa juxta principium rationis sufficientis combinata & animæ corporibus humanis & brutorum junctæ conservantur, consequenter hisce conservatis conservatur (§. *cit.*).

Videmus adeo, quodnam proprie loquendo sit objectum conservationis divinæ, nempe sunt istud elementa corporum atque animæ. Unde intelligitur, cur corpora conservari possint vi naturæ, naturæ autem conservatio supponat conservationem divinam. Nimirum mundus a Deo creatur, dum elementa rerum materialium juxta principium rationis sufficientis combinata, & animas tam hominum quam
bruto-

brutorum producit (§. 342.); eundem vero conservat, dum eadem elementa atque animas easdem conservat *ut §. pref.* Unde idem est objectum creationis, quod conservationis.. Quicquid vero non creatur, sed ex eo, quod creatum, naturæ vi producitur, id etiam non conservatur a Deo, sed vi naturæ, supposita tamen conservatione divina.

§. 392.

*Mundi &
naturæ or-
do quomodo
conservetur.*

Mundi atque Naturæ ordo conservatur, dum elementa rerum materialium juxta principium rationis sufficientis combinata conservantur. Dum enim elementa rerum materialium juxta principium rationis sufficientis combinata conservantur, eadem sic combinata existere pergunt (§. 842. *pars. I. Theol. nat.*). Enimvero cum ordo mundi & naturæ ex elementorum combinatione juxta principium rationis sufficientis facta per se resultet (§. 321.); tamdiu uterque existere pergit, quamdiu elementa existentiam continuant. Quamobrem uterque conservatur, dum elementa juxta principium rationis sufficientis combinata conservantur.

Quoniam eadem semper subsistunt elementa, etsi in rerum natura per continuas mutationes semper prodeant alia aliaque corpora; idem quoque constanter subsistit naturæ ordo. Et patet eundem tamdiu fore, quamdiu hic mundus subsistet. Ex principiis hæcenus de conservatione rerum demonstratis multa particularia deducere daretur; siquidem prolixioribus esse liceret. Enimvero cum multa jam tradiderimus in systemate, & data occasione cetera hinc facile eruantur; non opus esse videtur, ut his diutius immoremur.

§. 393.

*Identitas
actus con-
servatorii
divini.*

Ordo Naturæ atque mundi eodem actu, quo mundus ipse conservatur. Etenim dum elementa rerum materialium juxta principium rationis sufficientis combinata conservantur.

servantur; conservatur & mundus (§. 391.); & Naturæ atque Mundi ordo (§. 392.). Ordo igitur Naturæ atque Mundi eodem actu, quo mundus ipse conservatur.

Ne imperitus Logicæ consequentiarum hinc inferri possit sibi persuadeat, Deum non posse patrare miracula, consequenter aliis persuadere conetur; qui nostra non legerunt, negari a nobis miracula, nec Deo potentiam patrandi miracula concedi, etsi contrarium demonstraverimus tam in systemate (§. 363. *Part. I. Theol. nat.*), quam superius (§. 348.). eandemque possibilitatem dudum adstruxerimus, dum mundum generaliter contemplaremur (§. 517. *Cosmol.*), & ducto argumento ab invidia principia nostra tanquam atheistica traducat, quemadmodum hæcenus fecere, qui infesto in nos sunt animo; nostrum erat adhuc docere, quomodo miracula cum identitate actus conservatorii subsistant. Equidem non ignoro morem Matæologi illius famosi, qui in arte sophistica, qua sibi excellere videtur, tantam fiduciam ponit, ut nubem pro Junone cuius a se obrudi posse arbitretur, & facile prævideo, quod juxta illius leges excepturus sit, hæc a nobis addi, ut lectorem ab animadvertendo doctrinæ periculo avertamus; non minus tamen mihi certum atque exploratum est, alios attenta mente nostra perpendentes & puritatem dogmatum nostrorum agnituros & artem istiusmodi sophisticam male sanam & ingenuos homines dedecentem detestatos.

§. 394.

Deus creaturas conservando ad singulas earum actiones concurrat. Etenim creaturas conservat, quatenus ele-
mentorum juxta principium rationis sufficientis combi-
natorum & animarum corporibus hominum atque brui-
torum junctarum actualitatem continuo vult eandemque
ipsis impertitur (§. 390. 391.). Quamobrem cum vis
activa corporum ex substantiis simplicibus resultet (§. 180.
Cosmol.), nec ea sit nisi vis elementorum confuse percepta
(*Wolffii Theol. Nat. Pars II.*) Yy §. 110.

(§. 110. *Pfychol. rat.*), & animabus insit vis (§. 53. *Pfych. rat.*), qua omnes ejus actiones producuntur (§. 60. *Pfych. rat.*); vis autem omnis in se contineat rationem sufficientem actualitatis (§. 722. *Ontol.*): in Dei voluntate atque potentia continetur ratio ultima, cur creaturæ agant. Enimvero concursus ad actionem alterius est actio, quæ in se continet aliquid rationis, cur agens agat (§. 873. *Part. I. Theol. nat.*). Patet itaque Deum creaturas conservando ad singulas earum actiones concurrere.

Modum concursus divini ad singulas creaturarum actiones a conservatione pendens, dudum a Theologis definitum, in systemate (§. 876. *Part. I. Theol. nat.*) ita jam demonstravimus, ut demonstratio tota huc transferri possit, siquidem prolixioribus esse liceret, nimirum quod Deus in concursu universali conservet substantiam agentis & largiatur vires agendi. Evicimus quoque modum, quo vires agendi tribuuntur (§. 877. *Part. I. Theol. nat.*), ne quod creaturæ est, confundatur cum eo, quod est Dei (§. 878. *Part. I. Theol. nat.*), salva dependentia creaturarum in agendo a Deo (§. 879. *Et seqq. Part. I. Theol. nat.*) & mali moralis culpa omni in hominem translata (§. 883. *Et seqq. Part. I. Theol. nat.*).

§. 395.

*Concursus
ordinarius
& miracu-
losus quinam
dicatur.*

Concursus Dei ordinarius dicitur, quo natura sibi relicta nihil fit contra naturæ ordinem. Ast *extraordinarius* sive *miraculosus* appellatur, quo quid fit contra naturæ ordinem.

Deus ad singulas creaturarum actiones concurrat eas conservando (§. 394.). Dum igitur a Deo conservantur, aut natura sibi permittitur, ut eidem convenienter agat, aut efficitur, ut effectus quidam resultet, qui naturæ viribus tum oriri minime poterat. In casu priori concursus divinus dicitur ordinarius; in posteriori autem extraordinarius, sive miraculosus, notioni miraculi tum quoad corpora (§. 518-

De Providentia & alii nonnullis attrib. Ec. 355

(§. 518. *Cosmol.*), tum quoad animam (§. 73. *Psychol. rat.*)
convenienter.

§. 396.

Cum Deus conservando creaturas ad earum actiones *Conservatio*
concurrat (§. 394.), non absimili modo conservationem *ordinaria*.
quoque in ordinariam & extraordinariam, sive miracu-
losam distinguere licet. *Conservationem ordinariam* dico, quæ
Deus naturam sibi relinquit: *extraordinariam* vero sive mi-
raculosam, quæ quid in eadem immutat.

Deus nimirum mundum conservat, dum elementis jux-
ta principium rationis sufficientis combinatis & animabus ho-
minum atque brutorum corporibus junctis tribuit actualita-
tem potentia sua (§. 390. 391.), & hoc ipso actu conser-
vantur quoque natura rerum (§. 849. *part. 1. Theol. nat.*).
Quando itaque Deus hoc universum conservat, aut naturam
sibi relinquit, aut, quid in eadem immutat. Quamobrem
conservatio alia ordinaria est, alia extraordinaria. Atque a-
deo patet, conservationem eodem modo distinguere posse, quo
concursum distinguere solet: id quod mirum non est, cum con-
cursum pendeat a conservatione, nec ab actu conservationis
separari possit, sed in eodem potius continetur. Ceterum
ut differentia utriusque conservationis rectius intelligatur, lu-
bet adhuc nonnulla annotare. Deus creaturas ita conservat,
ac si nulla conservatione indigeret actualitatem propria virtute
continuarent. Quodsi igitur creaturæ eo agant modo, ut ea-
rum actiones per essentiam & naturam earum explicari pos-
sint; conservatio erit ordinaria. Quodsi vero sic agant, ut
rationem sufficientem in essentia & natura agentis non habe-
ant, sed ea querenda sit in omnipotentia Dei; conservatio
extraordinaria, seu miraculosa est.

§. 397.

Limitationes naturales sunt, quæ vel essentis rerum *Limitatio-*
inherent, vel vi naturæ insunt. *Limitationes vero super-*
naturales, rentia.

Y y 2

naturales, quæ per omnipotentiam Dei insunt, naturaliter inesse nequeunt.

Quicquid enti finito inest, limitatum est, quemadmodum illimitatum, quod inest infinito. Limitationes determinationum essentialium essentiis rerum ita inhaerent, ut iis salvis tolli nequeant. Insunt autem enti finito præter determinationes immutabiles etiam variabiles, quarum nempe limitationes continuo variantur a natura, & hæc vi naturæ insunt. Limitationes constantes determinationum essentialium & quæ a natura variantur, sunt illæ, quas naturales dicimus. Quod si vero ponamus, omnipotentia Dei determinationes variabiles aliter limitari, quam vi naturæ limitandæ fuerant; quærum insunt, limitationes eadem sunt, quas supernaturales appellamus.

§. 398.

*Differentia-
conservatio-
nis ordina-
ria & extra-
ordinaria.*

In conservatione ordinaria Deus rem conservat cum limitationibus naturalibus; in extraordinaria vero supernaturales iisdem inducit. Etenim in conservatione ordinaria Deus naturam sibi relinquit, ut nihil fiat contra naturæ ordinem (§. 395.), consequenter quæ mutantur limitationes in rerum modificationibus (§. 830. *Ontol.*), a natura mutantur (§. 145. *Cosmol.* & §. 68. *Pschol. rat.*). Quamobrem cum essentiæ rerum sint immutabiles (§. 300. *Ontol.*); in conservatione ordinaria nullæ deprehenduntur in rebus limitationes, nisi quæ vel essentiis rerum inhaerent, vel vi naturæ insunt. Quoniam itaque limitationes, quæ vel essentiis rerum inhaerent, vel vi naturæ insunt, naturales sunt (§. 397.) in conservatione ordinaria Deus rem conservat cum limitationibus naturalibus. *Quod erat unum.*

In conservatione vero extraordinaria natura sibi non relinquitur, sed aliquid contra naturæ ordinem fit (§. 395.).

Quam-

De Providentia & aliis nonnullis attrib. Ec. 357

Quamobrem cum miraculum seu supernaturale fit (§. 510. *Cosmol.*), quod contra naturæ ordinem fit (§. 566. *Cosmol.*); in conservatione rerum extraordinaria mutatio rebus, quæ conservantur, inducitur supernaturalis. Quoniam itaque mutatio omnis rerum intrinseca in variatione limitum consistit (§. 831. *Ontol.*), in mutatione supernaturali per omnipotentiam Dei variantur limites, ut insint, quæ naturaliter inesse nequeunt. Enimvero limitationes supernaturales sunt, quæ per omnipotentiam Dei insunt, naturaliter inesse nequeunt (§. 397.). Patet itaque in conservatione extraordinaria rebus, quæ conservantur, induci limitationes supernaturales. *Quod erat alterum.*

Atque adeo intelligitur, etsi ordo naturæ atque mundi eodem actu, quo mundus ipse conservetur, hoc ipsum tamen non obstat, quo minus fiant miracula. Etenim miraculum novum superaddit actum conservationi extraordinariæ, qui abest in ordinaria. Nimirum in ordinaria actualitatem impertiri pergit Deus substantiis, quæ in prima creatione ex nihilo produxit, & naturæ vi resultant mutationes ipsis intrinsecæ, unde pendunt omnes in mundo mutationes. Ast in extraordinaria Deus præter hoc, quod substantiis actualitatem impertitur, etiam inducit alios limites accidentales, quam quæ naturæ vi inesse poterant atque debebant: id quod eidem non esse impossibile supra jam evicimus (§. 348.).

§. 399.

Deus mundum annihilare potest. Creaturarum enim *Possibilitas* actualitas continuo dependet a voluntate & potentia Dei *annihilationis mundi.* (§. 390.). Quamobrem si Deus nolit mundo actualitatem *annihilationis mundi.* amplius impertiri, ita existere desinit, ut nihil ejus amplius supersit. Enimvero si, quod existit, ita existere desinit, ut ejus nihil amplius supersit, annihilatur (§. 540. *Ontol.*).

Y y 3

Patet

Patet itaque mundum annihilari, si Deus eidem actualitatem impertiri amplius nolit, consequenter dubitari nequit, quin mundum annihilare possit.

Nimirum mundus per omnipotentiam divinam existit, quamdiu eundem existere vult. Quamobrem si nolit eundem amplius existere, nec existet. Unde patet potentiam annihilatricem non esse positivam, sed privativam; actus enim annihilationis consistit in cessatione actus conservatorii. Atque hinc porro liquidissime constat, potentiam annihilationis non posse competere nisi ei, cui est potentia creatrix, cum conservatrice eadem, hoc est soli Deo. In systemate propositionem præsentem aliter demonstravimus (§. 863. *part. I. Theol. nat.*), ibidemque cetera quoque evicimus, quæ de potentia annihilatrice tenenda (§. 859. *Et seqq. part. I. Theol. nat.*). Ceterum cum mundus annihilari nequeat, nisi Deuseundem diutius conservare nolit; utrum annihilandus sit, nec ne, constare nequit, nisi de voluntate divina certo constet,

— §. 400.

*Quomodo
mundus de-
finere possit.*

Mundus definere nequit nisi per annihilationem. Etenim cum mundus aliter prodire nequeat, nisi elementorum juxta principium rationis sufficientis facta combinatione (§. 316.); mundus definere nequit, nisi existere definant elementa. Sunt vero elementa substantiæ simplices (§. 182. *Cosmol.*), consequenter cum simplex interiri nequeat, nisi per annihilationem (§. 698. *Ontol.*) nec ipsa per annihilationem definere possunt. Patet itaque mundum definere non posse nisi per annihilationem.

Mundus igitur per se non vergit ad interitum, quemadmodum corpora hominum atque animantium, immo etiam vegetabilium: nec quicquam datur in toto universo, quod eundem destruere possit.

§. 401.

§. 401.

Chaos dicitur moles rudis & indigesta, hoc est, in *Chaos quid*
qua coëxistentia juxta principium rationis sufficientis non *sit*.
sunt ordinata, consequenter nec ullæ juxta idem continuo
sefe excipiunt mutationes.

Nimirum *Chaos* ideo appellatur moles rudis, quia nihil
in eodem distinguitur ab altero: sed ob massæ uniformitatem
absunt, ut cum Scholasticis loquamur, formæ omnes, quæ
dant distingui. Id autem accidit, quando coëxistentia non
coëxistunt ob rationem sufficientem ipsis intrinsecam, ita
ut per determinationes intrinsecas minime intelligatur, cur
hoc potius modo, quam alio coëxistant (§. 36. *Ontol.*). Idem
chaos dicitur moles indigesta, quatenus nullus est coëx-
istentium ordo: id quod denuo contingit, si rebus coëx-
istentibus nullæ insunt determinationes intrinsecæ, per quas
secundum principium rationis sufficientis ordinari possint.
Haud difficulter vero intelligitur, in istiusmodi rudi & in-
digesta mole nec locum habere posse mutationes, per prin-
cipium rationis sufficientis explicabiles, cum non insint,
per quæ intelligatur, cur hæ potius mutationes accedant,
quam aliæ. Immo nulla prorsus mutatio ex principio in-
trinseco provenire posse intelligitur, siquidem communi
more in eo non concipias nisi extensionem, Qui *chaos* ad-
mittunt, vel idem per modum massæ continuæ sibi repræ-
sentant, quemadmodum id ipsum sibi imaginatur *Carte-
sius*; vel ut atomorum congeriem intersperso vacuo, quem-
admodum olim fecit *Democritus* atque *Epicurus*, recentius
Gassendus & qui cum eodem sentientes Atomistarum nomi-
ne nuncupantur. Sunt adhuc differentiæ aliæ in hypothesi
chaotica; sed eadem extrinsecus superveniunt, prouti *chaos*
vel a Deo creatum supponunt ejus defensores, quemadmo-
dum *Cartesius* statuit, vel idem æternum & ens a se pro-
nunciant, quemadmodum legere est apud *Lucretium*: sed
illas hic attendi opus non est.

§. 402.

*Chaos ex-
plosum.*

*Mundus in chaos redigi nequit; nec ex eodem pro-
ductum est.* Etenim idea mundi prodit, si elementa re-
rum materialium juxta principium rationis sufficientis
combinentur (§. 100.), nec aliter combinari possunt, ut
prodeat idea mundi, nisi per principium rationis suffi-
cientis (§. 316.). Quamobrem cum eadem elementa alio
ordine coëxistere nequānt (§. 571. *Cosmol.*), & quilibet
mundus propria sibi habeat elementa (§. 318.); si
hic mundus existere non amplius debet, necesse est, ut
hæc elementa existere desinant, nec fieri potest, ut iis
coëxistentibus, cum ratio coëxistentiæ in ipsis contineatur,
tum quatenus simul existunt, tum quatenus hoc potius
modo, quam alio coëxistunt, (§. 202. *Cosmol.*),
nulla insit coëxistentiæ ac modi coëxistendi ratio sufficiens.
Quamobrem cum mundus in chaos redigeretur, siquidem
efficeretur, ut nulla elementis inesset coëxistentiæ
ac modi coëxistendi ratio (§. 401.); mundus in chaos
redigi nequit, nec ex eodem productus est.

Ostenditur etiam hoc modo. Mundus a Deo creatur,
dum elementa rerum materialium juxta principium rationis
sufficientis combinata ab eodem producuntur (§. 342.).
Quamobrem non productus est ex mole, in qua
coëxistentia juxta principium rationis sufficientis non sunt
combinata, ratione sufficiente coëxistentiæ ac modi coëxistendi
in ipsis elementis contenta (§. 202. *Cosmol.*). Quoniam
itaque chaos est istiusmodi moles, in qua coëxistentia
juxta principium rationis sufficientis non sunt ordinata
(§. 401.); mundus ex eodem productus non est. *Quod
erat unum.*

Mundus

Mundus a Deo conservatur, dum elementa juxta principium rationis sufficientis combinata conservantur (§. 391.), consequenter tamdiu existit, quamdiu iisdem actualitatem impertitur Deus (§. 842, *part. I. Theol. nat.* & §. 390. *part. II. Theol. nat.*). Quamobrem si desinere debet, necesse est ut desinant existere elementa. Enimvero elementa substantiæ simplices sunt (§. 182. *Cosmol.*), immo nisi substantiæ simplices esse possunt (§. 314.). Quamobrem cum elementa desinere non possint, nisi per annihilationem (§. 698. *Ontol.*); fieri non potest, ut mundus desinat elementis in molem reductis, in qua nulla datur coëxistentiæ & modi coëxistendi ratio, consequenter cum chaos sit moles, in qua coëxistentia juxta principium rationis sufficientis non sunt coordinata (§. 401.), mundus in chaos redigi nequit.

Non est, quod excipias, cum plures possibiles sint mundi præter eum, qui existit (§. 101. *Cosmol.*), & quilibet mundus propria sibi habeat elementa (§. 318.), adeoque præter ea, quibus mundus hic constituitur, consequenter quæ existunt, alia adhuc possibilia sint, & potentia Dei creatrix omnibus substantiis simplicibus præter ipsum possibilibus producendis sufficiat (§. 340.), non repugnare, ut producantur elementa juxta principium rationis sufficientis minime combinata, consequenter ut creetur chaos. Neque enim quæstio de eo est, num Deus chaos creare possit, seu num chaos per omnipotentiam Dei existere queat; sed num ex eodem, si sumitur tanquam existens, mundus fieri possit. Etsi adeo illud largiamur, hoc tamen negamus & pernegamus. Fac enim existere istiusmodi elementa, quæ secundum rationis sufficientis principium combinari nequeunt; deficientibus determinationibus intrinsicis, per quas intelligitur, cur hoc potius modo coëxistere debeant quam alio (§. 56. *Ontol.*). Cum idea mundi non prodeat, nisi elementis secundum principium rationis sufficientis

(*Wolffii Theol. Nat. Pars II.*) Z z combi-

combinatis (§. 100.), nec adeo nisi per hanc combinationem possibilis intelligatur (§. 327. 328.); omnipotentia autem divina effici non possit, nisi quod possibile (§. 343. 344. *Part. I. Theol. nat.*); nec fieri potest, ut Deus iuxta principium rationis sufficientis in ordinem redigatur, quæ ita combinari nequeunt. Atque adeo pater, mundum ex massa rudi & indigesta, quæ chaos dicitur (§. 401.), produci minime posse. Quemadmodum vero inde produci non potuit, ita nec in idem redigi potest, neque enim fert istiusmodi coexistentiam essentia atque natura elementorum (§. 571. *Cosmol.*). Ceterum hic tantummodo de mundo materiali sermo est, insuper jam habitis animabus hominum atque brutorum; elementorum quoque tantummodo mentionem injicimus, etsi nemo non videat, valere quoque de animabus, quæ de hisce dicta sunt, si suo modo ad eas extendantur.

§. 403.

*Gubernatio
divina.*

Deus gubernat hoc universum. Deus mundum hunc creavit propter aliquem finem (§. 358.), eumque talem fecit, ut finem, quem intendit, per eum ex asse consequatur (§. 359.). Quoniam itaque ea, quæ in mundo ex nexu rerum consequuntur, a Deo intendi possunt tanquam fines (§. 373.), & fines omnes particulares ita sibi invicem ab eodem subordinantur, ut remotiorum media sint propiores, tandemque omnes simul medium finis ultimi (§. 294.); dubium superesse nequit ullum, quin omnia, quæ in mundo fiunt, dirigat in eum finem, propter quem mundum fecit. Quoniam itaque gubernatio mundi est directio actionum, creaturarum scilicet, ad certum finem (§. 899. *part. I. Theol. nat.*); Deus hoc universum gubernat.

Gubernationem universi non absimili modo jam demonstravimus in systemate (§. 900. *Part. I. Theol. nat.*), ibidemque alia de eodem evicimus, quæ repetere nolumus, ne præter necessitatem simus prolixiores, cum demonstrationes datæ facile huc transferantur, principis ex anterioribus petitis.

§. 404.

§. 404.

Datur providentia divina. Etenim Deus mundum con-*Providen-*
servat (§. 389.) & gubernat (§. 403.), atque ad actiones *tia.*
creaturarum concurret (§. 394.). Quamobrem cum omnia
voluerit ab aeterno, non demum quid in tempore velit
(§. 191.), determinatio autem voluntatis ad aliquid agen-
dum, vel non agendum sit decretum (§. 497. *Part. I. Theol.*
nat.); quin Deus ab aeterno decreverit mundum conser-
vare & gubernare, atque ad actiones creaturarum concur-
rere dubitandum non est. Enimvero decretum Dei de
conservatione & gubernatione rerum omnium in hoc uni-
verso & concursu ad earundem actiones providentia est
(§. 922. *Part. I. Theol. nat.*). Datur itaque providentia
divina.

Quæ porro de providentia divina demonstranda fue-
rant, ea legi possunt in systemate (§. 924. & seqq. *Part. I.*
Theol. nat.); ea igitur hic non repetimus. Similiter ibi-
dem relegi possunt, quæ de jure Dei in creaturas integro
capite tradidimus (§. 950. & seqq. *Part. I. Theol. nat.*). Qui
enim methodi demonstrativæ fuerit compos, demonstratio-
nes ibidem traditas facile huc transferet, principiis ex an-
terioribus petitis, etsi eadem retineantur, quibus ibi usi
sumus. Nimirum brevibus hoc fieri non potest, cum
multis opus sit propositionibus, quæ demonstrandæ sunt,
& si resolutio demonstrationum isthuc loci exhibitæ rite
fiat, ex principiis antea evictis facile deducuntur. Neque
enim nostrum jam est integrum systema Theologiæ natu-
ralis denuo condere: consultum tamen esse ducimus ex
monere, quæ observanda sunt, siquidem quis ex notione
potius entis perfectissimi, quam ex generali mundi con-
templatione idem extruere malit.

*Unitas crea-
toris & con-
servatoris
mundi.*

Unus tantum est mundi creator, conservator & gubernator. Intellectus, potentia & voluntas Dei sunt sufficiens ratio creationis & existentiae entis finiti cujuscunque (§. 350.), adeoque cum posita ratione sufficiente ponatur id, quod propter eam potius est, quam non est (§. 118. *Ontol.*), posito Deo uno ponitur ens omne finitum in actu, quod existit. Quamobrem nonnisi unus est Deus, qui mundi creator est. *Quod erat primum.*

Enimvero Deus idem, qui mundum creavit (§. 344.) & cujus potentia creatrix omni mundo possibili producendo sufficit (§. 341.), creaturas quoque omnes (§. 389.) totumque mundum conservat (§. 391.) atque gubernat (§. 403.). Quoniam itaque unus tantum est mundi creator, *per demonstrata*; unus etiam nonnisi conservator & gubernator est. *Quod erat secundum & tertium.*

Qui ad præcedentes demonstrationes animum advertit, in præsentem nihil difficultatis deprehendet. Etenim ad creationem mundi requiritur intellectus, voluntas atque potentia omnem prorsus limitationem respuens: Dei enim intellectus, voluntas atque potentia, quam rationem sufficientem creationis evicimus (§. 350.), est omnis limitis expers (§. 117. 188. 346.). Intellectus autem, voluntas & potentia limitum expers insunt uni subjecto, cum ex notione entis perfectissimi deduxerimus, quæ de singulis demonstravimus, utpote quod perfectissimum omnes realitates in gradu absolute summo contineat (§. 15.). Unde patet, nos rationem sufficientem creationis mundi derivasse ex uno nonnisi subjecto. Insanire censeretur, qui præter causam unam, quam effectui producendo sufficere agnoscit, plures adhuc admittere veller, vel saltem suspicaretur, forsitan plures

De providentia & aliis nonnullis attrib. &c. 365

plures esse posse. Quamobrem si quis agnoscit, creationem, conservationem & gubernationem universi per ea demonstrari posse, quæ uni subiecto insunt; ei dubium superesse nequit ullum de unitate creatoris, conservatoris & gubernatoris hujus universi. Poterat quoque eadem unitas ex ipso nexu rerum omnium in universo demonstrari, vi cuius tanquam ens unum nonnisi ab uno dependere potest auctore.

§. 406.

Non datur Deus nisi unus. Pone enim, si fieri potest, *Unitas Dei* plures dari Deos. Quoniam Deo insunt omnes realitates in *evidētia*. gradu absolute summo (§. 93.), adeoque etiam existentia necessaria (§. 20.): Deus unus ab altero non differt, consequenter duo Dii non erunt nisi ens idem bis positum (§. 181. *Ontol.*). Enimvero cum Deus unus sit creator, conservator & gubernator hujus universi (§. 405.) & potentia ejusdem omnibus substantiis simplicibus (§. 340.), omnique mundo possibili producendo sufficiat (§. 341.); cur unus admittatur Deus ratio sufficiens est (§. 56. *Ontol.*), nulla vero cur plures admittantur, seu idem ens bis vel pluries ponatur. Quamobrem cum sine ratione sufficiente nil esse possit (§. 70. *Ontol.*); nec plures Deos ponere licet, consequenter non datur nisi unus.

Nimirum nonnisi unica est essentia divina (§. 14.), nec nisi unica existentia, nempe necessaria (§. 21.). Duo igitur Dii sunt duo entia perfectissima necessario sive per essentiam existentia (§. 27.). Quamobrem si præter unum ponuntur plures, plures finguntur & quidem absque ulla rationis specie, quemadmodum ex demonstratione præsentis intelligitur propositionis. Unius Dei existentia necessario admittenda; ceteri finguntur. Deorum nonnisi pluralitas notio arbitraria est: sed arbitrium nostrum nullam efficiat realem.

*Creatura-
rum cum
Deo quanta
sit similitu-
do.*

*Creaturae omnes tantam habent similitudinem cum Deo, quan-
tam admittit differentia realitatum limitatarum & illimitatarum.*
Etenim si possibilia primitiva secunda secundum principium
contradictionis combinantur, oriuntur ideæ substantiarum
simplicium (§. 96.), consequenter & elementorum (§.
182. *Cosmol.*), quorum ulteriori combinatione juxta prin-
cipium rationis sufficientis facta corporum ac mundorum
integrorum ideæ resultant (§. 100.). Quamobrem cum
possibilia primitiva secunda nascantur realitatum, quæ Deo
insunt, diversa limitatione (§. 91.), & in elementis con-
tineantur rationes ultimæ eorum, quæ in corporibus de-
prehenduntur (§. 191. *Cosmol.*), in substantiis simplicibus
eodem insunt realitates, quæ in Deo, nisi quod in Deo
insint illimitatæ, in istis limitatæ, & quæ in composito
percipiuntur, tandem in istiusmodi realitates resolvuntur.
Quoniam itaque similitudo consistit in identitate eorum,
per quæ entia a se invicem discerni debent (§. 195. *Ontol.*);
tanta esse debet similitudo inter Deum & creaturas, quan-
tam admittit differentia realitatum limitatarum & illimi-
tatarum.

Quoniam limitatio diversos admodum gradus habet; mi-
nus autem limitatum propius accedit ad illimitatum, quam
magis limitatum: ideo similitudo creaturarum cum Deo
eadem non est, sed admodum variat. Unde majorem si-
militudinem cum Deo habent animæ humanæ, quam bru-
torum; majorem animæ brutorum, quam elementa. Et
quoniam in corporibus realitates, quæ insunt, distincte non
percipimus (§. 101. *Psychol. rat.*); similitudo animæ cum
Deo observatu faciliior, quam corporum.

§. 408.

Nomen proprium dicitur, quo utimur ad significandum *Nomen proprium quoddam*
individuum.

Ita Adamus nomen proprium est: quia eodem utimur *nam sit.*
ad significandum primum hominem, qui a Deo condi-
tus est.

§. 409.

Vocabulum Deus est nomen proprium. Etenim non datur *Quale no-*
nisi Deus unus (§. 406.). Vocabulo igitur hoc utimur *men sit vo-*
ad significandum nonnisi ens singulare, sive individuum. *cabulum*
Quamobrem cum nomen proprium sit, quo ad significan- *Deus.*
dum individuum utimur (§. 408.); vocabulum Deus no-
men proprium est.

Nimirum hoc vocabulum in eo, quo sumitur significa-
tu (§. 14.), hoc est, in proprio tribui nequit nisi enti sin-
gulari, & ad hoc ipsum significandum eodem utimur. Et-
si enim, qui plures per errorem admiscere Deos, eodem usi
fuerint tanquam appellativo; id tamen cum nonnisi per er-
rorem factum fuerit, veritati nullum erat præjudicium. Suf-
ficit, quod salva definitione tribui nequeat nisi enti uni, a-
deoque enti cuicunque alteri tribui nequeat nisi in sensu im-
proprio, per quamdam metaphoram. Probe autem notan-
dum est, non requiri, ut nomina propria habeant signifi-
catum essentialem, qui vi derivationis seu per etymologiam
ipsi competit. Absit itaque, ut quis sibi persuadeat, nos
contendere vocabulum Deus esse nomen essentiale, dum i-
psum proprium esse contendimus. Significat tamen essen-
tiam Dei per impositionem. Unde *D. Thomas* nomen
nomen naturæ pronunciat, quoad id, ad quod nomen est im-
positum: sit ita, quod vi etymologiæ aliud quid denotet.

§. 410.

§. 410.

*Monitum
generale.*

Plura in præfenti non addimus, non quod ex notione entis perfectissimi demonstrari non possint, sed quod ex systemate retentis iisdem demonstrationibus huc transferri possint, nisi quod principia eadem non ex systemate, sed ex anterioribus petantur. Etsi enim alia definitione Dei nominali sumta quædam immutandæ sint demonstrationes, non tamen ideo immutandæ sunt omnes, quoniam non demonstrationes omnes immediate in definitionem nominalem Dei resolvuntur, sed mediantibus principiis communibus ex diversis definitionibus deductis: id quod methodi peritis satis cognitum atque perspectum est.

**PARTIS**



PARTIS II.
THEOLOGIÆ NATVRALIS
SECTIO II.
DE
ATHEISMO ALIISQVE
AGNATIS ERRORIBVS.

CAPVT I.
De Atheismo.

§. 411.

A *Theus* dicitur, qui negat dari Deum, hoc est, ens *Athei* & a se, mundi autorem. Unde *Atheismus* con-*theismi* de-
fistit in negatione existentiae Dei, mundi au-*finisio*.
toris.

Damus hic definitionem athei & atheismi nominalem, ut vocabuli significatus sit determinatus, ne ejus abusus sit locus, & ut certa ratione inde deduci possint, quæ de atheismo dicenda. Equidem definitiones nominales arbitrarie sunt; non tamen temere a recepto significato recedendum (§. 147. *Discurs. preliminar.*). Qui Deum esse profitentur, admittunt ens a se, quod diversum est a mundo & animabus nostris, & in quo continetur ratio sufficiens existentiae contingentis hujus mundi &

(*Wolffii Theol. Nat. Pars II.*)

A a 2

anis

animarum nostrarum (§. 67. *Part. I. Theol. nat.*), consequenter cui ea insunt attributa, per quæ intelligitur, cur hic mundus & animæ nostræ potius existant, quam non existant (§. 56. *Ontol.*), ideoque autor mundi est. Quamobrem qui negat, ens istiusmodi existere, quod Dei nomine significatur; *Atheus* appellatur. Nimirum etsi alii adhuc dentur errores noxii de Deo non minus, quam Atheismus; ab eo tamen distinguendi sunt, nisi summa imis confundere velis. Etenim id hic agimus, ut errorum falsitas demonstraretur, ne quis in eosdem incidat, vel ubi aliquo infectus fuerit, in eodem perseveret; non vero ut argumento ab invidia ducendo suppeditetur materia.

§. 412.

*Cur atheo
notio ali-
qua Dei esse
debeat.*

Atheus intelligere debet, quid vocabulo Dei denotetur, seu ipsi aliqua Dei notio esse debet. Etenim atheus negat dari Deum (§. 411.). Quamobrem cum negans prædicatum aliquod removeat a suo subiecto, vel significet quod prædicatum subiecto non conveniat (§. 205. *Log.*); atheus a Deo removeere debet existentiam, seu, quod perinde est, significare debet, Deo existentiam non convenire. Necessè igitur est, ut ipsi innotuerit aliquod vocabulum, quo autor universi indigitatur, quale est vocabulum Deus in lingua Latina, & perspectum esse debeat, quod isto vocabulo denotetur autor universi (§. 200. *Log.*). Atque adeo patet, atheum intelligere debere, quid vocabulo Dei denotetur, seu ipsi aliquam Dei notionem esse debere.

Sane vocabuli *blictri* nulla nobis notio est, eoque audito nemo intelligit, quid eodem denotetur. Quamdiu igitur nullum eidem significatum fixum tribuimus, nec affirmari, nec negari potest, dari blictri. Qui adeo negat, dari blictri, is sumit, vocabulo hoc denotari non ens, quod instar entis fingitur, adeoque eidem aliquem tribuit significatum.

Quam-

Quamdiu itaque quis ignorat, quid vocabulo Dei denotetur; is nec affirmare, nec negare potest dari Deum. Necessesse igitur est, ut atheus, qui negat (§. 411.), quid eodem vocabulo indigitetur, intelligat.

§. 413.

Atheus notionem Dei non admittit possibilem. Etenim *Notio Dei* atheus habet aliquam Dei notionem, seu intelligit, quid *qualis reputetur atheo.* vocabulo isto indigitetur (§. 419.). Quoniam tamen negat existere Deum hoc est, ens istiusmodi, quod vocabulo Deus indigitatur (§. 411.); cum ens a se ideo existit, quia possibile (§. 34. *Part. I. Theol. nat.*), seu Deus ideo existit, quia possibilis (§. 28.); necesse est, ut neget istiusmodi ens esse possibile, quod vocabulo Dei indigitatur; consequenter notionem Dei non admittit tanquam possibilem.

Probe notandum est, quænam ex hypothefi impia atheismi necessario consequantur. Etsi enim non negem, fieri posse, ut atheus contradictoria statuatur; ubi tamen eum contradictionis convincere volueris, quæ cum hypothefi atheismi stare possunt, & quæ eidem repugnant, a se invicem probe discernenda veniunt. Unde si atheus admittere velit ens istiusmodi esse possibile, quale vocabulo Deus significatur; neget tamen inde sequi, quod existat, propterea quod ab esse ad posse non valet consequentia, seu ideo quid non existit, quia possibile, in serie nimirum rerum contingentium (§. 171. *Ontol.*), unde abstrahuntur notiones philosophiæ primæ: facile redarguitur erroris sui, sive per demonstrationem, quod ens a se ideo existat, quia possibile (§. 34. *Part. I. Theol. nat.*), sive quod Deus, ens perfectissimum (§. 14.), existat, quia possibilis (§. 28.). Unde pater, *Cartesianos*, qui sumunt Deum esse ens perfectissimum, atheos minime convincere posse erroris sui, nisi possibilitatem ejus demonstrent. Sane in Geometria non admittimus rationem trium in triangulo angulorum ad rectum ra-

tionem duplicam tanquam figuræ alicui conveniens prædictum, antequam per constructionem constet triangulum esse possibile, seu figuram tribus lineis rectis terminatam, quæ vocabulo triangulum in Geometria elementari indigitatur, esse possibilem. Quamobrem nec atheus admittit necessariam entis perfectissimi existentiam, antequam demonstraveris entis perfectissimi possibilitatem, quemadmodum jam agnovit *D. Thomas*. Quicquid igitur de Deo sumas, ut habeas aliquam notionem, quæ vocabulo respondet, ne sit sine mente sonus, quemadmodum *blüchri*, & ut cetera inde demonstres, quæ de Deo prædicanda; nihil tamen adversus atheum conficies, nisi ostenderis notionis istius realitatem. hoc est, nisi demonstraveris notionem istam esse possibilem: quod quomodo fieri possit, docuimus (§. 717. & seqq. *Log.*). Non nego fieri posse, ut quis atheus existentia Dei persuadeatur, etsi realitatem notionis, quæ vocabulo jungitur, non agnoscat, quemadmodum plurimi assensum præbent & veritati, & errori, cujus nondum sunt convicti: sed nobis propositum est ostendere, quamnam ad fundamentum atheismi penitus subvertendum, adeoque ad hoc requirantur, ut quis erroris prorsus convincatur.

§. 414.

Qualis notio Dei in hypothese athei.

In hypothese Athei notio Dei contradictionem involvit. Etenim atheus notionem Dei non admittit tanquam possibilem (§. 413.), adeoque pro impossibili habet (§. 85. *Ontol.*). Quamobrem cum impossibile sit, quod contradictionem involvit (§. 79. *Ontol.*); in hypothese athei notio Dei contradictionem involvit.

Si absurditatem atheismi penitus inspicere voluerimus, necesse est, ut animum advertamus ad singula, quæ impia hypothesis involvit. Unde necesse est demonstrativa ratio, quæ ex eadem deduci, quæ in ea continentur.

§. 415.

Atheo probare incumbit notionem Dei contradictionem involvere. Etenim in hypothefi athei notio Dei contradictionem involvit (§. 414.). Quare fi negat, dari Deum (§. 411.); hoc ipfo affirmat, notionem Dei involvere contradictionem. Enimvero in philofophia non admittuntur principia nifi fufficienter probata (§. 117. *Disc. preliminar.*). Atheo igitur incumbit, ut notionem Dei contradictionem involvere probeat.

Atheo quid probare incumbat.

Hanc igitur probationem jure ab atheo requifiveris, etiamfi ipfe demonftrare non poffes, quod tamen fieri poffe conftat (§. 13. 14.), ejus poffibilitatem. Facilius enim probatu eft, notionem aliquam involvere contradictionem, quam quod non involvat, confequenter rectius ab atheo poftulatur, ut probeat, notionem Dei contradictionem, quam is exigere valet, ut oftendatur, notionem Dei a contradictione liberam efle. Atque hoc pacto onus probandi in atheum devolvitur. Abfit autem, ut quis hoc inter artificio sophiftica referat: neque enim id fit ideo, quod de bona caufa desperemus, fed ut atheum confundamus. Etenim ubi atheus experitur, fe probare minime poffe, quod notio Dei fit contradictoria, tu vero deinde ipfi oftendis, eam efle a contradictione liberam; eo ipfo convincitur, fe in prima principia peccaffe, dum existentiam Dei negavit: cum ex adverfo, qui Deum exiftere affirmant, methodi leges accuratiffime obfervent, nec fumant, nifi quod per eas recte sumi demonftrari pot eft. Nimirum athei theoretici, qui abufu intellectus in errorem impium incidunt, videntur fibi ceteris acutiores, unde & vulgo voce Gallica *fortes esprits* appellari fueverunt, quali viribus intellectus majoribus polleant, quam ceteri. Quamobrem ut contrarium pateat, id omnino agendum, ut vincantur deefle ipsis acumen, quo polleat primorum Logicæ principiorum petiti, quoniam in admittendo errore contra ea peccant, in re maxime ardua non condonanda præcipitantiæ.

§. 416.

*Impossibili-
tas probanda
contradictio-
nis in notio-
ne Dei la-
tentis.*

Impossibile est, ut atheus demonstret notionem Dei involvere contradictionem. Negat enim atheus dari ens a se, quod sit autor hujus universi (§. 411.). Quamobrem cum affirmet, notionem Dei involvere contradictionem (§. 414.), juxta eam contradictionem involvit ens a se, quod sit autor hujus universi, seu quod mundum hunc adspectabilem & quicquid in eodem datur, fecerit. Enimvero demonstravimus, Deum, quem esse ens perfectissimum sumimus (§. 14.), creasse mundum hunc adspectabilem (§. 344. 338.), atque adeo per demonstrationes nostras patet, si Deus sit ens perfectissimum, cum esse mundi hujus adspectabilis & animarum nostrarum creatorem, adeoque autorem. Quoniam itaque possibilitatem entis perfectissimi evicimus (§. 13.); hoc ipso quoque possibilitas auctoris mundi evicta, cumque possibile sit, quod contradictionem nullam involvit (§. 85. *Ontol.*), eo ipso demonstratum est, notionem Dei, quæ eandem refert tanquam universi autorem, nullam involvere contradictionem. Quamobrem cum impossibile sit idem simul esse & non esse (§. 28. *Ontol.*); notio ista Dei, quæ eundem exhibet tanquam universi hujus autorem, contradictionem simul involvere nequit. Impossibile igitur est, ut atheus probet, eam contradictionem involvere.

Idem demonstrari potest ex principiis systematis. Et enim in systemate sumimus definitionem Dei nominalem, quod sit ens a se, in quo continetur ratio sufficiens existentiae mundi hujus adspectabilis & animarum nostrarum (§. 67. *Part. I. Theol. nat.*). Evicimus autem dari ens a se (§. 29. *Part. I. Theol. nat.*), quod sit diversum a mundo adspectabili, & elementis rerum materialium (§. 58.) atque anima-
bus

bus nostris (§. 62. *part. I. Theol. nat.*), & rationem sufficientem mundi hujus adspectabilis, elementorum rerum materialium atque animarum nostrarum in se contineat (§. 64. *part. I. Theol. nat.*). Quamobrem cum possibile sit, quod existit, sive actu datur (§. 170. *Ontol.*); eo ipso demonstratum est, ens a se, quod sit diversum a mundo & rerum materialium elementis atque animabus nostris & horum omnium rationem sufficientem in se contineat, consequenter Deum (§. 67. *part. I. Theol. nat.*), esse possibilem. Quoniam itaque quod possibile est, ejus notio nullam contradictionem involvit (§. 85. *Ontol.*); notio Dei, qua in systemate eundem nobis repræsentamus, contradictionem nullam involvit. Enimvero ex illa ipsa notione deduximus, Deum esse creatorem mundi (§. 763. *part. I. Theol. nat.*) & animarum nostrarum (§. 780. *part. I. Theol. nat.*), immo & elementorum rerum materialium (§. 758. *part. I. Theol. nat.*). Quamobrem qui admittit notionem Dei in systemate sumtam possibilem esse, is quoque admittere tenetur, notionem Dei, quæ eundem refert tanquam universi autorem, possibilem esse, seu a contradictione liberam. Unde cetera sequuntur, quemadmodum ante.

Patet adeo, nos summa confidentia onus probandi, quod diximus (*not. §. 415.*), inatheum devolvere posse: neque enim verendum est, ut latentem in notione Dei, quæ ipsum exhibet tanquam ens a se hujus universi autorem (§. 411.), contradictionem demonstret. Quin potius per demonstrationem præsentem docebitur, quamnam subsit ratio, cur demonstrationem dare non possit, quæ ab eodem exigitur. Neque est quod excipias, eam subtiliorem esse, quam ut ab atheo capi possit. Quamvis enim concedam, exceptionem valere de quibusdam, iis scilicet qui pueriliter errant; nego tamen, eam valere de omnibus: neque enim omnium est errare pueriliter. Sunt qui in viribus intellectus fiduciam

eiam ponunt, ad demonstrationum robur percipiendum non inepti. Atque iis satisfaciet demonstratio, ubi animum ad eandem advertere velint, nisi obstant rationes ab appetitu pendentes, & præjudicia quædam alia, quorum in animis hominum occæcandis magnam vim esse constat. Sed illas removebimus, hæc dispellemus in sequentibus. Neque nulla vis est demonstrationis præsentis in pueriliter errantibus. Ubi enim in se experiuntur, sibi non tantum esse acumen, quantum ad præsentem discussionem requiritur; de viribus propriis desperantes facilius cedunt rationibus ad persuadendum, non ad convincendum compositis, nisi adsint pertinaciæ rationes, cur scientes volentesque insanire velint: quibus quomodo sit occurrendum, ex sequentibus patebit. Sit autem dari nonnullos, qui dubii in errore persistere, quam veritati manus victas dare malint; nihil inde adversus valorem demonstrationis concluditur, quod quidam propria culpa convinci vel non possit (§. 994. *Log.*), vel nolit (§. 998. *Log.*), quemadmodum nihil lucramur adversus eandem, si qui probationibus a genuina demonstratione quoad formam atque materiam procul distantibus se ad assensum duci patiuntur. Demonstrationum Euclideanarum valori nihil decedit, quod longe plurimi sint, qui eas capere nequeunt, vel quod dentur alii, qui veritatem propositionum admittere malunt propter demonstrationes mechanicas, quam ut tantis ambagibus incedere velint, per quas eos ad convictionem ducit *Euclides*.

§. 417.

*Dubitare
quid sit.*

Dubitare idem est, ac velle assensum præbere alteri contradictionis parti, ignorare tamen, utrum is affirmativæ, an negativæ præberi debeat. Unde *dubitatio* est actus animæ, quo quis vult determinare assensum in alteram contradictionis partem, non tamen novit, in quam eundem determinare debeat, utrum scilicet in affirmativam, an vero in negativam. Vel brevius; est pronitas ad assentiendum alteri contradictionis parti, conjuncta
cum

cum ignorantia, utrum affirmativæ, an negativæ assentiri debeat.

Ita dubitat de immaterialitate animæ, qui ignorat, utrum dicendum sit eam esse immaterialem, an esse materialem, ubi de immaterialitate iudicium ferre voluerit. Nimirum duæ sunt propositiones, altera affirmativa, *Anima est immaterialis*; altera negativa, *Anima non est immaterialis*. Quoniam in earum una de eodem subiecto affirmatur, quod in altera negatur; eædem sibi mutuo contradicunt (§. 31. *Ontol.*). Quod si quis alterutri assensum præbere voluerit, ignoret tamen, quam eligere debeat, ne a veritate abberret ac in errorem incidat; is dubitare dicitur.

§. 418.

Qui dubitat, ei vel nullæ sunt assentiendi rationes ex Diversis utraque parte contradictionis; vel sunt rationes ex utraque, dubitationis aut non sufficientes, & in hoc casu aut ex una parte rationis sunt probabiliores, ex altera minus probabiles; aut ex utraque æque probabiles; vel denique ex una parte sunt quædam assentiendi rationes sed non sufficientes, ex altera nullæ. Quoniam enim nihil est sine ratione sufficiente, cur potius sit, quam non sit (§. 70. *Ontol.*), necesse etiam est, ut detur ratio sufficiens, cur in unam contradictionis partem assensus potius determinetur, quam in alteram. Et quoniam posita ratione sufficiente assensus ponitur etiam ipse assensus (§. 118. *Ontol.*), qui vero dubitat, assentiri quidem vult alteri contradictionis parti, sed assensum determinare nequit (§. 417.); nec datur in dubitante ratio sufficiens assensum determinandi in alteram contradictionis partem, sed ea potius deficit. Quamobrem cum deficiat, si vel nulla adsit ratio ex utraque contradictionis parte, vel si adsint rationes quædam ex utraque sive æque probabiles, sive ex una parte probabiliores, quam ex altera.

(*Wolffii Theol. Nat. Pars II.*)

tera, vel ex parte tantummodo alterutra, sed minime sufficientes; evidens est, qui dubitat; ei vel nullam esse rationem assentiendi ex utraque parte contradictionis, vel ex utraque contradictionis parte adesse rationes quasdam, sed sufficientes minime ad assentiendum, sive ex utraque parte fuerint æque probabiles, sive ex una parte probabiliore, quam ex altera; vel denique ex una quidem parte adesse quasdam assentiendi rationes, ex altera nullas, sed non sufficientes.

Ita qui dubitat, utrum anima sit immaterialis nec ne; ei nec perspectæ sunt rationes, ob quas ea sit dicenda immaterialis, nec ullæ cognitæ sunt, cur negari debeat, quod sit immaterialis. De eadem quoque immaterialitate animæ dubitat, cui prostant rationes, ob quas anima videtur materialis, & prostant etiam rationes, ob quas eadem videtur immaterialis, neutris tamen sufficiunt, ut assensum potius uni, quam alteri contradictionis parti præbeat. Et si vel maxime rationes fuerint probabiliore, ob quas anima videtur immaterialis, quam quæ pro ejus materialitate militent; adhuc tamen dubius est, utrum immaterialitati tuto subscribere possit nec ne, consequenter dubitat, an verum sit, animam esse immaterialem, an ex adverso falsum sit, eandem esse immaterialem. Immo si quas perspicit rationes, ob quas anima videtur immaterialis, nullas autem prorsus videt, cur immaterialis esse nequeat; ubi tamen per eas nondum certum esse judicat, quod sit immaterialis; adhuc dubitat, num affirmare debeat, animam esse immaterialem, an vero idem negare debeat. Diversus hic dubitantium status probe perpendendus est: habet enim diversitatis cognitio, ut in omni, ita etiam in præfati casu, quando de existentia Dei dubitatur, suum usum, ubi dubitantem ad certitudinem perducere volueris.

§. 419.

Quando assensus dubi-
tantis in

Si dubitanti nulla sunt assentiendi rationes ex utraque
sensu dubi- contradictionis parte, vel si quæ ex utraque prostant, vi-
tantis in dentur.

dentur aequae probabiles; assensus in neutram propendat, hoc est, neutram dubitans nec pronior est ad affirmandum, quam negandum. Et contradictionis assentiendi rationes *per hypoth.* nec ulla subest *sem* propensio, cur pronior sit ad affirmandum, quam negandum, *det.* vel contra, adeoque cur in alterutram contradictionis partem propendat assensus. Quamobrem cum sine ratione sufficiente nil esse possit (§. 70. *Ontol.*); nec assensus dubitantis in alterutram contradictionis partem propendet, ubi nullae prorsus sunt assentiendi rationes ex parte utraque contradictionis. *Quod erat unum.*

Quodsi ex utraque contradictionis parte fuerint rationes assentiendi probabiles, quae ejusdem ponderis videntur *per hypoth.* nulla denuo adest ratio, cur assensus potius propendat in affirmativam, quam in negativam. Quamobrem cum sine ratione sufficiente nihil esse possit (§. 70. *Ontol.*), ac impossibile sit, ut assensus simul in affirmativam propendat, & in negativam (§. 28. *Ontol.*); quod in neutram propendat, adeoque dubitans nec pronior sit ad affirmandum, quam negandum, vel contra, dubitari nequit. *Quod erat alterum.*

Ita si cui nulla adest ratio, cur assentiatur propositioni affirmativae, *anima est immaterialis*, nec ulla adest ratio, cur assentiatur propositioni negativae, *anima non est immaterialis*; is non pronior est ad amplectendam affirmativam, quam negativam; sed dum dubitat, utramque in medio relinquit. Non nego, homines longe plurimos habere assensum ab appetitu pendulum, adeoque nullis perspectis rationibus, cur propositio aliqua vera esse debeat, ad unam contradictionis partem amplectendam esse proniores, quam ad alteram. Etenim cum nec appetitus determinetur sine ratione (§. 70. *Ontol.*), nec appetitus feratur in incognitum

(§. 588. *Psychol. empir.*); necesse est, ut aliquid de alterutra contradictionis parte cognoscamus, quod penes alteram non est, consequenter ex una contradictionis parte adest aliqua ratio, cur malimus hanc potius esse veram, quam alteram, etsi nulla adsit, quæ persuadeat, eam esse veriorē. Ad est igitur aliqua assentiendi ratio, utut extrinseca, quæ cum ex hypothese propositionis præsentis non excludatur; casus iste huc minime quadrat. Notandum præterea est, assensum, quem actum mentis internum esse constat, non esse confundendum cum actu externo confessionis. Etenim haud raro accidit, ut homines rationibus extrinsecis adducti verum profiteantur, cui minime assentiuntur. Quamobrem nec mirum videri debet, si qui profiteantur se proniores ad affirmandum, quam ad negandum, cum non magis propendeant ad affirmandum, quam negandum. Talia autem jam a nobis non alieno in loco monentur. Quodsi enim de existentia Dei dubios ad certitudinem cognitionis perducere volueris; status eorum probè explorandus, ne magno conatu nihil agas, & pertinaciz alterius tribuas, quod tua accidit culpa. Unde nec piget porro addere, quod huc etiam referri debeat casus, quando quis se imparē agnoscit discutiendæ probationis, quæ pro altera contradictionis parte in medium assertur. Etenim tum ex parte ipsius perinde est, ac si nulla assentiendi ratio adest.

§. 420.

Quando assensus dubi-que contradictionis insufficientes, ex parte tamen una, quæ tantis in al- prostant, videantur probabiliores alteris; assensus in unam contradi- tionis partem magis propendet, quam in alteram, contradi-cti hoc est, pronior est dubitans ad affirmandum, quam ne- onis partem gandum, vel contra, prout casus tulerit. Quoniam dubi- propendeat. tanti ex parte utraque contradictionis non sunt nisi ratio- nes insufficientes assentiendi per hypoth. assensus autem poni nequit nisi ratione sufficiente posita (§. 118. Ontol.); evidens

evidens est dubitantem neutri contradictionis parti assensum præbere posse, hoc est, nec affirmare posse, quod sit, de quo quaritur, nec negare. Enimvero quoniam tamen ex parte una contradictionis adsunt rationes, quæ ipsi videntur probabiliiores iis, quæ prostant in partem alteram; ratio aliqua datur, cur altera contradictionis pars videatur verior altera, v. gr. quod subjecto potius tribuendum videatur prædicatum, quam ab eodem removendum (§. 578. *Log.*), consequenter dubitans pronior est ad assentiendum parti uni contradictionis, quam alteri, assensu non consistente nisi in judicio de veritate propositionis, v. gr. pronior est ad affirmandum, vel negandum (§. 200. *Log.*), adeoque assensus propendit in partem alteram contradictionis, v. gr. in affirmativam.

Definitur *Assensus* per judicium mentis de veritate propositionis, veluti quod recte quid de subjecto affirmetur, vel negetur. Quamdiu enim quis ignorat, utrum judicandum sit, propositionem datam esse veram, an falsam; tamdiu neutri contradictionis parti assentitur: quam primum autem certus sibi videtur, affirmativam esse veram, assensum præbet affirmativæ contradictionis parti; quemadmodum assensum negativæ præbet, dum judicat, negativam esse veram. Consistit adeo assensus in judicio logico de propositione data, & quotiescunque tibi persuades, te recte quid affirmare, vel negare, semper adest, si non expressus, attamen tacitus assensus, etsi de eodem minime cogites. Ceterum cum in probabilitate plurimum tribuatur rationibus extrinsecis; haud raro etiam contingit, ut ob easdem vel solas assensus in alterutram contradictionis partem propendat. Supponimus autem dubitantem agnoscere, sibi tantummodo probabiles esse assentiendi rationes. Quodsi enim hebetior fuerit, quam ut hoc pervidere possit, atque adeo probabile cum certo confundat; assensum præbet propositioni, de cujus

veritate adhuc dubitare debebat, consequenter in dubitandum numero non est, etsi in eodem esse debebat. Ita sunt, qui animam immaterialem esse negant, etsi per eas, quæ pro materialitate ejus militare ipsis videntur, rationes de eadem adhuc dubitare debebant, cum non probent, quod probari debebat.

§. 421.

*Casus alter
assensus in
alteram con-
tradictionis
partem pro-
pendentis.*

Si dubitanti sint rationes assentiendi probabiles (saltem ex parte subjecti tales) ex una contradictionis parte, nullam vero ex altera; assensus in illam propendet. Etenim quia dubitanti sunt rationes assentiendi probabiles ex una contradictionis parte, nullæ vero ex altera *per hypoth.* assensus autem non ponitur nisi ob rationem sufficientem (§. 118. *Ontol.*), qualis probabilis non est: impossibile est, ut alterutri contradictionis parti assentiatur, hoc est, ut judicet eam esse veram. Quoniam tamen ob rationes probabiles ex altera contradictionis parte judicare debet, hanc esse altera veriore; eodem, quo in demonstratione præcedente, modo patet, eum esse proniorem ad assentiendum huic contradictionis parti, ex qua adsunt rationes probabiles, quam alteri, quæ iisdem destituitur, consequenter assensus in hanc contradictionis partem propendet.

Accidit ideo, ut in eo casu, ubi aliquid statuendum, sumamus interea tanquam veram eam contradictionis partem, quæ rationibus probabilibus nititur, donec probetur contrarium. Ita probabile videtur animam esse immaterialem iis, qui ad animum revocant, nullum se in hoc mundo deprehendere corpus, quod cogitet, nec comprehendi a se posse, quomodo corpus cogitare possit, etsi demonstrare nequeant, corpus cogitans involvere contradictionem, ad eoque in impossibilem numero esse (§. 79. *Ontol.*). Quamobrem etsi norint, animi immaterialitatem hoc ipso nondum esse demonstratam, sumunt tamen eam esse immaterialem

nalem, propterea quod materialitas non nitatur rationibus probabilibus, quæ ipsis essent perspectæ. Arque adeo hoc ipso docent, assensum propendere in affirmativam contradictionis partem, scilicet quod anima sit immaterialis, non vero in negativam, quod non sit immaterialis.

§. 422.

Qui de existentia Dei dubitat, et aliqua notio Dei esse debet. Qui enim de existentia Dei dubitat, is vult assensum præbere alterutri harum propositionum, Deus existit, & Deus non existit, ignorat tamen, utrum affirmare, an negare debeat, quod existat (§. 417.). Enimvero qui quid affirmat, is prædicatum subiecto jungit, qui negat, idem ab ipso removet (§. 205. Log.). Necessè igitur est, ut deliberans, num prædicatum subiecto jungere, num ad eodem removere debeat, intelligat, quid vocabulis, quibus significatur subiectum atque prædicatum, intelligatur, consequenter notio aliqua subiecti non minus, quam prædicati ipsi esse debet. Quamobrem qui dubitat de existentia Dei, ei aliqua notio Dei esse debet.

Si dicas: *bliski est scyntapfus*, nec dubitare potes, utrum vera sit hæc propositio, bliski est scyntapfus, an altera, bliski non est scyntapfus; sed te ignorare ais, quid alter sibi velit, dum bliski scyntapsum esse dicit, nec intelligere, quid sibi ita loquens velit. Unde dari nequit exemplum, quo dubitare te experiris de veritate propositionis, cujus vel subiectum, vel prædicatum est sine mente sonus.

§. 423.

Qui dubitat de existentia Dei, athens non est. Et enim qui dubitat de existentia Dei, is ignorat, utrum affirmare, an negare debeat existere Deum (§. 417.). Qui vero adhuc ignorat, utrum affirmare, an negare debeat existere

*Dubitanti
cur aliqua
Dei notio es-
se debeat.*

*Num dubi-
tans de exi-
stentia Dei
athens sit.*

existere Deum, is nondum negat eum existere, immo subinde ad affirmandum pronior est, quam ad negandum (§. 421. 422.). Quamobrem cum is demum atheus sit, qui Deum dari negat (§. 411.); qui de existentia Dei dubitat, atheus non est.

Si accurate philosophari volueris, quæ differunt, a se invicem distinguenda, non vero in unum confundenda sunt. Quemadmodum itaque in Geometria triangulum æquilaterum a Scaleno distinguimus per diversitatem rationis laterum ad se invicem, quia nimirum alia est ratio æqualitatis, alia ratio inæqualitatis; ita similiter qui negat dari Deum, distinguendus est ab eo, qui dubitat de existentia Dei, propterea quod negare & dubitare non minus differunt in Logica, quam ratio æqualitatis & inæqualitatis in Mathesi. Inter affirmationem & negationem dubitatio intermedia est; quemadmodum itaque affirmatio distinguitur a negatione; ita & dubitatio distinguenda ab utraque. Neque est quod eam cum negatione confundere in unum velis, cum nulla adsit ratio, cur eam potius ad negationem, quam ad affirmationem referre velis: etenim aut dubitatio medio prorsus loco inter affirmationem & negationem consistit (§. 419.), aut perinde in affirmationem quam negationem inclinatur (§. 419. 420. 421.), atque adeo in casu priori nulla prorsus ne fingi quidem potest ratio, cur ad negationem potius, quam ad affirmationem referri debeat: in casu posteriori si inclinatio in alteram contradictionis partem sufficiens foret ratio, cur ad eam referri deberet, nunc ad affirmationem, nunc ad negationem referenda foret. Quemadmodum hæc in genere rite sese habent: ita & in questione de existentia Dei tenenda sunt. Etenim tres sunt casus possibiles, quando ad eandem respondendum: alius enim affirmat existere Deum, alius negat dari Deum, alius dubius hæret, utrum Deus detur, nec ne, & vel in neutram contradictionis partem propendet, vel ad affirmandum pronior, quam ad negandum, & contra. Quamobrem cum alia fluant ex notionem affirmationis, alia ex no-

tionem

tionem negationis, alia ex notione dubitationis de existentia Dei; sicuti alia sunt, quæ fluunt ex notione trianguli æquilateri, alia ex notione Scaleni, alia ex notione æquicruri; perinde qui dubitat de existentia Dei non confundendus est cum eo, qui negat dari Deum, ac is, qui negat existentiam divinam, separatur ab eo, qui affirmat, atque dubitans ab affirmante. Durum sane, immo haud raro durissimum foret, in atheorum numerum referre, hoc est, iis qui negant dari Deum, æquiparare velle de existentia Dei dubitantem. Ex accurata diversorum distinctione nullum enascitur veritati præjudicium: errores autem facile irrepunt, ubi diversa pro iisdem habentur (§. 631. *Log.*). Taceo, quod methodus demonstrativa requirat terminos accurata definitione explicatos (§. 116. *Disc. pralm.*), nec ferat, ut nunc atheus dicatur, qui Deum existere negat, nunc vero qui de existentia Dei dubitat. Hæc in eorum gratiam monentur prolixius, qui vago vocabulorum significato delectantur, ut nominibus odiosis alios infamare liberior possint: a quorum moribus nos maxime sumus alieni, quippe veritati unice litantes, nec in ea dijudicanda quidpiam affectui dantes.

§. 424.

Si dubitanti de existentia Dei vel nulla sint assentiendi Dubitantis rationes ex utraque contradictionis parte, vel si quæ ex utraque prostant, videantur æque probabiles: tantum is distat ab iis ad atheismum, quantum a veritate, seu nec pronior est ad atheismum, quam ad veritatem amplectendum. Etenim quia veritatem dubitanti de existentia Dei vel nullæ sunt assentiendi rationes ex utraque contradictionis parte, vel, si quæ ex utraque prostant, videntur æque possibiles, per hypoth. si vero dubitanti nullæ sunt rationes assentiendi ex utraque contradictionis parte, vel si quæ ex utraque prostant, videntur æque probabiles, dubitans nec pronior est ad affirmandum, quam ad negandum (§. 419.); de existentia

(*Wolffii Theol. Nat. Parr. II.*) Ccc tia

tia Dei dubitans nec pronior est ad affirmandum, quam negandum, quod detur Deus. Quamobrem cum in negatione existentiae divinae atheismus (§. 411.), in affirmatione ejusdem veritas consistat (§. 69. *part. I Theol. nat.* & §. 21. *part. II. Theol. nat.*); si dubitanti de existentia Dei vel nullae sunt ex utraque contradictionis parte rationes assentiendi, vel si quae ex utraque prostant rationes, aequae probabiles videntur; idem non pronior est ad atheismum, quam ad veritatem amplectendum, seu, quod perinde est, tantum ab atheismo, quantum a veritate distat.

Diversi dubitantium de existentia Dei status probe sunt considerandi, nec unus cum altero confundendus: etenim inde discimus, quomodo, qui dubitat, ad certam Dei cognitionem sit perducendus, & quomodo praecavendum, ne in atheismum inclineretur, dum cum ab eodem avertere studemus; id quod fieri posse ex iis haud difficulter intelligitur, quae sequuntur. Propositio praesens definit indifferentiam ad affirmandum, vel negandum existentiam divinam, quam a ceteris dubitationibus esse probe discernendam, mox clarius patebit.

§. 425.

Quando inclinatio Si dubitanti de existentia Dei fuerint rationes assentiendi ex utraque contradictionis parte insufficientes; ex parte tamen una probabiles videntur, quam ex altera; *in atheismum, quando in veritate est ad veritati subscribendum, quam ad atheismum amplectendum; ubi vero probabiles fuerint pro negativa, ad atheismum proclivior est.* Quia enim dubitanti de existentia Dei sunt rationes assentiendi insufficientes ex utraque contradictionis parte, ex parte tamen una probabiles, quam ex altera per hypoth. si vero dubitanti fuerint rationes

rationes assentiendi ex utraque contradictionis parte insufficientes, ex una tamen probabiliore, quam ex altera, dubitans propendit in partem probabiliorem, seu pronior est ad affirmandum, quam negandum, si affirmativa probabilior, & contra (§. 420.); dubitans de existentia Dei pronior est ad affirmandum dari Deum, quam ad negandum existentiam divinam, si rationes assentiendi pro parte affirmativa fuerint probabiles; sed pronior ad negandum, quod detur Deus, quam ad affirmandum, si rationes fuerint probabiles pro negativa. Quamobrem cum in negatione existentiae divinae atheismus (§. 411.). in affirmatione ejusdem veritas consistat (§. 69. *part. I. Theol. nat. & §. 21. part. II. Theol. nat.*); si dubitanti de existentia Dei fuerint rationes assentiendi ex utraque contradictionis parte insufficientes, ex parte tamen una probabiles, quam ex altera, ubi probabiles fuerint pro affirmativa, dubitans pronior est ad veritatem, quam ad atheismum amplectendum; ubi vero probabiles fuerint pro negativa, in atheismum proclivior est.

Vides adeo injuriam fieri dubitanti de existentia maximam in eo casu, in quo inclinatur ad assensum præbendum veritati, etsi plenum assensum dare nondum possit: propterea quod se nondum sentit convictum, atque adeo ab atheismo reclinatur, consequenter ab eodem abhorret, ut ut ejus absurditatem nondum distincte percipiat. Quamobrem consultum non est, ut dubitantes de existentia Dei cum atheis eandem negantibus in eundem censum referamus; sit ita quod in aliquo casu dubitatio ad atheismum proximus gradus sit, quando scilicet dubitans ad assensum eidem præbendum non multum abest. Tenendum nimirum inclinationem assensus in alteram contradictionis partem suos admittit gradus pro gradibus probabilitatis. Gradus autem probabilitatis non æstimantur ex parte objecti, sed po-

tissimum ex parte subiecti : fieri enim potest, ut, quod in se exacta mentis trutina ponderatum ne minimum quidem habet probabilitatis, multum tamen habere videatur ei, qui accuratis disquisitionibus impar est. Novimus nimirum in probabilitate ex parte subiecti magnum habere pondus rationes extrinsecas, quibus plurimi assensum a se extorqueri patiuntur, etiam si revera ne minima hinc nascatur probabilitas. Inter rationes extrinsecas refertur quoque auctoritas: nemo vero est, qui nesciat, quanta sit vis præjudicii auctoritatis in animis hominum, & quam fallax sit de auctoritate iudicium, quod multi videantur, qui non sunt, & sint ex adverso, qui non videntur. Unde valde improbo, si viri, quorum magna est auctoritas, in suspicionum atheismi adducantur: cum hoc pacto sapius magis noceatur, quam publica Atheismi confessio facta ab alio nocet, cuius exigua est, vel nulla prorsus auctoritas.

§. 426.

Quando in veritatem, quando in atheismum major proclivitas.

Si dubitanti de existentia Dei sint rationes assentiendi probabiles in partem affirmativam contradictionis & in negativam nullæ; dubitans prior est ad veritatem, quam ad atheismum amplectendum. Quod si vero fuerint rationes probabiles ex parte negativa, ex parte affirmativa nullæ, in atheismum proclivior est. Quoniam dubitanti de existentia Dei rationes assentiendi probabiles sunt in partem affirmativam contradictionis, & in negativam nullæ per hypoth. si vero rationes probabiles assentiendi fuerint dubitanti ex parte tantummodo una contradictionis, assensus in eandem propendet (§. 421.); qui de existentia Dei dubitat, prior est ad affirmandum, quod detur Deus, quam ad existentiam ejus negandum. Quamobrem cum verum sit, dari Deum (§. 69. part. I. Theol. nat. & §. 21. part. II. Theol. nat.), atheismus vero in negatione existentiae divinae consistat (§. 411.); qui de existentia dubitat divina,

vina, ad veritatem amplectendum pronior est, quam ad atheismum, ubi rationes assentiendi probabiles tantummodo fuerint ex parte affirmativa, scilicet quod detur Deus, nullæ autem ex negativa, scilicet quod non detur.

Quod erat unum,

Ex adverso sint dubitanti de existentia Dei rationes assentiendi probabiles ex parte negativa contradictionis, nimirum quod non detur Deus, nullæ autem ex parte affirmativa, scilicet quod detur. Quoniam si dubitanti rationes probabiles sunt ex una tantummodo contradictionis parte, assensus in eandem partem propendet (§. 421.); qui de existentia Dei dubitat, proclivior erit ad negandum existentiam divinam, quam ad affirmandum, quod detur Deus. Quamobrem cum atheismus in negatione existentie divinæ consistat (§. 411.), verum autem sit Deum existere (§. 96. *part. I. Theol. nat.* & §. 21. *part. II. Theol. nat.*); qui de existentia Dei dubitat, in atheismum proclivior est, ubi rationes assentiendi probabiles tantummodo sunt in negativam contradictionis partem, nullæ autem in affirmativam. *Quod erat alterum.*

Proclivitas in atheismum ceteris paribus major esse nequit, quam si dubitanti tantummodo fuerint rationes assentiendi probabiles ex negativa contradictionis parte; quemadmodum ex adverso non majore intervallo ab atheismo distare valet, quam si tantummodo rationes probabiles sint ex affirmativa contradictionis parte. Studio dico, ceteris paribus. Etenim jam non advertimus animum ad differentiam graduum probabilitatis. Etenim fieri potest, ut, non obstantibus rationibus assentiendi ex affirmativa parte, eam probabilitatem habeant rationes ex negativa, ut major fiat proclivitas ad negandum, quam si nullæ prorsus in affirmativam prostant. Apparet adeo, quanta opus sit circumspectione, ut rationes dubitandi excipias, quibus

non nisi sublati dubium tolli potest (§. 118. *Ontol.*). Unde porro intelligitur, quam sit necesse, ut atheismus a dubitatione & dubitantium diversi status a se invicem probe discernantur.

§. 427.

*Ignorantia
simplex Dei
ab atheismo
diversa.*

Qui simpliciter ignorat dari Deum, is atheus non est. Et enim qui simpliciter ignorat dari Deum, is nec affirmat, quod datur, nec negat. Quamobrem cum atheus non sit, qui non negat dari Deum (§. 411.); nec atheus esse potest, qui simpliciter ignorat dari Deum.

Ego Sinas antiquissimos in numerum eorum refero, qui Deum dari simpliciter ignorarunt; nec tamen propterea atheos jure dici posse contendo. Rationes dedi in Notis ad Orationem de philosophia practica Sinarum n. 54. quas hic non repeto.

§. 428.

*Cur ignorant
Deum est,
simpliciter
nulla ejus
notio sit.*

Qui simpliciter ignorat dari Deum, ei nulla Dei notio si fieri potest, saltem nihil is de Deo distincte cognoscit. Pone enim, si fieri potest, simpliciter ignorantem dari Deum esse aliquam ejus notionem, veluti quod sit mundi hujus autor, vel quod mundi hujus gubernator sit, sive aliquod vocabulum sit, quo hoc ens indigitet, sive nullum. Quando igitur ens istud cogitat, aut id sibi repræsentat tanquam existens, aut tanquam non existens, aut ignorat, utrum sibi idem tanquam existens, aut tanquam non existens repræsentare debeat. Aut igitur affirmat, aut negat dari Deum (§. 200. *Log.*), aut de existentia Dei dubitat (§. 417.). Non igitur simpliciter ignorat dari Deum: id quod hypothesein evertit.

In casu particulari propositionis veritas clarius perspicitur. Qui in Geometria nunquam versatus est, nec de rebus ad
cam

eam spectantibus quicquam legit, vel fando percepit; is ignorat simpliciter curvam, quam Cycloidem appellant Geometræ, vel Cissoïdem *Dioclis*. Nemo vero non largitur, eidem nullam prorsus esse hujus curvæ notionem, nec quicquam ipsi distincte innotuisse, quod notionem præbere possit. Ita antequam *Galileus* Satellites Jovis, quos per telescopium conspexerat, in Nuncio fiderio Astronomis nunciasset, omnes simpliciter eorundem ignorantia tenebantur. Sed tunc nec ulli hominum erat aliqua istarum stellarum idea, aut notio. Hac vero exulante, nec quisquam affirmabat, dari Satellites Jovis, nec quisquam dari negebat, nec erat, qui de eorum existentia dubitabat. Enimvero quamprimum *Galileus* in publicum evulgasset, se circa Jovem quatuor observasse stellulas, quæ diversis periodis circa eum in orbem revolvuntur instar Lunæ circa Tellurem nostram revolvi solitæ; aliqua erat eruditis Satellitum Jovis notio. Tum vero collegæ ipsius in Academia Patavina eorum existentiam negabant, Astronomi eosdem observantes aliique observationibus ejus fidentes dari Satellites Jovis affirmabant, alii vero, quibus observationes *Galilei* suspectæ, propriæ nullæ erant, de eorundem existentia dubitabant. Affirmationi itaque, negationi & dubitationi non erat locus, quamdiu simplici ignorantia tenebantur omnes, & hæc tamdiu subsistebat, quamdiu nulla erat eorundem eruditus notio, nec quicquam distincte ipsis innotescebat, quod notioni formandæ inservire poterat. Non desunt exempla alia in philosophia, quibus idem docetur; sed non opus est in re satis manifesta esse prolixioribus. Ceterum cum Sinx simplici Dei ignorantia tenerentur (*not.* §. 427.); per præsentem propositionem intelligitur, cur ipsi nec Dei fuerit nomen, nec in eorum scriptis ulla vel minimi occurrat mentio, quod ad notionem Dei referri possit, ut adeo in dubium revocari minime queat, Sinis antiquissimis nullam prorsus Dei fuisse notionem, saltem eos nihil de eodem distincte agnovisse. Consulto adjecimus hanc restrictionem in ipsa propositione, quod ignorans simpliciter dari Deum saltem nihil de Deo distincte cognoscat,

gnoscat, ne nostram jam faciamus disceptionem de idea Dei innata, quam in consulo saltem aliquo ejus sensu consistere posse, sunt qui affirmant. Sit enim esse hominibus in universum omnibus consulum quendam Numinis sensum; is tamen non sufficit ad eam notionem, sine qua nec affirmatio, nec negatio, nec dubitatio concipi potest.

§ 429.

An possibile sit homini saltem distinctam. Possibile est homini cuidam nullam esse Dei notionem, Etenim Deum vel cognoscimus ex contemplatione hujus universi, eum nobis representantes tam esse Deitanquam ejusdem autorem, quemadmodum facimus in systemate, quod parte prima Theologiæ naturalis exhibuimus; vel ex contemplatione animæ nostræ, quatenus ei sine ulla limitatione tribuimus, quæ limitata animæ nostræ inesse observamus, eundem nobis representantes tanquam ens perfectissimum, quemadmodum facimus in Sectione prima partis hujus alterius Theologiæ naturalis, si eam ex naturali lumine cognoscere tenemur, de quo hic nobis tantummodo scimo est. Enimvero non repugnat, ut quis per errorem mundum habeat pro ente necessario, quod adeo autorem nullum requirit, vel ut de ea quæstione, utrum mundus sit a seipso, an ab alio, prorsus non cogitet, vel ut super iis, quæ insunt animæ nostræ, non reflectat, adeoque de limitationibus eorum non cogitet. Quamobrem nec sibi representabit autorem aliquem universi, nec ens aliquod perfectissimum, adeoque nulla ipsi erit, saltem distincta Dei notio (§ 88. Leg.).

Confirmant hoc relationes eorum, qui commemorant se reperisse integras gentes, quibus quemadmodum nullum fuit in ipsorum lingua nomen, quo Deum indigiterent; ita nec ulla ejus fuit notio. Constat autem gentes istas fuisse barba-

barbaras, omni cultura intellectus destitutas, ut adeo super iis, quæ sensu perceperunt, vel quorum sibi de seipſis consciû fuerunt, nunquam reflectere libuerit, nisi quatenus argens vitæ necessitas id iussit. Similiter non ignotum est, Sinas philosophiam theoreticam non multum excoluisse, nec in eâ multum profecisse; sed animum omnem ad philosophiam practicam convertisse & in eâ excolenda studium omne exercuisse. Quodsi hæc exempla præter rationem in disceptationem adducere velis, en tibi aliud singulare! In Historia Academiæ Regiæ Scientiarum Parisinæ A. 1705, recensetur, rusticum 24. circiter annorum a natiuitate surdum & mutum, cum casu auditum recuperans loqui inciperet, quamvis adhuc imperfecte, examinatum fuisse a Theologis, num aliquam Dei notionem haberet; sed eos deprehendisse, quod nullam unquam ejus cogitationem habuerit, utur cum parentibus Missæ frequenter interfuisset, signo crucis se signasset, genua flexisset, aliosque orantium gestus dextre imitatus fuisset. Vides igitur non esse impossibile, ut homini cuidam nulla sit notio Dei, adeoque nunquam animum ejus subeat de Deo cogitatio. Cumque præterea annotetur, rusticum illum non meminisse eorum, quæ cum surdus ac mutus esset, fecerat, haud obscure colligitur, quod animum ad perceptiones suas non aduerterit, adeoque defectu reflexionis defecisse ideam Dei, quemadmodum vult demonstratio propositionis præsentis.

§. 430.

Possibile est hominem quandam simpliciter ignorare, quod An possibile detur Deus. Etenim possibile est homini cuidam nullam sit hominem esse notionem Dei, saltem distinctam (§. 429.). Quam-quendam obrem cum is, cui nulla est notio Dei distincta, cogitare simpliciter nunquam possit, utrum Deus existat, an non, quod per se ignorare patet; possibile quoque est, ut ea cogitatio, num Deus existat, vel non, hominis animum nunquam subeat, consequenter possibile est, ut simpliciter ignoret dari Deum.

(Wolſii Theol. Nat. Parr II.)

Ddd

Lo-

Loquuntur hæc exempla ad propositionem præcedentem in medium adducta. Nemo autem non videt, si quis inter homines, qui Deum profitentur & cultu religioso eundem prosequuntur, educatur, cum de Deo eosdem loqui multoties audiat, eum simpliciter ignorare haud quaquam posse, num detur Deus, adeoque vel affirmare debere, quod detur Deus, vel idem negare, aut de existentia ejus dubitare debere. A domestica igitur experientia vel aliarum gentium, quæ Deum colunt, argumentum peti nequit pro impossibilitate simplicis ignorantæ existentiae divinæ.

§. 431.

*An simpliciter exist-
entiam Dei i-
gnorans de
ea dubitet.*

Qui simpliciter ignorat dari Deum, de ejus existentia dubitare nequit. Etenim qui simpliciter ignorat dari Deum, ei nulla Dei notio est, saltem nihil distincte de Deo cognoscit (§. 428.). Quamobrem nec unquam de Deo animi ejus subit cogitatio. Cum igitur nec de eo cogitare possit, utrum affirmandum, vel negandum sit, dari Deum, qui vero de existentia Dei dubitat, deliberat num affirmare, an negare velit dari Deum, quid tamen fieri debeat, ignorat (§. 417.); qui simpliciter ignorat dari Deum, de ejus existentia dubitare nequit.

Exemplo esto rusticus ille a nativitate surdus & mutus (not. §. 429.), cujus animum cum nunquam subierit de Deo cogitatio, nec de ejus existentia, de qua nunquam cogitavit, unquam dubitavit, quamdiu surdus ac mutus perstitit. Sane quamdiu simpliciter ignorarunt Astronomi ac Physici Satellites Jovis, nec ullus eorum de eorum existentia, tanquam de re, cujus nulla animi subit cogitatio, unquam dubitavit. Cum vero *Galileus* eos primus orbi nunciaret, *Keplerus*, quod crederet eorum existentiam hypothese suæ in Mystero cosmographico defensor adversam, de eorum existentia primum dubitabat, donec per observationes veritati victas dare manus teneretur. Atque adeo patet, ignorantiam

tiam simpliciter talem existentiae divinae, quemadmodum ab atheismo, ita quoque a dubitatione de existentia Dei esse distinguendam. Ceterum nihil hic asseritur, quod in casibus aliis non admittatur ultro ab omnibus. Qui negant S. S. Trinitatis mysterium, *Antitrinitarii* dicuntur. Ast non ideo eodem nomine comprehenduntur Gentiles, quibus illud mysterium ignotum est, nec ideo, quod ignorant, de eodem dubitare dicuntur. Ita nemo dicitur dubitare de existentia animalium in regionibus peregrinis, quorum ne fando quidem nomen audivit: sed rideretur, qui, propterea quod quis eorum existentiam ignorat simpliciter, eum eandem vel negare, vel de ea dubitare diceret, aut cum negantibus &c dubitantibus eodem loco haberet.

§. 432.

Si quis atheum appellare velit eum, qui non affirmat dari An athei Deum, consequenter & eum, qui negat, & eum qui dubitat, & vocabulum eum, qui ignorat dari Deum, hoc nomine comprehendere velit; laxiori sensu quidem facere licet; tres tamen atheorum species distinguere & significatu ac mediam in tres denuo subdistinguere tenetur, facitque hoc intuitu capiendum liter. Cum enim significatus vocabuli atheus sit arbitrarius (§. 959. Ontol.); nil obstat, quo minus eodem significes eum, qui dari Deum non affirmat. Idem adeo facere licet. Quod erat primum.

Enimvero cum qui dubitat dari Deum, in eundem censum referri nequeat cum eo, qui Deum esse negat (§. 423. 411.), neque in eundem cum eo referri queat, qui Deum profus ignorat (§. 427. 411.), immo simplex Dei ignorantia cum dubitatione de existentia Dei conjuncta non sit (§. 431.); si quis atheum appellare velit in significato laxiori eum, qui Deum esse non affirmat, consequenter qui ejus existentiam vel negat, vel in dubium revocat, vel simpliciter ignorat; tres atheorum species distin-

Ddd 2

guere

stinguere debet, ut alii sint athei, qui negant esse Deum, alii sint, qui dubitant de existentia Dei, alii denique, qui simpliciter ignorant dari Deum (§. 712. *Log.*). Et quia dubitantium de existentia Dei non eadem omnium est ratio, cum alii tantum dissent ab atheorum prima specie, qui Deum esse negant, quantum a veritate (§. 424.), alii atheismo primi generis, quam veritati, alii vero ex adverso veritati, quam atheismo propiores sint (§. 425. 426.); speciem dubitantium in tres alias inferiores subdistinguere tenetur (§. 712. *Log.*). *Quod erat secundum.*

Enimvero cum ex eo de re nihil concludatur, quod quid hoc nomine, vel alio appelletur, sed ex eo, quod de subiecto sumitur in definitione (§. 960. *Ontol.*); nihil inde veritati accedit, quod vocabulum atheus in significato laxiori accipias, quod verum non esset, nisi idem in strictiori sumeres, iisdem prorsus manentibus, quæ ex hypothesi negantium, dubitantium & simpliciter ignorantium colliguntur. Quamobrem cum nec ex notatione non affirmantium communia deducantur prædicata; vocabulo atheus nulla utilitate tribui significatum laxiorem evidens est. *Quod erat tertium.*

Negantes distingui ab affirmantibus, dubitantibus & simpliciter ignorantibus, nec dubitantes omnes eodem loco haberi veritati consentaneum est, quemadmodum ex demonstrationibus intelligitur, & ex ipsis terminis manifestum est: nemo enim est Logicæ peritus, vel terminorum saltem satis gnarus, qui nesciat, affirmationem, negationem & dubitationem a se invicem differre, & non modo in anterioribus demonstratum est (§. 418. & *seqq.*), sed ipsa quoque exempla obvia loquuntur, dubitantium alios esse in utramque contradictionis partem indifferentes, alios in alterutram propiores. Non igitur citra confusionem omnes, qui veritati assensum minime præbent, eodem nomine compellere

lare licet, nisi facta subdivisione totidem constituamur species, quor non affirmantium, hoc est, veritati non subscribentium, dantur differentiarum, & singulæ species peculiaribus nominibus indigentur. Enimvero pervulgata illa regula, quod entia multiplicanda non sint præter necessitatem, inculcat, non ob quamlibet differentiam species rerum diversas esse constituendas: sufficit enim hypotheses theorematum accurate determinari, ut per ea, quæ in singulis sumuntur, determinetur prædicatum. Exemplo nobis est *Euclides*, qui nullam facit triangulorum in congruentia, similia & dissimilia distributionem tanquam in tot diversas species, ac peculiaribus nominibus species singulas a se invicem distinguit; sed contentus est determinasse hypotheses theorematum, in quibus trianguli congruunt vel similia sunt. Termini, quibus diversa indignantur, introducuntur in philosophiam, ut ne desint compendia loquendi, nec theoremata evadant perplexa. Quamobrem cum in præsentī nemo conqueri possit de theorematum perplexitate, ubi atheum apelles non nisi eum, qui Deum esse negat, de existentia vero Dei dubitantibus, vel eandem simpliciter ignorantibus peculiaria nomina non imponas; nec ulla adest necessitas, cur terminorum multitudine memoriam obruas. Etsi autem v. gr. negantes existentiam divinam *atheos crassissimos* vel *peffissimos*, dubitantes de eadem *atheos scepticos*, eandem simpliciter ignorantes *atheos idiotas* & Scepticorum alios *atheos indifferentistas*, alios *peffimos propiores*, alios *a peffimis remotiores* appellare velis; non tamen alia de atheis crassissimis demonstrare licet, quam quæ de atheis simpliciter dictis demonstrantur, nec alia demonstrare datur de atheis Scepticis eorumque diversis speciebus, atque atheis idiotis, quam in hypothesis dubitantium diversis & in hypothesis ignorantiarum simplicis demonstrantur. Nulla igitur ex entium multiplicatione emergit quoad usum theorematum in praxi utilitas, ad quam tamen theoria omnis referenda. Quodsi libido errantes odiosis nominibus infamandi entium præter necessitatem ac utilitatem multiplicationem suadeat; id quemadmodum a bonis moribus alienum est, a philo-

notionis, quæ nobis est, alterius, vel ex falsa quadam propositione deducta, vel utilitatis cujusdam gratia a nonnullis confictam tantummodo esse.

Quicquid cognoscimus, id nobis vel ratiocinando innoscitur, vel absque ratiociniis. Quamobrem & in notiones falsas aut, si mavis, impossibiles incidere non licet, nisi vel ratiocinando, vel absque ratiocinatione. Ratiocinando notio falsa non infertur, si a vitio formæ discefferis, quod hic non attendimus, nisi quatenus ex falsa quadam propositione infertur conclusio (§. 538. 539. *Log.*). Absqueratiocinatione notiones formari nequeunt nisi per reflexionem superiis, quæ percipiuntur, aut per abstractionem, aut per arbitriam determinationem occasione notionis alterius (§. 716. *Log.*), aut perfectionem a sciente ac volente factam. Quamobrem cum formationi notionis Dei non conveniant duo modi priores; necesse est, ut atheus contendat, eam vel formatam esse per arbitriam determinationem occasione notionis cujusdam alterius, quæ est hominibus, vel a nonnullis utilitatis cujusdam gratia confictam esse. Quodsi quis contendat, modos a nobis non sufficienter fuisse enumeratos, quibus Dei notionem formatam esse, vel formari potuisse atheus contendere valet; is plures, si potest, alleget. Sufficit ad eos, quos nos commemoravimus, provocare atheos. Qui Deum profitemur, aut existentiam ejus probamus a posteriori, aut a priori: quicquid enim scimus, vel a priori cognoscimus, vel a posteriori (§. 435. *Psych. empir.*). Quodsi existentiam Dei a posteriori demonstrare velimus, necesse est ut quid sumamus instar principii, ex quo colligitur, dari Deum. Atheus igitur excipit, principium istud esse falsum, adeoque Dei notionem rejicit tanquam impossibilem, seu contradictioni obnoxiam, quod ex falsa quadam propositione fuerit deducta. Quodsi a priori demonstrare intendimus existentiam Dei, esse ens perfectissimum sumimus, eidemque existentiam tribuimus, quod in notione entis perfectissimi comprehendatur existentia necessaria, quemadmodum ratio æqualitatis trium angulorum ad

terminationem formata fuit occasione notionis entis alterius, quam habemus.

Nihil hic præcipitur, nec prohibetur, nisi quod dudum præxi Geometrarum comprobatur. Etenim in Geometria nihil usitatus, quam ut notionem formentur per arbitriam determinationem occasione notionis cuiusdam alterius. Ita occasione notionis parabolæ Apollonianæ formata fuerunt notionem infinitarum parabolæ (§. 519. *Analys. finit.*). Nemo autem Geometrarum, propterea quod hoc modo formata fuerint notionem, eas rejicit, sed tantummodo possibilitas notionum demonstratur. Ita admittimus notionem infinitarum parabolæ, propterea quod per earum constructionem possibilitas evincitur (§. 581. *Anal. fin.*), principium ontologicis convenienter (§. 92. *Ontol.*).

§. 435.

Notionem entis perfectissimi admittere tenetur atheus. Notio entis
 Notio entis perfectissimi formatur, realitates, quæ animæ perfectissimi nostræ insunt, Deo tribuendo in gradu absolute summo *cur ab atheo*
 (§. 70. *Part. II. Theol. nat.*, & §. 1095. *part. I. Theol. nat.*), *admittenda.*
 adeoque determinationem, quæ animæ nostræ insunt, mutando in alias, nempe limitatas in illimitatas, consequenter per determinationem arbitriam occasione notionis, quam de anima nostra habemus. Quoniam itaque notio Dei ideo rejici nequit, quod per notionem arbitriam occasione notionis alterius formata fuerit, sed recte tantummodo urgetur, ejus ut probetur possibilitas (§. 434.); nec atheus notionem entis perfectissimi rejicere potest, propterea quod formata fuit per arbitriam determinationem, occasione notionis, quam de anima nostra habemus, sed recte tantummodo urget, ut ejus probetur possibilitas. Quamobrem cum ens perfectissimum possibile esse demonstratur (§. 13.); nil amplius habet atheus,
 (*Wolffii Theol. Nat. Pars II.*) Eec quod

quod adversus notionem entis perfectissimi excipere recte possit, consequenter eam admittere tenetur.

Quodsi excipias, fieri posse, ut atheus per imperitiam non capiat demonstrationem possibilitatis entis perfectissimi, vel sit adeo pertinax, ut ea non obstante eam admittere nolit, attentionem sufficientem asserere vel non valens, vel nolens, sine qua locum non habet convictio (§. 998. *Log.*); nihil hinc adversus propositionem præsentem concluditur, in qua docemus, quid facere teneatur atheus, si assensum denegando censuram incurrere nolit. Neque enim philosopho violenta sunt arma, quibus assensum expugnare valet; sed tantum possunt, quantum potest veritas: cui quædare recusat, sibi tribuat, quod in errore perseveret, nec eum missum facere velit. Nihil etiam adversus veritatem conficitur, si vel maxime quidam sint, qui notionem entis perfectissimi absque probatione admittunt possibilem. Neque enim nobis de eo sermo est, quid per præcipitantiam fiat; sed quid veritati consentaneum sit, cum non per præcipitantiam in judicando assensum impetrare velimus, sed per veritatis evidentiam.

§. 436.

Notionem

Dei a Politicis non esse confictam.

Notio Dei a Politicis conficta non est plebis indomita coercenda gratia. Equidem cum Deus homines puniat ob male facta (§. 1078. *part. I. Theol. nat.*), mali vindex (§. 1081. *Part. I. Theol. nat.*), & omnia hominum facta præsciat & dum patrantur, cognoscat tanquam præsentia (§. 156. 157.), immo etiam præteritorum adhuc recordetur (§. 166.); verum omnino est impunitatem in civitate non dare impunitatem coram Deo, sed Deum vindicem metuere debere, qui non habet, quod sibi metuat in civitate. Unde negari non potest notionem Dei plurimum valere ad extendendam & firmandam obligationem in civitate viventium, sive in parentium, sive in imperantium numero fuerint: quemadmodum suo loco uberius demon-

monstraturi sumus. Minime tamen hinc inferre licet, notionem Dei a Politicis fuisse confictam, propterea quod utiliter ens istiusmodi, quale Deus est, fingeretur, si quidem per impossibile ponatur non dari Deum (§. 140. *Ontol.*). Quamobrem cum tantummodo inde inferatur, non repugnare, quod notio Dei a Politicis conficta fuerit plebis indomitæ coercendæ gratia; demonstrandum est notionem Dei pro invento Politicorum haberi non posse, sit ita, quod Politici eadem in rem suam usi fuerint, vel etiam usum in abusum verterint.

Quodsi per definitionem Dei nominalem sumamus, eum esse ens perfectissimum (§. 14.); certum est Deum necessario existere (§. 21.). Si per eandem sumamus, eum esse ens a se, in quo ratio sufficiens existentiae mundi hujus adspectabilis & animarum nostrarum continetur (§. 67. *Part. I. Theol. nat.*), seu qui mundi materialis & animarum nostrarum autor est; non minus certum est, Deum existere (§. 69. *Part. I. Theol. nat.*), & mundum hunc adspectabilem creasse (§. 760. *Part. I. Theol. nat.*), conservare (§. 847. *Part. I. Theol. nat.*) & gubernare (§. 900. *Part. I. Theol. nat.*). Immo si sumas Deum esse malarum actionum ab hominibus perpetratarum vindicem; certum est, illud ipsum ens, quod est creator, conservator & gubernator universi (§. 763. 847. 900. *Part. I. Theol. nat.*), esse quoque malarum actionum hominis, etiam occulte patratarum (§. 233. 241. 939. & *seqq. Part. I. Theol. nat.*), vindicem (§. 1078. 1081. *Part. I. Theol. nat.*). Patet itaque notionem Dei a Politicis plebis indomitæ coercendæ gratia non fuisse confictam.

Idem etiam ostenditur per indirectum hoc modo. Ponamus, si fieri potest, notionem Dei plebis indomitæ coercendæ gratia a Politicis esse confictam. Quoniam enti

Ecc 2

ficto

fiesto existentia repugnat (§. 140. *Ontol.*), consequenter impossibile est, ut existat (§. 79. *Ontol.* & §. 311. *Log.*); ens istiusmodi invisibile, quod homines ob male facta puniat, quale a politicis fingi dicitur Deus, existere nequit. Enimvero existit Deus (§. 69. *Part. I. Theol. nat.*), qui invisibilis est (§. 89. *Part. I. Theol. nat.*), & homines ob male facta punit (§. 1078. *Part. I. Theol. nat.*). Notio itaque Dei, quod sit ens invisibile, homines ob male facta puniens, a Politicis plebis indomitæ coërcendæ gratia conficta non est.

Non nego notiones Deorum Gentilium potuisse fingi a Politicis plebis indomitæ coërcendæ gratia, sive quod ipsi ignoraverint Deum verum, sive quod de ejus existentia dubitaverint, sive quod in errore majorem, quam in veritate fiduciam collocaverint. Enimvero hinc nulla consequentia inferitur notionem Dei veri esse ab iisdem confictam, consequenter nullum dari Deum; universi creatorem, conservatorem ac gubernatorem, malarum actionum humanarum vindicem. Utrumque enim consistere posse nemo non videt. Ponamus hominem, qui nullam Dei notionem distinctam habet, vivere in civitate, quæ simpliciter ignorat dari Deum, & tempestate horrida percussis persuadere, esse aliquod ens invisibile, quod fulmina vibret in malos, etsi ipsemet sibi persuadeat, ens istiusmodi, cui fulminum directio competat, esse confictum; non tamen hinc consequitur, fulminis directionem non cadere sub providentiam divinam.

§. 437.

*Atheitas
mundo ab
atheo tribu-
ta.*

Atheus mundum habet pro ente a se. Etenim atheus negat dari ens a se, quod sit autor universi (§. 411.), consequenter negat mundum esse ab alio. Quamobrem cum ens omne aut a se sit, aut ab alio (§. 27. *Part. I. Theol. nat.*); necesse est, ut atheus mundum habeat pro ente a se.

Ut

Ut absurditatem atheismi agnoscamus, tandemque refellere discamus; necesse est agnoscere errores de mundo cum eo necessario connexos. Quoniam itaque nobis propositum fundamenta penitus evertere, aut, si mavis, ostendere, quomodo per systema nostrum evertantur; in eos nobis utique inquirendum. Sane qui hoc negligunt, andatarum more pugnant, sæpiusque vincuntur, dum vincere volunt.

§. 438.

Qui demonstrat dari ens a se, non autem porro ostendit, istud esse diversum a mundo vel ejus elementis, & rationem sufficientem existentie mundi in se continere, is non ab atheo addum demonstravit dari Deum adversus atheum. Etenim si missa. quis demonstrat dari ens a se, atheus, qui mundum habet pro ente a se (§. 437.), excipit, mundum esse ens istud a se, cujus existentiam demonstravit. Quamobrem cum porro non ostenderit, ens istud a se esse diversum a mundo vel ejus elementis, & rationem sufficientem existentie mundi in se continere *per hypoth.* nondum evicit ens a se esse hujus mundi autorem. Quoniam itaque atheus negat dari Deum, quia negat dari ens a se, quod sit mundi hujus autor (§. 411.); si quis demonstrat dari ens a se, non autem porro ostendit, istud esse diversum a mundo vel ejus elementis, & rationem sufficientem existentie mundi in se continere, is dari Deum adversus atheum nondum demonstravit.

Sunt qui sibi videntur existentiam Dei demonstrasse adversus atheos, ubi evicerint dari ens a se. Neminem nominamus, ne aliorum famæ vel meritis quicquam detrahere velle videamur. Quam procul autem abint a veritate, ex demonstratione propositionis præsentis intelligitur. Neque enim error athei in eo consistit, quod neget ens a se; sed quod neget ens a se esse mundi autorem (§. 411.), & ipsum mundum hunc adspectabilem pro ente a se habere (§. 437.).

Ecc 3

Equi-

Equidem falsum est, mundum esse ens a se, & verum ex adverso, ens a se esse a mundo diversum: non tamen sufficit, illud esse falsum, hoc verum, sed cum illud affirmet atheus, hoc neget, illius falsitas, hujus veritas demonstranda.

§. 439.

Independen- *Atheus mundum independentem facit ab ente alio, quod ab ipso*
tia mundi *diversum.* Etenim atheus mundum habet pro ente a se (§.
ab atheo as- 437.). Est vero ens a se independens (§. 30. *part. I. Theol.*
serta. *nat.*). Atheus itaque mundum independentem facit ab
 ente alio, quod ab ipso diversum.

§. 440.

Qua sunt & *Juxta atheum nihil datur in hoc mundo adspectabili, quod*
fiunt in *rationem habet in ente alio ab ipso diverso, consequenter omnia,*
mundo ju- *que sunt vel sunt in eodem, rationem sufficientem in eodem agno-*
xta atheum *scunt.* Etenim atheus mundum independentem facit ab
rationem *ente alio, quod ab ipso diversum, adeoque negat cum*
sufficientem *dependere ab ente alio, quod ab ipso diversum est*
in eodem (§. 439.). Quamobrem cum ens unum ab altero depen-
habent. *deat, quatenus ejus, quod ipsi inexistit, ratio in alte-*
 ro continetur (§. 851. *Ontol.*), atheus negat dari quid-
 piam in hoc mundo adspectabili, quod rationem habeat
 in ente alio, quod ab ipso diversum. Quodsi ergo nihil
 datur in universo, quod rationis quidpiam habeat in ente
 alio ab ipso diversum, sine ratione autem sufficiente
 nil esse ac fieri possit (§. 70. *Ontol.*); necesse est ut,
 quicquid in mundo est vel fit, rationem sufficientem in
 ipso mundo habeat.

Propositio hæc probe tenenda est: etenim per eam facile absurditatis redarguitur atheus, cum plurima afferri possunt, quorum rationem sufficientem non dabit, immo nec

nec dari posse agnoscer atheus ex iis , quæ mundo ipsi insunt; sed quæ omnia plana sunt penitusque intelliguntur, quamprimum admiseris Deum, ens absolute perfectissimum, mundi hujus autorem. Sane atheismus conjicit sui defensores in difficultates insuperabiles, ubi a priori philosophari constituerint. Quando adveniet tempus, quo systema philosophiæ conderetur (quale condi posse supra insinuavimus), in quo omnia prorsus a priori ex ipsa notione entis perfectissimi deducuntur; clarissime constabit, quod sine Deo tenebræ non dispellantur in philosophia, nec nisi per eum plena in eadem lux fulgeat, modo ad condendum non accedat, qui plus de facultatibus suis sperat, quam in iis est.

§. 441

In hypothesis athei mundus rationem sufficientem existentia sua in essentia sua habere debet, ac ideo existere, quia possibile. Etenim atheus mundum habet pro ente a se (§. mundi ubi 437.). Enimvero ens a se rationem sufficientem existentia suæ in essentia sua habet (§. 31. part. I. Theol. nat.), ac ideo existit, quia possibile (§. 34. part. I. Theol. nat.). Atheus itaque admittere tenetur, mundum rationem sufficientem existentia suæ in essentia sua habere, ac ideo existere, quia possibilis.

Poterat etiam ostendi hoc modo. Juxta atheum nihil datur in hoc mundo adspectabili, quod rationem habeat in ente alio ab ipso diverso, sed omnia eorum, quæ sunt vel fiunt in eodem, rationem sufficientem in eodem agnoscunt (§. 440.). Quoniam itaque ratio aliqua detur necesse est, cur mundus existat (§. 70. Ontol.); necesse utique est, ut eadem insit ipsi mundo. Enimvero ratio eorum, quæ enti cuidam insunt constanter, in essentia ejus continetur (§. 168. Ontol.). Ratio itaque sufficiens existentia mundi juxta atheum in ipsa ejus essentia continetur.

tinetur. Est vero ens per essentiam possibile (§. 153. *Ontol.*). Juxta atheum adeo existit mundus, quia possibili (§. 118. *Ontol.*).

In refellenda hac hypothesei atheistica cavendum, ne judicium deproperetur, cum mundus hic non tantummodo spectandus sit, quatenus ens compositum est, sed etiam quatenus compositionis suae rationem sufficientem agnoscit in elementis, substantiis simplicibus (§. 182. *Cosmol.*), in quibus rationes ultimæ continentur eorum, quæ corporibus tanquam composito (§. 179. *Cosmol.*) insunt (§. 191. *Cosmol.*). Neque vero opus est, ut singulæ hypotheses atheisticae sigillatim refutentur. Quod si enim fundamentum subvertatur, cui superstruuntur cetera, eidem innixa sua sponte corruunt. Et præstat fundamentum unice convelli, quam insufficienter refellere, quæ eidem innituntur. Quæ hætenus de hypotheseibus atheorum demonstravimus, ex aseritate mundo tributa fluunt. Quamobrem si eviceris aseritatem mundo falso tribui, cetera per se corruunt. Quod hic de systemate athei monemus; de omni alio systemate falso tenendum. Experientia satis superque loquitur, quam parum proficiant contra dissidentes, qui aliter procedunt, magno plerumque conatu nihil agentes. Unde intelligitur; quam sit necessarium, ut falsa etiam systemata methodo demonstrativa in ordinem redigantur, quo *πᾶντων ψεῦδος* appareat.

§. 442.

Quale ens
sit mundus
& qualis ejus
existentia in
hypothesei
atheï.

In hypothesei athei mundus est ens necessarium & existentia ejus absolute necessaria est. Etenim in hypothesei athei mundus rationem sufficientem in essentia sua habet (§. 441.). Enimvero ens illud necessarium est, quod rationem sufficientem in essentia sua habet (§. 309. *Ontol.*), & existentia ejus absolute necessaria (§. 308. *Ontol.*). In hypothesei igitur athei mundus est ens necessarium & existentia ejus absolute necessaria.

La

In hypothesi athei propositio præfens converti nequit, ita ut ens necessarium, seu cuius existentia absolute necessaria, in eadem dicendus sit mundus. Etsi enim atheus neget dari ens a se, quod sit mundi autor (§. 411.), & a quo mundus dependeat (§. 439.); non tamen hinc inferre licet, mundum esse ens unicum necessarium, nec præter eum dari posse aliud, a quo mundus non dependeat. Propositiones non sunt temere convertendæ, ubi earum conversio demonstrari nequit. Hinc est quod Geometræ conversas demonstrant, veluti ubi ostenderunt, triangulum æquilaterum habere angulos ad basin cruribus oppositos æquales & æquilaterum esse æquiangulum, mox propositiones convertentes demonstrant, æquicrurum esse triangulum, quod angulos ad basin habet æquales, & æquilaterum esse, quod fuerit æquiangulum. Qui igitur conversam athei tribuere velit, necesse est, ut ex principiis, quæ ex definitione athei necessario fluunt, demonstret propositionem sequentem. Ens quod necessarium est, seu cuius existentia absolute necessaria, mundus est. Ex eo igitur, quod sumit, existentiam entis esse absolute necessariam, vel rationem existentiae suæ sufficientem in essentia sua habere, demonstrare debet, quod sit mundus hic adspectabilis. Non consilium est atheis tribuere, quod stante impia eorum hypothesi admittere non tenentur. Etenim cum non alio sine in errores cum hypothesi atheistica connexos inquiratur, quam ut atheos absurditatis convincere detur (§. not. 441.); ubi ipsis tribueris errores, quos stante hypothesi sua a se amovere licet, eos absurditatis convicturus non nisi justam conquirendi ansam dabis, quod non ex æquitare agas, eosdemque in errore suo confirmabis & ad eum defendendum pertinaciores efficies. Prostant exempla in controversiis aliis, quibus dicta confirmantur. Sed nostrum jam non est ea recensere: sufficit lectoris excrasse attentionem.

§. 443.

In hypothesi athei mundus nec ortus est, nec interire Mundior.
 potest. Etenim in impia hypothesi mundus est ens a se tus & in-
 (Wolffii Theol. Nat. Pars II.) Fff (§. 437.). teritus cur

*negandus
atheo.*

(§. 437.). Enimvero ens a se nec ortum est, nec interire potest (§. 37. *part. I. Theol. nat.*). Ergo in hypothesi athei mundus nec ortus est, nec interire potest.

Atheus nimirum mundum spectare debet tanquam ens, quod per naturam suam ortus ac interitus expers, ita ut eadem repugnet non minus ortus, quam interitus.

§. 444.

*Existendi
initium ab
atheo de
mundo ne-
gatum.*

In hypothesi athei mundus non incepit existere; cum antea non existeret. Etenim in hypothesi athei mundus non est ortus (§. 443.). Quamobrem quia ens oritur, quod existere incipit, cum antea non existeret (§. 541. *Ontol.*); in athēi hypothesi mundus non incepit existere, cum antea non existeret.

Idem etiam sic ostenditur. Juxta atheum mundi existentia est absolute necessaria (§. 442.). Quamobrem cum absolute necessarium sit, cujus in se sive absolute spectati oppositum impossibile (§. 302. *Ontol.*); simpliciter impossibile est juxta atheum, ut mundus non extiterit, consequenter existere non incepit, cum antea non existeret.

Qui ergo atheos absurditatis redarguere volentes urgent, quod nil absurdius cogitari possit, quam quod mundus casu puro existere cæperit, veluti si domus aliqua sine ullius architecti opera, prodiret: ii adversus eosdem nihil proficiunt. Ipse enim atheus pro absurdo habet, quod mundus aliquando non extiterit, & postea casu puro existere cæperit, ut scilicet nulla dari possit ratio sufficiens, cur existere cæperit, cum antea non existeret (§. 94. *Cosmol.*). Istiusmodi argumenta hominibus, quibus in imaginatione omne præsidium positum est, speciosa videntur: sed ab atheo ridentur, cujus quippe hypothesis minime feriunt, ad pompam magis, quam ad persuadendum composita. Unde liquet, quam sit necessarium, ut hypothesis atheistica penitus

nitus

nitus inspiciatur, ne in ea subvertenda oleum atque operam perdamus.

§. 445.

In hypothefi athei mundus, qui existit, ut existere definat Existendi impossibile est. Etenim in hypothefi athei mundus interire finis de nequit (§. 443.). Quamobrem quia ens interit, quod exi- mundo ab stere definit, cum antea existeret (§. 541. *Ontol.*); per hy- atheo ne- pothefin athei fieri nequit, ut mundus, qui existit, exi- gatur. stere definat.

Juxta atheum itaque mundus nec ex statu puræ possibili- tatis in statum actualitatis deductus fuit: nec ex statu actua- litatis in statum puræ possibilitatis reduceretur: immo poste- rius impossibile est, atque mundo repugnat. Poteramus quoque propositionem præsentem ex existentia mundi ab- solute necessaria juxta hypothefin athei demonstrare, quem- admodum præcedentem inde demonstravimus.

§. 446.

In hypothefi athei mundus est æternus. Etenim in hac *Æternitas* hypothefi mundus nec existere cœpit, cum antea non *mundi in* existeret (§. 444.), adeoque nullum existendi initium ha- *hypothefi* bet; aliquando nec existere definet, cum nunc existat (§. *atheo.* 445.), adeoque nec existendi habebit finem. Enimvero æternum est, quod nec initium, nec finem habet existen- di (§. 39. *part. I. Theol.*). In hypothefi adeo athei mun- dus est æternus.

Ex demonstratione propositionis præsentis liquet, atheos mundo tribuere æternitatem tum ex parte ante, tum ex parte post, quemadmodum loquuntur Scholastici. Patet etiam æternitatem hic sumi pro tempore infinito, cui nec ullum assignari potest initium, nec finis ullus. Etenim mundus existit in tempore, quod nemo negat, & ex ipsa notione reali temporis (§. 572. *Ontol.*) demonstrari potest,

Fff 2

quod

quod impossibile sit, ut in tempore non existat. Quamobrem ubi æternitas mundo tribuitur, non potest tribui nisi sub notione temporis infiniti. Fluit autem æternitas mundi in hypothesi atheistica ex aseitare mundi, ob quam eidem tribuitur existentia absolute necessaria.

§. 447.

*Æternitas
mundi non
infert athe-
ismum.*

Qui mundum æternum esse statuit, vel æternitatem mundi possibilem defendit, is ideo atheus non est, seu posita æternitate mundi non necessario sequitur, non dari Deum. Cum quod æternum est, existendi initium non habeat (§. 39. part. I. Theol. nat.), qui mundum æternum esse statuit, negat eum initium existendi habere. Enimvero ex eo, quod initium existendi non habeat, seu aliquando non extiterit, non necessario sequitur, quod ideo rationem existentiae sufficientem habeat in seipso; sed hoc non obstante rationem sufficientem in alio habere potest, saltem qui æternitatem eidem tribuit, defendere potest, quod rationem existentiae suae sufficientem habeat in alio, nec hic attenditur, si vel maxime hoc statuatur per errorem, scilicet quod mundus æternus rationem existentiae sufficientem habeat in ente alio a se diverso. Fieri adeo potest, ut, qui mundum statuit esse æternum, admit- tit ens a se, quod a mundo diversum, & in quo is rationem existentiae suae sufficientem habet, consequenter Deum (§. 67. part. I. Theol. nat.), mundi autorem. Quoniam itaque non negat dari Deum, mundi autorem, atheus vero est, qui id ipsum negat (§. 411.); evidens est, qui mundum æternum esse statuit, eum ideo atheum non esse.

Multo magis idem patet, ubi tantummodo defendit æternitatem mundi possibilem esse, cum tum manifestum sit, rationem possibilitatis non quaeri in mundo, sed in ente

ente alio, in quo ratio sufficiens reperitur, cur existere possit mundus, qua posita ponitur quoque ipsa mundi existentia (§. 118. *Ontol.*).

Oppido igitur falluntur, qui sibi aliisque persuadere conantur, æternitatem mundi esse palmarium atheismo fundamentum. Esi enim atheus defendere teneatur æternitatem mundi (§. 446.); atheismi tamen fundamentum non est mundi æternitas, sed aseitas, quæ existentiam absolute necessariam infert (§. 32. *part. I. Theol. nat.*), eamque independentem (§. 30. *part. I. Theol. nat.*), ita ut ratio existentia sufficiens in ipso existente contineatur (§. 31. *part. I. Theol. nat.*). Dūdum hoc agnovere Theologi & Philosophi, qui cum D. Thoma æternitatem mundi possibilem statuerent. Quod si enim æternitas mundi repugnaret existentia Dei, ita ut ea posita sequeretur non dari Deum, nec ejus possibilitatem defendisset D. Thomas, cujus acumen in Theologia naturali admirantur omnes, quibus idem dijudicandi facultas data. Constans illa Theologorum sententia de possibili æternitate mundi abunde loquitur, quod mundi æternitatem nunquam agnoverint pro fundamento atheismi, sed potius ejus aseitatem. Neque adeo opus est, ut atheum refutaturus de æternitate mundi terram contentioni cum eodem reciprocis: fundamentum enim atheismi subvertis, ubi eum non esse ens a se ostenderis, sed hoc potius a mundo diversum esse ac mundum in eodem rationem sufficientem existentia suæ habere debere demonstraveris. Simundus non est a seipso, sed ab alio, sequitur dari Deum, siue is æternus fuerit, siue noviter productus. Potes largiri atheo mundum esse æternum, modo evincas, eum non esse a se, in salvo res est.

§. 448.

In hypothese athei mundus non indiget vi alterius ad Quomodo
existendum, sed sibi metipso ad id sufficit. Etenim in hy-
pothesi athei mundus est ens a se (§. 437.) atque ens ne-
cessaria-
stat.

vulgus admiratur, quod ejus causam ignoret. Quamobrem si atheus de veritate miraculorum convinci possit; hoc ipso corrumpitur impia, cui deditus, hypothesis. Admittere enim tenetur ens a mundo diversum, a quo is dependet, & quod natura superius est, cuique eadem subiecta.

§. 451.

Juxta atheum ordo naturæ necessarius est. Etenim juxta *Necessitas* atheum existentia mundi est absolute necessaria (§. 442.); *ordinis* namque adeoque hæc elementa, quorum aggregata sunt corpora *natura juxta* (§. 176. *Cosmol.*); mundum hunc constituentia, necessario *atheum* existunt (§. 119. *Cosmol.*). Quoniam itaque his existentibus elementis naturæ ordo alius esse nequit (§. 569. *Cosmol.*); juxta atheum impossibile est, ut naturæ ordo sit alius. Quamobrem cum necessarium sit, cujus oppositum impossibile (§. 279. *Ontol.*); naturæ ordo juxta atheum necessarius.

Apparet adeo atheum admittere quidem naturæ ordinem, sed eum necessarium esse contendit. Quoniam itaque in se contradictionem non involvit, ut detur ordo necessarius, cum tot exempla ordinis necessarii sint, quot dantur series infinitæ in Mathesi, quarum termini admirando ordine in infinitum progrediuntur; ab ordine naturæ ad autorem ejus Deum argumentari non licet adversus atheum, nisi ante probaveris, ordinem naturæ esse contingentem, non necessarium, quemadmodum atheus contendit.

§. 452.

Si quis statuit ordinem naturæ esse necessarium, is ideo An ex ne-
atheus non est, seu ex necessitate ordinis naturæ posita non cessante or-
sequitur non dari Deum. Etenim cum oppositum necessarii sit impossibile (§. 279. *Ontol.*); qui naturæ ordinem *resequatur* necessarium esse statuit, is negat ordinem naturæ alium *non dari* præter eum, qui datur, esse possibilem. Hinc vero *Deum*,
tantum-

tantummodo sequitur, si quis admittit, mundum a Deo esse creatum, quod Deus alium naturæ ordinem facere non potuerit, minime vero ex eo, quod naturæ ordo alius esse non potuerit, mundum ipsum necessario existere, nec aliquem ejus esse autorem seu creatorem. Quoniam itaque atheus non est, qui autorem universi non negat (§. 411.); qui ordinem naturæ necessarium esse statuit, is ideo atheus non est.

Nos contingentiam ordinis naturæ independentem ab existentia Dei stabilivimus (§. 561. *Cosmol.*), Deum esse ut mundi creatorem, ita ordinis naturæ autorem ostendimus (§. 763. *part. I. Theol. nat.* & §. 342. 343. *part. II. Theol. nat.*). Mea igitur non interest, sive ex naturæ ordinis necessitate sequatur non dari Deum, sive non. Addimus adeo propositionem in gratiam aliorum, tum ne, qui veritatem probatu non adeo facilem non capiunt, in atheismi suspicionem adducantur, nec quis temere aliis injuriam faciat, tum ne quis infirmioribus ansam atheismi suppeditet, qui cum capere nequeant ordinis naturæ contingentiam, cum pro necessario habent. Qui præter hunc mundum, qui existit, alium nullum possibilem agnoscunt, admittere quoque tenentur illum non posse esse naturæ ordinem (§. 343.): unde & *D. Thomas*, dum affirmat, Deum rebus aliis imponere potuisse ordinem, simul pronunciat, quod alias potuerit res ab iis, quas creavit, diversas facere, agnoscens huic mundo non convenire nisi hunc ordinem naturæ. Quoniam tamen admittunt, Deum hunc mundum libere creasse, atque adeo etiam hunc naturæ ordinem libere fecisse; ecquis propter istum errorem ipsis tribuerit errorem impium atheorum, qui creatorem & conservatorem universi negantes ideo ordinem naturæ alium esse non posse contendunt, quod mundus sit ens a se atque existentia ejus absolute necessaria?

§. 453.

In hypothefi athei leges motus sunt absolute neceffarii. Et Legum motus enim regulis motus, confequenter & ejus legibus (§. 303. *ius neceffitas Cosmol.*), ordo naturæ continetur (§. 559. *Cosmol.*). Quamobrem cum in hypothefi athei ordo naturæ fit absolute neceffarius (§. 451.); quin in eadem motus quoque leges absolute neceffariæ fint dubitari nequit.

Contingentia ordinis naturæ ex contingentia regularum, confequenter legum motus demonstratur (§. 561. *Cosmol.*). Qui ergo tollit contingentiam legum motus, is tollit contingentiam ordinis naturæ, & viciffim qui tollit contingentiam legum naturalium motus, is tollit contingentiam ordinis naturæ: fi enim illarum contingentiam admitteret, hujus quoque contingentiam admittere teneretur.

§. 454.

In hypothefi athei eventus rerum naturalium sunt absolute neceffarii. Etenim cum atheus mundum faciat independentem ab omni ente alio (§. 439.), & miracula proventuum impossibilibus habeat (§. 450.); nihil in mundo evenire naturalium neceffitas in nifi naturaliter statuit (§. 509. 510. *Cosmol.*). Quamobrem hypothefi athei. cum in mundo adfpectabili materiali naturale fit, cujus ratio in effentia & natura corporum continetur (§. 509. *Cosmol.*) & quæ in eodem naturaliter fiunt, juxta naturæ ordinem fiant (§. 565. *Cosmol.*); in mundo adfpectabili juxta atheum nihil evenire potest, nifi cujus ratio fufficiens in effentia & natura corporum continetur, quodque fecundum naturæ ordinem evenire potest. Enimvero effentia rerum absolute neceffariæ sunt (§. 303. *Ontol.*), & in hypothefi athei mundi quoque, adeoque corporum omnium, ex quibus conftat (§. 119. *Cosmol.*), existentia absolute neceffaria eft (§. 442.), ipfe naturæ ordo ab absolute
(Wolffii Theol. Nat. Pars II.) Ggg soluta

§. 455.

In hypothesi athei nexus rerum est absolute necessarius. Absoluta ne-
 Etenim elementa rerum materialium omnia inter se con-*xus rerum*
 nexa sunt (§. 204. *Cosmol.*) & nexus rerum materialium *necessitas in*
 ab eorundem nexu pendet (§. 205. *Cosmol.*). Præterea *hypothesi*
 mutationes elementorum omnium inter se & omnes in co-*atheï.*
 dem elemento connexæ sunt (§. 210. *Cosmol.*), cumque
 in elementis contineantur rationes ultimæ eorum, quæ in
 rebus materialibus deprehenduntur (§. 191. *Cosmol.*), ne-
 xus quoque successivorum in mundo materiali rationem
 ultimam in nexu elementorum agnoscit, adeoque posito ne-
 xu mutationum in elementis ponitur nexus successivorum
 in mundo materiali (§. 118. *Ontol.*). Enimvero hæc ele-
 menta alio modo coëxistere nequeunt (§. 571. *Cosmol.*),
 nec naturaliter alias subire possunt mutationes, quam per
 essentiam & naturam suam subeunt (§. 509. *Cosmol.*).
 Quamobrem cum juxta atheum mundus, adeoque etiam
 elementa (§. 570. *Cosmol.*), necessario existant (§. 442.);
 nexus rerum materialium in hoc universo tum quoad
 coëxistentiam, tum quoad successionem absolute necessa-
 rius est in hypothesi athei.

Quæ paulo ante (*not.* §. 454.) de absoluta eventuum
 in mundo adspectabili necessitate annotavimus, ea etiam de
 nexus rerum necessitate absoluta in hypothesi impia tenenda
 sunt. Nimirum fuit ea ex necessaria mundi existentia;
 quemadmodum ex demonstratione propositionis præsentis
 liquet, adeoque resolvitur in aseitatem mundi, a qua pen-
 det absoluta mundi hujus existentia in hypothesi athei juxta
 demonstrationem superiorem (§. 442.). Quodsi enim ad-
 mittas, dari Deum, qui liberrime creavit hunc mundum
 adspectabilem (§. 354.) & nexum rerum sapientia & bonita-
 te sua constituit (§. 741. *part. I. Theol. nat.*); a necessitate ab-

soluta nexus hic eximitur (§. 667. part. I. Theol. nat.), adeoque per essentiam & naturam elementorum non relinquitur nisi hypothetica, quemadmodum ex principiis cosmologicis in demonstratione propositionis præsentis allegatis intelligitur. Quodsi quis rerum omnium in hoc universo nexum tum quoad existentiam, tum quoad successionem negare velit, eundemque absolute necessarium pronunciet, necessitatem ejus hypotheticam pro absoluta vendicans, is denuo in disputatione contra atheos nihil proficiet. Causarum adeo concatenatio absolute necessaria cum nexu rerum sapientiæ ac bonitatis divinæ congruo confundenda non est. Hic veritati consentaneus; illa in errorum numero est.

§. 456.

An libertatem animæ negare teneatur atheus.

Atheus non negare teneatur libertatem animæ, seu ex eo, quod non datur Deus, non sequitur, animam non esse liberam. Animam esse liberam, non ex eo demonstratur, quod a Deo fuerit creata (§. 780. part. I. Theol. nat. & §. 338. part. II. Theol. nat.), sed ex iis, quæ animum advertentibus ad ea, quæ de ipsa nobis conscius sumus, experientia suggerit (§. 942. Psychol. empir.), & eam liberam esse agnoscimus, quod ratione prædita (§. 528. Psych. rat.). Quamobrem et si atheus neget, dari Deum animarum creatorem (§. 411.), atque adeo animas pro entibus a se sive necessario existentibus habeat, quemadmodum mundum (§. 437.); non tamen ideo negare teneatur ea, quæ de anima nostra certa experientiæ fide constant & ideo ipsi tribuenda veniunt, quia rationalis est. Atheus igitur libertatem animæ negare non teneatur.

Ostenditur etiam hoc modo. Quoniam Deus rem nullam potuit facere aliter quam fecit, quoad determinationes essentielles & attributa (§. 557. part. I. Theol. nat.); nec animam facere potuit aliter, quam est quoad determinationes essen-

essentiales & attributa. Enimvero anima per essentiam & naturam suam rationalis est (§. 454. *Psychol. rat.*), consequenter cum ideo libera, quia rationalis (§. 528. *Psych. rat.*), nec animam aliter, quam liberam facere potuit. Quamobrem cum anima non per hoc libera sit, quod a Deo facta *per demonstrata*; ex eo, quod neges, eam a Deo factam, consequenter creatam esse (§. 698. *Psychol. rat.*), non sequitur eam non posse esse liberam, consequenter atheus libertatem animæ negare non tenetur.

Error de libertate animæ alias habet rationes, quam atheismus, quibus locus esse potest, five quis fuerit, atheus, five Deum universi creatorem agnoscat. Quamobrem fieri potest, ut atheus neget liberam esse animam, sed ideo negare non tenetur, quia negat esse Deum. Agnovere hoc Theologi ac Philosophi, dum defendunt, atheum negare non posse existentiam juris naturalis, propterea quod negat dari Deum, obligatione naturali per errorem impium ad actiones suas legi naturali conformandas minime sublata, quemadmodum suo loco ostendimus. Atheus igitur non obstante impia hypothesei admittere potest, dari in hoc mundo materiali contingentia a voluntate hominis libera pendencia, nec ex hac contingentia ipsum erroris sui convincere potueris, quoniam ex eo, quod anima sit libera, non demonstrari potest dari Deum. Contingentia mundi hujus adspectabilis, quatenus non dependet ab animæ libertate, scala est, per quam ad existentiam Dei ascendimus, quemadmodum ex systemate pater, quod parte prima Theologiæ naturalis exhibuimus, atque eidem tanquam fundamento superstructum, non vero contingentia eorum, quæ ab actionibus humanis pendent. Pone enim ab homine plantari arborem & hanc proferre fructus, quibus comestis in dysenteriam incidit Titius, juvenis alias vegetus, cum Sybilla matrimonium iniurus, & matura morte extinguitur. Etsi per libertatem animæ inferas, existere in mundo arborem, quæ non existere poterat, existere fructus, qui non dari poterant,

Ggg 3

morte

morte abripi Titum, qui alias vitam protraxisset & cum Sybilla liberos genuisset, consequenter ob libertatem voluntatis humanæ in mundo materiali ad actum deduci alias non deducenda, & actualitatem non consequi alias exitura: nunquam tamen huic positæ ac concessis demonstrabis dari Deum, qui sit mundi autor seu creator. Qualis enim hæc consequentia est? Dantur in hoc mundo materiali per libertatem animæ in eodem non exitura, si anima libera non esset, & ex adverso in eodem non dantur alias exitura, si animæ nulla competeret libertas. Ergo datur Deus, hoc est, ens a se, qui mundum creavit, seu ex nihilo produxit? Quam adeo absurdum sit veri nominis contingentiam negare, quæ per principia cosmologica competit mundo huic adspectabili & ordini naturæ convenit, & pro demonstranda existentia Dei urgere contingentiam rerum materialium a voluntate hominum pendentium, quivis me non monente perspicere valet.

§. 457.

Cur atheus fines rerum naturalium neget. In hypothese athei nullus datur finis mundi, nec dantur fines ulli in mundo. Etenim in hypothese athei existentia mundi est absolute necessaria (§. 442.), estque mundus a se (§. 437.), adeoque non ab alio (§. 27. pars. I. Theolog. nat.). Quoniam itaque nemo est, qui mundum fecit, nec in eo unum fecit propter alterum; finis autem id est, propter quod causa efficiens agit (§. 932. Ontol.); in hypothese athei dici nequit, quod mundus sit propter aliud, vel aliquid in mundo existat, ut aliud quid obtrineatur. Quamobrem in hypothese athei nec datur finis mundi, nec dantur fines ulli in mundo.

Idem etiam per indirectum ostenditur hoc modo. Pone enim dari finem mundi, dari fines rerum naturalium, quæ sunt in mundo. Quoniam finis est id, propter quod causa efficiens agit (§. 932. Ontol.); necesse est, ut detur mundi

mundi causa efficiens, quæ propter eundem mundum fecit & propter fines consequendos in eo tales potius fecit res, quam alias. Quare cum actio causæ efficientis mundi est ratio existentiae ejus & rerum talium, quæ dantur in mundo (§. 886. *Ontol.*); datur aliquod ens, a mundo diversum, in quo ratio existentiae ejus & cur tales in eodem potius dentur res, quam alia, continetur, consequenter autor datur mundi, sive Deus (§. 67. *part. I. Theol. nat.*). Enimvero negat atheus dari mundi autorem, sive Deum (§. 111.). Quamobrem concedere non potest, dari finem mundi & fines rerum in mundo.

Quod mundus propter finem aliquem existat, simpliciter negat atheus, cum nemo sit, qui hunc finem intenderit & per mundum tanquam medium consequi voluerit, in hypothesis impia. Quod in mundo unum inserviat usibus alterius, nec atheus negare potest, cum experientia in dubium minime revocanda idem apertissime loquatur. Sed cum atheus nullum agnoscat mundi autorem, nec usus hosce in numerum finium refert, cum nemo sit, qui hosce usus intenderit & eorum consequendorum gratia res tales fecerit. Quamobrem etsi ex eo sequatur, dari Deum mundi autorem, si v. gr. usus rerum naturalium fines esse ponantur, vel alia, quæ in mundo accidunt, pro talibus habeantur; inde tamen erroris sui convinci nequit atheus, qui, quæ pro finibus habentur, in numerum finium non refert, nec per hypothesis suam referre potest. Quamobrem cum atheo non persuaseris, ea pro finibus recte haberi, quæ pro finibus habentur, quamdiu in errore suo subsistit; nec argumentando a finibus rerum quicquam contra eum proferis: sit ita quod multi maximum in hoc argumento adversus atheismum præsidium sibi reperisse videantur, qui a distincta ratiociniorum evolutione quam longissime absunt, ubi quid probandum. Equidem non nego, si fines in hoc universo obvios perpendat atheus, probabile quodammodo reddi posse, quod fines esse possint, qui dicuntur, ac ideo proba.

probabile posse videri, quod non omnino impossibile sit dari hujus universi autorem; sed ultra aliquem probabilitatis gradum nunquam ascendere dabitur, nec certus ac immotus nascetur assensus. Id agnovere acutiores, qui huic argumento, quemadmodum aliis similibus, non nisi certitudinem moralem tribuere. Equidem simpliciter impossibile non est, ut, qui hebetior est, quam ut certitudinem moralem ab omnimoda distinguere possit, vi hujus argumenti persuadeatur, dari Deum: non minus tamen certum est, cum exceptionibus athei ad errorem pristinum reassumendum facilius iterum adduci posse, aut saltem perplexum reddi, ut, cui contradictionis parti subscribere debeat, minime repariat. Quamobrem cum nos certam tradere doctrinam constituerimus, nec cum probabilibus nobis jam sit negotium; ab istiusmodi quoque argumentis abstinemus, quæ rem minime faciunt. Dari finem totius mundi & mundum esse plenum finibus a Deo intentis, tum demum certo cognoscitur, ubi existentia Dei fuerit demonstrata, quemadmodum ex systemate (§. 645. & seqq. part. I. Theol. nat.) & superioribus (§. 371. & seqq.) constat. Nec ulla necessitas nos adigit, ut ad fines rerum tanquam ad sacram quandam anchoram confugiamus, contra atheos disputaturi, cum adstructa mundi contingentia ejusdem necessitas, atheismi unicum fundamentum, subvertatur.

§. 458.

Casum purum num purus, seu, si negatur dari Deum, non sequitur dari casum statuere debeat atheus. In hypothesis athei non admittendus necessario est casus purus, seu, si negatur dari Deum, non sequitur dari casum statuere debeat atheus. Etenim etsi atheus, negans dari Deum, mundi autorem (§. 411.), ejus existentiam absolute necessariam esse statuat (§. 442.), & omnes eventus absoluta necessitate consequi affirmet (§. 454.), nec finibus in rerum natura ullum relinquat locum (§. 457.); non tamen ideo negare tenetur, omnia fieri cum ratione sufficiente, cum principium rationis sufficientis cognoscatur, etiamsi non supponas

ponas dari Deum, mundi autorem, eventus in mundo adspectabili esse contingentes & dari fines rerum naturalium (§. 70. *Ontol.*), immo veritatem hujus principii agnoscere teneatur atheus, antequam ex contingentia mundi existentiae Dei convinci possit (§. 69. *part. I. Theol. nat.*), & si demonstrationes contingentiae mundi & elementorum ejus in systemate datas (§. 55. 56. *part. I. Theol. nat.*), resolvere volueris in sua principia (§. 92. *Log.*), pateat, nec eam absque principio rationis sufficientis demonstrari posse, ut inde porro existentiae divinae convincatur atheus. Quamobrem cum casus purus sit existentia ratione sufficiente destituta (§. 94. *Cosmol.*), impossibilitatem ejus agnoscere tenetur atheus, & agnoscere potest, etsi nondum admittat dari Deum (§. 95. *Cosmol.*). Non igitur ex eo, quod negatur dari Deum, sequitur dari casum purum, adeoque in hypothesei athei casus purus non necessario admittendus.

Equidem fieri potest, ut atheus casum purum admittat; sed ubi hoc facit, in errorem hunc non incidit ob atheismum, sed alia de causa, quemadmodum videmus casum purum admitti etiam ab aliis, qui & Deum esse confitentur, & ipsam Religionem Christianam amplectuntur. Immo qui principium rationis sufficientis ex parte voluntatis admittere nolunt; casui puro non modo voluntatem humanam, sed ipsam Numinis voluntatem subjiunt. Ecquis vere dixerit, eos esse atheos, aut statuere quod recta via ad atheismum quæducunt principia defendant, quamvis negari non possit, difficillimam reddi, si non prorsus impossibilem, athei convictionem, ubi eidem concesseris casum purum non esse impossibilem?

§. 459.

Quoniam etiam in hypothesei athei casus purus impossibilis (§. *praced.* & §. 96. *Cosmol.*); nec atheus affirmare existentiam
(*Wolfs Theol. Nat. Pars II.*) Hhh mare & eventus

in mundo casui puro tribuere licet, & *quomodo convincendus.* *mare potest mundum existere casu puro, vel quicquam in eodem contingere casu puro, consequenter si alterutrum affirmet, per demonstrationem impossibilitatis casus puri ad absurdum redigendū (§. 96. Cosmol.).*

Vides adeo utilitatem propositionis præcedentis in refellendo atheo: tantum abest, ut recte dicatur, eam favere atheismo. Ceterum moneo de casu puro iudicium fieri debere ex notione distincta (§. 94. Cosmol.), non vero confusa & vaga, ne eidem tribuantur, quæ ad eundem referri minime possunt. Ponamus hominem sceleratum ac in Deum blasphemum ictu fulminis perire: etsi dicat atheus, hoc casu fieri, negans rationem aliquam, cur fulmine ictus fuerit, querendam in pessima ejus vita vel in blasphemia: non tamen ideo negat effectum, quatenus naturæ tanquam causæ tribuitur, rationem sufficientem habere, nec propterea casui puro in eventibus naturalibus qua talibus facit locum. Ceterum ne casus simpliciter dictus cum casu puro confundatur, illius notionem explicare lubet.

§. 460.

Casus definitio.

Casus simpliciter dictus est concursus causarum ad effectum alterius gratia agentium. Effectus, qui eidem tanquam causæ tribuitur, *Effectus casualis* appellatur. Nonnulli etiam effectum ab isto causarum concursu pendentem casum appellant; sed præstat ambiguitatem in loquendo evitare, a qua philosophia abhorret ob confusionem inde oriundam: neque enim in eadem eidem termino diversi imponendi sunt significatus, sed idem isque determinatus semper retinendus (§. 143. *Disf. pralim.*).

Ut definitio intelligatur, exemplo aliquo eandem illustrare lubet. Ponamus ædificium dirui & intra murum reperiri gemmas pretiosas: gemmæ casu repertæ dicuntur. Et enim eas intra murum condidit dominus non eo fine, ut ædificium diruens easdem reperiret: nec qui ædificium diruit,

ruit, id eo sine facit, ut gemmas reperiat. Concurrent ad-
eo ad hunc effectum, tum qui gemmas intra murum conclusit,
ut eas certius asservaret; tum qui murum diruit, ut aedificium
novum extrueret. Sed uterque egit propter effectum alium,
quam qui ex illo concursu resultavit. Similiter si ventus ex
recto dejicit tegulam, quæ prætereuntis caput vulnerat, ad vul-
nus capiti insitum concurrunt & ventus, & causæ tegulam
disponentes, ut impulsui venti facile cedat, & tegula ipsa de-
scendens, vi gravitatis, aut, si mavis, gravitas tegulam descen-
dere faciens, & homo edes præteriens. Enim vero nec ven-
tus tegulam dejiciens, nec causa eam disponens, ut venti im-
pulsui facile cedat, nec gravitas, qua deorsum fertur, nec ho-
mo præteriens vulneris capiti insigendi causa agunt. Effec-
tus adeo, qui casui tribuitur, vulnus nempe capiti insitum,
oritur ex concursu causarum, quarum unaquæque alterius
effectus gratia agit. Quodque adeo hic dicitur casus, aliud
non est, quam concursus causarum ad effectum quandam,
quæ singulæ alterius effectus gratia agunt. Equidem vul-
go ad casum requiritur, ut effectus rarus sit; sed raritas in-
trinsece rem non afficit: definitiones autem ingredi non de-
bent nisi rebus intrinseca (§. 154. Log.).

§. 461.

Quæ casu fieri dicuntur, non fiunt casu puro. Etenim *An quæ casu*
quæ casu fieri dicuntur, proveniunt ex concursu causarum, *fiunt, casu*
quarum unaquæque alterius gratia agit (§. 460.). Quo-*puro fiunt.*
niam itaque concursui huic insunt, unde intelligitur, cur
istiusmodi effectus sequatur, etsi ex actione causæ uniuscu-
jusque sequatur alius, cujus gratia agit, quemadmodum
exempla loquuntur; quæ casu fieri dicuntur, rationem
sufficientem habent in isto concursu (§. 56. Ont.). Quam-
obrem cum casu puro fiat, quod absque ratione sufficiente
ad actualitatem perducitur (§. 94. Cosmol.); quæ casu fieri
dicuntur, non fiunt casu puro.

Qui gemmas pretiosas intra murum condidit, cum v. gr. fecerit, ut ibi laterent ac secure servarentur, non fecit sine ratione sufficiente: ex fine enim, quem intendit, intelligitur, cur fecerit, atque adeo hic ratio sufficiens est (§. 36. *Ontol.*). Actio etiamsi physice consideretur, ratio sufficiens est, cur ibidem sint gemmæ pretiosæ. Quod murus diruatur, sit novi ædificii excitandi gratia, atque adeo denuo rationem sufficientem habet. Cumque ibidem lateant gemmæ pretiosæ, & muro diruto in conspectum prodeant, ex eo porro intelligitur, cur inveniantur. Habet itaque inventio earum rationem sufficientem (§. cit. *Ont.*). Et si adeo casu reperta fuerint, propterea quod intra murum condens non intenderit, ut eum diruturus eas inveniret, nec qui eundem diruit, cum ignoret, eas ibi latere, inveniendarum gemmarum gratia hoc faciat, sed præter intentionem & expectationem suam easdem inveniat; in ipso tamen causarum concursu ratio sufficiens continetur, cur invenerit, consequenter inventio casus purus non est (§. 94. *Cosmol.*). Ceterum ex ipso concursu causarum, qui hic requiritur, ut gemmæ reperiantur, intelligitur, cur raro accidere debeat, ut murum diruens gemmas inveniat pretiosas; cum hic eas servandi modus sit infrequens, nec communiter receptus, ipsa etiam gemmarum pretiosarum possessio in eorum numero sit, quæ rara dicuntur. Atque adeo simul pater, cur casus hic rarus sit, habere rationem sufficientem in ipso casu, consequenter cum ex ejus notione demonstrari possit raritas, opus non esse, ut ea definitioni inseratur (§. 37. *Log.*). Idem eodem prorsus modo sese habet in aliis exemplis, quemadmodum in ceteris experiri licet, quæ ad definitionem casus illustrationis gratia in medium adduximus. Admitti igitur potest, quædam casu fieri, nec opus est, ut a communi loquendi more recedamus, veritati convenienter explicabili, etsi impossibilitatem casus puri stabiliverimus (§. 95. *Cosmol.*). Quod si sint, qui inter casum simpliciter dictum & casum purum non distinguunt, & illum ratione sufficiente destitui sibi imaginantur; id errori per præcipitantiæ in judicando acuminis defectui debitam ortho tribuendum.

§. 462.

Ex parte Dei casus nullus est, seu nihil fit casu; sed ^{Cur ex parte tantummodo ex parte causarum secundarum, aut, si mavis, Dei non denatur casus, sed} omnes effectus rerum materialium omnesque nostras cogitationes, seu quicquid in hac rerum serie existit (§. 524. ^{solum ex parte causarum secundarum.} *part. I Theol. nat.*); fieri non potest, quin omnes etiam effectus præviderit, ex quocunque causarum naturalium sive secundarum concursu resultantes. Et quoniam hoc universum gubernans (§. 900. *part. I. Theol. nat.*) omnia dirigit ad certum finem (§. 899. *part. I. Theol. nat.*); dubium non est, quin etiam effectus ex concursu causarum alterius gratia agentium dirigat ad certum finem, consequenter eodem utatur tanquam medio ad eundem consequendum (§. 937. *Ontol.*). Etsi itaque causæ naturales sive secundæ alterius effectus gratia agant, non vero ejus gratia, qui ex eorum concursu resultat, si eas in se spectes; agunt tamen etiam propter finem a Deo intentum, consequenter etiam effectus ex eorum concursu resultantis gratia, si ad Deum referantur. Quamobrem cum concursus causarum ad effectum aliquem producendum ideo casus dicatur, quod unaquæque alterius effectus producendi gratia agat, non vero ejus, qui ex eorum concursu resultat præter eos, quorum gratia agunt, quatenus in se spectantur (§. 460.); evidens omnino est, ex parte Dei casum admitti posse nullum, seu nihil casu fieri, sed tantummodo ex parte causarum secundarum, aut, si mavis, naturalium.

Concedi adeo potest atheo, casu fieri nonnulla, quamdiu ea, quæ in rerum natura eveniunt, referuntur ad solas causas naturales in hac rerum serie existentes; non tamen concedenda est consequentia, quod nulla fiant providentia.

Hhh 3

Etsi

Erſi enim nondum convictus fuerit, dari Deum, convinci tamen poteſt, hoc non obſtante, quod intuitu cauſarum ſecondarum ſive naturalium caſu evenit, ſubeſſe providentiæ divinx, ſiquidem Deum dari ſupponatur, ſeu ejus reſpectu non fieri caſu. E. gr. Viator fulmine ictus in via perit. Si mortem ejus conſideres nonniſi cauſarum naturalium intuitu, per definitionem caſus dici omnino poteſt, quod caſu diem obiit ſupremum. Non tamen unde inferre licet, ſi detur Deus, eum non ſine providentiâ divina periſſe. Neque utilitate ſua caret, eo perduxiffe atheum, ut admittat, id quoad Deum caſu factum non eſſe, ſiquidem Deus detur, ſed finis cujuſdam gratia, quem Numen providum intendit, erſi nobis non ſemper perſpectum, nec acumine noſtro deregendum. Quamprimum enim eum ulterius conviceris dari Deum; abſque omni hæſitatione jam admittet non ſine providentiâ divina fulmine ictum eſſe viatorem. Qui hypotheſin, ſub qua quid affirmatur, veram non agnoſcit, agnoſcit tamen ex hypotheſi data neceſſario ſequi, quod affirmatur; iſ convincendus eſt veram eſſe hypotheſin, ut nullum ipſi de veritate ejus, quod aſſeritur, ſuperſit dubium. Non loquimur niſi experta iis, qui in lectione ſcriptorum mathematicorum ſunt verſati, & quorum rationes per principia logica ſunt manifeſta, ex quibus facile demonſtratur aſſertum, ſiquidem deſideretur. Ceterum propoſitio ipſa dudum deſenſa a Scholaſticis & communiter recepta, quamdiu philoſophia Ariſtotelica in uſu fuit. Quamobrem cum nihil habeat, quod a veritate recedat, & vulgo multa in communi ſermone caſu ſeu fortuito fieri dicantur; noſtrum quoque fuit demonſtrare, quo reſpectu caſus ſimpliciter ita dictus admittendus ſit, ne, quando cum atheis vel Deiſtis nobis eſt negotium, negemus, quod negari non debebat.

§. 463.

Nulla providentia Dei juxta atheum.

Atheus neceſſario negat providentiâ divinam. Etenim negat dari Deum (§. 411.) & eventus rerum naturalium abſolute neceſſarios pronunciat (§. 454.); mundusque
juxta

juxta eum seipsum conservat, nec indiget ente alio, ut conservetur (§. 449.). Quamobrem cum providentia divina in conservatione & gubernatione rerum in mundo atque concursu ad actiones earundem consistat (§. 922. *part. I. Theol. nat.*); atheus necessario negat providentiam divinam.

Quæcunque igitur de providentia divina demonstrata sunt & summum influxum in actiones hominum ac felicitatem eorundem habent, quemadmodum suo tempore locoque demonstraturi sumus; ea omnia negari debent ab atheo. Neque enim fieri potest, ut admittat aliquod ens, quod sapientia & bonitate gubernat hoc universum, cujus nullum cognoscit autorem (§. 411.) & quod independens facit ab omni ente alio a se diverso (§. 439.), ita ut nihil sit in hoc mundo adspectabili, quod rationem habet in ente alio ab ipso diverso (§. 440.). Poteramus quoque in ipsa definitione athei sumere, quod neget mundi gubernatorem, cum fieri possit, ut quis neget creationem mundi, admittat tamen providentiam divinam. Sed cum posuerimus autorem universi, quod vocabulum generalius est & modum dependentiæ mundi in existendo a Deo non determinat, non opus erat addi, quæ ex assumtis demonstrari possunt. Modo atheum adduxeris, ut dependentiam mundi in existendo ab ente alio agnoscat; haud difficulter ipsum deinde conviceris creationis & providentiæ, siquidem methodi composueris & systema Theologiæ naturalis animo comprehensum tenueris. Mundi enim independentia in existendo ab ente alio ob aseitatem ejus atheismi genuinum fundamentum est, cum quo quemadmodum creatio, ita & conservatio atque gubernatio mundi, seu providentia non consistit.

§. 464.

Atheus casui tribuit, quæ providentiæ divinæ tribuenda sunt. Quædam enim in mundo casu fiunt, ex parte *atheus casui* causarum secundarum sive naturalium, non verò casu *tribuat*, fiunt ex parte Dei (§. 462.). Quamobrem cum Deus gubernet

bernet hoc universum (§. 900. *part. I. Theol. nat.*), adeoque actiones creaturarum ad certum finem dirigat (§. 899. *part. I. Theol. nat.*), hæc ipsa vero gubernatio ad providentiam divinam pertineat (§. 922. *part. I. Theol. nat.*); quæ ex parte causarum secundarum seu naturalium oriuntur ex concursu causarum alterius effectus gratia agentium, adeoque earum intuitu casui tribuuntur (§. 460.), providentiæ divinæ tribuenda sunt. Quoniam itaque atheus providentiam divinam dari negat (§. 463.), adeoque ultra causas secundas non progreditur, quarum respectu casui locus est (§. 462.); casui utique tribuit, quæ providentiæ divinæ tribuenda sunt.

E. gr. Ponamus viatorem fulminis ictu enecari in via. Dubium non est subesse hunc casum providentiæ divinæ, nec sine Dei hoc fieri voluntate. Ponamus hoc accidere homini, qui a pravitate sua se revocari passus non est; sapientiæ divinæ conveniens est, funestum casum in eum decernere; ut exemplum sit aliis terrori. Quamobrem qui hanc vitæ & facti convenientiam ad providentiam refert; quæ veritati consentanea sunt, admittit. Enimvero atheus eandem casui tribuit & magnum sibi præsidium in eo reperisse videtur, quod funesto istiusmodi casu etiam medio tollantur, qui a pravitate abhorrent, non perpendens casus ejusdem in universo directionem vi sapientiæ divinæ inexhaustæ multiplicem habere finem: adeoque non semper eundem. Sed de hisce dicemus apertius alibi, quando obligationem divinam positivam ad actiones juri naturali conformandas demonstraturi sumus. Ceterum ex his intelligitur, quod nihil profeceris contra atheum, si simpliciter negare volueris casu quædam fieri in universo, quem necessario admittendum esse respectu causarum secundarum in dubium revocari nequit nisi ab imperito (§. 462.). Concedendum itaque atheo, si causarum secundarum rationem unice habeat casu fieri, quæ providentiæ divinæ tribuuntur; at ex eo nondum sequi providentiam divinam esse impossibilem

bilem demonstrandum. Sufficit enim agnosci providentiæ divinæ possibilitatem, etsi eam dari non constet, antequam demonstratum fuerit, dari Deum, a quo pendet hoc universum rerumque in eodem nexus. Quando enim atheus providentiæ divinæ possibilitatem admittere tenetur, nec absurditatis redarguere valet eos, qui eandem profitentur; sed si sapit, omni studio id agere deber, ut, num etiam detur, inquirat. Hoc ipso nimirum, nisi sciens volensque inspicere velit, error impius, cui deditus est, suspectus ipsi redditur, ut cum animi tranquillitate acquiescere nequeat, cum oppositi formidine jam conjunctus.

§. 465.

Effectus casuales homini vel boni, vel mali ad fortunam Quinam referendi. Etenim cum effectus casuales resultent ex concursu causarum, quarum unaquæque alterius gratia agit *suales fortune* (§. 460.); concursus, unde oriuntur, a nobis prævideri minime potest, qui omnem causarum istiusmodi concursum perspicere non possumus. Quamobrem cum fortuna non sit nisi concursus causarum minime prævisus ad effectum homini vel bonum, vel malum (§. 540. *part. I. Theol. nat.*); effectus casuales in horum utique numero sunt, qui homini vel boni, vel mali deprehenduntur. Patet itaque effectus casuales homini vel bonos, vel malos, ad fortunam esse referendos.

E. gr. Ponamus viatorem in via fulminis ictu perire. Effectus hic, si causas secundas tantummodo spectes, refertur ad casum (*not. §. 462.*), adeoque casualis est (§. 460.). Enimvero cum respectu viatoris malus dicendus utique veniat, ad fortunam adversam omnino referendus, immo referri solet. Ex adverso effectus itidem casualis est, si quis murum diruens invenit gemmas pretiosas (*not. §. 460.*). Sed cum inventio bona dicatur inventori: fortunæ tribuitur secundæ. Hinc dudum observarunt Scholastici, omnem fortunam includere casum, etsi casus omnis non sit fortuna, cum hæc supponat destinato consilio agentem.

(*Wolffii Theol. Nat., Pars II.*)

Iii

§. 466.

§. 466.

Cur fortuna juxta atheum fortuna non subest providentia divina; sed juxta atheum casui. Etenim atheus negat dari providentiam divinam um casui non (§. 463.). Quamobrem per ejus hypothesein fieri nequit, providentia ut fortuna eidem sublit. Quod erat unum. subsit.

Enimvero atheus casui tribuit; quæ providentiæ divinæ tribuenda sunt (§. 464.). Quamobrem cum effectus casuales homini vel boni, vel mali ad fortunam sint referendi (§. 465.); effectus istos casui tribuit atheus. Atque adeo fortuna, quæ subest providentiæ divinæ (§. 932. *part. I. Theol. nat.*), juxta atheum casui subest.

Nimirum quæcunque fortuna secunda homini obtingunt, vel fortuna adversa eidem accidunt; ea casu fieri affirmat atheus inevitabili, propterea quod ipsi nexus rerum, unde pendet concursus ille causarum, qui casus nomine significatur (§. 460.), est absolute necessarius (§. 455.), adeoque prorsus immutabilis (§. 292. *Ontol.*). Quodsi atheus non neget libertatem animæ, quam negare non tenetur (§. 456.); eareus homo evitare potest in ipsius hypothesei casum, quatenus actionum libertas in eundem influit, vi cujus ea actio omitti poterat, qua ad effectum casualem concurrat, veluti viator fulmine non ictus fuisset, nisi gradum accelerasset; quo ipso contigit, ut eo temporis momento hæreret in loco, quem fulmen perit. Paret autem casum difficillime evitari posse, propterea quod eum prævidere non liceat, veluti in exemplo dato ignorat viator, quod locum istum, in quo perit, fulmen sit petiturum. Unde est, quod atheus casum simpliciter inevitabilem pronunciet. Quæ enim non cadunt sub deliberationem nostram, ea a nobis evitari nequeunt: sit ita, quod contrarium fieri potuisset, ac hoc modo casuale damnum evitatum fuisset.

§. 467.

§. 467.

Atheus admittere tenetur progressum in infinitum vel progressus rectilineum, vel circularem. Atheus enim negat mundum in infinitum habere existendi initium & finem (§. 444. 445.). Quam ab atheo ad obrem cum mundus contineat seriem contingentium (§. mittendus. 81. *Cosmol.*); ea ipsa nec initium habet, nec finem; adeoque utrinque interminata est. Enimvero series rerum contingentium interminata, in qua nec primum datur, nec ultimum, progressus in infinitum est (§. 91. *Cosmol.*). Atheus igitur progressum in infinitum admittere tenetur. Est vero progressus in infinitum vel rectilineus, vel circularis (§. 92. *Cosmol.*). Atheus igitur admittere tenetur progressum in infinitum vel rectilineum, vel circularem.

Progressus in infinitum rectilinei impossibilitas statim illucescit in oculos (§. 93. *Cosmol.*), quoniam principio rationis sufficientis manifesto contrariatur: quod etsi distincte non cognoscatur, ita tamen ejus notio menti nostræ infixæ est, ut, quod eidem repugnat, assensum adversum experiat, Hinc qui æternitatem mundi defenderunt Philosophi Gentiles, veluti Stoici, in progressum circularem illapsi sunt: unde enatæ sunt continuæ revolutiones, quarum ope redeunt, quæ jam antea extiterunt, etsi nonnisi longissimo temporis tractu. Ita qui nunc est in toto mundo status aliquando in hypothesei progressus circularis iterum rediturus. Vident in terra homines, qui nunc vivunt, & eadem agent singuli, quæ nunc agunt. Has revolutiones repugnare veritati revelatæ, nemo non videt. Relegenda hic sunt, quæ de progressu in infinitum tam rectilineo, quam circulari annotavimus, cum differentiam utriusque progressus explicaremus (not. §. 92. *Cosmol.*) & rectilinei impossibilitatem demonstrarem (not. §. 93. *Cosmol.*).

§. 468.

*Progressus in
infinitum
rectilineus
qualis sit.*

In progressu rectilineo in infinitum ab effectu presente retrogrediendo nunquam pervenitur ad causam primam, nec progrediendo ad effectum ultimum, qui denuo non fiat alterius effectus causa. Similiter serie mutationum, quæ in eodem subjecto contingunt, a statu presente retrogrediendo nunquam pervenitur ad statum primum, & ab eodem progrediendo nunquam pervenitur ad ultimum. Etenim in progressu in infinitum rectilineo a termino quocunque receditur continuo (§. 92. Cosmol.), nec datur in serie rerum primum, nec ultimum (§. 91. Cosmol.). Quamobrem si ponamus, in serie successivorum, quæ datur in hoc mundo ad spectabili (§. 55. Cosmol.), progressum in infinitum esse rectilineum, cum successiva a se invicem dependeant ut effectus a sua causa (§. 83. Cosmol.), atque adeo effectus eausæ anteriores sit denuo causa effectus sequentis; si ab effectu presente ascendas retrogrediendo ad ea, quæ fuerunt, continuo quidem pervenies ad causam, quæ sit effectus alterius causæ, nunquam vero ad primam, antequam adeo non extiterit alia, cujus effectus ea esse possit (§. 44. part. I. Theol. nat.), & si ab eodem effectu descendas progrediendo ad ea, quæ futura sunt, continuo quidem pervenies ad effectum, qui denuo fit causa alterius effectus, nunquam vero ad effectum, qui nullius amplius effectus causa sit, adeoque ad effectum ultimum (§. 44. part. I. Theol. nat.). Quod erat unum.

Ponamus jam similiter in eodem subjecto seriem mutationum in eodem contingentium progressus in infinitum rectilineum constituere. Quoniam in progressu rectilineo a termino quocunque continuo receditur (§. 92. Cosmol.),

Cosmol.), nec in eodem datur primum ac ultimum (§. 91. *Cosmol.*); si in serie mutationum, quæ in eodem sub-
jecto contingunt, præsentem sumas, & ab eodem retro-
grediendo ad mutationes præteritas ascendas, nunquam per-
venies ad statum primum, antequam non extitit alius (§. 44. *part. I. Theol. nat.*), nec ab eadem mutatione, quæ
subjecti statum præsentem determinat (§. 705. *Ontol.*),
progrediendo unquam pervenies ad statum ultimum, quem
non amplius excipit alius (§. 44. *part. I. Theolog. nat.*).
Quod erat alterum.

Ut propositio præsens ejusque demonstratio rectius in-
telligatur, demus exempla. Constat ovum excludi a galli-
na, quæ ex ovo prodit. Quodsi ergo retrocedas in infi-
nitum in linea recta, nunquam pervenies ad ovum, quod
a gallina exclusum non sit, nec ad gallinam, quæ non pro-
dierit ex ovo: neque ulla adest ratio, cur potius in gallina
ex ovo non prodeunte, quam in ovo a gallina non exclu-
so subsistas, immo si alterutrum feceris absque ratione suf-
ficiente, non dabitur amplius progressus rectilineus in infi-
nitum ex parte ante, *contra hypotbesin*. Similiter si ab ovo
nunc a gallina excluso progrediaris continuo ad gallinas &
ova in posterum extitura, nunquam pervenies ad ovum,
ex quo nulla amplius prodibit gallina, nec ad gallinam,
quæ nullum amplius ovum excludet: neque ulla adest ratio,
cur in gallina potius subsistas, quæ nullum amplius ovum
excludit, quam in ovo, ex quo nulla amplius excluditur
gallina, immo si alterutrum feceris absque ratione sufficien-
te, non dabitur amplius progressus in infinitum ex parte
post, denuo *contra hypotbesin*. Constat in qualibet anima
dari seriem perceptionum, quæ diversa est a serie perce-
ptionum animæ cujuscunque alterius (§. 523. *Psychol. rat.*).
Quodsi ergo in perceptionibus ponas progressum rectili-
neum in infinitum & a perceptione præsentē retrogredia-
ris ad præteritas, nunquam pervenies ad perceptionem pri-
mam, quam non præcesserit alia, & ubi progrediaris ad

futuras, nunquam pervenies ad ultimam, quam non sequetur alia. Quamprimum enim alterutrum feceris, series perceptionum terminabitur ex alterutra parte, adeoque non amplius progredietur in infinitum in linea recta sive ex parte ante, sive ex parte post, *contra hypothesein*. Constat similiter unumquodque elementum continere seriem mutationum, quæ diversa est a serie alterius cujuscunque (§. 198. *Cosmol.*). Quæ igitur de progressu in infinitum rectilineo quoad animæ perceptiones diximus, ea quoque de mutatione statuum in elementis in linea recta in infinitum progrediente dicenda esse nemo non videt.

§. 469.

Progressus rectilinei ex parte ante & ex parte post ac ab utraque differentia.

Progressus in infinitum rectilineus a parte ante dicitur, si in serie contingentium nunquam pervenitur ad primum a præsentē retrogrediendo, etli progrediendo perveniatur ad finem. Et ex adverso *Progressus in infinitum rectilineus ex parte post* appellatur, si in serie contingentium progrediendo nunquam pervenitur ad finem sive ultimum, etli retrogrediendo perveniatur ad primum. Quamobrem cum progressus in infinitum simpliciter dictus nec primum, nec ultimum admittat in contingentium serie (§. 91. *Cosmol.*); *progressus in infinitum rectilineus simpliciter dictus & ex parte ante, & ex parte post infinitus est.*

Differentia hæc progressus rectilinei in infinitum ex parte ante & ex parte post, patet ex exemplis paulo ante (not. §. 468.) allatis. Etenim si ponas in serie gallinarum successive existentium, in qua continua datur gallinæ ab ovo & ovi a gallina dependentia, nunquam perveniri retrogrediendo ad gallinam, quæ non prodierit ex ovo, nec ad ovum, quod non exclusum fuerit a gallina, progrediendo tamen perveniri ad gallinam, quæ ovum nullum amplius excludit, vel ad ovum, ex quo incubato nullus amplius gignitur pullus sexus feminei; progressus rectilineus in infinitum tantummodo erit ex parte ante. Quod si vero ponas in eadem serie progrediendo nunquam perveniri ad gallinam,

nam, quæ nullam amplius ovum excludit, vel ad ovum ex quo incubato nulla amplius prodit gallina, retrogrediendo autem perveniri vel ad gallinam, quæ ex ovo ortum suum minime trahit, vel ad ovum, quod a gallina exclusum non fuit, cum hodie per experimenta constet, ex ovis etiam excludi pullos posse absque incubatione gallinæ; progressus in infinitum rectilineus erit ex parte post. Similiter si in serie perceptionum, quæ datur in anima, supponas, nunquam retrogrediendo perveniri ad perceptionem, quam non præcessit alia, progrediendo tamen perveniri ad perceptionem quam non sequitur alia; progressus in infinitum rectilineus est a parte ante. Quod si vero supponas progrediendo nunquam perveniri ad perceptionem, quam non sequitur alia, etsi retrogrediendo perveniat ad perceptionem, quam non præcessit alia; progressus est in infinitum rectilineus a parte post. Unde simul patet progressum rectilineum infinitum simpliciter dictum ex progressu rectilineo in infinitum a parte ante & progressu rectilineo in infinitum a parte post compositum esse.

§. 470.

Progressus rectilineus in infinitum a parte ante impossibilis est; non vero progressus in infinitum a parte post. Prius progressus demonstratur eodem modo, quo progressum rectilineum in infinitum simpliciter dictum impossibilem esse evicimus *rectilinei a* (§. 93. *Cosmol.*), neque enim tum aliud egimus, quam *parte post.* ut ostenderemus eum a parte ante involvere contradictionem: id enim sufficit ad independentiam mundi ab ente alio a se diverso in actualitate sua evertendam.

Enimvero quod progressus rectilineus in infinitum a parte post contradictionem non involvat, neque adeo impossibilis sit, probatur hoc modo. Ponamus enim progressum rectilineum in infinitum a parte post esse impossibilem: necesse igitur est, ut ens simplex existere desinat,
ideo

ideo quod non amplius sit modificabile. Enimvero simplex interire, adeoque desinere existere nequit, nisi per annihilationem (§. 698. *Ontol.*). Quamobrem necesse est ut ens simplex annihiletur, hoc est, ita existere desinat, ut nihil ejus amplius superfit (§. 540. *Ontol.*). Ast per hoc, quod ulterius modificabile non sit, non intelligitur, quod ita existere desinat, ut nihil ejus amplius superfit, sed ut non amplius varientur ejus modi (§. 704. *Ontol.*), consequenter ut posthac in eodem statu perseveret, (§. 705. *Ontol.*), adeoque quod ulterius modificabile non sit, non est ratio sufficiens annihilationis (§. 56. *Ontol.*), nec ideo annihilari potest ens simplex (§. 118. *Ontol.*). Et cum determinationes in se mutabiles sunt, quibus status ultimus constituitur (§. 314. *Ontol.*), nec cur idem non amplius mutari queat, ratio nulla in essentia rei contineatur, quia modi per essentialia non determinantur (§. 148. *Ontol.*), quin potius vis enti simplici inexistens (§. 196. *Cosmol.* & §. 53. 48. *Psych. rat.*) continuo ad status mutationem tendat (§. 725. *Ontol.*); evidens est mutationes status continuo progredi debere, neque adeo progressum rectilineum in infinitum a parte post impossibilem esse.

Patet idem in ea serie, qua gallinæ ac ovi existentia continuo a se invicem dependet. Neque enim probari potest, excludi tandem ex omnibus ovibus incubatis debere gallinas, quæ nulla ova gignere possunt, vel omnes tantem gallinas, quæ simul existunt, ova edere debere nonnisi subventanea. Non nego talia sumi posse: sed de eo jam non quaestio est, quid precario sumi queat, verum huc redit omnis disceptatio, num probari possit, quod recte sumatur. Ceterum propositio hæc mirifice favet principiis Christianismi. Etenim Christo Doctore novimus, dari vitam æternam post hanc vitam, in qua non modo animæ, quæ a corporis morte

superfunt, verum etiam corpora iterum ex mortuis resuscitata & iisdem denuo unita in æternum perennatura. Vitam adeo æternam, qui firma fide tenet, progressum quoque rectilineum in infinitum a parte post admittere tenetur; ecquis enim asseverare ausit, in animabus hominum vitæ æternæ participum nullam fore perceptionum ac appetitionum variationem, quam fert earundem natura finita, nisi eas in perpetuum stuporem conjicere velit? Necessarium adeo diximus demonstrare, progressum rectilineum a parte post in infinitum non involvere contradictionem, seu impossibilem non esse. Nemo vero obijciat per hoc, quod ostenderimus, mutationum in ente simplici progressum rectilineum in infinitum a parte post non esse impossibilem, nondum probatum esse, quod progressus quoque successivorum in hoc mundo adspectabili rectilineus in infinitum a parte post non sit impossibilis. Cum enim rationes ultimæ eorum, quæ in rebus materialibus deprehenduntur, in elementis, adeoque substantiis simplicibus (§. 182. *Cosmol.*), contineantur (§. 191. *Cosmol.*); si mutationes in elementis admittunt progressum rectilineum in infinitum a parte post, nec is mutationibus, quæ in universo contingunt, seu seriei successivorum in hoc mundo adspectabili repugnare potest. In cosmologicis progressum rectilineum in infinitum spectavimus, qualis simpliciter ita dictus est, adeoque ex utraque parte talem. Quamobrem ubi evincitur, eum a parte ante impossibilem esse, hoc ipso patet simpliciter ita dictum in numerum possibilem reteri minime posse. Et sane ubi cum atheo nobis res est, non multum laboramus de progressu in infinitum a parte post, sed ad progressum in infinitum a parte ante omnia tandem redeunt.

§. 471.

*In progressu circulari in infinitum quæ nunc sunt, in-Reditus eo-
finitus iterum reditura & olim jam sapius adshere. Etenim runden in
in progressu circulari causæ rerum restituuntur ad termi-hypothesi
num, a quo receditur (§. 92. *Cosmol.*); quemadmodum circulari.
in peripheria circuli semper idem recurrit punctum, a quo
(*Wolffii Theol. Nat. Pars II.*) Kkk rece-*

receditur. Quamobrem si sumas statum mundi præsentem quoad maxima minima, dum idem continuo variatur, tandem necesse est eundem recurrere, qui nunc erat. Cumque progressus in infinitum sit series interminata (§. 91. *Cosmol.*), & mundus juxta atheum æternus (§. 446.), sine fine necesse est idem fieri. Quamobrem in progressu in infinitum, quæ nunc fiunt, iterum reditura.

Quod si a statu præsentē retrogredi libuerit, non ab simili modo patet, quod denuo incidere debeamus in eundem, qui nunc est, statum, cumque mundus ponatur in hypothesi athei æternus (§. 446.), necesse est eundem, quem nunc observamus, statum jam antea plus simplici vice adfuisse.

Athei igitur, qui progressum in infinitum circulem defendunt, opinantur, nos jam olim sæpius adfuisse in mundo & infinites in eundem reditus unus contingat. Non est quod existimes, progressus circularis absurditatem hinc facillime demonstrari posse, propterea quod nemo nostrum sibi sit conscius, se jam alias vixisse & eadem fata expertum fuisse, quæ nunc sibi obtingunt. Multa enim sunt, quæ atheus excipit, & ad quæ difficulter responderis, ut satisfacias. Etsi nimirum animæ immaterialitatem non neget (neque enim atheus necessario Materialista est, utur hujus hypothesi atheismo faveat) eamque indestructibilem esse agnoscit; non tamen admittit animam a morte corporis permanere in statu perceptionum distinctarum, sed potius defendit eandem incidere in statum confusarum, adeoque in continuum soporem, ex quo si iterum resuscitetur, statuum præteritorum post longissimum temporis tractum minime recordatur, quemadmodum nunc non amplius habemus memoriam eorum, quæ ante plurimos annos in nobis facta, nec continuata recordatione eidem firmiter infixæ fuere.

Quam-

Quamvis autem hæc falsa sint, cum tamen ubi refutanda prolixis disceptationibus immergamur; non consultum est, hoc ariete insultare progressui circulari in infinitum. Faciunt hoc, qui ad carpendum & impugnandum aliorum opiniones proni statim avide arripiunt, quicquid primum in buccam venit. Monuimus jam alias non opus esse nobis progressus in infinitum sese implicare; ubi ad Deum causam primam pervenire voluerimus (*not. §. 93. Cosmol.*). Quamobrem progressum infinitum hic non eo fine expendimus, ut ex ejus absurditate atheismi falsitatem demonstramus: etenim impium hunc errorem optime ac citra ambages refutare datur, ubi mundi ac animarum aseitatem & necessariam existentiam tanquam ejus fundamentum subvertimus. Hoc enim subverso corruiat impia hypothesis, cum eadem sua sponte corruunt, quæ ex eadem necessaria consequentia deducuntur, ac ideo ab atheo defenduntur, non defendenda amplius, quamprimum dari Deum agnoscit. Utinam! quod hic monemus, tenerent omnes, quotquot erroribus refutandis operam dant; ita systemata erronea non magno molimine refutare liceret, successuque magis felici!

§. 472.

Revolutio dicitur restitutio seriei causarum ad eundem terminum, a quo receditur. *Revolutio quid dicatur.*

Exempla revolutionum habemus in motu planetarum. Veris initio Sol hæret in principio arietis & per unum annum ab eodem continuo recedit. Enimvero anno elapso in eodem iterum principio arietis constituitur. Dum adeo a termino, qui sumitur in orbita ejus, continuo recedit, tandem ad eundem restituitur. Hæc vero restitutio Solis ad eundem terminum, a quo digressus fuerat atque continuo recedit, dicitur *revolutio termino* in Astronomia usitato. Transfutare hanc notionem revolutionis ad causarum seriem in hoc universo, aut si mavis, seriem successivorum, quæ in hoc mundo ad spectabili continuo a se invicem dependent ut effectus a sua causa (§. 83. *Cosmol.*). Quodsi ergo in hac

serie sumas, quod præsens est, a statu præsentē continuo receditur, aliis aliisque causis sibi mutuo succedentibus. Sed dum continuus sit progressus, tandem redit idem status, qui nunc est, & sic causarum concatenatarum series ad eundem restituitur terminum, a quo continuo recedebatur. Et hæc restitutio est, quæ revolutionis nomine indigitatur.

§. 473.

*Revolutio-
num neces-
sitas in pro-
gressu in in-
finitum cir-
culari.*

In progressu circulari in infinitum innumera sine fine dantur revolutiones. Etenim in progressu circulari in infinitum causæ rerum restituuntur ad eundem terminum, a quo receditur (§. 92. *Cosmol.*). Sed restitutio seriei causarum ad eundem terminum, a quo receditur, revolutio est (§. 472.). In progressu adeo circulari in infinitum fiunt revolutiones. Quamobrem cum mundus nullum existendi finem habeat juxta atheum (§. 445.) & per ipsam hypothesein progressus in infinitum (§. 91. *Cosmol.*); innumere sine ullo fine dentur necesse est revolutiones in progressu circulari in infinitum.

Quemadmodum itaque singuli planetæ, diversissimis licet temporum intervallis continuo revolvuntur in orbitis suis, revolutione una continuo succedentes alteri; ita progressus circularis in infinitum defensores affirmant, esse quoque aliquod temporis intervallum, quo omnia in mundo quoad maxima minima spectata continuo revolvuntur, revolutione una alteri sine fine succedente: id quod supra jam indicavimus (not. §. 467.), hic tamen disertius exponi visum fuit, ut qualis sit progressus circularis in infinitum penitus inspiciamus.

§. 474.

*Principium
in revolutio-
nibus admit-
tendum.*

In progressu circulari in infinitum admittendum est revolutionum aliquod principium, unde istæ incipiunt. Etenim si in ea, quæ nunc est, revolutione statum, præsentem

tem A sumas tanquam terminum, a quo receditur, ad eundem series rerum restituitur (§. 472.) & hic ipse iterum redit (§. 471.), quantocunque demum id fiat temporum intervallo. Et quia revolutiones eadem continuo redeunt (§. 473. 471.); si status A sumatur tanquam primus, eodem redeunte revolutio aliqua absoluta. Est igitur hic ipse status principium, a quo coepere omnes revolutiones præteritæ, & a quo initium capient omnes adhuc futuræ in infinitum. Quod si neges statum A esse primum, necesse est ut aliam in serie successivorum contentum tanquam primum admittas, quicumque tandem ille sit, adeoque fieri non potest, ut revolutio aliqua concipiatur absque principio, a quo coepit, consequenter detur necesse est principium aliquod, a quo revolutiones omnes etsi in infinitum continuatæ incipiunt.

Ut necessitas principii hujus revolutionum admittendi clarius elucescat, animum advertamus ad exemplum. Ponamus Solem esse corpus perenne, revolutiones suas in infinitum continuaturum. Si revolutio una absolvi debet, necesse est, eundem restituti ad eundem terminum, in quo hæserat & a quo continuo motu progressivo recedebat. Non jam nobis de eo quæstio est, num hæc recte sumantur; sed quid ex iis, quæ sumuntur, sequatur. Ponamus itaque Solem hæcere in decimo gradu Scorpii, in quo eum hodie collocant Ephemerides. Quando Sol ad eundem gradum anno proximo rediturus; revolutio una absoluta. Atque adeo decimus Scorpii gradus erit principium hujus revolutionis. Etsi autem demonstrare nequeas omnes revolutiones Solis hætenus absolutas, quocunque tandem posueris, ab hoc principio esse computandas: quoniam tamen restitutio ad idem orbitæ punctum concipi nequit, neque adeo revolutio una absoluta intelligitur, nisi sit aliquod in orbita punctum, in quo principium revolutionis statuatur; evidens est, quocunque tandem revolutiones & olim existisse,

& in posterum extituræ ponantur, admittendum esse in orbita aliquod punctum, quodcunque tandem illud fuerit, unde principium sumere revolutiones omnes præteritæ & sument omnes olim futuræ. Neque est quod excipias, istiusmodi principio opus non esse in revolutionibus innumeris, quos requirit progressus in infinitum. Revolutio enim finito tempore absolvenda, cum alias non rediret, quod adfuerat (§. 471.), nec series causarum ad eum terminum restitueretur, quemadmodum vult revolutio (§. 472.), per hoc non variatur, quo sine fine ponatur. Sive enim semel, sive multoties, sive infinities ponatur, eadem semper manet. Quamobrem cum unam revolutionem concipere non liceat sine principio, unde incipit, nec in infinitum iterata sine principio, unde initium capit, concipi poterit. Habet se revolutio una per modum unitatis, quæ per hoc minime mutatur, quod additione in infinitum continuata prodeat numerus infinitus, quemadmodum finita additione finitus (§. 340. *Ontol.*). Quodsi enim numerum infinitum dicere volueris, eandem unitatem, cujus finita additione procreantur numeri singuli (§. *cit. Ontol.*), in infinitum addi dicis, nec est qui somniet, per hoc mutari unitatem, quod infinities addatur. Quemadmodum peripheria circuli vel alterius cujuscunque lineæ in se redeuntis in lineam rectam extenditur & in eandem extensa principium habet, quod cum fine coincidit, ubi recta in lineam in se redeuntem incurvatur; ita series rerum successivarum in qualibet revolutione progressus circularis in infinitum æquivaleret seriei in lineâ rectâ progrediendi, quæ & principium habet, & finem: sed quia iterum incipit, ubi finitur, a fine semper reditur ad principium & quidem continuo ab eodem ad idem. Patet idem evidentiſſime in exemplo ante proposito. Si initium revolutionis Solis capiamus a decimo gradu Scorpîi, eumque per hoc temporis spatium, intra quod adeundem gradum restitueretur, in lineâ rectâ progredi ponamus intra hoc temporis intervallum rectam describeret orbitæ suæ æqualem, quam utrinque esse debet terminatam & a decimo gradu Scorpîi incipere nemo non videt. Quodsi

vero.

vero jam hæc recta incurvetur in eam perimetrum, quam habet orbita Solis; punctum extremum, in quo constituitur tempore unius revolutionis præterlapso, coincidit cum principio gradus decimi Scorpii. Atque adeo motus per orbitam in se redeuntem æquivaleret morui per lineam rectam utrinque terminatam. Idem adeo quoque dicendum est de serie rerum successivarum in hypothesi progressus circularis in infinitum, quod scilicet quælibet revolutio æquivaleret progressui rectilineo eodem temporis intervallo absolvendo, quo una duratio durat, & idem habeat principium, quod haberet, si nullæ forent revolutiones, sed tempore unius revolutionis præterlapso finiretur. Cum in progressu circulari in infinitum nescio quod præsidium sibi reperisse visi sint veteres philosophi ad tuendam mundi æternitatem & aseitatem; necesse est clarissime agnosci, qualis sit, ne per præcipitantiam de eo iudices. Quamobrem superfluum videri haud debet, quod omnes ingenii nervos in id intendamus, ut, quæ ferat ejus notio, distincte intelligatur.

§. 475.

Progressus circularis in infinitum independens dicitur, *Progressus* si ratio ejus in ipsa causarum serie sufficiens continetur, *circularis* cur continuo revolvatur. Ast *dependentem* appellamus, si *in infinitum* continuæ revolutionis ratio quærenda in ente alio extra *differentia*. causarum seriem constituto.

Divisio hæc progressus circularis in infinitum conveniens est notioni dependentiæ ac independentiæ, ut adeo ex eadem demonstrari possit, siquidem velis. Erenim ens unum A dependet ab altero B, quatenus ejus, quod ipsi A inexistit, ratio in hoc altero B continetur: ast A independens est ab ipso B, quatenus ejus, quod ipsi tribuitur, ratio extra ipsum in alio B non continetur (§. 851. *Ontol.*). Quamobrem si ratio continuæ revolutionis, quæ obtinet in progressu circulari in infinitum (§. 473.), in ipso causarum serie continetur; erit is omnino independens ab ente alio extra seriem constituto: ast si ratio in ente alio extra seriem constituto apprehenditur, ab ipso hoc ente dependet.

§. 476.

§. 476.

Status primi novæ revolutionis de- *In qualibet revolutione progressus circularis independentis*
pendentia ab *status ultimus continere debet rationem sufficientem status primi*
nterms ante- *novæ revolutionis.* Etenim in progressu circulari status pri-
rioris. mus novæ revolutionis sequitur ultimum in revelatione
 anteriore, cum restitutio fiat ad eundem terminum, a
 quo receditur (§. 472.), consequenter ad principium,
 unde incipit revolutio (§. 474.). Quamobrem cum ni-
 hil fiat sine ratione sufficiente, cur potius sit, quam non
 sit (§. 70. *Ontol.*); necesse quoque, est ut detur ratio suf-
 ficiens, cur status primus novæ revolutionis sequatur ul-
 timum anterioris. Quoniam itaque ratio continuatæ
 revolutionis, si progressus circularis sit independens, in ipsa
 serie successorum continetur (§. 475.); necesse est in
 statu ultimo revolutionis datæ contineri rationem suffici-
 entem status primi novæ revolutionis.

Quodsi ponamus, quemadmodum nonnullis visum est,
 (neque enim exemplorum requiritur veritas) Solem vi infi-
 ta revolvi in orbita sua, adeoque independentem ab ente al-
 lio: ratio sufficiens in statu ultimo, quo finitur revolutio,
 continetur, cur nova incipiat. Ponamus enim novam cir-
 culationis revolutionem incipere in principio Arietis: fini-
 tur adeo anterior in gradu ultimo Piscium. Jam primus
 gradus Arietis conterminus est ultimo gradui piscium, prin-
 cipio Arietis cum fine piscium coincidente. Quoniam ita-
 que Sol hærens in ultimo gradu Piscium continuo progre-
 ditur; fieri non potest, quin ad principium Arietis tandem
 appellat. Insunt adeo statui ultimo in revolutione data,
 per quæ intelligitur, cur ex eo sequatur primus novæ revo-
 lutionis, scilicet quod Sol, qui hæserat in gradu Piscium ul-
 timo, constituatur in principio Arietis. Atque adeo patet
 in statu ultimo revolutionis datæ contineri rationem suffi-
 cientem status primi novæ revolutionis, unde ea incipit.
 Atque

Atque ita status primus novæ revolutionis continuo dependet a statu ultimo anterioris (§. 851. *Ontol.*). Quodsi progressus circularis esset dependens; ratio, cur status primus iterum adsit, ubi ultimus revolutionis anterioris advenerat, dari potest in ente alio extra seriem rerum continuo sibimet invicem succedentium (§. 475.).

§. 477.

Si datur progressus circularis independens in rerum natura, effectus ultimus in una revolutione sit causa causæ primæ in revolutione sequente. Etenim in serie successivorum, *mutatio* quæ sunt contingentia (§. 80. *Cosmol.*), ea a se invicem *mutatio* in pro-
dependunt ut effectus a sua causa (§. 83. *Cosmol.*). Quam-*gressu* gressu circu-
obrem cum in progressu circulari independente status *lari*,
ultimus in una revolutione contineat rationem sufficien-
tem status primi in sequente (§. 476.), adeoque status
primus novæ revolutionis a statu ultimo anterioris depen-
deat (§. 851. *Ontol.*); si datur in rerum natura progressus
circularis independens, effectus ultimus in una revolutione
fit causa causæ primæ in revolutione sequente.

Cave tamen ut hinc inferas contra atheum disputaturus, quod ideo ultima scæmina iterum pariât primum hominem, adeoque filia parentem. Qui enim revolutiones admitunt, mutationes extraordinarias in corporibus mundi totalibus tuentur, quemadmodum ex Stoicorum veterum placitis constat, veluti si in hypothesi Cosmogoniæ *Carte-
siana* planetæ in fixas, fixæ in planetas muntatur. Quam-
obrem etsi concedant, in præsentē Telluris statu homines & animalia non produci nisi per generationem; vi tamen suarum hypotheseum admittere tenentur, quod in transmutatione fixæ in planetam, seu reductionis ejus status, in quo nunc Tellus est, alius esse debeat modus, quo homines & animalia ex organico præexistente prodeant, quam qui jam
(*Wolffii Theol. Nat. Pars II.*)

obtinere, hoc est, a generatione diversus. Hinc puto enatam esse opinionem veteribus quibusdam philosophis tributam, quod homines & animalia fungorum instar ex terra procreverint, non quod tam absurda & ab omni ratione aliena statuerint, sed quod ab adversariis ipsis imputata fuerit hæc sententia, cum modum definire non possent, quomodo primi homines & animalia prima prodierint abique generatione, qualem per hypothesein suam dari debere contendebant. Hæc vero a nobis eo fine annotantur, ne cum atheis in arenam descensuri immergamur disceptationibus, exitum minime habituris, cum exceptiones demonstrativa ratione elidere non detur, quæ tamen sua sponte evanescent, ubi hypotheses, unde manant, everteris. Incauta contra atheos disputatio magis nocet, quam prodest. Ut vero cauta sit, necesse est certo constare, quinam cum hypothesis impia necessario connectantur errores, eversa eadem sponte in auram abituri. Ubi adeo facilius est hypothesein evertere, ut cadant errores ex ea propullulantes, quam errores refutare, ut hypotheseos inde inferatur falsitas; illud utique faciendum, hoc minime, nisi te incautum præbere volueris. Qui systema falsum refutare decrevit, id ante penitus perspectum habere debet, quam animum ad refutationem appellat, nisi omni conatu suo nihil agere, immo errantem in errore suo confirmare voluerit. Atque ea de causa demonstrativa ratione deducimus, quæ ex hypothesis athei consequuntur, ut systemate atheistico penitus perspecto appareat, quomodo in eo eradicando sit procedendum. Utinam hoc perpenderent, qui aliena impugnando inclarescere student, ne incauti famæ, ad cujus celebritatem contendunt, stigma inurant, & haud raro apud posteros nonnisi instar *Heroftrati* inclarescant.

§. 478.

*Qualem
progressum
circularem
admittere*

In hypothesis athei non habet locum nisi progressus circularis in infinitum independens. Etenim atheus mundum independentem facit ab omni ente alio, quod ab ipso diversum

versum (§. 439.), consequenter in eodem nihil admittere *teneatur* potest, cujus ratio in ente quodam alio ab ipso diverso *athens.* continetur (§. 851. *Ontol.*). Quamobrem si in serie successivorum, quæ datur in hoc mundo adspectabili (§. 55. *Cosmol.*), admittit progressum circulem in infinitum, cum in eodem contineantur innumeræ sine fine revolutiones (§. 473.), negare utique tenetur, rationem revolutionis continuæ esse quærendam in ente alio extra causarum seriem constituto, adeoque a mundo diverso; consequenter quia nihil sine ratione esse potest, cur scilicet potius sit quam non sit (§. 70. *Ontol.*), admittere tenetur, rationem sufficientem continuæ revolutionis in ipsa causarum serie contineri. Quamobrem cum progressus circularis in infinitum dependens sit, si ratio revolutionis continuæ in ente alio extra causarum seriem constituto quærenda, independens vero, si in ipsa causarum serie contineatur (§. 475.); evidens est in hypothesi athei non habere locum nisi progressum circulem in infinitum independentem.

Quodsi atheum eo adduxeris, ut progressum circulem in infinitum dependentem admittat; haud difficulter ipsum convinceris, dari Deum, mundi hujus autorem, modo methodi fueris gnarus, & atheus ad convincendum sit idoneus (§. 994. *Log.*) eamque afferat ad demonstrationem attentionem, sine qua convictioni non datur locus (§. 998. *Log.*). Quodsi vero discrimine nullo inter progressum circulem in infinitum dependentem ac independentem facto contra eum disputare volueris, quæ tibi videntur vel ex male intellecta hypothesi impia finguntur absurda, in hypothesi sua pro talibus non habebit, adeoque contra eum nihil proficies.

§. 479.

*Impossibili-
tas progres-
sus circula-
ris indepen-
dentis in in-
finitum.*

*Progressus circularis in infinitum independens est im-
possibilis.* Etenim in progressu circulari sive finito, sive
infinito admittendum est aliquod principium, unde revo-
lutiones singulæ incipiunt (§. 474.). Ponamus jam in se-
rie circulante successiva esse A, B, C, D, E, F, G.
Quoniam in serie successivorum omnia connectuntur, hic
per hypothesis; in mundo adspectabili per alibi demonstra-
ta (§. 54. *Cosmol.*), quæ autem connectuntur, eorum u-
num continet rationem sufficientem successionis alterius
(§. 10. *Cosmol.*); in A contineri debet ratio, cur sequatur
B; in B, cur C; in C, cur D; in D, cur E; in E, cur
F; in F, cur G; in G, cur A sequatur, sive ad actum
perducatur. Perinde igitur est, sive A sumatur pro pri-
mo in serie, sive B, sive C, sive quodcunque aliud in ea
contentum. Principium itaque, unde revolutiones inci-
piunt rationem sufficientem in ipsa serie circulantium
non habet. Quamobrem independens esse nequit (§. 475.).
Patet adeo progressum circulaarem in infinitum indepen-
dentem esse impossibilem (§. 81. *Ontol.*).

Non est, quod excipias, inesse quidpiam revolutionis
statui uni A, quo a ceteris omnibus differt, atque adeo eun-
dem accipiendum esse pro principio revolutionis. Neque
enim jam quaeritur, quidnam cum ratione pro principio
revolutionis sumi possit, ubi earundem numerandarum
gratia pro arbitrio tuo aliquod statuere teneris; sed quod-
nam id sit, unde revera inceperint revolutiones & num
hoc ipsum per ea, quæ insunt seriei circulanti, ita deter-
minetur, ut nonnisi eodem admissio circulationis continua-
tio concipi nequeat. Demus itaque statum A differre a ce-
teris omnibus, atque adeo si pro arbitrio statuendum sit a-
liquod principium, eundem pro principio cum ratione su-
mi: quoniam tamen hic ipse status A rationem sufficien-
tem habet in statu A, ut per eum in actu ponatur (§. 118.

Ontol.),

Ontol.), quemadmodum alius quicumque *E* in proxime antecedente *D* rationem sufficientem habet ac per ipsum ponitur; circulatio non minus continuabitur, si a *D* inceperit, quam si ab *A* initium sumserit. Si igitur nonnisi circulationem per se spectes, ratio sufficiens nulla est, cur ejus initium potius *A*, quam *D* esse debeat. Ut dicta facilius intelligantur, exemplo aliquo eadem illustrare lubet. Sol continuo revolvitur in Ecliptica, aut, si mavis, in plano Eclipticæ. Sive principium revolutionum statuas in decimo gradu Scorpii, sive in alio quocunque gradu Eclipticæ: revolutione semper intelligitur possibilis. Secat Ecliptica æquatorem in $\circ \gamma$ & $\circ \alpha$ & in nostra Zona mediam distantiam a vertice habet inter maximam & minimam in meridie. Quamobrem ubi nos Zonam temperatam borealem inhabitantes principium aliquod revolutionum pro arbitrio statuere debemus: id rectius figi in $\circ \gamma$ vel α , quam in decimo gradu Scorpii, aut alio quocunque gradu alterius cujuscunque signi facile conceditur. A principio Libræ Sol infra æquatorem descendens & a vertice nostro in meridie continuo recedens atque arcus diurnos super horizonte nostro continuo minores describens interitum quasi Zonæ nostræ minatur, ut hominum atque animalium habitaculum subsistere non posse videatur. At quando a principio Arietis supra æquatorem ascendit, ad verticem nostrum in meridie continuo appropinquans atque arcus diurnos super horizonte nostro continuo majores describens statum illum reducit & aliquandiu conservat, qui Zonam nostram ab hominibus & animalibus habitabilem efficit. Quodsi ergo nobis, qui in Zona temperata boreali habitamus, principium aliquod revolutionum Solis in Ecliptica determinandum; non sine ratione id potius in $\circ \gamma$, quam in $\circ \alpha$ figemus, quemadmodum in Zona temperata australi ratio magis militat pro principio Libræ, quam Arietis. Equis vero est, qui non videat, quæstionem hic non esse de eo, quodnam statui debeat principium revolutionum Solis in Ecliptica, ut continuatio intelligatur possibilis, sed ut revolutiones omnes, quotquot hæcenus ab-

solutæ fuerint, sint illæ unitates, per quas constituitur eandem numerus (§. 340. *Ontol.*), sive eundem finitum, sive infinitum ponere volueris. Sane si agnosceis, a creatione mundi tempus finitum elapsum esse, nil repugnat, quominus prima revolutio principium habuerit in decimo Scorpîi gradu, &, ubi has revolutiones retro in infinitum multiplicare volueris (quod num fieri possit, in præsentî non disquirimus), hoc ipso in singulis revolutionibus nil immutabitur, adeoque manere debet idem earum principium, quod adesse debere agnoscimus, siquidem numerus earum non statuitur, nisi infinitus. Quemadmodum nimirum numerus finitus prodit, si unitatis continuæ additio terminatur, ita infinitus emergere fingitur ex continuata sine fine ejusdem unitatis additione. Nihil adeo in unitate variatur per hoc, quod continuo replicetur, sive ista replicatio terminetur, sive sine fine fieri ponatur. Sicuti igitur in serie revolutionum terminata revolutio prima principium aliquod habere debet, quod commune est revolutionibus singulis, hoc vero principium in ipsa revolutione rationem sufficientem habere nequit; ita simpliciter in dubium revocari nequit, hoc ipsum principium permanere, nec rationem sufficientem in ipsa serie habere posse etiamsi eadem revolutio sine fine replicari debere contendatur. Satis igitur intelligitur, progressum circularem in infinitum independentem involvere, quod rationem sufficientem in ipsa serie circumstantium minime habet, consequenter cum nec in ente alio extra seriem constituto habere possit (§. 475.), principio rationis sufficientis repugnare, atque adeo quoad actualitatem suam contradictionem involvere, & idcirco pro impossibili pronuntiandum esse, ut detur. Et si autem hoc pacto tantummodo evictum videretur, progressum circularem in infinitum a parte ante impossibilem esse, independentem ponatur; id tamen sufficit, si vel maxime concedatur ut pro impossibili habendus. Atheus enim non alium admittit progressum circularem, quam qui retro continuatus infinitus est, eumque independentem facit (§. 467. 478.). Neque vero omnino verum est, progressum circularem in infinitum

finitum per ea, quæ evicimus, nonnisi a parte ante quoad actualitatem suam involvere contradictionem: cum enim involvant singulæ in se spectatæ, adeoque nec finities, nec infinities replicari possunt, etiam ubi id spectatur a parte post.

§. 480.

Nullum ens finitum est ens a se. Etenim ens finitum *Ascitas enti* successive alios aliosque status habere potest, non vero *finito repu-* omnes simul (§. 334. *Ontol.*), atque adeo si existit, datur *gnans.* in eodem successorum quædam series. Ponamus itaque, si fieri potest, ens finitum esse ens a se. Quoniam adeo nullum existendi initium (§. 35. *part. I. Theol. nat.*), finem nullum habet (§. 36. *part. I. Theol. nat.*); series illa successorum nec initium, nec finem habere potest, adeoque utrinque interminata est. Series rerum contingentium interminata, in qua nec primum datur, nec ultimum, progressus in infinitum est (§. 91. *Cosmol.*). Datur itaque in ente finito a se progressus in infinitum. Quamobrem cum progressus in infinitum omnis vel rectilineus sit, vel circularis (§. 92. *Cosmol.*); in ente finito a se, qui datur progressus, vel rectilineus esse debet, vel circularis. Enimvero progressus in infinitum rectilineus impossibilis est (§. 93. *Cosmol.*). Qui ergo datur in ente finito a se progressus in infinitum, rectilineus esse nequit. Jam cum ens a se sit independens (§. 30. *part. I. Theol. nat.*); progressus in infinitum, qui datur in ente finito a se, independens esse debet, cumque vel rectilineus esse debeat, vel circularis *per demonstrata*, rectilineus autem esse nequeat, *idem per demonstrata*; erit progressus in infinitum circularis independens. Enimvero progressus in infinitum circularis independens impossibilis (§. 479.). In ente adeo finito a se progressus in infinitum circularis dari.

dari nequit. Patet itaque ens finitum ens a se esse non posse.

Idem jam superius ostendimus alio modo (§. 330.). Cum enim ibidem evicerimus ens omne finitum esse contingens, adeoque necessarium esse non posse (§. 311. *Ontol.*), ens autem a se necessarium sit ens (§. 33. *part. I. Theol. nat.*), quemadmodum ex altera in primis demonstratione intelligitur, ne quis arguatur propositionem male converti: eo ipso evidentum quoque est, ens finitum non esse ens a se. Quoniam tamen athei ad progressum in infinitum tanquam ad sacram quandam anchoram confugiunt; ex eodem impossibilitatem aseitatis entis finiti demonstrari non inconsumtum duximus.

§. 481.

Aseitatis elementis & animabus repugnans.

Elementa rerum materialium & animæ tam hominum, quam brutorum non sunt entia a se. Elementa enim rerum materialium entia finita sunt (§. 203. *Cosmol.*); animæ quoque humanæ substantiæ finitæ sunt (§. 264. *Psych. rat.*), & de animabus brutorum idem eodem prorsus modo, quo de humanis ostenditur. Quamobrem cum ens finitum a se esse nequeat (§. 480.); nec elementa rerum materialium cum animabus tam hominum, quam brutorum entia a se esse possunt.

Idem etiam ostenditur hoc modo. Unumquodque elementum continet seriem mutationum, quæ diversa est a serie alterius cujuscunque (§. 191. *Cosmol.*). Unaquæque etiam anima humana continet seriem perceptionum ac appetitionum atque aversionum, quæ diversa est a serie alterius cujuscunque animæ (§. 524. *Psych. rat.*), & eodem prorsus modo de animabus brutorum idem ostenditur, quo de humanis. Hic igitur eodem prorsus modo deducitur porro quemadmodum in precedente, nec elementa rerum materialium, nec animas brutorum esse entia a se.

Equi-

Equidem elementa rerum materialium non esse entia a se jam aliter ostendimus (§. 52. 756. *part. I. Theol. nat.*) & similiter idem de animabus evicimus (§. 59. *part. I. Theol. nat.*); immo etiam huc pertinet, quod elementa rerum materialium & animæ tam brutorum, quam hominum sint entia contingentia (§. 331.), quemadmodum ex iis intelligitur, quæ ad propositionem antecedentem annotavimus (§. 481.); ex adducta tamen ibidem ratione etiam intelligitur, cur ex progressu in infinitum colligi impossibilitatem aseitatis elementorum & animarum consultum sit.

§. 482.

Mundus hic adspectabilis ens a se esse nequit. Etenim *Aseitatis mundi huius adspectabili repugnans.* mundus hic adspectabilis prodit ex elementorum combinatione, juxta principium rationis sufficientis facta & junctis animabus corporibus hominum atque brutorum ex eadem combinatione resultantibus (§. 100.): id quod etiam ex eo patet, quod corpora non sint nisi substantiarum simplicium, hoc est, elementorum (§. 182. *Cosmol.*), aggregata (§. 176. *Cosmol.*), ex quibus mundus constat (§. 119. *Cosmol.*), nec elementa aliter combinari possint, ut prodeat idea mundi, nisi per principium rationis sufficientis (§. 316.). Quoniam itaque elementa rerum materialium & animæ tam hominum, quam brutorum entia a se non sunt (§. 481.); nec mundus hic adspectabilis ens a se esse potest.

Mundum hunc adspectabilem non esse ens a se jam ostendimus (§. 50. *part. I. Theol. nat.*). Et huc etiam pertinet, quod mundum non esse ens contingens supra, etiam independenter ab existentia Dei, demonstravimus (§. 332.). Contingentiam enim destruere aseitatem ex iis patet, quæ paulo ante annotavimus (*not.* §. 480.). Enimvero quæ ibidem adducta fuit ratio, cur consultum fuerit, etiam ex progressu in infinitum colligi impossibilitatem aseitatis entium finitorum; eadem quoque huc trahenda, ut intelligatur consultum esse

(*Wolffii Theol. Nat. Pars II.*) Mmm aseite-

seitatem mundi adspectabilis etiam tolli dependenter a progressu in infinitum. Ceterum præsens propositio etiam dependenter ab eodem progressu demonstrari potest hoc modo. Omnia corpora esse limitata, adeoque etiam finita (§. 173. *part. I. Theol. nat.*), nemo non concedit & exiis, quod mutationibus obnoxia observentur, vi definitionis entis finiti concluditur (§. 837. *Ontol.*). Quoniam itaque ens finitum nullum est ens a se (§. 480.); nec corpus ullum ens a se esse potest. Quamobrem cum mundus ex corporibus tanquam ex partibus constet (§. 119. *Cosmol.* & §. 341. *Ontol.*); mundus quoque ens a se esse nequit. Demonstrationem hanc addimus in eorum gratiam, qui elementorum theoriæ in Cosmologia traditam vel non capiunt, vel admittere nolunt.

§. 483.

*Atheismi
fundamen-
tum.*

Si mundus cum suis elementis & animabus hominum atque brutorum est ens a se, nullus datur Deus, mundi & elementorum ejus autor atque animarum. Cum enim ens a se rationem sufficientem existentiae suæ in essentia sua habeat (§. 31. *part. I. Theol. nat.*), si mundus cum suis elementis & animabus hominum atque brutorum est ens a se, mundus cum elementis & animæ tam brutorum, quam hominum rationem sufficientem existentiae suæ in essentia sua habent, consequenter eandem minime habent in ente alio ab ipsis diverso. Non igitur datur ens a mundo & elementis ejus atque animabus tam hominum, quam brutorum diversum, in quo ratio sufficiens existentiae mundi & elementorum ejusdem atque animarum tam hominum, quam brutorum continetur. Quamobrem cum Deus sit ens a se, in quo continetur ratio sufficiens existentiae hujus mundi adspectabilis & elementorum ejus atque animarum (§. 67. *part. I. Theol. nat.*), & hoc ipsum ens mundum & ipsa elementa rerum materialium fecerit (§. 758.

(§. 758. *part. I. Theol. nat.*), immo etiam animas tam hominum (§. 780. *part. I. Theol. nat.*), quam brutorum (§. 783. *part. I. Theol. nat.*), adeoque eorundem autor sit; si mundus cum suis elementis & animabus tam hominum, quam brutorum sit ens a se, nullus datur Deus, mundi & elementorum ejus atque animarum tam hominum, quam brutorum autor.

Superius jam ostendimus, quod atheus mundum habeat pro ente a se (§. 437.), hoc est, quod mundus sit ens a se, si non datur Deus: hic vero demonstratur, si mundus sit ens a se, non dari Deum, mundi autorem. Atheismus adeo cum aseitate mundi adeo arcte connectitur, ut posita mundi aseitate ponatur atheismus & posito vicissim atheismo ponatur aseitas mundi. Unde dubitari nequit, genuinum atheismi fundamentum esse mundi aseitatem, quemadmodum jam supra notavimus (*not. §. 447.*). Quodsi quaesiveris, utrum atheus neger dari Deum, quia sumit mundum cum suis elementis & animabus hominum atque brutorum esse ens a se; an affirmet, mundum cum suis elementis & animabus hominum atque brutorum esse ens a se, quia negat dari Deum: nemo non videt, utrumque fieri posse. Sunt enim rationes erroris multiplices, seu, quemadmodum vulgo loquimur, infinitæ, quarum nec in casu dato inire facile licet numerum, nec in genere numerus determinari potest, præsertim cum & magna sit ex parte subiecti in assensu eliciendo varietas. Sufficit itaque agnoscere, quod negato Deo admittenda sit mundi aseitas, & affirmata aseitate mundi, nullus sit ejus autor, qualem Deum veneramus.

§. 484.

Ens a se contingens esse nequit & nullum ens contingens Repugnat a se. Etenim ens a se rationem sufficientem existentia a se in essentia sua habet (§. 31. *part. I. Theol. nat.*). Quam & continobrem cum contingens esse nequeat, quod rationem sufficientem

ficientem existentiae suae in essentia sua habet (§. 310. *Ontol.*); ens a se contingens esse nequit. *Quod erat unum.*

Ex adverso nullum ens contingens rationem existentiae suae in essentia sua habet (§. 310. *Ontol.*). Quamobrem cum ens a se rationem existentiae sufficientem in essentia sua habeat (§. 31. *part. I. Theol. nat.*); ens nullum contingens a se esse potest. *Quod erat alterum.*

Propositionem praesentem ideo addere visum est, ut tanto clarius repugnantia aseitatis & contingentiae in oculos il-
lucescat, quoniam in praesenti argumento plurimum refert
nosse, quod posita aseitate tollatur contingentia & posita con-
tingentia tollatur aseitas, ut adeo perinde sit, five continen-
tiam mundi neget, five aseitatem affirmes.

§. 485.

*Cur atheis-
mus contra-
dictorius.*

Atheismus contradictionem involvit. In hypothese e-
nim athei mundus est ens a se (§. 437.). Enimvero mun-
dus adspectabilis non est ens a se (§. 50. *part. I. Theol. nat.*
& §. 332. 354. *it. §. 482. part. II. Theol. nat.*), nec ele-
menta rerum materialium, quibus aggregatis oriuntur
corpora mundum constituentia (§. 176. 182. 119. *Cosmol.*),
sunt entia a se (§. 52. 736. *part. I. Theol. nat.* & §. 331. 334.
it. §. 481. part. II. Theol. nat.): immo si concedatur, mun-
dum oriri ex atomis materialibus, vel materia uniformi
indivisa, nec dici potest, illas, vel hanc esse ens a se (§.
53. 54. *part. I. Theol. nat.*). In hypothese adeo athei affir-
mandum, quod negari debebat (§. 205. *Log.*). Quam-
obrem cum contradictio duabus contineatur propositioni-
bus, quarum una idem esse negatur, quodque altera af-
firmatur (§. 31. *Ontol.*); ex atheistica hypothese colligitur,
quod propositioni verae contradicit. Enimvero istud con-
tradictionem involvit, ex quo colligitur, quod proposi-
tioni

tioni alicui veræ contradicit (§. 46. *Ontol.*). Patet itaque atheismum involvere contradictionem.

Hinc patet, quomodo ad absurdum reducaturs atheus. Etenim vi hypotheseos impiæ admittere tenetur, mundum esse ens a se: immo dum negat existere Deum, mundi autorem (§. 411.), hoc in ipso affirmat, mundum esse a se. Quod si ergo ex principiis ab ipso concedendis, hoc est, independentes ab existentia Dei, auctoris mundi, demonstraveris, quemadmodum a nobis factum est locis citatis, mundum nullo modo haberi posse pro ente a se, sive eum spectes sub ea, qua nobis apparet forma; sive ad ea, unde pender, respicias, elementa nempe rerum materialium, vel etiam atomos materiales & massam uniformem (neque enim opus est, ut cum atheo de principiis essendi disputemus); demonstratione apogogica eum ad absurdum redegeisti (§. 553. *Log.*). Principia igitur, quæ dedimus cum in parte prima, tum in hac altera Theologiæ naturalis citra ambages atheismi absurditatem oculis subjiunt.

§. 486.

Impossibile est non dari Deum, mundi autorem. Etenim *Impossibile* si ponamus non dari Deum mundi autorem, cum atheismum non existens in negatione Dei auctoris mundi consistat (§. 411.), *sententia Dei* atheismum ponimus. Sed atheismus contradictionem involvit (§. 485.), consequenter si ponimus non dari Deum, quod contradictionem involvit, ponimus. Quamobrem cum impossibile sit, quod contradictionem involvit (§. 79. *Ontol.*); quod impossibile est, ponitur, si ponatur non dari Deum mundi autorem, seu, quod perinde est, non dari Deum mundi autorem impossibile est.

Idem cum hoc ostenditur. Si non datur Deus, mundus est ens necessarium (§. 442.), adeoque contingens esse nequit (§. 311. *Ontol.*). Mundus vero ens necessarium

- non est, sed contingens (§. 55. part. I. Theol. nat. & §. 332. part. II. Theol. nat.), etiamsi elementorum rationem sinul
- habeas (§. 56. part. I. Theol. nat. & §. 331. part. II. Theol. nat.), vel ei tantummodo idealem in animabus existentiam tribuas (§. 61. part. I. Theol. nat. & §. 331. part. II. Theol. nat.).
- Impossibile igitur est non dari Deum.

Patet adeo, si atheus convincatur contingentiae mundi & animarum nostrarum, sive realem mundi existentiam admittat, sive cum Idealistis ei tantummodo idealem in animabus hominum concedat (§. 36. *Psych. rat.*), cum hypotheseos impiæ, quæ Deum non dari ponit (§. 411.), absurditatem agnoscere tenere. Contingentia igitur mundi & animarum nostrarum adstructa evertitur atheismus, quemadmodum ædificium corrui fundamento subverso.

§. 487.

Impossibilitas demonstrationi non existentiæ divinæ.

Impossibile est ut demonstretur, non dari Deum, mundi autorem. Ponamus, si fieri potest, seu, ut alii loquuntur, per impossibile, atheum demonstrare posse hanc propositionem: Non datur Deus. Quoniam vera est propositio, quæ vel directe, vel per indirectum demonstrari potest (§. 544. 557. *Log.*); vera erit propositio: Non datur Deus, consequenter ei opposita affirmativa; Datur Deus, falsa (§. 512. *Log.*). Enimvero demonstrari potest dari Deum mundi autorem (§. 69. 67. part. I. Theol. nat. & §. 21. 350. part. II. Theol. nat.), consequenter propositio hæc: Datur Deus, mundi autor, vera est (§. 544. *Log.*). Quoniam itaque impossibile est, ut eadem propositio, datur Deus, mundi autor & vera sit, & simul falsa (§. 28. *Ontol.*); impossibile est, ut demonstretur, non dari Deum, mundi autorem.

Quæcunque igitur ad probandam impiam hypothesein atheus afferat argumenta, talia esse oportet, ut, si ad eam formam, quam demonstrationibus in Logica præscripsimus

mus (§. 551. & seqq. Log.), redigantur, defectu laborent, consequenter nullam ad convincendum vim habeant. Verendum adeo non est, ne proferat argumenta, quæ refutari non possint, aut contra Dei existentiam moveat objectiones insolubiles. Si enim insolubiles forent, firma niterentur demonstratione: id quod vi propositionis præsentis haudquam fieri potest. Equidem non nego, atheum proferre posse objectiones, quæ non a quovis facile solvi possunt: negotamen eas in se spectatas esse insolubiles. Concedo etiam eas solutu posse esse difficiles, ita ut, si a perito solvantur, solutionem non capiat atheus, nec capiant alii, qui atheismo dediti non sunt: Sed non concedo eas solutu esse impossibiles. Ut vero intelligatur, quid opus sit, ut solvantur, ne, vel pro insolubilibus habeantur, vel eas solvisse sibi videantur, qui solvendis pares non sunt; sequentem addere lubet propositionem.

§. 488.

Quodcunque argumentum contra existentiam Dei, mundi auctoris, profert Atheus, id in formam artis reductum vel vitio forma laboret, vel vitio materia necesse est, qualia sint atheorum argumenta. Etenim si argumentum ab atheo contra existentiam Dei, mundi auctoris, prolatum in formam artis reducitur, cum probare per id velit, non dari Deum mundi autorem (§. 411.), vel Syllogismus aut Syllogismorum inter se concatenatorum series prodit, quibus ex aliis tanquam notioribus colligitur propositio; non datur Deus (§. 496. Log.). Quodsi ergo idem non peccat in formam, nullus Syllogismorum regulis Logicis contrariatur (§. 635. Log.), & ipsa concatenatio eorundem talis est, qualem præscribit Logica (§. 492. Log.) & exempla Demonstrationum loquuntur (§. 551. 552. 553. Log.). Quodsi nec vitium materiæ adfuerit, præmissæ Syllogismorum omnes, quæ sumuntur, erunt

erunt veræ & quarum veritas jam fuit evicta, hoc est, vel definitiones, vel experientiæ indubitatae, vel axiomata, vel propositiones demonstratae (§ 567. 568. 572. *Log.*). Quoniam itaque demonstratio est syllogismorum concatenatio, in quibus non occurrunt nisi propositiones veræ loco præmissarum, hoc est, definitiones, experientiæ indubitatae, axiomata & propositiones jam antea demonstratae (§ 498. *Log.*); non dari Deum demonstrari potest. Enimvero impossibile est, ut demonstretur non dari Deum (§ 487.). Quamobrem fieri haudquaquam potest, ut, si argumentum ab atheo contra existentiam Dei prolatum in formam artis redigatur, nec vitio formæ laboret, nec falsas admittat præmissas, adeoque principis falsis non nitatur (§ 561. *Log.*), consequenter necesse est, ut vel vitio formæ laboret, vel falsa principia supponat.

Hinc intelligitur, quid factu opus sit, si objectiones athei contra existentiam Dei mundi autorem rite solvi ac refutari debeant. Pater etiam huic labori non esse parem, qui in demonstrando non fuerit versatus, vel ne quidem formæ demonstrationis genuinæ ideam animo comprehendit. Immo parum consultum est, ut, qui hocce præsidio destituuntur, causam Dei adversus atheos agere audeant: cum enim non proferant, quæ satisfaciunt, eos in errore nocuo confirmant potius, quam ut animos eorumdem ab eodem liberent. Non desunt exempla, quæ allegari poterant. Sed in nostra philosophia versatus ea facile dignoscet, atque adeo monendus est, ut sibi ab iisdem caveat. Qui vero cæci luscum venerantur Regem, iisdem surdis narratur fabula. Dolendum vero atheis de patronos præbere, qui magno servore debechantes boatu vincere volunt.

§. 489.

Atheitas mundi pre- aut ex eo, quod non detur Deus, infert mundum esse ens a se. Etenim
Atheus precario sumit mundum esse ens a se. a se

a se (§. 437.), aut ex aseitate mundi colligit non dari Deum, *cario asser-*
mundi autorem (§. 483.). Quoniam impossibile, est ut de- *et ab atheo.*
 monstretur, non dari Deum (§. 787.); hoc ipsum sumi-
 tur gratis, live precario contra manifestam demonstratio-
 nem (§. 68. 69. *part. I. Theol. nat.*), consequenter ex prin-
 cipio precario infertur, mundum esse ens a se, manifesto
 errore (§. 626. *Log.*). Perinde igitur est, ac si ipsa mun-
 di aseitas precario sumeretur. Quodsi ex aseitate mundi
 infert non dari Deum, mundum esse ens a se sumit,
 quia probare nescit, eum a se non esse, etsi demonstrari
 possit (§. 50. 51. & *seqq. part. I. Theol. nat. & §. 332. 484.*
et. §. 482. part. II. Theol. nat.). Mundi igitur aseitatem
 denuo nonnisi precario sumit. Patet itaque atheum in
 utroque casu convinci posse, quod mundum esse ens a se
 precario sumat.

Apparet adeo, quomodo tum per ea, quæ in systemate
 demonstrantur, tum per ea, quæ in hac parte secunda Theo-
 logiæ naturalis evincuntur, fundamentum atheismi subver-
 tatur. Atque ea ratio est, cur in systemate ex mundi con-
 tingentia, qua aseitas ejus tollitur (§. 484.), demonstraveri-
 mus dari Deum. Etenim Theologia naturalis obfirmare
 animum, ne in atheismum præcipites demur, & atheos in
 viam reducere debet, quorum hac labe jam infectus est ani-
 mus. Nemo igitur non confitebitur prodesse plurimum,
 si atheismi fundamento destructo ad existentiam Dei stabi-
 liendam progrediamur.

§. 490.

Destructa aseitate mundi corrumpit ejus indepen- *Quanam*
dentia, ortus ac interitus impossibilitas, existentia per eum aseita-
essentiam & subsistentia per vim propriam. Etenim in te mundi
 hypothesei athei ex eo, quod mundus habetur pro ente *corrumpit.*
 a se, infertur, eum non dependere ab alio ente, quod
 (*Wolffii Theol. Nat. Pars II.*) Non ab

ab ipso diversum (§. 439.), cum non potuisse oriri, nec interire posse (§. 443.), cum rationem sufficientem existentiae in essentia sua habere (§. 441.), cum non indigere vi alterius ad existendum, sed sibimetipsi ad id sufficere (§. 448.). Destructa igitur aseitatem mundi, corrui mundi independentia, & ortus ac interitus impossibilitas, & existentia per essentiam, & subsistentia per vim propriam.

Vides adeo, non opus esse, ut refuteretur, mundum non dependere ab ente alio, quod ab ipso diversum, eum non esse ortum, nec interire posse, eum rationem existentiae sufficientem in essentia sua habere, nec ad existendum vi entis alterius indigere, sed sibimetipsi ad hoc sufficere. Quamprimum enim ostenderis, mundum cum suis elementis, & animabus non esse ens a se; omnes isti errores sua sponte in auram abeunt. Ubi atheus veritatis convictus negare nequit, repugnare, quod mundus sit ens a se; de mundo removere tenetur, quaecunque enti a se conveniunt, & ob aseitatem mundi assertam huic tribuuntur. Sua igitur sponte agnoscit, ea, quæ de ente a se ex notione ejus deducuntur in systemate, perperam applicari ad mundum, sive ad elementa rerum materialium recurrat, sive eo usque non progrediat.

§. 491.

Quomodo atheus dubius de miraculorum impossibilitate & eventuum in rerum natura reddatur absoluta necessitate dubitare tenetur. Etenim Atheus miracula in numerum impossibilium refert, quia mundum facit independentem ab omni ente alio (§. 450.). Idem defendit absolutam eventuum in rerum natura necessitatem, quia in ejus hypothese mundus non dependet ab ente quodam alio ab ipso diverso (§. 454.). Ita igitur argumentatur: Si mundus non dependet ab ente alio & a se diverso, miracula sunt impossibilia & eventus in re-

rum natura absolute necessarii. Sed mundus non dependet ab ente alio a se diverso. Ergo miracula sunt impossibilia & eventus in rerum natura absolute necessarii. Quodsi ergo convincatur dependentiæ mundi ab ente alio a se diverso, certus est antecedens poni non posse (§. 982. *Log.*); consequenter agnoscere tenetur nec poni posse consequens (§. 407. *Log.*). Enimvero cum sublato antecedente nondum tollatur consequens (*not. §. cit. Log.*); nondum certus est, utrum consequens verum sit, an falsum. Est itaque velit assensum præbere alteri contradictionis parti, adhuc tamen ignorat, utrum affirmare debeat, quod miracula sint possibilia & eventus in rerum natura ab absoluta necessitate liberi, an vero utrumque negandum sit. Quamobrem cum dubitet, qui, cum vult assensum præbere alteri contradictionis parti, ignorat, utrum cum affirmativæ, an negativæ præbere debeat (§. 417.); si atheus convincitur dependentiæ mundi ab ente alio, de miraculorum impossibilitate & eventuum in rerum natura absoluta necessitate dubitare tenetur.

Videt nimirum atheus, per eam, quæ ipsi erat, rationem, quod mundum independentem fecerat ob omni ente alio ab ipso diverso, admitti non posse miraculorum impossibilitatem & eventum in rerum natura absolutam necessitatem; non tamen videt, annon ex alia ratione miracula sint impossibilia, eventusque in rerum natura absolute necessarii. Neque enim miracula possibilia sunt, quia mundus quoad existentiam dependet ab ente alio a se diverso, sed quia ab ente omnipotente dependet, quod possibilia omnia ad actum perducere valet, miraculum vero in eo corpore, in quo contingit, possibile (§. 363. *part. 1. Theol. nat.*). Similiter nexus rerum in universo, unde pendunt eventus in natura rerum, absoluta necessitate liber non est, quia mundus quoad existentiam dependet ab ente alio

a se diverso, sed quia quoad actualitatem dependet a libero Dei decreto, alique rerum nexus præter eum possibiles (§. 667. part. I. Theol. nat.). Quamdiu igitur destructa asciteate mundi ipsum non conviceris, nisi quod mundus dependeat quoad existentiam ab ente alio ab ipso diverso (§. 490.), nondum vero eundem eo adduxeris, ut miraculorum & nexuum diversorum possibilitatem ac entis illius, a quo dependet, omnipotentiam atque in decernendo libertatem agnoscat; nec ipsi certum esse potest, utrum miracula sint possibilia, an impossibilia; utrum eventus in rerum natura sint absolute necessarii an ab absoluta necessitate liberi. Ceterum ex demonstratione propositionis præsentis elucet, quem usum afferat Logica, ubi alios erroris sui convincere volueris, & quam facile inanem operam sumat in ea non satis versatus. Equidem lubens concedo fieri posse, ut atheus & ipse Logicæ non satis peritus, vel neglecta discussione accurata per præcipitantiam judicans manus det victas & miracula non esse impossibilia, nec eventus in rerum natura absolute necessarios fateatur; sed nego assensum esse firmum atque immortum & ab omnibus scrupulis exemptum: quin fieri potius posse contendo, ut agnoscat, se de possibilitate miraculorum & eventuum in rerum natura contingentia nondum esse certum, ac ideo mundi dependentia ab ente alio ipsi reddatur suspecta; unde facilis est, etsi non sine præcipitantia, in atheismum relapsus. Ecquis enim requisiverit ab atheo, ut sibi caveat ab omni præcipitantia, a qua alienus non est, qui eum erroris sui convincere voluerit?

§. 492.

Quomodo Si atheus convincitur, rationem sufficientem existentia
atheus agno- in essentia mundi non contineri, nec existentiam ejus neces-
scat existen- sariam admittere potest. Etenim si convincitur rationem
siam mundi sufficientem existentia in essentia mundi non contineri,
non esse ab- cum ens contingens sit, quod rationem sufficientem exi-
solute ne- stentia in essentia sua non habet (§. 310. Ontol.); mundum
cessariam. esse

esse ens contingens admittere tenetur. Enimvero ens contingens nonnisi contingenter existit (§. 316. *Ontol.*), consequenter ex parte ipsius non repugnat, ut non existat (§. 294. *Ontol.*). Quamobrem existentiam mundi absolute necessariam non esse agnoscere tenetur.

Probe notandum est, existentiam necessariam entis hic tantummodo considerari ex parte sui, non vero ex parte ejus, a quo ens in actualitate sua dependet. Etsi enim atheus agnoscat, mundo non convenire existentiam absolute necessariam ex parte sui, & fateatur, si mundus in se spectetur non repugnare, ut non existat, per se quippe ad existendum & non existendum indifferens; nondum tamen ideo agnoscit, actualitatem ejus ita dependere ab ente alio, ut ipsum non existere possibile sit. Constat nimirum, id tum demum eidem patere, ubi convictus fuerit, Deum libere creasse hunc mundum (§. 354.).

§. 493.

*Si atheus convicitur, existentiam absolute necessariam Quomodo mundo a se tribui non posse; de ejus aternitate & absoluta or-
dinis natura necessitate dubitare tenetur, nec, quod ejus fines ducatur in
dentur in rerum natura, negare potest.* Etenim atheus negat dubitatio-
mundum existere coepisse, quia existentiam ejus pro abso- nem de ater-
lute necessaria habet (§. 444.), ac ideo eum esse æternum nitate mun-
statuit (§. 446.), nec ordinem naturæ absolute necessarium di & absolu-
pronunciat, nisi quia mundo existentiam necessariam, ex ta ordinis
parte scilicet sui, tribuit (§. 451.). Quamobrem si con-natura ne-
vincitur existentiam absolute necessariam mundo a se tri- cessitate &
bui non posse; nec affirmare potest, quod mundus sit æ-ad agnitio-
ternus & ordo naturæ absolute necessarius. Enimvero nem finium
quoniam fieri potest, ut mundi aternitatem sive actualem sine ratione
sive possibilem (§. 447.) & necessitatem ordinis naturæ rejectorum.
defendat, qui atheus non est (§. 452.); missa impia hy-

pothesi nondum negare tenetur, quod mundus sit æternus & ordo naturæ absolute necessarius. Quamobrem cum de æternitate mundi & necessitate ordinis naturæ tantummodo dubitet, qui, ubi assensum alteri contradictionis parti præbere vult, ignorat, utrum affirmare debeat, mundum esse æternum & ordinem naturæ absolute necessarium, an idem negare teneatur (§. 417.); evidens est, quod atheus de æternitate mundi & absoluta ordinis naturæ necessitate dubitare teneatur, si convincitur, existentiam absolute necessariam mundo a se tribui posse.

Quod erat unum.

Similiter negat atheus dari fines in mundo seu rerum natura, quia mundo tuibuit existentiam absolute necessariam (§. 457.). Quamobrem si convincitur existentiam absolute necessariam mundo a se tribui non posse; nec negare potest, quod dentur fines in mundo seu rerum natura.

Quod erat alterum.

Apparet ex hactenus demonstratis, quantum efficiatur, si fundamentum atheismi, mundi nempe Aseitas, subvertatur, ut constet, ad quorumnam errorum agnitionem eum perduxerimus; cum enim non omnes errores, qui ex impia hypothesi necessario fluunt, sint istiusmodi, ut in eos incidere non possit, nisi atheus; nec fieri potest, ut fundamento atheismi subverso corruant simul ceteri ejus errores, quos admittere tenetur, quamdiu eidem deditus. Utile autem est constare, quosnam errores certo agnoscat atheus: & quinam tantummodo ipsi reddantur suspecti, ne rem omnem confecisse videamur, antequam consummata, & ne argumentis parum firmis atheismum impugnemus: quod posterius, nocere magis, quam prodesse, nemo diffitebitur, nisi qui hebetior fuerit, quam ut veritatem intimius perspicere valeat, vel suum patitur in re ardua desiderari acumen. Non autem nihili faciendum, si atheum in dubitationem

nionem de quibusdam erroribus adduxeris: cum enim jam sit indifferens ad utramvis contradictionis partem, rectius eum edocenti faciliorem ac benigniorem jam præbet aurem, quam ubi errori suo pertinaciter adhuc inhaeret.

§. 494.

*Errat atheus, dum mundum habet pro ente a se, eum-Errores
que independentem facit ab ente alio, quod ab ipso deiver-athei.
sum; dum rationem existentia sufficientem in essentia ejus
contentam esse pronunciat, eumque pro ente necessario habet;
dum nec ortum esse, nec interire posse statuit, eumque sibi-
metipsi ad existendum sufficere tuctur; dum miracula in nu-
merum impossibilium refert, ac natara ordinem necessarium
facit; dum eventus rerum absoluta necessitati subjecit, ne-
xum earum non agnoscens nisi absolute necessarium; dum fi-
nibus in mundo seu rerum natura nullum relinquit locum,
& providentiam divinam tollit, casui tribuens, qua ad
eam referuntur; dum denique progressum in infinitum re-
ctilineum ab utraque parte, vel circularem independentem
admittit. Demonstrari enim potest, adeoque verum est
(§. 544. 557. Log.), mundum cum elementis suis non es-
se ens a se (§. 55. part. I. Theol. nat. & §. 331. 332. part. II.
Theol. nat.), immo animam quoque ens a se non esse (§.
59. part. I. Theol. nat.). Mundum adspectabilem (§. 55.
part. I. Theol. nat. & §. 332. part. II. Theol. nat.) una cum
elementis & animabus non esse entia necessaria, sed con-
tingentia (§. 56. 61. part. I. Theol. nat. & §. 331. part. I.
Theol. nat.), consequenter rationem sufficientem existen-
tiae suae in essentia sua non habere (§. 310. Ontol.). Mun-
dus hic adspectabilis (§. 757. part. I. Theol. nat.) & ipsa
rerum materialium elementa facta sunt ab alio (§. 756.
part. I. Theol. nat.), nempe Deo (§. 758. part. I. Theol.
nat.*

nat.), qui mundum hunc adspēctabilem (§. 760. *part. I. Theol. nat. is.* §. 344. *part. I. Theol. nat.*), atque animas creavit (§. 780. 783. *part. I. Theol. nat.* & §. 338. *part. II. Theol. nat.*). Atque adeo mundus ortus est, nec sibi met-
 ipsi ad existendum sufficit, ideo a Deo conservandus (§. 843. *part. I. Theol. nat.* & §. 389. *part. II. Theol. nat.*). Idem
 a Deo annihilari (§. 863. *part. I. Theol. nat.* & §. 399. *part. II. Theol. nat.*), una cum animabus potest (§. 861. *part. I. Theol. nat.*). Miracula non modo in corporibus (§. 517. *Cosmol.*), atque animabus possibilia sunt (§. 72. *Psych. rat.*);
 verum etiam Deus ea facere potest, quotiescunque vult (§. 363. *part. I. Theol. nat.* & §. 348. *part. II. Theol. nat.*).
 Ordo naturæ a necessitate absoluta liber est (§. 561. *Cosmol. conf. not.* §. 761. *part. I. Theol. nat.*), ipseque rerum
 nexus, unde pendent eventus in rerum natura (§. 83. *Cosm.*),
 a necessitate absoluta exemptus (§. 667. *part. I. Theol. nat.*),
 sapientia & bonitate divina constitutus (§. 741. *part. I. Theol. nat.*). Deus hoc universum produxit propter ali-
 quem finem (§. 603. *part. I. Theol. nat.* & §. 358. *part. II. Theol. nat.*), ipsumque totum est plenum finibus a Deo
 intentis (§. 660. *part. I. Theol. nat.*), Datur providentia
 divina (§. 923. *part. I. Theol. nat.* & §. 404. *part. II. Theol. nat.*) & ex parte Dei nihil fit casu (§. 462.). Denique pro-
 gressus & rectilineus in infinitum a parte ante (§. 93. *Cosmol.* & §. 470. *part. II. Theol. nat.*), & circularis in-
 dependens impossibilis est (§. 479.). Patet itaque falsa esse,
 quæ atheus statuit, scilicet quod mundus sit ens a se
 (§. 437.), idemque independens ab ente alio ab ipso di-
 verso (§. 439.); quod rationem sufficientem existen-
 tiæ suæ in essentia sua habeat (§. 441.) atque ens ne-
 cessarium sit (§. 442.); quod nec ortus sit, nec interire
 possit (§. 443.) atque sibi metipsi ad existendum suffi-
 ciat

ciat (§. 448.); quod miracula sint impossibilia (§. 450.) ac naturæ ordo necessarius (§. 451.); quod eventus in rerum natura sint absolute necessarii (§. 454.), nec detur providentia divina (§. 463.), sed casui tribuenda sint, quæ ad eam referuntur (§. 464.); quod denique nulli dentur in rerum natura fines (§. 457.), & series rerum contineat vel progressum rectilineum, vel circularem independentem in infinitum (§. 467. 478.). Quoniam itaque errat, qui falsum pro vero habet (§. 623. *Log.*); atheus omnino errat, dum ea defendit, quæ ex hypothesi impia fluere demonstravimus & modo recensuimus.

In hujus propositionis demonstratione integrum systema atheismi refellitur. oppositis atheorum erroribus veritatibus contrariis, quæ partim in systemate, partim in hac altera Theologiæ naturalis parte demonstrata sunt. Quod si adeo nosse libuerit, quonam & quanto apparatu opus sit ad athei errores solide refutandos, demonstrationes illarum veritatum, ad quas hic provocamus, resolvendæ sunt in sua principia, quemadmodum alibi docuimus (§. 992. *Log.*): quod qui fecerit, abunde intelliget, non adeo facile esse atheismum refutare, quemadmodum videtur hominibus, qui causæ Dei adversus atheos defendendæ importune, ac illotis, quod dicitur, manibus sese ingerunt. Patet itaque non minus hanc alteram Theologiæ naturalis partem, quam systema in prima contentum atheismo funditus extirpando sufficere.

§. 495.

Destructa mundi aſcitate, in quorundam errorum agnitionem & de ceteris dubitationem adducitur atheus. Etenim scitatis summi sumit non dari Deum (§. 411.), admittere tenetur, blata. mundum esse ens a se (§. 437.): & ex adverso, si sumit mundum, cum suis scilicet elementis atque animabus, esse ens a se, concedere nequit, dari Deum, mundi & elementorum ejus ac animarum autorem (§. 438.).

(*Wolſii Theol. Nat. Pars II.*)

Ooo

Admiſſ-

Admissa autem aseitatem mundi, sive eam ex hypothese impia inferat, sive eandem tanquam hujus principium sumat, consequitur ejus independentia (§. 439.), ortus ac interitus impossibilitas (§. 443.), existentia per essentiam (§. 441.), subsistentia per vim propriam (§. 448.), impossibilitas miraculorum (§. 450.) & absoluta eventuum in rerum natura (§. 454.) nexusque rerum necessitas (§. 455.); existentia absolute necessaria (§. 442.), absoluta ordinis naturæ necessitas (§. 451.), finesque a rerum natura renoventur (§. 457.), in locum providentiæ divinæ casu surrogato (§. 464.). Enimvero destructa mundi aseitatem corrumpunt ejus independentia, ortus ac interitus impossibilitas, existentia per essentiam & subsistentia per vim propriam (§. 490.), nec existentia ejus absolute necessaria, ex parte scilicet sui, amplius admitti potest (§. 442.), adeoque ad horum errorum agnitionem deducitur atheus. Enimvero cum dependentiam mundi ab ente alio jam agnoscat, nec existentiam absolute necessariam eidem tribui posse fateri cogatur *per demonstrata*; de impossibilitate miraculorum & absoluta eventuum, consequenter & nexus rerum, unde horum actualitas pendet (§. 83. *Cosmol.*), de mundi æternitate & absoluta ordinis naturæ necessitate, & num fines a se recte arceantur ex rerum natura, consequenter casus in locum providentiæ divinæ surrogetur (§. 460. *part. II. Theol. nat.* & §. 899. 922. *part. I. Theol. nat.*), dubitare tenetur (§. 493.). Patet itaque mundi aseitatem destructa, atheum in quorundam errorum agnitionem & in dubitationem de ceteris adduci.

Nullam hic mentionem fecimus progressus in infinitum vel rectilinei, vel circularis, quorum alteruter in hypothese athei necessario locum habere debet (§. 467.). Patet autem hanc necessitatem niti principio, quod mundus ex-

istendi initium ac finem non habeat (§. 444. 445.). Cum igitur destructa aseitatem mundi, de ejus æternitate dubitare teneatur, quemadmodum ex demonstratione præsentis patet, consequenter num mundus existendi initium ac finem habeat (§. 39. *part. I. Theol. nat.*), quod de progressu circulari quoque dubitare debeat, impossibilitatem aseitatis mundi agnoscens, extra omnem dubitationis aleam positum. Enimvero cum intricata sit de progressu in infinitum disputatio (§. 468. *Esseqq.*), hic ipse tamen sua sponte cadit, quatenus atheismum involvit (§. 470. 478.), ubi veram de Deo cognitionem hauleris; eam seponi præstat, quoties cum atheo res est, cum minime obstat error, quo minus ad veritatis agnitionem perducatur. Quodsi tamen urgeat progressum circularem vel rectilineum in infinitum; satisficient ea, quæ de eodem in superioribus demonstrata sunt (§. 468. *Esseqq.*). Quodsi quis ad convincendum non fuerit idoneus (§. 994. *Log.*), vel convictioni repugnet (§. 998. *Log.*); facile largior, quod destructa mundi aseitatem in agnitionem errorum, qui cum eadem corrumpunt (§. 490.), non adducatur, nec de ceteris cum impia hypothesi connexis dubitet: Sed de eo in præsentem nobis non est quæstio, ubi ostenditur, quid fieri debeat, ubi convictioni datur locus, & quid veritati sit consentaneum, quemadmodum *Euclides* elementa Matheseos demonstraturus parum cordi habuit, num qui sint, qui demonstrationes capere non possint, ac ideo quæsitus a Ptolemæo Rege, annon faciliore via ad illorum cognitionem pertingi possit, respondit, non dari viam rectam ad scientiam.

§. 496.

Si atheus agnoscit mundum non esse ens a se, ad certam Quomodo Numinis cognitionem deducendus per demonstrationes in syste-atheus ad mate datas, vel in hac altera Theologia naturalis parte ex-certam Dei bibitas. Etenim si atheus agnoscit, mundum non esse ens cognitionem a se, systematis sui falsitatem ex parte certo perspicit, & perducatur. cetera nullo niti fundamento videt, ut dubitet, utrum

vera sint, an falsa (§. 495.). Quamobrem si ceteros quoque errores evidenter agnoscere debet, demonstrandæ ipsi sunt propositiones contrariæ (§. 1035. *Log.*): quæ cum systemati innexæ sint, quemadmodum earum demonstrationes in systemate, vel hac altera Theologiæ naturalis parte evolutæ, facta earum in principia analysi (§. 992. *Log.*), apparet; ex dubio certus evadere nequit, nisi systematis vim omnem animo complectatur. Cumque nondum norit, quale ens sit Deus, etsi agnoscat, falsum esse, quod nullus detur mundi autor, nec eorum habeat cognitionem, quæ de hoc mundi autore cognosci possunt, quæ vero de Deo, mundi autore, cognosci ex lumine rationis possunt, tum in systemate, tum maxima ex parte in hac altera Theologiæ naturalis parte demonstrantur; eorundem cognitionem certam sibi comparaturus, vel systema, vel alteram Theologiæ naturalis partem ea, quæ sufficit, attentione (§. 998. *Log.*), legere tenetur (§. 568. *Log.*). Ubi ergo atheus agnoscit, mundum non esse ens a se, adeoque dari aliud ab eodem diversum, ad certam Numinis agnitionem perducendus per demonstrationes in systemate datas, vel in hac altera Theologiæ naturalis parte exhibitas.

Foran objiciat quis, atheum ad certam Dei cognitionem perducì posse systematis, vel partis hujus alterius Theologiæ naturalis lectione, non eversa impia hypothesi, utpote quæ sua sponte cadit, ubi rectiora edoctus veritati victas dat manus. Non nego hoc fieri posse, nec desunt mihi exempla, quæ idem confirmant. Propterea tamen non concedo, utilitate sua carere, si quis ad agnitionem erroris sui primarii ante perducatur, & in dubitationem de aliis inde manentibus conjiciatur. Cum enim magnam esse constet vim præjudiciorum, quæ obstant, quo minus veritatem liquidam cernere liceat; consultum omnino est præjudicia eradicari, ut dissen-

discendi, non impugnandi animo ad demonstrationes de Deo perpendendas accedat. Accedit, quod dubitatio de iis, quæ pro certo se agnovisse arbitrabatur, incendat sciendi cupidinem, ne ipse eam in se desiderari patiatur attentionem, sine qua convictioni locus non est (§. 998. *Log.*).

§. 497.

Ex eo, quod mala physica & moralia dantur in mundo, inferri nequit, quod sit imperfectus, adeoque Deum, stentia mali ens perfectissimum, autorem habere nequeat. Etenim malum repugnet deum physicum & morale non obstat, quo minus in mundo, qui existit, major sit perfectio, quam in ceteris possible in actu a sibilibus (§. 550. *part. I. Theol. nat.*), nec mala physica in Deo, relatione ad mundum integrum mala sunt (§. 563. *part. I. Theol. nat.*), nec actiones malæ hominum, si physice spectentur, malæ sunt (§. 569. 572. *part. I. Theol. nat.*): immo mala tam physica, quam moralia faciunt, ut major sit in hoc universo perfectio, etsi ob eorum inexistentiam mundus non possit dici perfectior (§. 683. *not.* §. 689. *part. I. Theol. nat.*), bonis in mundo non dependentibus a malis, quatenus mala sunt, sed quatenus moralia sunt actiones physicae, physica autem causæ naturales (§. 689. *part. I. Theol. nat.*). Ex eo igitur, quod mala physica & moralia dantur in mundo, inferri nequit, quod sit imperfectus.

Malum vero physicum & morale seriei huic ita implicatur, ut eadem salva separari ab ea minime possit (§. 552. *part. I. Theol. nat.*) & , quamvis per miracula in casu quolibet singulari tolli possit (§. 553. *part. I. Theol. nat.*), eodem tamen sublato ex tota hac rerum serie, hæc ipsa rerum series permanere nequit omnium possible perfectissima (§. 556. *part. I. Theol. nat.*). Quamobrem ex

eo, quod mala physica & moralia dantur in mundo, inferri nequit, quod Deus eundem ejusdem perfectionis facere potuerit, ne dicam majoris absque malis physicis & moralibus.

Quoniam itaque ex inexistencia mali physici atque in mundo nec inferri potest, quod mundus sit imperfectus, nec quod Deus absque iis eum potuerit facere perfectiorem; evidens est, quod ex eo, quod dantur in mundo mala moralia & physica, minime consequatur, Deum ens perfectissimum (§. 14.), non posse esse ejus autorem.

Omni tempore mala physica & moralia, quæ in hoc mundo dari experientia quotidiana loquitur, ut de iis nemo dubitare unquam fuerit ausus, perturbarunt animos hominum & scrupulos eorum animis injecerunt, quasi obstant, quo minus ortum suum a Deo, ente perfectissimo, derivare possit mundus. Unde etiam est, quod jam olim athei malorum physicorum & moralium inexistenciam tanquam argumentum omnium fidelissimum, utpote quod insolubile visum, adversus existentiam Dei mundi autorem urserint. Existimant enim, si mundus factus sit a Deo, hic autem sit ens summe perfectum, cujus perfectione majorem concipi repugnat; eum esse debere opus perfectissimum, præsertim si demonstrandæ summæ perfectionis gratia mundum condidisse dicatur Deus, consequenter ab omni malo physico atque morali prorsus vacuum. Quoniam itaque mundus, in quo mala physica & moralia dantur, non loquatur talem artificem, qualis Deus esse debet, nec mundum hunc a Deo esse productum, consequenter non dari ens perfectissimum, quod sit mundi autor, quale Dei nomine indigitamus. Hæc perpendens animadvertet, atheos, quos turbat malorum in mundo existentia, supponere mundum absque malis physicis & moralibus esse perfectiorem & hunc ipsum, qui existit, mundum condidisse absque malis tum physicis, quam moralibus, consequenter

sequenter si daretur Deus, mundi autor, fieri non potuisse, quin mala physica & moralia ex hoc mundo sustulisset. Qui ergo concedunt, immo ipsimet acriter propugnant, mundum absque malis physicis & moralibus fore perfectiorem, immo eadem obstare, quo minus hic, qui existit, omnium possibilium perfectissimus, seu optimus dici possit, & Deum utique hunc mundum, quem condidit, absque malis tam physicis, quam moralibus facere potuisse, tuncque ipsum futurum fuisse perfectiorem; atheo largiuntur, quod vult. Quoniam itaque negare nequeunt, Deum demonstrandæ summæ suæ perfectionis, hoc est, Divinitatis suæ gratia produxisse hunc mundum; quicquid contra argumentationem athei excipiunt, adversus eum non valebit. Dudum igitur agnoscere acutiores, non concedendum esse atheis mala physica & moralia obstare summæ perfectioni, quæ in mundum aliquem, hoc est, seriem contingentium per modum causarum atque effectuum continuo a se invicem dependentium, cadere potest, nec ea salva ejus perfectione auferri potuisse. Unde & *D. Thomas* pro eo, quo pollebat in Theologia naturali acumine, principia hæc defendit, atque hisce armis causam Dei adversus atheos tuetur. Non disiteor, hæc ipsa principia esse intellectu difficiliora, nec in eorum numerum referenda, quorum per notiones confusas communes absque accurata discussione perspicitur veritas: qui tamen eorundem demonstrationes a nobis in systemate datas expendere voluerit ac potuerit, eorum veritatem, quin agnitus sit, nullus dubito. Insultum vero est, ne quid gravius dicam, si quis cum atheis facit & eorum principia sua facit, ut recte sentientes atheismi insimulare possit. Agnoscant vero, qui hoc faciunt, mala physica & moralia argumentum præbere atheis ad existentiam Numinis impugnandam, non quatenus optimarum rerum seriei ita implicantur, ut ab ea salva ejus perfectione tolli nequeant; sed quatenus eadem salva ab eadem adesse posse finguntur. Unde si ostenderis, quemadmodum a nobis factum in systemate, ea non obstare summæ seriei hujus rerum perfectioni, quin potius eadem salva ab eadem separa-

separari minime posse; erroris sui, quem vel tacite supponunt, vel expresse confitentur, redarguuntur. Non possum mihi temperare, quin recenscam lepidam fabellam, quam finxere nonnulli ad principia ista impugnanda, & ad probandum, ea recta via ad atheismum ducere. Ajunt nimirum juvenem vix viginti annos natum jam in atheismum incidisse, nec ulli veritati religionis Christianæ assensum præbere posse, quod in mundo tot ac tanta extent mala, in primis ab hominibus tot scelera, tot flagitia committantur, & hoc tamen non obstante a me asseratur, mundum hunc esse optimum. Talem enim mundum supponere debere autorem, qui sit causa mali, adeoque non Deum. Dicit non potest, quantum de hoc figmento sibi gratulentur, in quo se invenisse arbitrantur, non quod pueri in fabula. Immo hoc exemplum, si tale dici meretur, ipsis sufficere videtur ad universam meam philosophiam damnandam, quasi recta ad atheismum omnisque religionis contentum ducat. Sed risum teneatis amici! Equis enim est, qui nesciat, ab antiquissimis temporibus eos, quibus malorum physicorum & moralium in hac rerum serie inexistencia cum attributis divinis pugnare, visa est, de summa mundi hujus perfectione ne somnando quidem cogitasse, quin potius eidem illa repugnare sibi persuasisse? Absolum vero est aliis persuadere velle, quod, si mundo optimo insint mala physica & moralia, necessario sequatur non dari Deum, & ridiculum videbitur attestato juvenis, qui vix vigesimum ætatis annum attigit, consequentiam probare velle.

§. 498.

Mala moralia in mundo quæ, quod Deus sit causa peccati, adeoque mundus Deum, eius inexistencia omnium sanctissimum & justissimum, autorem habere nequeat. Etenim per limitationes originarias fieri potest, ut actiones hominis sint moraliter malæ (§. 897. part. I. Theol. nat. it. §. 289. part. II. Theol. nat.), & malum hoc per abusum libertatis in actiones hominis liberas irrepit

(§. 580.

(§. 580. *part. I. Theol. nat.*). Deus idem velle nequit §. 581. *part. I. Theol. nat.*), & mundum hunc non elegit ob malum morale, quod in eo existit (§. 582. *part. I. Theol. nat.*), neque ipsum intendit tanquam finem (§. 668. *part. I. Theol. nat.*), sed in idea mundi, quæ inest in intellectu ipsius, independenter a voluntate libera contentum (§. 292. *part. II. Theol. nat.*), tantummodo permittere decrevit (§. 585. *part. I. Theol. nat.*), nec ad actiones malas hominis concurrir, quatenus malæ sunt, sed quod malæ sint, ab homine habent (§. 883. *part. I. Theol. nat.*), neque etiam is ad abusum libertatis, qua abusum concurrir (§. 885. *part. I. Theol. nat.*). Cur igitur malum morale sit possibile, cur actu sequatur, per ea intelligitur, quæ homini insunt, nec quicquam ejus Deo tribuendum, consequenter ratio sufficiens mali moralis unice in homine continetur, nihil vero ejus in Deo (§. 56. *Ontol.*). Quamobrem cum causa mali moralis esse nequeat, in quo nihil prorsus rationis sufficientis actualitatis ejus continetur (§. 881. 874. *Ontol.*); evidens est, Deum causam mali moralis, quod datur in mundo, non esse. Falsum igitur est ex eo, quod malum morale detur in mundo, inferri posse, quod Deus sit ejus causa; unde porro cadit, ob inexistenciam mali moralis mundum non posse habere autorem sanctissimum & justissimum, præsertim cum nec permissio illius repugnet justitiæ divinæ (§. 1076. *part. I. Theol. nat.*), adeoque nec sanctitati (§. 1063. *part. I. Theol. nat.*).

Ab antiquissimis temporibus hoc argumento usi sunt athei ad existentiam Dei si non refutandam, saltem in dubium revocandam, quod Deus dicendus sit causa mali moralis, siquidem ponatur, eum esse mundi hujus autorem. Et nōdus hic multis insolubilis visus, ita ut constet non de-

(*Wolffii Theol. Nat. Part II.*) P p p fuisse

fuisse, qui eum secantes, cum de solutione desperarent, duo mundi principia admiscere, alterum bonum, alterum malum. Juvenis ille atheus, de quo modo dixi (*not.* §. 497.), tum demum Deum dicendum esse causam mali moralis arbitratur, si mundus, qui existit, sit optimus, & in eo ipsi assentiuntur, qui malevolo in me sunt animo. Mirum vero, quod non potius inferant cum atheis, mundum hunc non esse a Deo, cum summa ejus perfectio, quemadmodum ex systemate constat, probari non possit, nisi ex summa intellectus ac voluntatis Numinis perfectione. Juveni imperito condonandus erat hic lapsus, quid vero dicendum sit de viris, qui aliis doctiores & acutiores videri volunt, judicent alii. Sane si Deus dicendus sit causa peccati, quod in mundo etiam optimo, hoc est in serie rerum omnium perfectissima, malo morali locus sit; multo magis dicendus causa peccati, si, qui existit, mundus optimus non est, sed Deus seriem rerum ad actum producere potuit, quæ ab omni malo morali prorsus libera. Cum enim cognoscat omnia, quæ possibilia sunt (§. 155. *part. I. Theol. nat.*); ipsum fugere minime potuit, quod mundus absque malis physicis atque moralibus fieri possit. Et quoniam possibilia omnia ad actualitatem perducere potest (§. 343. *part. I. Theol. nat.*); mundum quoque absque malis facere potuit. Quare cum libere eundem creaverit (§. 354.): liberrima sua voluntate malum, quod ab eodem abesse poterat, in eundem invenit. Vides igitur, si mundus non sit optimus, qui existit, & a mundo optimo malum omne exulat; rationem, cur malum mundo insit & in eodem ad actum perducatur, tandem contingerit in Deo, consequenter Deum dicendum esse causam peccati. Atque ita argumentati sunt, qui ex malorum in hoc mundo inexistencia adversus existentiam Dei argumentum petiere. Refellitur autem hæc argumentatio, ubi ostenditur Deum elegisse mundum optimum & huic seriei rerum mala ita implicari, ut salva summa illius perfectione inde auferri nequeant. Inde enim porro conficitur, quod Deus salva sapientia sua præsentem rerum seriem a malis liberam reddere non potuerit: quemadmodum hæc omnia

omnia fufius & adeo clare in fystemate expoſuimus, ut nulum ſupereſſe poſſit dubium, quin Deus ſalva ſanctitate ſua mala permiferit. Neminem igitur ſanum movebit miſera illa juvenis athei argumentatio, quæ tantum pondus habet penes adverſarios. Unde cum ſabellam iſtam recenſerem, non ſine ratione adjeci: Riſum teneatis amici (§. not. §. 497.)

§. 499.

Ex eo, quod mala phyſica & moralia dantur in hoc Cur a malis mundo, inferri nequit, autorem ejus non poſſe eſſe ſapien-phyſicis & tiſſimum & ſumme bonum. Etenim Deus, qui fecit hunc moralibus mundum (§. 758. part. I. Theol. nat.), ſalva ſapientia ſua peti nequeat ſumma atque perfectiſſima mala phyſica & moralia tolle-argumen- re non potuit ex hac rerum ſerie (§. 676. part. I. Theol. ſum adver- nat.), abuſum quoque libertatis, quo malum morale ir- ſus bonita- xepit in actiones liberas (§. 580. part. I. Theol. nat.), ſa- tem & ſa- pientiſſime permittere decrevit (§. 714. part. I. Theol. pientiam au- nat.), ſalva ſapientia divina non impediendum (§. 715. toris mundi. part. I. Theol. nat.). Similiter ſalva bonitate ſumma, quæ ipſi eſt, facere potuit hominem, qui libertate ſua abuti poſſet, & quem eadem abuſurum prævidebat (§. 722. part. I. Theol. nat.), nec bonitati ejus repugnat, quod hominem in mala ruere ſinat (§. 725. part. I. Theol. nat.), immo eidem acceptum ferendum, ſi mala phyſica ipſi im- mittit, ut adverſus malum morale præmuniatur, vel ab eodem deſiſtat (§. 734. part. I. Theol. nat.), vel malum phyſicum minus immittit, ut eodem avertatur majus, & ſi permittit, ut malum morale minus committat, quo a majore avertatur (§. 735. part. I. Theol. nat.). Quamob- rem ex eo, quod dantur mala phyſica & moralia in hoc mundo, inferri nequit, autorem ejus non poſſe eſſe ſa- pientiſſimum & ſumme bonum.

Quibus mala negotium facessunt, iis maximi suboriuntur scrupuli quoad bonitatem divinam. Neque enim eidem convenire videtur, quod Deus tot malis locum fecerit in hoc mundo, quibus promiscue obnoxii sunt & pii, & impii. Unde negarunt alii providentiam tantummodo divinam, alii omnem dependentiam mundi a Deo, consequenter nec Deum ullum mundi autorem admisserunt athei facti (§. 411.). Hisce vero scrupulis satisfaciunt, quæ ex systemate hic citantur, modo eadem ita perceperis, quemadmodum in systemate continentur, nimirum ut veritatis fueris convictus per principia, in quæ iusta analysi resolvuntur demonstrationes (§. 992. *Log.*). Neque enim existimandum est, dubia, quæ angunt & assensum firmum impediunt, unico ictu prosterni posse, cum assensus nonnisi successive generetur (§. 993. *Log.*), quemadmodum in Horis Subsecivis A. 1729. *Trim. vern. num. 3.* me uberius exposuisse memini. Quodsi vero quis resolutionem istam instituire voluerit vel obiter, haud difficulter animadverteret, assensum hic vel maxime pendere a notione necessitatis essentiarum, ita ut idea confusa essentiarum arbitrariorum animo obversans eidem obster, non advertentibus illis, qui, ubi assentiri voluerint, repugnantiam quandam in seipsis experiuntur. Quamdiu enim substantias fingis tanquam subjecta vacua ad quaslibet determinationes intrinsecas recipiendas indifferentia, quas Deus pro arbitrio indat (quæ est communis notio deceptrix); multa videntur ut bonitati, sic ceteris attributis divinis repugnare, quæ minime repugnant. Quamobrem ad dispellendas tenebras præsentis plurimum lucis afferunt, quæ de origine idearum in intellectu divino, tanta claritate exposuimus in superioribus (§. 87. *Et seqq.*), quanta hætenus non factum ab aliis. Ceterum hic simul intelligitur, quam sit necesse, ut distinctas atheus habeat notiones attributorum divinorum, etsi eorum realitates absque demonstratione nondum agnoscat, ne consequentias inferat, quas illegitimas sua sponte iudicabit, ubi ad notiones genuinas attributorum divinorum animum advertit. Immo non minus necessarium apparet, ut, qui atheos

refu-

refutare voluerint, distinctis attributorum divinatorum notationibus instructi sint easque familiares experiantur, ne atheis largiantur, quæ negare tenebantur, & ex adverso negent, quæ concedenda erant, quemadmodum fieri solere ab iis, qui intempestive se alienis disputationibus immiscunt, quotidie pro dolor! experimur. Indè enim est, quod principia atheistica probent & pro armis venditent, quibus adversus atheos sit pugnandum; contraria vero, quibus hi vinci debebant, tanquam atheistica diffament, veritati adversantes, quam protegere videri volunt.

§. 500.

Atheus admittere tenetur differentiam inter actiones malas & bonas, quatenus moraliter spectantur, seu ex eo, quod moralis negat, dari Deum, inferre nequit, in actionibus hominum actionum in liberis nullum dari boni ac mali discrimen. Etenim actiones malæ internæ, quatenus moraliter spectantur, animæ athei admittam & ejus statum reddunt imperfectiorem (§. 574. part. I. tendæ. Theol. nat.), & malæ externæ, quatenus itidem moraliter spectantur, corpus & statum nostrum externum reddunt imperfectiõni obnoxium (§. 575. part. I. Theol. nat.), malumque morale per aliam rationem determinatur, quam perfectio hominis essentialis (§. 579. part. I. Theol. nat.). Quamobrem ex adverso actiones bonæ internæ, quatenus moraliter spectantur, animam & ejus statum perfectiorem reddunt, & similiter actiones bonæ externæ, quatenus spectantur moraliter, corpus statumque nostrum externum perfectiorem reddunt (§. 554. Psychol. empir.), cum naturalibus per easdem rationes finales utræque determinandæ (§. 914. part. I. Theol. nat.). Quoniam hæc differentia inter actiones malas & bonas, quatenus moraliter spectantur, demonstratur, immo & a posteriori agnoscitur, independenter ab existentia Dei ejusque attributis

P p p 3

butis; quin eam admittere teneatur, qui negat dari Deum, nemo non videt. Quamobrem et si atheus neget dari Deum (§. 411.); inter actiones tamen malas & bonas, quatenus moraliter spectantur, admittere tenetur differentiam, consequenter ex eo, quod negat dari Deum, inferre nequit, nullum esse discrimen inter actiones bonas atque malas, quatenus moraliter spectantur.

Propositionis præsentis veritas adeo manifesta, ut in dubium revocari non possit nisi ab eo, qui præjudiciis occæcatum possidet animum. Unde non mirum, quod ab omni ævo & a Philosophis, & a Theologis agnita atque defensa fuerit, donec nostro tempore hypothesi de indifferentismo morali invalescente quidam Protestantium in contrariam abierint sententiam, intrinseca actionum moralitate rejecta. Quod vero horum nonnulli eo usque progrediantur, ut illam defendentibus patrociniū atheismi exprobrent, ferendum omnino non est: equis enim non videt, eos non nisi nugari & in luce meridiana cæcutire velle?

§. 501.

*An atheus
necessario
actionibus
malis dele-
ctetur.*

Quoniam atheus admittere tenetur differentiam inter actiones malas & bonas, quatenus moraliter spectantur (§. 500.), quamprimum vero quid nobis repræsentamus tanquam bonum, id appetimus (§. 589. *Psych. empir.*), & ex adverso si quid nobis repræsentamus tanquam malum, id averſamur (§. 590. *Psych. empir.*); *atheus non necessario actionibus malis delectatur, & bonas omnes averſatur.*

Qui hinc denuo patrociniū atheismi inferunt, toto cælo aberrant. Neque enim ideo commendatur atheismus, quod negetur consequentia: Si non datur Deus, male vivendum, & ab omni actione bona abstinendum. Quin potius si hoc modo argumentetur atheus; erroris sui redarguitur per ea, quæ demonstrata sunt, ut. agnoscat se in atheismo

atheismo vitæ pessimæ patrociniū non reperire. Hinc & *Spinoza*, referente *Colero*, Theologo, in vita ejus, etsi famosissimus audiat atheus, vitam tamen vixit honestam, temperans, sorte sua contentus, justus erga alios & ad aliorum commoda promovenda pronus. Facile concedo, dari atheos, qui pessime vivunt, & vel ideo quævis sibi licere arbitrantur, quod nullum dari Deum arbitrentur: sed eos, nondum missa impia hypothesi in ruborem dari posse contendo, quod vitam pessimam vivant, a ratione omni alienam, quam ejurare nequeunt, etiam si in errore impio persistant.

§. 502.

Atheus theoreticus dicitur, qui verbis (sive mente *Differentia* conceptis, sive ore prolatis) negat dari Deum. At *Atheus athei theoreticus* appellatur, qui factis Deum dari negat, quem tamen *practicis* verbis profitetur. Negat autem factis dari Deum, si actiones ex habitu profluentes fuerint contrariæ iis, quarum motiva necessario sunt, vel esse possunt divina attributa.

Notio athei theoretici nihil habet difficultatis: sed ut notio athei practici accurate determinetur & intra suos cancellos coarctetur, non adeo facile est. Magna igitur circumspexione opus est, ne extra oleas evagemur. Non ob quasvis promiscue actiones malas atheorum practicorum numero illas patrantem accensere licet. Sane *David* adulterium commisit cum *Bathsaba* & maritum ejus e medio tolli curavit homicidii reus factus: nemo tamen diserit, eum fuisse atheum practicum. Similiter *Solomo*, ut pellicibus placeret, idola coluit: nemo tamen ideo eundem in numerum atheorum practicorum retulerit. Ad atheismum itaque practicum requirimus 1. ut actionum motiva esse nequeant attributa divina, sed potius eorum negatio motivum præbere possit; 2. ut actiones istæ ex habitu proveniant, adeoque agendi consuetudo contradicat agnitioni Numinis. Nos hic ab usu loquendi minime recedere, sed significatum eidem

con-

conformem ex vago fixum reddere, haud difficulter perspicitur. Atheus verbis negat dari Deum, quem theoreticum dicimus. Supponitur autem, verba esse animi sensis conformia: secus enim se atheum simulat, qui non est. Atheus practicus cum theoreticus non sit, concedere debet dari Deum. Nil igitur relinquitur, quam ut facta a verbis dissentiant, quemadmodum in homine, qui Deum, quem agnoscit, sincera mente colit, verborum & factorum observatur consensus. Attributa divina per modum motivorum influere posse in actiones hominis liberas, nemo negaverit, suoque loco uberius sumus demonstraturi. Enimvero cum actiones, quorum motiva esse possunt, immo debent attributa divina (§. 990. *part. I. Theol. nat.*), habeant etiam motiva alia, ab intrinseca nimirum honestate ac turpitudine desumpta, nec ab atheo neganda (§. 503.); non repugnat aliquem edere actiones, quarum motiva esse possunt attributa divina, ut tamen hisce non utatur. Ex nuda igitur illorum omissione inferri nequit, quod factis neget, quæ verbis affirmat, consequenter quod praxis & theoria sibi mutuo contradicant, utut ultro concedatur, praxin defectu applicationis maxima laborare imperfectione. Nihil igitur relinquitur nisi theoriæ & praxeos contrarietas, quæ atheismum practicum faciat. Contrariatur autem praxis theoriæ, si actiones fuerint tales, ut, si ad Deum referantur, motiva esse nequeant nisi eorum, quæ de Deo agnoscuntur, negationes, consequenter ut contrarietur actionibus, quarum motiva necessario sunt, vel saltem esse possunt ac debent attributa divina, seu quæ de Deo agnoscuntur. Quoniam nemo adeo bonus est, quin humani quid patiatur & per rationes extrinsecas singulares ad actionem quandam malam se adduci patiatur, quemadmodum paulo ante vidimus, Davidem in adulterium & homicidium, Solomonem in idololatriam ruentem, nec ideo atheorum practicum nomine diffamandos; necesse est ut is demum atheus practicus dicatur, cujus agendi consuetudo istiusmodi actionibus constituitur, consequenter ubi hæ actiones ex habitu proficiuntur. Immo cum facile fieri possit,

possit, ut quis vitio cuidam sit deditus, a quo se liberum mallet, cui tamen non adeo facile mederi licet; ex una actione vitiosa, etsi habituali, non statim inferendus atheismus practicus. Relinquitur itaque, quod ad atheismum practicum requiratur aliquot saltem, si non omnium, aut plurimarum actionum complexus. Unde apparet, atheismum practicum admittere gradus.

§. 503.

Si quis omittit actiones suas determinare per motiva ab Quinam in attributis divinis desumpta, nec intrinsecam actionum honesta-atheismum rem ac turpitudinem certo agnoscit; is facile incidit in atheis-practicum mum practicum. Etenim si quis omittit actiones suas *incidant.*

determinare per motiva ab attributis divinis desumpta; is raro de Deo serio cogitat, ut adeo ejusdem facile obliviscatur (§. 217. *Psychol. empir.*), nec nisi e longinquo quasi facta recordatio parum moveat. Quamobrem si porro intrinsecam actionum honestatem ac turpitudinem non agnoscit; motiva etiam cessant, quæ ab illa desumuntur ad actiones bonas committendas, ab hac vero ad malas omit- tendas (§. 890. *Psychol. empir.*). Quare cum sine moti- vis nulla detur in anima volitio, nulla nolitio (§. 889. *Psychol. empir.*), consequenter appetitus rationalis cesset (§. 880. 889. *Psychol. empir.*); ut sensitivo locus sit, confu- sa opus est boni representatione (§. 893. *Psychol. empir.*). Enimvero nemo non experitur tum in seipso, tum in aliis, si sensuum judicio statur, quemadmodum accide- re solet distincta boni & mali cognitione destitutis, bo- num quid judicari ex eo, quod voluptas inde percipiatur: quod cum fieri non possit (§. 560. *Psych. empir.*), malum quod est bonum apparere potest. Atque adeo contingit, hominem patrare actiones malas, earundemque iteratio- ne, in qua exercitium consistere constat (§. 195. *Psych. empir.*),

(*Wolffii Theol. Nat. Pars II.*)

Qqg

habi-

habitum male agendi contrahere. Quoniam itaque Deus malum morale velle nequit (§. 581. *part. I. Theol. nat.*), adeoque actionum, quibus id inhæret, motiva ab eo desumi nequeunt; homo habitum acquirit patrandi actiones contrarias, quarum motiva sunt, vel esse possunt attributa divina. Quamobrem cum hisce actionibus negetur dari Deum (§. 502.), atheus vero practicus sit, qui factis negat dari Deum (§. *cit.*); evidens est, si quis omittit actiones suas determinare per motiva ab attributis divinis desumpta, nec intrinsecam actionum honestatem ac turpitudinem certo agnoscit; cum facile in atheismum practicum incidere.

Propositio hæc maximi momenti est, cujus veritas etsi satis fuerit probata, ut percipi possit, multo tamen luculentius in philosophia morali elucescet, ubi omnem actionum humanarum theoriam atque praxin enucleaverimus. Paret hinc ratio, cur inter ipsos Christianos, qui non modo ex lumine naturali, verum etiam revelato Deum norunt, tot dentur athei practici, ita ut subinde in eorum numerum referendi sint, quorum est ad agnitionem Numinis perducere alios & haud exiguus fervor in propugnanda existentia ejus: id quod singulari exemplo illustrare poteramus, si luberet. Sane qui avaritiæ & ambitioni dat omnia, odio implacabili flagrat adversus eos, quos sibi adversos experitur, vindictæ nullum ponit modum, irreverenter se gerit adversus supremum, cui subest, Magistratum, mendaciorum & calumniarum convictus non erubescit, salutem aliorum libidini suæ postponit, contra conscientiam Deum testem appellat, cum tamen videri velit gloriæ divinæ acerrimus defensor & pietatis laudem præ aliis affectet; quin is se probe atheum practicum, quisnam est qui dubitet? Præterea vi propositionis præsentis intelligitur, quam sit necesse, ut solidam Numinis scientiam certo consequamur & semel acquisitam continuis experimentis confirmemus, actionum humanarum intrinsecam honestatem ac turpitudinem intimius scrutemur & ad

& ad determinandam voluntatem motivis utatur, quæ ab attributis divinis defumuntur, ut Deum sincera mente colamus nec periculum incidendi in atheismum practicum subeamus. Discimus denique, quomodo athei practici sint convertendi: id quod haud raro difficilius, quam atheum theoreticum ad erroris impii agnitionem perducere. Atque ideo præstat atheismum practicum præcavere. Sed hæc rectius docentur in philosophia morali.

§. 504.

Atheus theoreticus argumentis ex Scriptura sacra petitis An atheus refutari nequit. Quicquid enim Scriptura sacra docet, id ex S. S. refutari non potest, quia Deum habet autorem, *tari possit.* ut adeo Deus ea dicere censeatur, quæcunque dicit Scriptura sacra. Enimvero atheus negat dari Deum (§. 411.), consequenter nec admittit Scripturam sacram, quam dicimus, esse verbum Dei fallere ac falli nescii. Quamobrem nec concedit vera esse, quæ dicit Scriptura sacra, nisi ex principiis rationis demonstrantur. Tum vero ea agnoscit vera esse, quia demonstrantur (§. 568. Log.), minime autem quod in S. S. continentur. Quoniam itaque veritatis demonstratae certus non est, qui vel præmissæ unius syllogismos in demonstratione concatenatos ingredientis veritatem ignorat (§. 570. Log.), & alterum, quem refutare studeas, erroris convicturus uti debes principiis ab ipso concessis (§. 1037. Log.); evidens omnino est, atheum theoreticum argumentis ex Scriptura sacra petitis refutari minime posse.

Apparet adeo necessitas Theologiæ naturalis ad profligandum atheismum theoreticum. Unde porro intelligitur, philosophi esse refutare atheos, nec utilem in iis refutandis collocare operam eum, qui in omni philosophia peregrinus æ hospes est.

§. 505.

*Atheus practicus, si Christianus esse voluerit, argumentis
eticus quan- ex Scriptura sacra refutari potest; si a Christi sacris sit alienus,
do ex S.S. re- iisdem refutari nequit. Etenim si atheus practicus Christia-
futari possit. nus esse voluerit, vera esse admittit, quæ in Scriptura sa-
cra continentur; si vero a Christi sacris fuerit alienus, eã-
dem vera esse non concedit. Quamobrem cum is, qui al-
terum refutaturus eum erroris convincere studet, non uti
debeat principiis, nisi ab eo concessis (§. 1037. Log.); si
atheus practicus Christianus esse voluerit, argumentis ex
Scriptura sacra desumptis refutari potest; si a Christi sa-
cris sit alienus, iisdem refutari nequit.*

Qui Christianus esse vult, auctoritatem Scripturæ sacræ
admittit: si quis enim inter Christianos vivit, ejus tamen au-
toritatem non admittit, non tamen ideo dici potest, quod
Christianus esse velit, sed tantummodo quod videri velit.
Unde consultum est adversus atheum etiam practicum, qui
in cœtu Christianorum est, argumentis rationis pugnare,
quamdiu ignoratur, utrum Christianus esse, an tantummo-
do videri velit: quæ enim rationi consentanea sunt, ea ad-
mittere tenentur homines in universum omnes & ubi no-
luerint, ex principiis concessis erroris quoad principia ad
refutandum atheismum practicum necessaria redargui pos-
sunt. Sane si quis vel maxime Theologus audit & ceteris
omnibus pietate superior videri vult, talem tamen se præ-
ber, qualem paulo ante depinximus (not. §. 503.); pro certo
sumi nequit, quod Christianus esse, non vero tantum vi-
deri velit, adeoque Scripturæ sacræ auctoritatem, cui con-
tradidunt actiones omnes ex habitu profluentes, revera ad-
mittat, sit ita quod ad atheismum practicum palliandum
ad eandem provocet. Nemo est, qui dubitat, nisi stupi-
dus fuerit, inter eos, qui quæstus gratia Christi instituta do-
cent, atheos dari theoreticos, quos Scripturæ sacræ auctori-
tatem non admittere posse constat. Multo minus igitur pro-

impossibili habendum, ut, qui atheus practicus fuerit, divinam Scripturæ sacræ autoritatem non agnoscat, ac vel ea de causa in atheismum practicum incidat.

§. 506.

Quoniam ea, quæ ex Scriptura sacra sumuntur, tanquam vera non admittit, qui ejus autoritatem agnoscit, nisi quæ menti ejus conformia concedit, quod per se patet; si atheismus practicus argumentis ex Scriptura sacra desumptis refutandus, necesse est ut atheus practicus convincatur, non alium esse sensum verborum S.S., ad quæ provocat, nisi quem ipsis tribuit (§. 1037. Log.).

Apparet adeo, quanta sit necessitas in sensu S.S. demonstrativa ratione stabiliendo. Dedimus interpretationis hujus præcepta in Logica (§. 970. & seqq. Log.) & in notis systematicis passim adjecimus alia. In eodem quoque prostant exempla, quæ hic usui esse possunt.

§. 507.

Qui ignorant dari Deum, admittere tenentur differentiam inter actiones bonas & malas, quatenus moraliter spectantur. Ostenditur eodem modo, quo supra evicimus atheum admittere debere differentiam inter actiones malas & bonas, quatenus moraliter spectantur. Nimirum differentia hæc patet independenter a Deo, adeoque ignorantia Dei non obstat, quo minus eadem agnoscatur.

Exemplo nobis sunt Sinaï, quos Deum mundi autorem ignorasse supra annotavimus (not. §. 427.). Hoc tamen non obstante constat, quod actiones malas a bonis optime disceverint, & virtutem veram ab ejus specie externa rite separaverint. Patebit veritas propositionis præsentis luculentius ex iis, quæ de moralitate actionum humanarum in genere in philosophia practica universali & quoad singulas species in omni jure naturali, nec non de virtute & vitis in philosophia morali demonstraturi sumus.

Qq q 3

§. 508.

§. 508.

*An ignorans**Deum actio-**nibus bonis**studere possit*

Quoniam qui ignorat dari Deum admittit differen-
tiam inter actiones bonas & malas, quatenus moraliter
spectantur (§. 507.), distincta autem boni & mali repræ-
sentatio sunt motiva volitionis & nolitionis (§. 890. *Psych.*
empir.); quibus positis ponitur ipsa volitio & nolitio (§.
891. *Psych. empir.*); *Qui ignorat dari Deum actionibus bonis*
studere & a malis abhorrere potest.

Exemplo nobis est *Confucius*, quem distincta Numinis
notione destitutum ignorasse Deum mundi autorem & gu-
bernatorem vel ex eo constat, quod nullibi ejus mentionem
fecerit, nec actionum bonarum motiva unquam ab ejus
attributis petierit. Hoc tamen non obstante vitam vixit
honestam & per omnem vitam nil antiquius habuit, quam
ut virtuti operam daret, & alios ad eandem perduceret.
Unde R. R. Patres Missionarii e Societate Jesu, qui primi
summi hujus Sinarum Philosophi libros in Latinum idio-
ma translato Parisiis ediderunt, in Declaratione proœmia-
li f. XXI. *Confucium* a vitæ innocentia, modestia, severi-
tate ac probitate commendant. Sane *Confucius* consensum
actionis externæ cum interna maxime urgebat, nec absque
eo virtutem alicui esse posse docebat, ipse sinceritati studio-
sissimus, quam luculentis admodum exemplis adeo com-
probatam dedit, ut in ruborem conjiciantur Neo-Phari-
sæi, in Ecclesia Protestantium nostro ævo ab inferis excita-
ti. Immo summo studio id tandem effecit, ut septuagesimo
ætatis anno appetitus sensitivus cum rationali sua sponte
consentiret: de quo alii ne cogitant quidem, tantum abest,
ut idem consequantur, quemadmodum alias me monuisse
memini in notis ad Orationem de Sinarum Philosophia pra-
ctica. Non tamen nego, virtutem *Confucii* fuisse admo-
dum imperfectam, quod attributorem divinorum agnitio
per modum motivorum non influeret in eandem, quem-
admodum fieri debebat (§. 981. *part. I. Theol. nat.*). Unde
infimum

infimum virtutis gradum in eo constituo, quod actionum motiva non sint, nisi quæ ab honestate ac turpitudine intrinseca actionum desumuntur. Etsi adeo Sinæ nonnisi ad infimum virtutis gradum contenderint, exemplo tamen *Confucii* docemur, quod eidem ex asse consequendo operam navaverint.

§. 509.

Qui dubitat de existentia Dei, admittere tenetur differentiam inter actiones bonas & malas, quatenus moraliter spectantur. Etenim atheus admittere tenetur differentiam inter actiones malas & bonas, quatenus moraliter spectantur (§. 500.), consequenter cum atheus neget dari Deum (§. 411.), eandem admittere tenetur, qui Deum existere negat. Enimvero qui de existentia Dei dubitat, ignorat, utrum Deus detur, nec ne (§. 417.), vel pronior ad assentiendum alteri contradictionis parti, vel ad utramque indifferens (§. 424. & seq.). Quamobrem qui de existentia Dei dubitat, multo magis, quam atheus, admittere tenetur differentiam inter actiones bonas & malas, quatenus moraliter spectantur.

Ostenditur etiam hoc modo. Qui ignorat dari Deum, admittere tenetur differentiam inter actiones bonas & malas, quatenus moraliter spectantur (§. 507.). Enimvero qui dubitat de existentia Dei, ignorat, utrum potius affirmare, an negare debeat, dari Deum (§. 417.). Quamobrem qui dubitat de existentia Dei, admittere tenetur differentiam inter actiones bonas & malas, quatenus moraliter spectantur.

Immo idem eodem modo demonstratur, quo ante probavimus (§. 500. 507.), atheum & cum, qui ignorat dari Deum, differentiam actionum bonarum & malarum, quatenus moraliter spectantur, admittere debere.

Si

Si quis fuerit hebetior, quam ut intrinsecum actionum bonarum & malarum discrimen capere possit, vel pertinacior, quam ut ipsum admittere velit veritus, ne præconcepitis opinionibus aliis, quas tantopere amat, præjudicetur; is veritatis convincitur hoc modo. Ponamus Titium persuasissimum esse de existentia Dei, sed ob rationes minus evidentes, eundemque virtuti strenuam navare operam & in ea multum proficere. Ipsa igitur experientia addiscit discrimen, quod inter actiones bonas & malas intercedit, v. gr. quod temperantia & ad sanitatem conducatur, & opes conservet & augeat. Ponamus porro ipsum agnoscere rationum, quibus nititur de existentia Dei persuasio, invidentiam atque adeo in dubitationem de eadem adduci. Ecquis sibi persuaserit, amitti habitum virtutis & cum eo notitiam discriminis inter actiones bonas atque malas, quod multiplici experimento comprobatum agnovit, v. gr. quod non amplius admittat, temperantiam ad sanitatem conducere, & opes conservare ac augere? Vides itaque, notitiam discriminis intrinseci inter actiones bonas & malas non pendere a cognitione existentiae divinae. Quodsi ergo ista ab hac minime pendet, nec ei obstat ignorantia existentiae Dei, nec atheismus.

§. 510.

An dubitatio de existentia Dei tollat actionibus malis delectari & bonas omnes averfari, sed fieri utriusque posse, ut bonis studeat, & a malis abhorreat.

(Obiter notamus, nobis non esse sermonem de eo, num atheus, vel qui Deum esse ignorat, aut utrum existat, nec ne, dubitat, metu poenae civilis omittat actiones malas, & in eas propendens actionem externam tantummodo rectam edat (de eo enim nemo dubitat); sed num seposito omni poenae metu virtutis amore agat, quod rectum est, hoc est, quatenus actionem appetit bonam, malam vero averfatur ob intrinsecum utriusque discrimen.

§. 511.

§. 511.

Deum colere dicitur, qui certas edit actiones solius *Cultus Dei* Dei gratia, seu quia Deum esse agnoscit, eas non editu- *quid dicar-* rus, si eundem non agnosceret. Unde *cultus divinus sunt ear.* actiones, quas ideo edit homo, quia pro certo habet dari Deum.

Explicamus hic saltem vocabuli significatum, quatenus eodem habemus opus ad alia intelligenda, quæ sequuntur. Rem ipsam explicabimus in Philosophia practica. Sed ut definitio nominalis recte intelligatur, exemplum addimus. Deus prohibet, ne homo omitat motiva in determinandis actionibus liberis ab attributis divinis desumpta (§. 990. *part. 1. Theol. nat.*), consequenter vult, ut hoc faciat. Determinatio actionis liberæ per motiva ab attributis divinis desumpta est actio, quæ locum minime habet, nisi Deum esse agnoscamus. Pertinet itaque ad cultum divinum, & Deum colit, qui actiones suas liberas per motiva ab ipsius attributis desumpta determinat.

§. 512.

Modus colendi Deum *Religio* dicitur. Quodsi hic *Religio quæ* ex principiis rationis seu iis, quæ in Theologia naturali & *qualis sit.* de Deo docentur, definitur, *Religio* vocatur *Naturalis*: si vero ex principiis revelationis, *Revelata* audit.

Quznam sit religio naturalis, in Jure Naturæ trademus; ubi officia hominis erga Deum sumus demonstraturi. Principia tradidimus in systemate (§. 918. 919. *part. 1. Theol. nat.*), unde cetera deducuntur. Religio revelata supponit revelationem divinam, cujus criteria dedimus in systemate (§. 451. & *seqq. part. 1. Theol. nat.*).

§. 513.

Cur atheo &

Atheo & Deum simpliciter ignoranti religio nulla est. Deum igno-
Etenim cum atheus neget dari Deum (§. 411.), fieri non *ranti religio*
(*Wolffii Theol. Nat. Pars II.*) Rrr potest, *nulla.*

potest, ut actiones quasdam ejus solius gratia edat, consequenter ut eum colat (§. 511.). Et qui simpliciter ignorat dari Deum, de eo ne quidem cogitare potest, quod Dei gratia actiones quasdam edere velit, v. g. quod per motiva ab attributis ejus desumpta actiones liberæ determinandæ sint (§. not. §. 511.), consequenter quod Deum colere velit (§. 511.). Quoniam itaque **modus colendi Deum religio est** (§. 512.); atheo & Deo **simpliciter ignorant** religionem esse nullam patet.

Atheismum omnem tollere religionem adeo manifestum est ex terminis, ut citra probationem ab omnibus admittatur, quatenus scilicet repugnantia inter atheismum & religionem animo confuse observatur, adeoque revera ob rationes easdem, quas hic distincte exposuimus. Cum Deum simpliciter ignorantes vulgo atheis annumerentur; nec ipsi aliquam esse posse religionem nemo non admittit. Enimvero, quia in superioribus ostendimus, ignorantiam Numinis simplicem ab atheismo esse distinguendam (§. 427.); non ideo Numen ignorans religione caret, quia atheus nullum admittit, sed quia de religione nulla mentem ejus subire potest cognitio. Tollit adeo simplex Numinis ignorantia religionem omnem per se, non quia cum atheismo unum idemque est, atque ideo non sine differentia. Ceterum simpliciter ignorantibus dari Deum religionem nullam esse exemplum antiquissimorum Sinarum probat. Unde & in libris eorum classicis a R. P. *Noëlio* editis nullum religionis seu cultus divini vestigium deprehendere licet.

§. 514.

Irreligionarii quinam dicantur.

Irreligionarii dicuntur, qui religionem nullam habent.

Terminus Irreligionariorum receptus est, & subinde cum aliis confunditur, ut in judicia tacite irrepant errores, a quibus tamen immunes esse debemus, nisi & veritati, & æqui-

æquitati adversari velimus. Non igitur absque ratione eundem hic explicamus & in sequentibus applicamus.

§. 515.

Athei & Deum simpliciter ignorantes irreligionarii sunt. Quinamta-
Etenim atheis & Deum simpliciter ignorantibus nulla est *les sint.*
religio (§. 513.). Quamobrem cum irreligionarii sint,
quibus religio nulla est (§. 514.); Athei & Deum sim-
pliciter ignorantes irreligionarii sunt.

Irreligionariorum omnium non eadem conditio est, cum
ex diversis rationibus tales sint, quemadmodum apparet ex
iis, quæ paulo ante dicta sunt, cur atheis & Deum simpli-
citer ignorantibus nulla sit religio: cavendum itaque ne
omnes promiscue in eundem censum reteras. Irreligio-
nariis omnibus in universum tribuere nequis, nisi quæ ex
eo sequuntur, quod nullam habeant religionem, non at-
tenta ratione, cur nullam habeant: quæ enim ex hac fluunt,
communia non sunt.

§. 516.

Atheus negat veritatem omnis religionis, omnemque pro Atheis cur
figmento habet. Negat enim dari Deum (§. 411.). Quam-*religionem*
obrem & negare debet Deum esse colendum, & certum *pro figmento*
ejus colendi modum esse veritati consentaneum, conse-*habeat.*
quenter religionem aliquam esse veram (§. 512.). Quo-
niam tamen novit dari religionem, siue multas dari nove-
rit, siue tantummodo una ipsi innotuerit; omnem, quæ
ipsi innotuit, pro figmento habere debet.

Fingunt nimirum athei, religionem esse commentum Po-
liticorum, quo usi sint tanquam medio plebis indomitæ com-
pescendæ gratia excogitato: id quod superius jam refuta-
tum, ubi ostendimus notionem Dei plebis indomitæ coër-
cendæ gratia a Politicis non esse confictam (§. 436.).

§. 517.

*Ignorans
Deum cur
religionem
simpliciter
ignoret.*

Ignorans Deum religionem simpliciter ignorat. Qui enim simpliciter ignorat dari Deum, ei nulla Dei notio est, saltem nihil de Deo distincte cognoscit (§. 428.). Quamobrem cum religio sit certus quidam Deum colendi modus (§. 512.), adeoque notionem Dei supponat; nec fieri potest, ut, qui Deum ignorat, religionis notionem habere queat, consequenter simpliciter ignorat religionem.

Cui nulla Dei notio est, ejus animum quoque nunquam subire potest de Deo cogitatio. Quamobrem impossibile est, ut de Deo colendo, consequenter de religione unquam cogitet. Inde est, quod in libris classicis Sinarum nulla religionis fiat mentio, ac facile conceditur R. R. P. P. Missionarii e Societate Jesu cultum *Confusii* apud Sinas esse mere civilem.

§. 518.

*Dubitans de
existentia
Dei cur de
veritate re-
ligionis du-
bitet.*

Qui dubitat de existentia Dei; de veritate religionis omnis dubitare tenetur. Etenim qui dubitat de existentia Dei, non affirmat, dari Deum (§. 417.). Quamobrem nec affirmare potest, dari certum Dei colendi modum, consequenter religionem (§. 512.). Idem vero nec negat dari Deum, inter utramque contradictionis partem hærens (§. 417.). Quare nec negat dari certum Dei colendi modum, consequenter religionem (§. 512.). Quoniam itaque de existentia Dei dubitans ignorat, utrum affirmare, an negare debeat, quod aliqua religio sit vera; quin de veritate religionis omnis dubitet, dubitandum non est (§. 417.).

De veritate hujus vel illius religionis dubitare certum indicium non est, dubitari etiam de existentia Dei: Ita si quis Muhamedis sacris addictus dubitat de veritate religionis Muhamedanæ; non ideo dici potest dubitare de existentia Dei. Immo propositionem præsentem ne quidem inven-

invertere licet. Dantur enim scrupuli de attributis divinis, quibus quis in dubitationem de veritate omnis religionis adduci potest. Unde patet, quod per præcipitantiam judicent, qui atheum appellant de veritate religionis Christianæ dubitantem, vel etiam eandem negantem: utile vero est nosse, quanam ex datis inferri possint, ne aliis imputando, quæ a mente eorum aliena sunt, in errore refutando a veritate aberremus, immo errantem in eodem defendendo pertinacem reddamus. Notanda igitur sunt principia, unde certa judicia pendent.

§. 519.

De existentia Dei dubitantium alius ad religionem ali-Diversitas quam admittendam, alius ad omnem rejiciendam pronior est: de religione alius vero indifferens est ad aliquam religionem admittendam, omni dubi-vel ad omnem rejiciendam. Etenim qui de existentia Dei *santium.* dubitat, de veritate religionis omnis dubitare tenetur (§. 518.). Enimvero si dubitanti de existentia Dei fuerint rationes assentiendi ex utraque contradictionis parte insufficientes, ex parte tamen una probabiliore videntur, quam ex altera; ubi probabiliore fuerint pro affirmativa, dubitans pronior est ad veritati subscribendum, quam ad atheismum amplectendum; ubi vero probabiliore fuerint pro negativa, ad atheismum proclivior est (§. 425.). Et similiter si dubitanti de existentia Dei sint rationes assentiendi probabiles in partem affirmativam contradictionis & in negativam nullæ, dubitans pronior est ad veritatem, quam ad atheismum amplectendum: si vero fuerint rationes probabiles ex parte negativa, ex parte affirmativa nullæ, in atheismum proclivior est (§. 426.). Denique si dubitanti de existentia Dei vel nullæ sint assentiendi rationes ex utraque contradictionis parte, vel si, quæ ex utraque prostant, videantur æque probabiles; nec is pronior est ad atheismum, quam ad veritatem ample-

attendendum (§. 424.). Quoniam itaque religio certus quidam Deum colendi modus est (§. 512.), adeoque religio quædam non admittitur, nisi quatenus admittitur, dari Deum, nec omnis rejicitur, nisi quatenus negatur, dari Deum; evidens est dubitantem de existentia Dei ad religionem aliquam admittendam proniorem esse, quam ad omnem rejiciendam, si probabilius videtur dari Deum, quam non dari; ad omnem vero rejiciendam, quam ad aliquam admittendam proniorem esse, si probabilius videtur non dari Deum, quam dari; ad aliquam religionem denique admittendam; vel ad omnem rejiciendam prorsus indifferentem esse, ubi neutra pars contradictionis alteram probabilitate sua vincit. Alius itaque dubitantium de existentia Dei ad religionem aliquam admittendam, alius ad omnem rejiciendam pronior, alius denique ad aliquam admittendam, vel ad omnem rejiciendam indifferens est.

Vides adeo dubitantes de veritate religionis ob dubitationem de existentia Dei in eundem censum referri omnes minime posse.

§. 520.

Quomodo Si quis de veritate religionis omnis eam solum ob rationem dubitans de veritate religionis dubitet, quod de existentia Dei dubitet; religionem aliquam admittere tenetur; ubi existentia divina fuerit convicta. Etenim si quis de veritate religionis omnis eam solum ob rationem dubitat, quod de existentia Dei dubitet; posita dubitatione de existentia Dei ponitur dubitatio de veritate religionis omnis, non ponenda, nisi illa poneretur (§. 118. Ontol.). Enimvero ubi convictus fuerit dari Deum, certus est, quod detur (§. 982. Log.), adeoque agnoscit propositionem hanc esse veram: datur Deus

Deus (§ 64. *Log.*). De existentia igitur Dei non amplius dubitat (§ 417.). Quoniam adeo cessat ratio, ob quam de veritate religionis omnis dubitat; nec de ea amplius dubitare potest (§ 70. *Ontol.*), consequenter religionem aliquam admittere tenetur.

Necesse scilicet est, ut agnoscat, dari aliquam religionem, quæ sit vera, etsi propterea nondum agnoscat patriam veram esse. Et quamvis fieri possit, ut existentiam Dei in dubium minime revocans de veritate religionis omnis dubitare queat; cum dubitatio rationem aliquam habere debeat (§ 70. *Ontol.*), necesse est ipsum de Deo aliquem fovere errorem, ob quem eundem coli velle dubitat. Hypothesis vero propositionis præsentis rationem omnem aliam a dubitatione de existentia Numinis diversam excludit, consequenter quamcunque ob rationem de veritate religionis omnis quis dubitet, qui Deum existere non negat, nec de ejus existentia dubitat, ea hic attendenda non venit. Quodsi vero quis de Deo foveat errorem, qui religionem omnem in dubitationem adducit; cum is veritati cuidam in systemate, vel hac altera Theologiæ parte contradicere debeat, erroris sui convincetur per veritatis oppositæ demonstrationem (§ 1035. *Log.*).

§. 521.

Veritas religionis naturalis, tum quod detur, tum Unde veritas religionis naturalis, hoc est, quod Deus ab hominibus coli, & quomodo ab iisdem coli velit, ex principiis Theologiæ naturalis demonstranda (§ 512.). Enimvero vi horum principiorum liquet, id Deum velle, quod perfectionibus divinis (§ 445. *part. I. Theol. nat.*), quod perfectioni totius universi & summæ rerum perfectioni convenit (§ 443. *part. I. Theol. nat.*). Quamobrem Deum velle

velle ab hominibus coli & quomodo ab iisdem coli velit, hoc est, religio naturalis tum quod detur, tum qualis sit, ex attributis divinis & perfectione totius universi summaque rerum perfectione demonstranda.

Quod detur religio naturalis & in quonam ea consistat, demonstrabitur in philosophia practica, quamvis principia propiora jam evicta fuerint in systemate (§. 977. 981. *part. I. Theol. nat.*). Ejus veritatem agnoscunt & Christiani, & Turcæ.

§. 522.

*Quomodo
veritas reli-
gionis reve-
lata osten-
datur.*

Dari religionem revelatam demonstratur, si libris, in quibus revelatio divina contineri dicitur, revelationis divina criteria convenire ostenditur. Quoniam si Deus quid homini revelat, Deum hoc velle certissimum est (§. 448. *part. I. Theol. nat.*), religio autem revelata ex principiis revelationis deducitur (§. 512.); si revelatio divina datur, religio quoque datur revelata. Enimvero non modo constat, impossibile non esse, ut Deus homini revelet, quod velit (§. 449. *part. I. Theol. nat.*); verum etiam criteria dantur, per quæ revelatio divina agnoscitur & ab eo, quod divinitus revelatum falso fertur, discernitur (§. 451. *segg. part. I. Theol. nat.*). Quamobrem si libris, in quibus revelatio divina contineri dicitur, criteria ista convenire ostenditur; quin revelatio divina detur dubitandum non est, consequenter patet religionem revelatam dari, si ostendatur libris, in quibus revelatio divina contineri dicitur, revelationis divinæ criteria convenire.

Dari religionem revelatam contendunt & Christiani, & Muhamedani. Illi ad libros provocant, qui S. S. nomine veniunt; hi vero ad Alcoranum. Quodsi ergo ostendatur, Scripturæ sacræ convenire criteria revelationis divinæ in systemate demonstrata, non autem Alcorano; non modo

modo liquet, religionem revelatam dari, verum etiam patet, eam esse veram, quæ ex Scriptura sacra deducitur, perperam vero pro religione revelata venditari, quæ Alcorano superstruitur. Ex libris S. S. constat, ante Christum antiquam Judæorum religionem fuisse religionem revelatam, in ejus vero locum ob rationes ibidem traditas successisse religionem Christianam. Atque adeo intelligitur, quomodo veritas religionis revelatæ adstruenda sit adversus eos, qui eandem negant, vel commentitiam pro eadem venditant. Nimirum omnium evidentissime hoc patebit, si veritates revelatæ ex principiis S. S. in Systema aliquod redigantur, atque ope criteriorum in Systemate nostro exhibitum evincatur, eas esse tales, quales hæc exigunt. Quodsi vero breviori opera defungi volueris, ex S. S. excerpta sunt, quæ singulis criteriis respondent. Ast ubi ex adverso religionis Muhamedanæ falsitatem evincere volueris; ex Alcorano excerpta sunt, quæ uni vel alteri criterio aperte contradicunt. Quodsi enim infint, quæ vel uni criterio repugnant; id sufficit ad ostendendum, Alcoranum pro revelatione divina perperam haberi, consequenter religionem eidem superstructam falso jactari revelatam.

§. 523.

Antiscripturarii dicuntur, qui Scripturam sacram, Antiscripturam vocamus, revelationem divinam contineri negant. rariūquinam Antiscripturarius adeo non est, qui non novit, utrum Scriptura dicantur. sacra dectur, nec ne.

Ita Sinæ, antequam Missionarii in Chinam intrarent, ignorarunt dari libros, quos Scripturæ sacræ nomine insignimus, & in quibus revelationem divinam contineri asseveramus. Quamobrem nec negare potuerunt, in istis revelationem divinam contineri, consequenter nec eos Antiscripturarium numero adscribere licet.

§. 524.

Atheus *Atheus, qui novit, Christianos affirmare, quod in Scriptura sa-*
quando anti- *cra revelatio divina contineatur, antiscripturarius est. Etenim*
scripturarius *atheus negat dari Deum (§. 411.), consequenter etiam*
dicendus. *negare tenetur, dari revelationem divinam. Quamob-*
rem si novit, Christianos affirmare, quod in Scriptura sa-
cra revelatio divina contineatur; negare etiam debet, in
ea revelationem divinam contineri. Quoniam itaque An-
tiscripturarius est, qui negat, in Scriptura sacra revelatio-
nem divinam contineri (§. 523.); atheus, qui novit Chri-
stianos hoc asserere, antiscripturarius est.

Propositionem præsentem invertere non licet, ex eo, quod quis antiscripturarium se probat, inferendo, quod sit atheus: patebit enim ex sequentibus non solos atheos antiscripturarios esse. Multo minus autem ex eo, quod quis contradicit dicto cuidam S. S. vel communi ejus interpretationi, aut ex ejus asserto sequitur, quod loco cuidam S. S. contradicere videtur, inferre licet, quod sit atheus, quia vi originis antiscripturarius est, qui S. S. contradicit. Faciunt hoc, qui vago vocabuli significatu delectantur, ut philosophos, quos oderint, diffamare possint argumentum ab invidia ad praxin translaturi (§. 1050. Log.).

§. 525.

An Antiscri- *Antiscripturarius non necessario irreligionarius est. Ne-*
pturarius *gat antiscripturarius in S. S. contineri revelationem divi-*
omnis irreligionarius. *nam (§. 523.), consequenter negat religionem revelatam*
esse veram, quæ ex S. S. principiis deducitur (§. 512.).
Enimvero hoc non obstante admittere potest religionem,
quæ ex principiis rationis definitur, vel ex aliis libris, in
quibus revelatio divina contineri dicitur, hauritur, con-
sequenter non modo religionem naturalem amplectitur,
verum etiam aliquam revelatam dari agnoscit (§. 512.):

sit

fit ita quod in ea definienda a vera aberret. Quoniam itaque irreligionarius non est, qui religionem aliquam admittit (§. 514.); antiscripturarius non necessario irreligionarius est.

Vides ex eo, quod constet, esse aliquem antiscripturarium, inferri minime posse, quod idem sit irreligionarius. Propositio itaque præfens cum aliis sui similibus libidinem consequentiariorum refrænât, ubi ad argumentum ab invidia ductum delabuntur (§. 1050. Log.). Habent vero hæc propositiones præterea hunc usum, ut te æquum præbeas errantibus & in refutandis eorum erroribus extra oleas minime evageris: id quod quanti sit usus, alibi rectius docebitur.

§. 526.

*Si irreligionarius novit, Christianos affirmare, quod in S. S. Quinamir-
contineatur revelatio divina; antiscripturarius est.* Etenim irreligionarius religionario nulla est religio (§. 514.); adeoque nec resit antiscripturarius. Quodsi er-
gonovit, Christianos affirmare, quod in S. S. contineatur revelatio divina, *per hypothesin*; nec religionem Christianorum tanquam divinitus revelatam admittit, consequenter negare tenetur in S. S. revelationem divinam contineri (§. 512.). Quoniam itaque antiscripturarius est, qui hoc negat (§. 523.); irreligionarius, qui novit Christianos affirmare, quod in S. S. contineatur revelatio divina, antiscripturarius est.

E. gr. Sinæ antiqui ignorarunt dari S. S., in qua contentam esse affirmamus revelationem divinam. Fuisse iidem irreligionarii: non tamen dici potest, quod fuerint antiscripturarii, nisi vocabuli significatum fixum in vagum vertere velis etymologia ejus confusus (§. 523.). Utilis est præfens propositio in convertendis irreligionariis. Etenim qui antiscripturarii non sunt, cum minime negent S. S. au-

toritatem divinam, nullis præjudiciis adversus eam conceptis occæcatum possident animum, a quibus is liberandus, ne argumentorum pro illa stabilienda vis enervetur. Absit itaque, ut quis sibi persuadeat, propositionibus istiusmodi, qualis præsens est, præter necessitatem multiplicari entia, vel criminetur, quasi atheismo patrocinemur.

§. 527.

*An Antiscripturarius
omnis sit
atheus.*

Antiscripturarius non necessario atheus est. Etenim antiscripturarius negat in S. S. contineri revelationem divinam (§. 523.); consequenter veram esse religionem revelatam, quæ inde hauritur (§. 512.). Quamobrem cum hoc non obstante admittere possit religionem naturalem, hoc est, modum colendi Deum per principia rationis manifestum (§. cit.); antiscripturarius non necessario negat dari Deum. Enimvero atheus non est, qui Deum dari non negat (§. 411.). Antiscripturarius itaque non necessario atheus est.

Idem etiam sic ostenditur. Antiscripturarius non necessario irreligionarius est (§. 525.), consequenter non repugnat, ut aliquam religionem (§. 514.), adeoque certum Dei colendi modum admittat (§. 512.). Quoniam itaque Deum dari non necessario negat, atheus vero is demum est, qui Deum dari negat (§. 411.); antiscripturarius omnis non necessario atheus est.

Nimirum negare veritatem omnis religionis & negare veritatem religionis Christianæ, vel antiquæ Judaicæ, non unum idemque est. Immo negare veritatem omnis religionis & negare existentiam Dei nondum unum idemque est, quemadmodum ex sequentibus patebit. Non igitur plus inferendum, quam notiones terminis suis circumscriptæ admittunt, nisi summa imis miscere ac omnia inter se confundere velis.

CAPUT

C A P V T II.

De Fatalismo, Deismo, & Naturalismo.

§. 528.

F*atalistæ* dicuntur, qui absolutam rerum omnium in *Fatalistæ* mundo necessitatem defendunt. *Fatalismus uni-quinam di-versalis* est, qui absolutam rerum omnium necessi-cantur & *Fa-tatem* ad ipsas actiones humanas extendit, negata liberta-talismi di-te voluntatis humanæ. *Fatalismus particularis* est, qui ne-visio. cessitatem rerum omnium absolutam ultra mundum ma-terialem non extendit, concessa voluntatis humanæ liber-tate. Qui fatalisimum universalein amplectuntur, *Fata-listas universalistas* dicemus: qui nonnisi fatalisimum par-ticularem defendunt, *Fatalistas particularistas* appellabi-mus.

Spinoza fatalem rerum omnium necessitatem in mundo materiali defendit & animæ humanæ libertatem competere negat: est igitur *Fatalista universalista*. Idem eodem mo-do patet de *Hobbesio*. Nomen *Fatalistæ* dudum receptum est in Scholis philosophorum & Theologorum. Quoniam tamen non necessario libertatem animæ humanæ negat, qui omnium rerum absolutam necessitatem in hoc mundo ad-spectabili tueretur, cum unum ex altero inferri nequeat: ideo fieri potest, ut, qui rerum in mundo materiali absolutam necessitatem defendit, alius animam in volendo & nolen-do liberam esse concedat, alius idem neger. Quamobrem ne ab incautis, quemadmodum haud raro accidit, error præter mentem errantis amplior efficiatur, probe discernen-dum est, num qui in mundo absoluta necessitate omnia fieri affirmat, voluntatis humanæ libertatem concedat, an rejiciat. In Scholis Theologorum non ignoti sunt termi-

4. *stinguere*, quorum a se invicem differentia ex collatione definitionum statim in oculis incurrit.

§. 530.

Naturalista dicitur, qui religionem naturalem solam *Naturalista* agnoscit necessariam, revelatam autem vel rejicit tanquam *quinam* falsam, vel saltem non necessariam agnoscit. *casur.*

In Scholis Philosophorum communiter *Naturalista* vocatur, qui nullam admittit religionem nisi naturalem: ast in Scholis Theologorum *Naturalista* etiam appellantur, qui veritatem religionis revelatæ in dubium minime vocant; naturalem tamen homini ad salutem æternam consequendam sufficere arbitrantur. Quamobrem ut definitio *Naturalistæ* in omni Schola sit usui, placuit in eadem significatum utrumque conjungere, cum commode in unum compingi possit.

§. 531.

Athei sunt fatalista, sed particularista, nec repugnat ut Quales Fatalista sit universalista. Etenim atheus statuit absolute necessarios esse eventus rerum naturalium (§. 454.), non tamen qua atheus negare tenetur libertatem animæ (§. 456.). Quamobrem cum *Fatalista* isque *particularista* sit, qui libertate animæ concessa absolutam rerum omnium in mundo materiali seu eventuum in rerum natura necessitatem defendit (§. 528.); atheus omnis *Fatalista*, sed *Particularista* est. *Quod erat unum.*

Quoniam tamen non repugnat, ut, qui negat existere Deum, etiam neget animam in volendo & nolendo esse liberam, errore uno alterum non tollente; nec repugnat, ut atheus animæ libertatem neget (§. 411.). Quamobrem cum is eventus rerum absolute necessarios esse opine-

opinetur (§. 454.), fatalista vero isque universalista sit, qui absolutam necessitatem ad ipsas hominum actiones extendit (§. 528.); evidens est non repugnare, ut atheus sit fatalista universalista.

Fatalismum particularem atheus qua atheus defendit; aut universalem nonnisi ex accidente, minime qua atheus, sed quatenus atheismo admiscet errorem alium cum eodem minime connexus.

§. 532.

*Deista cur
atheus &
atheus cur
Deista non
sit.*

Deista atheus non est: nec atheus Deista esse potest. Etenim Deista Deum existere concedit (§. 529.), consequenter cum existere non negat. Quoniam itaque atheus non est, qui Deum existere non negat (§. 411.); Deista non est atheus.

Similiter atheus est, qui Deum esse negat (§. 411.), consequenter non concedit, Deum existere. Quoniam itaque Deista esse nequit, qui non concedit Deum existere (§. 529.); atheus Deista esse nequit.

Non jam disquirimus, an Deistæ error non minus noxius sit, quam atheismus: neque enim nobis jam quæstio est de damno ab errore circa Divinitatem admissio meruendo; sed de errorum repugnantia. Ex terminis adeo manifestum est, Deistæ & athei errorem sibi mutuo repugnare, ut in eodem subjecto uterque locum habere nequeat.

§. 533.

*Repugnantia
atheismi
& naturalismi.*

Naturalista non est atheus: nec atheus Naturalista esse potest. Etenim Naturalista agnoscit necessitatem religionis naturalis (§. 530.), adeoque admittit quendam Dei colendi modum (§. 512.), consequenter Deum dari affirmat. Quamobrem cum atheus Deum dari neget (§. 411.), adco-

adeoque atheus non fit, qui cum dari affirmat; Naturalista atheus esse nequit.

Similiter atheus negat veritatem religionis omnis, omnemque pro figmento habet (§. 516.), consequenter fieri non potest, ut veritatem religionis naturalis agnoscat. Quamobrem cum Naturalista esse non possit (qui veritatem religionis naturalis non agnoscit (§. 530.)); nec atheus Naturalista esse potest.

Quamvis adeo atheus admittat differentiam inter actiones malas & bonas (§. 500.), nec necessario actionibus malis deleatur & bonas omnes aversetur (§. 501.), adeoque vitam amet honestam eidemque studeat; cum tamen Dei agnitio nullo modo influat in ejus actiones, Deum minime colit (§. 511.), ac ideo ab omni, etiam naturali religione alienus (§. 512.). Ex amore igitur vitæ honestæ inferri nequit, quod sit Naturalista (§. 530.).

§. 534.

Qui simpliciter ignorat dari Deum, nec Deista, nec Naturalista est. Qui simpliciter ignorat dari Deum, Deum existere non affirmat, cujus nullam habet notionem (§. 428.). Quoniam itaque Deista esse nequit, qui Deum existere non affirmat (§. 529.); qui simpliciter ignorat dari Deum, Deista esse nequit.

*Repugnancia Deismi
nec non Naturalismi &
simplicis ignorantia
Divinitatis.*

Similiter qui simpliciter ignorat dari Deum, ignorare etiam debet dari aliquem Dei colendi modum, consequenter & ignoret necesse est dari religionem naturalem (§. 512.). Quamobrem cum Naturalista religionis naturalis necessitatem agnoscat (§. 530.), adeoque Naturalista esse non possit, qui eandem non agnoscit; evidens omnino est, Naturalistam esse non posse, qui simpliciter ignorat dari Deum.

(Wolffii Theol. Nat. Pars II.)

Ttt

Hinc

Hinc Sinæ veteres, qui Deum simpliciter ignorarunt, nec Deistarum, nec Naturalistarum numero adscribi possunt, etsi vitæ honestæ necessitatem agnoverint, & virtutis culturam maxime commendaverint, eamque philosophi ipsorum omni studio promoverint, quo vel Christianorum plurimos in ruborem dare possint. Vitam enim honestam cum religione non esse adeo connexam, ut absque ea esse non possit; patebit suo loco luculentius.

§. 535.

Quenam

Deista casui sunt.
tribuat,

Deista casui tribuit, quæ providentia divina tribuenda Etenim Deista negat providentiam divinam (§. 529.), consequenter & gubernationem hujus universi (§. 922. *part. I. Theol. nat.*), atque adeo directionem actionum creaturarum ad certum finem (§. 899. *part. I. Theol. nat.*). Quoniam itaque effectus, qui in mundo contingunt per concursum causarum alterius gratia agentium, directioni divinæ subesse negat, iidem vero ex parte causarum naturalium casui tribuendi (§. 460.); Deista necessario casui tribuit, quæ providentiæ divinæ tribuenda sunt.

In hoc Deista consentit cum atheo, quod casu eveniant, quæ providentiæ divinæ tribuuntur. Etenim atheus non minus negat dari providentiam divinam (§. 463.), quam Deista (§. 529.). Quamobrem quæ sublata providentia divina tolluntur, vel ponuntur; eadem non minus Deista, quam atheus negare vel affirmare tenetur. Ex parte causarum naturalium admittendus omnino casus est, non vero ex parte Dei (§. 462.), quamdiu providentia divina admittitur, cujus directioni sub sunt, quæ ex parte causarum secundarum casu fiunt. Quodsi ergo tollatur providentia divina, admittendum omnino est, casu quædam fieri in universo, cum nulli eventus spectentur nisi ex parte causarum naturalium. Pone igitur viatorem fulmine percussum perire in via: casui hoc tribuit atheus, casui tribuit Deista.

Pone

Pone grandinis furore perire fruges: casum accusabit atheus, accusabit & Deista. Ex præcipitantia tamen statuunt, qui propter hunc consensum atheismum cum Deismo confundunt (§. 529.). Falluntur adeo, qui contendunt, atheum ultro admittere Deum istiusmodi, qui non curet res humanas. Qui enim Deum nullum admittit, quemadmodum facit atheus eum existere negans (§. 411.); nec concedit dari Deum, qualem sibi fingit Deista.

§. 536.

Juxta Deistam fortuna non subest providentia divina, sed Cur fortuna casui. Etenim Deista negat providentiam divinam (§. 529.), juxta Deistam adeoque nihil, quod in mundo evenit, eidem tribuere *stam non* potest. Quamobrem nec fortuna eidem subesse potest *ex providentia,* ejus hypothesi. *Quod erat unum.* *sed casui*

Ad fortunam referuntur effectus casuales homini vel *subsit.* mali, vel boni (§. 465.). Quoniam itaque effectus casuales casui tanquam causæ tribuuntur (§. 460.), cui ex parte causarum secundarum locus est in hoc mundo adspectabili (§. 462.); fortuna, quæ providentiæ divinæ non subest ex hypothesi Deistæ *per demonstrata,* subesse nequit nisi casui. *Quod erat alterum.*

In hoc denuo cum atheo consentit Deista (§. 466.), objectionem modo adductam (not. §. 535.) Quicquid igitur homini vel boni, vel mali obtingit; id omne ad casum refert Deista, ex cujus sententia Deus parum curat, utrum homo fortuna utatur secunda, an adversa. Unde hac in parte non melior Deistæ, quam athei conditio. Quorum noceat communis iste atheorum atque Deistarum error felicitati hominis, suo parebit loco, ubi hujus indolem declaraturi sumus. In genere enim notandum est, quam fit atheismus atque Deismus nocuus humano generi, non rectius intelligi, nisi principiis philosophiæ practicæ intimius perspectis. Nemo igitur miretur, quod hic non demon-

stremus, quantum noceant circa Divinitatem errores. Ea hic traduntur, quæ penitus intelligi possunt; quæ vero alia insuper principia supponunt, ea suo reservamus loco.

§. 537.

Deismus cur non tollat Deista admittere tenetur differentiam inter actiones malas & bonas, quatenus moraliter spectantur, sen ex eo, quod negativatur providentia, inferri nequit, in actionibus hominum liberis nullum dari boni ac mali discrimen. Etenim Deista negat providentiam Dei, quem existere concedit (§. 529.). Negat etiam atheus dari providentiam divinam (§. 463.) & hoc tamen non obstante admittere tenetur differentiam inter actiones malas & bonas, quatenus moraliter spectantur (§. 500.), adeoque sublata providentia divina non tollitur differentia inter actiones bonas & malas moraliter spectatas. Deista igitur hanc differentiam admittere tenetur.

Probatur etiam hoc modo. Ex eo, quod negatur dari Deum, inferri nequit in actionibus hominum liberis nullum dari boni ac mali discrimen (§. 500.). Quamobrem cum ex eo, quod non detur Deus, necessario sequatur non dari providentiam divinam (§. 463.); nec ex eo, quod non detur providentia divina, inferre licet, nullum esse in actionibus hominum liberis boni ac mali discrimen, consequenter Deista, qui providentiam divinam negat (§. 529.), admittere tenetur differentiam inter actiones bonas & malas moraliter spectatas.

Independenter ab eo, quæ de atheo demonstrata, propositio præsens ostenditur hoc modo. Actiones malæ internæ, quatenus moraliter spectantur, animam ejusque statum reddunt imperfectiorem (§. 574. part. I. Theol. nat.), & malæ externæ, quatenus itidem moraliter spectantur, corpus

corpus & statum nostrum externum reddunt imperfectiorem (§. 575. *part. I. Theol. nat.*), atque adeo ex adverso bonæ animam, corpus & statum nostrum externum perfectiorem reddunt (§. 554. *Psych. empir.*). Quoniam hæc differentia actionum & a posteriori agnoscitur, & a priori demonstratur independenter a providentia divina; ex eo, quod hæc negetur, inferri nequit, nullam dari actionum moraliter spectatarum differentiam. Quamvis adeo Deista negat dari providentiam divinam, hoc tamen non obstante differentiam istam admittere tenetur.

In exemplis res adeo manifesta est, ut in dubium revocari nequeat, nisi quis præjudiciis occæcatum possideat animum. E. gr. Cibus capere ejus quantitatis & qualitatis, ut sanitati & vigori corporis conservando sufficiat atque inserviat, moraliter bonum dicitur: ast capere cibus ea quantitate & qualitate, ut sanitas & vigor corporis destruat, moraliter malum censetur. Hæc differentia a posteriori patet, & ex iis, quæ naturæ hominis insunt, quemadmodum in philosophia practica clarius elucescet, demonstratur, sive supponas dari providentiam divinam, sive nullam dari sumas. Error itaque de providentia divina non obstat, quo minus eam agnoscat. Atque ideo intrinseca actionum honestas & turpitude per Deismum minime tollitur.

§. 538.

Quoniam Deista admittere tenetur differentiam inter actiones malas & bonas moraliter spectatas (§. 537.) quamprimum vero, aliquid nobis distincte repræsentamus tanquam bonum quoad nos, idem volumus (§. 891. *Psychol. empir.*); non repugnat, ut Deista actiones bonas appetat, neque necessario idem malis delectatur actionibus & bonas omnes aversatur.

An visa honesta cum Deismo consistere possit.

Oppido falluntur, qui hinc patrociniū Deismi inferunt. Equis enim homini a rationis usu non alieno persuadebit, commendari Deismum, quod negetur consequentia: Si nulla datur providentia divina, vel Deus parum curat res humanas, pessime vivendum & ab omni actione bona abstinendum. Ita argumentantur, qui formidine nonnisi pœnæ peccare oderunt, non vero virtutis amore, quæ sua sese pulchritudine commendat hominibus intrinsicè actionum humanarum discrimen insipientibus. Relegenda hic sunt, quæ supra annotavimus, cum idem de atheis, de iis, qui Deum simpliciter ignorant, & de illis, qui de existentia ejus dubitant, demonstraremus (not. §. 501. 508. 509. 510.).

§. 539.

Obligatio divina per atheismum & Deismum sublata. *Atheus & Deista tollunt obligationem divinam.* Atheus enim negat, dari Deum (§. 411.). Quamobrem nec admittere potest, Deum; quem nullum esse agnoscit, hominem obligare ad actiones bonas committendas, malas vero omittendas. Tollit adeo obligationem divinam. Quod erat unum.

Deista negat Deum curare res humanas (§. 529.), adeoque ex ejus mente Deo perinde est, quomodocunque vivat homo, sive actiones edat bonas, sive malas. Quoniam igitur negat, velle Deum, ut homo actiones bonas edat, malas vero omittat, nec affirmare potest, quod cum actionibus humanis illarum committendarum, harum vero omittendarum motiva connectat, ut scilicet adsit ratio sufficiens, cur istas velit homo, hæc vero nolit (§. 887. *Psych. empir.*). Quamobrem cum alterum ad quid faciendum, vel non faciendum quis obliget, quatenus cum actionibus motiva certa connectit (973. *part. I. Theol. nat.*); Deista admittere nequit, Deum obligare hominem

minem ad quid faciendum, vel non faciendum. Tollit itaque obligationem divinam.

Evidentius hæc patebunt suo loco, ubi in philosophia practica universali omnis obligationis differentiam altius scrutati fuerimus. Qui actionum moralitatem a voluntate superioris unice deducunt, nec nisi spe præmiorum ad recte agendum hominem incitari, metu autem pœnarum a male agendo deterreri & ad recte agendum invitum compelli posse arbitrantur; sublata obligatione divina, omnem tolli actionum humanarum moralitatem sibi persuadent. Atque ea de causa negant atheum & Deistam actionum bonarum ac malarum differentiam admittere, & consequentia parum firma inferunt; utrumque pessime vivere atque ab omni actione bona abhorreere debere. Sed mercenarium hoc virtutis studium philosophis sanioribus & Theologis cordatioribus dudum improbatum, in philosophia practica confutabimus virtuti nativam, qua fulget, pulchritudinem restituri.

§. 540.

Qui Deum simpliciter ignorat, obligationem divinam quoque simpliciter ignorat. Qui enim simpliciter ignorat dari Deum, ei nulla Dei notio est, saltem is nihil de Deo distincte cognoscit (§. 428.). Quamobrem cum fieri non possit, ut animum ejus de Deo subeat cogitatio, nec fieri posse patet, ut de eo cogitet, utrum Deus hominem ad actiones bonas committendas, malas vero omittendas obliget, nec ne. Obligationem adeo divinam, cujus ipsi nulla notio est, simpliciter ignorat.

Exemplo nobis sunt Sinæ antiqui, qui etsi philosophiam practicam non illaudabili studio excoluerint, obligationem divinam simpliciter ignorarunt. Unde nullibi in libris ipsorum classicis eandem urgeri animadvertes, etsi ad virtutis studium, cui tantopere per omnem vitam incubuit

Con-
suetus

fuctus & quo unice delectatus fuit, ipsa ejus pulchritudine captus, plurimum profuturam.

§. 541.

De obligatione divina dubitandi ratio.

Qui de existentia Dei dubitat; de obligatione etiam divina dubitare tenetur. Qui enim de existentia Dei dubitat, is ignorat, utrum affirmare, an negare debeat quod datur Deus (§. 417.). Quamobrem cum Deus hominem ad actiones alias committendas, alias omittendas obligare non possit, nisi existat; ignorare etiam debet, utrum affirmare, an negare debeat dari obligationem divinam, etsi assensum alteri contradictionis parti præberi velit de veritate sollicitus. Quoniam itaque dubitat, qui, cum velit alteri contradictionis parti assensum præbere, ignorat, utrum affirmativæ, an negativæ subscribere debeat (§. cit.); qui de existentia Dei dubitat, de obligatione etiam divina dubitare debet.

Propositionem præsentem invertere non licet, inferendo dubitationem de existentia Dei ex dubitatione de obligatione divina. Etenim aliæ adhuc esse possunt rationes, cur quis obligationem divinam in dubitationem adducat, etiam si Deum esse pro certo habeat.

§. 542.

Alia.

Qui de providentia divina dubitat; de obligatione etiam divina dubitare debet. Qui enim de providentia divina dubitat, is dubitat, an Deus res omnes in hoc universo gubernet (§. 922. part. I. Theol. nat.), consequenter an actiones creaturarum dirigat ad certum finem (§. 899. part. I. Theol. nat.), atque adeo num ipsi perinde sit, quocunque modo homo actiones suas liberas dirigat, an vero velit, ut eas potius hoc, quam alio modo determinet. Quamobrem cum alterum obligaturus ideo connectat

nectat motiva cum actionibus, quia hasce fieri, illas omit-
ti vult, quia alias obligationis nulla daretur ratio (§. 973.
part. I. Theol. nat. & §. 70. Ontol.); qui de providentia di-
vina dubitat, de obligatione etiam divina dubitare debet.

Qui dubitant de providentia divina, dubitant omnino,
num Deus curet res humanas. Dubitant igitur, utrum ex
parte Dei sit indifferens, nec ne, ut homo hoc potius mo-
do, quam alio actiones suas dirigere debeat. Quamobrem
nec certum ipsis esse potest, utrum Deus homines obliget
ad actiones suas hoc potius modo, quam alio determinan-
das. Qui modum perpendit, quo Deus naturaliter homi-
nem obligat ad actiones non suo arbitratu, sed juxta volun-
tatem ipsius determinandum (§. 987. *part. I. Theol. nat.*);
facile perspiciet ei non esse locum, nisi admissa providentia
divina, consequenter hac sublata & ipsum tolli, eadem ve-
ro in dubitationem adducta & ipsam in dubitationem
adduci debere. Unde etiam ex hoc principio demonstrari
poterat, quod negans providentiam divinam hanc quoque ne-
gare debeat & dubitans de illa de hac etiam dubitare teneatur.

§. 543.

*Qui negat libertatem animæ, obligationem divinam ad- Cum liber-
mittere nequit.* Cum enim animæ libertas consistat in fa- sare anima
cultate ex pluribus possibilibus sponte eligendi, quod ipsi *sollitur obli-*
placet, quoniam ad nullum eorum per essentiam determi- *gati divina.*
nata est (§. 941. *Psych. empir.*); qui libertatem animæ ne-
gat, is admittere nequit, quod homo pro lubitu actiones
suas determinare possit, sed potius pro certo habet, quod
sub datis circumstantiis sic, non aliter agere teneatur.
Frustranea igitur erit obligatio divina ad alias actiones
committendas, alias vero omittendas. Quamobrem cum
Deus nil frustra agere possit (§. 663. *part. I. Theol. nat.*);
si anima libera non est, nec eam ad actiones alias com-
mittendas, alias vero omittendas obligat. Qui adeo ne-

(Wolffii Theol. Nat. Pars II.)

Uuu

gat

gat libertatem animæ, obligationem quoque divinam admittere nequit.

Non tamen propositionem præsentem invertere licet, ita ut ex eo, quod quis neget dari obligationem divinam, inferat, eum libertatem humanam negare: dantur enim rationes adhuc aliæ, cur obligationem divinam negare possit, etsi concedat animam esse in volendo ac nolendo liberam. Sane atheus & Deista tollunt obligationem divinam (§. 539.), etiamsi concedant animam esse liberam.

§. 544.

Cir fatalismus universalis tollit obligationem divinam.

Fatalista universalista tollunt obligationem divinam. Et enim necessitatem absolutam ad ipsas hominum actiones extendunt (§. 528.), adeoque libertatem animæ, quæ actionum contingentiam supponit (§. 941. *Psych. empir.* & §. 294. *Ontol.*), tollunt (§. 317. *Ontol.*). Enimvero qui libertatem animæ negat, obligationem divinam admittere nequit (§. 543.). Fatalistæ igitur universalistæ eandem tollunt.

Quod qui fatalismum universalem amplectuntur, hoc est, necessitatem absolutam ad ipsas etiam actiones humanas extendunt, obligationem divinam tollant, nemo non sine probatione admittit. Ne vero cum nonnullis omnem Fatalismum obligationem divinam tollere existimes; sequentem propositionem addere debemus.

§. 545.

Fatalismus particularis tollit obligationem divinam.

Fatalista particularista non necessario tollit obligationem divinam. Et enim fatalista particularista absolutam necessitatem tantummodo admittit in mundo materiali, animæ autem humanæ suam in volendo & nolendo relinquit libertatem (§. 528.). Quamobrem etsi ne Deus quidem ex ipsius hypothese in mundo materiali quid immutare possit,

fit, sed naturam sibi relinquere teneatur; hoc tamen minime obstat, quo minus velit, hominem actiones liberas hoc potius modo, quam alio determinare debere, eumque ad alias committendas, alias vero omittendas obliget. Obligationem adeo divinam non necessario tollit.

Non obstat, ut homo temperanter vivat, etiamsi omnes casus funesti absolute necessarij sint, nec ab eo evitari possint. Eodem modo quivis videt, non obstat, quo minus Deus velit, ut temperanter vivat, ne noceat vitæ ac sanitati; etiamsi nec ipse casus alios vitæ pariter ac sanitatis adversos ab eodem advertere posse ponatur, quodque ideo ad temperantiam eundem obliget. Qui malum unum evitare nequit, non idcirco nullum evitare studet. Et qui novit, alterum malum unum evitare non posse, non ea de causa vult, ut nullum evitare studeat: quin potius, ne miseria augeatur, mala evitabilia evitari ardentius vult, quod alia evitari non posse agnoscit.

§. 546.

Fatalista, sive idem fuerit particularista, sive universalis-Fatalismus sta, admittere tenetur differentiam inter actiones bonas & malas moraliter spectatas. Quodsi fatalista fuerit particulari-differentiam sta, absolutam necessitatem ad liberas hominum actiones inter actiones minime extendit, sed eam tantummodo in mundo *bonas & materiales* agnoscit; si vero idem fuerit universalista, ad *malas* ipsas actiones humanas eandem extendit, negata animæ libertate (§. 528.). Enimvero actiones malæ, quatenus moraliter spectantur, animam ac corpus statumque nostrum imperfectiora reddunt (§. 574. 575. part. I. Theol. nat.) & ex adverso bonæ perfectiora efficiunt (§. 555. Psych. empir.), consequenter hæc differentia ipsis per se inest, independenter ab eventibus in rerum natura, in quos nobis nulla potestas est, & libertate animæ, quem-

Uuu 2

admo-

admodum nemo non in seipso experitur. Quamobrem si vel maxime tibi persuadeas in mundo materiali omnia absoluta ac immutabili necessitate fieri, nec in arbitrio hominis positum sit, quid in dato casu agere velit; hoc ipso tamen differentia actionum humanarum minime tollitur, sed eadem subsistit. Fatalistæ igitur, sive universalistæ fuerint, sive particularistæ, admittere tenentur differentiam inter actiones bonas & malas moraliter spectatas.

Fatalistæ universalistæ negant libertatem animæ, absoluta necessitate ad actiones humanas extensa (§. 528.). Mirum adeo videri poterat nonnullis, quo modo affirmari queat, eos differentiam inter actiones malas & bonas admittere, cum vulgo Fatalistæ tollere dicantur omnem moralitatem. Enimvero actio humana in se minime variatur, sive ex necessitate edatur, sive ex libertate proficiatur. Temperans omnino ab intemperante differt, sive quis necessario fuerit temperantiæ deditus, ita ut impossibile sit ipsum esse intemperantem, sive quis libere eandem colat, cum etiam intemperans esse posset. Cessat autem obligatio divina, tamen civilis, quatenus scilicet metu poenarum deterreri ab actionibus committendis, vel omitterendis homo potest: id quod docemur in brutis, quorum actiones esse necessarias nemo non agnoscit, quæ tamen metu plagarum inferendarum certis actionibus adfuesieri posse constat. Unde & Fatalistæ non tollunt obligationem civilem, utur non agnoscant obligationem divinam. Equidem non nego eos juri poenarum admiscere errores: sed quales iidem sint, tum rectius intelligetur, ubi & moralitatem omnem, & jus omne poenarum intimius perspicere nobis datum fuerit. Absit autem, ut quis sibi persuadeat, sic errori Fatalistarum patrocinari, ac per hoc ipsum virtuti noceri. Etenim si Fatalistæ persuadere possis differentiam inter actiones bonas atque malas, eidemque illarum amorem, harum odium instilles; multum jam profeceris in studio virtutis promovendo, etiamsi errori nondum

dum valedixerit, & se necessario virtutem amare, vitium odisse existimet. Veritati suus relinquitur usus adversus efficaciam erroris, ne noceat. Quod Fatalista prætexat agendi necessitatem actiones malas, quas perpetravit, excusaturus, facile largior, nec quempiam fore puto, qui id neger: sed de eo jam nobis quæstio non est. Male applicantur errores, quemadmodum veritates per abusum. Quotquot enim sunt, qui se satis excusatos existimant, ubi culpam in alios conijcere, vel exempla aliorum pro se allegare valent, utut libertatem agendi in dubium minime vocent? Non tamen ob excusationem, qua utuntur, errores, qui eidem admiscuntur, ex libertatis hypothesi fluere quisquam defendet.

§. 547.

Deista, si non certo agnoscit differentiam inter actiones Deista quas bonas & malas, facile incidit in atheismum practicum. Etenim do fiat atheus Deista negat, Deum curare res humanas (§. 529.), nec us *practicus*. agnoscit obligationem divinam ad actiones alias committendas, alias vero omittendas (§. 539.). Quamobrem omittit motiva ab attributis divinis desumpta. Quoniam itaque præterea non certo agnoscit differentiam inter actiones bonas atque malas *per hypothesin*; qui vero actiones suas non determinat per motiva ab attributis divinis desumpta, nec intrinsecam actionum honestatem ac turpitudinem agnoscit; in atheismum practicum facile incidit (§. 503.); quin Deista differentiam inter actiones bonas & malas non certo agnoscens in atheismum practicum facile incidat dubitari nequit.

Hinc contigisse puto, quod Deistas cum atheis in eundem censum retulerint videntes eos atheos practicos esse, qui ex notionibus de rebus judicium ferre minime didicerunt. Ceterum cum nec inter Christianos desint, qui differentiam intrinsecam actionum humanarum non agnoscunt &

moralitatem omnem nonnisi ab obligatione divina derivant; facile quoque accidit, ut Deismo admisceatur error de actionum indifferentismo morali, consequenter ut Deistæ sint athei practici. Atque ideo honestati vitæ facile imminet periculum a Deismo.

§. 548.

*Quando
atheus theo-
reticus fiat
practicus;*

Atheus theoreticus si non certo agnoscit intrinsecam actionum honestatem ac turpitudinem, facile incidit in atheismum practicum. Etenim atheus theoreticus Deum dari negat (§. 502.), adeoque impossibile est, ut actiones suas determinet per motiva ab attributis divinis desumpta, quæ nulla agnoscit. Quamobrem si differentiam actionum humanarum quoad honestatem ac turpitudinem intrinsecam certo non agnoscit, cum in atheismum practicum facile incidat, qui actiones suas per motiva ab attributis divinis desumpta determinare omittit, nec intrinsecam earundem honestatem ac turpitudinem certo agnoscit (§. 503.), facile incidit in atheismum practicum.

Quatenus itaque ab atheismo theoretico facile imminet periculum atheismi practici, eatenus quoque ab illo periculum vitæ honestati imminet. Cumque atheus theoreticus moralitatem intrinsecam actionum non admittens vitæ pravitatem atheismo theoretico defendat, ne male egisse videatur; in rebus discernendis parum acuti atheismum practicum a theoretico divelli minime posse arbitrantur, sibi persuadentes atheum theoreticum necessario quoque practicum esse nec ab ullo scelere committendo sibi metuere, modo inter homines impunitatem sibi polliceatur. Quodsi quæsieris, annon atheus theoreticus plerumque sit practicus, id cum facti sit, ex notionibus decidi nequit. De eo autem, quod probabilius videtur, tum rectius statuere licebit, ubi ex philosophia morali constiterit, quanta sit vis appetitus sensitivi adversus rationalem, ubi eidem reluctatur.

§. 549.

§. 549.

Si qui de existentia Dei dubitat intrinsecam actionum honestatem ac turpitudinem certo non agnoscit, in atheismum practicum facile incidit. Etenim in atheismum practicum facile incidit, qui actiones suas per motiva ab attributis divinis desumpta non determinat, nec intrinsecam actionum humanarum honestatem ac turpitudinem certo agnoscit (§. 503.). Enimvero qui de existentia Dei dubitat, cum ignoret, utrum Deum existere affirmare, an negare debeat (§. 417.), quin omittat motiva ab attributis divinis desumpta in actionibus suis determinandis dubitandum non est. Quamobrem si quoque actionum honestatem ac turpitudinem certo non agnoscit, per hypothesin dubitans de existentia Dei, si intrinsecam actionum honestatem ac turpitudinem certo non agnoscit, in atheismum practicum facile incidit.

Quæ ad propositiones antecedentes annotavimus, hic relegenda sunt.

§. 550.

Si quis Dei perfectionibus parum convenire existimet, ut Primum res humanas & quascunque res viles curet; in Deismum incidit. Deismi sunt. Qui enim arbitratur non convenire perfectionibus divinis, ut rerum vilium & abjectarum, quarum in numero etiam collocat hominum actiones, curam gerat; is negat, Deum res humanas & alias viles atque abjectas curare. Enimvero qui negat Deum curare res humanas, Deista est (§. 529.). Quamobrem si quis in eam adducitur opinionem, ut existimet, perfectionibus divinis non convenire curam rerum humanarum aliarumque vilium & abjectarum, in Deismum incidit.

Ecce

Ecce tibi primum Deismi fundamentum : neque enim ejus unicum est. Erroris non unica, sed multiplex ratio est, quæ pro diversitate subjecti variat. Quamobrem cum Deismus in errorum numero sit, quos homines de Deo foveant ; non omni quoque Deistæ eadem erroris ratio est. Ea vero, quam in præsentē propositione commemoramus, non postrema est. Si qui enim summam Dei perfectionem extolli audiunt, nec assensum iis, quæ de eadem dicuntur, denegant, ubi homini altius vulgo sapienti tædium experientur, de rebus vilibus atque abjectis cogitare, nec nisi læsa patientia hominum abjectorum facta narrari audiunt, supremum Numen ex se metientes indignum existimant eidem rerum quarumvis & actionum humanarum scientiam & curam tribuere, quasi Deus nolit hisce turbare sublimes de se cogitationes. Exemplo dicta confirmari non foret difficile, nisi esset odiosum.

§. 551.

Fundamentum Deismi primum eversum.

Deista rerum vilium & abjectarum curam Deo indignam judicans errat. Etenim providentia divina sese extendit ad omnia, quæ sunt ac fiunt in hoc universo, nec quicquam judicari debet adeo abjectum, ad quod sese non extendat (§. 925. *part. I. Theol. nat.*). Quodsi ergo Deista Deo indignum judicat rerum vilium & abjectarum curam habere *per hypothesin*, quod erat negandum affirmat (§. 28. *Ontol.*). Quamobrem cum erret, qui affirmat, quod erat negandum (§. 623. *Log.*) : Deista rerum vilium & abjectarum curam Deo indignam judicans errat.

Primum adeo Deismi fundamentum jam evertimus in Systemate, dum providentiam divinam ad omnia extendendum esse demonstravimus (§. 925. *part. I. Theol. nat.*) idemque S.S. convenienter affirmari evicimus (§. 946. *part. I. Theol. nat.*). Per demonstrationes adeo ibidem propositas erroris sui convincendus Deista. Inprimis autem hic usui sunt, quæ in Systemate demonstravimus, quod judicio Dei non

De Fatalismo, Deismo & Naturalismo. 529

non sint usus exigui, quæ talia nostro existimantur §. 947. *part. 1. Theol. nat.*), & quod Deus in quolibet minimo, quod est in universo, totum videat universum (§. 161. *part. 1. Theol. nat.*), distincte prorsus citra ullam confusionem (§. 156. *part. 1. Theol. nat.*) & intuitive (§. 207. *part. 1. Theol. nat.*). Unde nascitur & cognitio rerum nostro judicio vilium atque abjectarum, & cura Deo maxime digna. Atque hinc arguitur, cognitionem atque curam divinam ex sua hominem metiri minime posse.

§. 552.

*Si quis existimat bonitati ac sapientiæ divinæ, quam in du- Secundum
bium non vocat, non convenire, quod quoad mala physica eadem Deismi fun-
mangat malos & bonos fors; in Deismum facile incidit. Etenim damentum.*
si admittit Deum esse bonum & sapientem, bonitati autem ac sapientiæ ejus non convenire existimat, quod eadem fors maneat bonos atque malos quoad mala physica; in hanc facile adducitur sententiam, quod Deus parum curet res humanas, mala physica vel prorsus sublaturus, vel actionibus hominum convenienter distributurus, siquidem bonitate ac sapientiâ gubernaret hoc universum. Enimvero si quis Deum existere concedit, eum tamen non curare res humanas sibi persuadet, Deista est (§. 529.). Quamobrem si quis agnoscit esse Deum, sapientiæ tamen ac bonitati ejus parum convenire arbitratur, quod quoad mala physica eadem maneat fors malos & bonos; in Deismum facile incidit.

Ecce tibi secundum Deismi fundamentum, quod maxime firmum videtur Deistis. Extra omnem controversiam positum est, quod mala physica non minus experiantur, qui probitati vitæ student, quam qui sceleribus ac quibusvis actionibus malis vitam contaminant. Nemo hoc negare auit, nisi experientiæ quotidiè obviæ contradicere velit. Quædam enim mala physica communia sunt, ut a
(*Wolffii Theol. Nat. Part II.*) X x x bonis

bonis averti non possint, quin simul ab iis immunes sint mali, nec malos ferire queant, quin una boni iisdem obnoxii fiant. Pertinent huc damna, quæ ex annonæ caritate, peste, bello, tempestatibus horridis, incendiis furentibus proveniunt. Alia, quæ particularia sunt, veluti morbi chronici, damna a tempestatibus data & ab hominibus illata, injuriæ ab aliis illatæ, & quicquid fortunæ adversæ est, non minus in bonos, quam in malos sæviunt. Immo fortunam boni haud raro magis experiuntur adversam, quam mali, quibus sæpissime ex voto cedunt omnia, ita ut dudum apud Germanos in proverbium abierit:

*Je schlimmer Holz, je besser Krücke,
Je ärger Schelm, je besser Glücke.*

vel quod brevius dicitur: *die ärgsten Zuren haben das beste Glücke.* Hisce nempe proverbii indigitatur, quo quis sceleratior, eo magis eidem favere fortunam. Idem Salomo hisce expressit verbis *Eccles. VIII, 14.* Sunt, inquit, justi, quibus mala proveniunt, quasi opera egerint impiorum: & sunt impii, qui ita securi sunt, quasi justorum facta habeant. Non videntur hæc convenire sapientiæ divinæ. Quoniam enim Deus mundo providens omnia dirigit ad certos fines (§. 922. 899. *part. I. Theol. nat.*); mala malis immittere debebat in terrorem, bonos vero ex adverso bonis cumulare, ut a malis actionibus homines revocaret, ad bonas vero eosdem incitaret. Id enim conveniens voluntati ejus, qui alterum ad actiones alias committendas alias vero omittendas obligare intendit (§. 973. *part. I. Theol. nat.*), quemadmodum, qui providentiam divinam defendunt, quod homines ad actiones honestas committendas, turpes vero fugiendas obligat, contendunt. Nec videtur convenire bonitati divinæ, quod bonis male, malis vero bene sit. Etenim qui bonus est in alios, eos amat (§. 700. *part. I. Theol. nat.*), atque damna ab iis avertere, bona in eosdem conferre studet (§. 696. *part. I. Theol. nat.*). Quodsi ergo Deus curaret res humanas, bene agentibus ne male sit, curaret. Experientia itaque cum rationi adver-

adversari videatur; ad negandam providentiam divinam haud difficulter sese multi adduci patiuntur, adeoque in Deismum incidunt, si non in atheismum (ut §. 497. 499). Enimvero argumentum hoc non videtur ad speciem compositum nisi iis, qui de rebus arduis per transennam conspectis ex notionibus confusis judicant. Quanta enim opus sit discussione, quanto in discussione acumine, ne maiorum physicorum & moralium inexistencia in hac serie rerum turbet animum, ex systemate abunde intelligitur, praesertim si propositionum huc spectantium analysin in sua principia non neglexeris (§. 992. Log.). Qui nodum hunc Gordium secant, non solvunt, respondentes quae minime satisfaciunt, fundamentum Deismi non subvertunt, sed stabiliunt.

§. 553.

Errat Deista, si mala physica in hoc mundo sapientiae ac bonitatis divinae repugnare arbitratur. Etenim Deus rebus prout Deismi videns per earundem nexum in hoc universo (§. 927. part. secundum I. Theol. nat.) salva sua sapientia summa atque perfectissima subversum. ex hac rerum serie mala physica & moralia, unde physica in alios redundare experimur, tollere nequit (§. 676. part. I. Theol. nat.), nec ea obstant, quo minus huius mundi existentiam & omnia, quae in eodem sunt, sapientissime decreverit (§. 677. part. I. Theol. nat.) ipseque rerum nexus, cui ea insunt, sapientia divina sit constitutus (§. 678. part. I. Theol. nat.). Nec sapientia sua salva impedire potest Deus, ne homo in mala physica & moralia, unde physica in alios proficiuntur, ruat (§. 726. part. I. Theol. nat.). Nec bonitati divinae repugnat, quod hominem in mala ruere sinat (§. 725. part. I. Theol. nat.), nec ex eo, quod homines sint infelices, recte colligitur, quasi Deus erga eos non sit summe bonus (§. 709. part. I. Theol. nat.), bonitateque sua salva facere potuit hominem, qui

libertate sua abuti posset, & quem eadem abuturum praevidebat (§. 722. *part. I. Theol. nat.*), a cujus adeo actionibus moraliter malis (§. 580. *part. I. Theol. nat.*) mala physica profectura noverat in alios & in seipsum (§. 723. *part. I. Theol. nat.*). Quin potius ex adverso bonitati ejus tribuendum, quod mala dirigat in bonum finem (§. 733. *part. I. Theol. nat.*), quod homini immittat mala physica, ut adversus malum morale praeveniatur, vel ab eodem desistat (§. 734. *part. I. Theol. nat.*), quod immittat malum physicum minus, ut eodem avertatur majus (§. 735. *part. I. Theol. nat.*), quod hominem ponat sub iis circumstantiis, quibus mala physica, in quæ sub aliis incidere poterat, avertuntur (§. 736. *part. I. Theol. nat.*): inmo præcepta & prohibitiones Dei a bonitate divina proficiscuntur (§. 992. *part. I. Theol. nat.*), quibus observatis mala physica evitantur (§. 723. *part. I. Theol. nat.*). Non igitur affirmandum, sed negandum, mala physica in hoc mundo repugnare sapientiæ ac bonitati divinæ. Quamobrem si Deista hoc affirmat, quod erat negandum, affirmat. Errat, qui affirmat, quod negandum erat (§. 624. *Log.*). Deista itaque errat, si mala physica in hoc mundo sapientiæ ac bonitati divinæ repugnare arbitratur.

Vides itaque fundamentum Deismi malis physicis superstructum corrui per eorundem theoriam, quam in Systemate tradidimus. Constat vero eandem esse omnium in tota Theologia naturali difficillimam. Quamobrem danda opera, ut principia, quæ in demonstratione propositionis præsentis in medium adduximus, a posteriori confirmantur & similibus capto facilibus illustrentur. Unde & Christus parabola de zizaniis inter triticum natis usus, ut ideam quandam malorum seriei huic rerum ita implicatorum, ut salva sapientia inde tolli nequeant, rudibus animis ingeneraret. Diximus in propositione præcedente, quod
error

error de repugnantia sapientiæ ac bonitatis divinæ atque malorum physicorum hominem de existentia Dei persuasum facile adducat ad Deismum; neque enim Deismus effectus necessarius est. Nimirum qui mala physica, quod inprimis eorundem in mundo distributionem, cum sapientia divina & bonitate conciliare nequeunt; in dubitationem primum adducuntur, utrum mala physica eorundemque distributio sapientiæ ac bonitati Numinis conveniat, nec ne. Quodsi ergo aut satis sibi videntur certi de existentia & sapientia atque bonitate Dei, aut parum certi sunt; vel in dubitationem de providentia divina, vel in dubitationem de ipsa Dei existentia & sapientia atque bonitate adducuntur. Prouti igitur ipsis videtur satis manifestum, mala physica & eorundem præsertim distributionem cum sapientia ac bonitate divina consistere non posse, vel nondum satis exploratum: aut in atheismum vel Deismum incidunt, aut de ipsa Numinis existentia, vel ejus saltem providentia dubitant. Qui errant, non semper ex erronea hypothesi inferunt, quæ necessario inde fluunt; sed in inferendis aliis non minus labuntur, quam in hypothesi condenda, seu fundamentali errore stabiliendo. Modus errandi cum in infinitum variet; casuum omnium possibilitum in philosophia ratio habenda non est. Sufficit enim ibidem ostendisse, quomodo in errorem fundamentalem contingat lapsus, & inde deduxisse, quæ necessario fluunt. Erenim ea admittere teneretur, nisi insanire velit, hypotheseos falsæ assertor; ceteros vero errores, quos parum legitima illatione miscet, stante sua hypothesi damnare teneretur. Atque hæc sufficere ad errores confutandos, principiorum logicorum satis gnarus haud ægre intelliget. Quæ enim ex hypothesi necessaria consequentia deducuntur, ad ejus falsitatem demonstrandam inserviunt, cum in eorum numero esse debeant, quæ veritati cuidam exploratæ contradicunt: errores vero, qui in gratiam hypotheseos admittuntur, cum tamen ex eadem necessario non fluant, missos facere teneretur, nondum missa hypothesi, qui errat, propterea

rea quod per hypothesin ipsam vel confutantur, vel saltem dubitationi obnoxii redduntur. Notanda hæc sunt in genere de omni theoria errorum in Theologia naturali admittendorum & ad alios quosvis errores, præsertim fundamentales, applicanda, ut præsentis instituti ratio perspicatur. Neque enim dubito fore hebetiorum aliquos, quam ut methodi leges sufficienter introspeciant, qui mirabuntur, aut ridebunt, immo damnabunt, errorum Systemata methodo demonstrativa condi, quasi errores non minus, ac veritates demonstrari possint. Dantur utique errorum Systemata, quatenus abiurdo uno posito juxta istud vulgare sequuntur plura, & quemadmodum in systemate vero aberratur a veritate, ita & in systemate errorum aberratur ab errore. Quemadmodum vero ad veritatis solidam cognitionem pervenire non licet nisi via demonstrationis systemate veritatum condito; ita nec immota datur errorum agnitio, nisi errorum systemate perspecto, quod a demonstrationibus vacuum esse nequit. In hoc autem systemate non demonstrantur errores, sed nexus errorum cum errore fundamentali in conspicuum producitur. Atque sic demum discimus, quo fundamento subverso totum corruiat ædificium, ne in particularibus erroribus confutandis inanem operam sumamus & magno conatu nihil agamus.

§. 554.

Deistica hypothesis.

Si quis mundum statuit Deo coæternum, nec ipsi concedis nisi ideam ejus, Deista est. Etenim qui mundum statuit Deo coæternum eique non relinquit nisi ejus ideam: is ei admittit omnem potentiam extra se agendi; consequenter Deus non dat rebus creatis, ut in esse suo perseverent, nec tribuit agendi vires, neque actiones earum ad certum finem dirigit. Quamobrem nec mundum conservat (§. 842. part. I. Theol. nat.), nec ad actiones creaturarum concurrat (§. 876. part. I. Theol. nat.), neque easdem gubernat (§. 899. part. I. Theol. nat.). Cum itaque Deus rebus provideat,

videat, quatenus eas conservat & gubernat, atque ad actiones earundem concurrat (§. 922. *part. I. Theol. nat.*), quod mundum Deo statuit coæternum nec ipsi concedit nisi ideam ejus, providentiam divinam negare tenetur. Qui Deum existere concedit, ejus tamen providentiam negat, Deista est (§. 529.). Deista igitur est, qui mundum statuit Deo coæternum, nec ipsi concedit nisi ejus ideam.

Hypothesis Deistica non unica, sed multiplex est. Etenim Deistæ negant providentiam Dei, quem existere agnoscunt. Non una vero erroris hujus ratio est. Pro rationum adeo diversitate, ob quam providentia divina negatur, diversæ nascuntur hypotheses Deisticæ: tot nimirum sunt numero, quot dari possunt errores, quibus providentia divina tollitur. Non igitur Deistæ omnes de mundi ad Deum relatione eadem sentiunt. Prolixiores esse nolumus in nexu errorum demonstrando, unde in hypothesi præsentate sumimus coæternitatem mundi atque Dei, mundique a Deo nonnisi quoad cognitionem dependentiam, non vero demonstramus, si Deus non aliter circa mundum versatur, quam ut eum cognoscat, mundum esse debere ens necessarium atque adeo ipsi Deo coæternum. Verum est dari ideam mundi in intellectu divino (§. 181. *part. I. Theol. nat.*) & Deum cognoscere omnia, quæ sunt atque fiunt in hoc universo (§. 939. 940. *part. I. Theol. nat.*). Sed veritati admiscetur error, quatenus mundus ponitur coæternus Deo & ab ipso prorsus independens, si a cognitione discesseris. Ex eo igitur, quod Deus dicatur substantia repræsentativa omnium mundorum possibilium prorsus illimitata, perperam inferitur Deismus, multo minus recte atheismus, cui Deum existere sibi hoc universum quam distinctissime repræsentare repugnat (§. 411.). Etenim distincta mundi huius in intellectu divino repræsentatio nec creationi mundi, nec providentiæ divinæ repugnat. Ecquæ enim de causa fieri posset, ut veritas una alteram tolleret? Nemo

Nemo hoc dixerit, nisi male sanus. Immo si quis sumserit, Deum esse substantiam, quod quæ omnes mundos possibiles sibi quam distinctissime repræsentat; ex eo omnia deducere licet, quæ in systemate de Deo demonstrantur. Neque enim idea mundi in intellectu divino eum aliter repræsentat, quam is est. Quamobrem si a posteriori inquirimus, qualis sit mundus, haud difficulter demonstratur esse ens contingens, consequenter cum per hoc non existat, quod Deus eundem quam distinctissime cognoscat, eidem porro tribuenda veniunt, unde ejus actualitas dependet. Immo cum Deus ponatur omnes mundos possibiles sibi repræsentare, non tamen existere intelligatur nisi unus (§. 177. *part. I. Theol. nat.*); in Deo admittenda sunt præter ideam mundi adhuc alia, per quæ actualitas hujus, qui existit, determinatur, non vero ceterorum. Quid quod ex natura appetitus, quem involvit perceptio, sequatur mundi quoad actualitatem dependentia a Deo? Relegenda hic sunt, quæ in systemate annotavimus (*not. §. 1094. part. I. Theol. nat.*).

§. 555.

*Quando
Deista mun-
dus ens ne-
cessarium.*

Si Deista mundum statuit Deo coæternum, nec Deo concedit nisi nudam ejus cognitionem; mundum facit ens necessarium. Etenim si Deus nonnisi mundum ipsi coæternum cognoscit, in eo non datur ratio sufficiens actualitatis seu existentiae ejusdem (§. 56. *Ontol.*). Quoniam tamen sine ratione sufficiente nil esse potest (§. 70. *Ontol.*), adeoque ratio etiam detur necesse est sufficiens, cur hic potius existat mundus, quam non existat; ea in ipsa mundi essentia contineri debet. Enimvero ens necessarium est, quod rationem sufficientem existentiae suæ in essentia sua habet (§. 309. *Ontol.*). Erit igitur mundus hic adspectabilis ens necessarium, consequenter Deista Deo nonnisi nudam cognitionem mundi ipsi coæterni tribuens hunc ipsum ens necessarium facit.

Patet

Pater adeo Deistam admittere debere mundi existentiam absolute necessariam, si eum Deo coæternum statuit, nec nisi nudam ejus cognitionem eidem tribuit. Ex sola coæternitate necessaria mundi existentia, multo minus ejus a Deo independentia inferri minime potest, adeoque nec ex æternitate mundi Deismus recte inferitur; ac facile erroris sui redarguitur, si quis hoc faciat.

§. 556.

Si Deista Deo nudam cognitionem mundi ipsi coæterni Quando tribuit; mundum vi propria existere sibi que ad existendum i-^{nam in hypo-}psummet sufficere admittere tenetur. Etenim si Deista nu-^{thesi Deistica}dam Deo cognitionem mundi eidem coæterni tribuit, hunc ^{mundus vi} ipsum ens necessarium facit (§. 555.). Quoniam itaque ^{propria exi-}ens necessarium vi propria existit, ac sibi metipsi ad exi-^{stat.}stendum sufficit (§. 26. part. I. Theol. nat.); Deista Deo nudam cognitionem mundi eidem coæterni tribuens admittere tenetur, mundum vi propria existere sibi que ad existendum sufficere.

Deista itaque Deo mundi sibi coæterni nudam cognitionem tribuens admittere tenetur independentiam omnimodam ejus in existendo a Deo, atque adeo ex hypothesi ejus existeret mundus, etiamsi nullus daretur Deus, nec ulla est coexistentiæ Dei & mundi ratio sufficiens.

§. 557.

Deista Deo mundi eidem coæterni nudam cognitionem tri- Quando buens mundum facit ens a se. Si enim Deista Deo tribuit nu-^{mundus ens}dam cognitionem mundi eidem coæterni, hunc ipsum ens a se in hypo-^{thesi Deistica}necessarium facit (§. 556.). Est vero ens necessarium ens a se (§. 33. part. I. Theol. nat.). Ergo Deista Deo tribuens nudam cognitionem mundi eidem coæterni hunc ipsum ens a se facit.

Aseit as adeo mundi cum hypothesi Deistica Deo nudam mundi eidem coaterni cognitionem tribuente indivulso nexu cohereret, quemadmodum hypothesi atheistica (§. 437.). Unde hæc Deismi species atheismo proxima & quæ atheus de mundo tenet, eadem quoque Deista in hypothesi præsentis de eodem statuere debet. Nimirum cum atheo defendere teneretur, quod mundus sit independens ab ente alio ab ipso diverso (§. 439.) & quæ porro superius de eodem demonstrata sunt (§. 440. *Esseqq.*). Etsi enim admittat dari Deum, quem existere negat atheus (§. 411.); cum tamen mundus ipsi sit ens a se, quoad mundum perinde est, sive Deus existat, sive non existat. In hoc igitur casu ab atheo parum differt Deista. Non tamen incongruum est, ut ab atheo adhuc distinguatur. Quoniam enim Deum, ens perfectissimum, admittit; erroris sui facilius redarguitur quam atheus & ad veritatis agnitionem adducitur. Ceterum cum omnia, quæ in hypothesi athei de mundo in superioribus demonstrata sunt (§. 440. *Esseqq.*), ex aseitate mundi deducantur, propositiones singulæ de Deista in præsentis hypothesi eodem prorsus modo, retentis ipsismet singulis verbis, demonstrantur, quo supra demonstratæ fuerunt. Non igitur opus est, ut easdem denuo huc transferamus. Ne vero quis sibi persuadeat, fingi Deistam, qui sit atheus; propositionem sequentem addere lubet.

§. 558.

*Possibilitas
hypotheseos
Deistica, in
qua mundus
ens a se.* Non impossibile est, ut quis admittat Deum existere, ei tamen non tribuat nisi nudam mundi ipsi coaterni cognitionem. Etenim ens perfectissimum esse possibile independentem a contingentia hujus mundi adspectabilis demonstratur (§. 13.), cumque verum sit, quod demonstrari potest (§. 544. *Log.*), independentem a contingentia mundi verum esse intelligitur, ens perfectissimum esse possibile. Ens perfectissimum Deus est (§. 14.). Independentem itaque a contingentia mundi intelligitur, ens
istius

istiusmodi, quale dicimus esse Deum, possibile esse. Enimvero ex eo, quod ens istiusmodi, quale Deum dicimus, possibile sit, porro demonstratur, Deum necessario existere (§. 21.). Quamobrem independentem a contingentia mundi intelligi potest, verum esse, quod existat Deus, ens perfectissimum. Jam mundus oriri nequit nisi per creationem (§. 337.), ex nihilo producendus, si existere debet (§. 336.). Enimvero cum naturæ rerum nulla competat potentia creatrix (§. 767. *part. I. Theol. nat.*), nec ulli enti a Deo communicari possit (§. 775. *part. I. Theol. nat.*), a potentia naturæ & animarum nostrarum ipsa specie diversa, seu alterius prorsus generis (§. 776. *part. I. Theol. nat.*), adeoque nullam ideam ejus habeamus; & olim fuere plurimi, qui quid ex nihilo produci posse negarunt, & hodie in eundem errorem ut eadem de causa incidant aliqui, impossibile non est. Quodsi ergo mundus ex nihilo produci nequit, necesse est, ut vi propria existat, adeoque sit ens a se (§. 27. *part. I. Theol. nat.*). Non igitur impossibile est, ut quis admittat dari Deum, asserat tamen mundum esse a se, adeoque æternum (§. 35. & *segg. part. I. Theol. nat.*); consequenter eidem etiam æterno (§. 74. *part. I. Theol. nat.*) & mundum hunc sibi repræsentanti (§. 71.) non tribuat nisi nudam mundi hujus eidem coæterni cognitionem.

Cum atheismi fundamentum sit mundi aseititas, Deista autem nonnisi nudam mundi cognitionem Deo, quem existere admittit, tribuens mundi aseitatem agnoscere teneatur veram (§. 557.), quamdiu hypothese suæ nuncium mittere recusat; dubium omnino videri poterat, num error istiusmodi in numero possibilium sit, qualem eidem tribuimus: neque enim defuturos existimo, qui pro atheo habituri sunt Deistam mundo aseitatem tribuentem. Enimvero ex

propositionis præsentis demonstratione intelligitur, id inde esse, quod existentia Dei etiam independenter a contingentia mundi agnosci possit. Si quis existimet, in hypothese Deisticam incidere posse eum, qui cogitat, in systemate harmoniæ præstabilitæ animæ non tribui nisi ideam mundi hujus adspectabilis, negata reali dependentia corporis & rerum in mundo materiali aliarum ab anima, & ad animæ imitationem sibi fingit Deum; id non prorsus impossibile esse lubens concedo: Sed tum eum pueriliter errare pronuncio, nisi existentiam Dei admitat vi notionis perfectissimi entis. Deum enim existere non alia de causa affirmare potest, quam quod mundi existentiam absque eo concipere nequit, quod ubi facit, mundum pro ente a se habere minime potest, quemadmodum requirit præsens hypothesis (§. 557.). Esti autem existentiam entis perfectissimi agnoscens Deum instar animæ illimitatæingat: non tamen id ideo facit, quod anima concipiatur substantia mundum limitato quodam modo sibi repræsentans, cujus nullus est influxus physicus in res materiales extra se; sed quod mundi realem a Deo dependentiam demonstrare non possit, quemadmodum fert demonstratio propositionis præsentis. Nullo igitur modo defendi potest, quod systema harmoniæ præstabilitæ ad Deismum, de quo jam nobis sermo est, ducat. Per errorem eidem tribuitur, quod alii errori erat tribuendum, nimirum impossibilitati apparenti productionis ex nihilo. Posito autem, sed non concesso, systema harmoniæ præstabilitæ in Deismum trahi; abusus, quem facit Deista, nulla ratio est, cur ipsum inter principia atheistica referas, præsertim cum nihil facilius sit, quam abusum ostendi. Quam multæ sunt in ipsa Scriptura sacra veritates, ex quibus errores noxios deducunt multi; æquis vero, quæ tradit S. S., dixerit errorum istorum principia? *Spinoza* in Tractatu Theologico-Politico ex iis, quæ in Vetere Testamento de Deo docentur, infert Deum sese revelasse Patriarchis atque Prophetis secundum ipsorum imaginationem, atque idcirco negat præclari quid de Deo ex S. S. addisci posse, nec veram inde Numinis notionem hauriri concedit. Ecquis

vero

vero dixerit, damnandum esse, quod S. S. de Deo loquatur humano more, ac principia errorum pessimorum in eadem contineri? Si veritatem profiteri non liceret, quamdiu verendum, ne quis per abusum incidat in errorem; vix ulla dabitur maximi momenti veritas, quæ non rejicienda foret. Profitemur veritatem & ejus facimus usum, nemine reprehendente nisi infano: quodsi vero quis eadem abutitur, ostendendus est abusus, ut errans agnoscat nulla consequentia inde fluere, quem infert, errorem.

§. 559.

Errat Deista, si Deo, quem existere cognoscit, nonnisi mundi eidem coæterni ideam concedit. Etenim si Deista Deo, *potheos* quem existere cognoscit, nonnisi mundi eidem coæterni *Deificati* ideam concedit; mundum hunc adspectabilem facit ens a *tia*. se (§. 557.) atque necessarium (§. 555.). Enimvero mundus hic adspectabilis (§. 50. *part. I. Theol. nat.*) cum elementis suis ens a se esse nequit (§. 52. 756. *part. I. Theol. nat.*) & mundus (§. 332.) atque elementa ejusdem (§. 329. 331.) entia contingentia sunt, & Deus fecit hunc mundum adspectabilem ipsaque elementa rerum materialium (§. 758. *part. I. Theol. nat.*). Errat igitur Deista, si Deo, quem existere agnoscit, mundi eidem coæterni nonnisi ideam seu nudam cognitionem concedit (§. 623. *Log.*)

Vides itaque hypotheseos *Deisticæ*, cum qua jam nobis negotium est, falsitatem jam ostensam fuisse in systemate & prima partis hujus secundæ Theologiæ naturalis sectione. Qui igitur philosophiæ nostræ sedulam navat operam, ei verendum non est, ne per principia ejusdem in hanc incidat *Deismi* speciem.

§. 560.

Deista Deo non tribuens nisi mundi eidem coæterni ideam creationem mundi negat. Etenim si Deista mundum *ista mundi* statuit

*creationem
negat.*

statuit Deo coæternum eique non concedit nisi nudam ipsius cognitionem, admittere tenetur, quod mundus vi propria existat, sibi que ad existendum ipsemet sufficiat (§. 556.). consequenter quod existere possit, etiamsi nullus ponatur esse Deus. Negare igitur tenetur mundum cum elementis suis a Deo esse factum. Quamobrem cum mundus oriri nequeat, siquidem cum ortum fuisse ponamus, nisi per creationem (§. 337.); Deista Deo non concedens nisi nudam mundi ipsi coæterni cognitionem ejus creationem negare tenetur.

Ostenditur etiam hoc modo. Si Deista Deo non concedit nisi nudam mundi ipsi coæterni cognitionem, mundum pro ente a se habet (§. 557.). Quoniam itaque ens a se ideo existit, quia possibile (§. 34. *part. I. Theol. nat.*); mundum quoque ideo existere, quia possibilis, affirmare tenetur, consequenter negare debet, præter intrinsecam mundi possibilitatem dari rationem aliam, cur existat (§. 56. *Ontol.*). Quamobrem negare quoque tenetur mundum existentiam suam adeptum per creationem.

Poterat idem aliis adhuc demonstrari modis, sed opus non est, ut in evincenda propositionis præsentis veritate multis. Etenim fundamentum hujus speciei Deismi, de quo jam agimus, non est aliud, nisi quod actus creationis, sine quo mundus oriri non potuit, siquidem eidem ortus tribuatur (§. 337.), pro impossibili habeatur, juxta illud veterum male intellectum: ex nihilo nihil fit. Quod enim creatur, ex nihilo fieri debet (§. 697. *Psych. rat.*) Deista igitur in præsentem casu tanquam rationem saltem tacite supponit, mundum per creationem oriri non potuisse, ac ideo ortum ejus negans eum in actualitate sua a Deo prorsus independentem facit. Falluntur, vero, qui sibi aliisque persuadere conantur, si Deus dicatur substantia omnes mundos

dos possibles sibi distinctissime repræsentans, eo ipso negari creationem. Neque enim Deista negat creationem, quod Deo tribuat cognitionem distinctam hujus universi; sed quod ipsi tribuat cognitionem nudam & mundum faciat ens a se. Qui vero agnoscit mundi contingentiam, etiam quoad ipsa elementa; ex ipsa vi repræsentativa omnium mundorum possibilitum potentiam Dei creatricem & ipsum creationis actum methodo demonstrativa deducit.

§. 561.

Errat Deista Deo nonnisi nudam mundi sibi coæterni Fundamentideam concedens, dum creationem mundi negat. Mundus hic tum tertium adspectabilis una cum ipsis ejus elementis (§. 756. part. Deismi c. I. Theol. nat.) factus est ab alio (§. 757. part. I. Theol. versum. nat.). Quamobrem cum in Deo contineatur ratio sufficiens existentia hujus mundi adspectabilis (§. 67. part. I. Theol. nat.), quin cum elementis suis a Deo factus sit dubitari nequit. Mundus vero aliter oriri non potuit nisi per creationem (§. 337.). A Deo igitur creatus fuit. Quamobrem Deista Deo nonnisi nudam mundi sibi coæterni ideam concedens errat, dum creationem negat (§. 623. Log.).

Idem quoque sic ostenditur. Mundus una cum elementis rerum materialium & animabus tam brutorum, quam hominum (§. 331.), est ens contingens (§. 332.). Quamobrem cum ens contingens rationem sufficientem in essentia sua non habeat, sed in ente alio (§. 310. Ontol.); mundus cum elementis rerum materialium atque animabus tam brutorum & hominum rationem sufficientem existentia suæ in essentia sua minime habet, sed in ente alio, nempe Deo (§. 67. part. I. Theol. nat.), quem existere non negat Deista (§. 529.). Quamobrem cum mundus oriri nequeat

nequeat nisi per creationem (§. 337.), una cum elementis rerum materialium atque animabus (§. 335. *part. II. Theol. nat.* & §. 691. *Psych. rat.*); cum a Deo creatum esse indubium revocare nequit Deista. Quodli ergo hoc facit (§. 560.), errat (§. 623. *Log.*).

Immo cum Deista Deum esse concedens (§. 529.), mundum tamen ens a se facit (§. 557.), quod vi propria existat libique ipsummet ad existendum sufficiat (§. 556.), illum ens perfectissimum esse agnoscat, quemadmodum ex possibilitatis hypotheseos hujus Deistica demonstratione clarius intelligitur (§. 558.); ex notione autem entis perfectissimi deduxerimus, quod creaverit animas (§. 338.), mundumque cum ipsis elementis (§. 342.): ex eo, quod admittit, convinci potest. Deo competere creationem, consequenter ipsum errare (§. 623. *Log.*), dum hoc negat (§. 560.).

Principia, quibus hic utimur, ad evincendam creationis veritatem, admittere teneretur Deista, cum quo jam nobis negotium est, etiamsi nondum valedixerit hypothesei suæ. Quamobrem iisdem uti datur, ubi convincendus erroris sui, quo creationem mundi negat (§. 560.). Impossibilitas creationis, quam prætendit, est fundamentum hujus speciei Deismi. Quamobrem vi demonstrationis propositionis præsentis idem subvertitur. Supponit hæc demonstratio elementa rerum materialium atque animas nostras esse substantias simplices; unde apparet, quam sit necesse veram elementorum theoriam, quam in Cosmologia integro capite tradidimus, agnosci, siquidem errores omnes de Deo solide refutare volueris.

§. 562.

Quartum Si Fatalista Deum mundi autorem agnoscit, ipsi ta-
Deismi fun-
damentum. men omnem in creando libertatem adimit; Deista est.
Etenim cum libertas sit facultas ex pluribus possibilibus eligen-

eligendi sponte quod placet, ad nullum eorum per essentiam determinato eligente (§. 941. *Psych. empir.*); qui Deo adimit omnem in creando libertatem, is nec concedit præter hunc mundum alium fuisse possibilem, nec fieri potuisse, ut eum non crearet, consequenter contendit, mundum hunc unicum fuisse possibilem, eumque a Deo necessario fuisse creatum. Jam Fatalista absolutam rerum omnium in mundo necessitatem defendit (§. 528.). Quamobrem si Deo adimit omnem in creando libertatem, adeoque hunc mundum necessario ab eo fuisse creatum defendit, nec aliter fieri potuisse arbitratur, quam qualem fecit *per demonstrata*; præter ea, quæ in mundo consequuntur actum, alia possiblem esse negat, & ex adverso quæ possiblem sunt, actum necessario consequi statuit. Nulla igitur relinquitur Deo eorum, quæ in mundo eveniunt, directio ad certos fines, consequenter gubernatio divina tollitur (§. 899. *part. I. Theol. nat.*), cumque effectus casuales sint, qui ex concursu causarum alterius gratia agentium oriuntur (§. 460.), casus admittitur etiam ex parte Dei. Gubernatio præcipua pars est providentiæ divinæ, præsertim quatenus curam rerum humanarum respicit (§. 922. *part. I. Theol. nat.*). Quare Fatalista Deum mundi autorem agnoscens, ipsi tamen omnem in creando libertatem adimens tollit providentiam divinam, ac impossibile est in ejus hypothesi, ut Deus res humanas curet. Enimvero Deista est, qui Deum existere concedit, cum tamen res humanas curare, seu providentiam divinam negat (§. 529.). Fatalista igitur Deo omnem in creando libertatem adimens Deista est.

Non omnis Fatalista Deista est: sunt enim etiam athei Fatalistæ (§. 531.), qui Deistæ non sunt (§. 532.). Neque enim ex Fatalismo hic deducitur Deismus; sed ex negata

(*Wolffii Theol. Nat. Pars II.*) Z z z liber-

libertate omni in creando. Hypothesis itaque absolute necessariae creationis tum ex parte Dei, tum ex parte mundi, seu fatalissimus ad ipsum Deum extensus Deismi fundamentum est. Unde eversa absoluta necessitate creationis tum ex parte subjecti, tum ex parte objecti tollitur hæc Deismi species.

§. 563.

*Fundamen-
tum Deismi
quartum
eversum.*

Errat Deista Deo omnem in creando libertatem adimens. Etenim præter hunc mundum alii adhuc possibiles sunt, in quibus ad actum deducerentur possibilia, quæ in præsentem actum non consequuntur (§. 101. *Cosmol.*), nec ordo naturæ absolute necessarius est (§. 561. *Cosmol.*). Ex parte igitur objecti non datur absoluta necessitas, cur Deus hunc potius produxerit mundum, quam alium, & hunc potius fecerit naturæ ordinem, quam alium. Præterea Deus mundum aliquem existere voluit citra omnem coactionem internam (430. *part. I. Theol. nat.*), & in electione hujus, qui existit, mundi liber est ab omni coactione interna (§. 351. *part. I. Theol. nat.*), quia ipsi inter omnes possibiles maxime placuit (§. 331. *part. I. Theol. nat.*), & ejus electionem se maxime decere agnovit (§. 334. *part. I. Theol. nat.*). Quoniam itaque libertas non consistit nisi in facultate ex pluribus possibilibus sponte eligendi, quod placet, cum eligens ad nullum eorum per essentiam determinatus sit (§. 941. *Psych. empir.*); Deo competit omnis in creando libertas. Errat itaque Deista, qui Deo omnem in creando libertatem adimit (623. *Log.*).

Idem brevius ostenditur hoc modo. Deus libere creavit mundum (§. 354.), adeoque falsum est, ipsi non competere libertatem in creando. Creavit autem, quia creare voluit (§. 350.) & voluntas ejus liberrima est, seu summa ejus in volendo libertas (§. 277.). Falsum igitur, quod

quod omnis eidem adimenda sit in creando liberras, Deista igitur, qui Deo omnem in creando libertatem adimit, errat (§. 623. *Log.*).

Vides itaque fundamentum quartum Deismi penitus subverti tum per principia in systemate, tum superius in sectione prima partis hujus alterius Theologiæ naturalis stabilita. Etenim per ista principia demonstratur libertas omnimoda creationis, ut admitti debeat, etiam si non habeamus ideam creationis.

§. 564.

Deista omnis irreligionarius est. Etenim Deista negat *Cur Deista* Deum curare res humanas (§. 529.), tollitque obligationem divinam (§. 539.). Quamobrem nec statuere potest, Deum velle vel hominem obligare, ut ipsius gratia certas edât actiones. Quare cum actiones, quas homo ideo edit, quia novit esse Deum, sint cultus divinus (§. 511.), religio autem certus quidam Deum colendi modus sit (§. 512.); nec statuere potest, velle Deum, ut homo ipsum colat, vel ad cultum suum eundem obliget, adeoque religionem dari. Enimvero qui religionem nullam habet, irreligionarius est (§. 514.). Deista igitur omnis irreligionarius est.

Negata providentia divina tolli religionem omnem multo adhuc clarius patebit, ubi cultum divinum tam internum quam externum demonstraverimus. Constat enim illis actionibus, quæ ad cultum divinum requiruntur, locum esse non posse, si nulla sit providentia. Athei similiter irreligionarii sunt (§. 515.), atque in eo cum Deistas conveniunt. Unde est, quod multi Deistas cum Atheis confundant: quod tamen minus recte fieri, ex superioribus liquet (§. 532.).

Z z z .

§. 565.

§. 565.

*Repugnantia
Deismi
& Naturalismi.*

Deista Naturalista non est, nec Naturalista Deista esse potest. Etenim Deista irreligionarius est (§. 564.). Quare cum irreligionarius sit, cui nulla est religio (§. 514.); Deista nullam habet religionem, consequenter nec eam admittit, quæ ex principiis rationis deducitur. Quoniam itaque naturalis religio est, quæ per principia rationis definitur (§. 512.); Deista negat necessariam esse religionem naturalem. Enimvero qui religionem naturalem rejicit, seu non necessariam agnoscit, Naturalista esse nequit (§. 530.). Deista igitur Naturalista esse nequit.

Ex adverso Naturalista agnoscit religionis naturalis necessitatem (§. 530.), consequenter cum is demum irreligionarius sit, cui religio nulla est (§. 514.), irreligionarius non est. Enimvero Deista irreligionarius est (§. 564.). Naturalista igitur Deista esse nequit.

Manifesta adeo est repugnantia inter Deismum & Naturalismum, qualis inter Deismum & Atheismum (§. 532.), & inter atheismum atque Naturalismum intercedit (§. 533.). Non igitur absque ratione sufficiente quemadmodum athei a Deistis, ita Deistæ a Naturalistis distinguuntur.

§. 566.

*Quando Deista
antiscipiturarius.*

Si Deista novit dari S. S. antiscipiturarius est. Etenim Deista irreligionarius est (§. 564.). Quamobrem cum irreligionarius religionem omnem rejiciat (§. 514.), adeoque & revelatam (§. 512.); Deista religionem revelatam rejicit. Quamobrem cum religio revelata ex principiis revelationis deducatur (§. cit.): revelationem nullam admittit. Quodsi ergo novit, Scripturam sacram a Christianis pro revelatione divina haberi; revelationem divinam

vinam in eadem contineri negat. Quare cum antiscripturarius sit, qui S. S. revelationem divinam contineri negat (§. 523.); Deista, qui novit dari S. S. antiscripturarius est.

Idem etiam sic ostenditur. Deista irreligionarius est (§. 564.). Enimvero si irreligionarius novit Christianos affirmare, quod in S. S. contineatur revelatio divina; antiscripturarius est (§. 526.). Quamobrem si Deista novit, Christianos affirmare, quod in S. S. contineatur revelatio divina; antiscripturarius est.

Deista igitur, qui vivunt inter gentes, quibus de S. S. nihil innotuit, antiscripturarii non sunt (§. 523.). Ceterum in eo atheus & Deista conveniunt, quod uterque neget S. S. divinitatem, adeoque antiscripturarius sit (§. 524.). Et quoniam vulgo antiscripturarii perperam pro atheis habentur (§. 527.), inde est, quod athei quoque cum Deistis a nonnullis confundantur. Potest autem ex propositione præsentis alio adhuc modo, quam supra demonstratum fuit (§. 527.), demonstrari, antiscripturarium non necessario esse atheum. Etenim *vi præsentis* antiscripturarius Deista esse potest. Deista vero atheus non est (§. 532.). Quamobrem antiscripturarius non necessatio atheus est.

§. 567.

Deista argumentis ex S. S. petitis refutari nequit. Deista *An Deista ex* enim cum antiscripturarius sit (§. 566.), revelationem di- *S. S. refutari* vinam in S. S. contineri negat (§. 523.). Enimvero qui *possit.* pro vero habet, quod in S. S. extat, non alia de causa idem tanquam verum admittit, quam quod Deum dixisse credat, quæ ipsa docet, consequenter quod pro certo habeat, in S. S. contineri revelationem divinam. Deista igitur negat, vera esse, quæ in S. S. continentur, nisi aliunde eorum veritas demonstrari possit, consequenter nihil

ideo admittit tanquam verum, quia in S. S. extat. Quoniam itaque alterum vi demonstrationis convincere, adeoque refutare (§. 1017. Log.) minime vales, nisi in syllogismis, qui illam ingrediuntur, utaris præmissis eidem certis (§. 991. Log.); Deista ex S. S. petitis argumentis refutari nequit.

Apparet adeo necessitas Theologiæ naturalis ad profligandum Deismum. Unde porro inferitur, philosophi esse refutare Deistas, nec utilem in iis refutandis collocari operam ab eo, qui in omni philosophia peregrinus ac hospes est: quod idem de refutando atheo jam in superioribus annotavimus (not §. 504.). Quodsi ergo Theologus atheos & Deistas refutare voluerit, necesse est ut idem sit philosophus: cum enim uti debeat argumentis ex Theologia naturali, minime vero ex S. S. petitis, hoc facit non qua Theologus, sed qua philosophus. Quoniam Theologi utique est religionem Christianam defendere adversus atheos atque Deistas; hoc ipso apparet necessitas studii philosophici cum theologico conjungendi. Turpiter adeo errant vel hac una de causa, etsi adhuc supersint aliæ non minoris momenti rationes, quarum quædam in Systemate passim annotatæ, qui inter Protestantes vel omnem philosophiam damnant, aut ejus saltem studium Theologo inutile pronunciant, vel ferre nolunt, quod Philosophia, Theologia præsertim naturalis, ad certitudinem perducatur & evidentiam.

§. 568.

An Naturalista sit irreligionarius. Naturalista irreligionarius non est. Naturalista enim necessitatem religionis naturalis agnoscit (§. 530.). Quamobrem cum irreligionarius non sit, qui religionem aliquam admittit (§. 514.); Naturalista irreligionarius non est.

Patet adeo Deismum & atheismum, quibus omnis tollitur religio (§. 515. §64.), Naturalismo pejorem.

§. 569.

§. 569.

*Si Naturalista novit dari S. S. & religionem revelatam rejicit: Quandonam cit: antiscripturarius est: si vero divinitatem S. S. admittit, re-antiscriptur-
ligionem tamen revelatam homini necessariam non existimat, etsi varius sit.
utilem esse concedat, antiscripturarius non est.* Etenim si Naturalista religionem revelatam rejicit, nempe simpliciter, adeoque omnem, cum religio revelata ex principiis revelationis deducatur (§. 512.), nullam quoque dari revelationem divinam, quæ sit vera, contendit. Quamobrem ubi novit, Christianos affirmare, quod in S. S. contineatur revelatio divina; nec eam pro vera habet, consequenter negat in S. S. revelationem divinam contineri. Est vero antiscripturarius, qui negat, S. S. continere revelationem divinam (§. 523.). Naturalista igitur, si novit dari S. S. & religionem revelatam rejicit, antiscripturarius est.

Enimvero si religionem revelatam quidem homini non necessariam esse existimat, etsi utilem esse concedat, divinitatem S. S. tamen admittit; in Scriptura sacra revelationem divinam contineri agnoscit. Quamobrem cum antiscripturarius non sit, qui in S. S. revelationem divinam contineri non negat (§. 523.); Naturalista, qui divinitatem S. S. admittit, religionem tamen revelatam homini non necessariam esse existimat, etsi utilem esse concedat, antiscripturarius non est.

Naturalistæ omnes in eundem censum minime referendi, quemadmodum subinde fieri solet. Distinguendus nimirum *philosophicus Naturalismus*, qui antiscripturariorum est, a *theologico*, quem fovent nonnulli S. S. divinitatem agnoscen-
tes, sive ipsimet religionem revelatam amplectantur, sive in sola naturali acquiescant, etsi eam veram esse in dubium minime vocent. Nimirum Naturalistæ antiscripturarii nihil in religione admittunt, quod non ex principiis rationis demon-

demonstrari possit, nullam agnoscentes religionis normam nisi rationem. Unde religionem revelatam omnem inter hominum figmenta referunt, & Christianam quoque damnant, Scripturam sacram cum Alcorano eodem loco habentes. Enimvero qui antiscipiturarii non sunt, veritatem religionis Christianæ agnoscunt, homini tamen sufficere arbitrantur religionem naturalem, ita ut huic deditos cum Christianis eodem loco habeant, ubicunque gentium degant: ipsimet vero vel christianam sectantur, quia mentem S. S. sibi agnoscere videntur; vel eam non sequuntur, quia ignorant, cum Christiani inter se dissentiant de vero S. S. sensu, nec omnibus eadem placeant, penes quam partem stet veritas. Cum enim in sola naturali, quam homini sufficere arbitrantur, acquiescere, quam revelatam erroribus humanis obnoxiam sectari malint; nulli Christianorum parti subscribere volunt. Quodsi ergo Naturalismum refutare animum induxeris, diversæ ejus species a se invicem probe distinguendæ, nisi summa imis miscere ac proferre volueris, quæ ad rem minime faciunt, nec iniquus subinde esse in eos, de quibus benignius sentiendum erat.

§. 570.

*Quando Fatalista non sit
irreligionarius, nec antiscipiturarius.*

Fatalista si fuerit particularista, non necessario irreligionarius est, immo nec antiscipiturarius. Etenim Fatalista, si particularista fuerit, animæ suam in volendo & nolendo libertatem relinquit (§. 528.); admittit differentiam inter actiones bonas & malas moraliter spectatas (§. 546.) & obligationem divinam ad alias omittendas, alias committendas (§. 545.), nisi scilicet admisceat errores ex Particularismo Fatalisimi minime fluentes. Quamobrem etsi in mundo materiali absoluta necessitate omnia evenire arbitretur (§. 528.); id tamen minime obstat, quo minus Deum, ens perfectissimum (§. 14.), existere agnoscat (§. 21.), & ejus gratia certas edat actiones, quas
editu-

editurus non erat, siquidem eundem non agnosceret. Quamobrem cum in hisce actionibus cultus divinus consistat (§. 511.), modus autem colendi Deum religio sit (§. 512.); Fatalistæ particularistæ error, quo tenetur, minime impedit, quo minus religio quædam sit. Quoniam itaque is demum irreligionarius est, qui religionem nullam habet (§. 514.); Fatalista, si particularista fuerit, non necessario irreligionarius est.

Patet *per demonstrata*, Fatalistam particularistam non tollere religionem, sed ejus notionem salvam relinquere, nec eundem obligationem divinam ad certas actiones committendas, alias vero omittendas in dubium vocare constat (§. 545.), nisi scilicet alunde admisceat hypothesei errores cum eadem minime connexos. Quamobrem hypothesei ejus non repugnat, quod Deus homini certum colendi sui modum præscribat, eundemque ipsi revelet, consequenter nec ea obstat, quo minus pro certo habeat, in S. S. revelationem istam divinam contineri (§. 522.) Quoniam itaque is demum antiscripturarius est, qui in Scriptura sacra, quam vocamus, revelationem divinam contineri negat (§. 523.); Fatalista, si fuerit particularista, non necessario antiscripturarius est.

Ponamus aliquem agnoscere, quod Deus sit summe perfectus; ponamus ipsum statuere per communem multorum errorem, hunc unicum mundum esse possibilem, nec præter ea, quæ in eodem eveniunt, exceptis hominum actionibus, ac iis, quæ ab hisce pendent, possibile esse, ac hinc porro inferre, quod nihil ne a Deo quidem immutari in causarum naturalium nexu possit. Cum religio naturalis deducatur ex attributis divinis, quæ agnoscit, etsi hinc inde notionibus eorundem erronea quædam admisceat; religionem naturalem non obstante errore suo admittere tenetur. Etsi

(*Wolffii Theol. Nat. Pars II.*) A a a a autem

antem non negemus, eundem hinc inde obstacula quædam objicere, & actus quosdam imminuere; veluti fiduciam erga Deum, quemadmodum suo loco clarius constabit, ubi omnem cultum divinum tam externum, quam internum rationi convenientem explanaturi sumus; non tamen ideo omnis tollitur religio naturalis. Immo ubi agnoscit divinitatem S.S. adeoque vitæ futuræ rationem habet, defectibus istis mederi valet. Non ignotum est dari nonnullos, qui Fatalismum particularem ex ipsa Scriptura sacra probare audent, cujus autoritatem divinam admittunt, in ea stabilitam religionem Christianam pro vera habentes eandemque propugnantes. Unde non minus ratione, quam experientia convincimur Fatalistas, si particularistas fuerint, nec irreligionarios, neque antiscripturarios esse. Quodsi dubium oriatur, cur Deista irreligionarius sit (§. 564.), qui Deum quoque dari agnoscit, sed providentiam ejus negat (§. 529.), atque adeo casui tribuit, quæ eidem tribuenda erant (§. 535.), haud difficilis est responsio. Nimirum Deista providentiam divinam tollit omnem, etiam quoad homines, ita ut Deus parum curet, quid ab iisdem fiat, eosque arbitrio suo relinquat (§. 529.). Ac inde potissimum est, quod religionem omnem tollat. Quodsi ergo Fatalista nexum licet rerum absolute necessarium faciens admittat tamen, Deum attendere actionibus hominum eosque obligare ad alias committendas, alias vero omittendas, immo agnoscat eum, qui erit a morte corporis & ejusdem resurrectione, statum; a Deista errore procul abest, etsi de rerum nexu idem sentiat. Quamobrem cessat penes ipsum ratio, cur Deista religionem omnem tollat, consequenter nec opus est, ut ipse eidem valedicat & revelationem divinam in S.S. contentam pro figmento humano habeat. Quodsi objicias, posse etiam Deistam, dum providentiam tollit divinam, quatenus gubernationem mundi nullam Deo concedit, ea admittere quoad hominem, quæ de Fatalista modo commemoravimus: facilis est responsio; scilicet eum tum Deistam non fore (§. 529.), sed Fatalistam particularistam, cum quo eadem sentit. Cum enim hic fatalismum ad actiones hominum minime extendat,

tendar, concessa iisdem libertate; nec providentiam divinam omnem quoad eos tollit, sed tantummodo limitat, quantum fatalismus jubet.

§. 571.

Si Fatalista fuerit universalista, irreligionarius est, & ubi Quando Favovit Christianos affirmare, quod in S. S. contineatur revelatio talista sit divina, antiscripturarius. Etenim Fatalista, si universalista religionarius fuerit, absolutam necessitatem ad ipsas hominum actiones extendit, negata libertate animæ humanæ (§. 528.). *PIUTAKUS.* Quamobrem cum obligationem divinam ad certas actiones admittere nequeat, qui libertatem animæ negat (§. 543.); nec Fatalista universalista obligationem divinam ad certas actiones concedit, consequenter cum cultus divinus certis hominum actionibus contineatur (§. 511.), Deum ab hominibus coli negare tenetur. Quoniam itaque nulla ipsi religio est (§. 512.), irreligionarius vero habetur, qui religionem nullam habet (§. 514.); Fatalista universalista irreligionarius est.

Quodsi irreligionarius norit, Christianos affirmare, quod in S. S. contineatur revelatio divina; antiscripturarius est (§. 526.). Quamobrem cum Fatalista, si universalista fuerit, irreligionarius sit *per demonstrata*; ubi novit Christianos affirmare, quod in S. S. contineatur revelatio divina, antiscripturarius est.

Si religionis naturalis ac revelatæ proster theoria; ex ipsis principiis inde petitis evidentius adhuc ostendere licet, cur religio omnis, tam naturalis, quam revelata cum Fatalismo universali consistere minime possit. Equidem Fatalista, etiam si universalista fuerit, non negat, dari inter gentes religiones diversas; sed eas omnes rejicit tanquam spurias, easque omnes pro figmentis humanis habet, in quæ inevitabili necessitate incidunt, quemadmodum in mille alia.

Quando enim hic de religione sermo est, utrum aliqua admitatur, an omnis rejiciatur; de eo quaeritur, utrum agnoscat, nec ne, Deum velle ab hominibus coli, & certum colendi modum esse voluntati ejus consentaneum, consequenter dari quandam religionem, quæ sit vera. Irreligionarius quia negat, dari religionem, quæ sit vera) hoc est, voluntati divinæ consentanea, pro figmentis habet omnes inter gentes ubivis terrarum receptas; ipse adeo nulli deditus. Unde & religionem Christianam cum Muhamedana eodem loco habet, cum neget, Deum revelasse quendam sui colendi modum, propterea quod non largitur, eum ab hominibus coli velle. Quæ hic annotamus, probe notanda veniunt, ne ambigua vocabuli explicatione obscura & incerta fiant, quæ satis clara & extra omnem dubitationem posita sunt.

§. 572.

*Nexus non
necessarius
inter Fatalis-
mum parti-
cularem &
atheismum
atque Deis-
mum.*

Si Fatalista fuerit particularista, necesse non est eum esse vel atheum, vel Deistam. Etenim si Fatalista fuerit Particularista, non necessario irreligionarius est (§. 570). E-
nimvero & atheus (§. 515.), & Deista necessario irreligionarius est (§. 564.). Ergo si Fatalista fuerit Particularista, non necessario vel atheus, vel Deista est.

Nimirum Fatalista, si Particularista fuerit, absolutam necessitatem ultra mundum materiale non extendit, relicta animæ libertate (§. 528.). Enimvero ex eo, quod in mundo materiali absoluta necessitate eveniant omnia, non sequitur, non dari Deum, a quo mundus creatus sit. Agnoscere enim potest Fatalista, mundum non necessario existere ex parte sui, seu rationem sufficientem existentiae suæ non continere in seipso, sed a Deo esse productum, immo productum esse ex nihilo, adeoque ab ipso creatum (§. 697. *Physic. rat.*), & hoc tamen non obstante negare, quod Deus mundum alium producere poterit, & quicquam in eodem per miraculum immutare possit. Immo concedere potest, mundum a Deo fuisse creatum, etsi statuatur, ipsum creatum fuisse

fuisse necessario, actu creationis ad essentiam divinam eodem modo pertinente, quo ad eandem refertur actus intellectus divini ideam mundi producentis. Minimè igitur negat, mundi autorem Deum, consequenter atheus non est (§. 411.). Et quia animam in volendo & nolendo liberam esse non negat, nec omniscientiam divinam in dubium vocat; necesse non est, ut defendat, Deum non curare, quid ab hominibus fiat, consequenter nec Deista est (§. 529.). Etsi itaque athei necessario sint Fatalistæ Particularistæ (§. 531.), non tamen propositionem invertere licet: neque enim ex Fatalismo particulari inferitur Deismus, quemadmodum ex atheismo Fatalismus particularis. Ex Fatalismo vero Deismus colligitur nonnisi in casu particulari (§. 562.): quod ut clarius pateat, sequentem addere lubet propositionem.

§. 573.

*Si Deista negat providentiam divinam, vel quod rerum vili- Quando
lium curam Deo indignam judicat, vel quod bonitati ac sapientiæ Deista sit
divina non convenire existimat bonorum & malorum æquam sor- Fatalista,
tem quoad mala physica; Fatalista necessario non est. Quodsi quando non
vero mundum statuit ens a se Deo coeternum, eique nonnisi nu- sit.
dam cognitionem relinquit; necessario Fatalista est, sed Particu-
larista. Etenim Deista negat, Deum curare res humanas
(§. 529.). Quodsi ergo hoc ideo facit, quod rerum vi-
lium curam Deo indignam judicat, non negat, Deum cu-
rare res humanas posse, sed saltem tueretur, quod eas cura-
re nolit. Non igitur negare tenetur, Deum libere cre-
asse hunc mundum; nec nexum rerum absolute necessa-
rium faciat, Deoque potentiam miraculosam adimat ne-
cesse est. Quoniam itaque Fatalista non est, nisi qui ab-
solutam rerum omnium necessitatem defendit (§. 528.);
si Deista providentiam divinam ideo negat, quod rerum
viliū curam Deo indignam judicat, Fatalista necessario
non est. Quod erat primum.*

Similiter si bonitati ac sapientiæ divinæ non convenire existimat bonorum atque malorum æquam sortem quoad mala physica; aut providentiam divinam negat, quod Deus in mundo nil quicquam immutare possit, aut eandem rejicit, quod de summa Dei bonitate dubitat, adeoque cum rebus per sapientiam suam providere nolle statuit. In priori casu patet, cum absolutam rerum necessitatem in hoc mundo defendere, adeoque Fatalistam esse (§. 528.). Enimvero in posteriori eodem, quo ante modo liquet, eum Fatalistam non esse. Quamobrem cum vel Fatalista esse, vel non esse possit; non necessario Fatalista est (§. 279. *ontol.*). *Quod erat secundum.*

Quodsi denique Deista mundum habet pro ente a se, eique nonnisi nudam cognitionem relinquit, cum a Deo prorsus independentem facit, quoad eventus omnes (§. 30. *part. I. Theol. nat.*). Quamobrem cum natura rerum non sit nisi aggregatum virium motricium, quæ corporibus in mundo coëxistentibus simul sunt insunt (§. 507. *Cosmol.*); nec eam pro ente intelligente ac libere agente habere licet. Necesse igitur est, ut absoluta necessitate eveniant omnia. Quamobrem cum Fatalista sit, qui absolutam omnium in mundo necessitatem agnoscit (§. 528.); si Deista mundum facit ens a se, nec Deo tribuit nisi nudam ejus cognitionem, necessario Fatalista est. *Quod erat tertium.*

Apparet adeo, quinam sit nexus inter Fatalismum atque Deismum, ne temere quidvis ex quovis inferamus, quemadmodum faciunt consequentarii, utque constet, quomodo erroribus medendum, cum solida ab eo expectanda non sit refutatio, qui summa imis miscet. Equidem nec Deistis tantum semper acumen tribui potest, ne subinde ex uno er-

POTE

De Fatalismo, Deismo & Naturalismo. 359

rore inferant alium, qui ex eo minime fluit; sed in hoc casu convincendi sunt, quod misceant errores, quorum unus cum altero non necessario cohaeret.

§. 574.

Si Fatalista fuerit universalista; aut atheus est, aut Deista. Quando Fa-
Etenim si Fatalista fuerit universalista, absolutam necessitatē non modo in mundo materiali defendit, verum eandem etiam ad ipsas hominum actiones extendit, libertate omni sublata (§. 528.). Aut igitur hoc facit, quia Deum esse negat, aut quia Deo nulla est in mundum potentia, qua quidpiam in eodem immutare possit, sed tam naturam universam, quam homines sibi relinquere tenetur, ut eveniant, quæ per essentiam & naturam rerum evenire possunt. Quod si negat dari Deum, atheus est (§. 411.). Si vero Deum esse concedit, nullam tamen eidem in mundum atque humanum genus potentiam tribuit, sed non nisi nudam cognitionem relinquit, Deista est (§. 554.). Quamobrem si Fatalista fuerit universalista, aut atheus est, aut Deista.

Equidem necesse non est, atheum esse Fatalistam universalistam, sed sufficit ut sit Particularista (§. 531.). Quod si tamen alternative inferre volueris ex Fatalismo vel atheismo, vel Deismo, necesse est ut universalis ponatur. Etenim ex Fatalismo particulari inferre minime licet atheismum, cum non repugnet, ut etiam Deista sit Fatalista Particularista (§. 573.). Enimvero nec repugnat, ut atheus sit Fatalista universalista & necessario Particularista est (§. 531.). Quamobrem ex Fatalismo universali recte inferitur vel atheismus, vel Deismus, quemadmodum ex demonstratione liquet.

§. 575.

Fatalista, siue fuerit Universalista, siue Particularista Fatalismus
Etenim Fatalista absolutam rerum omnium necessitatem
cessitatē

cessitatem statuit, &, si Universalista fuerit, eandem ad ipsas hominum actiones extendit, sublata libertate omni (§. 528.). Enimvero mundus ipse libere a Deo creatus est (§. 354.), in se spectatus ens contingens una cum elementis rerum materialium (§. 55. 56. *part. I. Theol. nat.* & §. 331. 332. *part. II. Theol. nat.*). Nexus rerum in hoc universo a necessitate absoluta liber est (§. 667. *part. I. Theol. nat.*) & naturæ quoque ordo ab eadem exemptus (§. 561. *Cosmol. & not.* §. 761. *part. I. Theol. nat.*). Præterea constat, animam in volendo ac nolendo prorsus liberam esse (§. 941. *Pfych. empir.*). Errat igitur Fatalista, siue Universalista fuerit, siue Particularista.

Vides adeo Fatalisimum omnem per demonstrationes nostras fuisse eversum, nec in philosophia nostra eundem habere locum. Quod vero nec per harmoniam præstabilitam introducatur, dudum ostendimus alibi (§. 634. *Pfych. rat.*).

§. 576.

*Quomodo
Naturalis-
mus refute-
tur.*

Si naturalista religionem revelatam rejicit, erroris sui convincitur, ubi ostenderis, S. S. convenire criteria revelationis divinæ in Systemate tradita; si eam agnoscit veram, sed non simpliciter necessariam judicat, erroris redarguendus per ea, quæ de eadem tradit S. S. Etenim si ostenditur, libris, ex quibus constat S. S. revelationis divinæ criteria convenire, dari religionem revelatam demonstratur (§. 522.). Quamobrem cum Naturalista, utpote religionem naturalem veram esse agnoscens (§. 530.), admittat, quæ de perfectionibus divinis, consequenter & de voluntatis divinæ revelatæ criteriis, in Theologia naturali demonstrantur (§. 521.); per istam demonstrationem ad assensum huic propositioni præbendum compelli potest, quod detur religio revelata, nempe ea, quæ

quæ in S. S. docetur (§ 991. *Log.*). Refutatur adeo, seu erroris sui convincitur (§. 1017. 623. *Log.*), Naturalista, religionem revelatam rejiciens, ubi ostenderis S. S. convenire criteria revelationis divinæ in systemate tradita (§. 1036. *Log.*), Quodsi Naturalista agnoscat veritatem religionis revelatæ, sed eam non necessariam judicat simpliciter; per se patet, quod de ejus necessitate constare non possit nisi per ea, quæ religio revelata naturali superaddit. Quamobrem aliter is erroris sui convinci nequit, nisi per ea, quæ de religione revelata traduntur.

Naturalismus adeo philosophicus solide refutari nequit, nisi a Philosopho, qui idem sit Theologus, aut a Theologo philosopho. Unde denuo patet necessitas studii philosophici & theologici conjungendi, nostro præsertim ævo, quo Naturalismus philosophicus invalescit ubivis terrarum. Nimirum ex Theologia naturali petuntur principia, quæ in ratiociniis majoris locum tuentur; ex revelatione autem divina, seu libris, in quibus ea continetur, petendæ sunt propositiones, quæ in iisdem locum minoris subeunt. Atque hinc confirmatur, quod supra (*not.* §. 522.) de utilitate systematum Theologiæ naturalis ac revelatæ, veri scilicet nominis, in quibus nexus veritatum ostenditur, annotavimus. Naturalismus vero theologicus refutari nequit, nisi a Theologo: cui tamen quod usui sint principia philosophica, ex iis intelligitur, quæ de necessitate ac utilitate philosophiæ in Theologia passim inculcavimus in systemate, quando consensum S. S. cum Theologia naturali evicimus. Revelatio enim rationem non tollit, sed perficit, quatenus ipsi suppediat principia lumine naturali non detegenda. Quatenus itaque principiis istis præbetur assensus firmus atque immotus, *ratio dicitur illuminari*, & illuminata veritates revelatas connectit inter se, ut prodeat veri nominis systema, cui non insunt, quæ sibi mutuo repugnant, sed quæ pulcherrimo nexu inter se coherrent.

§. 577.

Habitus religionis revelata ad naturalem.

Religioni naturali revelata non contradicit, sed ex principiis rationis non demonstrabilia superaddit. Religio enim naturalis ex principiis rationis, seu iis, quæ in Theologia naturali de Deo docentur, definitur (§. 512.). Enimvero quæ in Theologia naturali de Deo docentur, utpote demonstrata, quemadmodum tum ex systemate, tum ex sectione prima partis hujus secundæ Theologiæ naturalis constat, vera sunt (§. 544. 557. Log.). Quare cum impossibile sit idem simul esse verum & non verum (§. 28. Ontol.); nec fieri potest, ut religio revelata neget, quod affirmat naturalis, nec ut illa affirmet, quod hæc negat (§. 505. Log.). Quoniam itaque contradictio in simultanea ejusdem affirmatione & negatione consistit (§. 30. Ontol.), religio revelata, vera scilicet, naturali contradicere nequit. *Quod erat unum.*

Revelatio divina continere debet homini scitu necessaria, alio modo cognitu impossibilia (451. part. I. Theol. nat.). Quamobrem cum religio revelata ex principiis revelationis deducatur (§. 512.); ea tradere debet, quæ homini scitu necessaria sunt, aliunde tamen, quam ex revelatione divina cognitu impossibilia. Quoniam tamen religioni naturali contradicere nequit *per demonstrata*; ea affirmare nequit, quæ religio naturalis negat, nec negare potest, quæ hæc affirmat (§. 30. Ontol.). Nonnisi igitur superaddit, quæ ex principiis rationis indemonstrabilia sunt.

Qui adeo religionem revelatam admittit, naturalem quoque admittere tenetur, sed eam accessionibus augeat, quæ cum ipsa consistere possunt. Unde religioni revelatæ additus Deo præstat omnem istum cultum, quam exigit religio

ligio naturalis; sed præstat præterea alium, quem negligit Naturalista. Clarius hoc ipsum patebit, ubi in philosophia practica religionem naturalem omnem demonstrativa methodo stabiliverimus. Quo facto religionis Christianæ utilitas & necessitas, agnitis defectibus naturalis, luculentius adversus Naturalistam evincere dabitur, suppositis iis, quæ religio revelata naturali superaddit. Hinc vero simul discitur, non inanem operam sumi in veritate naturalis demonstranda, etsi revelatam amplectamur & de veritate ejus minime dubitemus. Ut enim alios usus taceamus, hic sane non inter postremos numerandus, quod differentiam inter Naturam & Gratiâ distincte explicare tum detur, tum naturæ vel denegemus, quod ipsam minime superat, vel tribuamus, quæ gratiæ solius sunt. Quam arduum & anceps sit hoc argumentum, nemo ignorat, nisi qui controversiarum ab *Augustini* tempore in Ecclesia de eodem agitarum fuerit ignarus.

§. 578.

Quoniam religio revelata naturali non contradicit, *Error Naturalistarum* (577.); *Naturalista*, religionem naturalem solam necessariam agnoscens, revelatam autem vel tanquam falsam rejiciens, vel saltem pro minus necessaria declarat (530.), in eo minime errat, quod necessitatem religionis naturalis tueatur, sed quod revelatam vel pro falsa, vel pro minus necessaria habeat.

Videmus itaque, quemnam veritati errorem admisceat Naturalista, ut ejus opinio probari minime possit. Quod si enim opinio erronea aliquid contineat veri, verum a falso atque separandum, ne veritati sumus infesti, dum errorem evertere studemus.

C A P V T III,

De Anthropomorphismo, Materialismo • & Idealismo.

§. 579.

*Anthropo-
morphista
quinam di-
cantur.*

A *Anthropomorphista* dicuntur, qui Deo tribuunt corpus humanum. *Anthropomorphismus* adeo est error, quo affirmatur Deum habere corpus istiusmodi organis instructum, quale est humanum. Et hunc errorem *Anthropomorphismum crassum* appellare libet.

Errorem hunc in primitiva Ecclesia amplexi sunt quidam hæretici, anthromorphitæ ideo appellati, quod Deum in figuram humanam transformant. In eundem inciderunt, quod Scriptura sacra de Deo loquatur passim humano more, ipsi tribuens vel organa, qualia habet corpus humanum, veluti oculos, aures, manus; vel talia, quæ sine organis, quale habet corpus humanum, intelligi nequeunt, veluti quod deambulaverit in horro, quem Paradisum vocamus, & quod ex cælo descenderit in terras visurus, quid ibi agatur.

§. 580.

*Anthropo-
morphista
quinam di-
cantur.*

Qui Deo corpus humanum non tribuunt, eum tamen ad similitudinem animæ nostræ concipientes tacite admittunt, quæ limitationes in ipsum inferunt, *Anthropomorphistas* appellare soleo. Ut adeo *Anthropomorphismus subtilis* sit error, quo Deo per modum animæ representato tacite tribuuntur limitationes.

Hæc anthropomorphismi species hodiernum multorum animos occupavit, nec error agnoscitur, immo non desunt, qui

qui ab eodem alienos Fatalismi & Atheismi reos arbitrantur. Quamobrem ne subtilem cum crasso confundamus, illi deditos Anthropomorphistas appellare libuit, cum hunc amplexi Anthropomorphitæ dudum dicti fuerint.

§. 581.

Anthropomorphitæ Deo tribuunt organa sensoria in sensu proprio, veluti oculos, aures, nares. Etenim Deo tribuunt *sensu proprio* Deo in corpus humanum (§. 579.). Quamobrem cum corpus *sensu proprio* humanum organis sensoriis sit instructum, veluti oculis, auribus, naribus; Deo etiam organa sensoria, veluti oculos, aures, nares tribuere debent. Enimvero organa sensoria, quæ sunt partes corporis organici, in sensu proprio talia sunt. Anthropomorphitæ igitur Deo tribuunt organa sensoria in sensu proprio.

Anthropomorphismum crassum Rabbini quidam defendunt, quemadmodum ex libro MSC. *Raschel*, quem Adamo ab angelo *Raschel* datum somniant Rabbini; ex libello *Osbios* five *Ofios*, quemadmodum vocant Judæi Germani ac Poloni, & ex Tractatu Talmudico *Avodasara* probat *Eisenmengerus*, Professor quondam linguarum Orientalium in Academia Heidelbergensi, in *entdeckten Judenthum*, hoc est, Judaismo detecto part. I. c. I. p. 2. & seqq. Tribuunt vero Deo etiam quemadmodum caput, ita oculos in capite. Quemadmodum vero corpus divinum monstræ faciunt magnitudinis, ita quoque caput eidem proportionatum fingunt, distantiam oculorum facientes 300800. miliarium. Milliarum vero intelligunt divina, quorum unum est 1000000. ulnarum divinarum, ulna autem una quatuor spithamas divinas excedit latitudine palmæ, & spithama una exporrigitur ab uno mundi extremo usque ad alterum. Nostrium non est inquirere, quomodo dicta quædam S. S. in abusum trahant, ut speciem quandam erroribus insulsi concilient. Sufficit a posteriori probasse anthropomorphitas, quod Deo tribuunt corpus humanum,

eidem quoque organa sensoria in significato proprio tribuere debere. Neque vero dubitandum est, hodieum esse inter Judæos, qui errores istos anthropomorphiticos Rabbiorum veterum amplectuntur. Immo cum nostro ævo non desint, qui ad anthropomorphismum crassum propius accedentes errores defendunt, prout paulo post constabit; si quis hypothefibus eorum insistere deberet, in insulos istos errores Rabbiorum haud difficulter incideret. Quamobrem e re nostra censei debet, quod eundem his commemoraverimus, ne vel quis inscius foveat errores, unde alii insulsi fluunt, qui in divinitatem maxime injurii sunt.

§. 582.

*Quomodo
Deus in hy-
pothesi an-
thropomor-
phitarum
præsentia co-
gnoscatur.*

Anthropomorphitæ statuunt Deum ea, quæ sunt & fiunt in mundo, cognoscere beneficio organorum sensoriorum corporis. Et enim tribuunt Deo organa sensoria, veluti oculos, aures, nares in sensu proprio (§. 581.). Nemo vero non expectatur, se sensu quid in mundo hoc adspicibili percipere minime posse, organo sensorio deficiente, veluti neminem, videre, quæ sunt ac fiunt in mundo, absque oculis, neminem quid audire absque auribus, neminem odoratum percipere absque naribus. Quamobrem & anthropomorphitæ affirmare tenentur, Deum, quæ sunt & fiunt in mundo non cognoscere absque organis sensoriiis, veluti visibilia non videre absque oculis, audibilia non audire absque auribus, odoratum non percipere absque naribus. Statuunt itaque Deum ea, quæ sunt ac fiunt in mundo, cognoscere beneficio organorum sensoriorum corporis.

Posita mutatione in organo sensorio ponitur perceptio objecti sensibilis in id agentis (§. 948. *Psych. empir.*). Anthropomorphitæ itaque similiter sibi imaginantur, posita mutatione in organo sensorio divino poni perceptionem objecti sensibilis in id agentis. Neque animum advertunt ad modum, quo perceptio a mutatione organi dependet. Sumunt, quod de nobis experientia insinuat, sine mutatione,

ne, quæ in organo accidit, perceptioni objecti sensibilis non esse locum. Quemadmodum itaque nos nihil videremus sine oculis, nihil audiremus sine auribus, nec qualitates corporum perciperemus sine ceteris organis sensoriis; ita nec Deum quicquam videre sine oculis, nec audire quicquam sine auribus, nec qualitates corporum percipere sibi imaginantur absque organis sensoriis ceteris. Facile igitur apparet, eos Deo tribuere organa sensoria, quod nullam habeant notionem modi ea, quæ sunt ac fiunt in mundo materiali, cognoscendi absque organis corporeis. Philosophiæ est explicare modum, quo Deus præsentia in mundo cognoscere possit (§. 31. *Disq. pralm.*). Ejus adeo ignorantia in errorem incidunt, atque huic tribuendum, quod, quæ de Deo humano more dicuntur in S. S., non explicant eo, qui Deum decet, modo. Non igitur reprehendi potest, quod Philosophus inquirat in modum, quo Deus omnia cognoscit & in serie rerum actuali præsentia a præteritis atque futuris distinguere valet. Ceterum ex dictis quoque perspicitur, etsi hæretici in antiqua Ecclesia, qui Anthropomorphitæ dicti, errorem suum defenderint dictis S. S. non impossibile esse, ut eundem errorem committat, qui S. S. minime legit. Immo pro certo habeo hæreticos istos eidem obnoxios factos, non quod humano more S. S. de Deo loquatur; sed quod modum, quo Deus absque organis sensoriis ea, quæ sunt ac fiunt in hoc mundo adspectabili, cognoscere possit, concipere minime valuerunt, pro certo sumentes, sine organis sensoriis, quæ sunt ac fiunt in mundo cognosci minime posse, ut adeo non S. S. male intellecta ipsos seduxerit in errorem insulsißimum, sed philosophiæ ignorantia, quæ præjudicio locum fecit, ut S. S. male intelligerent eodem occæcatum possidentes animum. Perperam autem autor Tractatus de Philosophia Scripturæ interpretare exemplo hoc hypothesein suam probare nititur, quod, quinam sit verus S. S. sensus, nonnisi ex philosophia decidi possit. Etenim præjudicia ex ignorantia philosophiæ profecta obstare quidem possunt, quo minus verum S. S. sen-

sensum assequaris, & iisdem conformiter eandem ut interpreteris, in causa sunt; non tamen ideo necesse est, ut verum S. S. sensum assequi minime valeas absque subsidio philosophiæ & norma interpretationis sit philosophia. Non nego varium philosophiæ in interpretanda S. S. esse usum, quemadmodum luculentis exemplis comprobavi in systemate, ubi consensum S. S. cum philosophia evici: sed ideo non sequitur, nisi ante demonstretur in philosophia, quid veritati consentaneum sit, constare minime posse, quemnam sensum verbis S. S. tribuere debeamus, ne a veritate aberremus & falsum pro vero amplectamur, quemadmodum vult autor Tractatus impij.

§. 583.

Sensus proprie Deo tribuitur ab anthropomorphitis.

Anthropomorphita Deo tribuunt sensus in significato proprio. Deo enim tribuunt organa sensoria in significato proprio, quorum beneficio cognoscat, quæ sunt ac fiunt in mundo (§. 581. 582.). Enimvero facultas percipiendi objecta externa beneficio organorum sensoriorum proprie sic dictorum est sensus proprie sic dictus (§. 67. *Psychol. empir.*). Ergo Anthropomorphitæ Deo tribuunt sensus in significato proprio.

Nemoprehendat, quod confuse tantummodo indicemus modum sentiendi, scilicet quod fiat beneficio organi corporei, cum tamen distincte explicetur in definitionibus sensationum, organi sensorii ac sensus (§. 65. 66. 67. *Psych. empir.*). Neque enim hoc obstat, quo minus ex istis definitionibus de errore Anthropomorphitarum statuamus. Mihi dubium nullum est, Anthropomorphitas, quos memorat Historia ecclesiastica, non habuisse nisi confusas sensuum, organi sensorii & sensationis notiones. Quodsi enim distincte cognovissent, quid sibi velint organa sensoria & quidnam ad sensationem conferant; non video, quomodo in errorem adeo insulsum incidere possissent, qui Scripturæ sacræ auctoritate permoti Deo tribuebant perfectiones

nes

nes summas, veluti omniscientiam, omnipotentiam, omnipresentiam. Neque credo hodiernum accidere posse, ut philosophus, qui distincte cognoscit, quid sint sensus, quid organa sensoria, in Anthropomorphismum crassum incidat, præsertim si Deo illimitatas competere perfectiones agnoscat. Quamobrem facile conceditur, ipsis non aliam fuisse notionem sensus proprii, quam quod quid percipi non possit absque organo sensorio, seu, quod perinde est, beneficio hujus organi percipiatur. In quonam vero hoc beneficium consistat, cum ignorarent, nec negarunt modum dependentiæ perceptionis sensibilis a mutatione in organo, nec ipsam mutationi in organo contingentis speciem, sed eam tacite supposuere, quæ vera est. Quamobrem nil obstat, quo minus ex definitionibus psychologicis de errore anthropomorphitarum statuamus, etsi inibi contenta ad ipsorum mentem tantummodo confuse indicemus.

§. 584.

In hypothese Anthropomorphitarum Deus præsentia tanquam Quomodo præsentia cognoscit; quia in organa sensoria agunt. Etenim Anthropomorphitæ Deo tribuunt organa sensoria & sensus in sentia cognoscit in proprio (§. 581. 583.), statuuntque Deum beneficiis organorum corporis cognoscere, quæ fiunt in mun- thesi anthro- do (§. 582.). Enimvero nemo non experitur in scipso, pomorphita- præsentia non cognosci tanquam præsentia beneficio or- rum. ganorum sensoriorum corporis, nisi quatenus objecta externa mutationem quandam iisdem inducunt, seu in eadem agunt. In hypothese itaque Anthropomorphitarum Deus præsentia tanquam præsentia cognoscit, quia in organa sensoria agunt.

Constat nos videre visibilia, quatenus objecta visibilia radios luminis in oculos immittunt, quibus in humore crystallino refractis delineatur visibilis imago inversa in retina.

Quoniam anthropomorphitæ Deo tribuunt oculos in signi- (Wolffii Theol. Nat. Pars II.) Cc cc ficatu

ficatu proprio (§. 581.), quibus visibilia videt (§. 582.); necesse est, ut admittant visibilia luminis radios immittere in oculos Dei, quibus refractis imago eorum delineatur. Equidem cum non repugnet, oculi aciem esse maiorem ea, qua pollet humanus, imagine magis distincta per structuram ejus in fundo delineata; dubitandum non est, anthropomorphitas Deo tribuisse maiorem oculorum aciem, quam qua pollent humani, ita ut magis distincte videat visibilia, quam homines: non tamen ideo negari potest, quod videat eodem modo Deus, quo vident homines, juxta hypothefin anthropomorphitarum; consequenter quod in oculo Dei eadem accidere debeat mutatio, quæ accidit in oculis hominum, quando vident, quoniam alias ad cognoscendum visibilia præsentia organo sensorio externo, oculis nempe, opus minime haberet. Non nego tale quid statuere esse apprimè absurdum: sed ut pateat hypotheseos hujus absurditas, eandem evolvere tenemur. Similiter nemo non novit, nos audire, quæ auditu percipi possunt, quatenus sonus in aurem illabitur. Quamobrem cum anthropomorphitæ Deo tribuant aures in significatu proprio (§. 581.), quibus auditu perceptibilia, veluti quæ loquuntur homines, audit (§. 582.); necesse est, ut admittant sonos in aures Dei illabi, & in iisdem istiusmodi mutationem producere, qualis in nostris producit, dum audimus. Quoniam non repugnat, auditum esse acutiorem eo, quo nos possumus, ita ut sonos debiliores percipere detur, quam a nobis percipiuntur, adeoque auditus ad longiorem distantiam pertingat, quam ad quam noster extenditur; dubitandum non est, anthropomorphitas Deo tribuisse auditum nostro acutiorem. Hoc tamen non obstante negari nequit, quod juxta eorum hypothefin Deus eodem modo sonos percipere debeat, quo nos eosdem percipimus: alias enim auribus ad audiendum non haberet opus. Facile apparet, idem prorsus esse statuendum de cæteris sensibus, veluti de olfactu atque tactu. Nec est, quod absurditatem manifestam quis prætendat: ultro enim largimur absurdam maxime esse hanc hypothefin, quæ absurditate sua semetipsam destruit, quamprimum distincte intelligitur.

§. 585.

In hypothesi Anthropomorphitarum Deus est passibilis. Et Passibilitas enim in hypothesi Anthropomorphitarum Deus præsentia divina in hancquam præsentia cognoscit, quia in organa sensoria a-pothesi angunt (§. 584.), adeoque mutationem quandam organis *thropomor-* sensoris divinis inducunt. Quoniam itaque per actionem *phitarum*, sensibilem intelligitur, cur sensoris organis divinis accidat hæc mutatio, nonnisi ista posita ponenda; in illis continetur earundem ratio (§. 56. *Ontol.*). Enimvero mutatio, cujus ratio extra subjectum eam subeunte continetur, passio est (§. 714. *Ontol.*). Mutationes itaque, quæ a sensibilibus inducuntur organis sensoris divinis, passionibus sunt. Quamobrem cum patiens sit subjectum passionis, adeoque ens, in quo passio actu datur (§. 720. *Ontol.*), passibilis vero audiat, qui passionibus admittit, seu in quo dari possunt; quin in hypothesi Anthropomorphitarum Deus sit passibilis dubitari nequit.

Nimirum eodem modo corpus divinum passibile fingunt Anthropomorphitæ, quo humanum a sensibilibus in hoc mundo materiali pati agnoscunt. Non jam ingredi licet campum controversiarum de passionibus & actionibus corporum a philosophis agitarum, utrum scilicet passionibus veræ sint, an tantummodo apparentes: qui enim Anthropomorphismum crassum fovent, non dubitant, sensibilia revera agere in organa sensoria corporis humani & mutationem eidem accidentem esse veri nominis passionem. Quamobrem veram quoque passionem esse mutationem in organis sensoris, quæ Deo tribuunt (§. 581.), fateri coguntur.

§. 586.

In hypothesi Anthropomorphitarum Deo tribui debent nervi sensorii & cerebrum. Etenim Anthropomorphitæ Deo *sensu* & *cere-* tribuunt sensus in significato proprio (§. 583.). Enim- *brum* in *hy-* vero *pothesi*

*anthropo-
morphita-
rum Deo tri-
buenda.*

vero sensationes proprie sic dictæ non perficiuntur, nisi motus ab objectis sensibilibus impressus nervis sensoriis ad cerebrum usque propagetur (§. 111. *Psychol. rat.*). Necessè igitur est, ut Anthropomorphitæ Deo tribuant nervos sensorios atque cerebrum.

Nimirum Anthropomorphitæ non alium admittunt modum possibilem sensibilia, seu ea, quæ sunt ac fiunt in mundo materiali, cognoscendi, nisi qualem in homine experiuntur. Quamobrem cum homo nihil sensu percipiat, nisi motus in organo sensorio nervis sensoriis impressus ad cerebrum usque propagetur, nec sufficiat sola mutatio, quæ in organo sensorio accidit; nec hanc mutationem, quæ organo sensorio divino accidit, ad sensationem sufficientem agnoscere possunt, adeoque in organis quoque sensoriis divinis admittere tenentur nervos a cerebro ad ipsos propagatos, quibus a sensibili impressus motus ad hoc propagatur. Tribuunt Deo corpus, quale humanum est (§. 379.); quamvis humano perfectius, ut, quæ per humanum possible sunt, Deo in gradu excellentiori tribuenda veniant. Quamobrem divinum quoque corpus nervis sensoriis & cerebro instruere tenentur, ut in eodem concipi queant sensationes proprie sic dictæ.

§. 587.

*Ideæ mate-
riales sensi-
bilium Deo
ab Anthro-
pomorphitis
tribuenda.*

In hypothesi Anthropomorphitarum admittenda sunt in Deo ideæ materiales rerum sensibilem. Etenim in hypothesi Anthropomorphitarum Deo tribuuntur sensationes in significato proprio (§. 583.). Enimvero in significato proprio ideis sensualibus respondent ideæ materiales in cerebro (§. 113. *Psych. rat.*). Quamobrem ideis quoque sensualibus divinis ideæ materiales in cerebro, quod Deo juxta istam hypothesin competit (§. 586.), respondere debent, consequenter vi hujus hypotheseos in Deo admittendæ sunt rerum sensibilem ideæ materiales.

Nimi-

Nimirum cum in hypothefi Anthropomorphitarum Deus præfentia in mundo materiali cognofcat beneficio organorum fenforiorum corporis (§. 582.), & organa fenforia fint nervis fenforiis inſtructa, quæ ex cerebro originem trahunt (§. 586.); motus nervis fenforiis in organis fenforiis Dei impreffus perinde ac in hominibus ad cerebrum ufque propagatur. Quoniam itaque ideæ materiales conſiſtunt in motu ex organis fenforiis ad cerebrum ufque propagato (§. 112. *Psych. rat.*); quin ideas materiales in Deo admittere debeat Anthropomorphita extra omnem controverſiam poſitum eſt. Equidem non nego, fieri poſſe, ut Anthropomorphita ignoret, dum nos ſentimus, motum in animi nervis fenforiis & ad cerebrum ufque propagari, confequenter quod dentur ideæ ſenſibilem, dum ſenſu a nobis percipiuntur, materiales, adeoque nec de ideis materialibus divinis cogitet; non tamen ideo recte concluditur, quod nullas ideas materiales admittere teneatur: neque enim de eo jam quæſtio eſt, quid ignoret Anthropomorphita, vel quid in dubium vocet, vim omnem hypothefeos ſuæ animo nondum complexus; ſed id jam quæritur, quid ex hypothefi anthropomorphitarum ſequatur. Sane haud raro ex hypothefibus falſis deducuntur, quæ ab eorum defenſoribus non admittuntur: aſt inde erroris ſui redarguuntur. Neque etiam ex hypothefibus falſis alio fine deducuntur, quæ ipsis ſtantibus admittenda ſunt, quam ut earum abſurditas redatur manifeſta.

§. 588.

In hypothefi Anthropomorphitarum objectum aliquod viſibile Deo tegi poſſeſt, ne illud videat. Etenim in hac hypo-omnia pætheſi Deus videt viſibilia, quia in oculos ipſius agunt, aut in hypo- (§. 584.). Quoniam itaque viſibilia in oculos agunt, theſi Anthropomorphita; nec Deus in iſta hypothefi viſibile videt, niſi quatenus radios luminis in oculos ejus immittit. Enimvero ſi inter oculum & viſibile interponitur opacum, quod

radios minime transmittit, hi quoque ab ipso ad oculum propagari nequeunt, consequenter visibile regi potest, quo minus videatur. Patet itaque in hypothefi Anthropomorphitarum objectum aliquod visibile Deo regi posse, ne illud videat.

Eodem modo patet, in hypothefi Anthropomorphitarum Deum non posse videre, quæ sunt in tenebris: unde patet, quam sit adversa praxi officiorum erga Deum, vel hoc nomine merito damnata in primitiva Ecclesia.

§. 589.

*Imaginatio
quo sensu
Deo ab an-
thropomor-
phitis tri-
buenda.*

In hypothefi Anthropomorphitarum Deo tribuenda imaginatio proprie sic dicta. Etenim ideæ vi imaginationis productæ phantasmata sunt (§. 93. *Psychol. empir.*), & phantasmatis respondent ideæ materiales in cerebro (§. 206. *Psych. rat.*), adeoque cerebrum inservit operationibus imaginationis, quemadmodum organa sensoria cum nervis sensoriiis inserviunt operationibus sensuum. Quamobrem cum in hypothefi Anthropomorphitarum Deo tribuatur cerebrum (§. 586.), quemadmodum tribuuntur organa sensoria (§. 581.), quorum beneficio sensibilia cognoscit (§. 582.), una cum nervis sensoriiis (§. 586.); in eadem hypothefi cerebrum Dei operationibus quoque imaginationis divinæ inservire debet. Quoniam itaque imaginatio proprie sic dicta est, cujus operationibus cerebrum destinatur, nempe accepta in eodem significato, quo nobis tribuitur; patet in hypothefi Anthropomorphitarum Deo tribuendam esse imaginationem in significato proprie sic dicto.

Juxta Anthropomorphitas Deus opus habet ideis materialibus in cerebro ad actum sensationis perficiendum, quemadmodum id in hominibus experimur; propterea quod alium modum sensibilia representandi non agnoscunt. Quo-

Quoniam itaque similiter in nobis deprehendimus, nos opus habere ideis materialibus in cerebro ad actum imaginationis absolvendum, quemadmodum abunde patet ex iis, quæ de hac facultate demonstrata sunt in Psychologia rationali (§. 205. & seqq.); facile apparet, nec alium imaginandi modum possibilem agnoscere posse Anthropomorphitas, quam qualis nobis convenit. Quamobrem cum in nobis ad actum imaginationis requirantur ideæ materiales (§. 206. *Psych. rat.*), adeoque anima ad eas opus habeat cerebro (§. 112. *Psych. rat.*); beneficio etiam cerebri Deum imaginari statuere tenentur Anthropomorphitæ. Quemadmodum itaque Deus in ipsorum hypothesi eodem modo sentit, quo homo; ita etiam ad eundem, quo homo, modum imaginatur sibi absentia. Vocabulum imaginationis sumitur in significato proprio, quando accipitur in eo, qui nobis tribuitur. Quoniam itaque Anthropomorphitæ Deo imaginationem tribuunt eo sensu, quo nobis convenit; quin in significato proprio eam Deo tribuant dubitandum non est. Poteramus ex ipsa statim hypothesi, quod Deo tribuatur corpus, quale humanum est (§. 579.), inferre, *quod ad eas operationes Deus organis corporeis habeat opus, quæ absque organo corporeo non perficiuntur in homine.* Vi hujus principii facillime omnia deducuntur, quæ hypothesi anthropomorphitica involvit, ut adeo in numerum principiorum heuristicorum inferri debeat, qualia fuere in superioribus ea, quorum beneficio ab anima nostra ad Deum argumentati sumus (§. 70. 78.). Dantur enim quoque principia heuristica errorum, per quæ deteguntur errores ceteri cum uno connexi. Atque his principiis habemus opus ad systemata erronea intime perspicienda, ut eorum absurditatem in apicem producamus, ipsoque solide refutentur. Vi igitur hujus principii statim inferitur, Deum ad operationes imaginationis absolvendas opus habere cerebro. Velim hæc probe noverint omnes, quibus accurata non minus errorum, quam veritatis cognitio curæ cordique est, ut falsum a vero rite separent.

§. 590.

Quomodo Deus absens- sentat & præterita cognoscit vi imaginationis. Etenim in hac *hypothesi* Deo tribuenda est imaginatio proprie sic dicta *præterita co-* (§. 589.). Quoniam itaque vi imaginationis producuntur perceptiones rerum sensibilibus absentium (§. 92. *Psych. ta-Anthropo- empir.*), adeoque etiam præteritorum, quippe quæ in absentium numero sunt; quin Deus in *hypothesi Anthropomorphitarum* absentia & in his præterita sibi repræsentet vi imaginationis dubitandum non est.

Infertur propositio præsens per principium heuristicum anthropomorphiticum, cujus modo fecimus mentionem (*not.* §. 589.). Etenim viejusdem Anthropomorphitæ Deum sibi imaginantur instar hominis, atque adeo ad eum transferunt, quæ de homine certa & explorata sunt. Quemadmodum itaque homini sunt sensus ad cognoscendum præsentia in mundo materiali, & imaginatio ad cognoscendum absentia & in hisce præterita; sic etiam Deo tribuuntur sensus, quorum beneficio præsentia in mundo materiali cognoscit; tribuitur imaginatio, cujus vi cognoscit absentia & in his, quæ in mundo materiali præteriere.

§. 591.

Manus & pedes Deo tribuendi juxta Anthropomorphitas. In *hypothesi Anthropomorphitarum* Deus habet manus atque pedes in sensu proprio. Anthropomorphitæ Deo tribuunt corpus, quale est humanum (§. 579.). Quamobrem cum corpus humanum manibus pedibusque instructum sit. Anthropomorphitæ Deo quoque manus atque pedes tribuunt.

Constat, Anthropomorphitas defendisse errorem suum, quod, quæ humano more de Deo dicuntur in Scriptura, in sensu proprio acceperint (*not.* §. 579.), Scriptura sacra ansam errori præbente, sed culpa legisantis, non vero causa ejusdem

eiusdem existente (not. §. 582.). Nemo autem est, qui nesciat, nisi qui fuerit in S. S. alienus ac hospes, Deo in S. S. tribui manus atque pedes. Unde vel ex eo patet, etiam si de facto aliunde non constaret, hæreticos Anthropomorphitas Deo manus atque pedes in sensu proprio tribuisse. Hinc & Rabbinī anthropomorphismo crasso dediti, quos supra nominavimus (not. §. 581.), magnitudinem manuum & pedum cum partibus agnatis determinant audacia minime condonanda. Rabbi *ismaël* apud *Eisenmengerum* p. 3. & seq. plantam pedum ad 30000. milliaria (divina scilicet, quæ supra definimus) extendit. A calce usque ad poplitem longitudinem facit 190000, a poplite usque ad caput femoris 121004, inde usque ad collum 240000000, longitudinem colli 130000800, barbæ 11500, manus 220002, digiti cuiuslibet 120000 milliariū divinorum. Ceterum nemo miretur in eam audiciam prolapsos Judæos Anthropomorphitas, ut determinaverint magnitudinem organorum corporis divini. Dato enim uno absurdo sequuntur plura. Cum Deo tribuerint verum corpus, quale humanum est, de Deo humano more dicta in S. S. proprie accipientes; necessario determinatam quandam magnitudinem cum corporis totius, tum singularum ejus partium admittere debuerunt. Unde cum in S. S. quædam loca occurrant (ad quæ etiam provocant), quibus membrorum quorundam dimensiones indigitari videntur, si proprie accipiantur verba, veluti *Jes. LXVI.* 1. ubi Deus terram vocat scabellum pedum suorum, & *Jes. XL.* 12. ubi dicitur pugillo metiri aquas & cælos palma ponderare, molemque terræ tribus digitis appendere; erroribus ceteris convenienter inde dimensiones membrorum corporis divini eruere ausi sunt. In istiusmodi nugæ in Majestatem divinam maxime injurias inciderunt male sani, quod cultura intellectus & rationis neglecta in sensuum atque imaginationis perceptionibus confusis acquieverint. Quamobrēm cum insulsissima commenta promysteriis venditaverint & oraculis divinis conformia judicaverint; ecquis miretur, si hodiernum homines rationis infensissimi hostes in scriptis Philosophorum nescio quæ ab (*Wolffii Theol. Nat. Pars II.*) Dd dd furda

furda sibi reperire videantur , præsertim ubi infensissuno erga eos sunt animo ?

§. 592.

*Quomodo
Deus extra
se operetur
in hypothesi
Anthropo-
morphita-
rum.*

In hypothesi Anthropomorphitarum Deus manibus facit, quicquid extra se operatur. Etenim Anthropomorphitæ Deo tribuunt manus in sensu proprio (§. 591.). Enimvero manus nobis datæ sunt , ut quid extra nos facere possimus, quemadmodum nemo non in seipso experitur. Anthropomorphitæ itaque Deum instar hominis sibi imaginantes eidem quoque manus esse arbitrantur, ut extra se quid facere possit. In ipsorum itaque hypothesi Deus manibus facit, quicquid extra se operatur.

Nimirum quia vident, neminem quid facere posse absque manibus ; non alium modum possibilem esse arbitrantur faciendi quidpiam extra se nisi ope manuum. Deo igitur eapropter manus tribuunt , ut ipsi potentiam extra se quidpiam faciendi adscribere possint.

§. 593.

*An corpus
Dei pertineat
ad mundum
in hypothesi
Anthropomor-
phitarum.*

In hypothesi Anthropomorphitarum corpus divinum non est pars mundi. Etenim Anthropomorphitæ Deo non tribuunt corpus , nisi ut sibi imaginari possint , quomodo Deus ea , quæ sunt , ac fiunt in mundo , cognoscere (§. 582.), & extra se aliquid facere possit (§. 592.). Quamobrem cum in eodem contineatur ratio, cur Deus ea, quæ in mundo materiali sunt ac fiunt , cognoscere & quidpiam extra se facere queat (§. 56. *Ontol.*), ratio vero eorum, quæ enti alicui convenire possunt , in essentia ejus contineatur (§. 168. *Ontol.*); corpus divinum in hypothesi Anthropomorphitarum ad essentiam Dei pertinet. Est vero Deus ens a se (§. 67. *part. I. Theol. nat.*), adeoque diver-
sus

sus a mundo (§. 62. *part. I. Theol. nat.*) & ab eo independens (§. 30. *part. I. Theol. nat.*). Quamobrem in hypothefi Anthropomorphitarum corpus quoque, quod eidem tribuitur, diverfum est ab iis corporibus, ex quibus componitur mundus hic afpectabilis (§. 119. *Cofmol.*). Quoniam itaque cum ceteris mundi corporibus fimul fumtis non idem est cum mundo; nec pars ejufdem effe poteft (§. 341. *Ontol.*).

Alia longe ratio eft corporum humanorum, quæ tanquam effectus continentur in hac ferie rerum, cui mundi tribuitur nomen (§. 55. *Cofmol.*). Anthropomorphita vi hypothefeos fuæ negare non tenetur, mundum effe a Deo factum. Deum igitur, ad cujus effentiam pertinet corpus per ipfius hypothefin, exiftere poffe agnofcit, etiamfi mundus exiftat nullus. Corpus adeo divinum a ceteris, quæ ad mundum pertinent, minime dependet in actualitate fua, quemadmodum corpora noftra. Anthropomorphitis itaque imputari nequit, quod Deum partem mundi faciant.

§. 594.

*In hypothefi Anthropomorphitarum mundus non eft cor-
pus Dei.* Anthropomorphitæ enim Deo tribuunt corpus, quale eft humanum (§. 579.), inftitutum organifi fenfui ac finit in mundo (§. 582.), præditumque manibus (§. 591.), ut earum ope facere poffit, quod ipfi in mundo non effe corpus, quale humanum eft, oculis manibusque inftitutum, prætereaque liquet, mundum, qui fenfu percipitur a Deo, & in quo manibus fuis is operatur, quod voluerit, diverfum effe debere ab eo corpore, cui tanquam partes infunt oculi cementes vifibilia in mundo hoc adfpectabili, & quod habet manus, quarum ope

Dd d d 2

quæ-

quædam fiunt in eodem. Quare in hypothefi Anthropomorphitarum mundus non est corpus Dei.

Errores diverſi inter ſe minime ſunt confundendi, quemadmodum ſubinde fieri ſolet; ſed a ſe invicem diſcernendi, Qui enim a ſe invicem ſeparanda confundit, in iis reſutandis accuratus eſſe nequit. Cum adeo facillime contingat, ad eos impugnandos proferri, quæ ad rem minime faciunt; objectiones non modo ſine ullo negotio eliduntur, verum etiam de falſis imputationibus quærelæ non injuſtæ oriuntur. De erroribus adeo ſtatuumdum eſt ex notionibus determinatis, minime autem ex vagis, quæ propter quandam agnationem diverſos in unum confundunt. Quodſi quis mundum fingeret corpus, cui Deus per modum animæ unitus, is errorem committeret, qui cum anthropomorphiſmo in eo convenit, quod Deo tribuatur corpus. Non tamen ideo cum anthropomorphiſmo craſſo idem eſt, quo Deo tribuitur corpus humano quoad ſtructuram ſimile. Cumque hic error poſterior anthropomorphiſmi nomine dudum fuerit inſignitus, nec terminorum ſignificatus temere ſit immutandus (§. 147. *Diſc. pralim.*); eodem termino ſignificare non licet errorem in genere, quo Deo corpus aliquod tribuitur, ut utrumque ſub eo comprehendere liceat.

§. 595.

An Deus ſit anima mundi in hypothefi Anthropomorphitarum.

In hypothefi Anthropomorphitarum Deus non eſt anima mundi. Etenim in hypothefi Anthropomorphitarum mundus non eſt corpus Dei (§. 594.), conſequenter dici nequit, quod eidem uniatur, quemadmodum anima unitur corpori noſtro. Quamobrem in iſta hypothefi nec Deus anima mundi dici poteſt.

Idem etiam oſtenditur hoc modo. Anima eſt ſubſtantia ſibi repræſentans hoc univerſum convenienter mutationibus, quæ in organis ſenſoriis contingunt (§. 62. *Pſych. rat.*); & hujus corporis anima eſt, a quo dependent

dent perceptiones rerum materialium in mundo adspectabili, quas habet (§. 58. *Psych. empir.*). Quamobrem cum mundus non sit Dei corpus (§. 594.), a quo pendent perceptiones rerum materialium in mundo (§. 582.), nec mundo insint organa sensoria ab Anthropomorphitis Deo vindicata (§. 581.), quorum mutationibus a sensibilibus inductis convenienter sibi repræsentat, quæ sunt ac fiunt in mundo (§. 584.); nec in hac hypothefi Deus est anima mundi.

Si quis ob errorem Anthropomorphitarum Deum dicere vellet animam mundi; is eodem jure nos appellaret animas illarum mundi partium, quæ sensu percipimus, vel etiam ipsius mundi.

§. 596.

In hypothefi Anthropomorphitarum Deus præfens est in loco Præsentia & localiter præfens rebus vel in rebus. Etenim in hac hypo- Dei in hypo- thefi Deus habet corpus, quale est humanum (§. 579.), thefi Anthro- adeoque ibi existit, ubi est corpus ipsius. Sed corpus pomorphita- omne præfens est in loco & localiter præfens rebus, vel rum. in rebus (§. 1040. *part. I. Theol. nat.*). Ergo in hac hypo- thefi Deus præfens est in loco & localiter præfens rebus vel in rebus.

Anthropomorphitæ Deo tribuunt corpus humano simile, etsi eodem perfectius, quia nil in Deo fingunt possibile nisi eo modo, quo in homine quid fieri experiuntur, pro impossibili habentes id, cujus nullam habent notionem, consequenter quod, quomodo esse vel fieri possit, ignorant. Quamobrem nec aliam possibilem agnoscunt præsentiam, quam quæ corporum est, experientia obvia teste. Quemadmodum itaque experiuntur, se nullibi præfentes esse, nisi ubi sunt ipsorum corpora; ita quoque Deum sibi tantummodo præsentem imaginantur, ubi corpus est. Unde Rab-

bini, ne manifesta prodiret contradicção cum iis S. S. locis, in quibus de præsentia Dei sermo est, tam vastam ac stupendam corpori divino ejusque membris tribuunt magnitudinem (not. §. 581. 591.), quasi Deus ubivis præsens sit in mundo, quatenus corpus ejus per totum mundi spatium diffunditur: id quod ab omnipræsentia divina toto cælo differt (§. 1048. & seqq. part. I. Theol. nat.), per corporis existentiam in loco minime explicabili.

§. 597.

Quomodo Deus certum locum occupet in hypothesis Anthropomorphitarum. In hypothesis Anthropomorphitarum Deus certam quandam spatii partem implet & intra ejus terminos continetur, ac in rebus, quibus præsens, certum occupat locum. Et enim in hac hypothesis Deus præsens est in loco & localiter præsens est rebus, vel in rebus (§. 596.). Enimvero quod in loco est, certam quandam spatii partem implet (§. 1032. part. I. Theol. nat.). Ergo in ista hypothesis Deus certam quandam spatii partem implet. *Quod erat unum.*

Porro quod localiter præsens est rebus, id ipsum cum iisdem in eodem loco existit (§. 1037. part. I. Theol. nat.), adeoque juxta eas certam quandam spatii partem implet, terminis suis circumscriptam (§. 1039. part. I. Theol. nat.). Et quod in re aliqua localiter præsens est, intra limites ejus, cui præsens est, rei certum occupat locum. Deus itaque intra terminos ejus spatii, quod replet, continetur, & in rebus præsens certum quandam in iis locum occupat.

Inde est, quod Anthropomorphita Deum in cælis existentem sibi imaginetur tanquam corpore suo certum quoddam spatium replentem, quod ultra mundi hujus adspectabilis terminos extenditur, nisi somnia Rabbiorum prober, qui horrendæ magnitudinis corpus per totum mundum & ultra

ultra eundem extendunt. Non adeo dubitandum est, quin per anthropomorphismum crassum tollatur omnipræsentia divina. Equidem non nego, fieri posse, ut anthropomorphita S. S. locis convictus, quibus ea admodum aperte describitur, Deum omnipræsentem agnoscat; non tamen propterea falsum est, anthropomorphismum crassum tollere omnipræsentiam divinam: neque enim infrequens est, homines, in notionibus confusis acquiescentes, contradictoria statuere. Non igitur quæstio de eo est, quid hic vel ille Anthropomorphista statuatur; sed quid ex hypothesi ejus necessario consequatur.

§. 598.

Hypothesis Anthropomorphitarum falsa est. Etenim An-Falsitas hypothomorphitæ Deo tribuunt corpus, quale est humanum *potheos anthropomorphitæ* (§. 579.). Quodsi ergo fuerint Materialistæ, adeoque *thropomor-* præter corpora nil existere arbitrentur (§. 33. *Psychol. rat.*); *phitarum*. Deum quoque præter corpus istud, quod sibi imaginantur, nil esse existimant. Quodsi vero Dualistæ fuerint, adeoque præter substantias materiales etiam immateriales existere agnoscant (§. 39. *Psych. rat.*); corpori divino substantiam immaterialem unitam esse largiuntur. Enimvero Deus corporeus esse nequit (§. 83. *part. I. Theol. nat.*), nec ullum possibile corpus est, cui Deus tanquam anima uniri possit (§. 158. *part. I. Theol. nat.*). Falsum itaque est, Deum constare corpore, vel habere corpus, quale est humanum (§. 505. *Log.*). Quamobrem cum Anthropomorphita Deo tribuat corpus, quale est humanum (§. 579.); hypothesis ejus falsa est.

Vides itaque, Anthropomorphismum crassum jam esse refutatum in systemate. Nec verendum est, ne, qui demonstrationum ibi propositarum vim animo probe concepit, in insulsum istum errorem incidat. Quo sensu in S. S. Deo

Deo tribuantur membra corporis humani, docuimus in systemate (§. 103. *part. I. Theol. nat.*), & in superioribus ostendimus (§. 161. 163. & *seqq.*), ut loca S. S. in perversum sensum trahere nequeat eorundem gnarus.

§. 599.

Fundamentum anthropomorphismi crassi eversum.

Errat Anthropomorphita, dum Deum statuit præsentia tanquam præsentia cognoscere, quia in organa sensoria agunt. Etenim Deus per concursum suum præsentia a præteritis atque futuris distinguit (§. 939. *part. I. Theol. nat.*). Falsum igitur est, quod eadem cognoscat, quia sensibilia in organa ejus sensoria agunt (§. 505. *Log.*). Quamobrem cum erret, qui propositionem falsam pro vera habet (§. 623. *Log.*); evidens est, anthropomorphitas errare, dum Deum statuunt præsentia tanquam præsentia ideo cognoscentem, quia in organa ejus sensoria agunt.

Fundamentum anthropomorphismi crassum in eo consistat, quod non alius modus agnoscatur possibilis ea, quæ sunt ac fiunt in mundo materiali, cognoscendi nisi beneficio organorum sensoriorum, in quæ sensibilia agunt, quemadmodum jam ante annotavimus (*not. §. 582.*); paret ipsum in systemate fuisse eversum, ubi modum exposuimus, quo Deus præsentia tanquam præsentia agnoscit. Cumque ex principiis rationis idem penitus non subvertatur, nisi ubi ostenderis, præter eum modum, quo nos ea, quæ sunt ac fiunt in mundo materiali cognoscimus, alium adhuc possibilem, qui convenit substantiæ simplici infinitæ, corpori nulli organico unitæ; inde porro liquet, non esse inter superfluas subtilitates referendum, quod modum istum definiiverimus. Etenim per systema nostrum excludere quoque volumus omnes errores, qui circa Divinitatem committuntur.

§. 600.

§. 600.

Errat Anthropomorphita, dum Deum præterita vi imaginationis cognoscere statuit. Etenim Deus præterita tantumquam præterita sibi repræsentat per dependentiam præsentium ab iisdem (§. 940. part. I. Theol. nat.). Falsum igitur est, quod eadem cognoscat vi imaginationis (§. 505. Log.). Quamobrem cum anthropomorphita hoc affirmet (§. 590.); ipsum errare manifestum est (§. 623. Log.).

Ad fundamentum antropomorphismi crassi etiam refertur, quod eum amplexi sibi imaginentur non alium modum præterita sibi repræsentandi possibilem esse, quam qui imaginationis ope fieri solet. Quoniam in systemate ostendimus dari modum adhuc alium præterita cognoscendi, qui Deo substantiæ simplicis illimitatæ conveniens; in eodem totum anthropomorphismi crassi fundamentum jam subvertimus. Eo autem subverso, corrui hypothesi male sana, quod Deus habeat corpus, quale est humanum, consequenter cum ipsa in auram abeunt errores ceteri omnes, qui ex eadem necessario consequuntur. Ut tamen appareat hypotheseos quoque absurditatem patere per ea, quæ inde deducuntur; ex abundante superaddere lubet propositionem sequentem.

§. 601.

Errant Anthropomorphita, dum Deo tribuunt sensus in Errores Ansignificatu proprio & imaginationem proprie sic dictam atque thropomorphisiam localem, dumque affirmant eum manuum ope facturum, quicquid extra se operatur. Etenim Deus sensu & notati. imaginatione caret (§. 157. part. I. Theol. nat.), neque sensus (§. 1096. part. I. Theol. nat. §. 158. part. II. Theol. nat.), neque imaginatio eidem tribui potest nisi per eminentiam (§. 1098. part. I. Theol. nat. & §. 167. part. II. (Wolffii Theol. Nat. Pars II.)

Eccc

Theol.

Theol. nat.). Localiter præsens esse nequit (§. 1042. *part. I. Theol. nat.*), totus præsens toti mundo & totus præsens singulis ejus partibus citra multiplicationem & diffusionem sui (§. 1049. *part. I. Theol. nat.*). Potentia divina, qua possibilia omnia ad actualitatem perducere potest (§. 343. *part. I. Theol. nat.*), non modo magnitudine differt a potentia naturæ & animarum nostrarum, verum ipsa specie, seu alterius prorsus generis est (§. 776. *part. I. Theol. nat.*). Quamobrem cum Anthropomorphitæ Deo sensus (§. 583.) atque imaginationem in significato proprio tribuant (§. 589.), præsentiam ejus localem faciant (§. 596.), eumque ope manuum facere statuentes, quicquid extra se operatur (§. 592.) potentiam divinam ejusdem generis cum humana statuunt; qui in hisce omnibus errent, extra omnem controversiæ aleam positum est (§. 624. *Log.*).

Quoniam propositio contraria refutatur eo ipso, dum vera demonstratur (§. 1035. *Log.*), veras autem propositiones jam demonstravimus in systemate; omnes Anthropomorphitarum errores in systemate jam refutavimus. Quod si quis demonstrationes ibidem propositas probe perceperit; verendum non est, ne in errorem ullum ex anthropomorphismo crasso fluentem incidat. Neque etiam metuendum, ne, quæ de Deo humano more dicuntur in S.S., in sensu perverso accipiantur, quin potius ex sectione prima liquido constet, quod principia nostra vero sensui distincte explicando inserviant.

§. 601.

*Error. circa
providen-
tiam qui-
nam sit an-
thropomor-
phismus
subtilis.*

Qui Deum prorsus incorporeum rebus in hoc universo providentem ad ea, quæ fiunt, attendere ac hodie demum quid fieri debeat, seu quid facere ac permittere velit, discernere statuunt: Anthropomorphistæ sunt. Etenim si Deus ad ea, quæ fiunt in universo, attentus hodie demum, quid

quid fieri debeat, seu quid facere ac p^{er}mittere velit, decernat; non ab æterno decrevit omnia simul, quæ in tempore fieri debent. Aut igitur non omnia præscribit ab æterno, ut decernere ab æterno potuisset, quæ fieri velit, aut ab æterno omnia decernere noluit. Quodsi ab æterno omnia prævideri non potuit, intellectus ejus limitatus est tum quoad objectum, quatenus non cognoscit omnia possibilia, sed quædam ejus cognitioni subducuntur, tum quoad modum cognoscendi, quatenus non cognoscit omnia simul, sed quædam saltem successive. Quodsi ab æterno omnia decernere noluit, necesse est, ut distincte omnia cognoscere noluerit, adeoque idea mundi, quem producere decrevit, confuse ac obscure percepta involverit, quæ demum distincte percipiuntur, ubi fiunt, consequenter intellectus ejus limitatus denuo est quoad modum cognoscendi. Et in utroque casu nec intellectus divinus, nec voluntas est purus seu unicus & immutabilis actus, verum tam ille, quam hæc Deo tribui debet tantummodo per modum facultatis. Quoniam intellectus noster hoc modo limitatur quoad objectum & quoad modum repræsentandi objecta (§. 279. *Psychol. empir.*), ac nemo non in seipso experitur, quod propterea demum in tempore decernat successive, quid facere ac permittere velit, attentus ad ea, quæ fiunt; qui Deum ita rebus providere statuunt, ut attentus ad ea, quæ fiunt, hodie demum decernat, quid fieri velit, Deum ad similitudinem animæ nostræ concipiunt & tacite admittunt, quæ limitationes in eundem inferunt, etsi eidem non tribuant corpus, quale est humanum, ut organorum ope cognoscat, quæ fiunt, & faciat, quod extra se operatur, quemadmodum sentiunt Anthropomorphitæ (§. 582. 592.). Quoniam itaque Anthropomorphitæ sunt,

E e e e 2

qui

qui Deo equidem corpus humanum non tribuunt, eum tamen ad similitudinem animæ nostræ concipientes tacite admittunt, quæ limitationes in eundem inferunt (§. 580.); qui Deum prorsus incorporeum rebus in hoc universo ita providere statuunt, ut ad ea, quæ sunt, attendat & hodie demum, quid fieri debeat, seu quid facere ac permittere velit, decernat, Anthropomorphistæ sunt.

Equidem cum Deus rebus in hoc universo ita provideat, ac si ad ea, quæ sunt, attentus hodie demum decerneret, quid fieri debeat, seu quid facere ac permittere velit (§. 938. *part. I. Theol. nat.*); anthropomorphismus equidem subtilis nullum infert in iis, quæ ad providentiam divinam spectant, errorem: quodsi tamen hæc revera ita fieri supponas, quemadmodum faciunt Anthropomorphistæ, in summam Divinitatis perfectionem injurius es. Quoniam Deus per concursum suum præsentia distinguit a præteritis atque futuris (§. 939. *part. I. Theol. nat.*), quæ omnia simul ab æterno præcivit (§. 160. 534. *part. I. Theol. nat.*), & quicquid ab æterno (§. 504. *part. I. Theol. nat.*), unico voluntatis actu (§. 520. *part. I. Theol. nat.*) decrevit, in tempore facit, quemadmodum decrevit (§. 525. *part. I. Theol. nat.*); de executione decreti, quo providentia continetur (§. 922. *part. I. Theol. nat.*), si sermo fuerit, dicendum est, Deum attendere ad ea, quæ sunt in universo, ac facere & permittere, quæ libuerit, æterno scilicet ac immutabili decreto convenienter. Et hoc modo de executione decreti providentiæ loquitur Scriptura sacra. Qui vero, quæ de executione decreti docentur, ad decretum ipsum applicant, eadem invita; anthropomorphismum subtilem in eandem inferunt, qui quantum tolerari possit in hebetioribus, docuimus alibi (*not. §. 938. part. I Theol. nat.*). Theologum tamen ab hoc errore immunem esse oportet, cujus est ultra vulgus imperitum sapere in divinis. Vanus est illorum metus, qui sibi persuadent, superfluas fore preces, siquidem decreto divino omnia futura in hoc universo jam ab æterno fuerint determinati.

terminata. Erenim Deus ab æterno quoque præcivit preces in tempore ad ipsum fundendas (§. 524. *part. I. Theol. nat.*), & sapientissime decernens omnia (§. 643. *part. I. Theol. nat.*) earum in decernendo habuit rationem (§. 519. *part. I. Theol. nat.*) rebusque providet per nexum rerum in hoc universo (§. 927. *part. I. Theol. nat.*) sapientia & bonitate sua constitutum (§. 741. *part. I. Theol. nat.*). Quando preces ab homine actu funduntur, Deus ad easdem concurrens (§. 874. *part. I. Theol. nat.*) eas jam actu fundi cognoscit (§. 939. *part. I. Theol. nat.*), præscientiæ suæ infallibili convenienter (§. 532. *part. I. Theol. nat.*). Et dum creaturas conservat (§. 843. *part. I. Theol. nat.*) & ad actiones earum concurrens (§. 874. *part. I. Theol. nat.*) vires agendi largitur (§. 876. *part. I. Theol. nat.*); quod precum intuitu ab æterno decrevit *per demonstrata*, in tempore jam actu fit (§. 525. *part. I. Theol. nat.*), decreto immutabili convenienter (§. 509. *part. I. Theol. nat.*). Quoad precantem adeo eadem precum utilitas & necessitas, seu ad precandum obligatio est, quæ foret, si Deus ad preces attentus nunc demum decerneret, quid fieri debeat. Ut hebetiores facilius capiant, quæ sine acumine difficulter capiuntur; simili dicta illustrare lubet. Ponamus te certo nosse, crastina luce adventurum Sempronium te rogaturum, ut famulum tuum nuptiis suis interesse permittas. Ponamus porro te decernere, quod id permittere velis, ac præterea statuere, quid fieri debeat, ne ejus absentia tibi noceat. Equis non videt, ubi decretum exequeris, a quo propter voluntatis constantiam recedere non vis; perinde esse, five tum demum singula decernas, ubi a Sempronio rogatus fueris, five id fiat, quam primum te ab eodem rogatum iri certo cognoveris? Quoniam in decernendo nulla temporis habetur ratio, sed tantummodo rerum, quæ sunt ac fiunt in tempore; eadem prorsus ratio est, nec in rebus quicquam mutatur, quantumcunque ponas tempus, quo ex præscientia decernitur, consequenter nec circa decretum divinum aliqua oritur difficultas, quod factum fuerit ab æterno ex præscientia æterna. Cumque de quolibet casu alio idem intelligatur verum,

quod de uno diximus; nec de decreto divino quoad singula, quæ in mundo fiunt, aliqua superesse potest difficultas. Patet itaque Deum non minus dicendum exaudire preces hominum, si decreta æterna tantummodo in tempore exequitur, quam si in tempore demum decernit, quid fieri velit.

§. 603.

*Decreta
temporaria
Anthropo-
morphistis
asserta.*

Anthropomorphistæ statuunt, Deum attentum ad ea, quæ fiunt in mundo, demum decernere, quid facere aut permittere velit. Etenim anthropomorphistæ Deum concipiunt ad similitudinem animæ humanæ, non attenta differentia, quæ inter ens limitatum & illimitatum intercedit (§. 580.). Quamobrem cum nos attenti ad ea, quæ fiunt in mundo, decernamus, quid in dato casu facere, aut permittere velimus; Deum quoque attentum ad ea, quæ fiunt in mundo, demum decernere statuunt, quid facere, aut permittere velit.

Decreta adeo temporaria ad anthropomorphismum subtilem pertinent. Sociniani ea defendunt, propterea quod liberas hominum actiones a Deo præscribi non posse opinantur, falsa notione libertatis delusi. Ast qui eadem propugnant, etiamsi Deum hominum quoque actiones liberas ab æterno præscivisse admittant; sine omni ratione hunc errorem amplectuntur. Si vero rem penitus inspicias, revera tum cum Socinianis sentiunt, quando ad decreta Dei temporaria confugiunt: neque enim alia de causa decretum æternum suspectum est, quam quod libertati humanæ videatur inimicum, etsi notionibus confusis impliciti, ex quibus sese extricare nesciunt, non advertant, quodnam sit, quod difficultatem decreto æterno assensum præbendi parit. Atque hinc elucet necessitas Systematis veri nominis, in quo veritates omnes inter se connexæ exhibentur, ut earundem appareat consensus ac mutua a se invicem dependentia, ne inscii in contradictoria incidamus: id quod hominibus a Systematis veri nominis alienis solenne est.

§. 604.

§. 604.

*Juxta Anthropomorphistas Deus vi decretorum temporario- Gubernatio-
rum actiones creaturarum aliter determinat, quam per essen- rerum qua-
tiam & naturam earundem determinantur.* Pone enim an- lis in hypo-
thropomorphistas admittere, quod actiones creaturarum *thesi Anthro-
per naturam & essentiam earundem determinentur, etiam pomorphi-
quando Deus in tempore decernit, quid fieri debeat. starum.*
Aut igitur decernit, quod per naturam & essentiam cre-
aturarum eventurum absque isto decreto; aut quod de-
cernit, minime consequitur. Quoniam in utroque casu
decretum temporarium superfluum est; necesse est juxta
anthropomorphistas, ut Deus vi decretorum temporario-
rum actiones creaturarum aliter determinet, quam per es-
sentiam & naturam earundem determinantur.

E. gr. Ponamus defectu pluviae interitum imminere sege-
ti, & precibus ad Deum fufis pluviam laetam coelitus de-
labi. Quodsi Deus dum demum, quando preces ad ipsum
funduntur, decernit pluviam; ejus nullae causae naturales
in serie rerum continentur, adeoque necesse est, ut Deus
determinet quasdam causas ad actiones alias non secuturas,
veluti ventum ad spirandum ex ea plaga, unde advehuntur
nubes, cum alias ex eadem non spiraret, neque adeo nubes
adveheret. Similiter si Deus globum ex tormento emissum
a precante tum demum averti decerneret, dum precatur,
necessarium esset, ut vel directionem globi absque causa
naturali immutaret, vel motum in homine determinaret,
quo eidem sese subduceret. Anthropomorphistae hoc mo-
do sibi imaginantur gubernationem divinam; sed quantum
a veritate absint, ex iis intelligitur, quae ad propositionem
praecedentem annotavimus.

§. 605.

*Anthropomorphistae perpetua admissunt miracula in re- Miraculo-
rum natura. Etenim statuunt, Deum in tempore demum rum in hy-
decer- potest. An-*

anthropomorphi- decernere, quid a creaturis fieri velit (§. 603.), atque
statum mul- vi decretorum temporariarum actiones creaturarum aliter
explicatio. determinare, quam per essentiam & naturam earundem
 determinantur (§. 604.). In essentia igitur & natura earundem non continetur ratio sufficiens actionum earundem, sed in decreto Dei temporario & huic conveniente actione divina in creaturas, cum non per essentiam & naturam creaturarum, sed per decretum Dei temporarium & actionem in creaturas huic convenientem intelligatur, cur hanc nunc edant actionem (§. 56. *Ontol.*). Enimvero miraculum est, cujus ratio sufficiens non continetur in essentia & natura creaturarum (§. 510. *Cosmol.* & §. 70. 71. *Psych. rat.*). Actiones itaque creaturarum vi decretorum divinarum aliter determinatae a Deo, quam per essentiam & naturam earundem determinantur, miracula sunt, atque adeo patet, Anthropomorphistas perpetua admittere in rerum natura miracula.

Equidem non ignoro, extraordinariam istam actionum creaturarum directionem non haberi pro miraculis ab Anthropomorphistis. Nemo tamen non videt, qui ex notionibus distinctis ratiocinari suevit, negari ab ipsis, quod negari non potest. Neque enim inter id, cujus ratio sufficiens in essentia & natura rerum continetur, & id, cujus ratio sufficiens in essentia & natura rerum non continetur, non datur medium (§. 53. *Ontol.*). Quoniam itaque nemo non admittit, id naturale esse, quod rationem sufficientem in essentia & natura rerum agnoscit (§. 509. *Cosmol.*); fateri quoque cogitur, non naturale seu miraculum esse, quod rationem sufficientem in essentia & natura rerum non habet (§. 510. *Cosmol.*). Quamobrem si ponas, Deum ad preces Titii avertere globum, ne feriat caput ejus, retinendo directionem, juxta quam ex tormento explosus fertur, in idem impacturus; mutatio directionis a Deo absque causa naturali facta miraculum utique erit. Absit autem, ut tibi persuadeas

suadeas veritatem nocere praxi; ostendemus potius suo loco, quod ad eandem maxime conducatur, error autem eidem noceat. Quamvis enim in systemate monuerimus (*not. §. 938. part. I. Theol. nat.*), errorem istum praxi magis favere, quam nocere, ubi quis fuerit hebetior, quam ut capere possit, quomodo cum præscentia divina & futurorum contingentium determinata veritate ab æterno libertas hominis in agendo consistere possit; id tamen non absolute intelligendum est de praxi omni, sed secundum quid de praxi præcipua officiorum erga Deum. Etsi autem error aliquis non noceat praxi præcipuæ, hoc tamen non obstante supersunt casus quidam rariores, in quibus obest. De his autem apertius dicemus in Philosophia morali, ubi omnem officiorum erga Deum praxin penitus explicaturi sumus: Veritas nunquam nocet, nisi in abusum trahatur; error vero per se nocuus est, nec semper evitari potest, quo minus noceat. Semper igitur præstat veritatem agnoscere, quam errore imbutum possidere animum. Quod mundi perfectionem tollant & hoc ipso in summam Numinis perfectionem injurii sint, qui per decreta Dei temporaria miracula multiplicant, alibi jam annotavimus (*not. §. cit. part. I. Theol. nat.*).

§. 606.

Qui essentias rerum ex causarum finalium contemplatione Anthropomorphista sunt. Etenim Anthropomorphismus quando nos ideam alicujus entis nondum existentis & de quo antea nondum cogitavimus invenire volumus, fideiæ rerum. gem quandam eidem præscribimus, & ex ejus notione evoluta deducimus, quales eidem tribuendæ sint determinationes intrinsecæ, ut illi consequendo inserviat. v. gr. Ponamus inveniendum esse automaton planetarium, quale invenit & in peculiari Tractatu, qui in operibus posthumis legitur, descripsit Hugenius. Inventor sumit, machinam repræsentare debere motus planetarum, quales in cælo observantur. Fine hoc sibi proposito, aut ma-

(*Wolfii Theol. Nat. Pars II.*) Ff ff chinæ

chinæ, quam invenire decrevit, præscripto, disquirat, quoniam & qualibus rotis, vel aliis potentiis mechanicis habeat opus, & quomodo combinari eadem debeant, ut motus planetarum, quales in Astronomia definiuntur, beneficio machinæ repræsententur. Quodsi structura primum reperta voto nondum satisfaciât, eam emendare studet, donec fini intento, quantum datur, satisfaciât. Qui igitur similiter admittunt, Deum vi sapientiæ suæ intendisse fines, ob quos res quasdam extra se producere decreverat, & illis convenienter his tribuisse determinaciones essentiales, adeoque statuunt essentias earundem ex causarum finalium contemplatione crutas fuisse; Deum ad similitudinem animæ nostræ concipiunt, seu per modum animæ sibi repræsentant, quoad actum inveniendi essentias rerum nondum existentium, quarum nulla adhuc nobis est idea. Quoniam vero nos ex fine eruimus essentiam rei, veluti structuram alicujus machinæ, quia possibilia omnia non simul distinctæ nobis repræsentamus, adeoque unum ex altero demum colligere necesse habemus, quod intellectus noster non absolute summus est (§. 278. *I'sch. empir.*), sed limitatus tum quoad objectum, tum quoad modum repræsentandi objectum (§. 279. *I'sch. empir.*); tacite Deo tribuunt limitationes intellectus, quales sunt humano. Enimvero qui Deo per modum animæ repræsentato tacite tribuunt limitationes, Anthropomorphistæ sunt (§. 580.). Quamobrem qui essentias rerum ex causarum finalium contemplatione a Deo crutas statuunt, Anthropomorphistæ sunt.

Anthropomorphistæ entia, quæ præter Deum existere possunt, aut, si mavis, creaturas sibi imaginantur ante decretum divinum tanquam vacua subiecta. Per decretum determinatur finis, ob quem creatura aliqua existere debet,
& fini

& fini huic libere a Deo statuto convenienter induntur determinationes essentielles. Atque hoc pacto insunt ideæ creaturarum in Deo, quas producere decrevit, pendentes adeo a libero ejus decreto. Hinc *Cartesius*, quemadmodum jam in *Systemate* (*not. §. 191. part. I. Theol. nat.*) annotavimus, Deum indifferentem esse pronunciat ad omnium rerum idearum, adeo ut nullum bonum, nullum verum, nihil quod credendum, faciendum vel omittendum sit, fingi possit, cujus idea in intellectu divino prius fuerit, quam ejus voluntas se determinavit ad efficiendum, ut id tale esset. Propria igitur principia non satis intellexit ex notione entis perfectissimi, quæ insunt Deo, demonstranda esse contendens, propterea quod ex ea notione minime deduxit idearum in intellectu divino inexistentiam, quemadmodum supra fecimus (§. 87. & seq.), systemate veri nominis non condito. Unde liquet, quam facile sit incidere in errores proprii principii repugnantes, etiamsi non desit mentis perspicacia, si a *Systemate* recesseris & extra illud de rebus ad idem pertinentibus judicare volueris.

§. 607.

Anthropomorphistæ essentias rerum ex causarum finalium idearum contemplatione a Deo erutas statuunt. Anthropomorphistæ ^{tus in Deo} Deum sibi per modum animæ nostræ repræsentant tacite ^{juxta An-} tributentes limitationes, quales nobis insunt (§. 580). ^{thropomor-} Quamobrem & Deo cum tribuere debent modum ^{phistæ.} perveniendi ad ideas rerum, quas producere decrevit, quomodo nos ad ideas rerum pervenimus, quas facere decrevimus & de quibus ante decretum non cogitavimus. Enimvero nos ideam entis, de quo ante nondum cogitavimus & quod facere decrevimus, invenimus ex fine, quem eidem præscripsimus, determinando ea, quæ eidem inesse debent, quemadmodum exemplo automati planetarii construendi in demonstratione propositionis præ-

cedentis comprobavimus. Anthropomorphistæ igitur essentias rerum ex causarum finalium contemplatione a Deo erutas statuere tenentur.

Propositionem hanc, quæ inversa præcedentis est, ideo addimus, ut constet idearum arbitrariorum cum anthropomorphismo subtili nexus necessarius. Nisi enim Anthropomorphista propriæ hypothesei contradicere velit, ideas rerum arbitrias defendere tenetur. Unde cum ideæ seu essentiæ rerum necessariæ arbitrariis opponantur, ita ut has admittere teneatur, qui illas rejicit; vel ex eo intelligitur, ortum idearum in intellectu divino quoad nostrum concipiendi modum tum demum modo, qui Deum deceat, explicari si prodierint necessariæ per ipsam Dei essentiam & naturam, vi intellectus illlimitati: qualis est, quem supra satis distincte exposuimus (§. 87. & seqq.).

§. 608.

*Unius mundi
idea cur
sit in Deo
juxta An-
thropomor-
phistas..*

Anthropomorphistæ non admittunt nisi unius mundi, qui existit, ideam in intellectu divino. Etenim Anthropomorphistæ essentias rerum ex causarum finalium contemplatione a Deo erutas statuunt (§. 607.); adeoque nulla in intellectu ipsius datur idea, nisi ejus entis, quod ob certum finem producere decrevit. Quamobrem nec in intellectu ipsius datur idea nisi hujus mundi, quem ob certum finem producere decrevit.

Inde est, quod Anthropomorphistæ plurimum mundorum possibilitatem pro figmento habeant, ex quibus Deus liberrime hunc, qui existit, elegit. Etenim supponunt, Deum ob aliquem finem decrevisse mundi alicujus creationem & hinc deduxisse fines particulares per modum mediorum ad finem ultimum, qui est totius mundi, sese habentes. Per hosce fines particulares determinantur genera & species creaturarum, quorum cum Deus ideas ex istis erueret, prodit idea totius mundi. Quod alia non sit mens Anthro-
pomor-

pomorphistarum, si distincte explicetur, & Anthropomorphista seipsum intelligat, exemplo *Poirreti* probari poterat, qui satis aperte docet, Deum, cum videret se adæquate representari per Filium suum, decrevisse quoque se finito quodam modo representare per creaturas & huic fini convenienter iis indidisse determinaciones, quas indere visum fuerat: unde ortæ sunt rerum creandarum in intellectu divino ideæ. Indidit autem Deus ideis rerum, quæ a se fieri posse cognovit, quatenus potentia suæ sibi conscius, ita ut quid ideo possibile statuatur, quia eidem producendo potentia divina sufficit. Ceterum propositio præsens inverti nequit, ita ut Anthropomorphista quis dicendus sit ideo, quod nonnisi unius, qui existit, mundi ideam in Deo dari affirmat. Etenim alia quoque de causa nonnisi unius mundi idea in Deo statui potest, quemadmodum Fatalistæ necessitatem absolutam ad ipsum Deum extendentes nonnisi unicum hunc mundum possibilem agnoscunt, neque adeo aliam, nisi ejus ideam in intellectu divino admittunt.

§. 609.

Anthropomorphista Deo tribuunt affectus in significatu proprio. Anthropomorphistæ Deum sibi representant per modum animæ nostræ tacite ipsi tribuentes limitationes (§. 580.). Quoniam itaque anima affectibus obnoxia est (§. 603. *Psych. empir.*); Deo quoque affectus eo sensu, quo in anima nostra dantur, tribuunt. Affectus Deo
quo sensu
tribuantur
ab Anthropomorphistis

Quoniam mos condendi systemata veri nominis nondum invaluit; minime repugnat, ut errorem unum vel alterum anthropomorphisticum amplexus ab aliis sit alienus. Ita fieri potest, ut quis decreta statuatur temporaria, non tamen Deo attribuat affectus proprie sic dictos. Non hic historice, agimur Anthropomorphismo subtili, sed dogmatice, atque adeo errores conjungimus, qui ex eadem hypothesi fluunt. Id vero suum quoque habet usum in anthropomorphisticis erroribus refutandis. Etenim si quis quemcunque eorundem

dem foveat, ex eo deduci potest, quod Deum fingat ad similitudinem animæ, ac tacite inferat perfectionibus divinis limitationes, errore reducto ad fontem, unde fuit. Quodsi ab errore suo desistere noluerit, hypothesin, quam anthropomorphismum subtilem vocamus, pro vera habere debet. Quamobrem si hinc deduxeris errorem anthropomorphisticum alium, quem ipsemet rejicit; eo ipso falsitatem anthropomorphismi subtilis agnoscere tenetur, cui cum necessario nexu cohareat error, quem tuetur, ejus quoque convincitur. Usus, quem hic inculcamus, etiam in aliis casibus obtinet, ut adeo intelligatur, quantum profit nosse, quinam errores inter se connectantur, ut alios erroris, quem foveat, convincere valeas.

§. 610.

*Pœnitentia
& ira quomodo Deo
tribuantur
ab Anthropo-
morphistis.*

Quoniam Anthropomorphistæ Deo tribuunt affectus in significato proprio (§. 609.), pœnitentia vero & ira in affectuum numero sunt (§. 759. 862. *Psychol. empir.*); Anthropomorphistæ etiam Deo pœnitentiam & iram in significato ab Anthropo-proprio tribuunt.

Qui perpendit, quam molesti sint affectus pœnitentia atque ira, & quantum hominis animum turbent; is omnium facillime hinc perspiciet, quam parum Divinitati conveniant affectus proprie sic dicti, modo in beatitudinem Dei summam mentis aciem intendant.

§. 611.

Falsitas anthropomorphismi subtilis.

Anthropomorphismus subtilis falsa hypothesis est. Etenim in anthropomorphismo subtili Deo per modum animæ representato tacite tribuuntur limitationes (§. 580.). Enimvero realitates, quæ animæ nostræ insunt, Deo tribuendæ in gradu absolute summo (§. 70.), nec tribui ipsi possunt, quæ ullo modo defectum aliquem involvunt (§. 37.). Falsum itaque est, Deum per modum animæ ita representari debere, ut tacite ipsi tribuantur limi-

limitationes (§. 505. *Log.*), adeoque anthropomorphismus subtilis sumit, quæ esse nequeunt, consequenter falsa hypothesis est (§. 126. *Disc. prælimin.*).

Cum acumine opus sit, ne tacite Deo tribuantur, quæ defectum aliquem involvunt; facilius est in anthropomorphismum subtilem, quam in crassum incidere. Quod si vero ea probe perpenderit, quæ in sectione prima demonstravimus; metuendum non erit, ne eidem obnoxii redamur a similitudine animæ ad Deum argumentari. Demonstratio itaque attributorum divinatorum ex contemplatione animæ nostræ inprimis hunc præstat usum, ut anthropomorphismus subtilis facilius evitetur.

§. 612.

Errant Anthropomorphista, dum Deum ad ea, quæ fiunt in universo, attentum nunc demum discernere statuunt, quid facere anthropo- ac permittere velit, & cum vi decretorum temporariorum morphista- actiones creaturarum aliter determinare arbitrantur, quam notati per essentiam & naturam earundem determinantur. Et enim nulla dantur decreta Dei temporaria, seu hodie demum facta (§. 505. *part. I. Theol. nat.*), consequenter falsum est, quod Deus ad ea, quæ fiunt in universo, attendens nunc demum decernat, quid facere aut permittere velit (§. 505. *Log.*). Similiter Deus providet rebus per nexum rerum in hoc universo (§. 927. *part. I. Theol. nat.*), sapientia ac bonitate sua constitutum (§. 741. *part. I. Theol. nat.*), faciens ea, quæ ex natura & essentia rerum materialium consequuntur, fines & ad eos consequendos usus essentiis & natura rerum tanquam mediis (§. 645. *part. I. Theol. nat.*), corporibus & tota rerum natura agentibus propter fines a Deo intentos, ac si ipsamet eos intenderent (§. 661. *part. I. Theol. nat.*). Falsum itaque est, quod vi decretorum temporariorum actiones creaturarum aliter

aliter determinet, quam per essentiam & naturam earundem determinantur (§. 505. Log.). Quamobrem cum Anthropomorphistæ statuunt, Deum attentum ad ea, quæ sunt in mundo, deum decernere, quid facere aut permittere velit (§. 603.), & eundem vi decretorum temporariorum actiones creaturarum aliter determinare, quam per essentiam & naturam earundem determinantur (§. 604.); falsa pro veris habent, consequenter errant (§. 623. Log.).

Patet itaque systema nostrum nulla anthropomorphismi subtilis labe esse infectum, sed quæ de Deo demonstrantur, Divinitati congrua esse. Præcipui errores ad anthropomorphismum subtilem referendi sunt hi ipsi, quos notat præfens propositio, & qui tanto facilius admittuntur, quod praxi officiorum erga Deum non repugnare videantur, propterea quod cum præcipuis consistant. Quod si quaesiveris, cur hic sit erroris effectus; haud difficilis est responsio. Confunditur cum errore aliquid veri, scilicet quod per executionem decreti æterni & immutabilis idem obtineatur, quod tribuitur decretis temporariis (not. §. 602.), atque adeo, si penitus rem consideres, praxis recta non ab eo pendet; quod erroneum est, sed quod cum errore miscetur verum. Ubi vero in praxin influit, quod erroneum est, eidem nocet, veluti tum scrupuli de bonitate Dei suboriuntur, quod gubernatio divina ob decreta temporaria & iis convenientem determinationem actionis creaturarum eidem repugnare videtur.

§. 613.

*Errores
alii anthro-
pomorphi-
smi subtilis
notati.*

*Errant Anthropomorphistæ, dum statuunt Deum ex
causarum finalium contemplatione eruisse essentias rerum,
Deoque in significato proprio tribuunt affectus, inprī-
mis penitentiam atque iram. Etenim idæ rerum Deo
essentiales sunt (§. 188. part. I. Theol. nat.), neces-
sariæ*

farix (§. 189. *part. I. Theol. nat.*) atque immutabiles (§. 190. *part. I. Theol. nat.*). Realitates, quæ Deo insunt, sunt prima possibilia (§. 87.), earumque diversa limitatione nascuntur possibilia primitiva secunda (§. 91.), quorum juxta principium contradictionis facta combinatione essentiarum entium limitatorum resultant (§. 94.), unde porro consequuntur cetera vi principii rationis sufficientis (§. 95. 96.), ipsæque omnium mundorum possibilitum ideæ resultant in intellectu divino (§. 100.). Falsum itaque est, Deum ex causarum finalium contemplatione eruisse essentias rerum (§. 505. *Log.*). Deus affectibus caret (§. 1103. *part. I. Theol. nat.*), nec eidem tribui possunt, nisi quatenus distincta boni & mali repræsentatio est ratio volitionis ac nolitionis, qualis confusa in nobis excitat affectus (§. 213.), quemadmodum in specie exposuimus (§. 219. & *seqq.*). Falsum adeo est, quod affectus, ac in specie poenitentia & ira, in significato proprio ei tribui possint (§. 505. *Log.*). Anthropomorphistæ igitur, dum statuunt, Deum ex causarum finalium contemplatione eruisse essentias rerum (§. 607.), ac ipsi tribuunt affectus in significato proprio (§. 609.), in specie poenitentiam & iram (§. 610.), errant (§. 623. *Log.*).

Relegenda hic sunt, quæ de origine idearum divinarum (§. 87. & *seqq.*) & de vero sensu singulorum affectuum, quo Deo tribui possunt (§. 219. & *seqq.*), evidenter demonstrata fuerunt. Iis enim rite intellectis protinus evanescit, quicquid anthropomorphismi subtilis notionibus admisceatur, ut prodeant ab omni labe immunes, ne indigne de Deo sentiamus.

§. 614.

Anthropomorphista athei non sunt, nec Deista, nec Cur Antiscripturarii. Anthropomorphistæ, etsi in eo errent, *thropomor-*
(*Wolffii Theol. Nat. Pars II.*) Gggg quod *phista non*

sint athei, quod Deo tacite tribuant, quæ limitationes in ejusdem
nec Deista, perfectiones inferunt (§. 611. 580.), non tamen ideo ne-
*nec Anti-*gant Dari Deum, nec ejus perfectiones summas in dubium
scripturarii. vocant. Quoniam itaque atheus non est, qui Deum da-
 ri non negat (§. 411.); Anthropomorphista atheus non
 est. *Quod erat primum.*

Anthropomorphista errat, dum Deum ad ea, quæ
 sunt in hoc universo, attentum nunc demum decernere
 statuit, quæ fieri vult, ac decretis temporariis convenien-
 ter actiones creaturarum aliter determinare, quam per es-
 sentiam & naturam earum determinantur (§. 612.), ad-
 eoque erronea admiscet providentiæ divinæ (§. 922. *part. I.*
Theol. nat.), non tamen ideo negat Deum curare res hu-
 manas, sed potius affirmat. Quamobrem cum Deista non
 sit, qui Deum res humanas curare non negat (§. 529.);
 Anthropomorphista Deista non est. *Quod erat secundum.*

Etsi Anthropomorphistæ Deo per modum animæ
 representato tacite tribuant, quæ limitationes in ejus per-
 fectiones inferunt (§. 580.); non tamen ideo negare te-
 nentur, Scripturam sacram, quam vocamus, revelatio-
 nem divinam continere, cum demonstratio veritatis reli-
 gionis revelatæ per istam hypothesein salva subsistat (§.
 522.). Quoniam itaque antiscripturarius non est, qui
 Scripturam sacram, quam vocamus, revelationem divinam
 continere non negat (§. 523.); Anthropomorphistæ anti-
 scripturarii non sunt. *Quod erat tertium.*

Nihil frequentius est, quam ut dissidentes atheismi ac-
 cusaturi utantur hoc principio, atheum esse, qui talem
 statuit Deum, qualis verus Deus non est. Sed iniquum
 nobis videtur, ob quemvis errorem de Deo alterum in nu-
 merum atheorum referre. Nostrium igitur esse duximus,
 atheismum ab anthropomorphismo subili remove. Et quo-

quoniam Deistæ & Antiscripturarii atheis agnati sunt, nec hisce meliores reputantur; ideo addere visum est, quod nec ad Deistas, nec Antiscripturarios referri debeant. Est enim modum, quo Deus providet hominibus, male capiant, & Scripturam de executione decreti providentiæ loquentem contra ejus mentem interpretentur; non tamen ideo providentiam divinam tollunt, nec Scripturam sacram irreverenter habent.

§. 615.

Anthropomorphitæ non sunt athei, nec Deistæ, nec antiscripturarii. Anthropomorphitæ Deo tribuunt corpus *morphitæ* humanum (§. 579.), ut capere possint, quomodo ea, *num sine* quæ sunt ac fiunt in mundo, cognoscere (§. 582.) & mun- *athei, Deistæ* dum facere ac in res materiales agere valeat (§. 592.). *vel Anti-* Non igitur negant dari Deum, mundi autorem. *scripturarii.* Quamobrem cum atheus non sit, qui minime negat, dari Deum mundi autorem (§. 411.); Anthropomorphitæ athei non sunt. *Quod erat unum.*

Porro et si Anthropomorphitæ Deo tribuant corpus, quale est humanum (§. 579.); non tamen ideo negant, quod res humanas curet. Quoniam itaque Deista non est, qui non negat, Deum curare res humanas (§. 529.); nec Anthropomorphitæ Deistæ sunt. *Quod erat secundum.*

Denique Anthropomorphitæ errorem suum S. S. dictis defendunt, quod in sensu proprio ea accipiant, ubi Deo membra tribuuntur, quale est corpus humanum. Agnoscunt itaque S. S. continere revelationem divinam, minime vero hoc ipsum negant. Quamobrem cum antiscripturarius non sit, qui non negat in Scriptura sacra contineri revelationem divinam (§. 523.); nec Anthropomorphitæ antiscripturarii sunt. *Quod erat tertium.*

Equidem fieri potest, ut anthropomorphismum crassum amplexus sit Antiscripturarius; sed ut in horum numero sit, non anthropomorphismo crasso tribuendum, sed alias rationes agnoscit. Hic vero quæritur, num Anthropomorphita, quataлис, necessario sit antiscripturarius: atque hoc est, quod negamus, & exemplo hæreticorum, quibus hoc nomen impositum est, probamus.

§. 616.

*Qualis sit
Deus in
hypothesi
Materiali-
starum.*

In hypothesi Materialistarum Deus non est nisi corpus.
Etenim Materialistæ non admittunt nisi existentiam entium materialium, sive corporum (§. 33. *Psychol. rat.*). Quamobrem si concedunt dari Deum; nec hunc pro ente alio, quam materiali, sive corpore habere possunt.

Quemadmodum animam materialem faciunt Materialistæ, subjectum cogitationum statuentes certam quandam materiam; ita quoque ipsum Deum materialem esse statuunt, cui conveniunt istiusmodi realitates, quales insunt animæ nostræ, veluti intellectum & voluntatem & quas ipsi competere ex demonstrationibus tam in systemate, quam superius propositis liquet, nec ab iis, qui Deum esse confitentur, in dubium vocatur. In Anglia *Hobbesius* Materialismum professus est, qui multos hodiernum habet assecclas, & *Lockius* in Tractatu de Intellectu humano Materialismum scepticum introduxit, dum nos de immaterialitate animæ certos esse posse negavit, propterea quod nesciamus, annon Deus cogitandi facultatem concesserit materiæ. Ex ejus itaque mente non repugnat, ut materia quædam sit subjectum cogitationis, seu istiusmodi realitatum, quæ animæ nostræ conveniunt, consequenter nec repugnat ipsum Deum esse materialem. Materialismum hunc scepticum propagavit *Clericus* & in Germania disseminavit *Buddeus*, autoritate *Lockii* atque *Clerici* permotus.

§. 617.

§. 617.

Materialista non necessario Anthropomorphita est. Et-An Materialista præter corpora dari entia alia immaterialia negans (§. 33. *Psychol. rat.*) defendit facultatem intelligendi & volendi convenire posse materiæ. Quoniam tamen in seipso experitur, non omnem materiam cogitare posse; ideo cogitandi, seu intelligendi & volendi, aut, percipiendi & appetendi facultatem nonnisi subtili cuidam materiæ tribuit. Non igitur necesse est, ut ens materiale hisce facultatibus præditum eam præcise subbeat structuram, quæ est corporis humani. Quamvis adeo Deum nonnisi corpus esse statuatur (§. 616.), necesse tamen non est, ut si corpus, quale est humanum, cum alia esse possit materiæ subtilis, ex qua constat, forma. Enimvero cum Anthropomorphita non sit, nisi qui Deo tribuit corpus, quale est humanum (§. 579.); Materialista non necessario Anthropomorphita est.

Nimirum nos habemus corpus organis sensoriiis & motoriiis instructum, quia materia ista subtilis, quæ ex hypothese Materialistarum subjectum perceptionis est, atque vis motuum organorum motoriorum determinatricis, ad motum determinatur per actionem corporum in corpus nostrum. Quamobrem si Materialista admittit Deum a mundo independentem, motus isti materiæ subtilis, quibus absoluntur rerum perceptiones & quibus vis determinatrix motus corporum a se diversorum coheret, alio modo oriri debent, quam in nobis. Itaque probabilius saltem videtur in Materialismi hypothese, corpus divinum a corpore humano prorsus differre, quam eandem cum hoc structuram habere, cum penes Deum cesset ratio hujus structuræ, quæ est corporis humani.

§. 618.

*Quomodo
facilis sit
Materiali-
sta in an-
thropomor-
phismum
crassum
prolapsus.*

Si Materialista S. S. auctoritatem admittit, facile in anthropomorphismum crassum incidit. Etenim cum in S. S. Deo tribuantur istiusmodi organa, quale habet corpus humanum, veluti oculi, aures, manus, pedes; si Materialista auctoritatem S. S. admittit, Deo certo sensu hæc organa tribui posse in dubium minime revocat. Quoniam itaque Deum materiale facit, seu nonnisi corpus esse posse defendit (§. 616.); nec eidem simpliciter repugnare agnoscit, ut habeat corpus istiusmodi organis instructum, qualia habet humanum consequenter fieri potest, ut nulla ipsi videatur urgens ratio, cur a proprietate significatus vocabulorum, seu sensu literali recedat. Quodsi vero organa sensoria in significato proprio Deo tribuit una cum manibus atque pedibus; eidem corpus tribuit, quale est humanum. Quamobrem cum anthropomorphita sit, qui Deo corpus tribuit, quale humanum est (§. 579.); anthropomorphita est. Atque adeo patet, Materialistam, si S. S. auctoritatem admittit, facile anthropomorphitam evadere.

Non necesse est, ut Materialista S. S. auctoritatem admittens in anthropomorphismum crassum incidat. Quodsi enim agnoscit, cessare penes Deum rationem, cur corpora nostra organa sensoria, manus atque pedes habeant (§. not. §. 617.); stante hypothesi sua affirmare potest, S. S. Deo tribuentem organa, qualia habet corpus humanum, humano more de eodem loqui, consequenter a sensu literali esse recedendum, sit ita, quod ipsemet distincte explicare non possit, quomodo absque istiusmodi organis corpora præter se existentia percipiat, & extra se operetur: admittit enim animam materiale omnes suas functiones obire, ut explicare intelligibili modo nequeat, quomodo a materia proficisci possint.

§. 619.

§. 619.

Si Materialista alium modum percipiendi ea, quæ sunt Alius casus. ac fiunt in mundo, & extra se quidpiam faciendi, possibilem non agnoscit; quam quem in seipso experitur, in anthropomorphismum crassum incidit, etiamsi ignoret, dari S. S., vel ejus auctoritatem non admittat. Etenim si alium modum percipiendi ea, quæ sunt ac fiunt in mundo, aliumque extra se faciendi quidpiam possibilem non adinitit, nisi quem in seipso experitur; nec concedere potest, dari ens materiale sive corpus, quod aliter ea, quæ sunt ac fiunt in mundo, percipiat, aliterque extra se quid faciat, quam quomodo nos illa percipimus & extra nos quidpiam facimus. Quoniam itaque nos beneficio organorum sensoriorum percipimus ea, quæ sunt ac fiunt in hoc mundo, & motu manuum atque pedum perficimus, quicquid extra nos facimus; ens materiale ea, quæ sunt ac fiunt in mundo, percipiens & extra se quidpiam faciens possibile non agnoscit, nisi quod organa sensoria, manus atque pedes habet, consequenter corpus tale est, quale est humanum. Quamobrem cum Deum nonnisi ens materiale, sive corpus esse affirmet (§. 616.); nec eidem aliud tribuit corpus, quam quale est humanum. Enimvero anthropomorphita est, qui tale Deo tribuit corpus, quale humanum est (§. 579.). Materialista itaque alium modum percipiendi ea, quæ sunt ac fiunt in mundo, & extra se quidpiam faciendi possibilem non agnoscens, quam quem in seipso experitur; anthropomorphita fit, adeoque in anthropomorphismum crassum incidit (§. cit.). Quoniam adeo in anthropomorphismum crassum incidit, etiamsi non tueatur; dicta illa S. S. quibus Deo tribuuntur organa sensoria, manus atque pedes, in sensu litera-

literali esse accipienda; evidens est, quod in hypothesi propositionis præsentis in anthropomorphismum crassum incidat, etiam si ignoret dari S. S. vel auctoritatem ejus non admittat.

Fundamentum anthropomorphismi crassi est impossibilitas percipiendi ea, quæ sunt ac fiunt in mundo, absque organis sensoriis, & faciendi quidpiam extra se absque manibus atque pedibus (*not* §. 599. 600.). Quemadmodum itaque Dualistæ, præter substantias materiales alias etiam immateriales admittentes (§. 39. *Psych. rat.*), in anthropomorphismum ea de causa incidunt, non attentis iis, quæ de Deo docet S. S., ita quoque Materialistæ, Deum non admittentes nisi materialem (§. 616.), eadem de causa in anthropomorphismum crassum incidere posse tanto magis verum intelligitur, quod in ipsorum hypothesi materia sit unicum perceptionum & operationum ad extra subiectum.

§. 620.

Materialista non sit atheus.

Materialista non necessario atheus est, facile tamen in atheismum prolabitur. Cum enim Materialista non admittat nisi entia materialia sive corpora (§. 33. *Psych. rat.*), facultates tamen cognoscendi & appetendi, quas in seipso observat, in dubium revocare non possit (§. 567. *Log.*); necesse est, ut concedat dari entia materialia, quæ facultatibus cognoscendi & appetendi, adeoque & intelligendi atque volendi sunt prædita, consequenter spiritus pro substantiis materialibus, seu corporibus habet (§. 643. *Psychol. rat.*). Quoniam Deus spiritus est (§. 124. *part. I. Theol. nat.*), hypothesi ejus minime obstat, quo minus admittat dari Deum. Quamobrem cum atheus non sit, qui dari Deum concedit (§. 411.). Materialista non necessario atheus est. *Quod erat primum.*

Quoniam

Quoniam Deus est ens a se (§. 67. *part. I. Theol. nat.*), Materialista vero per hypothesin suam admittere nequit nisi Deum, qui sit ens materiale sive corpus (§. 616.); in hypothesi Materialismi non repugnat ens materiale sive corpus esse ens a se. Quamobrem facile sibi persuadet ipsum mundum materiale esse ens a se. Atque adeo Materialista facillime in Atheismum prolabitur. *Quod erat alterum.*

Sunt qui Materialismum simpliciter hypothesin atheisticam appellant, quasi cum atheismo indivulso nexu cohaereat, ac ideo Materialistas promiscue omnes in numerum atheorum referunt. Enimvero per precipitantiam judicant, & ipso facto refelluntur. Etenim *Tertullianum* fuisse Materialistam & Deum statuisse corporeum constat. Ecquis vero dixerit, eum fuisse atheum? Si verum est, quod sumunt materialistae, materiam esse subjectum istiusmodi facultatum, quas animae competere constat; sequitur omnino, non repugnare, ut Deus sit materialis, sive corporeus, & eum existere adhuc concluditur ex contingentia mundi hujus adspectabilis. Quamvis autem verum non sit, materiam esse subjectum facultatis cognoscitivae ac appetitivae; sufficit tamen ad inferendam materialitatem Dei, quod Materialista id pro vero habeat. Et Deo tribuit Materialista eadem attributa, quae revera competere nequeunt nisi enti simplici, ut ut per errorem: propterea quod eadem exinde inferuntur, quod Deo tribuenda sint attributa, per quae intelligatur, cur hic mundus adspectabilis potius existat, quam non existat (§. 115. *part. I. Theol. nat.*), non vero quod Deus ponatur vel materialis, vel immaterialis sive simplex. Vides itaque, cur Materialismus minime obstet, quo minus quis Deum existere agnoscat, & ea ipsi tribuat, quae spiritui perfectissimo conveniunt. Quod si Materialista fuerit atheus, errori huic obnoxius evadit, quod mundo a se itatem tribuit: cui errori quod facile ansam suppeditare possit Materialismus, ex demonstratione partis secundae propositionis praesentis

(*Wolffii Theol. Nat. Pars II.*) Hh hh tis

ris liquet, etsi ex mundi materialitate inferri nequeat, ubi ex distinctis notionibus accurate ratiocineris.

§. 621.

Materialismus ad Deum extensum refertur.

Errat Materialista, dum Deum nonnisi corporeum esse statuit. Etenim Deus ens simplex est, & corporeus esse nequit (§. 83. *part. I. Theol. nat.*). Quamobrem cum Materialista statuat, cum esse corporeum (§. 616.), quod negandum erat, affirmat. Errat, qui affirmat, quod erat negandum (§. 624. *Log.*). Materialista itaque errat, dum Deum nonnisi corporeum esse statuit.

Fundamentum Materialismi est, quod materia sit subiectum perceptionum ac appetituum, & substantiæ materiali seu corporeæ convenient intellectus & voluntas. Hoc vero jam evertimus alibi (§. 50. *Psyb. rat.*), unde non opus est, ut Materialismi falsitatem in genere hic ostendamus. Quod si vero quis absurditatem Materialismi agnoverit, is nec Deum pro substantia nonnisi corporea habebit, etsi adhuc fieri possit, ut in anthropomorphismum crassum incidat, quatenus Deum sibi imaginatur tanquam substantiam constantem ex spiritu & corpore organico, quale est humanum, quemadmodum homo ex anima, quæ spiritus est (§. 645. *Psyb. rat.*), & corpore organico constat, qui anthropomorphismi fundamentum non est materialismus, sed longe aliud ab eo diversum (§. *not.* §. 599. 600.); ut id eo nec Materialista necessario sit Anthropomorpha (§. 617.).

§. 622.

Qui Deum faciunt extensum.

Qui Deum & animam faciunt extensum, Materialiste sunt, & contra Materialista Deum & animam extensum faciunt. Etenim qui Deum & animam faciunt entia extensa, cum ens, quod extensum est, compositum sit (§. 619. *Ontol.*) Deum & animam entia composita faciunt. Quamobrem cum entia composita sint corpora (§. 119.

De Anthropomorphismo, Materialismo &c. 611

(§. 119. *Cosmol.*); qui Deo & animæ extensionem tribuunt, hæc entia pro corporibus habent. Enimvero Materialista est, qui non aliorum entium, quam corporum existentiam admittit (§. 33. *Psychol. rat.*). Quiaque Deo & animæ extensionem tribuunt, Materialistæ sunt.

Quod erat unum.

Ex adverso Materialistæ entia tantummodo materialia sive corpora existere affirmant (§. 33. *Psychol. rat.*). Quoniam itaque corpus omne extensum est (§. 122. *Cosmol.*), entia omnia, quæ existunt, consequenter etiam animarum atque Deum, extensa faciunt. *Quod erat alterum.*

Omne ens vel simplex est, vel compositum (§. 685. *Ontol.*). Ens simplex extensum esse nequit (§. 675. *Ontol.*); compositum vero extensum est (§. 619. *Ontol.*). Extensio itaque discernit hæc entium possibilium genera a se invicem. Entia composita sunt illa, quæ corporum nomine veniunt, & subiectum motus localis, ut in composito, adeoque in extenso (§. 619. *Ontol.*), nulla fieri posse concipiatur mutatio nisi per motum (§. 667. *Ont.*); subiectum vero cogitationum esse nequeunt (§. 44. *Psych. rat.*), consequenter hoc nonnisi ens simplex esse potest. Quicumque igitur enti omni extensionem tribuit, entia omnia ad idem genus refert, nec nisi unum adeo entium genus, nempe compositorum, qualia sunt corpora (§. 119. *Cosmol.*), admittit. Faciunt hoc Materialistæ (§. 33. *Psych. rat.*). Cum Materialistis adeo faciunt, qui Deo & animabus extensionem tribuunt. Immo Materialistæ hoc potissimum utuntur argumento ad hypothesein suam tuendam, quod ens nullum concipi possit absque extensione. Exemplo esto *Covvardus*, Medicus Anglus, in Tractatu sermone patrio edito, in quo probare nititur, substantiam spiritualem esse conceptu impossibilem, & imposturam philosophicam Scripturæ sacræ adversam. Nimirum in Materialismum incidunt, qui entia omnia, adeoque etiam Deum atque animas sibi imaginari volunt. Unde cum vi imaginationis representari nequeant nisi compo-

sita (§. 178. *Psycb. rat.*), consequenter extensa (§. 619. *Ontol.*); se nullam entis ideam habere posse, adeoque nullam possibilem esse arbitrantur, consequenter pro non ente habent; quod sine extensione concipiendum. Pater itaque fundamentum Materialismi esse, quod pro impossibili habeatur, ens absque extensione concipi. Quod vero Materialistæ, sive nomen suum profiteantur, sive videri nolint, qui sunt, ens simplex pro puncto mathematico habeant, atque adeo rideant simplicitatem Dei, entis perfectissimi ac omnipræsensis, assertam, non aliunde est, quam quod idem sibi imaginari velint, & simplex sumant tanquam minimam extensi partem. quodsi ergo vires sensuum & imaginationis non extenderent ultra limites harum facultatum; nec impossibile sibi experiri viderentur, concipere ens simplex, nec hoc ipsum cum puncto mathematico confunderent. Quamdiu vero ultra sensus ac pendentem inde imaginationem sapere nolunt; nihil adversus eos effeceris. Ceterum cum Materialistæ ultra imaginationem atque sensus sapere nolint; non multum ipsis tribui potest acumen. Unde qui vel obtrusioris sunt ingenii, vel in abstractis & a sensu remotis concipiendis non multum versati; iis sese commendat Materialismus. Etsi autem necesse non sit, ut Materialista sit atheus (§. 620.); libertati tamen & incorruptibilitati animæ valde adversus. Unde & *Hebbesius* libertatem animæ negavit, & scepticus materialismus etiam ad immortalitatem animæ extenditur. Quam sit ista hypothesis veritati adversa, clarius apparet, si Systema Theologiæ naturalis & Philosophiæ moralis methodo demonstrativa juxta eam conderetur. Etenim non modo assumenda forent multa in se explicabilia, principio rationis sufficientis invito; verum etiam difficultates orirentur insolubiles, nisi veritati manifesto adversa defendere malles.

§. 623.

*Anomnis
Anthropomorphita*

Necesse non est, ut Anthropomorphita sit Materialista.
Etenim Anthropomorphita est, qui Deo tribuit corpus, quale

quale est humanum (§. 579.). Enimvero quamvis admittamus hominem habere corpus; non tamen ideo negare tenemur, animam, qui spiritus est (§. 645. *Pfych. rat.*), esse substantiam simplicem (§. 48. *Pfych. rat.*), a corpore prorsus diversam (§. 51. *Pfych. rat.*) eidemque unitam (§. 963. *Pfych. empir.*). Quamobrem nec necesse est, ut Anthropomorphita neget, Deum esse spiritum independentem (§. 125. *part. I. Theol. nat.*) atque absolute perfectissimum (§. 387. *part. I. Theol. nat.*), unitum corpori, quod ipsi tribuit. Quoniam itaque Materialista non admittit Deum nisi corporeum, seu in ejus hypothesi Deus nonnisi corpus est (§. 616.); Anthropomorphita non necessario Materialista est.

fit Materialista.

Atque adeo patet, Materialistarum errorem esse multo crassiores ac pejores errore Anthropomorphitarum, si fuerint Dualistæ. Quicquid enim de Deo, Spiritu infinito, demonstratur, id omne admittere potest Anthropomorphita Dualista; ita ut in ejus gratiam immutandæ non sint demonstrationes tam in Systemate, quam supra exhibitæ, nisi quod modum attinet, quo Deus præsentia tanquam præsentia cognoscit (§. 599.), & extra se quidpiam facit (§. 592.). Neque etiam repugnat, ut Anthropomorphita Dualista admittat creationem in sensu proprio, scilicet quod Deus ex nihilo produxerit materiam, etsi statuat, quod manibus suis inde formaverit corpora. Immo nec repugnat, ut admittat mundi adspectabilis sub ea forma, qua compareret, ex nihilo productionem, etsi manus Deo tribuat, ut in corporibus efficere possit, qualia ab hominibus manibus fieri solent. Ex adverso autem demonstrationes Theologiæ naturalis non eodem modo subsistunt in hypothesi Materialismi.

§. 624.

*Idealista-
rum de
mundo ma-
teriali sen-
tentia.*

Idealista admittunt phenomena mundi materialis & eorum mutuam a se invicem dependentiam. Idealistæ equidem negant realem mundi & corporum existentiam, idealistæ tamen in animabus nostris concedunt (§. 36. Psych. rat.). Idea, quæ in anima existit, easdem profus subit mutationes, quas mundus adspectabilis subit (§. 192. Psychol. rat.). Idealistæ igitur negare nequeunt ea, quæ sunt ac fiunt in universo, eodem modo nobis apparere, ac si corpora extra eam revera existerent, easque mutationes subirent. Quoad animæ igitur perceptiones & res perceptas, quatenus percipiuntur, perinde est, si mundus adspectabilis revera existat, si tantummodo ejus in animabus existat idea. Admittunt itaque Idealistæ phænomena mundi materialis, hoc est, quæ sensu confuse percipiuntur (§. 225. Cosmol.), eorundemque mutuam a se invicem dependentiam.

Quibus ex Psychologia rationali natura animæ fuerit intimius perspecta, iis circa propositionem præsentem nihil difficultatis occurrit. Qui vero eandem nondum perspectam habent, ii sibi persuadent, perceptionibus in anima non posse esse locum, nisi res perceptæ actu extra eam existant, consequenter phænomena & eorundem mutuam a se invicem dependentiam negari ab Idealistis opinantur. V. gr Negat Idealista corpus suum revera existere, & se revera cibo ac potu idem alere. Non tamen negat apparere sibi, quod habeat corpus, & quod cibo ac potu fruatur, neque in dubium vocat, perceptionem corporis istius perdurare non posse, nisi conservetur mediantibus perceptionibus cibi ac potus assumti. Unde & corporis conservandi gratia non minus cibo ac potu vescuntur Idealistæ, quam qui realem corporis existentiam extra animam agnoscunt; propterea quod norunt, phænomena hæc ita a se invicem dependere.

pendere, ut unum absque altero poni minime possit. Quemadmodum itaque in hypothesei existentiæ realis mundi ratio conservationis corporis est alimentorum fruitio; ita idem obtinet in hypothesei existentiæ mundi idealis, nisi quod in hac ea tantummodo sic apparet, in illa vero revera contingat. In Camera obscura repræsentantur objecta cum omnibus mutationibus, quas subeunt extra eandem. Quod si supponas repræsentationem in eadem fieri eodem modo, etiamsi nullum adsit extra eum objectum tale; quale in ea apparet, & quod mutationes istas subear; omnia tamen perinde adhuc apparent, quemadmodum ante: quod etsi effici non possit, illustrationis tamen gratia ita fieri fingere licet. Nimirum juxta Idealistam phænomena eodem modo in anima percipiuntur, ac si mundus materialis revera existeret, & in eo corpora easdem mutationes subirent, quæ animæ apparent. Absurdum itaque est, si qui Idealistas plagis refutandos existimant, ut dolorem percipientes se verberari convincantur, consequenter concedere cogantur, verberantem revera extra animam ipsorum existere. Id enim demum valeret, si phænomena eorumque mutuam a se invicem dependentiam negarent. Defectum adeo acuminis probant, qui sic sentiunt, de hypothesei, quam non dum intelligunt, judicium deproperantes. Si non ad alia provoces, nisi quæ sensu percipiuntur, Idealistas minime convinces erroris sui, cum ea, quæ sensu percipiuntur, admittant, sed tanquam in anima repræsentata, non vero tanquam extra se existentia.

§. 625.

In gratiam Idealistarum nihil in Physica immutandum, Physica quasi in hypothesei Idealistarum Physica nihil patitur detrimenti. Iis in hypothesei Etenim Idealistæ admittunt phænomena mundi materialis thesi Idealistarum eorumque a se invicem dependentiam (§. 624.). Quamobrem cum ens unum ab altero pendeat, quatenus ratio ejus, quod ipsi inest, continetur in altero (§. 851. Ontol.);

nec

nec rationes eorum, quæ fieri observantur in mundo hoc ad spectabili, in dubium revocant. Quamobrem cum Physica sit scientia eorum, quæ per corpora possibilea sunt (§. 59. *Disc. prælim.*), ex quibus componitur mundus (§. 119. *Cosmol.*), adeoque Physicus rationem reddit eorum, quæ in mundo actum consequuntur (§. 31. *Disc. prælim.*); in gratiam Idealistarum nihil in Physica immutandum, consequenter in eorum hypothese Physica nihil patitur detrimenti.

Nimirum Physicus observat ea, quæ sunt in mundo ad spectabili, & inquit in eorum rationem v. gr. Observamus, quando pluit, Sole ex opposito lucente, iridem apparere, & Physici est rationem reddere, cur radii luminis solaris incidentes in guttas pluviales Soli oppositas producant iridem. Idealista non negat, quod anima sibi repræsentet ea, quæ sunt in mundo ad spectabili, non negat, nihil in iis, quæ percipit, si objective spectentur, esse absque ratione sufficiente, nec negat, per rationem sufficientem intelligi, cur posito uno ponatur alterum. Ita in casu dato non negat Idealista, quod, quando Sole ex opposito lucente pluit, iris appareat, etsi hæc ita revera extra animam contingere non largiatur; sed in nudis animæ perceptionibus subsistat. Non negat, rationem sufficientem adesse debere, cur radii Solis incidentes in guttas pluviales oppositas producant speciem iridis. Nec negat, per ea, quæ in sunt ideis guttarum pluvialium & radiis solaribus intelligibili modo explicari debere, cur in hoc situ gignantur colores sub arcus specie apparentes. Eodem igitur modo explicare debet, quomodo iris appareat, si mundo tribuat existentiam realem, si non si idealem in anima sua admittat. Etenim sumit omnia ita ab anima repræsentari, ac si revera extra eam existerent. Quemadmodum Astronomus, qui telluris morum vertiginis defendit, hoc tamen non obstante in parte Astronomiæ sphericæ sumit terram quiescere & cælum cum stellis omnibus circa eam rotari ab ortu in occa-

in occasum, ac inde rationem reddit phænomenorum motus communis; ita quoque Idealista, qui idealem nonnisi mundi existentiam in anima tueretur, hoc non obstante in Physica sumit, mundum extra animam existere, & phænomeni unius rationem ex altero reddit, propter eorundem a se invicem dependentiam. Succedit prius in Astronomia, quia eadem quoad motum primum consequuntur phænomena, sive Terræ motum vertiginis, sive cælo cum stellis motum rotationis circa Terram tribuas; succedit posterius in Physica, quia quæ fiunt in mundo adspectabili, eodem modo a se invicem dependent, sive mundum revera existere, sive cum tantummodo ab anima repræsentari supponas.

§. 626.

In gratiam Idealistarum nihil in Psychologia immutandum, sive in hypothesis Idealistarum Psychologia nihil patitur detrimenti. Idealistæ enim admittunt realem animæ existentiam (§. 36. *Psychol. rat.*), eamque pro ente immateriali habent (§. 37. *Psychol. rat.*). Quoniam itaque in dubium revocare nequeunt, quæ de eadem certa experientiæ fide constant, & iis convenienter de eadem tantquam ente immateriali demonstrantur, ut eorundem ratio a priori patet; in Psychologia empirica vero per experientiam stabiliuntur principia, unde ratio redditur eorum, quæ in anima humana fiunt (§. 1. *Psychol. empir.*) & in Psychologia rationali ratio redditur eorum, quæ animæ insunt aut inesse possunt (§. 4. *Psychol. rat.*); in gratiam Idealistarum nihil in Psychologia tam empirica, quam rationali immutandum, consequenter ea in eorum hypothesis nihil patitur detrimenti.

Nimirum Psychologus observat ea, quæ fiunt in anima nostra, & inquit in eorundem rationem v. gr. Observat animam sibi repræsentare mundum materialem convenienter mutationibus, quæ in organis sensoriiis corporis alicujus

(*Wolfii Theol. Nat. Pars II.*)

I i i i

organi-

organici contingunt, ex hisce perceptionibus oriri perceptiones rerum antea hoc modo perceptarum, animam ad eas attentam, & super iis reflectentem formare notiones universales, & ex iis condere definitiones ac propositiones universales, quarum beneficio ratiocinatur: hinc porro oriri appetitiones & aversiones, & quæ sunt his gemina. Ut vero Philosophi muneris partes omnes adimpleat; naturam & essentiam animæ investigat, ut inde a prior rationem reddere possit, cur istiusmodi animæ insint facultates, quales eidem competere observat, & cur hoc modo a se invicem dependeant, quo easdem a se invicem dependere experitur. Idealista agnoscit animam esse substantiam simplicem, quæ sibi mundum materiale eo modo repræsentat, ac si revera extra eam existeret, utpote non negans phænomena mundi materialis, eorumque mutuam a se invicem dependentiam (§. 624.), utur illius existentiam realem in dubium vocet (§. 36. *Psych. rat.*), nec præter ejus in anima ideam quicquam admittat. Largitur adeo omnia, quorum anima sibi de se ipsa conscia est, quippe quæ nemo sanus in dubium revocare potest. Quamobrem quæ de anima observamus, in hypothesi Idealistarum, quemadmodum in alia omni salva sunt, consequenter quæ vera tradit Psychologia empirica, admittere tenetur Idealista, quemadmodum alius quivis; nisi errorem pro veritate amplectatur: id quod tamen non hypothefi Idealisticæ tribuendum, sed alias haber rationes, quibus in quavis alia hypothefi locus esse potest. Eorum vero nulla habenda ratio est, ubi de eo quaeritur, quod ex hypothefi necessario fluit. Per rationem intelligitur, cur quid enti alicui insit (§. 56. *Ontol.*). Quodsi itaque a veritate non aberraveris, eam quoque admittere tenetur Idealista, qui, quod illud insit, experientia convictus non negat. Atque adeo patet, hypothefin Idealistarum non obstare, quo minus vera tradantur tam in Psychologia empirica, quam rationali, nisi quod modum, quo Dualista in explicando commercio inter animam & corpus intercedente utitur, rejiciat, propterea quod existentiam realem corporis non admittit, adeoque totum istud commercium in ejus hypothefi nonnisi apparens est.

§. 627.

Stante hypothefi Idealistarum existentia & attributa di-Existentia & vna demonstrari possunt. Etenim Idealista admittit existen-tributa
tiam animæ (§. 36. *Psych. rat.*), nec negat, quæ a poste-Dei in hypo-
riori de eadem nobis innotescunt in Pnychologia empiri-thefi Idea-
ca & de natura & essentia ejus a priori demonstranturlistarum
in rationali (§. 626.). Quamobrem cum anima sit ens abfalta.
alio idemque contingens (§. 61. *part. I. Theol. nat.*) & ab
eo diversum sit ens a se (§. 62. *part. I. Theol. nat.*); ra-
tionem sufficientem existentia suæ non habens nisi in ente
a se (§. 64. *part. I. Theol. nat.*); ideo admittere tenetur
ens a se ab animabus, quæ existunt, diversum, in quo
earundem existentia ratio sufficiens continetur. Quoniam
itaque Deus est ens a se, in quo ratio sufficiens existentia
animarum humanarum continetur (§. 67. *part. I. Theol. nat.*);
stante hypothefi Idealistarum demonstrari potest Deum
existere.

Idem etiam ostenditur hoc modo. Quoniam ens per-
fectissimum est, cui insunt omnes realitates compossi-
bles in gradu absolute summo (§. 6.), & ens istiusmodi
possibile est (§. 13.); Idealista, etsi corporum existentiam
realem non admittat (§. 36. *Psychol. rat.*), non tamen ideo
possibilitatem entis perfectissimi negare tenetur, cujus
quippe possibilitas independentem a corporum existentia
agnoscitur (§. 13.). Enimvero ens perfectissimum Deus
est (§. 14.) & hic ideo existit, quia possibilis (§. 28.);
stante igitur hypothefi Idealistarum admittendum Deum
existere.

Atque adeo paret in hypothefi Idealistarum subsiste-
re demonstrationem existentia divina, tum a contin-

gentia actualitatis animæ, tum ex notione entis perfectissimi derivata. *Quod erat primum.*

Jam porro Deo talia tribuenda sunt prædicata, ut per ea intelligatur, cur animæ nostræ potius existant, quam non existant, & cur tales potius sint, quam aliæ (§. 115. part. I. Theol. nat.); Constat etiam realitates, quæ insunt animæ nostræ, Deo tribuendas esse in gradu absolute summo (§. 70.), & quæ animæ insunt per modum facultatum, ea Deo non posse tribui nisi per modum actus (§. 78.). Quamobrem cum ex priori principio deducta fuerint, quæ in systemate de attributis divinis demonstrantur; ex posteriori autem, quæ de iisdem traduntur superius in sectione prima; evidens est, stante hypothesi Idealistarum attributa divina demonstrari posse. *Quod erat secundum.*

Si ex notione entis perfectissimi demonstrantur existentia & attributa divina, non supponendum est, nisi animas nostras existere talesque esse, quales in Psychologia agnoscuntur. Quamobrem cum in Psychologia in gratiam Idealistarum nihil immutandum (§. 626.); nec in eorundem gratiam quicquam immutandum in demonstrationibus de existentia & attributis divinis ex notione entis perfectissimi ductis. Similiter cum ex contingentia animarum nostrarum, in quibus juxta Idealistas mundus nonnisi idealiter existit (§. 36. Psychol. rat.), existentia & attributa divina eodem modo colligantur, quo ex contingentia mundi hujus ad spectabilis concluduntur: demonstrationes de existentia & attributis divinis in systemate exhibitæ paucis mutatis, quæ mundi realem existentiam supponunt, subsistunt. Unde Idealista eum admittere tenetur Deum, quem Dualista pro vero Deo agnoscit.

§. 628.

Stante hypothefi Idealistarum Deo tribuenda est crea-*Creatio Deo*
tio. Etenim Idealista admittit animarum nostrarum (§. tribuenda in
36. *Pfych. rat.*) & Dei existentiam (§. 627.). Animas vero *hypothefi*
nostras a Deo creatas esse, eidemque competere potentiam *Idealista-*
creatricem ex iis principiis demonstratur, quæ etiam *Idea-*
lista admittere tenetur (§. 338.), quemadmodum ex de-
monstratione propositionis præcedentis abunde intelli-
gitur. Quamobrem stante hypothefi Idealistarum Deo
tribuenda est creatio.

Non est, quod excipias, quia Idealista negat realem ex-
istentiam corporum (§. 36. *Pfych. rat.*), creationem, quam
admittit, non esse creationem veri nominis. Etenim crea-
tio veri nominis est productio ex nihilo, seu non præexi-
stente (§. 697. *Pfych. rat.*): Quamobrem cum in hoc signifi-
catu Deo vindicata fuerit creatio animarum nostrarum &
potentia creatrix (§. 338.), & hæc demonstratio subsistat in
hypothefi Idealistarum; quin Idealistæ Deo tribuant crea-
tionem veri nominis dubitandum non est. Immo ex supe-
rioribus liquet, ex notione potentix creatricis, quam
Deo vindicavimus vi creationis animarum (§. 338. & seqq.),
demonstrari creationem mundi hujus adspectabilis tanquam
realiter extra animas nostras existentis (§. 342.): Nimirum
eamdem esse potentia creatrix, quæ ex contingentia mundi
hujus adspectabilis, & quæ ex contingentia animarum
nostrarum concluditur. Neque enim existentia realis mun-
di ab Idealistis negatur, quod Deo potentia creatrix deneg-
getur; sed potius potentia creatrix quoad mundum materia-
lem de Deo negatur, quia ejus realis existentia pro impos-
sibili habetur, omnipotentia autem divina ad impossibilia
non extendenda (§. 344. *part. I. Theol. nat.*). Quamobrem
si Idealistam convincere possis, ut mundus hic adspectabi-
lis existat, non esse impossibile; nec Deo amplius denegabit
potentiam eum creandi.

§. 629.

Conservatio

creaturarum *servatio* *creaturarum* *idea* *cum* *concurſu* *ad* *earum* *actiones.*
cam *concurſu* *ad* *earum* *actiones* *Deo* *tribuenda.*
 Etenim idealista admittit creationem animarum, quemadmodum ex demonstratione propositionis præcedentis intelligitur. Quamobrem cum ens omne a Deo creatum creatura sit (§. 777. *part. I. Theol. nat.*); animæ stante hypothefi Idealistarum sunt creaturæ Dei. Quoniam itaque creatura nulla seipsam conservare potest, sed a Deo conservetur necesse est (§. 843. *part. I. Theol. nat.*); stante hypothefi Idealistarum animæ nostræ seipsas conservare nequeunt, sed a Deo conserventur necesse est. Patet adeo stante hac hypothefi Deotribuendam esse conservationem creaturarum. *Quod erat primum.*

Porro Deus ad singulas creaturarum, etiam animarum nostrarum, actiones concurrat (§. 874. *part. I. Theol. nat.*). Quoniam itaque stante hypothefi Idealistarum animæ nostræ sunt creaturæ *per demonstrata*; Deus ad singulas earum actiones eadem stante concurrere dicendus est. Atque adeo denuo patet, stante etiam hypothefi Idealistarum Deotribuendum esse concursum ad singulas creaturarum actiones. *Quod erat alterum.*

§. 630.

Dens autor
mundi in hy-
pothefi Idea-
listarum.

Stante hypothefi Idealistarum Deus autor mundi est.
 Etenim in hypothefi Idealistarum mundus idealiter existit in animabus (§. 36. *Psych. rat.*). Quamobrem cum stante hypothefi Deus sit creator animarum (§. 628.), & idcirco rerum Deum autorem agnoscant (§. 94. & *segg.*); Deo quoque tribuendum, quod in animabus mundi hujus adspicibilis idea existat, atque adeo ipse dicendus est ejusdem autor.

Nimi-

Nimirum nisi intellectus divinus produceret ideam animæ, in qua mundi hujus idea existit continuas mutationes subiens (§. 192. *Pfych. rat.*), nulla quoque possibilis esset anima, nec idea mundi hujus possibilis foret (§. 192 *part. 1. Theol. nat.*). Et nisi Deus omnipotentia sua creasset animas, nec actu daretur idea mundi hujus adspectabilis, qualis in animabus deprehenditur, adeoque mundus existentiam idealem non haberet. Quoniam itaque Deo tribuendum, tum quod existentia idealis mundi non sit impossibilis, tum quod actu detur; nemo non agnoscere tenetur, Deum esse autorem mundi idealiter existentis in animabus. Quamvis adeo Idealista existentiam realem ejus extra animam neget (§. 36. *Pfych. rat.*); hoc tamen non obstante fateri cogitur, Deum mundi etiam idealiter existentis autorem esse. Acutiores facile vident, quod in hypothese Idealistarum eodem prorsus modo Deus dicendus sit creator animarum & autor mundi, quo ostendimus eundem esse mundi creatorem & autorem ordinis naturæ (§. 763. *part. 1. Theol. nat.*), ut adeo opus non sit pluribus hoc inculcari.

§. 631.

In hypothese Idealistarum gubernatio divina quoad animas eadem admittenda est, qualis est supposita mundi existentia reali. Etenim Idealistæ admittunt idealem mundi existentiam in animabus (§. 36. *Pfych. rat.*). Quamobrem nec in dubium vocant existere in anima Ideam mundi hujus adspectabilis, quæ easdem prorsus mutationes subit; quas in hypothese existentia ejus realis ipse subit (§. 192. *Pfych. rat.*). Quoniam itaque in mundo omnia tam successiva, quam simultanea inter se connexa sunt (§. 55. *Cosmol.*); eundem nexum rerum in mundo nonnisi idealiter existente admittit Idealista, qui datur in mundo realiter existente. Enimvero Deus hoc universum gubernat, dum omnia inter se connectit (§. 901. *part. 1. Theol. nat.*), & gubernatio hæc ad animam extenditur, quate-

quatenus ab hoc nexu rerum pendent appetitiones ac aversiones animæ, dum scilicet iis, quæ in mundo eveniunt, utimur tanquam motivis, quemadmodum unusquisque in seipso experitur, modo sufficientem afferat attentionem. Quamobrem cum eodem modo a nexu rerum pendeant appetitiones & aversiones, sive mundo tantummodo idealis tribuatur in anima existentia, sive existere realiter extra animam supponatur, cum in gratiam Idealistarum in Psychologia nihil sit immutandum (§. 626.): gubernatio divina quoad animam eadem est in hypothesi Idealistarum, quæ deprehenditur in hypothesi mundi realiter extra animam existentis.

Ea, quæ sunt in hoc mundo adspectabili, non influunt in appetitiones & aversiones animæ, nisi quatenus a nobis sensu percipiuntur. Quæ enim sensu non percipimus, ea ignoramus. Per se autem patet, quæ a nobis ignorantur, nec in appetitum & aversionem ullo influere posse modo. Idealista omnes sensationes animæ tales admittit, quales forent, si mundus realiter extra eam existeret. Quamobrem quæ inde quomodocunque pendent, eadem adhuc esse debent, sive mundus realiter existat, sive tantummodo idealiter in animabus. Gubernatio divina animas potissimum respicit, cum omnia dirigantur ad finem ultimum (§. 635. *part. I. Theol. nat.*), gloriæ divinæ manifestationem (§. 611. *part. I. Theol. nat.*), qui in gratiam animarum a Deo intenditur. Quicquid adeo quoad animam de gubernatione divina ostendi potest, id omne admittere tenetur Idealista.

§. 632.

*Providentia
divina in
hypothesi Ide-
alistarum
subsistens.*

Stante hypothesi Idealistarum admittenda est provi-
dentia divina. Etenim in hypothesi Idealistarum admit-
tenda est conservatio creaturarum & concursus ad ea-
rum actiones (§. 629.), & gubernatio quoad animas ea-
dem est, qualis est supposita mundi existentia reali (§. 631.).

Quamob-

Quamobrem cum providentia divina sit decretum Dei de conservatione & gubernatione creaturarum & concursu ad earundem actiones & Deus creaturis provideat, quatenus decretum istud exequitur (§. 922. *part. 1. Theol. nat.*); in hypothefi Idealistarum admittenda est providentia divina.

Nimirum in hypothefi Idealistarum non alia datur differentia providentiæ divinæ ab ea, quæ in hypothefi Dualistarum agnoscitur, quam qualem requirit existentia mundi idealis & realis.

§. 633.

Idealista non necessario atheus est. Etenim Idealista *Atheismus cum Idealismo non necessario connexus.* non obstat hypothefis sua, quo minus Dei existentiam & cetera ejus attributa agnoscat (§. 627.), eique creationem (§. 628.) & conservationem creaturarum tribuat (§. 629.). Qui vero Deum existere agnoscit, nec ejus attributa in dubium revocat, cumque pro creatore & conservatore rerum præter ipsum existentium habet, is atheus est.

Equidem simpliciter non repugnat, ut Idealista sit atheus, quemadmodum nec repugnat, ut Dualista impiam amplectatur hypothefin. Quemadmodum vero Dualismo tribui nequit, quod Dualista atheus sit; ita nec Idealismus in causa est, ut Idealista sit atheus. Qui igitur hypothefin Idealistarum hypothefin atheisticam appellant, quasi atheismus cum Idealismo necessario ac indivulso nexu cohareat, ita ut hoc posito ponatur & iste, de re non satis intellecta per præcipitantiam judicant. Absit vero, ut quis sibi persuadeat, hæc in favorem Idealistarum moneri. Necesse enim est nosse, quænam ex hypothefi Idealistarum necessario consequantur, & quænam eadem stante admitti debeant, ut constet, quomodo Idealista atheus erroris sui sit convictus (*Wolffii Theol. Nat. Pars II.*)

Kkk

condus

cendus, ut ab impietate revocetur, etiam si hypothese suæ nondum nuncium miserit.

§. 634.

*Deismus
cum Ideali-
simo non con-
nexus.*

Neceſſe non eſt Idealistam eſſe Deistam. Etenim stante hypothese Idealistica admittenda est providentia divina (§. 632.). Quoniam itaque Deista est, qui providentiam divinam negat (§. 529.); Idealistam esse Deistam necesse non est.

Alia igitur de causa contingit Idealistam esse Deistam, quæ etiam locum habet in hypothese Dualismi, quatenus nimirum cum Idealismo miscet errores cum eodem minime connexos. Unde liquet, si Idealista fuerit Deista, cum erroris sui convinci posse, etsi Idealismus non subvertatur. Elucet itaque utilitas cognoscendi, quinam cum errore aliquo connexi sint errores alii, & quinam cum eodem non necessario connectantur. Ceterum in asserenda providentia divina, qua evicta corrumpit Deismus (§. 529.), adversus Idealistam uti quoque licet argumentis, quibus providentia divina stabilitur in mundo materiali. Etsi enim eidem non nisi idealem tribuat existentiam; & idea ejusdem animæ essentialis sit (§. 66. *Psych. rat.*); quatenus tamen agnoscit contingentiam animæ (§. 331.) & mundi idealis aurorem Deum (§. 630.) in mundo ideali omnia admittere tenetur, quæ in hypothese Dualismi de materiali realiter existente demonstrantur, & quoad animam eundem eorum usum facit, qui agnoscitur supposita reali ejus existentia. Nimirum si Deus se non demonstrare voluisset providum, alias produxisset animas, in quibus aliorum mundorum providentiam excludendum idææ essent essentielles, vel, si tales supponantur impossibiles, nullas produxisset sibi in se ipsi sufficientissimus seque solo contentus.

§. 635.

*Theologia
naturalis*

Theologia naturalis in hypothese Idealistarum subsistit. Etenim Idealista stante hypothese sua admittere tenetur existen-

existentiam Dei & attributa divina (§. 627.), una cum *qualis in hy-*
creatione (§. 628.) & providentia (§. 632.). Quamob-^{porthesi Idea-}
rem cum in Theologia naturali demonstretur existentia *listarum.*

Dei, demonstrantur ea, quæ ipsi insunt, & quæ per hæc
fieri posse intelliguntur (§. 4. *part. I. Theol. nat.*), hoc est,
attributa divina cum creatione & providentia, quemad-
modum ex ipsa ejus tractatione liquet; Theologia natura-
lis in hypothefi Idealistarum subsistit.

Per Idealismum adeo non tollitur Theologia naturalis,
quemadmodum sibi persuadent, qui Idealistas atheorum o-
mnium absurdissimos vocant, quasi pro certo habendum sit,
Idealistam necessario esse atheum, cujus tamen contrarium
paulo ante ostendimus (§. 633.), nec peiores dari posse a-
theos, nisi qui sunt Idealistæ, quod quomodo probari pos-
sit, non liquet. Omnis atheus Deum existere negat, sive
Dualista fuerit, sive Materialista, sive Idealista. Cur vero
atheismus pejor, vel absurdior esse debeat, si atheus mun-
di materialis existentiam realem negat, quam si cum Mate-
rialista eum solum existere concedit, spiritibus in numerum
impossibilem relatis, vel cum Dualista & mundum mate-
rialem & animas a corporibus diversas existere agnoscit, ra-
tio utique nulla apparet. Immo si vel maxime largiaris,
absurditatem hypotheseos cum atheismo minime connexæ
ad eundem extendendam esse, ubi simul in eodem subjecto
concurrunt, utut id recte fieri nunquam probaveris; nec om-
nes admittent philosophi absurdius esse negare existentiam
corporum, quam animarum (§. 22. *Psych. empir.*). Sane ea
in re dissentientes experieris *Cartesianos* omnes.

§. 636.

Idealista *admittere tenetur differentiam inter actiones ma-* *Differentia*
las & bonas, quatenus moraliter spectantur. Etenim actio-intrinsicca
nes malæ internæ, hoc est, volitiones ac nolitiones ani-actio-nem ab
mæ (§. 568. *part. I. Theol. nat.*), quatenus moraliter spe- *Idealistis ad-*
Etan- *missa.*

stantur, animam ejusque statum reddunt imperfectiorem (§. 574. *part. I. Theol. nat.*), & malæ externæ, hoc est, motus corporis humani volitionibus ac nolitionibus respondentes (§. 568. *part. I. Theol. nat.*), quatenus itidem moraliter spectantur, corpus, & statum nostrum externum reddunt imperfecti obnoxium (§. 575. *part. I. Theol. nat.*), malumque morale per aliam rationem determinatur, quam perfectio hominis essentialis (§. 579. *part. I. Theol. nat.*). Quamobrem ex adverso actiones bonæ internæ, quatenus moraliter spectantur, animam & ejus statum perfectiorem reddunt, & similiter actiones bonæ externæ, quatenus spectantur moraliter, corpus statumque nostrum externum perfectiorem reddunt (§. 554. *Psych. empir.*), cum naturalibus per easdem rationes finales utraq; determinandæ (§. 914. *part. I. Theol. nat.*). Quoniam hæc differentia inter actiones malas & bonas, quatenus moraliter spectantur, demonstratur, immo a posteriori agnoscitur, ex ipsa animæ ac corporis notione, Idealista vero admittere tenetur, quicquid de anima docetur in Psychologia (§. 626.), nec in dubium vocat, quæ in Physica de corpore humano traduntur (§. 625.), quatenus ea admittit tanquam phenomena a se invicem dependentia (§. 624.); ideo quoque admittere debet differentiam inter actiones bonas & malas, quatenus moraliter spectantur.

Circa actiones internas, de quibus potissimum agitur, nullum superesse potest dubium, cum animarum existentiam defendat Idealista (§. 36. *Psych. rat.*); at externa negotium facessere poterant hebetioribus, ubi ad actiones speciales animum advertunt. E. gr. Ea esse faciendæ, quæ ad corpus conservandum conducunt, rectum agnoscitur. Idealista negat existere corpus humanum (§. cit.). Nil igitur facere potest, quod ad ipsum conservandum conducatur, neque

neque enim conservatione opus habet, quod non existit. Enimvero hanc consequentiam non admittit Idealista. In phænomenis enim admittit, quicquid ad conservationem ideæ corporis facit. Quamobrem quod a voluntate hominis proficisci potest, ejus non minus in hypothesi Idealistarum, quam Dualistarum habenda ratio est. Etenim Idealista efficere tenetur, ut istis perceptionibus sit locus in anima, quibus representantur ad corporis conservationem necessaria, cum absque hisce perceptionibus fieri haud quaquam possit, ut corpus eo modo representetur in anima, quale ea de causa in hypothesi Dualistarum revera existit. Nulla igitur est difficultas, quæ insuperabilis videtur hebetioribus vim hypotheseos Idealistarum animo non satis comprehendentibus.

§. 637.

In hypothesi Idealistarum Jus naturæ, & Philosophia moralis atque Politica subsistit, seu in gratiam Idealistarum nihil in iis Ethica & Politica in hypothesi Idealistarum. Etenim Idealista admittit differentiam actionum bonarum & malarum (§. 636.) Quamobrem cum in Jure naturali demonstratur, quanam actiones sint bonæ, quanam malæ (§. 68. *Disc. prelim.*); in gratiam Idealistarum nihil in Jure naturali immutandum, adeoque in eorum hypothesi ipsum integrum subsistit. *Quod erat primum.*

Philosophia moralis, five Ethica, atque Politica sunt partes Philosophiæ practicæ (§. 64. 65. *Disc. prelim.*). Enimvero philosophia practica docet dirigere facultatem appetitivam in eligendo bono & fugiendo malo (§. 62. *Disc. prelim.*). Quamobrem cum in hypothesi Idealistarum Psychologia nihil patiatur detrimenti (§. 626.); quæcunque de appetitiva facultate animæ in ea docentur; ea omnia admittere tenetur Idealista. Quoniam vero idem

etiam agnoscit differentiam inter actiones bonas & malas, quatenus moraliter spectantur (§. 636.); negare haud quaquam potest, quæ de facultate appetitiva in eligendo bono & fugiendo malo demonstrari possunt. In ejus ad- eo gratiam nihil in Philosophia practica, sive in Ethica atque Politica immutandum. *Quod erat secundum & tertium.*

Si actiones externæ, præsertim in Politica, difficultatem facessant; repetenda sunt, quæ modo ad propositionem præcedentem annotavimus. Etenim actiones externas in numerum phaenomenorum refert, quorum mutuam a se invicem & a facultate appetitiva dependentiam admittit (§. 624. 626.). Quamobrem, quicquid de actionibus externis præcipit Philosophia practica, id omne admittit Idealista, & ad eum finem necessaria agnoscit, cujus gratia inculcantur: Sit ita, quod nec actionibus externis tribuat nisi idealem in anima existentiam (§. 36. *Psych. rat.*).

§. 638.*

Logica & Ontologia quæ- rum. Logica & Ontologia integra subsistit in hypothesis Idealista- rum. Logica enim docet dirigere facultatem cognosciti- lis in hypo- vam in cognoscenda veritate (§. 61. *Disc. pralimin.*) &, si thesi Ideal- in ea omnia demonstranda, petenda sunt principia ex On- statum. tologia & Psychologia (§. 89. *Disc. pralim.*). Enimvero cum in gratiam Idealistarum nihil in Psychologia sit im- mutandum (§. 626.); principia omnia psychologica, qui- bus in demonstrationibus suis opus habet Logicus, admit- tere tenetur Idealista. Cumque mox ostendatur, Onto- logiam quoque integram subsistere in hypothesis Idealista- rum; non minus agnoscit principia ontologica, quibus u- titur Logicus præcepta sua demonstraturus. Parec itaque Logicam integram subsistere in hypothesis Idealistarum. *Quod erat unum.*

Onto-

Ontologia sive Philosophia prima de ente in genere & generalibus entium affectionibus agens ea tradit, quæ cum de animabus, tum de rebus corporeis, sive naturalibus, sive artificialibus prædicantur (§. 73. *Disc. prælim.*). Quamobrem cum in gratiam Idealistarum nihil in Psychologia (§. 626.), quæ per animam possibilia docet (§. 58. *Disc. prælim.*); nihil quoque in Physica, quæ de corporibus agens per ea possibilia tradit (§. 59. *Disc. prælim.*), sit immutandum (§. 625.), sit ita, quod horum veritatem nonnisi in ideis suis admittat (§. 36. *Psych. rat.*); quæ corporibus & animabus communia demonstrantur, ea omnia perinde ac Dualista admittere tenentur. Ontologia igitur in hypothesi Idealistarum integra subsistit. *Quod erat alterum.*

De Logica nemo dubitare potest, quin Idealismus eidem ne minimum quidem obstat, cum animæ existentiam realem admittat Idealista (§. 36. *Psych. rat.*), consequenter nec ea in dubium vocet, quæ ad dirigendam facultatem cognoscitivam in veritatis cognitione præcipit Logica. Neque enim propterea alia est facultas cognoscitiva animæ, quod corpora non existant, cum essentia ejus & quæ inde quomodocunque pendent, eadem maneant, sive ipsa sola existat, sive etiam existant corpora, & idea mundi materialis eadem permaneat, quæ datur in anima (§. 192. *Psych. rat.*), sive corpora actu existunt, sive non existunt. Qui Psychologiam rationalem perspectam haber, sine minimum quidem dubii suboriri potest. Immo si vel maxime facultas cognoscitiva ita in usu dependeret a corpore, ut idem subsistere minime posset sublata corporis existentia reali; nihil tamen inde adversus Logicam concluderetur, cum Idealismus supponat animam prorsus subsistere eandem, qualis foret, si actu existerent corpora. Circa Ontologiam theoria de ente composito difficultatem facessere videtur, quale nullum actu possibile agnoscit Idealista, corporum, quæ entia composita

posita sunt (§. 119. *Cosmol.*), existentiam realem negans. Enimvero ideam compositi pro impossibili minime habet, adeoque quæ de eodem tradit Ontologia, se ita habere admit-
tit in ideis: fit ita quod nullum agnoscat idearum reale. Qui
perpendit, quomodo in anterioribus sublata fuerint dubia, a
negata corporum reali existentia profecta; ei multo minus
alicujus momenti videri poterunt dubia a theoria compositi
quoad Ontologiam subnata.

§. 639.

Idealismus

*Idealismus philosophia universa nihil nocet, seu in do-
scientiæ phi-gmatis philosophicus in gratiam Idealistarum nihil immutan-
losophica mi-dum. Etenim in gratiam Idealistarum nihil immutandum
nimis adver-in Physica (§. 625.), nihil in Psychologia (§. 626.), ni-
sus.*

nihil in Theologia naturali (§. 635.), nihil in Jure naturæ,
Ethica atque Politica (§. 637.), nihil denique in Logica &
Ontologia (§. 638.). Enimvero Philosophiæ partes sunt
Theologia naturalis (§. 57. *Disc. prelim.*), Psychologia
(§. 58. *Disc. prelim.*), Physica (§. 59. *Disc. prelim.*), Lo-
gica (§. 61. *Disc. prelim.*), Ethica (§. 64. *Disc. prelim.*),
Politica (§. 65. *Disc. prelim.*), Jus naturæ (§. 68. *Disc.
prelim.*), Ontologia (§. 73. *Disc. prelim.*) &, si quæ ad-
huc alia dentur, ad eas commode referri possunt, quem-
admodum ex capite tertio Discursus præliminaris abunde
constat. In gratiam igitur Idealistarum nihil prorsus in do-
gmatis philosophicis immutandum, consequenter Idealis-
mus philosophiæ universæ nihil nocet.

Poterat absque omnibus ambagibus veritas propositionis
præsentis percipi, modo consideres, Deum, animam &
corpora esse objecta universa philosophiæ. Animarum ex-
istentiam realem, corporum idealem admittit Idealista (§.
36. *Psych. rat.*), atque adeo de corporibus ita loquitur, ac
si revera existerent, quemadmodum Copernicani de motu
primo

primoloquuntur in parte Astronomiæ sphaericæ, ac si revera daretur, utut eundem non agnoscant nisi apparentem. Ex contemplatione animæ vifectionis primæ eadem de Deo deducuntur, quæ ex contemplatione mundi materialis in systemate eruuntur. Quamobrem patet, Idealistam de Deo, animabus & corporibus, consequenter de hominibus eodem modo philosophari, quo Dualista philosophantur. Quod si ergo in errorem incidat, quemadmodum & Dualistæ accidit, minime id Idealismo, sed aliis rationibus tribuendum, quibus perinde in Dualismo locus est. Absit autem, ut quis sibi persuadeat, nos patrocinium Idealismi suscipere! Ejus enim falsitatem mox ostensuri sumus. Ea proferemus, quæ veritati consentanea sunt, ne nos iniquos præbeamus errantibus, & ut præcaveamus, ne qui Sciamachiæ commissi armis parum validis errorem oppugnent, quemadmodum faceresolent, qui vim hypothesium falsarum non satis perspicunt.

§. 610.

Neesse non est, Idealistam esse irreligionarium. Etenim *An Idealista* cum Idealismi gratia nihil in Psychologia sit immutandum *sit necessa-* (§. 626.), Idealista animæ suam in nolendo & volendo liber-*rio irreligio-* tatem relinquere tenetur (§. 942. *Psych. empir.*). Et quo-*natius.* nam idem admittere tenetur differentiam inter actiones bonas & malas, quatenus moraliter spectantur (§. 636.), nec in ejus gratiam quicquam in Theologia naturali immutandum (§. 635.), adeoque obligationem divinam ad alias actiones committendas, alias vero omittendas agnoscere tenetur (§. 974. *part. I. Theol. nat.*); nec in dubium vocare potest eas actiones, quas homo Dei gratia edere debet non editurus, si eum non agnosceret. Quamobrem cum in hisce actionibus cultus divinus consistat (§. 511.), modus autem colendi Deum religio sit (§. 512.); Idealistæ error suus minime obstat, quo minus aliquam religionem admitrat. Quoniam itaque irreligionarius non est, qui re-
(*Wolffii Theol. Nat. Pars II.*) L111 ligio-

ligionem quandam tuetur (§. 514.); Idealistam esse irreligionarium necesse non est.

Falluntur itaque, qui sibi aliisque persuadere nituntur, Idealistam omnem tollere religionem. Nec est, quod excipias, cum realem corporum existentiam neget (§. 36. *Physic. rat.*), cum tollere cultum omnem Dei externum, qui cum ad religionem non minus spectet quam internus, hanc saltem ex parte tolli, nec omnem integram subsistere in Idealistarum hypothesis. Etenim quemadmodum Idealista omnium eorum, quæ in mundo materiali fiunt, idealem in anima existentiam non secus largitur, ac si is revera extra ipsam existeret, omniaque eodem modo revera fierent, quo in anima repræsentantur; omnem quoque cultum externum idealiter in anima requirit eodem modo, ac si omnia ad eum spectantia revera extra eandem fierent. Quemadmodum itaque Dualista defendit, hominem actiones quoque externas patrare debere, quæ ad cultum divinum externum requiruntur; ita quoque Idealista agnoscere tenetur, curandum esse, ut in anima existant omnes illæ perceptiones, quibus istæ actiones repræsentantur, perinde ac si revera in corpore perficerentur. Cumque de phænomenis eodem modo loquatur, quo Dualista, de cultu quoque diuino eadem cum ipso profitetur. Agnoscit itaque præter cultum internum requiri quoque externum, nec cum diversum ab illo, quem Dualista necessarium esse contendit, sit ita quod cultus omnis externus in ipsa anima absolvanur, nec existat nisi idealiter. Quodsi quis ideo cultum omnem divinum Idealistæ internum appellare velit; in verbis dissentit, dum in re consentit.

§. 641.

*An Idealista
necessario
antiscriptu-
rarius sit.*

Necesse non est, Idealistam esse antiscripturarium. Et enim in gratiam Idealistarum nihil in Theologia naturali immutandum (§. 635.), Quamobrem cum in eadem demonstretur, homini voluntatem a Deo revelari posse suam

suam (§. 448. & *seqq. part. I. Theol. nat.*), & in ea revelationis divinæ criteria proponantur (§. 451. & *seqq. part. I. Theol. nat.*) & religionem revelatam dari demonstretur, si libris, in quibus revelatio divina contineri dicitur, criteria ista convenire ostendatur (§. 522.); Idealista stante hypothefi sua veritatem religionis revelatæ negare minime tenetur. Quoniam itaque libris istis, quos Christiani Scripturæ sacræ nomine insigniunt, idealem existentiam in anima sua eodem prorsus modo tribuit, ac si revera extra eam actu existerent (§. 624.); Idealismus minime obstat, quo minus divinitatem eorundem agnoscat. Enimvero antiscripturarius non est, qui in Scriptura sacra, quam vocamus, revelationem divinam contineri affirmat (§. 523.). Quare necesse non est, Idealistam esse antiscripturarium.

Quod si ergo antiscripturarius reperitur, qui idem Idealista, id minime Idealismo, sed abis rationibus tribuendum venit, ob quas etiam Dualistæ Scripturam sacram rejiciunt. Equidem non nego, vim inferri Scripturæ verbis, si quis hypothefi Idealisticæ convenienter explicare velit historiam creationis & alia, quæ de mundo docentur in S.S., non tamen repugnat, ut Idealista & veritatis hypotheseos suæ, & divinitatis S.S. persuasus hoc faciat, quemadmodum faciunt alii, qui falsas hypothefes amplexi verba S.S., in sensum iisdem conformem detorquent. Ita Materialista, quæ de Deo humano more dicuntur, in sensu literali accipiens, quæ de ejus spiritualitate dicuntur & a simplicitate essentiz divinæ dependent, in sensum alienum detorquet, ut hypothefi suæ serviat. Immo quis est, qui ignorat, nihil frequentius esse inter Christianos sectarios, ut sectæ suæ servientes verba S. S. trahant in favorem errorum suorum. Neque etiam nego; fieri posse, ut Idealista agnoscat, in S.S. realem corporum existentiam doceri & tanquam certam atque extra omnem dubitationis aleam positam sumi,

consequenter de veritate hypotheseos suæ securus inde inferat, falsa doceri in S. S. atque adeo divinitatem ejus neget: non tamen ideo dici potest, quod ex Idealismo necessario sequatur; ut eidem deditus sit antiscripturarius. Etenim ea de causa rejicit autoritatem S. S., quod in ea contineantur errores ex ipsius mente, adeoque eadem Deum errare nescium (§. 294. *part. I. Theol. nat.*), autorem habere nequeat. Ob eandem vero rationem antiscripturarii quoque fiunt, qui Idealistæ non sunt. Immo ex accidente fieri potest, ut ipsa veritas hoc modo det ansam errori. Ponamus enim Sempronium agnoscere, quod Deus sit incorporeus, nec oculos, nec pedes, nec manus habere possit. Ponamus cum loca S. S., in quibus Deo tribuuntur oculi, manus, pedes in sensu literali accipere, & ad anthropomorphitas provocare, qui hunc genuinum esse defenderint. Quoniam adeo existimat, errores manifestos contineri in S. S., ejus autorem Deum agnoscere nequit. Equis vero dixerit, necesse esse, ut antiscripturarius sit, qui spiritualitatem & simplicitatem divinam defendit? Ex accidente est, quod veritas noxio errori ansam det. Eodem autem modo non nisi ex accidente est, quod Idealismus ansam det eidem errori. Ceterum per se patet, Idealistam, qui realem corporum existentiam negat (§. 36. *Psych. rat.*), necessario incidere in errorem ab Ecclesia damnatum, quod Christus non habuerit nisi corpus phantasticum, ut adeo *Idealismus*, etsi philosophiæ non noceat (§. 639.), *parum tamen siveat Christianismo, & in erroribus veterum hæreticorum ab Ecclesia damnatus censeri debeat*. Notum igitur est ejus falsitatem ostendere.

§. 642.

Possibilitas

intrinseca

Extrinseca

corporum.

Corpora non impossibilia sunt & actu existere possunt, intrinsicæ seu eorum existentia realis non impossibilis. Substantiæ primariæ, quæ concipiuntur possibiles absque alia substantia limitata seu finita (§. 310.), nullæ sunt possibiles nisi simplices (§. 313.). Enimvero ex aggregatione substantiarum simplicium oriri possunt substantiæ compositæ, quæ

De Anthropomorphismo, Materialismo &c. 637

quæ extensæ sunt (§. 221. *Cosmol.* & §. 794. *Ontol.*) atque continuæ (§. 222. *Cosmol.*). Quamobrem cum corpora sint substantiæ istæ extensæ (§. 122. *Cosmol.*); corpora esse possibilia patet. *Quod erat unum.*

Enimvero Deus potentia sua creatrice omnes substantias simplices producere potest (§. 340.). Quoniam itaque aggregatis nonnisi substantiis simplicibus oriuntur corpora, quemadmodum ex demonstratis intelligitur, atque adeo corpora existunt, quamprimum substantiæ istæ simplices ad actum fuerint perductæ; evidens est, corpora per potentiam Dei creatricem existere posse, consequenter realis eorum existentia impossibilis non est (§. 85. *Ontol.*). *Quod erat alterum.*

Idealistæ corporum existentiam realem pro impossibili habent, non quod de omnipotentia Dei dubitant; sed quod corpora possibilia esse negent. Videntur autem ipsis corpora impossibilia, quod agnoscant, si entia composita dantur, dari etiam debere simplicia, unde originem suam deducunt (§. 636. *Ontol.*). Perpendentes itaque ex punctis Zenonicis, hoc est, entibus simplicibus, quæ præter carentiam partium nullam aliam determinationem intrinsecam admittunt, minima in extenso uniformi (§. 215. *Cosmol.*), extensa oriri non posse (§. 218. *Cosmol.*), qualia sunt corpora (§. 122. *Cosmol.*); eadem pro impossibilibus habuere. Error hic profectus est ex ignorantia veræ elementorum theoriæ, quam in Cosmologia dedimus (§. 182. *Et seqq. Cosmol.*) origini idearum in intellectu divino consonam (§. 314.). Quod si differentiam specificam elementorum ab animabus distincte cognosceremus, ut a priori clarissime pateret, quomodo combinatione realitatum limitatarum, quæ realitatum divinarum limitatione prodeunt, resulterent (§. 91. *Et seqq.*); possibilitas corporum intrinseca in majore utique luce collocaretur. Posita autem corporum possibilitate intrinseca ponitur per potentiam Dei creatricem extrinseca, quoniam

hanc illimitatam admittit, quicunque Deo omnes realitates in gradu absolute summo competere agnoscit (§. 15.). Cum in Psychologia rationali docuerimus, quomodo ideæ sensuales extensionis & continuitatis (§. 103. *Psych. rat.*), spatii (§. 106. *Psych. rat.*), nec non vis inertiae (§. 108. *Psych. rat.*) atque vis motricis prodeant (§. 110. *Psych. rat.*); relictis demonstrationibus ibidem datis dispelluntur nebulae, quibus circa corporum possibilitatem sensus atque imaginatio mentem obfuscare poterant. Quodsi multiplicem illam confusionem, qua ideæ rerum sensibilibus resultant (§. 98. *Psych. rat.*), adæquate cognoscere valeremus; nebulae istae penitus dissiparentur, luce meridiana affulgentes: quam numquam mortalibus contueri licuerit, nostrum non est definire, etsi non sine ratione dubietur.

§. 643.

*Possibilitas
commercii
inter ani-
mam &
corpus.*

Commercium inter animam & corpus per utriusque naturam non impossibile. Etenim in systemate harmoniae praestabilitae commercium inter animam & corpus intercedens per ipsam animae & corporis naturam intelligibili modo explicatur (§. 620. *Psych. rat.*). Concipi igitur potest modus aliquis, quo commercium istud, & quidem naturaliter (§. 622. *Psych. rat.*), subsistere potest. Quamobrem per naturam animae atque corporis impossibile non est.

Inter eas rationes, quae Idealistas ad negandum realem existentiam corporum permoverunt, referenda quoque est difficultas explicandi commercium inter animam atque corpus interveniens. Cum enim difficultates, quibus premittitur systema influxus physici, perciperent, nec alio modo idem subsistere posse existimarent, siquidem praeter animas existerent quoque corpora; de solutione desperantes nodum Gordium secare maluerunt, negata corporum reali existentia. Sufficit itaque ad refellendam impossibilitatem commercii inter animam & corpus per utriusque naturam subsistentis a nobis concipi posse modum, quo per eandem sub-

sistere

De Anthropomorphismo, Materialismo &c. 639

fistere queat. Apparet adeo utilitas systematis harmoniæ præstabilitæ, quam aceteris expectare minime licet.

§. 644.

Corpora realiter existunt. Etenim corpora possibilia *Existencia* sunt & actu existere possunt (§. 642.). Quamobrem cum *corporum* Deus res finitas creaverit manifestandæ gloriæ suæ causa *realis*. (§. 623. *part. I. Theol. nat.*), consequenter ut perfectiōnem suam absolute summam, adeoque etiam potentiam (§. 350. *part. I. Theol. nat.*), manifestaret (§. 610. *part. I. Theol. nat.*), eandemque intenderit tanquam finem ultimum (§. 629. *part. I. Theol. nat.*), agat vero fini suo convenienter (§. 625. *part. I. Theol. nat.*), quin præter animas, in quibus mundus idealiter existit (§. 192. *Psychol. rat.*), produxerit quoque corpora, ex quibus mundus adspicibilis constat (§. 119. *Cosmol.*), dubitari nequit.

Quicquid exigit finis creationis a Deo intentus, illud quoque admittendum est, nisi in sapientiam divinam injurius esse velis (§. 640. *part. I. Theol. nat.* & §. 689. *Psych. rat.*). Exigit realem corporum existentiam finis creationis, quatenus Deus per eandem omnipotentiam suam, absolute summam, demonstrare voluit. Quamobrem & admittendum, quod corpora creaverit, ut realiter extra ideas animarum existant. Excipit Idealista, corpora, cum sint impossibilia, a Deo creari non potuisse, quia potentia ejus ad impossibilia extendi nequit (§. 344. *part. I. Theol. nat.*). Enimvero contrarium evicimus paulo ante (§. 642.), atque adeo exceptio nulla est.

§. 645.

Idealismus falsa hypothesis est. Negant enim Idealistæ *Idealismum* corpora realiter existere, nonnisi idealem existentiam in *falsis* animabus iisdem concedentes (§. 36. *Psych. rat.*). Quare cum corpora realiter existant (§. 644.); negant, quod erat *affir-*

affirmandum, adeoque errant (§. 624. *Log.*). Quoniam itaque errant, qui propositionem falsam pro vera habent (§. 623. *Log.*); Idealismus falsa hypothesis est.

Corruit adeo Idealismus per principia nostra, quatenus possibilitas intrinseca corporum per theoriam nostram elementorum demonstratur & differentia sensibilis ab intelligibili per principia psychologica patet: neque enim nisi illa supposita possibilitas eorundem extrinseca per omnipotentiam Dei & actualitas per voluntatem eidem superaccidentem sive decretum ipsius constare potest. Falluntur adeo, qui theoriam nostram elementorum & animæ pro idealistica venditant, cum situnicum idque certissimum adversus Idealismum Palladium, & Idealistæ hac sola de causa in errorem suum incidunt, quod non perspecta sensibilis ac intelligibilis mundi differentia, id, quod apparet, cum eo quod est, confundant, & ideo in contradictiones incidunt, ob quas notio corporis impossibilis videtur, consequenter corpus omnipotentia divinx objectum esse negent, hoc nomine porro subducendum decreto divino, quoad realem scilicet existentiam. Nemo autem desideret demonstrationem, qua nondum suppositis Dei attributis, independenter ab omnipotentia & decreto Dei realis corporum existentia evincatur. Quicquid enim cognoscimus, vel a priori vel a posteriori cognoscimus (§. 435. *Psych. emp.*). A posteriori cognoscitur, quod experiundo ad discimus (§. 434. *Psych. emp.*), adeoque beneficio sensuum (§. 664. *Log.* & §. 65. *Psych. emp.*) nobis innotescit. Quæ sensu percipimus tanquam ad notionem corporis pertinentia, veluti extensionem, vim inertiae & vim motricem (§. 138. *Cosm.*), phænomena sunt (§. 225. 226. 296. 298. *Cosmol.*), quæ tanquam phænomena admittit Idealista (§. 624.). Inde igitur nihil adversus cum concluditur, nisi aperto fonte phænomenorum (§. 192. *Cosmol.*). Ex iis adeo, quæ sensuum beneficio de corpore nobis innotescunt, ejus realis existentia probari nequit. Quicquid a priori cognoscitur, vi intellectus eruitur (§. 438. *Psych. emp.*), adeoque ex notionibus distinctis colligitur (§. 275. *Psych. emp.*). Quod si notionem confu-

confusam corporis ab omni confusione liberes, in elementa incidis (§. 191. *Cosmol.*). Per hæc autem non demonstratur nisi intrinseca corporis possibilitas (§. 642.), qua sola cognita nondum constat id existere (§. 171. *Ontol.*), sed tantummodo existere posse intelligitur (§. 133. *Ontol.*). Quoniam in anima idea hujus universi seu mundi adspectabilis existit, quæ easdem prorsus mutationes subit, quas mundus adspectabilis subit (§. 192. *Psychol. rat.*); anima sibi eodem prorsus, quo nunc, modo repræsentaret hoc universum, etiamsi mundus actu non existeret, id quod etiam agnoscitur ab iis, qui systema harmoniæ præstabiliæ defendunt (§. 614. *Psych. rat.*), & a *Cartesio* agnitum (*not. §. cit.*). Reddit adeo res tota ad liberam Dei voluntatem, utrum voluerit, animas solas existere, an vero etiam corporum existentiam decreverit. Quod vero voluntati divinæ conveniens sit, non aliunde quam ex nozione sapientiæ deduci potest (§. 445. 640. *part. I. Theol. nat.*), quemadmodum a nobis factum. *Cartesius* in Meditationibus realem corporum existentiam ex nozione corporis & animæ demonstrari non posse agnovit; eam igitur a veracitate Dei deducere voluit. Videbatur enim ipsi ex eo sequi, quod Deus continuo hominibus imponat per testimonium sensuum, quod iisdem adeo certum videtur, siquidem corpora realiter non existerent. Sed hoc argumentum ab Idealistis habetur pro nullo. Etenim corporis notionem, qualem *Cartesiani* admittunt, contradictioni obnoxiam pronunciant, adeoque pro impossibili habent (§. 79. *Ontol.*); quo admissio nulla est consequentia, quam *Cartesius* urget. Vidit hoc *Malebranchius*: unde in *Dialogis Metaphysicis* contendit, realem corporum existentiam nobis innotescere non posse nisi per revelationem divinam, qua tamen nos minime opus habere ex ante demonstratis constat (§. 642.).

C A P V T I V.

De Paganismo, Manichæismo, Spino- sismo & Epicureismo.

§. 646.

*Paganismus
quid sit.*

Paganismus sive *Gentilismus* est hypothesiſ de mundi a pluribus Diis dependentia sive quoad existentiam, sive quoad gubernationem.

Constat Gentiles multos admisſiſſe Deos, quibus ſi non creationem mundi, attamen gubernationem tribuerunt. Error hic cum multis modis variari poſſit, Gentiliſmi quoque plures dantur & dari poſſunt ſpecies, quas tamen diſtingui opus non eſt, propterea quod omnes corruunt, ſublato Paganismo in genere. Atheiſmus in defectu peccat, quod nullum admittat Deum: aſt Paganismus peccat in exceſſu, quod plures fingat Deos. Equidem ſuperfluum videri poterat agi de Paganismo, cum non facile meruendum ſit, ne quis in eundem incidat: veruntamen plures proſtant rationes, quæ hanc tractationem ſuadent. Non deſunt hodie, qui omnem cognitionem Dei ac virtutis naturalem ad Paganismum referunt, quaſi *paganum* ſeu *gentile* ſit, quicquid lumine rationis de Deo & virtute agnoſcitur, unde & philoſophiam moralem Ethicam gentilem appellant. Ea de cauſa aut Theologiam naturalem ac philoſophiam moralem prorsus damnant, aut, ſi quæ rationes obſtent extrinſecæ, quo minus hoc faciant, inutilem ſaltem pronunciant, & Theologiæ ſtudioſos in Theologia revelata & Theologia morali acquieſcere jubent. Verum igitur Paganismi notionem exhiberi & quinam eidem inſit error, evidenter demonſtrati conſultum erat, ne veritas aliquid patiatur detrimen- ti & ejus uſu, quem certiſſimum ſpondet, fruſtraremur, abunde perſpecto ab iis, qui ſtudio philoſophiæ ſeverius
cum

De Paganismo, Manichæismo, Spinozismo &c. 643

cum sacrarum litterarum tractatione conjunxerunt. Sunt etiam qui omnem de Deo errorem Scripturæ sacræ adversum Paganismo tribuunt: quod tamen minus recte fieri agnoscendum, cum etiam de erroribus rectum esse debeat judicium. Denique Paganismus hodiernum ex Orbe nondum extirpatus, atque adeo necesse est errorem hunc penitus perspicere, ne in convertendis Gentibus a vero aberretur, ubi absurditatis suæ convincendæ. Immo dantur etiam religiones, qualis est Muhammedana, quæ cum Paganismo in eundem censum referri nequeunt, etsi diversæ a Christiana.

§. 647.

Paganus sive *Gentilis* dicitur, qui Paganismum seu *Paganus vel Gentilium* profitetur, hoc est, pro vera habet hypothesin de dependentia mundi a pluribus Diis saltem quoad *Gentilis quidam dicitur.* gubernationem (§. 446.).

Perperam igitur Gentilismus ita opponitur Christianismo, quasi sit Gentilis, qui Christianus non est, quemadmodum subinde faciunt, qui vagis locutionibus delectantur, præsertim ubi animum affectibus obnoxium habent.

§. 648.

Nomen appellativum vocatur, quod utimur ad significandum ens quoddam in universali, veluti genus aliquod, *Nomen appellativum quoddam sit.* vel speciem aliquam.

Ita vocabulum homo nomen appellativum est, quo denotatur aliqua viventium species. Similiter vocabulum arbor nomen appellativum est, quo denotatur aliquod genus, quod plures sub se species comprehendit, veluti cerasum quercum, abietem; quæ ipsa vocabula appellativa sunt nomina, utpote pluribus individuis communia.

§. 649.

In Gentilismo vocabulum *Dens* nomen appellativum est. *Vocabulum Etenim* Gentiles affirmant plures dari Deos, a quibus *Dens quale sit in Gentilismo.* Munimur a

mundus quoad gubernationem dependet (§. 647.). Vocabulo itaque Deus significare nequeunt nisi ens, quod determinationes singulis istis communes continet, exclusis iis, quæ in ipsis diversæ sunt. Quamobrem cum ens universale sit, quod tantummodo continet determinationes intrinsecas communes pluribus singularibus, exclusis iis, quæ in individuis diversæ sunt (§. 230. *Ontol.*); Gentiles vocabulo Deus indignant ens universale. Enimvero nomen appellativum est, quo significatur ens quoddam universale (§. 648.). Vocabulum itaque Deus in Gentilismo nomen appellativum est.

Idem etiam ostenditur indirecte hoc modo. Ponamus in Gentilismo vocabulum Deum esse nomen proprium. Quoniam nomen proprium est, quo utimur ad significandum aliquod individuum (§. 408.); Gentiles vocabulo Deus non indignant nisi ens aliquod singulare seu individuum. Non igitur idem tribuunt pluribus individuis. Atat cum plures esse Deos affirmant (§. 647.); pluribus utique individuis hoc nomen tribuunt, adeoque in Gentilismo vocabulum Deus nomen proprium esse nequit, consequenter appellativum est.

Ira Romani Jovem, Apollinem, Mercurium, Bacchum, Vulcanum, Martem aliosque Deos vocant. Vocabulum igitur Deus pro appellativo habent. Non est, quod excipias, nos quoque in sermone patrio vocabulo *Gott* tribuere numerum pluralem *Götter*, & idem facere populos, qui unum tantummodo Deum profiteantur, aliis autem utuntur linguis. Etenim ex vocabulo nobis proprio (§. 409.) efficitur appellativum in gratiam Gentilismi, ut de Gentilium errore loqui possimus. Sane quotiescunque hoc vocabulum tanquam nomen appellativum usurpamus, toties significatus respicit errorem Gentilium de pluralitate Deorum, ut adeo significatus semper sit huic errori obnoxius, quotiescunque

que a natura nominis proprii recedit, etiamsi eundem nonnisi tacite supponamus. Ceterum si vel maxime, antequam Deum cognoveris, vocabulum hoc sumas tanquam appellativum, per naturam tamen ejus in nomen proprium degenerat, quamprimum vera de eo cognoscis.

§. 650.

In Gentilismo Deus est ens intelligens, a quo mundus quoad actum vel quoad quosdam eventus particulariter dependet. Quid Deus Etenim in Gentilismo plures finguntur Dii, a quibus mundus sive quoad existentiam, sive quoad gubernationem dependet (§. 646.). Non igitur totus dependet a Deo uno, adeoque ab uno nonnisi quoad quandam partem. Quoniam itaque in Gentilismo vocabulum Deus nomen appellativum est (§. 649.), adeoque ens in universalis significat (§. 648.), quod est subiectum determinationum omnibus Diis communium (§. 230. Ontol.); in eodem Deus definiendus per ens intelligens, a quo mundus quoad actum, vel quoad quosdam eventus nonnisi particulariter dependet.

Patet hoc exemplo Romanorum, qui Jovi fulmina, Marti bella, Aeolo ventos, Nepruno aquas, Cereri fruges, Dianæ feras subdiderunt; Apollinem cum Musis scientiis præfecerunt. Mundi igitur gubernationem distribuerunt inter plures Deos, ita ut ab uno hi, ab altero alii dependere ventus; ab uno hæc, ab altero alia hominum fata. Quamobrem Dii Romanorum nil inter se commune habent, nisi quod sint entia intelligentia, a quibus mundi gubernatio quoad certas quasdam partes dependet. Nostra igitur Dei definitio, quod sit ens a se, in quo continetur ratio sufficiens existentiae hujus universi & animarum nostrarum (§. 67. part. I. Theol. nat.), vi cujus totus mundus quod maxima minima nonnisi ab uno Deo dependet, quemadmodum demonstrationes concatenatæ systematis aperitissime lo-

quantur, cum Gentilismo minime consistit. Nec est quod hoc miremur: est enim definitio veri Dei, Gentiles vero Divinitatem transmutarunt in formam aliam, veluti humanam.

§. 651.

Quales realitates Deo tribuantur in Gentilismo.

In Gentilismo Deo tribuantur realitates limitatae. In Gentilismo mundus saltem quoad gubernationem dependet a pluribus Diis (§. 646.), seu Deus in genere est ens intelligens, a quo mundus quoad actum, vel quoad certos quosdam eventus in particulari dependet (§. 650.). Quamobrem cum singuli Dii admittantur, ut pateat, undenam sint hi, vel alii eventus particulares, & cur hoc tempore tales potius sint, quam alii; tales singulis Diis tribuendæ sunt realitates, quales illorum eventuum, qui ipsis subjiciunt, dependentiæ ab iisdem intelligendæ sufficit. Quoniam itaque realitates limitatæ, veluti scientia & potentia limitata, ad hoc sufficiunt, ut certi quidam eventus dependeant ab aliquo Deorum, seu imperio ejus subsint; Diis quoque singulis nonnisi realitates limitatæ, veluti scientia & potentia certi gradus, tribuendæ sunt in Gentilismo.

Ita Jupiter ex Romanorum mente tonat & pluit, seu tempestates excitat. Sufficit itaque, ut tempestatum theoriam quandam calleat, & easdem excitandi potentia instructus sit, utque hominum quorundam facta cognoscat, ob quæ iisdem vel irascitur, vel propitius sit, neque ad gubernationem tempestatum omniscientia & omnipotentia opus habet. Idem eodem modo patet de Æolo, ventorum Deo, patet de quovis Deo alio, itemque de quavis Dea alia Romanorum. Gentilium adeo Dii sunt entia finita atque limitata, & ea de causa cum Gentilismo pugnat definitio, quod Deus sit ens absolute perfectissimum (§. 14.). Cum vero hoc pacto Divinitatem in formam humanam transmutarent Gentiles, haud ægre quoque in iisdem admiserunt quodvis

qu
ru
I
u
A
b

N
Gentil
denter
ut sing
ligi po
ciunt
diam
quale
dum n
Theol.
tribui
est, G

quodvis scelerum & flagitiorum genus. Ita Jovem, Deorum supremum, cum Junone sorore incestum commisisse, Danaen constuprasse, cum Leda Tindari Regis Laconiz uxore, Antiopa Lyco Regi Thebarum nupta, Alcmena Amphytryonis conjuge adulterium patrasse fertur, ut alia libidinis specimina silentio prætereamus.

§. 652.

Neceſſe non eſt, Gentiles eſſe anthropomorphitas. Etenim Gentiles mundum quoad actum & gubernationem dependentem faciunt a pluribus Diis (§. 647.). Sufficit igitur, ut ſingulis tribuantur iſtiusmodi realitates, per quas intelligi poteſt, cur hi eventus, qui directioni ipſorum ſubjiciuntur, ab iis pendere poſſint (§. 851. 56. *Ontol.*): Quodiam itaque neceſſe non eſt, ut ad hoc corpus habeant, quale eſt humanum, cum vero Deo tale ideo tribuendum non ſit, cujus directioni ſubſunt omnia (§. 158: *part. I. Theol. nat.*); Anthropomorphita vero ſit, qui Deo corpus tribuit, quale humanum eſt (§. 579.): ideo neceſſe non eſt, Gentiles eſſe anthropomorphitas.

Nimirum Gentiles fingere poſſunt ſubſtantias inviſibiles, quæ corporeæ non ſunt, hominibus multo potentiores, a quibus ſibi metuunt & quorum gratiam ſibi conciliare ſtudent, ne noceant, vel ut beneficiant, & hos pro Diis habere. Eſti adeo Romani Diis ſuis tribuerint corpora humana, divinitatem in formam humanam tranſmutantes; non tamen ideo hoc requirebat fundamentum Gentiliſmi, nimirum particularis mundi ab iisdem dependentia (§. 646.) quod utique abſque anthropomorphiſmo craſſo ſubſiſtere poteſt. Abſurdior utique Gentiliſmus eſt, cui anthropomorphiſmus craſſus miſcetur, quam qui ab eodem immunitis eſt, cum duo errores Divinitati repugnantes in unum confundantur. Ceterum nec omnes, qui Deos corporeos fecerunt, anthropomorphitz fuerunt. Etenim qui ſolent

atque

atque planetas pro Diis habuere, a quibus pendent eventus in terra hominumque fata; Deo non tribuerunt corpora, qualia habent homines, anthropomorphitis minime annuerandi. Inciderunt autem in errorem, quem commiserunt, quod Deo tribuendam esse conservationem mundi agnoscerent, Tellurem autem in eo, quo est, statu minime conservari posse viderent, Sole remoto; quodque rationem reddi non posse animadvertentes diversitatis quoad inclinationes ac dispositiones naturales, moresque ac fata hominum, eam quærerent in planetis, quos hominum gratia esse sumebant, quorum tamen non aliam deprehendere poterant utilitatem, quæ ab ipsis in eos proficisci poterat.

§. 653.

Idolum quid dicatur.

Idolum dicitur ens, quod fingitur esse Deus, cum non sit.

Ira qui Solem existimarunt esse Deum, mundi conservatorem, cumque cultu divino profecuti sunt, ex eo Idolum fecere, seu Sol recte dicitur eorundem Idolum. Quemadmodum vero nomina rerum tribuuntur imaginibus earundem; ita etiam imagines eorum entium, quæ finguntur esse Dii, cum non sint, hoc est, Idolorum dicuntur Idola. Ad hunc vero significatum in præsentem digitum non intendimus.

§. 654.

Qui sint Dii Gentilium.

Gentiles verum Deum in idola convertunt. Etenim verus Deus est ens perfectissimum (§. 14.), seu Spiritus perfectissimus (§. 387. part. I. Theol. nat.), cujus adeo intellectus (§. 652. Psych. rat.) & voluntas omnes limites respiciunt (§. 653. Psych. rat.), quique prorsus illimitatus est (§. 16.). Enimvero in Gentilismo Deo tribuuntur realitates nonnisi limitatæ (§. 651.), adeoque ens fingitur Deus, quod non est (§. 300. Ontol.). Quamobrem cum idolum sit, quod fingitur esse Deus, cum non sit (§. 653.); Gentiles Deum verum in idola convertunt.

Idola

Gentil
sunt,
646).
quam
ipsa el
ter qu
Cosmol.
eorum
Cosmol.
(Wolp

Idola fuere omnes Dii Romanorum, vi definitionis (653): verum autem Deum non agnoverunt, sed eidem idola sua substituerunt. Unde & de ipsis dici debet, quod verum Deum in idola converterint. Quoniam idola finguntur Dii, qui non sunt, si per imagines representantur, nullum ectype-
 po prototypon respondet. Unde est, quod ipsæ illæ imagines ex ligno, lapide vel metallo factæ aut in tabula depictæ dicantur Gentilium Dii, cum præter eas nihil sint. Qui Solem pro Deo habent, eorum Deus existere quidem videtur; alii non magis existit, quam idolum quodvis aliud, cum quo Deus non existat, quatenus non est subjectum illarum determinationum, quæ ipsi tanquam Deo tribuuntur. Ecquis enim est qui dubitet, quod Solem pro Deo habentes longe alias ipsi tribuant realitates, quam quas sensu percipiunt? Quæcunque autem illæ sint, quæ Soli ideo tribuuntur, quod Deus mundi conservator, vel etiam gubernator habeatur; certum est, ea diversa esse ab iis, quæ sensu percipiuntur, nec eidem inexistere. Subjectum illarum determinationum, quæ Soli tanquam Deo tribuuntur, est illud ens, quod Deus esse fingitur, quodque adeo non existit, sed cum Sole existente tantummodo confunditur, quatenus diversa habentur pro eodem. Qui itaque ex Sole faciunt idolum, maxima contradictione ens simul esse volunt non ens.

§. 655.

Gentilismus falso nitiitur fundamento. Fundamentum Gentilismi est dependentia mundi & eorum, quæ in ipso sunt, quoad actum & gubernationem a pluribus Diis (§. 646). Enimvero cum in mundo omnia tam simultanea, quam successiva inter se connexa sint (§. 55. *Cosmol.*), & ipsa elementa, substantiæ simplices (§. 182. *Cosmol.*), præter quas in corporibus nihil datur substantiale (§. 177. *Cosmol.*), inter se connexa sint (§. 204. *Cosmol.*), & ab eorum nexu nexus rerum materialium pendeat (§. 205. *Cosmol.*), immo mutationes elementorum omnium inter
 (Wolffii Theol. Nat. Pars II.) N a n n se &

se & omnes in eodem elemento connexæ sint (§. 210. *Cosmol.*); mundus totus tum quoad actum, tum quoad ea, quæ in eodem eveniunt, nonnisi ab uno ente dependet, ut ideo nonnisi unus sit mundi creator, conservator & gubernator (§. 1106. *part. I. Theol. nat.*). Falsum igitur est, mundum sive quoad actum, sive quoad gubernationem a pluribus entibus dependere (§. 28. *Ontol.*), consequenter Gentilismus falso nititur fundamento.

Posito rerum nexu in universo, quo mundus efficitur ens unum, corrumpitur fundamentum Gentilismi, dependentia a Diis pluribus: eodem autem non admissio, dependentia a pluribus entibus nihil contradictionis videtur habere, adeoque ægre istud subvertitur. Notandum enim Gentilismum ab insulis istis commentis, quibus eum infecere Græci atque Romani, purgari posse, ut Dii plures fingantur ad similitudinem veri Dei, nisi quod perfectiones ipsis tributæ non sint absolute summæ, limitatæ scilicet formaliter, aut illimitatæ objective, ut intellectus ad omnia sese extendens veritatem assequatur de omni cognoscibili, quoties nosse interest, utrum non omnia cognoscibilia simul eodem actu represententur, atque adeo voluntas nunquam aberret ab eo, quod rectum est, sed salva sit in omnibus sanctitas divina. Ipsi Romanorum & Græcorum sanioris absurditatem commentorum de Diis atque Deabus agnoverunt, cumque Diis tribuerint, quæ a natura veri Dei minime abhorrent, Gentilismum puriorem amplexi videntur, utrum publice eundem profiteri non liceret, cum Theologia fabulosa plebis indomitæ coercendæ medium haberetur, cujus rudirati conveniebat. Nobis jam non est negotium cum Gentilismo insulis fabulis commaculato, sed cum puriori, in quem incidere poterant saniores. Et hunc subverti nexu rerum stabilito constat, cum per eum Deus unitatem suam hominibus patefaciat, ideo rebus per nexum earundem in hoc universo ita providens (§. 927. *part. I. Theol. nat.*), ac si ad ea, quæ sunt, attentus hodie demum decerneret, quid fieri debeat,

agnosca
mundu
646.).
mundi
sunt.

S
a Deo
negan
Theol.
res hu
Deista

E
tunt (§
§. 653

debeat, seu quid facere ac permittere velit (§. 938. *part. I. Theol. nat.*). Ruente autem Gentilismo puriori, sua sponte cadunt fabulæ, quas finxere Græci atque Romani, finxere aut hodiernum fingunt Gentes aliæ a vera Numinis cognitione adhuc procul remotæ. Quodsi animum in Gentilismi purioris notionem convertas, cui convenit supra in medium allata definitio (§. 646.); non erit amplius, quod mireris, cur eidem refutando operam impenderit, ubi errores præcipuos Theologiæ naturali adversos sub incudem revocamus. Esi enim nugæ aniles Græcorum atque Romanorum eæ sunt, quæ nullam fidem merentur & absurditate sua semetipsas destruunt; idem tamen censendum non est de Gentilismo ipso. Sane si hujus nulla habenda ratio, nec in Theologia naturali demonstranda est unitas Dei: nec enim alia de causa demonstratur, quam ut tollatur Deorum pluralitas, hoc est, Gentilismus (§. *cit.*).

§. 656.

Gentiles athei non sunt, nec Deistæ, etsi verum non An Gentiles agnoscant. Etenim Gentiles non negant dari Deum, a quo *sint* athei mundus dependeat quoad actum & gubernationem (§. *vel Deistæ.* 646.). Quoniam itaque atheus non est, qui dari Deum mundi autorem non negat (§. 411.); nec Gentiles athei sunt. *Quod erat primum.*

Similiter Gentiles non negant dependentiam mundi a Deo quoad gubernationem (§. 646.), consequenter non negant, Deum curare res humanas (§. 899. 900. *part. I. Theol. nat.*). Quoniam itaque Deistæ non est, qui Deum res humanas curare non negat (§. 529.); nec Gentiles Deistæ sunt. *Quod erat secundum.*

Enimvero Gentiles verum Deum in idola convertunt (§. 654.), adeoque Deos esse fingunt, qui non sunt (§. 653.). Verum igitur Deum non agnoscunt. Quo-

Nn nn 2

niam

niam tamen hic error non obstat, quo minus Deum dari agnoscant & mundum quoad gubernationem ab eodem dependentem faciant (§. 646.) nec idem cum atheismo, nec cum Deismo necessario connectitur (§. 411. 529.). Quamobrem nec athei, nec Deistæ sunt, etsi verum Deum non agnoscant. *Quod erat tertium.*

Nimirum quando quæritur, num detur Deus, seponitur adhuc quæstio, utrum tantummodo unus sit Deus, an vero plures sint, quibus ob communem naturam hoc nomen conveniat. Quemadmodum si quæritur, utrum detur architectus, qui ædificium condiderit, nec ne, seponitur adhuc quæstio, num unus tantummodo fuerit, ad quem originem suam refert ædificium, an vero plures, qui socias operas contulerint. Qui igitur negat dari Deum, non minus negat dari Deum unum, quam dari plures: qui vero affirmat, dari Deum, nondum definit, utrum Deus tantummodo unus sit, an plures dentur, quibus hoc nomen convenit. Affirmativam adeo defendentes vel statuere tenentur, Deum non dari nisi unum, vel admittere debent Deos plures. Unde qui Deum esse profitentur, vel veritatem amplectuntur, vel a vero aberrantes in Gentilismum incidunt, etsi utrique atheismum damnent. Idem eodem modo patet, ubi quæritur, num Deus gubernet hoc universum, seu num curet res humanas: ubi denuo Deum dari affirmantes vel veritatem amplectuntur, gubernationem mundi non tribuentes nisi uni Deo, vel in Gentilismum incidunt, eam pluribus adscribentes, etsi utrique Deismum damnent, quo omnis universi hujus gubernatio tollitur. Satis igitur superque apparet, Gentilismum nec cum atheismo, nec cum Deismo necessario esse connexum, sed per eum tolli utrumque, etsi diverso errore veritati præjudicet. Errores a se invicem recte distingui, qui nihil inter se commune habent, quam aliquoties monuimus, nec satis inculcatur.

§. 657.

Gentiles irreligionarii non sunt. Gentiles in eo erant, quod mundum, cujus nonnisi unus est creator, conservator & gubernator (§. 1106. *part. I. Theol. nat.*), quo ad actum & gubernationem dependentem faciant a pluribus, loco unius Dei (§. 1107. *part. I. Theol. nat.*), fingentes plures (§. 647). Enimvero pluralitas Deorum minime obstat, quo minus se obligatos esse agnoscant ad certas actiones Dei gratia edendas, quibus non erat opus, si nullus esset Deus, consequenter ad Deum colendum (§. 511). Cum modus colendi Deum religio sit (§. 512.); Gentilismus religioni minime obstat. Quoniam itaque Gentiles religionem habent, irreligionarius vero est, qui religionem nullam habet (§. 514.); Gentiles irreligionarii non sunt.

Confirmatur idem a posteriori exemplo Romanorum & Græcorum, aliorumque Gentilium, quibus omnibus fuisse religionem constat. Non est quod excipias, cultum Gentilibus non fuisse nisi idololatricum, qui cum non sit cultus veri Numinis, haberi debeat pro nullo. Neque enim jam quaeritur, num Gentilibus fuerit religio vera, sed num aliqua ipsis fuerit. Ceterum notioni Gentilismi non repugnat, ut idem cultus exhibeatur pluribus Diis simul, quem ratio exhiberi jubet vero Deo; quemadmodum non impossibile, ut Gentiles Deos suos fingant ad similitudinem veri Dei, in cujus locum eosdem surrogant,tribuendo pluribus simul sumtis, quod uni erat tribuendum. Religio adeo naturalis, quæ salva est in religione Muhammedanorum, integra quoque subsistere potest quoad singulas actiones in Gentilismo, nisi quod pluribus Diis præstetur cultus, qui uni Deo convenit. Hoc nosse usu non caret. Gentiles enim facilius ad veram religionem perducuntur, ubi religionem ipsorum ab absurditate liberaveris, quæ nec Gentilismus fert, si ex ejus notione argumenteris.

Nn nn 3

§. 658.

§. 658.

*Actionum
intrinseca
differentia
a Gentilibus
admittenda.*

Gentilismus non obstat, quo minus actionum bonarum & malarum moraliter spectatarum differentia agnoscatur. Etenim fundamentum Gentilismi est dependentia mundi quoad actum & gubernationem a pluribus Diis (§. 646.). Enimvero sive mundus a Deo uno, sive a pluribus quoad actum & gubernationem dependere ponatur, in eo nil quicquam mutatur, quod actiones quædam nos statumque nostrum perfectiores, quædam imperfectiores reddant, dependentia ista mundi in actionum hanc differentiam minime influente, utpote absque illa demonstrabili, quemadmodum ex philosophia practica uberius patebit. Quoniam itaque actiones malæ internæ, hoc est volitiones ac nolitiones animæ (§. 568. *part. I. Theol. nat.*), quatenus moraliter spectantur, animam ejusque statum reddunt imperfectiorem (§. 574. *part. I. Theol. nat.*), & malæ externæ, hoc est, motus corporis humani volitionibus ac nolitionibus animæ respondentes (§. 568. *part. I. Theol. nat.*), quatenus itidem moraliter spectantur, corpus & statum nostrum externum reddunt imperfecti obnoxium (§. 575. *part. I. Theol. nat.*), malumque morale per aliam rationem determinatur, quam perfectio hominis essentialis (§. 579. *part. I. Theol. nat.*); ex adverso autem actiones bonæ internæ, quatenus moraliter spectantur, animam & ejus statum perfectiorem reddunt (§. 554. *Pfych. empir.*), cum naturalibus per easdem rationes finales utraque determinandæ (§. 914. *part. I. Theol. nat.*): Gentilismus non obstat, quo minus actionum bonarum & malarum moraliter spectatarum differentia agnoscatur.

Confirmatur idem a posteriori. Constat enim Græcos atque Romanos intrinsecam actionum humanarum differentiam agnovisse. Unde *Cicero* pronunciat, ipsa natura constitu-

tica
nen
ralin
nat
nar
ræ i

par
nim
peti
prat
plu
in r
tiva
Gen
app
stra
fere
liss

stitutum esse jus. Natura autem humana rerumque, quibus indiget, per hoc non mutatur, quod mundus per errorem a pluribus Diis dependere ponatur, quemadmodum non mutatur per hoc, quod ejus dependentia a Deo prorsus negetur ab atheo (§. 411. 500.).

§. 659.

Jus natura, philosophia moralis, sive Ethica, atque Politica in Gentilismo subsistit. Etenim Gentiles agnoscere tenentur differentiam actionum bonarum & malarum moraliter spectatarum (§. 658.). Quamobrem cum in Jure thesi Gentium naturali demonstretur, quamnam actiones sint bonæ, quænam malæ (§. 68. *Disc. pralim.*) ; in Gentilismo Jus naturæ integrum subsistit.

Philosophia moralis, sive Ethica, atque Politica sunt partes philosophiæ practicæ (§. 64. 65. *Disc. pralim.*). Enimvero philosophia practica docet dirigere facultatem appetitivam in eligendo bono & fugiendo malo (§. 62. *Disc. pralim.*). Quamobrem cum per dependentiam mundi a pluribus Diis, quam per errorem sumunt Gentiles (§. 647.), in natura animæ nihil immutetur, adeoque etiam appetitiva facultas ea agnoscatur, quam in nobis experimur; Gentiles negare non possunt, quæ de dirigenda facultate appetitiva in eligendo bono & fugiendo malo demonstrantur, actionum bonarum & malarum intrinsecam differentiam admittentes (§. 658.). Patet itaque in Gentilismo quoque subsistere Ethicam atque Politicam.

Confirmatur hoc a posteriori. In Scriptis enim Gentilium egregia reperiri morum præcepta & vitæ prudenter instituendæ regulas, nemo est qui in dubium vocat. Immo commendatur Ethica & Politica *Aristotelis*, illaque laudatur in ipsis libris symbolicis Ecclesiæ Lutheranæ. Ceterum hinc intelligitur, quam absolum sit philosophiam moralem.

morem vocare Ethicam Gentilem, vernaculo sermone *die Zeydnische Moral*. Neque enim gentile dici potest, nisi quod ex dependentia mundi sive quoad actum, sive quoad gubernationem a pluribus Diis deducitur (§. 646). Sane cum Gentiles saniores insula de Diis commenta, cum Gentilismo non necessario connexa, agnoscentes de pluribus Diis prædicent, quæ non nisi Deo uni conveniunt; nec obligationem divinam ad actiones alias committentes, alias vero omittendas in dubium vocare possunt (§. 974. part. I. *Theol. nat.*), quemadmodum etiam factum esse constat. Non ideo quid gentile dici potest, quod dictum vel scriptum fuerit ab homine gentili, quemadmodum nec Christianum dicitur, quod dictum, vel scriptum fuerit a Christiano.

§. 660.

*Maniche-
ismus quid
sit.*

Manichæismus est hypothesis de dependentia mundi a duobus principiis, altero quidem bono, unde sunt quæ bona in hoc mundo, altero autem malo, unde sunt mala physica & moralia.

Hypothesis hæc antiquissima est in philosophia orientali, præsertim Persarum, & vulgo tribuitur *Zoroastri*. In Christianismo seculo tertio in vesta a *Manete* & sub nomine *Manichæismi* propagata. Nostrum jam non est inquirere, quinam fuerint ceteri *Manetis* errores, de quibus a viris doctis non prorsus consentientia traduntur. Neque jam discutere lubet, quænam de duobus istis principiis vera fuerit illius sententia. Nos Manichæismum adhibemus tanquam terminum philosophicum, cujus significatum terminis suis circumscribit definitio, quales nobis termini in anterioribus sunt atheismus, deismus, fatalismus, idealismus, nulla prorsus denominationis habita ratione. Propositum adeo nobis est ad rationis trutinam appendere hypothesin, qua mali physici atque morales inexistencia in hoc universo repetitur a principio quodam independente, quod a Deo ente perfectissimo diversum, ad salvandam hujus bonitatem & sanctitatem, ut appareat eam per principia systematis nostri sub-

verti

verti non minus, quam ceteros de Deo errores. Circa quæstiones itaque historicas nemini litem movebimus; philosophi munere fungentes in refutando errore philosophico operam omnem collocamus.

§. 661.

Manichæos adeo appellamus, qui Manichæismo dediti sunt, hoc est, qui mundum dependentem faciunt a duobus principiis, altero nimirum bono, ad quod referenda origo eorum omnium, quæ bona censentur in hoc universo; altero autem malo, a quo derivanda omnia mala tam physica, quam moralia in eodem (§. 660.).

Abstine itaque, ut quis sibi persuadeat, quasi Manichæo in significato hoc philosophico tribuendi sunt omnes isti errores, quos in hæresi Manichæorum damnavit Ecclesia. Neque enim necesse est, ut, qui in Theologia naturali admittit dependentiam mundi a duobus principiis contrariis, altero bono, altero malo, etiam defendat omnes *Manetis* errores, quos circa religionem christianam admisit. nostro igitur Manichæo nullum alium tribuimus errorem, quam qui in definitione continetur. Quodsi quis in philosophia vocabulum ferre nolit, nobis non invitis substituat aliud quodcunque: neque enim cum vocabulis, sed cum rebus nobis res est, errores a veritate secernentibus.

§. 662.

Ex hypothesi Manichæorum mala physica & moralia summa Dei perfectioni, imprimis bonitati divina, ac mali moralis permissio sanctitati ejus repugnat. Ponamus enim malorum physicorum & moralium inexistenciam in hac rerum serie summæ Dei perfectioni & imprimis bonitati ejus non repugnare, nec permissionem mali moralis, quod abusu libertatis in actiones liberas irrepit (§. 580. *part. I. Theol. nat.*), sanctitati ejusdem summæ adversari. (*Wolfs Theol. Nat. Pars II.*)

O o o o

Nulla

Nulla igitur ratio est, quod præter Deum, spiritum perfectissimum (§. 387. *part. I. Theol. nat.*), eundemque summe bonum (§. 699. *part. I. Theol. nat.*) atque sanctissimum (§. 1065. *part. I. Theol. nat.*), ponatur ens aliud ab eo diversum, a quo mundus dependeat quoad mala physica & moralia: quod cum hypothese Manichæismi, vi cuius mundus quoad mala physica & moralia a principio quodam malo a Deo diverso dependet (§. 660.), repugnet, necesse est, ut ex hypothese Manichæismi mala physica & moralia summæ Dei perfectioni & inprimis bonitati ejusdem, atque mali moralis permissio sanctitati ejusdem adversentur.

Idem etiam ostenditur directe hoc modo. Manichæi mundum faciunt dependentem a duobus principiis, altero quidem bono, altero autem malo, a quorum illo derivanda, quæ bona sunt, ab hoc autem, quæ mala censentur in hoc universo (§. 661.). Quoniam itaque peculiare ponunt principium, diversum a principio bono, nimirum Deo, unde mundus dependet quoad mala physica & moralia; necesse est, ut ex eorum mente nulla essent in mundo mala physica & moralia, siquidem is a solo Deo dependeat, ac pro impossibili habendum, ut quoad mala dependeat a Deo. Quia impossibile est, quod contradictionem involvit (§. 79. *Ontol.*), necesse est, ut juxta Manichæos mala physica & moralia attributis divinis repugnent sive contradicant. Deus ens perfectissimum est (§. 14.). Ab eo igitur esse non posse videtur, nisi quod perfectum. Quamobrem cum malum quid sit in se, quatenus imperfectio quædam ipsi inhæret; malum vero in relatione ad aliud, quatenus ad imperfectionem alterius quid confert (§. 371. *part. I. Theol. nat.*) ; malum a Deo esse non posse videtur. Deus summe bonus est, ita ut
boni-

bonitatem majorem concipi repugnet (§. 699. *part. I. Theol. nat.*). Quoniam itaque bonus in alios est, qui ad aliorum perfectionem promovendam pronus (§. 695. *part. I. Theol. nat.*); repugnare eidem videtur, quod tot malis physicis hominem obnoxium faciat & eundem in mala physica & moralia rueri permittat, seu quod permittat eum agere, unde mala physica & moralia necessario consequuntur (§. 724. *part. I. Theol. nat.*). Denique Deus sanctissimus est, ita ut sanctitatem divina majorem concipere non detur (§. 1065. *part. I. Theol. nat.*). Quamobrem cum, qui sanctus est, semper facere velit, quod rectum est, & nullo in casu se a proposito suo dimoveri patiatur, ut faciat, quod rectum non est (§. 1064. *part. I. Theol. nat.*); sanctitati divinæ parum convenire videtur, quod hominī concesserit potentiam libertate abutendi & cum eadem abuti permittat, quodque fecerit hominem, quem libertate sua abusurum prævidebat. Manichæis itaque attributis divinis repugnare videtur, quod mala physica & moralia insint huic seriei rerum.

Confirmatur etiam a posteriori. Neque enim alia ratio a Manichæis allata, cur præter Deum admiserint principium malum, a quo mundus quoad mala physica & moralia dependeat, quam quod cum summa Dei perfectione, ejus in primis bonitate & sanctitate, ea conciliari non posse existimarent. Quodnam sit istud principium, in eo ut consentiant omnes, qui mundum dependentem faciunt quoad mala physica & moralia a principio quodam malo, quod a Deo ente perfectissimo diversum, necesse non est. Maneti & ejus asseclis tribuitur, quod materiam mali omnis principium fecerint, eamque Deo coæternam statuerint, dubio procul quod agnoscerent, mala physica in essentia & natura corporum rationem sufficientem habere, & abusum libertatis, per quem mala moralia in actiones hominum irrepunt (§. 580. *part. I. Theol. nat.*),tribuendum esse facultatibus ani-

ma inferioribus a corpore pendentibus, quemadmodum ex Psychologia constat & in Moralibus fusius declarabitur. Enimvero nec obstat, quo minus Deus quidam malus pro isto principio habeatur, quemadmodum *Maneti* & ejus asseclis imputat *Fauslus*. Nobis hic perinde est, qualecunque tandem istud mali principium sit, modo ponatur a Deo diversum. Quodsi enim in genere demonstretur, præter Deum unum, ens summe perfectum, non dari aliud, a quo quomodocunque dependeat mundus; omnis corrui. Manichæismus, neque opus est, ut ad refutandas opiniones diversas de principio isto mali animum appellamus. Immo si vel maxime unam earum solide destruxeris, cum hoc ipso nondum pateat, an non aliud sit mali principium a Deo independens, Manichæismus nondum subversus. Ponamus enim te demonstrasse, quod materia non sit Deo coæterna, nec ab eodem independens, neque ab eodem mala physica atque moralia profisciscantur, nondum tamen refutasti, quod detur Deus malus, cui tanquam auctori tribuenda sunt quæcunque in hac rerum serie deprehenduntur mala. Non tamen ideo improbamus studium, quod viri docti in eruenda veritate historica utiliter collocant: etenim non minus historiæ, cum qua nobis jam negotium nullum est, quam scientiæ, quæ sola nobis nunc curæ cordique est, sua constare debet veritas. Nemini imputandum, quod non statuit; quemadmodum nec error quidam cum falsa quadam hypothesei tanquam necessario connexus admittendus, qui salva hypothesei alius esse potest.

§. 663.

*Principium
mali a Deo
dans esse debet
a principio bono,
sive Deo, ente
summe per-
independens
secto. Ponamus
enim principium
malum, unde
veniunt mala
in hac rerum
seriem, qualecunque
tandem istud sit,
dependere a Deo,
principio bono.
Aut igitur ab
eodem dependet
in actu suo,
aut in operatione.
Ratio igitur,
cur existat,
aut operetur,
quærenda in Deo*

in hypothesei Manichæismi principium malum independens secto. Ponamus enim principium malum, unde veniunt mala in hanc rerum seriem, qualecunque tandem istud sit, dependere a Deo, principio bono. Aut igitur ab eodem dependet in actu suo, aut in operatione. Ratio igitur, cur existat, aut operetur, quærenda in Deo (§. 851.

Ontol.).

ontol.). Nimirum aut ideo existit, vel operatur, quia Deus idem existere & operari vult, aut saltem operationem ejus, cum posset, impedire non vult. Quoniam ex hypothese Manichæorum repugnat summæ Dei perfectioni, inprimis bonitati divinæ, quod mala physica & moralia insint huic rerum seriei, & sanctitati ejus adversetur mali moralis permissio (§. 662.); adhuc summæ ejus perfectioni, ac inprimis bonitati & sanctitati repugnabit, quod velit existere ac operari principium mali, vel quod operationem ejus, cum possit, non impediatur. Patet igitur, principium malum, a quo mala physica & moralia veniunt ex mente Manichæorum in hanc rerum seriem (§. 661.), non posse a Deo dependere. Erit igitur in eorum hypothese a Deo independens (§. 53. *Ontol.*).

Inde est, quod *Mater* materiam statuerit ens a se, Deo coæternum, adeoque ab eodem in actualitate sua independens, quia eandem habuit pro principio mali. Facile autem apparet, hoc pacto negari creationem proprie sic dictam, quam per productionem ex nihilo definivimus (§. 697. *Psych. ras.*) & Theologi *creationem primam* appellant, nec admittunt nisi creationem, quam *secundam* vocant & definiunt, per productionem ex nihilo sui, seu materia inhabili, veluti dum corpus humanum factum ex gleba terræ.

§. 664.

Errant Manichæi, dum mala physica & moralia in hac re- Fundamen-
rum serie contenta summa Dei perfectioni, inprimis bonitati di- tum Mani-
vina, ac mali moralis permissionem sanctitati ejus repugnare sta- chæismi sub-
tuunt. Etenim malum metaphysicum, quod in limitatione *versum.*
nibus determinationum essentialium consistit (§. 372. *part. I. Theol. nat.*), essentia ac naturæ rerum in ipsis ideis
divinis inhæret, nec absque eo res finitæ concipiuntur
possibiles (§. 91. 94. & *segg.*), idemque absolute necessa-
rium (§. 375. *part. I. Theol. nat.*), nec Deus mundum ali-

quem (§. 377. *part. I. Theol. nat.*), aut creaturam ullam absque eo producere (§. 380. *part. I. Theol. nat.*), nec a mundo aut ente quocunque singulari per miraculum auferre potest (§. 381. *part. I. Theol. nat.*). Summæ igitur perfectioni Dei non repugnat facere res, quales possibiles sint, adeoque malo metaphysico obnoxias. Per limitationes originarias fieri potest, ut actiones hominis sint moraliter malæ (§. 897. *part. I. Theol. nat.*). Quamobrem cum summæ Dei perfectioni non repugnet facere homines malo metaphysico obnoxios, adeoque limitationibus originariis instructos (§. 372. 894. *part. I. Theol. nat.*), per demonstrata; nec eidem repugnat, creare mundum, in quo malis moralibus locus esse potest. Et quia malum physicum & morale seriei huic ita implicatur, ut eadem salva separari ab ea minime possit (§. 552. *part. I. Theol. nat.*), eoque sublato ex tota hac rerum serie ipsa permanere nequeat omnium possibilium perfectissima (§. 556. *part. I. Theol. nat.*), Deum vero deceat facere mundum omnium possibilium perfectissimum (§. 333. *part. I. Theol. nat.*), & abusum libertatis, per quem malum morale irrepit in actiones liberas (§. 580. *part. I. Theol. nat.*), permittere (§. 717. *part. I. Theol. nat.*); nec summæ ipsius perfectioni repugnat, quod mala physica & moralia dentur in hoc mundo (§. 332. *part. I. Theol. nat.*),

Mala physica non repugnant bonitati divinæ (§. 553.) & salva Deus bonitate summa, quæ ipsi est, facere potuit hominem, quem libertate sua abusus prævidebat (§. 722. *part. I. Theol. nat.*).

Denique cum mali moralis permissio Deum non deceat (§. 586. *part. I. Theol. nat.*), ipsum vero deceat, quod facit, si in iis, quæ ipsi insunt, seu in essentia & attributis ejus continetur ratio, cur id potius velle debeat,

beat, quam aliud (§. 332. *part. I. Theol. nat.*); in essentia & attributis ejus ratio continetur, cur malum morale potius permittere, quam non permittere debeat. Enimvero recte agit, qui facit, ejus in essentia & attributis ipsius continetur ratio (§. 950. *part. I. Theol. nat.*). Deus igitur recte agit, dum malum morale permittit. Quoniam itaque sanctitas divina non est nisi constans & perpetua voluntas faciendi, quod rectum est (§. 1063. *part. I. Theol. nat.*); mali moralis permissio eidem non repugnat.

Atque adeo patet, mala physica & moralia summæ Dei perfectioni atque bonitati ejusdem non repugnare, nec permissionem mali moralis pugnare cum sanctitate ejusdem *per demonstrata*. Quoniam itaque Manichæus contrarium defendit (§. 662.), quod negandum erat, affirmat. Errat, qui affirmat, quod negandum erat (§. 624. *Log.*). Manichæus itaque errat, dum mala physica & moralia summæ Dei perfectioni, inprimis bonitati ejusdem ac mali moralis permissionem sanctitati divinæ repugnare statuit.

Corruit adeo per systema nostrum fundamentum Manichæismi, ita ut impossibile sit, ut in hunc errorem incidat, qui systematis nostri vim omnem animo complexus. Quod si penitus inquisiveris in fontem erroris, haud difficulter animadverteres, mala physica & moralia in hac rerum serie contenta repugnare videri summæ Dei perfectioni, quod essentia rerum supponantur arbitrariæ & res in universo minime inter se connexæ, consequenter quod essentiarum necessitas & rerum omnium inter se nexus minime agnoscat. Etenim si substantiæ finitæ singantur subjecta vacua, quibus Deus pro arbitrio indere potest determinaciones, quasunque voluerit; summæ ipsius perfectioni non convenire videtur, quod hominem fecerit labilem & res produxerit ipsi nocuas. Et quia res in universo inter se minime
connexæ,

connexæ, in arbitrio Dei positum videtur, quas huic seriei rerum inferere, quas ex eadem eximere voluerit. Unde denuo perfectioni ejus summæ haud convenire videtur, quod rebus homini noctis, malorum physicorum causis, in eadem fecerit locum. Difficultates itaque, quibus angitur animus, circa mala physica & moralia huic seriei rerum innexa, non superantur, nisi essentiarum necessitatis & rerum nexus plenissime convincaris. Sane ab hisce principiis eapendent, quæ ad fundamentum Manichæismi subvertendum in demonstratione propositionis præsentis ex systemate nostro supposuimus, quemadmodum clarissime constabit, si eorum demonstrationes in sua principia resolvere volueris (§. 992. Log.). Essentiarum necessitas & rerum nexus a priori patet per originem idearum in intellectu divino ex ipsa Dei natura in superioribus deductam (§. 87. & seqq.). Nullus igitur dubito fore, ut, qui eam attenta mente pervolverit, modo non desint lumina ex Ontologia & Psychologia haurienda, & animus ad conservandam attentionem in longa rerum meditando serie rite dispositus, in argumento difficillimo luce meridiana fruatur. Hac ideo moneo, ne quis Logica non satis peritus sibi persuadeat, ex sola demonstrationis præsentis perfectione eam nasci convictionem, quæ ab omni repugnantia in assentiendo libera (§. 991. 569. Log.): successive enim non in instanti ac per saltum gignitur assensus (§. 993. Log.), quemadmodum in Horis subsecivis uberius ad captum communem a me expositum memini Trim. Vern. A. 1739. num. 3. Idem observare velim de demonstrationibus ceteris, quibus tanquam cuniculis subterraneis propugnacula errorum in Theologia naturali noxiorum subvertimus in hac Sectione secunda.

§. 665.

Falsitas Manichæismi.

Manichæismus falsa hypothesis est. Etenim Manichæi summæ Dei perfectioni, inprimis bonitati divinæ repugnare arbitrantur, quod mala physica & moralia dentur in mundo ac inprimis sanctitati ejus adversari opinantur mali

mali moralis permissionem (§. 662.), à deo præter Deum verum, ens summe perfectum (§. 14.), fingunt principium malum, ab eodem diversum atque independentem (§. 663.), a quo utrumque malum derivandum (§. 661.). Enimvero errant, dum sibi persuadent, mala physica & moralia in hac rerum serie contenta summæ Dei perfectioni, ac imprimis bonitati ejusdem, & mali moralis permissionem sanctitati ejusdem repugnare (§. 664.). Quoniam itaque propositionem veram pro falsa habet, qui errat (§. 623. *Log.*); Manichæismus falsa hypothesis est.

Quod si quis excipiat, Manichæismum nondum esse sufficienter refutatum, propterea quod hæretici, quæ sub Manichæorum nomine Ecclesiam infestarunt, statuerunt materiam independentem a Deo vi propria ab æterno existentem esse istud principium, unde derivanda sunt omnia mala, quæ dantur in hoc mundo (*not.* §. 662.): dubium hoc equidem jam sustulimus (§. *cit.*); ne tamen ejus quid superesse videatur, sequentem addere lubet propositionem.

§. 666.

Materia non existit vi propria independentem ab ente alio. Independentem Etenim materia est extensum vi inertie præditum (§. 141. *in materia Cosmol.*). Sed quod extensum est, a se esse nequit (§. 48. *in existendo part. I. Theol. nat.*). Materia igitur ens a se esse nequit. *destructa.* Quoniam ascitas est independentia existentie ab ente alio (§. 28. *part. I. Theol. nat.*); materia independentem ab ente alio existere nequit.

Manichæi admittunt, Deum esse ens a se & independentem ab omni ente alio existere, ideoque æternum esse. Præter Deum vero non agnoscunt ens aliud a se, quod itidem independentem ab omni ente alio existat, adeoque æternum sit, quam materiam. Quamobrem si materia non existit independentem ab ente alio, quemadmodum ostendimus; (*Wolffii Theol. Nat. Pars II.*) Pp pp quod

quod a Deo in actualitate sua dependere debeat, facile patet. Quodsi excipias, dari posse aliud ens, quod quoad existentiam a Deo dependeat, & a quo facta sit materia; dependentia materiæ in actualitate sua a Deo non tollitur, sed tantummodo efficitur mediata, nulla in hypothesi Manichæismi utilitate. Etenim si materia immediate, siue mediate a Deo dependeat in existendo, si ab eadem dependeant mala in hac rerum serie, hæc ipsa a Deo dependent, consequenter difficultates, quibus tollendis conficta est hypothesi Manichæismi (not. §. 662.); minime tolluntur. Atque ea de causa materiam, mali principium ex eorum mente, independentem fecere a Deo (not. §. 663.).

§. 667.

Quenam ex hypothesi materia a se, mundus æternus, omnia in eodem absoluta necessitate fiunt, prorsus independentis consequantur. Si materia in existentia & modificationibus suis ab ente alio prorsus independens; elementa rerum materialium sunt entia a se, mundus æternus, omnia in eodem absoluta necessitate fiunt, neque Deo relinquitur, nisi nuda ejus idea. Etenim materiæ phænomenon substantiatum est (§. 300. Cosmol.), adeoque instar substantiæ apparet, vero ipsa corporum substantia est (§. 299. Cosmol.). Quamobrem cum in corporibus nihil detur substantiale præter entia simplicia (§. 177. Cosmol.), corporum elementa (§. 182. Cosmol.), quibus aggregatis oritur extensum (§. 221. Cosmol.), quod materiæ nomine venit (§. 141. Cosmol.); materia non existit, nisi quatenus elementa corporum seu rerum materialium existunt. Quodsi ergo materia in existentia sua ab ente alio non dependet per hypothesi. nec elementa rerum materialium in eadem ab alio ente dependent. Enimvero independentia existentia ab ente alio aseitas est (§. 28. part. I. Theol. nat.). Quare si materia in existendo ab ente alio non dependet; elementa rerum materialium sunt entia a se. Quod erat primum.

Quo-

Quoniam ens a se nullum existendi initium habet (§. 36. *part. I. Theol. nat.*), adeoque æternum est (§. 39. *part. I. Theol. nat.*); elementa vero rerum materialium in hypothefi materiæ ab omni ente alio in existendo & modificationibus suis independentis sunt entia a se *per demonstrata*; elementa rerum materialium æterna sunt. Quare cum mundus existat, quamprimum elementa rerum materialium existunt, quorum nonnisi aggregata sunt corpora (§. 176. 182. *Cosmol.*), mundum materiale constituentia (§. 119. *Cosmol.*); in hypothefi materiæ ab omni ente alio quoad existentiam & modificationem independentis mundus æternus est. *Quod erat secundum.*

Si materia in suis modificationibus ab omni ente alio independens *per hypothef.* non datur extra eam in ente quodam alio ratio, cur hoc potius modo modificetur, quam alio (§. 851. *Ontol.*), consequenter ea unice continetur in ipsa materia (§. 70. *Ontol.*). Quamobrem cum posita ratione sufficiente ponatur id, quod per eam potius est quam non est (§. 118. *Ontol.*); impossibile est, ut materia aliter modificetur, quam modificatur, consequenter quia absolute necessarium est, cujus in se seu absolute spectati oppositum impossibile (§. 302. *Ontol.*), modificationes materiæ omnes absolute necessariæ sunt. Enimvero modificationes omnes in successione modi unius in locum alterius a se diversi consistunt (§. 704. *Ontol.*), & in modorum numero sunt, quæ enti modo insunt, modo non insunt (§. 151. *Ontol.*). Quamobrem quicquid in mundo materiali evenit, in hypothefi materiæ ab omni ente alio independentis absoluta necessitate fit. *Quod erat tertium.*

Denique si materia in modificationibus suis ab omni ente alio independens *per hypothes.* nec a Deo in iisdem dependere potest, consequenter in Deo nihil datur rationis, cur materia hoc potius modo modificetur, quam alio (§. 851. *Ontol.*) Ipsi adeo nihil relinqui potest, quam quod mundum hunc cognoscat, consequenter in hypothesi materiæ ab omni ente alio independentis, Deo intellectu perfectissimo prædito (§. 113.), non relinquitur nisi nuda mundi idea. *Quod erat quartum.*

Quantum ostenditur etiam hoc modo. In hypothesi materiæ ab omni ente alio independentis omnia in mundo absoluta necessitate eveniunt *vi num. 3.* Quoniam itaque quod necessarium absolute immutabile est (§. 292. *Ontol.*): stante hypothesi ista nihil in iis, quæ in mundo materiali eveniunt, a Deo mutari potest. Deo igitur, intellectu perfectissimo prædito (§. 113.), nihil relinquitur, quam ut mundum cognoscat, seu non relinquitur nisi nuda mundi idea.

Deduximus hic, quam ex hypothesi materiæ tum quoad existentiam, tum quoad modificationem ab omni ente alio independentis necessario consequuntur, citra cuiuspiam injuriam. Neque enim jam nobis de eo quæstio est, quid hic, vel ille statuerit, qui istam hypothesin amplexus; sed quid ea posita ponatur. Fieri autem posse, ut, qui hypothesin aliquam defendit, non videat, quam ex ea necessario fluant, adeoque contrarium statuatur, veritatem cum errore miscens, nemo est, qui nesciat.

§. 668.

*Quando Fatalismus comp- Si in hypothesi Manichæorum principium malum ex-
plicatur per materiam ab omni ente alio in existentia & mo-
dificationibus suis independentem; cum Manichæismo Fata-
listmus*

De Paganismo, Manichæismo, Spinozismo &c. 669.

lismns connectitur, seu Manichæus Fatalista est. Etenim si materia in existentia & modificationibus suis ab ente alio non dependet, omnia in mundo absoluta necessitate fiunt (§. 667.). Quamobrem si Manichæus principium malum, a quo veniunt mala in mundo per ipsius hypothesin (§. 661.), explicat per materiam ab omni ente alio tum quoad existentiam, tum quoad modificationes suas independentem, nec propriæ hypothesi contradicere velit; omnia in mundo fatali necessitate fieri defendat necesse est. Quoniam itaque Fatalista est, qui absolutam omnium necessitatem defendit (§. 528.); Manichæus, qui principium malum habet pro materia ab omni ente alio quoad actum & modificationes suas independente, Fatalista est, & Fatalismus cum Manichæismo tum connectitur.

Manichæismo connectitur.

Manichæi hæretici (ita enim appellare lubet eos, a quibus error antea dudum notus nomen habet) materiam Deo coæternam & ab eodem independentem habuere pro principio malo, unde derivanda sint mala tam physica, quam moralia in universo. Constat vero, eos absolutam omnium necessitatem defendisse. Ex demonstratione propositionis præsentis intelligitur, quod hoc fecerint vi hypotheseos suæ. Dicuntur fatalismum extendisse ad ipsas hominum actiones, consequenter defendisse Fatalismum universalem (§. 528.) Enimvero necesse non est, ut, qui omnia in mundo materiali absoluta necessitate fieri defendit, animam libertate omni destitutam affirmet.

§. 669.

Si in hypothesi Manichæismi principium malum explicatur per materiam ab omni ente alio in existentia & modificationibus independentem; Deismus cum Manichæismo connectitur. Etenim si materia in existentia & modificationibus suis non dependet ab ente alio a se diverso, Deo non

Deismus cum Manichæismo connectitur.

relinquitur, nisi nuda idea mundi eidem coæterni (§. 667.). Quamobrem si in hypothefi Manichæismi principium malum explicatur per materiam ab omni ente alio independentem, tum quoad existentiam, tum quoad modificationes; vi ejusdem Deo relinqui nequit nisi nuda idea mundi eidem coæterni. Enimvero si quis mundum statuit Deo coæternum, nec ipsi concedit nisi nudam ideam ejus, Deista est (§. 554.). Patet itaque, si in hypothefi Manichæismi principium malum explicetur per materiam ab omni ente alio in existentia & modificationibus independentem, Deismum cum Manichæismo connecti.

Ostendimus hic, quænam ex hypothefi necessario consequantur, ut pateat, quinam errores cum eadem sint connessi. Non tamen ideo negamus, fieri posse, ut Deista non sit Manichæus, qui illam amplectitur: neque enim omnes eo acumine præditi sunt, ut vim hypothefum suarum penitus perspiciant. Usus autem habet propositio præsens, ut Manichæus, qui Deismum reprobatur, absurditatis hypothefeos suæ redarguatur: id quod & in similibus casibus tenendum.

§. 670.

Quando Si in hypothefi Manichæismi principium malum explicatur per ens a se intelligens, seu Deum malum; in mundo ismus Fata-omnia fiunt absoluta necessitate necesse non est. Ex enim si ismo non principium malum perinde fuerit ens intelligens, quem connectatur. admodum bonum; utrumque operari potest ex libera voluntate. Quæ igitur bona sunt in mundo materiali, fiunt libera voluntate boni Dei; quæ vero mala sunt, liberæ voluntati Dei mali tribuenda sunt. Quamobrem cum libera voluntate sponte eligatur, quod placet (§. 941. Psychol. empir.); nec implicat, ut, quæ fiunt, sive bona, sive mala, non fiant, & ut eorum loco fiant alia. Quoniam

niam itaque necessarium non est, quod non unico, sed diversis modis determinabile (§. 285. *Ontol.*); nec ea, quæ sunt in mundo, siue bona, siue mala, necessaria sunt, consequenter si in hypothesi Manichæismi principium malum explicatur per ens a se intelligens, seu Deum malum, necesse non est omnia in mundo fieri absoluta necessitate (§. 302. *Ontol.*).

Et si itaque hæretici Manichæi absolutam omnium necessitatem defenderint; necesse tamen non est, ut Manichæus sit Fatalista, si duos admittat Deos sibi mutuo contrarios, alterum quidem bonum, alterum vero malum, quorum uterque agit secundum liberam voluntatem, sicuti dantur homines, alii boni, alii mali, quorum illi libere faciunt quod bonum est, hi vero quod malum. Et quamvis *Faustus* falso hæreticis istis imputaverit, quod præter Deum bonum ens summe perfectum admiserint quoque Deum malum ens summe imperfectum, a quorum illo proficiscantur bona, ab hoc autem mala; negari tamen non potest, hunc errorem non minus esse possibilem, quam quem illi errarunt. Immo Gentiles, qui Manichæismum cum Genilismo in unum confuderunt, plures Deos malos statuentes, quemadmodum plures bonos sinxere, vel omnes Deos ad similitudinem humanæ naturæ sibi representantes, iis non minus malas, quam bonas actiones tribuerunt, errori huic obnoxii fuerunt. Qui cum hæreticis Manichæis principium malum non agnoscunt nisi materiam Deo coæternam & ab ipso independentem; id ipsum instar Dei colere nequeunt, ne noceat, quemadmodum Deum summe bonum colunt, ut benefaciat. Unde *Faustus* hæreticis istis falso imputavit, quod Deum malum coluerunt, ne noceat. Enimvero qui duos Deos fingunt alterum bonum, qui, si velit, benefacere & Deo malo resistere potest, ne malefaciat, alterum vero malum, qui, si velit, nocere & Deo bono benefacturo sese opponere potest; non minus Deum malum colunt, ne noceat, quam bonum, ut benefaciat. Nec desunt exempla Gentium

Gentilium, qui cum Gentilismo Manichæismum miscent. Absit vero, ut quis sibi persuadeat, Christianos pro Deo malo habere Diabolum, atque adeo alteram hanc Manichæismi speciem tueri. Neque enim Diabolum habent pro ente a Deo independente, sed eum potius a Deo dependentem faciunt, ita ut nihil agere possit, nisi Deo permittente. Quamobrem nec cultum quendam Diabolo præstant, ne noceat; sed unum Deum, ens summe perfectum, a quo dependent omnia, colunt, etiam ne permittat, ut Diabolus ipsis noceat. Ipsorum igitur de Diabolo doctrina cum Manichæismo nihil prorsus commune habet. Sed nostrum in præsentī non est Manichæismum omnem accuratius discutere: sufficit ejus falsitatem demonstratam esse (§. 665.).

§. 671.

*Spinosismus
quid sit.*

Spinosismus est hypothesis, qua non admittitur nisi unica substantia, infinitis attributis prædita, quorum duo sunt cogitatio & extensio infinita, & quorum unumquodque æternam & infinitam essentiam exprimit, entia vero finita oriri supponitur necessaria modificatione attributorum istius substantiæ, veluti animas modificatione infinitæ cogitationis, & corpora modificatione extensionis infinitæ.

Spinosismus nomen habet a *Benedicto de Spinoza*, qui privatus in Batavia vixit seculo superiore, natus Amstelodami A. 1632, denatus Hagæ Comitum A. 1677, cum A. 1673. professionem Philosophiæ in Academia Heidelbergensi ab Electore Palatino sibi oblatam modeste declinasset. Vid. *epist.* 53. & 54. quæ leguntur in *Posthumis* p. 561. & seqq. Vulgo *Spinosismus* dicitur consistere in confusione Dei atque naturæ, seu, quemadmodum Scholastici loquuntur, Naturæ naturantis, qui Deus est, & Naturæ naturatæ, quæ natura simpliciter dici suevit: sed ea per consequentiam imputatur. Etenim in *Schol. prop. 29. pars. 1. Ethica*, quæ primum inter Posthuma tenet locum, Naturam naturantem a Natura naturata distinctam esse debere & agnoscit, & quomodo
in

in hypothesi sua distinguantur, explicat. *Spinosismum* itaque everfuri, alia autoris hypothesi inferre nolūmus, quam quæ disertis verbis ab eodem traduntur: horum enim falsitate ostensa, sua sponte in auram abeunt, quæ per consequentiam inde deducuntur. Nostrum non est imputare aliis, quæ diserte respuunt, ut habeamus, quæ impugnare possimus. Ceterum quod *Spinosismum* menti autoris conformiter definiverimus, ex ejus *Ethica* facile ostenditur. Etenim *Corol. 1. prop. 14. part. 1.* legitur, in rerum natura non nisi unam substantiam dari, eamque absolute infinitam esse, & in ipsa propositione affirmat *Spinosæ*, præter Deum nullam dari, neque concipi posse substantiam, adeoque unicam illam substantiam absolute infinitam Deum facit. In definitione autem sexta, quæ Dei est, ens absolute infinitum interpretatur per substantiam constantem infinitis attributis, quarum unumquodque æternam & infinitam essentiam exprimit. Porro *Corol. prop. 5.* contendit, res particulares nihil esse, nisi Dei attributorum modos; modos vero omnes vel ex absoluta natura alicujus attributi Dei, vel ex alicujus attributi modificationi necessario sequi debere ait. Denique *Corol. 2. part. 14.* rem extensam & rem cogitantem vel Dei attributum esse (quatenus scilicet cogitatio & extensio spectatur ut infinita seu illimitata), vel affectiones seu modos attributorum Dei (quatenus scilicet cogitatio & extensio consideratur ut modificata), & *prop. 1. atque 2. part. 2.* cogitationem atque extensionem attributa Dei esse contendit, definiens corpus *def. 1. part. 2.* per modum, qui Dei essentiam, quatenus ut res extensa consideratur, certo & determinato modo exprimit, & *prop. 2. part. 2.* mentem humanam partem infiniti intellectus Dei pronunciat, cujus nullam dat definitionem peculiarem, quia substantiam cogitantem & substantiam extensam pro una eademque substantia habet, quæ jam sub hoc, jam sub illo attributo comprehenditur, & hinc etiam modum extensionis & ideam illius modi unam eandemque rem, sed duobus modis expressam appellat *Schol. prop. 7. part. 2.*, seu mentem & corpus

(*Wolffii Theol. Nat. Pars II.*)

Qq qq

pus

pus unum & idem esse individuum, quod jam sub cogitationis, jam sub extensionis attributo concipitur, & mentis ideam ipsamque mentem unam eandemque esse rem, quæ sub uno eodem attributo, nempe cogitationis concipitur, *Schol. prop. 21. part. 2.* Apparet adeo definitioni *Spinosismi* nihil a nobis fuisse insertum, nisi quod totidem verbis in *Ethica Spinoße* legitur & vocabula sumi in ea significatione, quam juxta ejus definitiones habent, tum ex modo dictis constat; tum ex subjiciendis intelligitur.

§. 672.

*Definitio Dei
in hypothesi
Spinoße.*

In *Spinosismo* *Deus* est substantia constans infinitis attributis, quorum unumquodque æternam & infinitam existentiam exprimit. *Vid. def. 6. part. 1. Eth.*

Definitiones *Spinoße* probe sunt expendendæ, siquidem erroris fontem detegere volueris, quem sibi aliisque demonstrasse visus est. Sunt autem non satis perspicuæ, sed obscuritatem quandam foveant, quæ menti parum attentæ nebulam facile objiciunt. Quid per attributum intelligat, in definitione sequente videbimus. Dum vero Deum infinitis attributis constare ait, cum tamen eidem non vindicet in tractatione nisi duo, extensionem atque cogitationem, & utrumque faciat infinitum, quemadmodum modo annotavimus (*not. §. 671.*); dubium videri poterat, num vti definitionis præsentis Deo tribuenda sint attributa numero infinita, an vero duo tantummodo aut saltem numero finita attributa, quorum unumquodque in se infinitum est. Enimvero quoniam in explicatione distinguit inter ens in suo genere infinitum & absolute infinitum, & de illo infinita attributa negari posse, hoc vero nullam negationem involvere affirmat; intelligenda utique videntur numero infinita: id quod ex iis, quæ passim occurrunt, uberius confirmatur, veluti cum in *Schol. prop. 3. part. 2. Ethic.* dicit, Deum infinita infinitis modis agere, diversi autem modi agendi juxta ejus hypothesin fluunt ex diversitate attributorum, & quando *prop. 9. part. 1.* affirmat, quo plus realitatis aut esse unaquæque res habet, eo plura attributa ipsi competere. Deinde

De Paganismo, Manicheismo, Spinozismo &c. 675

inde non parum obscuritatis later in hisce verbis, quod attributum unumquodque æternam & infinitam essentiam exprimat. Neque enim *Spinoza* definit, quid per essentiam intelligi velit, sed in notione confusa acquiescit. Porro non satis intelligitur, quid sit expressio essentiae, praesertim cum ex toto opere appareat, quod singula attributa expriment unam eandemque rem diverso modo, ita ut una eademque res sit, quæ exprimitur per cogitationem & extensionem, modus autem exprimendi tantummodo diversus sit.

§. 673.

Per *attributum* intelligit *Spinoza* id, quod intellectus *Definitio* attributi in
de substantia percipit, tanquam ejusdem essentiam consti-
tuens. *Vid. def. 4. part. 1.* *hypothesis Spinoza.*

Supponit hic denuo significatum vocabuli essentiae, ab *Spinoza*. ipso non explicatum. Etsi enim in Cogitationis metaphysicis, quæ principiis Philosophiae *Cartesii* more geometrico demonstratis subjunxit, c. 2. p. 97. & seqq. explicet, quid sit esse essentiae, & quomodo ab esse ideæ atque esse existentiae differat; notiones tamen ibidem traditæ Systemati ejus non tuto inferuntur, propterea quod ibidem ad mentem *Cartesii* philosophatur, non vero hypothese suæ, quam in Ethica proposuit, consentientia tradit.

§. 674.

Per *substantiam* intelligit *Spinoza* id, quod in se est, & *Substantia*
per se concipitur, hoc est, id, cujus conceptus non indiget conceptu
rei alterius, a quo formari debeat. *Vid. hypothese Spinoza.*
def. 3. part. 1.

Non satis clarum est, quid sibi velint verba *esse in se* & *per se concepti*. Unde *Spinoza* obscuritatem ipsemet animadvertens, quæ animo ejus obversabatur, ea explicare conatur per sequentia, scilicet quod in se sit & per se concipiat id, cujus conceptus non indiget conceptu rei alterius, a quo formari debeat. Constat ex ejus opere, quod per conceptum intelligat representationem rei in intellectu, quam nos notionem diximus (§. 34. Log.). Unde intelli-

Qq qq 2

gitur,

gitur, id juxta *Spinosam* esse in se & per se concipi, cujus notionem habemus, etsi rei alterius notionem non supponamus, seu cujus notio in alias non resolvable. Ita juxta ipsum notio extensionis non est resolvable in alias, quemadmodum & *Cartesio* visum est, atque adeo intellectus per extensionem sibi quid repræsentat, quod in se est, sive substantiam, quemadmodum & *Cartesiani* extensionem pro substantia habent. Etsi enim extensionem faciat attributum Dei; constat tamen *per prop. 10. part. 1.* unumquodque unius substantiæ attributum per se concipi debere ex ipsius mente, nec substantiam aliter concipi posse nisi per attributum vi intellectus (§. 673.). Attributum adeo nihil ex ejus mente in re supponit, cur eidem insit, ac ideo essentia substantiæ per ipsum repræsentatur in intellectu & quod ideæ responderet, tanquam ideatum substantiæ ipsi inest.

§. 675.

*Causa sui
quid sit Spino-
sa.*

Per *Causam sui* sive *Ens a se* intelligit *Spinoza* id, cujus essentia involvit existentiam, sive id, cujus natura non potest concipi nisi existens. *Vid. def. 1. part. 1.*

Spinosam appellare causam sui, quod nos *ens a se* dicimus, ex identitate definitionis patet. Etenim nos *ens a se* definimus per id, quod vi propria existit, seu quod non indiget, vi entis alterius, ut existat (§. 27. *part. 1. Theol. nat.*), atque hinc deduximus, quod rationem existentiae in essentia sua habeat (§. 31. *part. 1. Theol. nat.*), consequenter posita essentia ponatur existentia (§. 118. *Ontol.*). *Ens* igitur a se concipi non potest nisi existens ejusque essentia existentiam involvit, consequenter est illud ipsum, quod *Spinoza* causam sui appellat.

§. 676.

*Modus quid
sit in hypo-
thesi Spinoza.*

Per *Modum* intelligit *Spinoza* id, quod in alio est, per quod etiam concipitur. *Vid. def. 5. part. 1.*

Esse

De Paganismo, Manichæismo, Spinosismo &c. 677

Esse in alio quid sit, non explicat *Spinoza*. Quoniam vero modo opponit attributa, nec præter attributa & modos quicquam de substantia concipi posse defendit; ex hac oppositione intelligitur, quid significare debeat. Nimirum attributum non supponit aliud, per quod intelligitur, cur insit enti sive substantiæ, consequenter nulla dari ratio potest, cur insit (§. 56. *Onsol.*), atque adeo per se inesse & per se concipi dicitur. Modus itaque supponit aliquid, per quod intelligitur, cur insit, adeoque rationem in alio, quod inest, agnoscit, cur insit (§. *cit.*).

§. 677.

Rem in suo genere finitam dicit Spinoza, quæ alia ejus-*Finitum* dem naturæ terminari potest. E. gr. Corpus dicit finitum, *quid sit in* quia aliud semper majus concipitur. *Vid. def. 2. part. 1. hypothesi*

Facile apparet, finitum *Spinoza* hic idem esse, quod li-*Spinoza* mitatum; consequenter cum limes notet defectum realitatis, quæ in alio ejusdem generis adesse intelligitur, veluti defectum ulterioris extensionis in corpore; rectius rem finitam definivisset per eam, qua major concipi potest, quemadmodum & habet exemplum, quod assert. Definitio vero ejus capiosa & fallax est, dum requirit, ut alia ejusdem generis terminari possit, qua facile aburi datur: tacite nimirum supponitur, limitationis omnis aliquam dari debere rationem sive, ut ipse loquitur, causam. Notandum in genere est, *Spinosam* definitiones suas condidisse in gratiam hypotheseos suæ animo jam antea conceptæ, ut eandem ex iis tanquam principiis demonstrare valeret; non vero easdem ex ipsis rebus derivasse, ac inde hypothesin deduxisse, quemadmodum fieri debebat. Nimirum constat, ipsum fuisse assiduum in philosophia Cartesiana, adeoque ejus principiis animum habuisse imbutum. Constat *Cartesium* omnia, quæ de rebus existentibus cognosci possunt, reduxisse ad duas notiones, notionem scilicet extensionis & notionem cogitationis. Statuit autem substantiæ cujusque præcipuum quandam esse proprietatem, quæ ipsius naturam essentiam-

que constituit, & ad quam aliæ omnes referuntur. Et ex hoc attributo substantiam cognosci. Nempe extensionem in longum, latum & profundum substantiæ corporeæ naturam constituere, & cogitationem constituere naturam substantiæ cogitantis. Omne aliud, quod corpori tribui potest, extensionem præsupponere, esseque tantum modum quendam rei extensæ, ut & omnia, quæ in mente reperiuntur, esse tantum diversos modos cogitandi. *Vid. Princip. Philosoph. part. I. §. 52. 53. 54.* Constat præterea, *Cartesium* defendisse, quod clara & distincta perceptione verum agnoscatur illud esse verum pronuncians, quod clare ac distincte percipitur, erroremque evitari, quatenus non admittitur tanquam verum, nisi quod clare ac distincte percipitur. *Vid. loc. cit. §. 30.* Constat denique, *Cartesium* præter ideas extensionis & cogitationis admisisse quoque ideam entis summe perfecti, existentiam necessariam & æternam involventem, quæ Dei est idea, *loc. cit. §. 14.* a quo adeo removeret id omne, in quo aliquid imperfectionis seu limitationis deprehenditur *loc. cit. §. 23.* & quem solum omnium, quæ sunt & esse possunt, veram causam pronunciat. *loc. cit. §. 24.* Hanc Dei ideam esse claram & distinctam, modo caveamus, ne illam adæquate omnia, quæ in Deo sunt, exhibere supponamus, nec quicquam etiam in ea esse fingamus, sed ea tantum advertamus, quæ revera in ipsa continentur, quæve evidenter percipimus ad naturam entis summe perfecti pertinere. *loc. cit. §. 54.* Vi horum principiorum rejicit vim motricem corporibus insitam, cum clare & distincte minime percipiamus, quomodo ex extensione sequatur, atque adeo motum, a quo pender omnis materiæ variatio, sive omnium formarum diversitas. *part. 2. §. 23.* ad Deum, tanquam ad causam, retulit *loc. cit. §. 36.* *Spinoza* animo hæc notiones firmiter infixas fuisse, satis superque animadvertet, qui in lectione Ethicæ ipsius animum ad singula probe advertit. Cum igitur perpenderet, nos creationis proprie sic dictæ, quam primam appellant Theologi, hoc est, productionis ex nihilo (§. 697. *Psychol. rat.*), claram

claram & distinctam notionem non habere; notionem creatricis potentiae tanquam ab hominibus confictam rejecit, adeoque Deo eandem non recte tribui statuit. Enimvero cum nec in notione extensionis, nec in notione cogitationis existentia contineatur, nec ex istis notionibus necessarium sequi admittit, ut extensum aliquod, vel cogitatio quaedam determinato quodam modo necessario existat, consequenter substantiam corpoream & substantiam cogitantem finitam pro entibus necessariis seu increatis non agnovit. Nihil igitur relinquebatur, quam ut unicam admitteret substantiam, nempe Deum, de cujus essentia & existentia necessaria, cuique insit extensio & cogitatio infinita, utriusque autem infinita modificatione prodire res particulares, quae corporum & animarum nomine veniunt. Hanc adeo hypothesein cum animo concepisset, notiones *Cartesi* juxta eandem, quantum ea exigebat, reformavit, & hinc enatae sunt definitiones paulo ante propositae, ad hypothesein accommodatae, prouti attendentibus satis erit manifestum, si eas cum modo dictis conferre voluerint. Evanes igitur est *Spinosismus* impossibilitate creationis cum principiis philosophiae *Cartesiana* combinatis abusu criterii veritatis in ista philosophia stabiliti. Unde *Spinosismum* everurus aut notionis potentiae creatricis realitatem demonstrare tenetur, aut ostendere debet inesse principiis *Cartesi*, quae a vero abhorrent, & quibus correctis, eliminato eo, quod erroneum est, sequitur admittendam esse creationem, etiamsi eam clare & distincte non percipiamus, quemadmodum alia, quorum nobis probe consci sumus.

§. 678.

Spinosista dicitur, qui *Spinosismum* amplectitur tanquam verum, seu qui hypothesein *Spinosae* pro vera habet.

Quemadmodum enim Copernicani dicuntur, qui hypothesein *Copernici* de Solis quiete & motu vertiginis atque translationis Telluris defendunt; ita quoque *Spinosista* dicens est, qui *Spinosae* hypothesein de ortu rerum omnium ex Deo

Spinosista
quinam dicuntur.

Deo amplectitur. In quo consistat Spinosismus, supra diximus (§. 671.), atque inde liquet, quamam statuere quis debeat, ut Spinosismæ nomen mereatur. Quoniam *Spinosa* fatalem omnium rerum necessitatem adstruxit, & libertatem animæ negavit; ideo Spinosismæ dici haud raro solet, qui rerum omnium fatalem necessitatem defendit, eamque ad ipsas hominum actiones extendit. Enimvero cum hic error non sit *Spinosa* proprius, sed multis familiaris deprehendatur, qui de Deo & natura rerum non eadem sentiunt cum *Spinosa*, ac supra hic error *Fatalismi universalis* nomine ab aliis jam fuerit discretus (§. 528.); hunc significatum admittere nec possumus, nec debemus, ne, qui Fatalismum universalem agnoscit, eadem de Deo ac rerum natura cum *Spinosa* sentire videatur. Et quia *Spinosa* imputatur per consequentiam, quod Deum cum natura confuderit; *Spinosismæ* quoque adpellari solet, qui Deum cum natura confundere putatur. Sed cum ea, quæ per consequentiam eliciuntur, confundenda non sint cum errore, quem quis proficitur, & suum agnoscit; nec hunc significatum nostrum facimus.

§. 679.

Lapsus Spinosa in definiendo attributo.

Spinosa attributum cum determinationibus essentialibus confundit. Etenim attributum definit per id, quod intellectus de substantia percipit, tanquam ejus essentiam constituens (§. 673.). Quamobrem cum ex ipsius mente substantia per se concipiatur (§. 674.), inde infert *prop. 10. part. 1. Ethic.* unumquodque substantiæ attributum per se concipi debere. Per se autem concipitur id, cujus cognitio non indiget cognitione rei alterius, quemadmodum explicat *in Schol. prop. 8. part. 1. Ethic.* hoc est, nostra phrasi, cujus nulla datur ratio, cur insit, sed primum est, quod de re concipitur. Enimvero primum, quod de ente concipitur, essentia est (§. 144. *Ontol.*) & cur essentialia seu determinationes essentialia, quæ essentiam constituunt (§. 143. *Ontol.*), insint, ratio intrinseca nulla

nulla datur (§. 156. *Ontol.*). Attributum igitur cum determinationibus essentialibus confundit.

Nemo, puto, in eo hærebit, quod dixerimus, per se concipi nostra phrasi idem esse ac nullam habere inexistentiæ rationem intrinsicam. Etenim si nulla datur ratio intrinseca, cur quid insit, nihil in ente reperire licet, per quod intelligatur, cur insit (§. 56. *Ontol.*). Non igitur in ente præsupponendum aliud quid, ut cognoscatur, id ipsi inesse debere, atque adeo cognosci hoc potest absque præsupposita cognitione alterius, consequenter ejus cognitio cognitione rei alterius minime indiget. Enimvero juxta *Spinosam* per se concipitur id, cujus cognitio non indiget cognitione alterius rei, per *Schol. prop. 8. part. 1. Ethic.* Nostra igitur phrasi per se concipitur id, cujus nulla datur ratio intrinseca in ente, cur eidem insit. Nullum adeo dubium superesse potest, quin *Spinoza* attributum appellet, quod nos essentialium seu essentiæ nomine insignivimus (§. 43. *Ontol.*), notioni receptæ philosophorum conformiter (§. 169. *Ontol.*), ex ipsis rebus ratione consentiente derivatæ, quemadmodum ex demonstrationibus nostris ontologicis abunde patet (§. 142. *Ontol.*), non vero, quod *Spinoza* facit (not. §. 677.), in gratiam hypotheseos animo jam conceptæ ad arbitrium confictæ. Equidem cum definitiones nominales arbitrariæ sint, nihil referre videtur, quod *Spinoza* attributum appellet, quod vulgo essentiæ nomine insignitur: quæ enim de essentiâ demonstrantur, de attributo in sensu *Spinoza* enuntianda veniunt: quo pacto eadem veritas subsistere videtur, etsi diversis vocabulis esseratur. Enimvero hæc ita sese haberent, nisi per errorem definitiones nominales, præsertim verbis ambiguis conceptæ, quales esse definitiones *Spinoza* nemo negabit, qui sufficiente acumine in iis prælustrandis uritur, in abusum trahantur. Etenim notionum, adeoque etiam definitionum (§. 152. *Log.*), demonstranda realitas est (§. 717. *Useqq. Log.*), antequam iisdem ad alia inde colligenda utaris, ne notionibus deceptricibus usus tanquam veris in errores incidas (§. 629. *Log.*). (*Wolffii Theol. Nat. Part II.*) • Rrr præter-

praesertim cum per definitionem nominalem nondum pateat rem definitam esse possibilem (§. 191. Log.). *Cartesius* vero, cuius principia amplectitur *Spinoza*, quantum hypotheseis admittit, cui conformiter eadem immutavit (not. §. 677.), notionem pro reali habet, si quid clare & distincte percipit, seu, ut *Spinoza* loqui mavult, concipit, clara & distincta perceptione non definita sufficienter. Hinc & *Spinoza* parum sollicitus de definitionum suarum realitate evincenda, iisdem utitur tanquam principiis concessis. Probe igitur notanda est essentialium atque attributi confusio ab eodem facta. Confusionem hanc attribui cum determinationibus essentialibus negare nequit *Spinosista*. Discrete enim *Spinoza* affirmat, attributum percipi tanquam essentiam substantiae constituens (§. 673.). essentialia vero, seu, quod perinde est, determinationes essentialia (§. 122. Ontol.), essentiam entis constituunt (§. 143. Ontol.).

§. 680.

Lapsus aliter. Notio substantiae minus recte ingreditur notionem attributi in definitione *Spinozae*. Etenim *Spinoza* attributum cum determinationibus essentialibus, quae essentiam entis constituunt (§. 143. Ontol.), confundit (§. 679.), ut adeo attributum ipsi sit, quod alias essentia entis appellatur, adeoque primum, quod de ente concipitur (§. 144. Ontol.). Enimvero quae ad notionem entis pertinent, absque notione substantiae intelliguntur, quemadmodum ex demonstrationibus ontologicis abunde patet, quae *Cap. 3. part. 1. Sect. 2. Ontol.* leguntur, & notio substantiae usui loquendi conformis (§. 771. Ontol.) notionem potius entis supponit (§. 768. Ontol.). Minus recte igitur in definitione *Spinozae* attributi notionem ingreditur notio substantiae.

Non sine ratione *Spinoza* notionem substantiae in notionem attributi insert. Etenim cum definitionum suarum realitatem sumat, non prober, propterea quod ea sibi concipere vide-

De Paganismo, Manichæismo, Spinosismo &c. 683

videtur, quæ in definitionibus continentur, ea autem vera esse sibi persuader, quæ concipimus, seu quorum habemus conceptum, aut, si cum *Cartesio* loqui velis, quæ clare & distincte percipimus; hypothesi suæ demonstrandæ hoc pacto attributi definitio inservit, hunc usum alias non habitura. Erroneas adeo illationes detecturus propositionem præsentem notare debet.

§. 681.

Modos Spinosæ ab attributis proprie sic dictis non distin- Lapsus Spi-
guat. Definit modum per id, quod in alio est, per quod noscitur circa
 etiam concipitur (§. 676.). Quoniam juxta ipsum omnia, *definitionem*
 quæ sunt, vel in se, vel in alio sunt, *per ax. 1. part. 1. moai.*
Erhic. esse in se & esse in alio sibi mutuo opponit. Quamobrem cum in se esse & per se concipi dicat id, cuius cognitio non indiget cognitione alterius, *per Schol. prop. 8. part. 1.* in alio esse & per aliud concipi dicendum est illud, cuius cognitio indiget cognitione alterius, adeoque intelligitur per aliud, quod enti inesse concipitur, consequenter in alio, quod enti inest, rationem sufficientem habet, cur insit, vel saltem inesse possit (§. 156. *Ontol.*). Enimvero quæ præter essentialia enti insunt, ea vel ad attributa proprie sic dicta, vel ad modos referenda (§. 149. *Ontol.*), & attributa quidem rationem sufficientem in essentialibus agnoscunt, cur insint (§. 157. *Ontol.*), atque adeo cum essentialibus una ponuntur in ente (§. 118. *Ontol.*): ast in iisdem essentialibus ratio tantummodo sufficiens continetur, cur modi inesse possint (§. 160. *Ontol.*), consequenter positis essentialibus tantummodo eorundem ponitur possibilitas (§. 118. *Ontol.*). Modi igitur ab attributis, quatenus hæc ab essentialibus distinguuntur, differunt & probe a se invicem separari debent. Quamobrem patet, *Spinosam* modos ab attributis proprie sic dictis,

R r r r 2

quate

quatenus nimirum ab essentialibus separantur, non distinguere.

Videmus itaque, *Spinosum* in notione entis omnia inter se confundere & incautis methodique ignaris verborum obscuritate & ambiguitate imponere. Qui notiones ontologicas, quas distinctas effecimus in Ontologia, probe perperxit; is sibi a Spinosismo facile cavebit, qui philosophiæ primæ neglectui debetur. Unde pater, quantum a vero aberraverit *Cartesius*, dum sibi aliisque persuadere conatur, quasi termini philosophiæ primæ non multa indigeant explicatione, sed per se satis intelligantur.

§. 682.

*Lapsus
alter.*

Spinoza modum substantia opponit, & cum ente ab alio confundit. Etenim modum definit per id, quod in alio est, per quod etiam concipitur (§. 676.); substantiam vero per id, quod in se est & per se concipitur (§. 674.). Quoniam itaque omnia, quæ sunt, vel in se, vel in alio sunt per ax. 1. part. 1. *Eth.* & id, quod per aliud non potest concipi, per se concipi debet, per ax. 2. loc. cit. modus in se non est, nec per se concipitur. De modo igitur negat *Spinoza*, quod de substantia affirmat (§. 205. *Log.*). Quamobrem cum propositiones oppositæ sint, quarum una negatur, quod altera affirmatur (§. 288. *Logic.*); hæc duæ propositiones: A est in se & per se concipitur, & A non est in se, & in se non concipitur, sibi mutuo opponuntur. Patet itaque *Spinosam* modum opponere substantiæ. *Quod erat primum.*

Esse in alio & per aliud concipi, cum modus definiatur per id, quod in alio est, per quod etiam concipitur (§. 676.); non prorsus idem significant; alias enim de eo, quod est in alio, prædicari non posset, quod per aliud.

aliud concipiatur (§. 198. 225. *Log.*). Per aliud concipitur, quod cognosci nequit, nisi praesupposita cognitione alius *per Schol. prop. 8. part. 1. Ethic.*; hoc est, nostra phrasi, quod rationem, cur sit, in alio habet, quemadmodum supra jam notavimus (*not. §. 679.*). Quoniam itaque posita ratione sufficiente ponitur id, quod per eam potius est, quam non est (§. 118. *Ont.*); si illa actu ponatur, etiam hoc actu ponetur, si vero illa tantummodo spectetur, tanquam quae poni possit, hoc etiam spectari nequit, nisi quatenus poni potest, consequenter quoad possibilitatem. Quamobrem cum quid dicitur concipi per aliud, hoc ipso satis intelligitur, quod non intelligatur possibile nisi per aliud, cujus jam nobis perspecta possibilitas, adeoque esse in alio non nudam possibilitatem, sed quid amplius exprimere debet, consequenter ad existentiam simul refertur. Unde in alio esse simul connotat, rationem existentiae sufficientem quaerendam esse in alio, consequenter quod in alio est, ut existat, vi alterius indigere. Enimvero ens ab alio est, quod vi alterius indiget, ut existat (§. 27. *part. 1. Theol. nat.*). Patet itaque *Spinosam* modum cum ente ab alio confundere. *Quod erat alterum.*

Quo majore itaque studio atque acumine definitiones *Spinozae* peruestigamus, eo plus confusionis notionum a se invicem distinguendarum deprehendimus. Quod si tamen hic utrumque desiderari patiaris, inde inferri facile admittes, quae interiri non possunt, consequenter nubem pro Junone amplecteris. Non igitur inanis videri debet opera, quae in examinandis definitionibus *Spinozae* collocatur. Substantiae opponitur accidens (§. 768. *Ontol.*); enti autem a se ens ab alio (§. 27. *part. 1. Theol. nat.*). Quamdiu adeo demonstratum non est, substantiam omnem esse ens a se, ita ut ens a se & substantia pro Synonymis haberi possint (§. 330. *Log.*); nec eidem opponi potest modus, quatenus spectatur tan-

R III 3

quam

quam ens ab alio. Cumque tam attributa, quam modi sint accidentia (§. 779. *Ontol.*), & *Spinoza* perperam attributa cum determinationibus essentialibus, quæ essentiam constituunt (§. 143. *Ontol.*), confundat (§. 679.), nec modos ab attributis proprie sic dictis distinguat (§. 681.) modi quoque soli minus recte substantiæ opponuntur, quasi nil concipiatur ab intellectu, nisi quod vel substantia sit, vel ejus modus.

§. 683.

Lapsus Spinoza circa definitionem substantia.

Spinoza substantiam non sumit in significato recepto. Etenim si substantia sumitur in significato recepto, vocabulo hoc denotatur subjectum determinationum intrinsicarum constantium & variabilium (§. 769. 771. *Ontol.*), in quo nempe manentibus quibusdam iisdem, scilicet essentialibus atque attributis, ceteræ successive variant, nimirum modi (§. 770. *Ontol.*). Enimvero *Spinoza* substantia est id, quod in se est & per se concipitur (§. 674.), hoc est, quemadmodum ipsemet explicat in *Schol. prop. 8. part. 1. Ethic.* cujus cognitio non indiget cognitione alterius, adeoque quod subjecto inhaerere intelligatur, etiam si nihil in eodem supponatur, per quod intelligatur, cur in sit, quemadmodum essentialia concipiuntur (§. 156. 56. *Ontol.*). Patet itaque *Spinosam* in notione substantiæ tantummodo animum advertere ad determinationes essentialēs insuper habitis attributis atque modis, quorum tamen simul in sensu recepto habenda ratio est *per demonstrata*. Quamobrem liquet, ipsum substantiam non sumere in significato recepto.

Non igitur mirum est, quod de substantia prædicet, quæ in significato recepto de eadem demonstrari non possunt, veluti quod sit numero unica, quodque necessario existat, seu ut non existens concipi nequeat. *Vid. prop. 5. Et 7. part. 1. Ethic.* Etenim ex eo, quod in quodam ente determina-

mina-

De Paganismo, Manichæismo, Spinozismo &c. 687

minationes quædam maneat eadem, dum aliæ successive mutantur, nemo inferet, quod necessario existere debet, nec ut non existens concipi possit, & quod nonnisi ens istiusmodi numero unicum esse queat. Immo si hoc gratis affirmare vellet, experientia ipsi reclamaret.

§. 684.

Spinoza substantiam confundit cum ente a se. Ad substantiam duo requirit Spinoza, nimirum ut quid sit in se & ut concipiatur per se (§. 674), consequenter esse in se & concipi per se non prorsus idem significant, quemadmodum ex demonstratione propositionis superioris (§. 682.) liquet, esse in alio & concipi per aliud non prorsus idem significare. Quamobrem cum esse in se & esse in alio sibi mutuo opponat, per ax. 1. part. 1. Ethic. esse autem in alio connotet, id, quod in alio est, vi alterius indigere ut existat, prouti in demonstratione propositionis superioris (§. 682.) ostendimus; esse in se connotare debet, quod id, quod in se est, vi alterius non indigeat, quod existat, consequenter quod vi propria existat. Enimvero quod vi propria existit, ens a se est (§. 27. part. 1. Theol. nat.). Spinoza igitur substantiam cum ente a se confundit.

Quoniam Spinoza in definitionem substantiæ verbis minime perspicuis & ambiguis invehit aſſertatem; quid mirum, quod eam faciat necessario existentem, cum necessaria existentia (§. 32. part. 1. Theol. nat.) & existentia per essentiam sit privilegium entis a se (§. 31. part. 1. Theol. nat.).

§. 685.

Spinoza non recte atque ambigue definit finitum, seu limitatum. Definit enim rem in suo genere finitam, quæ alia ejusdem naturæ terminari potest (§. 677.). Enimvero finitum in Mathesi dicitur, cui assignari possunt termini, unde

unde incipit & ubi desinit, seu ultra quos augeri potest (§. 798. *Ontol.*). Lineæ termini sunt puncta (§. 11. *Geom.*). Quodsi ergo in plano duo assignari possint puncta, unde linea incipit & ubi desinit; linea ideo dicitur finita, seu limitata. Atque adeo res aliqua appellatur finita, seu limitata, quatenus determinationibus intrinsicis, per quas concipitur (§. 142. *Ontol.*), inhærent termini, seu limites, ultra quos realitas earundem minime extenditur (§. 468. *Ontol.*). Quemadmodum itaque linea non ideo dicitur finita, quod linea quadam alia terminari possit, sed quod utrinque concipiantur limites, ultra quos non extenditur; ita quoque res quæcunque alia dici nequit finita, quod alia ejusdem naturæ terminetur, seu terminari posse concipiat, sed quod ipsi inhæreant limites, ultra quos realitates, quæ ipsi inesse intelliguntur, augeri nequeunt. Sane ubi contingit, rei cuidam non repugnare, ut in ejus terminis seu limitibus existat alia, ultra quos realitas ejus non extenditur; id fieri non intelligitur, quod in limitibus ejus existat, sed potius liquet, aliam in limitibus ejus consistere posse, quia limites habet, quibus ejusdem realitas coercetur. Sane nisi linea recta in plano utrinque terminaretur in duobus punctis datis, nec per ejus terminos, hoc est, ipsa hæc puncta duci possent rectæ aliæ, ultra quas non extenditur longitudo lineæ finitæ. Minus recte igitur *Spinoza* rem in suo genere finitam desinit, quod alia ejusdem naturæ terminari possit, cum eam potius definire debuisset, quod realitatibus, per quas concipitur, per se inhæreant limites, ultra quos eadem augeri nequeunt, hoc est, nostra phrasi, quod determinationibus intrinsicis notionem ejus ingredientibus inhæreant limites ab iis inseparabiles, quamdiu rem eandem tibi repræsentare velis. *Quod erat primum.*

Verba,

Verba, quod res quædam terminetur alia ejusdem naturæ, non satis perspicua sunt, ut quid significare debeant, non satis appareat. Unde *Spinoza* eadem illustraturus, ne videantur sine mente sonus, subnectit, corpus dici finitum, quia aliud semper majus concipimus: quod etli verum sit (§. 825. *Ontol.*), non tamen facit, ut verba minime perspicua, quibus definitio effertur, intelligantur; sed ea potius majori obscuritati involvit. Neque enim per hoc quod corpore dato aliud majus concipi potest, intelligitur, cur infini magnitudini ipsius limites, sed potius aliud majus concipi potest, quia hoscce magnitudo recipit limites, qui inesse intelliguntur, etiamsi de alio majore minime cogites. Terminari igitur re alia ejusdem naturæ significare idem nequit, ac rationem continere limitum alteri inexistientium. Sed nec per hoc, quod concipiatur corpus dato majus, liquet, eidem coexistere posse corpus, quod obstat, quo minus ipsum sit majus, utpote in terminis ejus existens, quemadmodum verba explicanda esse videbantur vi eorum, quæ in evincendo primo dicta sunt. Quoniam itaque *ambigua* dicuntur *verba*, quorum significatus certo determinari nequit; quin *Spinoza* rem in suo genere finitam, seu limitatam ambigue definiat, dubitandum non est. *Quod erat alterum.*

Definitio hæc magni momenti est in *Spinozismo*: verborum enim ambiguitate seductus facilem præbet assensum infinitudini ac unitati substantiæ & res finitas ex substantiarum numero eximit, consequenter pro modificationibus attributorum substantiæ unicæ ac infinitæ, quæ sola existit & existere potest, habet, atque adeo *Spinozismo* subscribit (§. 671.). Velim adeo lectores probe perpendant, quæ, sicuti de ceteris, ita inprimis de præsentē definitione a nobis dicuntur, ut *Spinozismum* intime perspiciant &, quam sit a veritate alienus, agnoscant.

*Error Spino-
sa in defi-
niendo fini-
to seu limi-
tato.*

Errat Spinoza, dum sumit rem in suo genere finitam semper alia ejusdem naturae terminari posse. Definitionem enim, in qua hoc sumit, illustraturus ait, cogitationem terminari cogitatione, aut corpus non terminari cogitatione, nec cogitationem corpore. Verba hæc ambigua (§. 685.), vi applicationis in demonstratione *prop. 8. part. 1. Ethic.* factæ, intelligi aliter non possunt, quam quod ens finitum nec concipi, nec existere possit, nisi concipiatur & existat res alia finita ejusdem naturæ, cui ea insunt, per quæ intelligitur, cur illi hi potius insint limites, quam alii, consequenter quod rationem sufficientem limitum alterius in se continet (§. 56. *Ontol.*); adeoque cum limites alterius ponantur posito ipso in actu (§. 118. *Ontol.*), limites vero defectum realitatis ulterioris denotent (§. 468. *Ontol.*), nil obstat, quo minus major realitas in ente altero esse possit. Anima phrasi *Spinoza* est res cogitans, sive cogitatio, adeoque terminari debet tanquam finita alia anima; hoc est, nec concipi, nec existere potest absque alia anima, quæ obstat, quo minus eidem insint limites ampliores; consequenter in alia anima inesse debet ratio sufficiens limitationum originariarum, quæ determinationibus essentialibus illius inhaerent. Enimvero vis animæ, in qua essentia & natura ejus consistit (§. 66. & 67. *Psychol. rat.*), limitatur materialiter situ corporis organici in universo, nimirum ut percipere clare nequeat, nisi quæ in corpus istud agunt, seu mutationem quandam organis sensorii inducunt, ac formaliter constitutione organorum sensoriorum, quatenus scilicet tales inducuntur organis istis mutationes (§. 63. *Psych. rat.*). Equis vero dixerit, hæc limitationes in anima concipi non posse, neque actu eide-

dem inesse posse, nisi concipiatur atque actu sit anima alia, quæ obstat, quo minus anima nostra plura percipere possit objecta, quam quæ in organa sensoria agunt, eaque clarius atque distinctius, quam fert organorum sensoriorum constitutio? Quin potius cum nulla requiratur ratio, cur essentialia insint (§. 159. *Ontol.*); limitationes istæ per se vi animæ inhærere intelliguntur. Affirmat igitur *Spinoza*, quod erat negandum (§. 200. *Log.*). Quamobrem cum erret, qui affirmat, quod negandum erat (§. 624. *Log.*); *Spinoza* errat, dum in definitione rei in suo genere finitæ sumit, eam determinari debere alia ejusdem naturæ, veluti cogitationem, seu rem cogitantem finitam, cogitatione alia, seu re cogitante finita alia.

Equidem *Spinoza*, quemadmodum *Cartesio* (not. §. 321. *Ontol.*), cujus principis erat innuitus (not. §. 677.), obversata fuit notio rationis sufficientis & per eam principium rationis sufficientis consule cognovit; sed distincta ejusdem ipsi defuit notio: unde in eo applicando lapsus limitationum quoque originariarum, quæ essentiis rerum finitarum inhærent, rationem sufficientem requisivit: quæ cum nulla deret intrinseca (§. 156. *Ontol.*), extrinsecam adesse debere intulit, quam cum causa, tanquam principio determinante, perperam confudit (§. 321. *Ontol.*), ipso hoc principio reclamante, quod istiusmodi causam non fert (§. 883. *Ontol.*), quemadmodum animum ad originarias limitationes animæ advertentibus satis apparet. Exenim perceptiones animæ, cum limites defectum ulterioris realitatis denotent (§. 468. *Ontol.*), limitatæ seu finitæ sunt, quatenus confusæ & obscuræ, consequenter non satis distinctæ sunt (§. 32. 39. *Psych. empir.*), adeoque in re percepta sigillatim enunciabilia non omnia tanquam diversa representantur (§. 24. 38. *Psychol. empir.* & §. 98. *Psychol. rat.*). Cur autem sint confusæ atque obscuræ, ratio in limitationibus originariis essentiæ animæ inhærentibus qua-

renda (§. 144. *Ontol.*), quas admittere tenemur vi principii contradictionis (§. 142. *Ontol.*), quatenus scilicet non repugnat istiusmodi limitationes inesse vi perceptivæ, qualem in anima experimur. Quod si ergo *Spinoza* notiones ontologicæ fuissent satis distinctæ, atque is usum principii contradictionis & principii rationis sufficientis genuinum fecisset, quemadmodum a nobis in *Ontologia* factum, iis confusionibus minime intricatus fuisset, quæ in ipsius definitionibusprehenduntur, nec ex hypothese jam ante animo concepta (*not.* §. 677.), sed ex ipsis rebus notiones primas derivasset, quibus illam minime consentientem ipsemetprehendisset.

§. 687.

*Principia
Spinosismi.*

Spinosissimus nititur principiis precariis, confusis atque ambignis. *Spinoza* enim hypothesein suam de substantia unica infinita, cujus attributorum modificationibus necessariis prodeunt res ceteræ omnes, hoc est, *Spinosissimum* (§. 671.), demonstrare nititur ex suis definitionibus atque axiomatis. Enimvero principio *Cartesiano* confusus, quod verum sit, quicquid clare & distincte percipitur, seu ejus phrasi concipitur, ea, quæ in definitionibus suis sumit, non demonstrat. Principia probandi, qualia sunt definitiones (§. 562. *Log.*), quæ probatione indigent, sed sine probatione sumuntur, precaria sunt (§. 843. *Log.*). *Spinoza* igitur in demonstranda hypothesei sua utitur principiis precariis, consequenter *Spinosissimus* principiis precariis nititur. *Quod erat primum.*

Porro in definitionibus suis attributum cum determinationibus essentialibus (§. 679.), modos cum attributis proprie sic dictis (§. 681.), atque cum ente ab alio (§. 682.), substantiam denique cum ente a se confundit (§. 684.). Quoniam itaque in definitionibus suis diversa prorsidem habet, ea, quæ in rebus sigillatim enunciabilia inveniunt, non satis a se invicem distinguit. Quamobrem cum

con-

confusa sit perceptio, si in re clare percepta plura separatim enunciabilia non distinguimus (§. 39. *Pfych. empir.*), & confusa sit notio, si notas ejus distinguere minime valeamus (§. 88. *Log.*); notiones, quæ definitionibus *Spinoſæ* respondent (§. 152. *Log.*), confusæ sunt. Enimvero patet *per demonstrata num. 1.* definitiones istas esse principia, quibus nititur Spinosismus. Nititur adeo Spinosismus principii confusis. *Quod erat secundum.*

Denique *Spinoſa* non modo ambigue definit finitum, seu limitatum (§. 685.), cujus tamen definitionis magnum in Spinosismo momentum est (*not. §. cit.*); verum etiam ex iis, quæ de ceteris definitionibus ostendimus atque annotavimus, liquet, verba ejus tantum non omnia esse admodum ambigua, ita ut, si ad ea sola animum advertas, vix ac ne vix quidem conjectura assequi detur, quid significare debeant. Quamobrem cum ex iis, quæ *num. 1.* demonstrantur, appareat, Spinosismum definitionibus istis niti tanquam principiis; evidens omnino est, Spinosismum niti principiis ambiguis. *Quod erat tertium.*

Videmus itaque quam lubricum sit totius Spinosismi fundamentum, ut nullum mereatur assensum, etiamsi nonnisi ad definitiones *Spinoſæ* animum advertas. Quod vero *Spinoſa* sibi persuadere potuerit, fundamentum hoc esse tam firmum ac inconcussum, ut systema suum eidem superstructum pro demonstrato habuerit, quod de evidentia cum veritatibus geometricis contendere possit, nemo miretur. Ex enim principium *Cartesianum* quicquid clare & distincte percipitur, seu, ut ipse idem efferre maluit, quicquid concipitur, verum est, amplexus tanquam verum, ac ideo de probatione eorum, quæ in definitionibus sumit, parum sollicitus fuit. Atque hoc pacto contingit, ut systema suum principiis precariis superstrueret. Claram & distinctam perceptionem, seu conceptum, quem vocat, ut intellectum a

sensu atque imaginatione distinguat, nec *Cartesius*, nec ipse definivit; sed uterque in idea confusa acquievit, quæ per exempla animo ingeneratur. Unde contigit, quod sibi clare ac distincte percipere, seu concipere visus sit, quæ notione distincta & determinata minime complexus, & in emendicata ab hypothese animo jam ante concepta, quam de eadem demonstranda cogitaret, claritate verborum satis obscurorum & ambiguum acquieverit. Discimus *Spinosæ* exemplo; quam fallax sit *Cartesianum* veritatis criterium, si vel maxime clara & distincta perceptio per conceptum explicetur & ad actum intellectus reducat, cum per ipsum notiones deceptrices minime arceantur, sed potius facile admittantur: ut adeo de *Tschirnhausen* in Medicina Mentis in eo exornando & tantopere commendando frustraneum collocaverit operam. Quod vero in definitionibus suis omnia confuderit *Spinosæ*, quæ tamen maxime a se invicem discerni debebant; defectui cognitionis philosophiæ primæ tribuendum. Ea enim de causa definitiones tales condidit, quales exigebat hypothesis animo jam ante concepta, antequam de principiis cogitaret, quibus eandem superstrueret, cum alias ex rebus sapere maluisset, a quibus per abstractionem derivandæ sunt notiones ontologiæ, si reales desideres & a deceptricibus tibi caveri velis. Videmus adeo, quanta sit necessitas philosophiæ primæ ritæ excultæ, hoc est, ad notiones veras, easque distinctas ac determinatas reductæ, nisi in maxime arduis cœcutire & nescio in quos errores prolabi volueris. Nec alia de causa nos a philosophia prima studium philosophandi exorssi sumus & per eam lucem affudimus ceteris philosophiæ partibus.

§. 688.

Qualem notionem extensionis habuerit *Spinosæ*.

Spinosæ nonnisi confusa fuit extensionis notio. Etenim *Spinosæ* cum *Cartesio* acquievit in idea extensionis, qualem sensu percipimus, nec ideo ejus dedit definitionem, quemadmodum vulgo acquiescimus in idea coloris, qualem sensu percipimus, nec ejus ullam damus definitionem.

De Paganismo, Manichaeismo, Spinozismo &c. 695

nem. Enimvero extensionem in corpore nonnisi confuse percipimus (§. 224. *Cosmol.*). *Spinoza* igitur notio extensionis nonnisi confusa fuit.

Quod hoc non adverterit *Cartesius*, nec post ipsum *Spinoza*, in causa fuit, quod ille non explicaverit notione distincta, quid sit clare & distincte percipere; nec hic, quid sit concipere. Unde & *Cartesius* sibi visus fuit clare & distincte percipere extensionem, quatenus sibi conscius fuit, se eam in corporibus percipere & quatenus eam non esse eandem cum cogitatione, sed hanc ab illa diversum quid esse arbitratur, quod cogitatio & extensio non appareant eadem, & eadem de causa *Spinoza* sibi concipere visus est extensionem, quippe in re cum *Cartesio* consentiens, sed verba tantummodo mutans.

§. 689.

Spinoza *perperam extensionem pro realitate habet*. Et-Error *Spino-* enim *Spinoza* extensionem habet pro attributo divino, per se circa non-quod infinita & aeterna ejus substantia exprimitur (§. 671.), *tionem ex-* adcoque pro realitate (§. cit.). Enimvero extensio pha-*terisimus*, nomenon est (§. 225. *Cosmol.*), non realitas (*not.* §. 5.). *Per-* peram igitur *Spinoza* eandem pro realitate habet.

Qui agnoscit extensionem non esse realitatem, quæ enti cuidam inest, sed supponere realitatem aliam, vi cujus confuse perceptæ inesse apparet, quemadmodum color non est realitas corpori inexistens, sed supponit in eodem alia, quorum confusa perceptione gignitur idea coloris, atque satis perspexit, quomodo idea extensionis in anima nascatur (§. 103. *Psych. rat.*); ex hoc uno absurditatem *Spinozismi* agnoscit. Extensionem esse realitatem, quæ substantiæ corporeæ exprimat essentiam, *Spinoza* cum *Cartesio* sumit, non probat, confusus principio claræ atque distinctæ perceptionis admodum fallaci. Nos vero eandem realitatem non esse, sed phenomenon, in realitatibus satis fundatum ex notionibus

veris

veris deduximus (§. 225. *Cosmol.*). Quodsi *Cartesius* & *Spinoza* eandem attentionem attulissent ad extensionem, qua in expendenda idea coloris usi sunt; errorem in propositione notatum facile evitassent.

§. 690.

Notionis extensionis resolubilitas.

Extensio in sensu *Spinozae per se non concipitur*. Et enim extensio est multorum extra se invicem existentium coëxistentia in uno, atque constituitur multorum extra se invicem existentium unione (§. 548. *Ontol.*), si ejus notionem recepto significatui (§. 567. *Ontol.*), & usui loquendi communi conformiter distincte explices (§. 568. *Ontol.*), extensione nimirum corporum, quæ substantiarum simplicium aggregata (§. 176. *Cosmol.*), ex eo orta, quod extensum non est (§. 223. *Cosmol.*), nempe ipsa elementorum aggregatione (§. 221. *Cosmol.*). Nec extensionem percipimus, nisi quatenus plura extra se invicem existentia tanquam in uno nobis representamus (§. 548. *Ontol.*), adeoque percipimus (§. 24. *Psych. empir.*), idea nimirum extensionis corporum in anima nascente, dum ea status elementorum internos in animum confundit (§. 103. *Psychol. rat.*). Quodsi ergo extensionem, sine qua corpora percipi, aut *Spinozae* styli concipi nequeunt (§. 122. *Cosmol.*), distincte percipere aut cognoscere volueris, necesse est, ut cognoscas elementa, quorum aggregata sunt corpora, eorumque status internos, & quomodo per eos multa represententur tanquam in uno, aut, si in genere loqui malueris, necesse est cognoscas, quænam sint illa multa, quæ extra se invicem existunt, & quomodo coëxistant in uno. Præsupponit adeo cognitio extensionis cognitionem multorum extra se invicem existentium eorumque unionem, ac in specie cognitio extensionis corporum sive substantiarum

tiarum simplicium, statusque ipsorum interni, atque modi, quo aggregantur, ut ex multis fiat unum. Quoniam itaque juxta *Spinosam* per se concipitur, cujus cognitio non supponit cognitionem alterius *vi Schol. prop. 8. part. I. Ethic.* evidens est extensionem in sensu *Spinosæ* per se minime concipi.

Non sine ratione in demonstratione propositionis præsentis ea, quæ de notione extensionis in genere dicta sunt in philosophia prima, conjungimus cum iis, quæ de extensione corporum in specie demonstrata sunt in Cosmologia & de idea hujus extensionis in Psychologia rationali. Etenim per ea, quæ ex Cosmologia sumuntur, clarius patet, quænam illa sint, quorum cognitionem præsupponit distincta extensionis substantiæ corporeæ cognitio, & per ea, quæ ex Psychologia rationali petuntur, clarius intelligitur, quomodo idea extensionis confusa in anima enata ob limitationes vis perceptivæ dissetat a notione distincta, quæ intellectus est (§. 275. *Psychol. empir.*). Quodsi vero *Spinosista* principia cosmologica & psychologica nostra admittere nolit, quorum sine ambagibus convinci nequit; sufficienti ontologica, quæ in dubium vocare nequit, modo attentionem suam desiderari non patiatur, nec animo a veritate alieno hypothesin præconceptam modicus defendere velit. Si *Spinosæ* agnovisset, extensionem, qualem sensu percipimus, nonnisi confuse percipi, perinde ac colores; minime ejus notionem pro distincta habuisset eamque ad intellectum, sensui atque imaginationi oppositum, retulisset. Imposuit sibi, dum sibi persuasit, distincte explicari minime posse, quod quomodo explicari debeat, non vidit, videre autem non potuit ob neglectum philosophiæ primæ. Etenim si in notionem entis in genere atque notiones compositi ac simplicis in specie inquisivisset, quemadmodum a nobis factum in philosophia prima; nec notionem extensionis, quæ a sensu pendet, pro distincta & in alias simplices irresolubili habuisset. Immo si tantummodo animum advertisset ad ea, quæ de substantia corporea ipso sensu percipimus, & ma-

jore acumine a se invicem separasset, quæ diversa sunt; fieri haud quaquam potuisset, quin animadverteret, extensionem præsupponere substantiæ nitentis ac renitentis cognitionem, nec adeo cognosci posse absque hujus cognitione, consequenter per se non concipi.

§. 691.

Extensio cur attributum Dei esse nequit. Extensio in sensu Spinozæ attributum Dei esse nequit. Et enim extensio in sensu Spinozæ per se non concipitur (§. 690.). Quamobrem cum juxta ipsum unumquodque unius substantiæ attributum per se concipi debeat, per prop. 10. part. 1. Ethic. quemadmodum ex definitionibus substantiæ atque attributi (§. 673. 674.) ibidem infert; extensio attributum Dei, quem substantiam esse agnoscit (§. 672.), esse nequit.

Equidem jam ostendimus, Deum non posse esse extensum (§. 85. part. I. Theol. nat. & §. 38. part. II. Theol. nat.); sed hic, ubi Spinosismum evertimus, ex propriis Spinozæ principiis idem demonstrandum fuit. Ceterum videant, an non Spinozæ plus largiantur, quam par erat, qui extensionem Dei attributum faciunt, nec sine extensione ipsum concipi posse sibi persuadent, & perpendant, an non hic error facile in Crypto-Spinosismum degeneret, quemadmodum ex sequentibus clarius constabit.

§. 692.

Error Spinozæ extensio- nem Deum esse attributum divinum. Quoniam errat, qui affirmat, quod negandum erat (§. 624. Log.), negari autem debet in sensu Spinozæ, extensionem Deum esse attributum divinum (§. 691.); Spinozæ errat, dum extensionem Dei esse attributum, sive Deum esse rem extensam contendit prop. 2. part. 2. Ethic.

Ut prætentam demonstrationem, quam Spinoza loc. cit. indigitat, subvertamus, necesse non est. Nititur enim principiis, quæ tanquam precaria, confusa atque ambigua recipi-

jicimus (§. 687.). Sufficit abunde, quod ostenderimus, ne in sensu quidem *Spinoza*, hoc est, per ipsius definitiones extensionem attributum Dei esse posse. Neque est quod excipias, demonstrationem nostram resolvere in notionem nostram extensionis (§. 992. *Log.*), ex qua nempe deduximus, extensionem per se concipi non posse in sensu *Spinoza* (§. 690.), adeoque in principia nostra, secundum quæ tantummodo errasse dicendus sit. Neque enim error refutari potest nisi ex principiis veris, nisi principiis erratis directe repugnet, atque adeo ex iis recta ratiocinandi forma inferri nequeat: quo in casu, nisi de principiorum veritate constiterit, argumento ad hominem tantummodo refutatur, nec constat falsum esse, quod rejicitur, sed tantummodo id cum principiis propriis consistere non posse. Nemo igitur reprehendet, quod assumpto principio vero ab errante non agnito error confutetur.

§. 693.

Spinoza non probavit extensionem infinitam esse possibilem. Infinitudo Etenim ex eo, quod ab extensione vi imaginationis con-extensionis fusa percepta removet pro arbitrio limites, non sequitur a *Spinoza* extensum absque limitibus esse possibile, sed notionis hu-non probata. jus per arbitrariam determinationem formata demonstrationem da possibilitas est, cum istiusmodi notiones non minus impossibiles, quam possibles esse possint (§. 20. & seqq. *Log.*): id quod cum nullibi faciat *Spinoza* confusus principio ambiguo, verum esse, quod clare & distincte percipitur, seu phrasi ipsius concipitur, extensionem perperam pro realitate habens (§. 689.), eamque absque limitibus esse posse sumens; patet utique ipsum non probasse infinitæ extensionis possibilitatem.

Et quamvis extensionem attributum Dei faciat (§. 671.), attributa autem divina infinita sint (§. 672.); nec tamen hinc intelligitur, extensionem infinitam dari, adeo-

que possibiles esse (§. 170. *Ontol.*). Etenim extensio ne quidem in sensu *Spinoza* attributum Dei esse potest (§. 691.), consequenter per hoc, quod sit attributum Dei, minime probatur, extensionem infinitam esse possibilem. Quamobrem nec in principiis *Spinoza*, quibus hypothesin suam superstruxit, continetur id, ex quo sequatur, extensionem infinitam esse possibilem.

Quoniam itaque *Spinoza* extensionis infinitæ probationem nullam ipsemet dedit, nec per principia ejus probari potest, si inde inferre nolis, quæ ex iis minime sequuntur; evidens omnino est, quod extensionis infinitæ possibilitas nullo modo ab eodem fuerit probata.

Possibilitas extensionis infinitæ, siquidem veritati non repugnat; non adeo facile probari potest. Cum enim extensum oriatur ex eo, quod extensum non est (§. 223. *Cosmol.*), nempe dum elementa rerum materialium, substantiæ simplices (§. 182. *Cosmol.*), aggregantur (§. 221. *Cosmol.*), extensionis infinitæ seu illimitatæ possibilitatem demonstraturus, evincere teneretur, possibiles esse substantias simplices, quibus aggregatis oriatur in phaenomenis extensio infinita. Equis vero non videt, nisi in theoria elementorum prorsus alienus ac hospes sit, hanc probationem eam esse, quam non facile quis in se recipiet? Non igitur adeo facile est demonstrare, utrum extensio infinita sit possibilis, an impossibilis. Confunduntur hic imaginaria cum realibus, etsi *Spinoza* denominationem *Cartesianam* clare ac distinctæ perceptionis nauseatus fuerit, & vocabulum conceptus substituerit, ne, quæ imaginamur, confundere debeamus cum iis, quæ intelligimus, seu quæ ab intellectu tanquam vera comprehenduntur. Extensionem infinitam nunquam tanquam possibilem sumisset *Spinoza*, ac per eam infinitam Dei essentiam exprimi affirmasset, siquidem confusam perceptionem, quæ imaginationis est, cum distincta notione, quæ ab intellectu formatur, non confudisset. Non sufficit

nos extensionem corporum confuse sensu percipere, & dum eam in abstracto irraginamur, nullam in nobis sentire repugnantiam, dum extenso cujuscunque magnitudinis semper majus fingimus, seu pro arbitrio ponimus, ut inde inferamus extensionem infinitam esse possibilem, consequenter rem extensam infinitam possibilem esse. Admissio enim hoc probandi modo, nescio quid non probari poterit. Ecce enim non eodem modo probabitur, colorem infinitum, vel dulcedinem infinitam possibilem esse?

§. 694.

Corpora oriri nequeunt per modificationem attributi alicujus divini, infinitæ scilicet extensionis, nec in sensu Spinosæ (a de ortu dici possunt) modus, qui Dei essentiam, quatenus ut res extensa corporum, consideratur, certo & determinato modo exprimit. Etenim extensio ne quidem in sensu Spinosæ attributum Dei est (§. 691.). Quamobrem si vel maxime orirentur per modificationem extensionis infinitæ; dici tamen non posset, quod oriantur per modificationem alicujus attributi divini. Enimvero extensio nonnisi phænomenon est (§. 226. Cosmol.), nec pro realitate haberi potest (§. 689.), & omne corpus oritur ex eo, quod non est extensum (§. 223. Cosmol.). Quamobrem si vel maxime extensio esset attributum Dei, quemadmodum vult Spinosæ, prop. 2. part. 2. Ethic., dici tamen non posset, corpora oriri per modificationem alicujus attributi divini. Atque adeo pateret, corpora per modificationem attributi cujusdam divini, infinitæ nimirum extensionis, nullo modo oriri. Quod erat primum.

Quoniam Deus extensus esse nequit (§. 85. part. I. Theol. nat. & §. 38. part. II. Theol. nat.), immo ne quidem in sensu Spinosæ extensio attributum Dei esse potest (§. 691.); Deus quoque ne quidem per Spinosæ principia ut res extensa considerari potest, neque extensio infi-

nitam Dei essentiam exprimit. Corpora igitur nec in sensu *Spinoſæ* dici possunt modus, qui Dei essentiam, quatenus ut res extensa consideratur, certo & determinato modo exprimit. *Quod erat alterum.*

Extensio uniformis absque omnibus limitibus, hoc est, figuris spectata (§. 621. *Ontol.*), notio imaginaria est, qualem vulgus tribuit spatio in notione ejus imaginaria acquiescens (§. 599. *Ontol.*), & ob quam *Henricus Morus* eumque secutus *Josephus Raphſen* spatium pro attributo Dei habuit, infinitam ejus vereque interminatam, essentiam exprimente, placitis *Spinoſæ* conformiter (not. §. cit. *Ontol.*). Inter abortus itaque imaginationis referri debet ortus corporum per modificationem extensionis, quatenus nimirum per potentiam Dei extensioni inducuntur uniformi limites varii, sive figure diversæ. Nec video, quomodo non tandem in *Spinoſæ* sententiam abeat, qui extensionem pro realitate habet. Cum enim realitas omnis in gradu absolute summo possibilis sit (§. 12.), extensionem quoque infinitam possibilem agnosceret. Et quoniam Deo, centri perfectissimo (§. 14.), insunt omnes realitates in gradu absolute summo (§. 15.); eidem quoque facile tribuet extensionem infinitam tanquam attributum, per ipsam attributi veram definitionem (§. 146. *Ontol.*), utpote summam perfectionem, tanquam essentiam ipsius considerans (§. 168. *Ontol.*). Quod si ergo modificatione extensionis prodeunt corpora; cur præter extensionem, quæ Deo inest, admittere debeat adhuc extensionem aliam ipsi contradistinctam non videt, quemadmodum *Spinoſæ* accidit. Unde eidem haud difficulter assentitur, quod corpora oriantur attributo quodam divino, infinita scilicet extensione, per potentiam divinam modificato, atque hoc pacto in sensu *Spinoſæ* corpora non sunt nisi modus quidam, qui Dei essentiam, quatenus ut res extensa consideratur, certo & determinato modo exprimit, quemadmodum attributum, extensio nimirum infinita, consentientibus cum *Spinoſæ*, quemadmodum modo vidimus, *Moro* atque *Raphſenſi*.

finis, infinitam ejus vereque interminatam essentiam exprim-
mit. Atque adeo liquet; quam sit necesse extensionis notio-
nem consulam ad distinctam reduci, prouti fecimus in philo-
sophia prima (§. 548. *Ontol.*), & per eam extensionem corpo-
rum ex realitatum numero exiri, quemadmodum a nobis
factum (§. 226. *Cosmol.*), vero ejus fonte aperto (§. 221. *Cosmol.*
& §. 103. *Psych. rat.*).

§. 695.

Potentia Dei; per quam producuntur corpora juxta Spino- *Qualis sit*
nam; non est nisi potentia modificatrix. Etenim juxta *Spino-* *potentia cor-*
sam oriuntur corpora per modificationem attributi cujus- *porum pro-*
dam divini, infinitæ scilicet extensionis (§. 671.). *ductrix jux-*
obrem cum attributum Dei modificetur per potentiam *ta Spinosam.*
Dei, quatenus scilicet illimitato inferuntur limites, ut cer-
to & determinato modo exprimitur, quod per attribu-
tum ut infinitum & interminatum exprimitur, *per def. 1. part.*
z. Ethic. potentia Dei; per quam producuntur corpora, *non*
est nisi potentia modificatrix.

Nimirum *Spinoza* Deo tanquam substantiæ attribuit poten-
tiam, per quam sunt & fiunt omnia, cum alias rationem
sufficientem eorum, quæ dantur in universo, nullam habe-
remus, nec undenam sint omnia, intelligere possemus. Cum
vero potentiam creatricem tanquam gratis confictam rejice-
ret; Deo non reliquit nisi potentiam modificatricem, &
hanc sufficere arbitratus ad explicandum omnia, quæ sunt
atque fiunt in mundo materiali, seu universo corporeo. Et
sane ea de causa extensionem fecit attributum Dei, ut ortus
corporum absque potentia creatrice per solam modificatri-
cem explicari posset.

§. 696.

Spinoza potentiam naturæ facit potentiam Dei & nata-Spinoza error
nam omnem proprie sic dictam a corporibus, ex quibus mun- *circa natu-*
das constat, removet, seu naturam proprie sic dictam non nam-
ens

ens facit. Etenim potentia naturæ est potentia modificatrix (§. 853. *part. I. Theol. nat.*). Enimvero *Spinoza* potentiam Dei non facit nisi modificatricem (§. 695.). Naturæ adeo potentiam facit potentiam Dei. *Quod erat unum.*

Natura universa est aggregatum omnium virium motricium, quæ corporibus in mundo coëxistentibus simul sumtis insunt (§. 507. *Cosmol.*), & in ea continetur ratio, cur mutationes in mundo hæc potius contingant quam aliæ (§. 505. *Cosmol.*). Enimvero *Spinoza* non agnoscit nisi potentiam Dei, per quam modificatur extensio, attributum ipsius, ut prodeant corpora eorumque mutationes in mundo materiali (§. 671.), & eam potentiam modificatricem extensionis facit (§. 695.). Removet igitur naturam omnem proprie sic dictam a corporibus, ex quibus mundus constat (§. 119. *Cosmol.*), adeoque negans naturam proprie sic dictam existere posse, eam non ens facit (§. 137. *Ontol.*). *Quod erat alterum.*

Habet ea in re præeuntem *Cartesium*, qui cum extensionem pro essentia corporis haberet, seu attributo, qui eandem exprimit, ex notione autem extensionis, qualis ipsi erat, confusa non sequi animadverteret vim corporibus insitam, tanquam mutationum principium (§. 136. *Cosmol.*), utpote instar substantiæ a materia sive eo, quod est extensum (§. 141. *Cosmol.*) diversæ concipiendam (§. 301. *Cosmol.*); vim activam omnem corporibus abstulit & eam soli Deo tribuit. Quodsi vero corpora concipiuntur absque omni activitate, cum vis activa sit natura eorundem (§. 145. *Cosmol.*), natura non ens dicendum est (§. 137. *Ontol.*). Unde & *Robertus Boyle* naturam idolam vocat, quod non sine injuria in Numen supremum fingatur, & *Sturmius* vocabulum tanquam terminum inanem traducit. Atque adeo liquet, quam necessaria sit theoriæ elementorum cognitio in Cosmologia tradita, per quam constat, corporibus non minus vim activam

activam (§. 180. *Cosmol.*), quam extensionem tribuendam esse (§. 223. *Cosmol.*), & cur utraq; tanquam duæ substantiæ diversæ apparere debeant (§. 301. *Cosmol.*), cum ipsæ non sint nisi phænomena substantiata (§. 300. *Cosmol.*), quorum realitas est in elementis (§. 192. *Cosmol.*), præter quæ nihil in corporibus substantiale datur (§. 177. *Cosmol.*). Equidem *Spinosa in Schol. prop. 29. part. 1. Ethic.* naturam naturantem a natura naturata distinguit; sed essentiam & naturam cum *Cartesio* pro Synonymis habet, quemadmodum & vulgo essentia cum natura confunditur, ac confundere debent, quotquot naturam inter non entia referunt & idolum, quod supremi Numinis socium fit, pronunciant. Etenim naturam naturantem esse ait id, quod in se est, & per se concipitur, sive talia attributa, quæ æternam & infinitam essentiam exprimunt, hoc est, Deum, quatenus ut causa libera (ab omni scilicet coactione externa) consideratur; naturam vero naturatam id, quod ex necessitate Dei naturæ, sive uniuscujusque Dei attributorum sequitur, hoc est, omnes Dei attributorum modos, quatenus considerantur, ut res, quæ in Deo sunt, & quæ sine Deo nec esse, nec concipi possunt. Quamobrem cum ipsemet *des. 2. part. 2. Ethic.* ad essentiam rei id pertinere dicat, sine quo res & vice versa, quod sine re nec esse, nec concipi potest; equis non videt, cum Deum concipiendum esse contendat per attributa, quorum unumquodque æternam & infinitam essentiam exprimit (§. 672.), res vero, quæ præter Deum dantur, sive particulares nonnisi pro modis habeat, quibus Dei attributa certo & determinato modo exprimuntur, *per Cor. prop. 25. part. 1. Ethic.* & hinc corpus definiat per modum, qui Dei essentiam, quatenus ut res extensa consideratur, certo & determinato modo exprimit *des. 1. part. 2. Ethic.* omnem differentiam inter naturam naturantem & naturam naturatam non constitui in diversitate vis activæ rerum particularium atque Dei, sed in diversitate essentiæ rerum particularium & Dei? Ceterum qui naturam ab essentia minime distinguunt, eodem modo naturam cum Deo confundere dicendi

(Wolffii Theol. Nat. Pars II.)

U u u u

cendi

eendi sunt, quo *Spinoſa*, ſiquidem differentia, quæ ab eſſentia petitur, etiam ab eo admittitur, ſit ita, quod rerum hanc eſſentiam habentium actualitatem aliter explicet: neque enim quoad eſſentiam rerum, ſed quoad actualitatem inter *Spinoſam* & *Antiſpinoſiſta* diſſenſus eſt. Equidem & nos oſtendimus, unam eandemque vim animæ conſtituere & eſſentiam, & naturam ejus (§. 66. 67. *Pſych. rat.*): enimvero non minus evicimus, vim iſtam non uno eodemque reſpectu eſſe eſſentiam atque naturam ejusdem; ſed eſſentiam conſtituere quatenus ad tales potius, quam alias repræſentationes, tali potius quam alio ordine actuan- das reſtringitur; naturam vero quatenus easdem actuat (§. 68. *Pſych. rat.*), ut adeo per naturam ad actum perducantur, quæ per eſſentiam poſſibilia intelliguntur. Eſſentiam itaque animæ & naturam ejus ſufficienter a ſe invicem diſtinguimus, notioni ſcilicet utrique convenienter. Hanc vero ne in anima quidem differentiam admittere poteſt *Spinoſa*, utpote activitatem, ſeu potentiam, qua actuantur, quæ ſunt, ſoli Deo tribuens, & ex natura naturante in oppoſitione ad eſſentiam ſic dicta non ens faciens.

§. 697.

Impoſſibilitas exiſtentia duarum ſubſtantiarum ejusdem eſſentia a ſpinoſa.

Spinoſa non probavit in rerum natura non poſſe dari duas, aut plures ſubſtantias ejusdem natura, ſive attributi, prop. 5. part. 1. Eth. Etenim omne robur argumentationis, quæ nititur prætenſa demonſtratio huc redit, quod eadem a ſe invicem non diſtinguerentur, adeoque ens unum idemque forent. Quoniam attributum cum determinationibus eſſentialibus confundit (§. 679.); perinde eſt ac ſi affirmaret, duas ſubſtantias eandem eſſentiam communem habentes non poſſe per eſſentiam diſtingui. Enimvero id quidem inde eſt, quod attributum, per quod ex ipſius mente exprimitur eſſentia ſubſtantiæ, aut, rectius loquendo, entis (§. 673.), ſupponat tanquam quid illimitatum, aut de poſitis limitationibus originariis ſpectet, adeoque quatenus ſuperius aliquod genus, veluti corpus in genere, conſtituit.

Rituit, consequenter ens quoddam in universalī repræsentat (§. 230. *Ontol.*). Quoniam itaque universalīa non existunt (§. 235. *Ontol.*), sed tantummodo singularia, quæ omnimode determinata sunt (§. 226. 227. *Ontol.*), limitationes vero originariæ, quæ sunt determinationum essentialium & per quas essentialia rerum differunt, ipsi ita in hærent, ut ab iis inseparabiles sint (§. 894. 895. *part. I. Theol. nat.*); evidens omnino est, quod minime demonstraverit, duas aut plures substantias ejusdem naturæ, seu communem essentialitatem habentes in rerum natura dari minime posse.

Non est quod excipias, *Spinosam* non sumere substantiam in significato recepto (§. 683.), sed cum ente a se confundere (§. 684.), atque adeo perinde esse, ac si affirmasset, non posse dari duo entia a se, quæ eandem habent essentialitatem, id quod nihil contineat a veritate alienum. Etenim *Spinoza* principio hoc abutitur ad incrustandam hypothesein suam. Neque decet philosophum in definitionibus suis confundere, quæ distinguenda sunt, ut ambiguitas inferri permittat, quæ alias inde inferri minime poterant. Sane cum *Spinoza* extensionem habeat pro attributo, quod exprimit infinitam atque æternam substantiam; vi hujus propositionis sequitur, non dari nisi unicam substantiam extensam, eamque esse ens a se & continuis modificationibus per potentiam seu vim illius substantiæ prodire corpora. Unde porro deducitur, mundum esse æternum & ens necessarium, ac fatali seu immutabili necessitate in ea fieri omnia, nec in eodem finibus esse locum: quales conclusiones etiam inferri *Spinoza*. Quod si notionem entis a se atque substantiæ a se invicem discrevisset, quemadmodum par erat, & nonnisi impossibilitatem entium plurium a se demonstrasset, quæ eandem prorsus essentialitatem habent; ex confusione nullus metuendus erat error. Quamobrem necesse est, ut non admittantur tanquam demonstrata, quæ in recepto terminorum significato admitti nequeunt, sublata ambiguitate, quæ ad avia seducit. Error *Spinoze* inde est, quod omnes

limitationes pro modis habuerit, nec originarias, quæ determinationibus essentialibus per se inhaerent & per se, hoc est, non supposito alio concipiuntur, a mutabilibus non distinxerit, quæ variari possunt, illis manentibus iisdem, ac tacite supposuerit substantiam omnem esse debere infinitam, consequenter realitatem, per quam concipitur, limites omnes respuere.

§. 698.

*Contrarium
ostenditur.*

In recepto significato notioni substantia non repugnat, ut dentur plures ejusdem generis vel speciei: immo actu dantur. Etenim in recepto significato substantia & subjectum, cui insunt essentialia & attributa eadem, dum modi successive variant (§. 770. *Ontol.*). Genera & species eadem essentialia habent (§. 233. 234. 247. *Ontol.*), eadem quoque attributa & eorundem modorum possibilitates proximas & remotas conditionate enunciatas (§. 268. 269. *Ontol.*). Notioni igitur substantiæ in sensu recepto minime repugnat, ut dentur plures ejusdem generis vel speciei. *Quod erat primum.*

Anima quælibet substantia est (§. 48. *Pfych. rat.*) & eam existere in dubium revocari nequit (§. 21. *Pfychol. empir.*). Essentia animæ cujuslibet consistit in vi repræsentativa universi situ corporis organici in universo materialiter & constitutione organorum sensoriorum formaliter limitata (§. 66. *Pfych. rat.*), adeoque omnes essentiam eandem communem habent, consequenter cum singularia ejusdem sunt generis ac speciei, quatenus eadem essentialia habent (§. 254. *Ontol.*), ejusdem generis sunt vel speciei. Substantiæ igitur plures ejusdem generis vel speciei actu dantur. Similiter corpora sunt substantiarum simplicium aggregata (§. 176. *Cosmol.*), quæ elementa eorundem sunt (§. 182. *Cosmol.*). Elementa omnia esse ejusdem generis vel speciei ex tota theoria eorundem in Cosmologia tradita

data perspicuum est. Dantur igitur tot substantiæ ejusdem generis vel speciei, quot dantur elementa rerum materialium. Unde denuo liquet, plures substantiæ ejusdem generis vel speciei actu dari. *Quod erat alterum.*

Non est quod excipias, animas & elementa rerum materialium non esse substantias in significato *spinozino*. Ex enim *Spinoza* substantiam non sumit in significato recepto & ejus notioni tacite infert aseitatem (§. 684.). Debebat, vero vocabulum substantiæ sumere in significato recepto & demonstrare, si posset, in eodem substantiam omnem esse debere ens a se: quod nec probavit, nec probare potuit. Notionibus inferre ambiguus verbis, quæ iisdem inesse nequeunt, nec demonstrare earundem realitatem, quemadmodum fecit *Spinoza*, non modo methodi legibus repugnat; verum etiam errorum fons est (§. 631. *Log.*), ex errore uno in ipsa methodo demonstrativa, qua in adstruendo systemate suo uti voluit *Spinoza*, sequentibus pluribus (§. 628. *Log.*). Nemo igitur jure reprehender, quod ex principiis veris disputemus contra *Spinosam*, & notionum deceptricium falsitate detecta conclusionibus inde deductis propositiones per principia vera demonstratas opponamus, nisi optimam refutandi methodum rejicere velit (§. 1036. *Log.*).

§. 699.

Spinoza non demonstravit, substantiam unam ab alia sub-Impossibilitantia produci non posse, immo absolute ab alio produci non posse. - tas creationis
Demonstratur enim *prop. 6. part. 1. Ethic.* substantiam unam *nisi a Spinoza* non posse produci ab alia substantia ac inde in *ej. Coroll. II.* non demonstratur eam absolute ab alio produci non posse, supponit *strata*.
tamen demonstratum, in rerum natura non posse dari duas substantias ejusdem attributi, seu ejusdem essentiae, sive generis vel speciei. Enimvero hoc minime probavit *Spinoza* (§. 697.), quin potius contrarium demonstrari potest (§. 698.). Quamobrem cum demonstratum non sit,

Uuuu 3

cujus

cujus probationem ingrediuntur propositiones nondum demonstratæ (§. 498. *Log.*), adeoque multo minus demonstratum dici queat, si eam ingrediuntur propositiones, quarum contrariæ demonstrari possunt; evidens est, *Spinosam* minime demonstrasse, quod substantia una ab alia substantia produci nequeat, immo quod absolute ab alio produci minime possit.

Equidem *Spinoza* impossibilitatem productionis substantiæ unius ab altera etiam indirecte ostendere conatur, sed indirecta, quam dare prætendit, demonstratio directa firmitior non est. Ait enim, si substantia una ab alia produceretur, ejus cognitionem a cognitione causæ suæ pendere debere, quoniam *ax. 4. part. 1. Ethic.* sumit, effectus cognitionem a cognitione causæ dependere, hinc vero sequi, quod substantia non sit, *vi def. (§. 674.)*. Enimvero distinguendum utique est inter cognitionem possibilitatis, & inter cognitionem actualitatis. Quando enim in definitione substantiæ dicitur, quod per se concipiatur & hæc verba ita explicantur, quod entis illius cognitio non dependeat a cognitione entis alterius, ea aliud significare nequeunt, quam quod entis istius notionem habere ejusque possibilitatem demonstrare valeamus, etsi entis alterius notionem non præsupponamus, quemadmodum notionem trianguli æquilateri habere possumus ejusque possibilitatem demonstrare valemus, etiamsi animum ad alterius cujusdam figuræ notionem non advertamus, ut non concipiatur possibile, nisi quoque ea figura tanquam possibilis admitatur, consequenter ejus possibilitas præsupponat possibilitatem alterius. Enimvero causatum a causa dependet quoad actualitatem sive existentiam (§. 881. *Ontol.*), atque adeo per ea, quæ insunt causæ, intelligitur, cur ens istiusmodi, quod aliunde jam possibile esse constat, & quod possibile foret, etiamsi per impossibile daretur, causam non esse possibilem, actualitatem consequatur, consequenter cognitio actualitatis sive existentie cognitionem causæ præsupponit.

ponit. Quamobrem etsi admittas, substantiam recte defini-
niri per id, quod per se concipitur; ex eo tamen, quod ab
alio produci ponatur, minime sequetur, quod per se con-
cipi non possit. Quodsi *Spinosista* excipiat, addi in defini-
tione, quod substantia sit id, quod in se est, atque adeo
verba sequentia, & per se concipitur extendenda quoque
esse ad actualitatem; facilis est responsio. Probare nimi-
rum debebat *Spinosæ*, quod absque præsupposita possibili-
tate entis alterius intelligitur possibile, ejus actualitatem quo-
que seu existentiam cognosci posse (a priori scilicet, sive
per notionem ejus) non præsupposita existentia entis alte-
rius: quod vero quemadmodum *Spinosæ* probavit nullibi,
ita & probare minime potuit. Impingit autem in regulas
verioris Logicæ, quod in definitione cumulet, quorum
unum per alterum determinatur (§. 836. *Log.*) & verbi-
utatur ambiguus (§. 160. *Log.*), imo sumat tanquam con-
cessa, quæ demonstrari ante debent, quam concedi pos-
sunt. Ceterum cum *Spinosæ* impossibilitatem creationis si-
bi demonstrasse visus in propositione, qua substantiæ unius
productionem ab alia impugnat; per præsentem patet, im-
possibilitatem istam ab eo minime fuisse demonstratam,
neque adeo potentiam creatricem, quæ Deo tribuitur, in-
ter non entia posse referri.

§. 700.

Spinosæ non demonstravit, substantiam necessario existere. Aseitæ sub-
Etenim *prop. 7. part. 1. Ethic.* demonstraturus ad naturam *stantiæ a Spi-*
substantiæ pertinere, quod existat, supponit eam non posse *noscere non de-*
produci ab alio. Quamobrem cum non demonstraverit *monstrata-*
substantiam ab alio produci non posse (§. 699.); nec ab
eo demonstratum dici potest, quod ad substantiam naturæ
pertineat existere, seu quod substantia necessario existat.

Errat itaque, dum substantiam cum ente a se confundit
(§. 684.), tacite nimirum aseitate in notionem substantiæ
illata. Sane si notionem substantiæ consideres, quod scilicet
sit subiectum determinationum constantium & variabi-
lium

lium (§. 769. *Ontol.*), quarum adeo aliæ successive mutantur in alias ceteris manentibus iisdem (§. 762. *Ontol.*); ex eo minime inferre licebit, quod necessario existat. Et si nulla consequentia hoc inferre auderes; exemplo animarum atque elementorum erroris redargueris.

§. 701.

*Contrarium
demonstratur.*

Non omnis substantia necessario existit, seu essentia substantia existentiam necessariam minime involvit. Etenim elementa rerum materialium & animæ humanæ sunt entia contingentia (§. 331.). Quamobrem cum ens contingens existentia rationem sufficientem in essentia sua non habeat (§. 310. *Ontol.*); posita essentia elementorum & animarum humanarum nondum ponitur existentia eorundem (§. 118. *Ontol.*), adeoque eorum essentia existentiam necessariam non involvit. Enimvero elementa rerum materialium (§. 182. *Cosmol.*) & animæ humanæ substantiæ sunt (§. 48. *Psychol. rat.*). Substantiæ igitur essentia existentiam necessariam minime involvit, adeoque substantia omnis non necessario existit.

Ex iis etiam, quæ ad propositionem præcedentem annotavimus, jam liquet, notionem substantiæ existentiam necessariam minime involvere. Ambiguitas verborum *Spinoße* esse in se & esse in alio non modo nebulam offundit menti, verum etiam eandem perplexam reddit, ut, quomodo sese extricare possit, non videat. Quodsi vero quis notionibus ontologicis distinctis atque determinatis, quarum realitas in rebus ipsis conspicua, imbutum habuerit animum, quo minus veritatem perspiciat, nihil obstat. Quamobrem jam superius monui (*not.* §. 672.), definitiones *Spinoße* probe esse expendendas, præsertim cum in iis sumat, quæ non probat, nec probatione indigere existimat, propterea quod ea a se concipi arbitratur; id vero omne verum esse supponit, quod concipi potest. Qua etiam de causa singulas *Spinoße* definitiones ad examen revocavimus.

§. 702.

§. 702.

Spinoza non demonstravit substantiam omnem necessario infinitam esse infinitam. Etenim hoc demonstraturus supponit, non substantiam nisi unicam substantiam ejusdem attributi sive generis existere, ac terminari debere ab alia ejusdem naturae, sive essentiae, si fuerit finita. Enimvero nec demonstravit, substantias duas vel plures ejusdem naturae dari non posse (§. 697.), nec substantiam omnem necessario existere probavit (§. 700.); sed potius contrarium utriusque ostendi potest (§. 698. 701.). Et praeterea in definitione finiti, verba, quod terminetur alio ejusdem naturae vel essentiae, veluti cogitatio alia cogitatione, non modo ambigua sunt ac definitioni minus conveniunt (§. 685.); verum etiam si tolerabili sensu explicentur, in omni entium genere vera non sunt (§. 686.). Patet igitur ut ante (§. 697. 699.), a Spinoza demonstratum non esse, substantiam omnem necessario esse infinitam.

Liquet abunde errorem continuo serpere, quemadmodum fieri debere, si methodo demonstrativa uti volueris, constar (§. 628. Log.). Quamobrem ubi error latens in principiis & in propositiones primas irrepsit fuerit ostensus, sponte sua corruunt, quae inde porro deducuntur. Ipsemet Spinoza advertit, per demonstrationem suam haud facile admissum tri infinitudinem substantiae in genere: unde prolixo scholio eandem defensurus secus sentientes redarguit, quod de rebus confuse judicent, nec eas per primas suas causas noscere consueverint. Enimvero vidimus in superioribus, ipsummet Spinozam vitii hujus rerum (§. 687.), nimirum quod in confuse perceptis acquiescat: unde contigit, ut causas primas hypothese suae convenientes finxerit, non vero eas demonstraverit, quales revera sunt.

§. 703.

*Contrarium
evincitur.*

Substantia omnis non necessario infinita seu illimitata est. Etenim animæ humanæ substantiæ sunt (§. 48. *Pfych. rat.*), eademque finitæ (§. 264. *Pfych. rat.*), finitudine ad ipsam essentiam ejus pertinente (§. 265. *Pfych. rat.*). Elementa etiam rerum materialium substantiæ simplices sunt (§. 182. *Cosmol.*), eademque finitæ (§. 203. *Cosmol.*). Sunt igitur & animæ, & elementa rerum materialium substantiæ limitatæ (§. 173. *part. I. Theol. nat.*). Non igitur substantia omnis necessario infinita seu illimitata est.

Equidem *Spinoza* confidenter admodum in *Schol. 21. prop. 3. part. 1. Ethic.* pronunciat eos, qui substantiæ infinitudinem in dubium vocant, nescire, quomodo res producantur. Enimvero ex iis, quæ de origine rerum omnium ex Deo in sectione prima demonstrata sunt, satis superque contrarium apparet. Verum est, si ad causam primam omnia reduxeris, entia finita, quorum series est hoc universum (§. 55. *Cosmol.*), non posse concipi sine substantia infinita, quæ Deus est, adeoque cognitionem illorum præsupponere cognitionem hujus. Patet vero limitatione realitatum, quæ Deo insunt, nasci possibilia primitiva secunda (§. 91.), quorum combinatione essentia entium limitatorum resultant (§. 94.). Per has vero res limitatæ tantummodo intelliguntur possibiles (§. 153. *Ontol.*), nondum vero patet, cur existant (§. 172. *Ontol.*). Admittendum igitur aliud principium est, per quod existentia sive actualitas explicetur. Non jam urgeo, infinitas realitates, quæ sunt in Deo, spectari minime posse tanquam compositum ex omnibus realitatibus limitatis, quemadmodum facit *Spinoza*. De eo enim mox dicemus discretius.

§. 704.

Unicitas

Spinoza non demonstravit præter Deum nullam dari, neque substantiam que concipi posse substantiam, seu non dari substantiam nisi unam, eamque

De Paganismo, Manichaeismo, Spinozismo &c. 715

eamque infinitam. Etenim hoc demonstraturus supponit, *Spinoza non* duas substantias ejusdem attributi, seu essentiae, dari non *demonstrare* posse, & substantiam omnem esse infinitam, Deumque ex *12.* infinitis constare attributis. Enimvero *Spinoza* minime demonstravit, non posse dari duas vel plures substantias ejusdem attributi (§. 697.), substantiamque omnem esse infinitam (702.); sed contrarium potius ostendi potest (§. 698. 703.). Idemque in definitione sumit (§. 672.), nullibi vero probat attributa infinita inesse Deo. Paret igitur denovo, sicuti ante (§. 697. 699.); *Spinozam* minime demonstrasse, quod præter Deum nulla detur, neque concipi possit substantia, seu quod non detur substantia, nisi una, eaque infinita.

Unitas substantiae palmarium fundamentum est *Spinozismi* (§. 671.). Unde apparet, quam lubrico fundamento nitatur.

§. 705.

Quoniam jam ostendimus, in recepto significato non *Contrarii* repugnare notioni substantiae, ut dentur plures ejusdem *veritas* ag-
generis vel speciei, immo quod actu dentur (§. 698.), nec *certa*.
substantiam omnem necessario esse infinitam, seu illimitatam (§. 703.); *falsum omnino est, præter Deum nullam dari, neque concipi posse substantiam, seu non dari substantiam nisi unam, eamque infinitam* (§. 505. *Log.*).

Quodsi *Spinoza* ens a se a substantia satis distinxisset, quod ab ipso factum non esse constat (§. 684.), nec modos cum ente ab alio confudisset (§. 682.), ac finitudinem ab infinitudine rectius separasset, quam fecit (§. 677. 685.); in errorem parum communem de unitate substantiae ejusdemque infinitae non incidisset.

§. 706.

Realitas omnis infinita ac in specie cogitatio infinita non Spuriarum componitur ex realitatibus finitis, quae numero infinitae sunt. Itatis infi-

X x x x

Intel-

*nita notio,
explosa.*

Intellectus humanus, quem esse realitatem nemo in dubium vocare potest (§. 5.), limitatus est quoad modum repræsentandi objecta, quatenus scilicet non omnia in eodem discernibilia distinguere valet (§. 279. *Pfych. empir.*). Atque adeo intellectus illimitatus est, qui in quolibet objecto discernibilia distinguere valet (§. 468. *Ontol.*). Enimvero quotiescunque sumas intellectum, qui non omnia discernibilia distinguere valet, non tamen inde prodibit intellectus, qui omnia in quocunque objecto discernibilia actu distinguit, sed saltem multitudo intellectuum, quorum unusquisque omnia discernibilia in objecto distinguere minime valet, consequenter intellectus finitus infinito prorsus heterogeneus est (§. 364. *Ontol.*). Patet itaque realitatem omnem infinitam non componi ex realitatibus finitis, quæ numero infinitæ sunt. Quoniam cogitatio est perceptio cum apperceptione (§. 26. *Pfych. empir.*), perceptio autem actus mentis, quo objectum quodcunque sibi repræsentat (§. 24. *Pfych. empir.*); de eadem eodem prorsus modo patet, quod ex realitatibus finitis, quæ numero infinitæ sunt, minime componatur.

Notio hæc infiniti nonnisi imaginaria est, a qua sibi non cavet *Spinoza*, etsi alios continuo reprehender, quod imaginationem cum intellectu confundentes, quæ imaginamur ab iis, quæ concipiuntur, non distinguant. Etenim realitates, ut sic dicam, primarias nonnisi duas nobis cognitæ admittit, extensionem scilicet atque cogitationem. Quamobrem cum extensionis, quam perperam pro realitate habet (§. 689.), notionem nonnisi confusam haberet (§. 688.); infinitæ extensionis ideam sibi esse arbitratus, quod data quacunque magnitudine imaginari posset majorem, atque adeo extensionis infinitæ ideam prodire sibi visus est, data quacunque extensione finita seu limitatæ infinities replicata: quam notionem quantitatis infinitæ nonnisi imaginariam esse:

alibi

alibi dudum ostendimus (§. 804. *Ontol.*). Ad similitudinem extensionis infinitæ sibi quoque imaginatus est cogitationem infinitam, quasi ea continuata in infinitum additione cogitationis finitæ nascatur. Unde extensio infinita ex rebus extensis numero infinitis, & cogitatio infinita ex rebus cogitantibus numero infinitis componi ipsi visa fuit. Contra ea, quæ in præsentæ propositione demonstravimus. Quod si vero perpendisset, finitam rem concipi per limites eidem necessario inhaerentes; notionem infinitæ prolixe observasset limites omnis remotione. Quamobrem cum limites extensi figura sit (§. 621. *Ontol.*); non ante nobis esse extensionis infinitæ ideam agnovisset, quam ubi demonstratum fuerit, existere posse extensum, figura omni destitutum. Et quia cogitationis, seu actus repræsentationis possibilitatem in mente, quorum nobis conscii sumus (§. 23. *Ipsych. empir.*), limites sunt, quod non simul omnia repræsententur distincte; non ante sibi cogitationis infinitæ ideam esse intellexisset, quam ubi demonstratum fuerit, repræsentationem simultaneam omnium possibilitatum distinctam sive adequatam possibilem esse, seu existere subiectum, cui ea conveniant. Unde didicisset cogitationem infinitam nonnisi eminenter continere omnes cogitationes finitas seu limitatas conceptu possibiles, quatenus earum vicem supplet (§. 845. *Ontol.*).

§. 707.

Res cogitantes finitæ non oriuntur modificatione cogitationis infinitæ, tanquam attributi divini, nec dici possunt modos attributi divini, infinitæ scilicet cogitationis. Falsa, quæ Spinosa est, notio rerum cogitantium destructa.. Pone enim si fieri potest, res cogitantes finitas seu limitatas oriri modificatione cogitationis infinitæ, quæ tanquam attributum divinum spectatur; hoc est, tale quid, quod infinitam essentiam Dei exprimit, sive constituit (§. 673.). Quoniam ens oritur, dum existere incipit (§. 541. *Ontol.*); cogitans existit, dum cogitatio infinita modificatur, quæ tanquam attributum divinum Dei essentiam constituens spectatur,

XXXX 3;

&c.

& res cogitantes infinitæ existere debent, quatenus cogitatio ista infinitis modis modificatur. Res igitur cogitantes numero infinitæ simul sumtæ constituunt cogitationem infinitam, quæ Dei essentiam absolvunt, seu ea ex illis componitur. Quod cum sit absurdum (§. 706.); impossibile est, ut res cogitantes finitæ seu limitatæ oriantur modificatione cogitationis infinitæ, quæ tanquam attributum divinum spectatur. *Quod erat primum.*

Quoniam itaque res cogitantes finitæ non oriuntur modificatione cogitationis infinitæ, quæ tanquam attributum Dei spectatur *per demonstrata*; per se patet, quod dici nequeant modus attributi divini, infinitæ scilicet cogitationis. *Quod erat alterum.*

Si in notionem limitum, sine qua notio limitati satis distincta haberi nequit, & cogitationis infinitæ distinctam inquisivisset *Spinoza* nec a notione imaginaria extensionis infinitæ ad cogitationem infinitam argumentatus fuisset; haud difficulter animadvertisset, res cogitantes oriri minime posse limitatione cogitationis infinitæ, ita ut Deo actu infinite tanquam ad essentiam ejus pertinentes & absque eo conceptu impossibiles omni modo. Idea animæ, quatenus sibi conscia sui est, animæ essentialis, quæ cum limitata sit (§. 63. i *psych. rat.*), ideam cogitationis limitatæ habemus, ut phrasi *Spinoza* utar, etiam si nulla de Deo animum subeat cogitatio. Idea autem cogitationis infinitæ oritur, remotis limitationibus, quæ eidem insunt (§. 1095. *part. I. Theol. nat.*), & ejus realitas demonstratur ex eo, quod realitas omnis in gradu absolute summo possibilis sit (§. 12.). Quod vero animæ, rei cogitantis finitæ, existentia seu actualitas sine Deo concipi nequeat, hoc est, a priori demonstrari non possit, evicta ejus contingentia (§. 331.) demum constare potest (§. 335. 338.). Et ubi tandem ad primam causam, nempe Deum, reduceris omnia, ideæ quoque animæ a Deo dependentiam intelligere datur (§. 97.). Hoc pacto
autem

autem animæ sunt substantiæ finitæ, sine quibus equidem Deus existere potest, ast quæ sine Deo existere nequeunt. Et creaturæ a creatore doctrinæ receptæ convenienter distinguuntur, nec ab ea recedi opus est, quemadmodum visum fuit *Spinoza*. Unde denuo pater, lucem in maxime arduis doctrinis exspectari non posse nisi ab Ontologia, quam qui contemnunt, vel negligunt, vel levi saltem brachio tractant, ut summo acumine cœcutiant, mirum non est.

§. 708.

Corpora & anima non sunt in Deo tanquam partes in toto, Error Spinozæ dici possunt particula Dei. Ponamus enim si fieri potest, *scilicet circa non-* corpora & animas esse in Deo tanquam partes in toto. *tionem cor-* Quoniam partes omnes simul sumtæ idem sunt cum toto *porum &* (§. 341. *Ontol.*); corpora omnia simul sumta & animæ *animarum.* omnes simul sumtæ idem sunt cum Deo, seu saltem cum aliquo, quod Deo necessario existit, & sine quo Deus esse ac concipi nequit. Deus adeo corpora omnia animasque omnes actu in se continet tanquam ad essentiam suam pertinentes. Unde aliter id, quod Deo tanquam infinitum tribuitur, concipi nequit, quam quod actu in se contineat omnes modificationes, quæ non consistunt nisi in limitum variatione (§. 830. *Ontol.*), possibiles, consequenter tam corpora, quam animæ oriuntur in ipso Deo per modificationem attributi divini. Quoniam itaque nec corpora (§. 694., nec animæ oriuntur modificatione attributi cujusdam divini (§. 707.); nec illa, nec hæc in Deo esse possunt tanquam partes in toto. *Quod erat primum.*

Quoniam corpora & animæ in Deo non sunt, tanquam partes in toto *per demonstrata*; sua sponte hinc porro fluit, nec corpora, nec animas esse particulas Dei. *Quod erat alterum.*

Fuere inter philosophos veteres, qui animam dixere particulam mentis divinæ. Quod vero corpora non habuerint

buerint pro particulis Dei , ideo factum esse apparet , quod materiam , ex qua corpora constant , habuerint pro ente a se , quod Deo coeternum. *Spinoza* disertè in *Cor. prop. 11. part. 2. Etbic.* pronunciat , mentem humanam esse partem intellectus divini , & in *prop. 31. Et Schol. prop. 17. part. 1.* negat , intellectum actu , sive is finitus sit , sive infinitus ad naturam Dei pertinere , reprehendens eos , qui intellectum & voluntatem in attributis divinis numerant. Unde in *Cor. prop. 11. part. 2.* porro ait , cum dicimus mentem humanam hoc vel illud percipere , nihil aliud dici , quam quod Deus , non quatenus infinitus est , sed quatenus humanæ mentis essentiam constituit , hanc , vel illam habeat ideam , & cum dicimus Deum hanc , vel illam habere ideam , non tantum , quatenus naturam mentis humanæ constituit , sed quatenus simul cum mente humana alterius rei etiam habet ideam , tum dici , quod metis humana rem ex parte , sive inadæquare percipiat. Quoniam per *Cor. prop. 25. part. 1. Etbic.* res particulares omnes nihil sunt nisi modi , quibus Dei attributa certo & determinato modo exprimuntur , & in *prop. 2. part. 2. Etbic.* non minus extensio , quam in *prop. 1. part. eis.* cogitatio attributum Dei dicitur , seu Deus non minus pro re extensa , quam cogitante habetur , & corpora definiuntur *def. 1. part. 1. Etbic.* ut *Cor. prop. 25. part. 1.* per modum , qui Dei essentiam , quatenus ut res extensa consideratur , certo & determinato modo exprimit ; juxta *Spinosam* corpus quodlibet erit pars Dei , quemadmodum partem intellectus ipsius facit animam seu mentem humanam. Neque est quod verearis , ne mentem *Spinoze* perversa interpretatione immutemus , propterea quod substantia ad essentiam hominis non pertineat , *prop. 10. part. 1. Etbic.* sed ea constituatur a certis Dei attributorum modificationibus , *Cor. prop. eis.* atque idem eodem modo dicendum sit de corporibus & rebus cogitantibus , veluti animabus , in universum omnibus. Etenim *Spinoza* substantiam confundit cum ente a se (§. 684.) , adeoque substantia-

rialitatem dum tollit a corporibus & animabus, nonniſi aſeitatatem remover. Quamobrem ſi notio ſubſtantiaæ corrigatur atque uſui loquendi conformetur, citra injuriam dici poterat, *Spinoſam* corpora & animas partes ſubſtantiaæ divinae facere, ita ut ſubſtantiale nihil in iſtis deprehendatur, niſi quod pertineat ad ſubſtantiam divinam. Sed ne *Spinoſiſtis*, etſi præter rationem, conquerendi cauſam demus, quaſi iſtis imputemus a mente ipſorum aliena, a dictione abſtinere maluimus, quæ in ſignificatu recepto ab iis admitti debebat.

§. 709.

Spinoſa fataliſta univerſaliſta eſt. Etenim juxta *Spinoſa Fataliſmus ſam* in rerum natura nullum datur contingens, ſed omnia *univerſalis ex* neceſſitate divinae naturæ determinata ſunt ad certo *Spinoſa.* modo exiſtendum & operandum *per prop. 29. part. 1. Ethic.* & quicquid ex aliquo Dei attributo neceſſario ſequitur, id neceſſario exiſtit, *per prop. 12. part. 1. Ethic.* nec voluntas vocari poteſt cauſa libera, ſed tantum neceſſaria *per prop. 32. part. cit.* adeoque nec Deus operatur, ex libera voluntate, *per Cor. 1. prop. cit.* ut res nullo alio modo neque alio ordine a Deo produci potuerint, quam productæ ſunt, *per prop. 32. part. 1. Ethic.* Nec in mente eſt libera voluntas, ſed ea ad hoc vel illud volendum determinatur a cauſa, quæ etiam ab alia determinata eſt, & hæc iterum ab alia, & ſic in infinitum, *per prop. 48. part. 2. Ethic.* & homines tantummodo ſe liberos eſſe opinantur, quatenus ſuarum volitionum ſibi ſunt conſcii, & de cauſis, a quibus diſponuntur ad volendum, ne per ſomnium quidem cogitant, *per Ethic. prop. 36. part. 1. Ethic.* Patet igitur *Spinoſam* abſolutam rerum omnium in mundo neceſſitatem defendere, eamque ad ipſas actiones humanas extendere, negata libertate voluntatis humanæ. Quamobrem cum Fataliſta univerſaliſta ſit, qui omnem rerum abſolutam neceſſitatem defendit, eamque ad ipſas actiones humanas

(*Wolſii Theol. Nat. Pars II.*) Yyy exten-

extendit (§. 528.). *Spinoza* Fatalista est, isque universalista.

Non negant *Spinozistæ*, se esse Fatalistas, nec negant, se esse Universalistas: Fatalismum enim universalem tanquam veritati consentaneum defendunt. Unde etiam Fatalismus, præsertim universalis, cum *Spinozismo* confunditur, ita ut *Spinozistæ* appellentur, quibus fatalis necessitas per consequentiam imputatur. Quamvis vero Fatalismus universalis cum *Spinozismo* nexu indivulso cohareat; cum eo tamen idem non est (§. 528. 671.).

§. 710.

Fatalismus universalis *Spinoza* *Fatalem rerum omnium necessitatem nec demonstravit, nec demonstrare potuit.* Etenim *Spinoza* eam demonstraturus *prop. 16. part. 1. Ethic.* tuetur, ex necessitate divinæ naturæ sequi omnia, quæ sub intellectum infinitum cadere possunt & hinc *prop. 17.* infert, quod ex sola suæ naturæ necessitate agat, quia præter eam non existit aliquid, a quo ad agendum determinetur. Enimvero omnia ex divinæ naturæ necessitate sequi probat, quod ex data cujuscunque rei definitione intellectus concludat, quæ revera ex eadem, hoc est, ipsa rei essentia, necessario sequuntur. Hinc autem minime sequitur, quod infert. Etenim si cogitationis infinitæ (§. 707.) & extensionis notionem imaginariam non summisset, tanquam realem (§. 689.), & utramque Deo attribuisset tanquam attributum, quod infinitam ejus essentiam exprimit (§. 671.); minime hinc intulisset, quod omnia necessario inde sequantur. Sed si quæ animæ insunt realitates limitatas distincte cognovisset easque Deo in gradu absolute summo tribuisset (§. 70.), Deo competere intellectum infinitum agnovisset (§. 117. 118.), & ex eo tantummodo necessario sequi essentias rerum (§. 94.), seu quicquid possibile perspexisset (§. 327.);

(§. 327.) ; vidissetque intellectum & potentiam divinam non esse rationem sufficientem , cur ens quoddam finitum existat (§. 349.), neque adeo posito intellectu divino & posita potentia divina poni res finitas in actu (§. 118. *Ontol.*), sed simul requiri voluntatem Dei (§. 350.), camque liberrimam (§. 277.). Patet itaque absolutam rerum omnium necessitatem a *Spinoza* non esse demonstratam.

Enimvero animas humanas (§. 338.) totumque mundum libere creavit Deus (§. 354.), liber ab omni etiam coactione interna (§. 355.), ex pluribus possibilibus hunc eligens (§. 356.), ac ens finitum omne (§. 330.), tam anima (§. 331.), quam mundus ens contingens est (§. 332.), nec quæ existunt , nisi contingenter existunt (§. 334.), ipseque naturæ ordo nonnisi contingens est , ab absoluta necessitate liber (§. 561. *Cosmol. & not.* §. 761. *part. I. Theol. nat.*). Quamobrem per se patet, cum verum esse debeat, quod demonstratur (§. 544. *Log.*), absolutam rerum necessitatem a *Spinoza* demonstrari minime potuisse.

Quæ ex notione liberæ voluntatis concluduntur, ea quidem ex eadem necessario sequuntur , quia libertati voluntatis convenire debent , quæ eidem tribuuntur. Minime autem hinc sequitur, quod voluntas ipsa libera esse nequeat, aut alia ipsi competere nequeat libertas nisi a coactione externa, qualem solam agnoscit *Spinoza*, dum Deum solum causam liberam esse tueretur. Videmus adeo *Spinoze* Fatalismum dependere a definitionibus suis, quas in gratiam hypotheseos suæ confictas multiplici defectu laborare supra notavimus.

§. 711.

Spinozismus falsa hypothesis est. Etenim juxta *Spinoza* Falsitas hypotheseos non datur nisi unica substantia, infinitis attributis prædita, quorum duo sunt cogitatio & extensio in-

Yyy 2

finita

finita & quorum unumquodque æternam & infinitam essentiam exprimit; entia vero finita oriuntur necessaria modificatione istius substantiæ, nempe Dei, attributorum, veluti animæ modificatione infinitæ cogitationis & corpora modificatione extensionis infinitæ (§. 671. 672.). Enimvero *Spinoza* non demonstravit, præter Deum nullam dari, neque concipi posse substantiam, seu non dari substantiam nisi unam eamque infinitam (§. 704.), sed dantur utique in recepto vocabuli significato substantiæ plures finitæ (§. 705.). Extensio ne in sensu quidem *Spinoze* attributum Dei esse potest (§. 691.), & errat *Spinoza*, dum Deum esse rem extensam contendit (§. 692.), nec corpora oriri possunt per modificationem extensionis infinitæ, instar attributi divini spectatæ, nec in sensu *Spinoza* dici possunt, modus, qui Dei essentiam, quatenus ut res extensa consideratur, certo & determinato modo exprimit (§. 694.). Nec res cogitantes finitæ, veluti animæ, modificatione cogitationis infinitæ, instar attributi divini spectatæ, oriuntur, nec dici possunt, modus attributi divini, infinitæ scilicet cogitationis (§. 707.). *Spinoza* denique nec demonstravit, nec demonstrare potuit absolutam rerum omnium necessitatem, sublata penitus omni contingentia & libertate voluntatis (§. 710.), adeoque omnia, quæ sunt, non necessario sequuntur ex attributis divinis. Paret itaque hypothesein falsam esse Spinosismum (§. 505. Log.).

Per nostrum adeo systema corrui Spinosismus, cui ipsum e diametro oppositum, ut adeo impossibile sit, ut, qui nostris principiis imbutum possidet animum, in errorem istum incidat. Quin potius nemo rectius & felicius Spinosismum oppugnabit, quam si nostris principiis armis utatur. Enimvero dum hypothesein *Spinoza*, qua nituntur cetera omnia, quæ

De Paganismo, Manichæismo, Spinosismo &c. 725

quæ sibi propria habet, confutavimus; eo ipso sua sponte in auram abeunt ceteri ejus errores omnes, qui inde fluunt, ut adeo opus non sit iis discutiendis operam ullam impendi. Lubet tamen aliquos notare.

§. 712.

Errat Spinoza, dum nullos dari in rerum natura fines Fines ex contendit, seu causas finales nihil esse pronunciat in Appendi- universo a ce ad part. 1. p. 36. nisi humana figmenta. Etenim id in *Spinoza* perferat ex eo, quod omnia naturæ æternæ quadam necessitate peram relete procedant: quod cum nec demonstraverit; nec demon-gati. strari possit (§. 712.), nec tanquam vera admitti potest conclusio, quæ ex principio falso infertur (§. 407. Log.). Immo cum contrarium ostenderimus (§. 608. 645. 648. & seqq. part. 1. Theol. nat.); *Spinoza* affirmat, quod negandum erat (§. 205. Log.). Quamobrem cum erret, qui affirmat, quod erat negandum (§. 624. Log.); *Spinoza* errat, dum fines omnes e rerum natura arceat, eosque nil nisi humana figmenta esse pronunciat.

Cum finibus *Spinoza* sapientiam Dei tollit (678. *Psych. rat.*), quam nullam esse agnoscit, sed inter humana figmenta refert: qui quam pietati noxius sit error, suo tempore abunde constabit, quando praxin officiorum erga Deum demonstraturi sumus.

§. 713.

Errat Spinoza, dum miracula in numerum impossibilium Miraculo- refert. Quoniam *Spinoza* Fatalista est & quidem universa- rum impossi- lista, fatalem rerum omnium necessitatem, sublata omni bilitas falso rerum contingentia & libertate agendi, ex ipso Deo de- a *Spinoza* as- ducens (§. 709.); nil quicquam aliter fieri potest, quam *serta*. quod fit: unde & *prop. 33. part. 1. Ethic.* tuetur, res nullo alio modo, neque alio ordine a Deo produci potuisse,

Y y y y 3

quam

quam productæ sunt, & in *Cor. 1. prop. præced.* negat Deum operari ex libera voluntate. Impossibile igitur juxta ipsum est, ut in rerum natura existat effectus, cujus causa naturalis sufficiens minime existat. Quamobrem cum miraculum non contingat, nisi quando naturales deficient causæ actum ejus, quod possibile est, determinantes (§. 518. *Cosmol.*); juxta *Spinosam* impossibile est, ut unquam miraculum aliquod contingat, adeoque miracula in numerum impossibilium refert. Enimvero Deus potest tacere miracula, quotiescunque vult (§. 363. *part. I. Theol. nat.*). Patet igitur ut ante (§. 712.) errare *Spinosam*, dum miracula in numerum impossibilium refert.

Miracula ex necessitate absoluta ordinis naturæ, cujus contingentiam ab eadem liberam non adstruximus (§. 561. *Cosmol.*), impugnat *Spinoza* ex instituto in *Tractatu Theologico-Politico c. 6. p. 68. Et seqq.* & miraculum nihil aliud significare contendit, quam opus, cujus causam naturalem exemplo alterius rei insolitæ explicare non possumus, vel saltem ipse non potest, qui miraculum scribit aut narrat, ut adeo menti ejus convenienter miraculum definiri debeat per effectum naturæ insolitum, cujus causam ignorat vulgus. Non igitur eidem per consequentiam imputamus, quod diserte respuit, sed quod tanquam verum defendit, utpote probe gnarus, quænam ex hypothesi sua consequantur. Unde & eidem convenienter p. 76. infert, omnia, quæ in Scriptura narrantur, miracula naturaliter contigisse, & quomodo contigerint exemplis nonnullis docere audet, tanta quidem in hypothesin suam confidentia, ut p. 77. tandem concludere non erubescat, si quid in Scriptura reperiatur, quod apodictice demonstrari potest, legibus naturæ repugnare, aut ex iis consequi non potuisse, plane credendum id a sacrilegis hominibus sacris literis adjectum esse. Unde intelligitur, quam noxius sit *Spinosismus*, & quam necessarium fuerit, clarissime ostendi, quam

lubrico

lubrico nitatur fundamento : id quod in antecedentibus & me factum confido. Ceterum cum ex iis ipsis, quæ de hypothefi impia in anterioribus demonstravimus, intelligatur, latentes in Spinozismo errores fundamentales distincte vix percipi posse, nisi ab eo, qui notionibus ontologicis distinctis ex ipsis rebus derivatis imbutus est ; quam sit necesse ut in Ontologiae studio operam indefessam collocemus, vel me tacente intelligitur. Quamobrem & data occasione monuimus, & denuo inculcamus, cum inculcari satis non possit, neglectum philosophiæ primæ *Spinozæ* obstitisse, quo minus errores fundamentales, unde ceteri profluunt, animadverteret, eundemque ob stare debere, quo minus alii Scripta *Spinozæ* legentes sese expediant difficultatibus, quibus intrlicantur, præsertim ubi methodi non satis fuerint gnari.

§. 714.

Spinozista irreligionarii sunt, seu nulla ipsis est religio. Et-Religionis enim Spinozistæ fatalistæ sunt & quidem universalistæ (§. per Spinozistam 709.). Enimvero si fatalista fuerit universalista, irreligionarius est (§. 571.). Ergo etiam Spinozistæ irreligionarii sunt.

Ad Spinozismum nimirum applicari potest demonstratio, qua per fatalismum universalem religionem omnem tolli evicimus. Juxta *Spinosam* Deo nulla relinquitur in agendo libertas, cumque nulla concedatur sapientia (§. not. §. 712.), nulli admittantur in rerum natura fines (§. cit.); nec Deo competit directio eorum, quæ in universo contingunt, ad certos fines. Quamobrem cum ista directio sit gubernatio divina (§. 899. part. 1. Theol. nat.); Deus universum juxta *Spinosam* minime gubernat, atque adeo *Spinoza* tollit, quod præcipuum in providentia divina (§. 922. part. 1. Theol. nat.). Qui hæc perpendit, facile percipiet, quod in Spinozismo religio non subsistat. Quamvis enim cognitionem Dei in prop. 28. part. 4. Ethic. plurimum commendat ; non tamen in hac cognitione magis

cukus

cultus quidam consistit, quam in cognitione naturæ, cui sedulam navamus operam, quia eadem delectamur. Et sane constat, *Spinosam* summum hominis bonum in cognitione veritatis theoretica quævisse, & ex ejus hypothefi Deum cognoscere idem esse, ac res naturales per causas suas cognoscere. Unde denuo apparet, quam noxius sit *Spinosismus*, utpote religioni omni inimicus. Qui animum *Spinosæ*, quò erga religionem affectus fuit, noscere voluerit; Tractatum ipsius theologico - politicum evolvat. Nostrium non est eundem hic depingere vivis coloribus.

.. §. 715.

Obligatio divina ad actiones committendas, malas vero omittendas. Enim *Spinosista* fatalista est, isque universalista (§. 709.). Enimvero si fatalista fuerit universalista, obligationem divinam *Spinosismum* sub-tollit (§. 544.). Ergo *Spinosista* obligationem divinam tollit.

Nimirum *Spinosistæ* voluntatem animæ liberam esse negant, adeoque ex eorum hypothefi homo necessario agit, quæ agit, & per causas naturales ad sic non aliter agendum determinatus est, nec seipsum indeterminatum reddere potest: immo cum omnia tandem a Deo sic non aliter determinantur, nec Deus quicquam aliter determinare possit, quam determinatum est; in *Spinosismo* ne fingere quidem licet obligationem divinam. Hoc tamen non obstante, *Spinosæ* largitur, præstare si homo ex ratione vivat, quam si vitam rationi contrariam ducat: sit ita, quod neget, hominem ex libera voluntate actiones suas rationi conformare. Et cum hominem, qui secundum rationem vivit, perfectiorem judicat altero, qui rationi contrariam agit vitam. Immo constat, ipsum *Spinosam* egisse vitam admodum sobriam, ad intervendum aliis fuisse pronum & a lædendis aliis procul remotum. Ceterum quæ hinc fluunt consequentiæ veritatis & praxi morum inimicæ, si omnis obligatio divina ad actio-

De Paganismo, Manichæismo, Spinoſismo &c. 729

actiones alias committendas, alias vero omittendas, cenſeatur nulla, nec homini relinquatur aliter, quam vivit, vivendi poteſtas, noſtrum in præſenti non eſt docere, cum nulla mentis perſpicacia animadvertantur.

§. 716.

Spinoſiſmus ab atheiſmo parum diſtat, & æque noxiuſ eſt, Spinoſiſmi immo certo reſpectu magis nocet, quam atheiſmus. Eſti enim cum atheiſmo *Spinoſa* admittat Deum, omnium rerum cauſam primam & mo compa-unicam (§. 672.): quoniam tamen negat ipſum eſſe ſa-*ratio.* pientem (*not.* §. 712.) & ex libera voluntate agere (*nat.* §. 709.), ac univerſum hoc gubernare (*not.* §. 714.), & corpora ac animas &, ſi quæ ſunt, res cogitantes alias, in eodem eſſe tanquam partes in toto ſtatuit (*not.* §. 708.); Deum fingit a vero Deo, qui ſapientia ſumma (§. 640. *part. I. Theol. nat.*) & voluntate libertiſſima præditus (§. 431. *part. I. Theol. nat.*), univerſum hoc ſapientia ſua gubernat (§. 902. *part. I. Theol. nat.*), & in quo animæ ac corpora, &, ſi quæ præterea dantur, res cogitantes, non exiſtunt, quemadmodum partes in toto (§. 708.), proſuſ diverſum. Perinde igitur eſt, ac ſi Deum verum exiſtere negaret. Quamobrem cum atheuſ ſit, qui Deum exiſtere negat (§. 411.); Spinoſiſmum ab atheiſmo parum diſtare patet. *Quod erat primum.*

Porro Spinoſiſmus tollit omnem religionem (§. 714.) atque obligationem divinam ad certas actiones committendas, alias vero omittendas (§. 715.), perinde ac atheiſmus (§. 516. 539.). Quoniam itaque atheiſmus noxiuſ eſt, quatenus per eum religio omniſ atque obligatio divina ad certas actiones committendas, alias vero omittendas tollitur, quin Spinoſiſmus æque noxiuſ ſit ac atheiſmus nullo modo dubitari poteſt. *Quod erat ſecundum.*

(*Wolſii Theol. nat. Pars II.*)

Zz zz

Enim-

Enimvero cum Spinosismo indivulso nexu cohæret fatalismus universalis (§. 709.). Quamobrem cum per fatalismum universalem fatalis necessitas ad omnes omnino hominum actiones extendatur (§. 528.), cum atheismo autem fatalismus universalis non necessario connectatur (§. 531.); praxi morali magis obstat Spinosismus, quam Atheismus in se spectatus, cui quippe nonnisi per accidens fatalismus universalis accedit. Quoniam itaque atheismus noxius est, quatenus praxi morali obstat, quemadmodum pluribus docebimus suo loco; evidens omnino est, Spinosismum certo respectu magis noxium esse, quam atheismum. *Quod erat tertium.*

Quodsi quis luculentius cognoscere voluerit, quantum interlit inter Deum verum & eum, quem fingit *Spinoza* & speciosa definitione ornat (§. 672.), quæ anguem in herba latentem fovet; quæ de Deo vero tum in systemate, tum superius in sectione prima demonstrata sunt, cum Spinosismo conferat: ita nimirum patebit, quænam eidem repugnent, & quænam de Deo neganda sint illo admissio, consequenter constabit, quam exiguus sit illorum dogmatum numerus, quibus in *Spinosismo* sua relinquitur veritas. Atque ea de causa factum est, ut unanimi omnium consensu athei existimentur Spinosistæ & Spinosismus pro impia hypothesis habeatur, cumque autores alii, quibus atheismi labe fuit adpersa, nacti fuerint suos defensores, nemo tamen hucusque extiterit, qui eandem a *Spinoza* abstergere ausus fuerit. Quin potius Ethica *Spinoza* unicum systema atheismi, quod publice prostar, agnoscitur: cujus adeo fundamentum subvertere nostrum esse judicavimus.

§. 717.

*Epicureismi
definitio.*

Epicureismus est opinio, qua negatur intrinseca actionum honestas & turpitudine atque obligatio divina ad alias actiones committendas, alias vero omittendas. Unde *Epicurei* dicuntur, qui hanc opinionem fovent.

Nomen

Nomen habet Epicureismus ab *Epicuro*, philosopho, qui providentiam divinam negasse & quod cæco fato regantur omnia statuisse dicitur. Unde per consequentiam ipsi imputatur, quod homini vivere liceat, prout lubet, Deusque parum curet, quid faciat, & summum bonum existimavit voluptatem corporis. Hinc contigit eos, qui summum bonum in voluptate corporis collocantes intemperanter vivunt & in quævis scelera proni ruunt, nisi quatenus pœnarum metu coërcentur, Epicurei dicantur. Defendit *Epicurum* lib. 1. *Ethic.* c. 2. f. 678. & seqq. Tom. 2. Oper. *Gassendus* ostendens, philosophum non de voluptate corporis, sed animi fuisse locutum & ipsummet temperanter vixisse. Nos citra infamiam philosophi nomen retinuius, tanquam terminum receptum, de ipsa *Epicuri* mente parum solliciti. Cum vero in Theologia naturali de errore theoretico agendum sit, qui respectum ad Deum involvit, error autem practicus, quasi vivere liceat, prout lubet, consequenter actiones omnes referendæ sint ad id, quod delectat, seu ad bonum jucundum, ex eo sequatur, quod actionum honestas & turpitude nulla sit, nullaque Dei ad alias committendas, alias vero omittendas obligatio; igitur nobis hanc opinionem Epicureismi nomine insignire libuit. Etenim qui agnoscit alias actiones sua natura esse honestas, alias vero turpes, & nos a Deo ad illas committendas, has vero omittendas obligari; is non vivendum esse statuet, prout sua unumquemque trahit corporis voluptas. Nemini circa significatum vocabuli nos licem movebimus, neque de eodem cum aliis contendemus: sufficit constare, quo in sensu de Epicureismo hic agatur tanquam errore veritati Theologiæ naturalis opposito. Neque vero est, quod verearis confundi Epicureismum cum atheismo practico. Etenim atheus practicus non negat obligationem divinam; sed ejus parum memor agit, quæ eidem contrariantur (§. 502.): unde error ejus non in theoria, sed in praxi consistit. Atheus practicus novit, se agere quæ Deo displicent; hoc tamen parum curat: at Epicureus negat,

displicere Deo, quod agat, sed ipsi perinde esse, quomodo-
docunque vivat homo. Equidem in hoc cum Deista sen-
tit, qui similiter obligationem divinam tollit (§. 539.): enim-
vero quoniam cum Deismo non necessario cohaeret nega-
tio moralitatis intrinsecæ actionum (§. 537.), in eo Deista
ab Epicureo differt. Quodsi vero honestatem ac turpitu-
dinem intrinsecam ab actionibus humanis removeret, Epicu-
reismum cum Deismo conjungit erroribus duobus in unum
compactis, quos tamen a se invicem distingui opus est, ubi
de iis sententiam dicere volueris. Quoniam plures dantur
errores, qui sibi mutuo minime contrarii in eodem subje-
cto simul locum habere possunt; de iis non statuendum est
ex subjectis, qui iisdem imbuti sunt, sed ex seipsis; ita ut
pro diversis habeantur, quorum unus absque altero esse
potest, sit ita quod subinde alter uni necessario cohaereat,
quemadmodum Spinosismus cum fatalismo universali ne-
cessario nexu cohaeret, utur hic absque illo esse possit. Vi-
des adeo in separandis a se invicem erroribus majore acu-
mine opus esse, quam vulgo putatur: quod tamen discrim-
men attendi debet, nisi in iis confutandis summa imis mi-
scere volueris.

§. 718.

*Quomodo
Epicurei
actiones suas
determi-
nent.*

*Epicurei existimant licere homini actiones suas determina-
re ex suo arbitratu, nisi quatenus lege civili prohibentur.* Cum
enim non admittant intrinsecam actionum honestatem ac
turpitudinem (§. 717.); in se spectatas omnes pro indif-
ferentibus habent, easque demum moralitatem consequi
ex lege censent, quatenus præcipiantur, vel prohibentur.
Quoniam itaque obligationem divinam ad actiones alias
committendas, alias vero omittendas nullam esse sibi per-
suadent (§. cit.), absque obligatione autem nihil præce-
ptum (§. 984. part. I. Theol. nat.), nihil prohibitum intel-
ligitur (§. 985. part. I. Theol. nat.); quoad Deum actiones
omnes indifferentes statuunt, easque demum censerı bonas

nas

nas vel malas, prout lege humana, seu civili præcipiuntur aut prohibentur. Quamobrem nisi lege civili quid prohibeatur, homini licere existimant actiones suas determinare ex suo arbitratu.

Suprema lex Epicureorum est: Quod lubet, licet. Unde lex civilis, quando libidini propriae obstat, videtur jugum, quod excutere mallent, si possent. Neque ulla ejus reverentia tenentur, & contra eam delinquere religioni sibi minime ducunt, modo non esse existiment, quod sibi a pœnis metuant, vel pœnæ periculum subire potius ducant, quam actionem, ad quam propendet animus, omittere. Quemadmodum itaque officium boni hominis parum curant; ita ab officio boni civis alieni sunt, nihil quatenus coacti agunt, quod boni civis officium est, animo in contrarium propendente. Ceterum non puto fore quenkum, qui existimet, in numerum Epicureorum a nobis referri eos, qui mortalitatem actionum intrinsecam negant, adeoque ante legem actiones omnes tanquam indifferentes spectant. Quodsi enim obligationem divinam ad actiones alias committendas, alias vero omitteudas agnoscunt; eo ipso ab Epicureis secedunt, nec cum iisdem arbitrantur, licere homini actiones suas determinare ex suo arbitratu, nisi quatenus obstat lex humana. Quamvis vero non minus aberrant, quam Epicurei, & veritas magis respondeat praxi, quam error; facta tamen erroris ab Epicureis extensio praxi multo magis nocet, quam illorum error. Sed hæc demum clarissime patebunt in philosophia practica, præsertim morali, ubi virtutis indoles penitus fuerit perspecta.

§. 719.

Quoniam homo obligatur ad actiones liberas non ex *Error Epicureorum* suo arbitratu, sed secundum voluntatem Dei determinan- *reorum de* das (§. 974. *part. I. Theol. nat.*); *Epicurei existimantes licere vivendi li-* homini actiones suas ex suo arbitratu determinare, nisi quatenus *centia nota-* lege civili prohibentur, errant (§. 623. *Log.*). *tus.*

Vides adeo Epicureorum vivendi licentiam jam in systemate a nobis fuisse confutatam, eandemque dogmati Theologiæ naturalis contrariari, ut hic loci nobis noranda veniat, ubi errores doctrinæ Theologiæ naturalis adversos & praxi noxios propulsare constituimus. Absit igitur, ut quis sibi persuadeat confutationem Epicureismi esse a præsentē instituto alienam.

§. 720.

Epicureorum de dominio Dei sententia.

Epicurei Deum faciunt dominum indulgentissimum, non vero dominum Dei negant. Etenim cum negent intrinsicam actionum moralitatem, atque adeo easdem indifferentes esse arbitrentur, antequam præcipiuntur, vel prohibentur; obligationem divinam nullam esse contendunt ab alias committendas, alias vero omittendas, non quod jus Dei aliquid præcipiendi, vel prohibendi in dubium vocent, sed quod Deum nihil eorum, quæ in se indifferentia sunt, præcipere vel prohibere velit, præter omnem necessitatem jugum impositurum hominibus (§. 717.). Quoniam itaque Deo, quatenus est hominum Dominus, de actionibus eorum pro arbitrio suo disponendi jus est (§. 959. part. I. Theol. nat.); eo, quod negant obligationem divinam ad certas actiones committendas, alias vero omittendas, dominium ejus in dubium minime vocant. *Quod erat unum.*

Enimvero quia Deus summe bonus est, ita ut bonitatem majorem concipi repugnet (§. 699. part. I. Theol. nat.), adeoque in homines tantundem boni confert, quantum datur (§. 698. part. I. Theol. nat.), eosdemque amat (§. 700. part. I. Theol. nat.), actiones vero omnes in se indifferentes sunt ex hypothese Epicureorum (§. 717.), consequenter Deus permittere potest, ut homo actiones suas ex suo arbitratu determinet; nulla ipsis videtur ratio, cur quasdam

quasdam actiones præcipere, quasdam vero prohibere velit, bonitati autem divinæ convenire arbitrantur, ut actiones omnes pro suo arbitratu ab hominibus determinari permittat. Atque adeo Deum dominum faciunt indulgentissimum. *Quod erat alterum.*

Ex hypothesi actionum indifferentiæ de Deo argumentantur Epicurei humano more, propterea quod vident dominum permittere servo, quem amat, ut faciat, quod vult, ne ipsum privare videatur voluptate, qua frui poterat. Quamobrem si ostendatur, actionum indifferentiam esse falsam; omnis argumentatio sua sponte in auram abit.

§. 721.

Errat Epicureus, dum sibi persuadet bonitati divinæ non Error Epicurei repugnare, ut homines actiones suas pro arbitratu determinare reorum circummittat, non vero ad quasdam committendas, ad alias vero ea indulgentiam obliget. Etenim præcepta Dei ac prohibitiones etiam Dei. a bonitate ejus proficiunt (§. 992. part. I. Theol. nat.) & huic tribuendum, quod homines ad actiones quasdam edendas, alias omittendas obliget (§. 975. 991. part. I. Theol. nat.). ac ideo Dominus summe bonus est (§. 997. part. I. Theol. nat.). Quamobrem cum impossibile sit, ut idem simul sit & non sit (§. 28. Ontol.); falsum est bonitati divinæ non repugnare, ut homines actiones suas pro arbitratu suo determinare permittat, nec eos ad certas actiones committendas, alias vero omittendas obliget. Errat igitur Epicureus, dum hoc sibi persuadet (§. 623. Log.).

Plurimum refert noscere differentiam, quæ inter actiones honestas & turpes intercedit, intrinsicam, ut quis absurditatem Epicureismi intime perspiciat. Etenim argumentatio, quæ a bonitate divina deducitur, speciem omnem statim amittit, ubi ad illam animum adverteris. Quamobrem cum ex universo jure naturali eadem clarius pateat; absurdum.

absurditas quoque Epicureismi per idem constabit luculentius. Notandum vero est, Epicureismo etiam deditos esse posse, qui in arbitraria actionum determinatione prudentiæ locum relinquunt.

§. 722.

Falsitas Epicureismi.

Epicureismus falsa opinio est. Etenim Epicurei negant intrinsecam actionum honestatem ac turpitudinem atque obligationem divinam ad actiones quasdam committendas, alias vero omittendas (§. 717.). Enimvero ipse atheus admittere tenetur differentiam inter actiones malas & bonas, quatenus moraliter spectantur, seu negari nequit boni ac mali discrimen, in actionibus hominum, etiam si per impossibile ponatur, non dari Deum (§. 500.), adeoque falsum est nullum dari (§. 505. *Log.*). Nec minus falsum est, Deum hominem non obligare ad actiones non suo arbitratu, sed juxta voluntatem ipsius determinandas (§. 987. *part. I. Theol. nat.*). Patet itaque Epicureismum esse opinionem falsam.

Per nostrum adeo systema corrui Epicureismus, nec magis cum eo consistere potest, quam estores ceteri, quos in hac sectione secunda atro carbone notavimus. Omnes adeo hosce scopulos felicissime evitabit, quicumque systema nostrum animo complectitur.

Finis Partis II. Theologia Naturalis.



INDEX

CONSPECTUS.

PARTIS II. THEOLOGIÆ NATURALIS.

SECTIO I.

Qua existentia & attributa divina a priori demonstrantur.

CAPUT I.

De Notione entis perfectissimi & ejus existentia, I

CAPUT II.

De Intellectu Dei, 51

CAPUT III.

De Voluntate Dei, 175

CAPUT IV.

De Creatione, Providentia & Potentia Dei, 275

SECTIO II.

De Atheismo aliisque agnatis Erroribus.

CAPUT I.

De Atheismo, 369

CAPUT II.

De Fatalismo, Deismo & Naturalismo, 509

CAPUT III.

De Anthropomorphismo, Materialismo & Idealismo, 564

CAPUT IV.

De Paganismo, Manichæismo, Spinosismo & Epicuræismo, 642

FINIS CONSPECTUS.

(Wolffii Theol. Nat. Pars II.)

A a a a a

INDEX

INDEX

RERUM PRÆCIPUARUM,

IN QUO NUMERI PARAGRAPHS DENOTANT.

- A.**
- Absentia** quomodo Deus cognoscat in hypothese Anthropomorphitarum, 590
- Acquiescentia** in seipso quo sensu Deo tribuenda, 248
- Actiones** quatenus Deo tribuendæ, 74
- Actionum** divinarum restitudo, 245
- Actionum** intrinseca moralitas ab atheo admittenda, 500
- Actionum** restitudo humana quænam sit, 744
- Actualitas** rerum a voluntate Dei dependet, 377
- Actualitatis** contingentium ratio sufficiens in mundo, 378
- Actualitatis** creaturarum continua dependentia a Deo, 390
- Acumen** divinum, 109, quale sit, 110. 111. 113
- Æternitas anima** a parte post quænam sit, 54
- Æternitas Dei**, 30, cur mundo, 51, enti finito cuicumque, 52, & anime incommunicabilis, 53, num sit tempus infinitum, 50
- Æternitas mundi** in hypothese athei, 444, & seqq. num atheis num inferat, 447, quomodo atheo spectata reddatur, 495
- Æternitas voluntatis** divinæ, 191
- Affectus** in sensu proprio Deo tributi ab Anthropomorphitis, 609, quo sensu Deo tribuantur, 213
- Amor** quo sensu tribuatur Deo tantam affectus, 238
- Amor creaturarum** Deo tributus, 232
- Amor Dei** erga homines, 233
- Amor sui ipsius** Deo tribuendus, 219
- Anima** cur ex nihilo producendæ, 335
- Anima humana** aliqua cur Deus esse non possit, 60
- Animarum** aseitias destructa, 481
- creatio demonstrata, 338
- contingentia evicta, 319-331
- existentia qualis sit, 334
- ideæ quomodo oriuntur, 97
- notio Spinoziana refutata, 708
- Animarum cognitio** Deo vindicata, 99
- Anima mundi** num in Anthropomorphismo sit Deus, 595
- Animositas** quo sensu Deo tribuatur, 271, cur tribui possit, 272
- Annihilationis** Dei impossibilitas, 31
- Annihilationis mundi** possibilitas, 392
- Anthropomorphismus**, Descriptio, 579
- Anthropomorphismus crassus** quid sit, 579

Index Rerum Præcipuarum.

572. defensio a Rabbiniis, 581. *Atheitas mundi* ab atheo precario as-
591. 597. num cum Gentilismo
necessario connexus, 652. refu-
tatur, 598 599. 600. 601
Anthropomorphismus subtilis quid sit,
580. everlus, 611. 612 *Atheitas mundi, elementorum & ani-*
marum fundamentum atheismi, 495
Anthropomorphismus quinam dicantur,
580. num sint athei, Deistæ, an-
tiscipturarii, 615. quinam sint,
602. refutati, 612. 613 *Atheitatis & contingentia* entis repu-
gnantia, 484
Anthropomorphismus quinam dicantur,
572. num sint athei, Deistæ, an-
tiscipturarii, 614. an Materiali-
stæ, 623. refutati, 601 *Affensus.* Definitio, 420
Antiscipturarius quinam dicatur,
523. num necessario sit irreligio-
narius, 525. num atheus, 527 *Atheismus* tollit obligationem divi-
nam, 539. cum Idealismo non
necessario connexus, 633. nec
cum Deismo, 634. contradictio-
nem involvit, 485. cum Fatalismo
particulari connexus, 531
Appetitus limitatio unde pendeat, 211 *Atheismi* fundamentum, 483
Appetitus sensitivus cur Deo non con-
veniat, 197 *Atheismo practico* quinam sint pro-
pinqui, 503
Ars inveniendi quænam ad divinam
propius accedat, 181 *Atheismus practicus* quomodo ex S. S.
refutandus, 506
Ars inveniendi combinatoria. Defini-
tio, 179 *Athei* qui non sint, 616
Ars inveniendi divina quanta, 178 *Athei* errores, 494
quomodo in Deo concipienda,
178. qualis sit, 180 *Athei theoretici & practici* differentia,
502
Artis characteristica combinatoria
præstantia, 181 *Atheorum argumenta* qualia sint, 488
Atheitas Deo competit, 24. enti fini-
to cuiusque, 480. & mundo re-
pugnat, 482 *Atheus.* Definitio, 411 num voca-
bulum laxiori significato accipien-
dum sit, 432. notionem aliquam
Dei habet, 412. eam pro impos-
sibili, 413. & contradictoria ha-
bet, 414. num ex S. S. refutari
possit, 504. probare tenetur no-
tionem Dei esse contradictoriam,
415. quomodo dubius reddatur
circa existentiam miraculorum &
Aaaa 2 abso-

Index Rerum Principuarum.

absolutam necessitatem, 491.
 quomodo agnoscat existentiam
 mundi non esse absolute necessa-
 riam, 492. quomodo in dubita-
 tionem adducitur de aeternitate
 mundi, 492. quomodo ad co-
 gnitionem Dei certam perducitur,
 496. num actionibus malis
 necessario delectetur, 501. cur
 irreligionarius sit, 515. cur reli-
 gionem omnem pro figmento
 habeat, 513. §16. quando anti-
 scripturarius, 521. qualis sit Fa-
 talista, 531. num sit Deista, 532.
 num Naturalista, 533
Atheus practicus quando ex S. S. re-
 futari possit, 505
Atheus theoreticus quando simul pra-
 cticus, 548
Attributa quibusnam sint compossi-
 bilia, 2. quomodo resistent, 95
Attributi definitio in Spinosismo,
 673. cum essentialibus confusio
 in eodem, 679
Auditus quo sensu Deo tribuatur,
 160
Aversatio quando illimitata, 212
Aversationis limitatio unde pendeat,
 212
Aversatio sensitiva cur Deo conveni-
 re nequeat, 198
Aversatio reprobans quænam dica-
 tur, 221
Avis quo sensu Deo tribuatur, 165

B.

Bonitas summa Deo tribuenda,
 231

Bonitas Dei essentialis, 215. qualis
 & quanta sit, 216
Bonitatis divina immanitas & in-
 comparabilitas, 216
Bonum quid Deo dicatur, 261
Bonum apparet cur a Deo præferri
 nequeat vero, nec minus majori,
 189

C.

Cartesius notatus circa nationem
 possibilitatis, 327. circa origi-
 nem idearum, 281
Casus simpliciter dicti definitio, 460.
 num detur ex parte Dei, num ex
 parte causarum secundarum, 462.
 a Deista admissus, 535
Casus purus ab atheo non necessario
 admittendus, 458. 459
Casus quænam tribuat atheus, 464
Casus tributa num fiant casu puro,
 461
Cerebrum a quibusnam Deo tribua-
 tur, 586
Certitudo iudiciorum divinorum, 133
Chaos quid sit, 401. num mundus
 ex eo produci poterit, 402.
 num in id redigi possit, 402
Claritatis in representando diversitas
 cur in Deo nulla, 86
Celi beatorum notio, 325
Cognitio conditionata Deo vindicata,
 155
Cognitio Dei qualis sit, 89. quod sit
 intuitiva, 104. ab omni opinio-
 ne libera, 150
Cognitio essentialium rerum omnium
 finitarum Deo vindicata, 98
 Cogni-

Index Rerum Præcipuarum.

<i>Cognitio finita incerta</i> quomodo Deo perspecta, 135	<i>Contradictoria</i> cur Deus velle ne- queat, 303
<i>Cognitio singularium</i> qualis in Deo, 105	<i>Contrarietas finium</i> in quo consistat, 305
<i>Cognitio suiipsius</i> cur Deo tribuen- da, 89	<i>Corporum</i> possibilitas intrinseca, 642. realis existentia demonstrata, 644.
<i>Colores</i> cur non sint realitates, 5	notio Spinosiana refutata, 708.
<i>Commercii inter animam & corpus</i> per utriusque naturam possibile evincitur, 643	ortus erroneus juxta Spinosam, 694.
<i>Commissio</i> quo sensu tribuatur Deo, 240. unde sit, 241	<i>Corpus divinum</i> num sit pars mundi juxta Anthropomorphitas, 593
<i>Compossibilia.</i> Definitio, 1. unde cognoscantur, 1. quænam sint, 2. 3. possibilitas absoluta, 4. cur in se spectata possibilia, 4	<i>Corpus terminatum</i> cur Deus esse ne- queat, 59
<i>Compossibilitas</i> realitatum animæ, 69	<i>Creatio</i> num Idealismo repugnet, 618. quod Spinoza frustra impos- sibilitatem demonstrare conatus fuerit, 699
<i>Concursus Dei</i> ad actiones creatura- rum stabiliteus, 394. num Idea- lismo repugnet, 619	<i>Creationis actus</i> in quo consistat, 342. explicatus, 345. quomodo a Mo- se explicetur, 350
<i>Concursus ordinarius.</i> Definitio, 395 <i>miraculosus.</i> Definitio, 395	<i>Creationis finis</i> , 371. Objectum, 379
<i>Confucius</i> laudatur, 508	<i>Creatio mundi</i> non absolute <u>necessa-</u> ria, 355. demonstrata, 344. quan- do per Deismum tollatur, 560
<i>Conservatio creaturarum</i> cui compe- tat, 388. 389. num Idealismo re- pugnet, 619	<i>Creatura</i> num seipsam conservare possit, 388
<i>Conservatio mundi</i> in quo consistat, 391. qualis sit in hypothesi athei, 449	<i>Creaturarum</i> actualitas a potentia & voluntate Dei continuo depen- dens, 390. similitudo cum Deo quanta, 407
<i>Conservatio ordinis nature</i> , 393	<i>Creatoris</i> , conservatoris & guberna- toris universi unitas, 405
<i>Conservatio ordinaria & extraordinaria.</i> Definitio, 396. differentia uberius explicata, 393	<i>Criterionum divinum</i> falsitatis, 147. veritatis, 145
<i>Contingentia</i> malorum physicorum, 386. mali moralis, 390	<i>Cupiditas</i> quo sensu Deo tribuatur, 263
<i>Contingentium actualitatis</i> ratio suffi- ciens in mundo num detur, 378	<i>Cultus Dei.</i> Definitio, 511

Index Rerum Præcipuarum.

D.

Decreta temporaria Dei ab Anthropomorphistis admissa, 603

Decreti divini æternitas, 351. unitas, 387

Deismus. Definitio, 519. cur obligationem divinam tollat, 539. cur non tollat moralitatem actionum, 537. num ferat vitam honestam, 538. cur Naturalismo repugnet, 565. num cum Manichæismo connectatur, 669

Deismi fundamenta quænam sint, 550. 552. 554. 562. eversa, 551. 553. 559. 561. 563

Deista Definitio, 529. num sit atheus, 532. quando fiat atheus practicus, 547. quænam casui tribuat, 535. per errorem rerum vilium curam Deo indignam indicat, 550. 551. quando mundum habeat pro ente necessario, 555. & faciat ens a se, 556. 557. quando creationem neget, 560. cur sit irreligionarius, 564. quando antiscipturarius, 566. quando ex S. S. refutari nequeat, 567. quando sit Fatalista, 571

Deista quinam non sint, 656

Desiderium quo sensu Deo tribuatur, 273

Desperatio cur Deo nullo modo tribui queat, 259

Deus. Definitio, 14. quod illimitatus, 16. immutabilis, 17. infinitus, 18. possibilis, 19. æternus, 20. essentialiter bonus, 215. sum-

me bonus in alios, 231. summè sapiens, 293. ab errore immunis, 136. omnipotens, 353. unus, 406. creator mundi & omnium quæ sunt, 379. 381. conservator, 389. & gubernator universi, 403. spiritus perfectissimus, 186. & necessarius, 192. autor omnis veritatis, 177. summè amabilis, 330. quale sit ens, 22. 23. 33. 35. qualis substantia, 47. quomodo existat, 23. 26. 27. cur existat, 28. cur oriri & interire nequeat, 31. cur annihilari nequeat, 32. an sit modificabilis, 46. quidnam esse non possit 58. & seqq. quomodo sibi omnes mundos possibiles præsentet, 79. & seqq. quomodo se & omnia cognoscat 89. quomodo a se diversa cognoscat, 102. quomodo omnia cognoscat, 104. cur omnia certo cognoscat, 133. & seqq. quod & cur rationem omnium sufficientem perspicat, 140. 141. quod veritatem omnem certo cognoscat, 143. omnia item impossibilia, 149. quomodo possibilia cognoscat, 174. cur sibi metipsum maxime placeat, 204. cur aliud magis placere nequeat, 204. quatenus quid placere debeat, 207. quid displiceat, 208. quomodo seipsum velit, 217. quomodo gaudeat de homine ad meliorem frugem revertente, 219. quomodo tristitia afficiatur ob hominum peccata, 224. cur non arceat gaudium,

Index Rerum Præclararum.

- dium, 215. quomodo velit felicitatem suam, 128. quod velit felicitatem hominum, 235. quod libere eligat optimum, 278. cur agat propter finem, 295. cur non velit simpliciter impossibile, seu contradictoria, 302. 303. qualis sit substantia, 311. cur ex mundo cognosci possit, 366 num mundum hunc facere potuerit aliter, 376. cur ipsi non omnia pateant in hypothefi Anthropomorphitarum, 588. quomodo extra se operetur in eadem, 582. quomodo a Spinoſa deſcribatur, 672. num ſit anima mundi juxta anthropomorphitas, 595. quod corporeus in hypothefi Materialiſtarum, 616. quod auctor mundi in hypothefi Idealistarum, 630
- Deus* vocabulum quod ſit nomen proprium, 409. quod appellativum in Gentiliſmo, 649
- Deum* quinquam in idola convertant, 654
- Deum non exiſtere* demonſtratu impoſſibile, 487
- Dei* diverſitas a mundo & iis, quæ in eo ſunt, 64. a natura rerum, 66. a corporibus, 45. exiſtentia & attributa num in hypothefi Idealistarum demonſtrari poſſint, 627. felicitas quanta ſit, 226. illocalitas, 55. immaterialitas, 39. impaſſibilitas, 75. indiviſibilitas, 41. ingenium, 127. 129. 130. notio in Gentiliſmo, 650. ab atheo pro impoſſibili habetur, 413. primitas, 330
- ultimatio, 33. ſempiternitas, 340 omniſufficientia, 76. ratio qualis, 122. & ſeqq. & quid ſit, 124. ſimplicitas, 35. ſpiritualitas, 185
- Deo* quæ tribui nequeant, 36. 37
- Deorum Gentilium* notiones num a Politicis conſiſtæ, 436
- Dominii divini* notio in Epicuræiſmo, 720
- Dubitatio*. Definitio, 417
- Dubitantium* aſſenſus quando in neutram contradictionis partem propendeat, 419. quando in alterutram, 420. 421
- Dubitans de Deo* quando in atheiſinum, quando in veritatem proclivior, 425. 426. cur aliquam Dei notionem habere debeat, 422. quando ad atheiſinum & veritatem indifferens, 424
- Dubitans de exiſtentia Dei* num tollat notitiam moralitatis, 509. & vitæ honeſtatem, 510. quod de veritate religionis dubitet, 518. num ſit atheus, 423. quando in atheiſinum præcticum facile incidat, 549
- Dubitantium de religione* diverſitas, 519
- Dubitatio de religione* ob dubitationem de exiſtentia Dei quomodo tollatur, 520
- E.**
- Effectus caſuales*. Definitio, 460. quinquam fortunæ tribuantur, 465
- Elementa rerum materialium* cur Deus eſſe

Index Rerum Principuarum.

- esse nequeant, 62. quales sint substantiæ, 314. quod cuique mundo propria sint, 318. cur ex nihilo producenda, 315
- Elementorum* aëritas destructa, 481. cognitio Deo vindicata, 99. combinatio necessaria ad mundum constituendum, 316. contingentia, 319. 331. existentia qualis sit, 334
- Ens continens rationem sufficientem existentia universi* quale esse debeat, 382
- Ens finitum* cur a se esse non possit, 480
- Ens perfectissimum*. Definitio, 6. cur sit illimitatum, 7. 8. immutabile, 9. infinitum, 10
- Entia* quænam ad hunc mundum adspectabilem pertineant, 63
- Entis a se*. Definitio in Spinozismo, 675
- Entis compositi* contingentia, 333
- Entis finiti* contingentia independentem a Deo demonstrata, 130
- Entis perfectissimi* possibilitas, 13. 100. ratio ab atheo admittenda, 435
- Epicuræi* quomodo actiones suas determinent, 718
- Epicuræismus*. Definitio, 717. refutatus, 722
- Error* cur non cadat in Deum, 136. quomodo in cognitione intuitiva admittatur, 137
- Essentialia* quod sint compossibilia, 2
- Essentiarum* independentia a voluntate Dei, 282. ortus, 94
- Ethica* qualis in hypothesi Idealistarum, 637. in Gentilismo subsistit, 659
- Eventus* in mundo necessarii in hypothesi athei, 454
- Existentia contingens* num sit realitas, 20
- Existentia Dei* demonstrata, 21. qualis sit, 29. quod eidem essentialis, 27
- Existentia necessaria* num sit gradus absolute summi, 20. num sit realitas, 20
- Existentia rerum* ratio sufficiens, 349. 350
- Existentia universi* hujus ratio sufficiens in Deo, 380
- Extensio* cur Deo repugnet, 38. cur eidem tributa Materialismum invehat, 622. num attributum Dei esse possit in sensu Spinozæ, 691. quod ab eo perperam pro realitate habeatur, 689. Deoque tribuatur, 692
- Extensionis* notio qualis facit Spinozæ, 688. 690. infinitudo ab eodem non probata, 692

F.

- Facultates animæ* quatenus Deo tribuendæ, 78
- Facultas cognoscendi inferior* quomodo prodeat, 172. quatenus Deo tribuenda, 168
- Falsitatis* criterium divinum, 147
- Fasidium* cur Deo tribui non possit, 275
- Favor*

Index Rerum. Precipuarum.

qualis in hypothesi Anthropomorphistarum, 604

H.

Hilaritas quod Deo tribui nequeat, 274

Historica cognitio omnis Deo vindicata, 108

Hobbesius fuit Fatalista, 518

Homo aliquis cur esse nequeat Dens, 61

Horror cur Deo tribui nequeat, 269

I.

Idea omnes per principia contradictionis & rationis sufficientis explicantur,

Idearum immutabilitas & necessitas, 375. independentia a libertate voluntatis divinae, 281. ortus in Deo juxta Anthropomorphistas, 607

Idea corporum quomodo oriuntur, 100

Idearum divinarum amplitudo, 175

Idea materiales rerum sensibilium a quibusnam Deo tribuantur, 587

Idea omnium mundorum possibilium quomodo dentur in Deo, 100

Idea mundi sensibilis unde oriatur, 101

Idearum rerum omnium ortus, 94 & seqq.

Idealismus eversus, 615. num noceat philosophiæ, 639

Idealista phaenomena & eorum a se invicem dependentiam admittunt, 624. num necessario sint athei, 633. vel Deiste, 634. num irreligionarii, 640. num antiscipituarii, 641

Idolum. Definitio, 653

Ignorans simpliciter Deum num sit atheus, 427. num actionibus bonis studere & a malis abhorrere possit, 508. num sit irreligionarius, 515. religionem simpliciter ignorat, 517. num de existentia Dei dubitare possit, 431. num sit Deista, vel Naturalista, 534. obligationem divinam simpliciter ignorat, 540. quod nullam Dei notionem habeat, 428

Ignorantia simplex Dei cur notitiam moralitatis non tollat, 507. num sit atheismus, 427. num possibilis, 429

Illocalitas Dei, 55

Illocalitas praesentiae divinae, 57

Imaginatio quo sensu Deo tribuenda, 167. a quibusnam proprie sic dicta eidem tribuatur, 589

Immaterialitas Dei, 39

Immutabilitas bonitatis essentialis divinae, 216

Dei, 17

entis perfectissimi, 9

idearum, 375

voluntatis divinae, 308

Impossibilitas Dei, 75

Imper-

Index Rerum Præcipuarum.

<i>Imperscrutabilitas</i> sapientiæ divinæ,	<i>Intellectus</i> humani dissimilitudo a di-
301	vino, 105
<i>Impossibile simpliciter</i> cur velle nequeat	<i>Intellectus</i> ilimitatus qualis sit, 120
Dens, 302	<i>Intellectus summus</i> Deo vindicatus,
<i>Impossibilitas</i> atheisticæ hypotheseos,	113. qualis sit, 114. <u>quid</u> sit, 115.
480	cur summe perfectus, 116
<i>Impossibilia</i> cognitio Deo vindicata,	<i>Interitus</i> Dei impossibilitas, 31
149	<i>Invidia</i> cur Deo repugnet, 248
<i>Incertitudo</i> cur in Deum non cadat,	<i>Ira</i> quo sensu Deo tribuatur, 276
134	in sensu proprio tributa ab Anthro-
<i>Incommunicabilitas</i> æternitatis divi-	pomorphis. 610
næ, 51. & sqq.	<i>Irreligionarii</i> . Definitio, 514. quan-
<i>Incomparabilitas</i> bonitatis essentialis	do antiscripturarii, 526. quinam
divinæ, 216	sint, 515. 564
<i>Independencia</i> Dei, 25. quoad con-	<i>Irrisio</i> quo sensu Deo tribuatur,
servationem, 77	243
<i>Indivisibilitas</i> Dei, 41	<i>Judicia</i> Dei qualia sint, 132. 133
<i>Indulgentia</i> Dei falso ab Epicuræis af-	<i>Jus naturæ</i> cum Idealismo, 637.
serta, 721	cum Gentilismo subsistit, 659
<i>Infelicitas</i> hominum objectum no-	
luntatis divinæ, 236. cur Deo tri-	
bui nequeat, 237	
<i>Inferni</i> notio, 325	
<i>Infinitudo</i> Dei, 18	
entis perfectissimi, 10	
intellectus divini, 118	
substantiæ omnis a Spinoza	
non demonstrata, 702. de-	
structa, 703	
<i>Ingenium</i> quale Deo competat, 127	
<i>Intitium existendi</i> in Deo nullum, 29	
<i>Intellectus</i> divini notio quomodo	
prodeat, 121. infinitudo, 148	
profunditas, 119. independencia	
a voluntate, 281	

L.

<i>Latitia</i> Dei de seipso, 220
<i>Leges</i> motus necessariæ in hypo-
theti athei, 453
<i>Libertas anime</i> cum atheismo subsi-
stere potest, 456. sublata tollit o-
bligationem divinam, 543
<i>Libertas Dei</i> in creando, 354. non
insluit in ideas rerum & veritates
universales, 281
<i>Libertas summa</i> voluntatis divinæ,
277
<i>Licentia vivendi</i> Epicuræorum refu-
tata, 719

Index Rerum Præcipuarum.

- Limitatio* appetitus unde pendeat, 211. *averſationis* unde pendeat, 212
- Limitationum* differentia, 197
- Limitum* remotio a Deo, 16. ab ente perfectiſſimo, 8. ab intellectu divino. 117. a potentia divina, 346. a voluntate divina, 188
- Logica* cum Idealismo ſubſiſtit, 638
- M
- M***anichei* quinam dicantur, 661
- Manichæiſmus*. Deſinitio, 660. everſus, 665
- Manichæiſmi* fundamentum, 662. fundamentum ſubverſum, 664. nexus cum Deismo, 669. nexus cum Fatalismo, 670
- Magnitudine* cur careat Deus, 43
- Mahum* cur diſpliceat Deo quoad ipſum, 265. quod velle nequeat, 266. cur non ſit ſuiſ a Deo intentus, 297. *quid* quoad Deum dici poſſit, 264
- Mali inexiſtentia in mundo* num pugnet cum ejus dependentia a Deo in actu, 497
- Mali principium* a Deo independens in Manichæiſmo. 663
- Mali metaphyſici* origo, 282. abſoluta neceſſitas, 283. neceſſitas in quolibet mundo, 284
- Malum morale* quomodo inſit mundi ideæ, 292
- Mali moralis* poſſibilitas unde, 289. contingentia, 290. hypothetica neceſſitas, 291. inexiſtentia in mundo ſanctitati Dei num adverſa, 498. permiſſio num ſanctitati Dei repugnet, 664
- Mala phyſica* unde oriantur, 285. cur ſint contingentia, 286. hypothetice neceſſaria, 287
- Mala phyſica & moralia* in hoc mundo num repugnent ſapientiæ divinæ, 385. num bonitati, 386. num ab hoc mundo abeſſe poterint, 384. num pugnent cum ſapientia & bonitate Dei ſumma, 499. num cum perfectione Dei ſumma, 664
- Materia inexiſtendo independentia* deſtructa, 666. quinam errores ex ea ſequantur, 667
- Materialiſmus* ad Deum extenſus exploditur, 621
- Materialiſta* num ſit atheus, 620. num anthropomorphita, 617. quando in anthropomorphiſmum craſſum incidat, 618. 619
- Mathematica cognitio* Deo vindicta, 108
- Media divina* qualia ſint, 299. 300
- Memoria* quomodo Deo tribuenda, 169
- Metus* cur Deo repugnet, 287
- Miraculorum impoſſibilia* in hypothetiæthei, 450. quomodo atheus de ea dubius reddatur. 491. a Spinoſa falſo aſſerta, 713
- Modus* a Spinoſa male deſinitur, 681. a quibusnam Deo in ſenſu proprio tribuatur, 521
- Modi*

Index Rerum Precipuarum.

- Modi* quibusnam compossibiles, 3.
 quomodo quoad potentiam re-
 sultent, 95
Molestia quo sensu Deo tribuenda,
206. cur in Deum non cadat, 205
Moralitas actionum intrinseca ab a-
 theis, 500. Deistis, 537. Idealistis
 admittenda. 636. num per Gen-
 tilismum tollatur, 658
Motivum voluntatis divinae, 124
 voluntatis divinae, 123
Motus cur Deo repugnet, 56
Mundus cur Deus esse nequeat, 58.
 cur corpus Dei esse nequeat in
 hypothesi Anthropomorphita-
 rum, 594. cur malo metaphysico
 carere nequeat, 284. cur qui-
 libet propria habeat elementa, 318.
 cur ex nihilo producendus, 336.
 cur a Deo nullus produci potue-
 rit, 355. a Deo creatus, 344.
 an cum decreto creationis coepe-
 rit, 352. quomodo desinere pos-
 sit, 400. num in chaos redigi
 possit, 402. num ex eo produci
 potuerit, 402. cur sit signum per-
 fectionis divinae, 367. qualis sit
 per sapientiam Dei, 359. num
 in relatione ad Deum sit bonus,
368 an a Deo aliter fieri potue-
 rit, 376. an sine malis fieri po-
 tuerit, 384. quale sit ens in hy-
 pothesi athei, 437. 442. quomo-
 do in ea subsistat, 448
Mundus optimus a Deo creatus, 357.
 quidam optimus in se, 163.
 quidam in relatione ad Deum,
365
Mundus possibilis omnis a Deo creati
 potest, 341. in Deo quomodo re-
 praesentetur, 79 & seqq.
Mundi aeternitas in hypothesi athei,
444 & seqq.
aseitas destructa, 482. quem
 habeat effectum quoad a-
 theum, 495
conservatio in quo consistat,
391. qualis in hypothesi
 athei, 419
contingentia demonstrata,
332
dependentia ab elementis,
319
existentia qualis sit, 334.
 qualem defendat atheus,
459. cur rationem suffi-
 cientem in solo Deo ve-
 ro habeat, 383
idea in intellectu divino
 qualis sit, 326
independentia ab atheo de-
 tensa, 439
opt. mi in se & in relatio-
 ne ad Deum identitas,
372
notio a priori demonstrata,
317. *ortus*, 337
ortus & interitus impossibili-
 tas in hypothesi athei,
443

Index Rerum Præcipuarum.

Mundi ideam nudam Deo relinquens cur sit Deista, 354

Mundi adspectabilis electio ex pluribus possibilibus, 356. summa perfectio, quæ in mundum cadit, 364. prærogativa præ cæteris, 369

Mundi materialis notio quænam sit Idealistis, 624

Mundi ordo. Definitio, 320. unde sit, 321. quod ab elementis dependeat, 321. quomodo factus, 343

N.

Natura cur Deus non sit, 67. quale ens non sit, 68

Naturæ ordo unde sit, 321. quod pendeat ab elementis, 322. quomodo factus a Deo, 343. cur in hypothesi athei necessarius. 451

Naturalismus cur Deismo repugnet, 565 quomodo refutandus, 576

Naturalista. Definitio, 530. num sit atheus, 533. num irreligionarius, 568. quando antiscripturarius, 569. quem errorem foveat, 578

Necessitas idearum, 375

Necessitas absoluta legum motus in hypothesi athei, 453. eventuum in mundo in eadem, 454. repræsentationis omnium in Deo, 83. 84. quomodo atheo dubia reddatur, 491

Necessitas hypothetica mali metaphysici, 387. mali moralis, 391

Necessitas moralis Scholasticorum quid sit, 391

Nervi sensorii a quibusdam Deo tribuantur, 586

Nexus coexistentium & successivorum in mundo, 315

Nexus necessarius inter ordinem naturæ & mundi, 323

Nexus rerum stabilit fines in universo, 373. relatio inde resultans ad universi finem, 374

Nexus rerum necessitas absoluta in hypothesi athei, 455

Noluntas divina cur unicus actus, 195

Noluntatis divina æternitas, 196. motivum. 194. notio quomodo prodeat, 218

Noluntas reprobens. Definitio, 321. qualem voluntatem involvat, 323

Nomen proprium. Definitio, 403

Notio Dei num nulla homini esse possit, 419. quomodo formata juxta atheos, 433. quod atheus eam esse contradictoriam demonstrare nequeat, 416. quod rejici nequeat, quia per determinationem arbitrariam formata, 434. num sit conficta a Politicis, 436

Notio entis perfectissimi ab atheo admitenda, 435

O.

Obligatio divina per atheismum & Deismum sublata, 539. per Spinozismum sublata, 715. a quibus

Index Rerum Præcipuarum.

bus ignoretur, 540. a quibusnam
in dubitationem adducatur, 541.
542. a quibus negetur, 539. 543.
544
Oblivio cur in Deum non cadat, 170
Oculus quo sensu Deo tribuatur, 164
Odium quo sensu Deo tribuatur, 239
Odium iniquitatis quo sensu in sacris
de Deo prædicetur, 239
Omnipotentia Dei demonstrata, 353
Omnisufficientia Dei demonstrata,
76
Ontologia in hypothese Idealistarum
subsistit, 638
Operatio mentis prima & secunda cur
Deo tribuenda, 131. tertia cur
tribui nequeat, 131
Opinio a cognitione Dei remota, 150
Opiniones eorum finitorum Deo
perspectæ, 151. 152
Optimi electio in Deo libera, 278
Optimum quid Deo dici possit, 261.
cur Deus velit, nos non semper
velimus, 185
Ordo mundi. Definitio, 320. unde
sit, 311. ab elementis dependens,
322. quomodo factus, 343
Ordo naturæ unde sit, 321. quo-
modo ab elementis dependeat,
322. quomodo factus, 343. quo-
modo conservetur, 392
Ordinis naturæ necessitas in hypothe-
si athei, 451. num asserta athei-
smum inferat, 452. quomodo a-
theo suspecta reddatur, 493
Organa corporea Deo non tribuenda,
40

Organa sensoria quomodo Deo tri-
buenda, 162. 163. a quibusnam
Deo in sensu proprio tribuantur,
581
Origo idearum seu essentiarum in an-
thropomorphismo subtili, 606
Ortus Dei impossibilitas, 31

P.

Paganus. Definitio, 647
Paganismus. Definitio, 646
Possibilitas Dei in hypothese Anthro-
pomorphitarum, 585
Pedes quinam in sensu proprio tri-
buant Deo, 591
Perfectio summa intellectus divini, 116
Perfectio omnis cognitio intuitiva
Deo asserta, 199
Perpetua miracula ab anthropomor-
phistis admissa in rerum natura,
605
Phænomeni a realitate differentia, 5.
cur non semper adeo facile pateat,
5
Philosophica cognitio omnis Deo vin-
dicata, 108
Philosophia per Idealismum minime
immutata, 639
Physica qualis in hypothese Idealista-
rum, 625
Physici cur in fictiones inciderint,
101
Penitentia quo sensu Deo tribuatur,
249. qualis sit, 250. a quibus-
nam Deo in sensu proprio tri-
buatur, 249
Poire-

Index Rerum Præcipuarum.

<i>Poietus</i> notatur,	92	quanta sit, 339. quodnam ejus ob-	
<i>Politica</i> qualis in hypothesi Idealista-		jectum,	340. 341
rum, 637. in Gentilismo substitit,		<i>Potentia miraculosa</i> Deo vindicata,	
	659		348
<i>Possibile</i> quidnam sit, 327. quod non		<i>Potentia Productrix</i> Deo competens	
sit, 328. cur omne a Deo neces-		juxta Spinosam,	695
sario cognoscatur,	103	<i>Prædicati cum subjecto repugnantia</i>	
<i>Possibilium</i> differentia, 85. cur De-		cur Deo perspecta,	146
us omnium sibi sit conscius, 86		<i>Prædicati per notionem subjecti deter-</i>	
<i>Possibilia derivativa</i> quænam sint. 85		minabilitas cur Deo in casu omni	
<i>Possibilia in se spectata</i> quomodo in		perspecta,	144
sint intellectui divino, 324		<i>Præcibilitas</i> omnium Deo vindica-	
<i>Possibilia in systemata reducta</i> quomo-		ta,	156
do insint intellectui divino, 325		<i>Præscientia</i> omnium Deo vindica-	
<i>Possibilia prima</i> quænam sint, 87 qua-		ta,	156
lia sint, 88. quomodo a Deo co-		<i>Præsentia in mundo</i> quomodo Deus	
gnoscantur,	90	cognoscat juxta anthropomorphi-	
<i>Possibilia primitiva</i> . Definitio, 85		tas, 582. 584	
<i>Possibilia primitiva prima</i> . Definitio,		<i>Præsentium</i> omnium cognitio Deo	
85		vindicata,	157
<i>Possibilia primitiva secunda</i> seu a pri-		<i>Præsentia Dei</i> qualis non sit, 57	
mis orta. Definitio, 85. quænam		qualis sit juxta anthropomorphi-	
sint, 91. quomodo a Deo cognos-		tas, 596. 597. cur localis Deo re-	
cantur,	92	pugnet,	57
<i>Possibilitas</i> Dei, 19		<i>Præterita</i> quomodo Deus cognoscat	
<i>Possibilitas</i> omnium a Deo, 174		in hypothesi anthropomorphita-	
<i>Possibilitas intrinseca & extrinseca</i>		rum,	590
corporum demonstrata, 642		<i>Præteritorum recordatio</i> Deo tributa,	
<i>Possibilitas rerum</i> cur in disciplinis in-			166
dependentem a Deo demonstre-		<i>Primitas</i> Dei	33
tur,	174	<i>Principia heuristicæ</i> Dei, 182. cur ea	
<i>Possibilitatis</i> independentia a libera		nobis non sufficiant,	184
voluntate Dei, 279		<i>Principia heuristicæ</i> Theologiæ na-	
<i>Potentia</i> Dei illimitata, 346		turalis, 37. 70. 78	
<i>Potentia divina</i> objectum, 347		<i>Principia idearum</i> in intellectu divi-	
<i>Potentia creatrix</i> Deo vindicata, 338		no,	175
		<i>Prin-</i>	

Index Rerum Præcipuarum.

<i>Principia Spinosissimi</i> qualia sint, 687	<i>Psychologia</i> qualis in hypothesi <i>Idea-</i>
<i>Principiorum contradictionis</i> <i>Eratio-</i>	<i>listarum</i> , 616
<i>nis sufficientis</i> sufficientia, 173	<i>Pudor</i> cur Deo repugnet, 252
cur naturæ intellectus utrumque	<i>Puſillanimitas</i> cur Deo tribui ne-
conueniens, 173. eorum præ-	queat, 270
stantia, 182	
<i>Probabilis cognitio</i> cur a Deo remo-	R.
venda, 138. quomodo ea, quæ	R <i>Atio summa</i> Deo vindicata, 122
entibus finitis est, eidem perspe-	qualis sit, 123. quid sit, 124
cta, 139	<i>Ratio ſufficiens</i> omnium cur Deo
<i>Profunditas</i> intellectus divini, 119	perſpecta, 130. eorum, quæ ſi-
<i>Progreſſus in infinitum</i> ab atheo ad-	unt in mundo juxta archæum, 440.
mittendus, 467	exiſtentia mundi juxta eundem,
<i>Progreſſus circularis in infinitum</i> ha-	241
bere debet aliquod revolutionum	<i>Realitas</i> . Definitio, 5. cui opponatur,
principium, 474	5. quomodo a phænomeno diffe-
<i>Progreſſus circularis in infinitum de-</i>	rat, 5
<i>pendens & independens</i> quomodo	<i>Realitas absolute ſumma</i> num poſſibi-
differat, 475	lis, 12
<i>Progreſſus circularis in infinitum in-</i>	<i>Realitates</i> quales ſiſint Deo, 15.
<i>dependens</i> hypotheſi athei confor-	quales Deo tribuantur in Genti-
mis, 478. qualem agnoſcat ſta-	liſino, 651
tum ultimum, 476. quod ſit im-	<i>Realitates anime</i> quales, 69. qua-
poſſibilis, 479	tenus Deo tribuantur, 70
<i>Progreſſus in infinitum rectilineus</i>	<i>Realitatis</i> gradus absolute ſummus
qualis ſit, 468	qualis, 11
<i>Progreſſus in infinitum rectilineus a</i>	<i>Realitatis infinita</i> notio ſpinofiana
<i>parte ante & a parte poſt</i> quomodo	exploſa, 706
differat, 469	<i>Realitatum omnium inexiſtentia</i> Deo
<i>Progreſſus in infinitum rectilinei a par-</i>	vindicata, 93
<i>te poſt poſſibilitas</i> , 470	<i>Reſtitutio actionum divinarum</i> , 245.
<i>Providentia divina</i> demonſtrata, 404.	ejus univerſalitas, 246
ab atheo neganda, 463. ab <i>Idea-</i>	<i>Reſtitutio actionum ſumma</i> quænam
<i>liſtis</i> non neganda, 632. qualis ſit	ſit, 244
in anthropomorphiſmo ſubtili,	
602	

(*Wolfii Theol. Nat. Pars II.*)

C c c c c

Redi-

Index Rerum Principiarum,

<i>Reditus eorundem in progressu circu-</i>	<i>Simplicitas Dei,</i>	35
<i>culari,</i>	<i>Simplicitas substantiarum primaria-</i>	
471	<i>rum omnium a priori demonstra-</i>	
<i>Religio. Definitio,</i>	<i>ta,</i>	313
512	<i>Singularium omnium cognitio Deo</i>	
<i>Religio naturalis. Definitio, § 12. ejus</i>	<i>vindicata,</i>	105
habitus ad revelatam,	<i>Sors aqua bonorum & malorum quoad</i>	
577	<i>mala physica num repugnet sa-</i>	
<i>Religio revelata. Definitio,</i>	<i>pienitiæ & bonitati divinæ,</i>	552.
512		553
<i>Reminiscentiæ cur Deo repugnet,</i>	<i>Spatium cur Deus non impleat,</i>	44
171	<i>Spes quo sensu Deo tribuatur,</i>	255.
<i>Requisita ad veritatem Deo perspecta,</i>	<i>quænam sperare dici nequeat,</i>	256.
142		
<i>Rerum cogitantium notio spinosiana</i>	<i>Spinoza fuit fatalista, § 18. ejus vita,</i>	671
<i>refutata,</i>	<i>Spinosismus. Definitio, 671. quibus</i>	
707	<i>principiis nitatur, 687. cum a-</i>	
<i>Rerum vilium cura cur Deo non in-</i>	<i>theismo confertur, 716. everti-</i>	
digna,	<i>tur,</i>	711
551	<i>Spinosista quinam dicendus, 678. cur</i>	
<i>Revolutionum dependentia mutua in</i>	<i>sit irreligionarius,</i>	714
<i>progressu circulari independente</i>	<i>Spiritualitas Dei demonstrata,</i>	186
<i>in infinitum,</i>	<i>Spiritus perfectissimus quinam sit,</i>	186
477	<i>Statum successio cur in Deo non de-</i>	
<i>Revolutionum necessitas in progressu</i>	<i>tur,</i>	48
<i>circulari in infinitum,</i>	<i>Substantialitas Dei,</i>	47
473	<i>Substantia definitio in Spinosismo,</i>	
	<i>674. 681. 683. 684. aleitas a Spi-</i>	
	<i>noza non demonstrata, 700. infi-</i>	
	<i>nitudo in genere a Spinoza non</i>	
	<i>demonstrata, 702. eadem destru-</i>	
	<i>cta, 703. unitas a Spinoza non</i>	
	<i>demonstrata, 704. eadem destru-</i>	
	<i>cta,</i>	705
	<i>Sub-</i>	

S.

<i>Sanctitas Dei summa,</i>	247
<i>Sapientia Dei quanta, 293. in</i>	
<i>quo consistat, 294. cur imper-</i>	
<i>scrutabilis,</i>	308
<i>Scientia quænam & quanta Deo com-</i>	
<i>petat,</i>	153
<i>Scientia singularium & universalium</i>	
<i>quomodo Deo competat,</i>	154
<i>Sempiternitas Dei,</i>	34
<i>Sensus quatenus Deo tribui possunt,</i>	
<i>§ 13. 159. a quibusnam in signifi-</i>	
<i>cata proprio Deo tribuantur,</i>	383
<i>Similitudo creaturarum cum Deo</i>	
<i>quanta,</i>	407

Index Rerum Principiarum.

<i>Substantiarum plurium possibilitas demonstrata,</i>	698
<i>impossibilitas a Spinoza demonstrata,</i>	697
<i>Substantia limitata quænam sint,</i>	312
<i>Substantia prima. Definitio,</i>	310.
<i>quænam sit,</i>	311
<i>Substantia primaria. Definitio,</i>	310
<i>quænam primariæ sint,</i>	312
<i>Substantia secundæ. Definitio,</i>	310
<i>Substantia Secundaria. Definitio,</i>	310.
<i>quænam sint,</i>	312
<i>Substantia simplices quomodo, a Deo cognoscantur,</i>	98
<i>Substantiarum simplicium finitarum contingentia,</i>	329
<i>Substantiarum simplicium idea quomodo oriantur, 309. in singulari quomodo resistent,</i>	96

T.

<i>Tadium cur in Deum non cadat,</i>	205.
<i>quo sensu Deo tribuendum,</i>	206
<i>Tempus cur non existat Deo solo existente,</i>	49
<i>Terror cur Deo tribui nequeat,</i>	160
<i>Theologia naturalis qualis cum Idealismo consistat,</i>	635
<i>Theoria omnes Deo perspectæ,</i>	126
<i>D. Thomas quibus armis causam Dei defendat,</i>	497
<i>Timor cur Deo nullo modo tribui queat,</i>	258
<i>Tristitia qualem aversionem in-</i>	

volvas, 223. quo sensu Deo tribuatur, 224. cur in Deo non appareat gaudium,

V.

<i>Vacillatio animi cur Deo tribui nequeat,</i>	268
<i>Veritas a Deo certo cognita,</i>	143
<i>Veritas religionis naturalis unde demonstreretur,</i>	521
<i>revelata unde demonstreretur,</i>	522
<i>Veritates omnes in ideis divinis contentæ,</i>	176
<i>Veritatis criterium divinum,</i>	145
<i>omnis autor Deus,</i>	177
<i>Veritatis propositionis negativæ criterium divinum,</i>	148
<i>Veritatum universalium independentia a libertate voluntatis divinæ,</i>	281
<i>Vis quomodo Deo insit,</i>	73
<i>Vis motrix, qualis in corporibus, cur Deo repugnet,</i>	65
<i>Vir universi representativa qualis sit in Deo, 71. qualis actus,</i>	72
<i>Virus quid denotet in Deo,</i>	261.
<i>quomodo Deo tribuatur,</i>	160
<i>Ultimatio Dei,</i>	33
<i>Universalium omnium cognitio Deo vindicata,</i>	106. 107
<i>Universalium dependentia a se invicem Deo perspectæ,</i>	225
<i>Unitas Dei evicta,</i>	406
<i>creationis, conservationis & gubernationis universi,</i>	405
<i>Um.</i>	

Index Rerum Præcipuarum.

<i>Unitas decreti divini,</i>	387	<i>Voluntatis divine æternitas,</i>	191.	
<i>Unitus mundi idea in Deo a quibus-</i>		immutabilitas,	208. libertas sum-	
nam ponatur,	608	ma,	277. motivum,	193. notio
<i>Universum totum cur Deus videat in</i>		quomodo prodeat,	209	
qualibet parte,	183	<i>Voluptas Dei ex felicitate hominum,</i>		
<i>Voluntas quando illuminata,</i>	211.		234	
quænam Deo competat,	184. in	<i>Voluptas summa Deo vindicata,</i>	200.	
quodnam tendat,	185	qualis sit,	201	
<i>Voluntas approbans. Definitio,</i>	214	<i>Voluptatis divine constantia,</i>	202	
<i>Voluntas divina cur illimitata.</i>	188.			
cur unicus actus,	190			

Finis Indicis.



